

E. XV. e 7569/B


18


CHESNAU, Nicolas.
Observationum libri quinque
etc. Leyden 1743


medicina

libri quinque

Photina











ILLUSTRISSIMO
AC REVERENDISSIMO
ECCLESIAE PRINCIPI D. D.
BERNARDO DE SARIAC,
EPISCOPO
ET DOMINO ADURENSI,
ET SANCTÆ QUITERIAE DU MAZ,
Regi à Consiliis, Abbati Loci-Dei, & Scalæ Dei, ejus-
demque loci de Sariac Baroni inclyto, nec non
aliorum locorum Domino.



EDICINA, quæ omnibus prodesse cupit, Anti-
stes illustrissime, cum particularium in pri-
mis sit scientia; ex partibus, quibus ipsa dua-
bus componitur, praxim maxime ea respicit,
quam quidem, licet nexu indissolubili, scien-
tiæ junctam esse oporteat, ut ipsæ sibi mutuum

ferant auxilium: Praxis tamen pars est, quæ scientiam sta-
bilire solet; multa enim, ut ait quidam ex nostris, solita-

E P I S T O L A.

taria meditatio adinvenit, quæ experientia coarguit: Qui fit, ut communi feratur adagio, praxim scientia longe præstare. Licet autem Galenus asserat, inventionem remediorum, quæ ex sola demonstratione fit, in his quæ raro contingunt, experientia longe præstare, multo magis, & majori jure, affirmare quis poterit, in his quæ sæpe contingunt, remedia longa experientia confirmata, noviter inventis esse securiora, & præstantiora. Verum quidem est, duplicem in Medicina esse scientiam: unam quæ ad Logicam tantum, & Disputationes pertinet; alteram vero quæ ad Artis opera conducit, quæ medentibus est maxime necessaria, & sine qua multoties cæcutiret experientia; ita ut quis ea carens, Empiricus potius, quam Medicus dicendus esset: Hæc est praxis quæ ratione ducitur, qua Medicarum libri observationum replentur: Haec est praxis, quæ viam non tantum ostendit; sed quæ in therapia nos manu ducit: Nihil tam saluti aegrotantium conducibile, quos curandos suscipimus, quam ejusmodi morborum enarrationes, in quibus tanquam in tabella, videmus eorum affectus, & curationes descripta. Ego quidem ingenue fateor, nihil mihi magis gratum fuisse, & magis utile Medicinæ, ab eo tempore, quo in artis operibus versatus sum, ipsis observationibus medicis. Quapropter, multo rerum usu jam senex edoctus, pergratum posteritati me facturum arbitratus sum, sicut & nobis majores nostri præstiterunt, si eorum exemplo, talia conscriberem. Hac ideo impulsus consideratione; & multo magis ut haberem ali-

quid,

DEDICATORIA.

quid, Antistes illustrissime, tibi offerendum, totis viribus incubui, ad opus perficiendum: Quod licet tanquam fumus, & vapor quidam existat, terrae exemplo, quae ex omnibus acceptis à corporibus caelestibus, nihil aliud habens, vapores, & fumos remittit, in gratiam accepti beneficii; quia haec eos non dedignantur, similiter te facturum non dubito, munusculum amice, & benevole accipiendo, quod in gratiam tuae erga se benevolentiae, offert, & dicat tibi,

ANTISTES ILLUSTRISIME,

Servus tuus ad omnia tibi
addictissimus,

NICOLAUS CHESNEAU D. M.

A U C T O R

LECTORI BENEVOLO.



EX susceptis liberis, cum Dominus reliquisset mihi tantum natu majorem, quasi senectutis solatium futurum: cum latinis literis egregie incumbentem, Medicinæ destinaveram, & in ejus gratiam, librum hunc Observationum, mihi venerat in mentem conscribere, ut in eo plurimorum morborum notitiam, cum remediis, à me longo usu comprobatis inveniret, experientia edoctus, quantus sit labor, & quantum temporis infumendum, antequam doctrinæ præcepta, cum his quæ praxis edocet rite jungantur: Sed homo proponit, Deus disponit: Cum enim philosophiæ operam daturus esset, sibi consulens, reliquit seculum, monasticam vitam amplexus; sic orbis, quæ mihi in mentem venerant, eludens, librum jam inceptum deposueram, non amplius videndum, nec quidquam in eo scripturus: Sed postea quiescente animo, & Dei nutum sequutus, consulto cœpi cogitare, non esse propterea ab inceptis desistendum; sed in gratiam Reipublicæ operi jam inchoato extremam manum esse adhibendam: Mihi multoties pergratum fuisse, apud Auctores aliquid ab ipsis comprobatum invenisse, quorum vestigia mihi erant insequenda, ut posteritati etiam pergamum facerem, saltem tyronibus, & Medicinam noviter factitantibus, eo quod exempla melius doceant, ipsa doctrina: Quapropter observationum libri, eis maxime sunt utiles; imo & iis qui in arte jam senuerunt, aliquid enim semper novi senescentes experimur; quod si notatu dignum fuerit, & posteritati fructuosum, ad salutem ægrotantium, non est tanquam arcanum apud nos servandum, quousque

LECTORI

usque nobiscum commoriatur; hoc enim esset contra charitatis præceptum, & contra naturæ leges, quæ vult ut proximis faciamus, quæ nobis fieri desideramus. Quisque igitur pro viribus suis debet se Reipublicæ utilem præbere; alius in arte medica; alius in legibus ferendis, & in causis actitandis; aut secundum aliam artem quam proficitur, nec talentum suum in terram defodere. Iis rite perpenſis, iterum ad opus rediî perficiendum, utilitatis publicæ gratia, cui tandem, Deo annuente, finem imposuimus: Quod si altiore doctrinam scribendi ratio non redolet, parcant eruditi in arte; quisque agit pro facultatibus à natura comparatis: Dummodo tyronibus non videatur inutile, satis erit pro mercede nostra, Vale.



INDEX CAPITUM

Et Observationum , quæ continentur in Ope-
re Nicolai Chesneau Massiliensis,
Doctoris Medici.

LIBER PRIMUS.

CAPUT. I.	D E doloribus capitis.	Pag. 1
II.	D E catharris, seu fluxionibus.	17
III.	De affectibus soporem inducentibus.	62
IV.	De Epilepsia.	84
V.	De Paralyfi.	102
VI.	De spasmo seu convulsione.	112

LIBER SECUNDUS.

CAPUT. I.	D E spirandi difficultate.	127
II.	D E fluxione in pulmones delabente, febrem conti- nuam & acutam comitem habente.	143
III.	De Pleuritide.	158
IV.	De Phtisi.	171

LIBER TERTIUS.

CAPUT. I.	D E dolore Stomachi.	187
II.	D E Spleniticis.	203
	De	

INDEX CAPITUM.

CAPUT. III. De Hydrope.	220
IV. De Cachexia	239
V. De Colico dolore.	245
VI. De Diarrhœa.	271
VII. De Dysenteria.	281
VIII. De Lumbricis.	298
IX. De Nephride, seu renum cruciatu à culculo.	316
X. De lapide vesicæ.	331
XI. De Hæmorrhoidibus.	342
XII. De Mensibus retentis.	347
XIII. De nimio ab utero sanguinis profluvio.	354
XIV. De uteri præfocatione, seu hysterica passione.	362

LIBER QUARTUS.

CAPUT. I. DE Arthritide, seu morbo articulari.	373
II. DE Ischiade.	422
III. De Rheumatismo.	427
IV. De Febre quartana.	434
V. De morbillis & variolis.	454

LIBER QUINTUS.

qui est de Miscellaneis.

OBSERVATIO. I. DE dubia valde & controversa Ischuriæ causa.	466
II. De dolore lumborum cum febre acuta & aliis periculosis symptomatibus.	471
III. De abscessu post partum facto in dextro hypochondrio; feliciter à natura sanato.	474
IV. De Febre quintana simplici & duplici.	475
V. De Febre continua per gangranam in genas & gingivas terminata.	477
VI. De humore pestifero à capite descendente, cum dolore, qui tandem in ventre consistens, partem corrumpit.	477
VII. De sanatione ulceris, quod uvulam & totum nasum depastum fuerat.	478

INDEX CAPITUM.

- OBSERVATIO VIII.** *De alia sanatione ulceris, jam nasi pinnam*
corrodentis. 479
- IX.** *De notho empyemate, seu pectoris hydropo cujus-*
dam primiparæ. 480
- X.** *Capitis affectus cum febre, auribus factis puru-*
lentis levatus; postea vero subsistente pure, magnum
vite discrimen allatum esse, quomodo autem iterum
aperte sunt. 487
- XI.** *De morbi à vermibus curatione stupenda.* 488
- XII.** *De lue venerea cum fistula in pectore felici ca-*
su sanata. 490
- XIII.** *Dolor ventris à fluxione, propter abortum, ab*
utero putatus, & ejus sanatio. 491
- XIV.** *Dolor ventris pertinax & acutus, qui colica*
pittonica videbatur. 492
- XV.** *Pleuritis putatus morbus, à vermibus existens.* 493
- XVI.** *Rheumatismus, dolor nephriticus putatus.* 495
- XVII.** *Aphonia & principum cerebri functionum læ-*
sio à vermibus. 495
- XVIII.** *Ileos à tumore circa ileon, tandem lethali-*
lis, licet venter adjutus deiceret. 496
- XIX.** *Tumor in una narium, accedente febre auge-*
scens, & desinente febre recedens, ejus-
que cura. 496
- XX.** *Diarrhœa que videbatur maligna ex parvis*
symptomatibus, tamen sanata. 497
- XXI.** *Lethalis deglutiendi difficultas, à chlorosi &*
pica neglecta. 498
- XXII.** *A nephritide, lapidem interdum in vesicam*
delapsum, ibi per octo dies, & amplius re-
manere, nullis se signis manifestantem. 500
- XXIII.** *Dolor nephriticus sine ullo stomachi consensu.* 503
- XXIV.** *Carbunculus extra pestiferæ constitutionis*
tempus intra 24. horas interficiens, reme-
dio neglecto. 504

INDEX CAPITUM.

OBSERVATIO XXV. Carbunculus non ita malignus, die quinta interficiens.	505
XXVI. Carbunculus inter crines delitescens, à perito artifice inventus & sanatus.	505
XXVII. Marasmus à vermibus, incognitus.	505
XXVIII. Dolor ex abscessu in regione renis dextri, inter peritonæum & musculos, ulcus renis putatus.	506
XXIX. Dolor nephritico similis sine lapide.	507
XXX. Inaudita incontinentiæ urinæ causa.	509
XXXI. Lethargus vesicatorio capiti admoto sanatus.	509
XXXII. Colicus dolor oxycrato frigido sanatus.	510
XXXIII. Colica pittonica intra spatium horarum octo interficiens.	510
XXXIV. Carus à lochis retentis invecus, pessario sanatus.	510
XXXV. Diarrhœa maligna, præter spem cito interficiens.	511
XXXVI. De magna faciei inflatione lethali in juvene, prima hebdomada nuptiarum.	511
XXXVII. Juvenis in prima nuptiarum hebdomada, moriens ex eadem causa.	512
XXXVIII. Vera & certa gonorrhœæ venereæ curandæ methodus non vulgaris	512
XXXIX. De ulcere linguam perforante, aqua rubea sanato.	514
XL. Ulcus laryngis, rubea aqua subtili adinventione sanatum.	515
XLI. Dolor capitis & nodus in tibia, remanentes post ptyalissimum 40. dierum.	516
Tres constitutionum epidemicarum quarundam descriptiones.	518
Libellus Remediorum ordine alphabetico dispositorum ad omnes fere morbos conscriptus.	524
Ordo Remediorum Alphabeticus.	525
Epitome de natura & viribus Aquarum Barbotanensium in Comitatu Auscitansenium, seu d' Armagnac.	579

INDEX CAPITUM.

CAPUT. I.	<i>De Elementorum excellentia.</i>	579
II.	<i>Aquam ceteris elementis longe præstare.</i>	580
III.	<i>De mirabilibus quæ de aquis prædicantur.</i>	582
IV.	<i>De aquarum differentiis.</i>	583
V.	<i>De causa perennis caloris aquarum mineralium.</i>	585
VI.	<i>De Balneo, & ejus partibus.</i>	590
VII.	<i>De proprietate & viribus Aquarum Barbotanensium, & quibus mineralibus sint imbutæ.</i>	591
VIII.	<i>De morbis, quibus curandis, Aquæ Barbotanenses sunt idoneæ.</i>	598
IX.	<i>De modo utendi luto, & Aquis Barbotanensibus.</i>	601
X.	<i>Quæ sit anni tempestas magis idonea thermis adeundis.</i>	608

FINIS.





OBSERVATIONUM
NICOLAI CHESNEAU,
MASSILIENSIS
DOCTORIS MEDICI
LIBER PRIMUS.

De doloribus Capitis.

CAPUT PRIMUM.

INTER corporis membra, nullum invenias Capite magis doloribus obnoxium; quippe & in superioribus positum, aliorum excipit fuliginem, & causis externis obvium, ab illis sæpissime offenditur: Hoc symptoma ita frequens est, ut paucos videas quos non excruciet ejus sævitia; præcipue autem mulieres, tum propter uteri affectus; tum quod nullis, aut levibus, utantur capitis tegumentis. Viri magis hemicrania; illæ verò cephalæa magis vexantur, & uterque sexus cephalalgia in febribus, sine ullo discrimine; licet viderimus febricitantes, hemicrania multoties divelli: sed hoc, aut in febribus malignis, aut iis qui per sanitatem, hemicrania interdum corripiebantur, in quibus pars dolens, jam antea debilis facta, & ad patiendum disposita, facile

Caput maxime doloribus obnoxium.

Viri magis hemicrania, femina cephalæa magis vexantur.

Optima
doloris se-
dandi ratio
est causæ
ablatio.

Recenti
sympathiæ
cito prospici-
endum.

In capitis
dolore diu-
terno topica
magis con-
veniunt.

calè à vaporibus acerbis afficitur: Sed qualiscumque fuerit dolor capitis, si Medicus adhibeatur, inquirendum primò utrum dolor infestet cum febre, an sine febre existat: Si cum febre, an febris sit causa doloris, ut in multis continuis, & pluribus intermittentibus, propter caloris acerbiteratem, & vaporum ad caput ascendentium acrimoniam; Deinde investigandum, an causa doloris quæ est in capite, sit etiam causa febris. Si febris sit causa doloris, & morbus sit, febris oppugnanda; si symptoma, ut in morbis ab inflammatione, vulnere, contusione, abscessu, causis profligandis insistendum: Ex tribus enim quibus dolores sedantur, causæ subtractio est securior, quam ejus mitigatio, & deterior his, sensus partis stupefactio: Quia autem multoties causæ tolli non possunt nisi sensim, & temporis progressu; urgens symptoma lenire cogitur Medicus narcoticis, calida præcipuè existente causa, & ætatis habita ratione; maxima enim cum prudentia agendum, cum agitur de caput infri-
gidantibus. Si quis autem dolor caput infestet absque febre, disquirendum utrum sit idiopathicus, & causam solum habeat in capite; vel merè sympathicus, à partibus inferioribus; vel utriusque naturam redoleat. Si causa doloris simpliciter sit in capite; tunc capiti soli prospiciendum est: Si solo alterius partis fiat consensu, parti primario affectæ medendum. Si verò partim sympathicus, partim idiopathicus dolor existat, utrique parti consulendum, modo primario affectæ, modo consentienti, prout recens, aut vetus sympathia extiterit; pars enim quæ alterius affectui diu consentit, in se tandem aliquem concipit affectum, qui remanet etiam si primarius tollatur: Idcirco recenti sympathiæ citò prospiciendum quæ sit vaporibus præcipuè sublatis; puta, à stomacho, hypochondriis, utero; interdum humoribus tramissis per venas, & arterias: Quarum quidem partium morbi, sunt investigandi. Nam si bene valeant, suspicandum in capite potius genitam esse materiam, quæ causa doloris est. Tunc verò, sicut & in dolore capitis, quem febris continua sequitur, investigandum utrum partes extra cal-
vam positæ doleant; an quæ intra sunt afficiantur. Nam in capitis dolore, cujus materia foris oberrat, aut figitur, topicorum magis est locus, quam cum intus subesse creditur: In cujus rei

rei indagatione, sagax debet esse Medicus. Nec omnino credendum signis vulgaribus, ab Authoribus descriptis; non semper enim quod dolere videtur extra calvariam, solum in externis positum est, quia malum quod intus latet foras sæpè communicatur, ut viro nobili contigit, cujus cutis digito pressa dolebat; defuncto tamen, abscessus inventus est circa meninges, præter spem celebris Medici, qui hoc signo fretus, ad spem astantes, & ægrotum erigebat: Quare etiam si in doloribus externis; pressa cute digito, dolor fiat acerbior, & pili erecti sint, doleantque in radicibus: Etiam si dicatur meningum dolorem esse punctorium; & pericranium magis pati à frigore, cutim vero ab æstu; Etiam si dicatur venarum, & arteriarum, dolorem esse gravem, & obtusum, cæteraque quæ ab Authoribus afferuntur, ad partis externæ, vel internæ patientis dignotionem: Non ita tamen his fidendum, ut uno, aut altero signo præsentente, statim iudices de parte affecta: Sed in doloribus pertinacibus, & non spernendis, maximè considerandum, quomodo se habeat ægrotus ad oblata, quomodo se habeant vires, quænam sit partis dolentis functionum læsio: quæ si multum afficiantur; etiam si pressa cute, partes externæ doleant; etiam si pili sint erecti; etiam si dolor sit gravis, & obtusus, maxima debet esse suspicio, partes internas noxam pati præcipuam, & illam externis per futuras, aut aliter communicari. Neque multum aliquando habenda est ratio eorum, quæ ab ægrotis referuntur; imponunt enim sæpissimè Medicis, perperam iudicantes de situ, & natura doloris, in profundo esse affirmantes, quod in superficie dolet; & gravem dolorem, acutum percipientes; eo quod se graviter affectum quisque existimat, ipsi etiam Medici. Rectè igitur partibus affectis, & natura doloris præcognitis, ad ea quæ experientia juvare inventa sunt descendamus; in primis ad dolorem capitis à febribus continuis, & intermittentibus; ab insolatu, & à quacumque causa calida.

Difficile dignoscitur, an capitis dolor sit internus, aut externus.

℞. Vitellos ovorum cum albuminibus numero ij. quo recentiora eò meliora, agitentur cum olei ros. ʒ. β. aceti ros. ʒ. ij. iis placentula rosa. Ex distillatione relicta, in formam frontalis concinnata imbuatur, tepide æstate senibus, frigide juvenibus applicetur; hyeme vero calide.

Frontale ex ovis recentibus.

vel

℞. Olei viol. & lactis mulieris ana. ℥i℥. vitellos ovor. numero ij. fiat frontale ut supra; somnum conciliat.

vel

℞. Ungu. popul. ℥ij. opii gr. iiij. misce, fiat frontale.

vel

℞. Olei ros. recen. aut oxicroto loti, ℥ij. cum placentula rosarum aut stupis levissimis fiat frontale, in quo etiam opii gr. iiij. sæpe miscentur.

Quidam sal tritum, & linteo involutum admovent, quod sæpe prodesse animadvertitur; Plurimi autem cum pane contundunt, & linteo superpositum fronti admovent, quod magis mihi probatur.

In doloribus capitis cum febre, præcipue remotio causæ tentanda.

Pervena sectionem, & deinde specificam purgationem.

In doloribus, qui cum febre ab eadem causa existunt, præcipuus curationis scopus est ipsius causæ remotio, quæ injecto enemate, si liceat, incipitur à venæ sectione, cephalicæ, lateris magis dolentis, si appareat, aut medianæ; sive sit inflammatio; sive humores acres, calidi, aut frigidi; sive spiritus flatulentus arteriis inclusus: Quæ quidem venæ sectio iteranda, si res postulet; præcipue si causa sit calida; & in utraque sit dolor vehemens: Deinde cogitandum de purgatione aliqua cephalica, ut est sequens descriptio, qua dolorem capitis; per viginti dies cum febre continua infestantem sustuli, eadem ipsa die: Tales autem exitus non sunt semper expectandi, propter causarum varietatem, situm humoris, virtutis magneticæ purgantium relationes.

Decoctum purgans Cephalicum.

℞. Rad. cyp. ℥℥. si recens fuerit; sicci autem ℥ij. folio. betton. sampl. chamædr. ana m. ℥. flor. stæc. p. j. fiat ex his decoct. in aquæ ℔j℥. ad consumpt. tertiæ partis, in qua infun. folior. fenn. mund. ℥i℥. anisi ℥j. turbith gum. ℥jss. zingib. scr. ℥. agar. ℥ij. separatim factis infusionibus, & express. facta, adde simul junctis saccha. ℥iiij. aquæ cinnam. si febris permittat; sin minus cinnam. infusi, cujuscumque acceperis ℥ij. capiat ℥iiij. mane, & sero, quandiu duraverit.

Prima die, ita sæliciter à medicamento venter subductus est, ut postera die, reliquum inutile remanserit, sedato capitis dolore.

lore. Iste ægrotus, dolore capitis cum periculo alias laboraverat, febrem continuam comitem habente; ex qua liberatus erat, auribus factis purulentis. Quod si febris magnæ sit considerationis, cephalica calida quibusdam frigidis temperari possunt, ut cichorio, oxalide, borragine, cum floribus violarum & nymphaeæ; melius tamen est iis abstinere, ne virtus cephalicorum specifica impediatur, dummodo febris permittat; Et hoc tanquam præceptum universale est observandum, ut si animus fuerit vacuandi humores ab aliqua parte, jungas cum purgantibus specifica partis, ex qua humores sunt educendi, nec multus sit eorum numerus, sed horum aliqua selectiora; ignari enim est, multa simplicium uti farragine, cui apud Authores quamplurima adversantur exempla. His peractis evacuationibus dolore perseverante, cucurbitulæ cum scarificatione humeris applicantur, vena malleoli tunditur, & sanguisugæ ano admoventur, si causa aliqua partibus inferioribus inesse credatur: Existente vero causa in capite, hirudines temporibus, aut retro aures admoventur, vena frontis aperitur, si pars capitis postica doleat, ex doctrina Hippocratis; licet profit etiam aliis partibus affectis. Vesicatoriis utimur retro aures, & si diu servanda sunt aperta, inter scapulas; quemadmodum & setonibus. Sed si dolor sit in modum hemicraniae, & parvum locum occupet, nihil applicatione ranunculi præstantius inveni, universalibus præmissis, ut dicetur in enarrationibus, etiam si febris adsit continua. Post hæc, pertinaci existente dolore, celebratur arteriotomia juxta aurem, prope articulationem mandibulæ, quæ nullius est periculi, & miracula præstat in antiquis, & pertinacibus doloribus, præcipue cum spiritus crassus, horum causa, arteriis includitur, præ crassitie tunicæ, aut alia de causa, puta obstructione aliqua, exitum non habens. Lenientia, & anodyna supra scripta, hîc locum etiam habere possunt, & purgantia iteranda, si opus fuerit. Dolore autem capitis existente sine febre, animadversis de quibus antea memini, utrum scilicet dolor sit idiopathicus, & quam in sede, an à partibus inferioribus oriatur, cuilibet sua sunt adhibenda remedia, pro varietate causarum, & dominantis humoris. Si igitur causa existat in capite, cum non adsit febris, calida non erunt pertinues-

Ignari est,
multa simplicium uti
farragine.

Apho. 68.
Sect. 5.

Applicatio
ranunculi
præstans in
hemicrania.

Arterioto-
mia juxta au-
rem, in an-
tiquis dolo-
ribus mira-
cula præstat.

In dolore
capitis sine
febre, calida
non perti-
nuescenda.

cenda, neque in purgantibus; neque in topicis; in quibus non tam calor, aut frigus, quam sympathia cum causa doloris est spectanda: neque enim ex calore, aut frigore oritur præcipua doloris natura, sed ex salibus humoribus permixtis, ut videbitur capite de arthritide; ideo sympathia illa, quæ fere semper nos latet, in plurium topicorum applicatione quærenda; dum universalia præmittuntur, venæ sectiones, purgationes, adhibitis in subsidium cucurbitulis, sanguisugis, & cæteris de quibus paulo ante egimus, quæ æque doloribus à causa calida; sicut quæ à causa frigida oriuntur conveniunt: Si autem dolor fiat per consensum. v. g. à stomacho, stomachus expurgandus; pro natura peccantis humoris; qui si biliosus, cruditati admixtus erit, & magis ipso jejuno infestabit, dolor enim qui à cibo fit, causam aliquam fere semper habet in capite, præcipue si cibi assumpti non sint hujus naturæ, ut dolorem pariant, quemadmodum allia, cepæ crudæ, vinum liberalius sumptum, quæ apta nata sunt excitare dolorem in quibusdam naturis, qui dicitur cephalalgia; in cephalæa autem, & hemierania, causa aliqua semper est in capite, quæ à vaporibus calidis, aut acerbis excitantur, vel humoribus hujus naturæ illuc confluentibus, quorum frequenti occurso, locus ita afficitur, ut postea levi de causa doleat: nam si pars aliqua tandiu fricetur, ut dolere tantillum incipiat, deinde acetum, aut aqua salsa superiniiciatur, dolor statim percipietur in parte fricata; in aliis vero minime, propter cutis integritatem: Sic in cephalæa, & hemierania laborantibus accidit, in quibus partes, corrodentis humoris frequenti appulsu, velut excoriatæ, levi de causa postea afficiuntur, vicinis illæsis. Humor ille biliosus, qui fere semper cruditatem habet admixtam, optime deturbabitur pilulis angelicis, seu potius agnelicis, ab autore Domino l'Agneau, in quibus calor, & siccitas basis, quæ est aloë, optime corrigitur succorum admixtione, ut videre est in earum descriptione, cap. de dolore stomachi. Si autem hæ pilulæ non sint in promptu, præscribatur bolus sequens.

℞. Cathol. ℥ss. rhabar. ʒj. spirit. vitrio. gutt. iiij. fiat bolus, capiat mane cum regimine. Vel in forma liquida.

℞. Rad. gram. ℥ss. folior. cicho. borrag. & oxalid. ana m. β. semi.

Si dolor capitis per consensum ventriculi, stomachus expurgandus.

Humor biliosus, qui cruditatem habet admixtam deturbandus pilulis angelicis.

femi. frigid. major. ana ʒj. flor. viol. & nymph. ana p i, summit absynth. pont p. j. β. fiat ex his decoct. Acc. qf. infu. folio. senæ mund. ʒiij. sem. coria. ʒβ. rhab. ʒj. express. facta dissol. cathol. ʒβ. serap. de cicho. cum rhabar. ʒ. j. fiat potio, quam si fortiozem desideres, loco cathol. pone diapr. solut.

Cum non adest febris, non est multum curandum de caliditate pharmaci, dummodo bilis expurgetur, quæ tunc cruditatibus diluitur: imo major est utilitas, etiam in febribus, à bilis expulsiōe, quam à medicamento calefactione: Si tamen animus est bilem temperandi, dum vacuatur.

℞. Rad. & folior. cichor. rad. gram. & oxal. ana ʒβ. folior. lactu. borrag. bugl. & endi. ana m. β. sem. frigid. major ana ʒ. j. flor. viol. & nymph. ana p. j. fiat ex his decoct. Acc. qf. infu. tamar. ʒβ. cassiæ recenter extr. ʒvj. diapr. solut. ʒij. serap. de cicho. cum rhab. ʒj. fiat potio, cui gutt. iij. spiritus vitrio. addantur; acida enim egregie bilem temperant, & ejus impetum retundunt; quod ex Hippocrate etiam confirmatur, qui ait acetum, bilem in pituitam convertere: Sed humores ut plurimum non sunt solitarii; prædominantis tamen semper habenda est ratio, quia ipso vacuato, symptōma sæpissime quiescit: Deinde stomachus roborandus diacydonite sine speciebus, cum corallo, & cornu cervi. Si humor qui subesse creditur in stomacho, frigiditatis naturam æmuletur, ex frustrata coctione, quæ cruditas est, ex qua multi capitis dolores; humor ille crudus expurgandus pilulis de hiera, vel solis, vel mixtis cum pilulis de agarico, vel cocciis, admixtis sine quibus, quæ propter myrobalanos stomachum roborant, cujus semper in hoc casu habenda est ratio. v. g.

℞. Massæ pilul. coccia scr. ij. massæ sine quibus scr. j. cum syrupo de absyn. formentur pilulæ post primum somnum devorandæ.

vel.

℞. Pilul. de agar. scr. ij. pilul. de hiera scr. j. diagrid. sulphur. vapore castigati gr. iij. aut amplius pro natura ægrotantis. Fiant pilulæ cum eodem syrupo, capiat ut dictum est.

Si autem pharmacum exhauriendum est liquidum, gratia eorum qui pilulas devorare non possunt.

℞. Rad.

Acida bilem temperant, & ejus impetum retundunt.

Lib. de rariis in morbo. acut.

In purgatione semper humoris prædominantis est habenda ratio.

Pilulæ in cruditate stomachi.

R. Rad. petros. ꝑ. folior. menthæ, origa. absyn. pont. ana m. ꝑ. flor. ros. borrag. & anthos ana p. j. semi. ani. & dauci ana ꝑ. fiat ex his decoctio. Acc. q. f. infun. folior. fennæ mund. ꝑ. sem. coria ꝑ. agar. ꝑ. express. dissolve diaphœn. ꝑ. syrupi ros. purg. ꝑ. fiat potio mane sumenda; Quod si ægrotus facile cedat purgantibus, loco diaphœn. dissol. cathol. Si autem humores ad exitum parandi sunt, propter glutinositatem.

R. Prædicti decoc. ꝑ. oxymel. simpl. ꝑ. crist. tart. ꝑ. capiatur tribus diebus mane.

vel.

R. Decoc. præd. ꝑ. syrupi de radic. ꝑ. aquæ cinam. ꝑ. sal. absyn. gr. iij. pro fastidiosis, & deliciarum amatoribus.

Probe expurgato stomacho, ut in officio contineatur, utatur ægrotus per intervalla pilulis de hiera, capiendo hora ante prandium, aut cœnam ꝑ. ita ut venter, bis, aut ter deiciat, ad minimum; hiera enim, inquit Galenus, totum ventrem ab excrementis liberat, & ipsum ad actiones proprias roborat; Quod si ægrotus deprecetur pilulas, capiat cochlear j. de syrupo nostro magistrali eadem hora, qui in parva quantitate, optime, & blande purgat, nec ingrati est saporis, ut prædicant ægrotantes. Descriptio habetur cap. de spleneticis. Interea

Lib. 5. de
loc. affect.
cap. 5.

Stomachus
post purga-
tionem ro-
borandus.

roboretur stomachus, usu vini absynthites, syrupi caryophyllorum, aquæ claretæ, corticis citri, & similibus. Si verò doloris fons sit ab hypochondriis, aliquis affectus in his animadvertendus est, ut sunt obstructions, excrementorum congeries, aut substantiæ partis alicujus, in eorum regione sitæ affectio; positu, gravitate, calore, dolore manifesta; alioquin mali fons in has partes non est rejiciendus: Quod omnium morborum, qui per consensum fiunt, communis debet esse ratio. Eodem modo statuendum de doloribus capitis ab utero, antequam affectus culpam in eum referas, quem in vitio esse, ex eo præcipue animadvertes, quod menses, vel suppressi erunt, vel inordinati, & male fluentes; mensibus enim secundum naturam se habentibus; imo abundantibus, ex Hippocrate, non fiunt ab utero morbi. Si in his igitur partibus aliquis affectus deprehendatur, curetur ut cap. de spleneticis, de mensibus retentis, & de hysterica passione docetur. Ad hæc Laurentius Joubertus, cap.

Signa doloris
capitis ab
utero.

Apho. 57.
lib. 5.

de

de cephalalgia, testatur frequenti se experientia cognovisse, dolores capitis ab stomacho, partem anteriorem magis afficere; qui verò ab utero accidunt, verticem & occiput, quod etiam alii testantur. Communis est etiam Practicorum sententia, quod si caput ab hepate afficiatur, in dextra parte capitis dolorem fieri; si verò à liene, in sinistra: Hæc tamen à Rondeletio cap. 5. method. curan. morb. non probantur, quem sequitur Sennertus, eadem ac ille adhibita distinctione; in consensu scilicet ab utero verticem affici, cum per venas, & arterias fit communicatio; occiput verò, cum per nervos & spinalem medullam: Quantum verò ad hepar, & lienem attinet; quamvis concedat Sennertus, plerumque per vasa, venas, & arterias, materiam non magis ad dexteram, quam ad sinistram communicari, propter æqualem vasorum ad caput pertinentium divaricationem; tamen constare ait, dolores illos per consensum, non solum fieri, quia illa pars, magis altera sit debilior (quod tamen sæpissime in causa esse, in cephalæa, & hemicrania supra demonstravimus) sed ab hepatis cum dextra, & lienis cum sinistra consensu. Hæc quidem non immerito à Sennerto dicuntur; Hippocrates enim, & Galenus, non solum in Prognostico, sed & multò magis Epidem. 6. commen. 2. lateris dolorem, hypochondriorum distentiones, lienis tumores, & ex naribus eruptiones, secundum rectitudinem fieri affirmant: In his tamen omnibus, non est jurandum in verba magistri; cum nobis, ut plurimum, non constet, utrum per venas, & arterias; an per nervos, & spinalem medullam fiat communicatio: utrum fiat humore transmissio; an vapore sursum ad caput ascendente, cui quacumque est aditus, nec venas, arterias, nervos, aut spinalem medullam requirit, ut cerebrum petat, sive ab utero, sive ab hypochondriis, sive à stomacho, sive aliunde ascendat: ideo dolente capite, inquirendum, pars-ne aliqua inferior aliquo affectu laboret, suis cujusque propriis signis, ut jam diximus, à quo caput etiam afficiatur. Plerumque tamen accidit, ut à capite in aliquam partem, citra sensum feratur humor, quæ à multis perperam creditur primario affecta, quod internoscere, maximi est momenti in praxi. Potest etiam fieri dolor capitis, per consensum à toto

Capitis dolor à stomacho magis partem anteriorem, ab utero posteriorem, ab hepate dextram, à splene sinistram afficit.

Dolor capitis per Consensum à toto corpore, vitæ regimine curandus.

Lib. 3. cap.
1. de dolo.
stom.

Causa do-
loris intra
calvam po-
sita, interna
requirunt
auxilia.

Enema in
dolore capi-
tis a causa
interna.

corpore, ab universo scilicet venarum genere, in præcalidis naturis, & sanguine abundantibus, seu vapore acri, & temperamentum redolenti, ad caput delato, qui vitæ regimine, & sanguinis missione curari potest: Non omnis tamen calidus humor, aut vapor, dolorem capitis affert, nisi agere possit in continuum, illud dissolvere tentans, ut videmus in pluribus febribus, in quibus nullus est dolor capitis, propter vaporis, aut humoris qualitatem in continuum non agentem, licet præcalidam, sed de hoc alibi fufius. Expeditis doloribus capitis, qui fiunt per consensum à causa frigida, aut sine febre, eos qui causam conjunctam habent in capite persequamur, statim à principio investigantes, quænam partes doleant, ut antea docuimus; quod cum innotuerit, curatio necessaria tunc adhibeatur: Siquidem doloris causæ intra calvam positæ, interna magis requirunt auxilia; utriusque tamen medela, si quotidiana artis præcepta velis observare, incipitur ab injectione enematis, & venæ sectione cephalicæ, si appareat, & satis sanguinis sit data, lateris magis dolentis, aut dextri, si utraque pars infestetur. Enema poterit esse hujus descriptionis.

℞. Herbar. emoll. & mercur. ana m. j. folior. beton. sampf. salv. ana m. ss. flor. chamæm. & melil. & stoechad. ana p. j. sem. anis. & foenic. ana ʒj. fiat ex his decoctio: Acc. q. f. dissol. elect. diaphœni ʒss. hieræ diacoloc. ʒij. olei chamæm. & mellis anthos. ana ʒij. salis parum, fiat enema ante cœnam frugalem iniiciendum, & ventre à fecibus exonerato, si fieri potest: vel injiciatur enema matutinis horis ante venæ sectionem, quo ejecto, capiat jusculum ægrotans, aut tosti panis frustulum in vino madefactum, si non facile ferat sanguinis missionem, & post quadrantem, extrahatur sanguis pro viribus: statim enim à sumpto nutrimento, sanguis non est hauriendus, propter concursum spirituum ad stomachum. Post venæ sectionem unam, aut alteram, decernendum de purgatione, ex pilulis capitalibus supradictis, aut aggregativis, quæ ex fortioribus omnium maxime roborant, deinde aureæ; ideo, quæ nulla recipiunt roborantia, ut cochix, & de agarico, cum roborantibus miscenda, præcipue cum res nobis est cum imbecilli stomacho. Si autem ægrotus deprecetur genus purgantis, Medicus se illi accom-

commodet, præscribendo bolum, vel pharmacum liquidum, ut ptisana superscripta, aut

℞. Rad. cyp. ʒij. polyp. querc. tantumdem, folior. beto. sampf. salv. ana m. ʒ. flor. stæc. & summit hyss. ana p. j. sem. anis. & pœon. ana ʒj. fiat ex his decoct. Acc. q. s. infun. folior. fennæ mund. ʒij. aut amplius, sem. coria, scr. j. agar. trochisc. ʒj. Express. dissol. elect. diacarth. ʒʒ. vel pulv. ejusdem ʒʒ. syr. rupi ros. purg. ʒj. fiat potio.

Decoctum
purgans in
dolore capi-
tis.

Pro delicatis, & fastidiosis, dissolve in jusculo, beton. sampf. & hyss. alterato, pulv. electu. diacart. à ʒʒ. ad ʒj. pro fortioribus, vel dosim. pulv. cornachini, qui gravioris est gustus, & multo minori quantitate sumitur, non solum in liquoribus dissoluta, sed & in forma pilularum, & parvi morsuli, azymo pane involuti, cui additur guttula una, aut altera olei salviæ arte chimica extracti, ut vis cathartici, melius ad partem affectam ducatur. Post purgationem, iteretur venæ sectio ex altero brachio, si sit cephalalgia, aut cephalæa; si verò hemi-crania, ex eodem latere: cum autem tertia vice faciendum, aut propter doloris vehementiam, aut propter sanguinis corruptelam, quæ materiam sæpe causæ suppeditat, ex altero latere faciendam, ut humorum abundantia ad oppositum, & sanum avocetur; fiantque cætera quæ supra diximus, & frigidis, & calidis doloribus convenire, sicut & purgationum repetitiones, prout suadent, indicationes: causa deinde, particularibus, & topicis oppugnanda, de quibus jam verba fecimus in doloribus capitis, quorum causa febrem etiam gignit, partimque describentur in ordine remediorum alphabetico, ad finem d. libri ʒ. duo hic proponentes, propria experientia comprobata, quorum primum est errhynum sequens.

℞. Rad. hellebo. albi ʒʒ. folior. sampf. p. ij. decoque in aquæ ʒvj. ad consumptionem terriæ partis, ore aqua pleno utere, naribus attrahendo, ex decocto parum calido, in vola manus posito, in dolore atroci, levem enim exasperat. Secundum est succus ranunculi, qui cum dolor parvum locum occupat, ad miraculum tollit: eligitur species, quæ foliis anemones assimilatur, & linguam mordet quam maxime masticata, cujus folia contunduntur in mortario ligneo, aut marmoreo, facto-

Errhynum
in dolore ca-
pitis atroci.

Inflatio,
& tumor
partium a
nimio usu
ranunculi.

Laudanum
in pertinaci
capitis do-
lore.

que emplastro perforato, ut in applicatione pyrotici solet fieri, & loco dolenti imposito, applicantur supra foramen folia ranunculi contusa, & multo succo madentia, non tamen ut diffluat, emplastroque non perforato superposito, duarum horarum spatio, cutem aperit in tenero loco, & depilato, præcipue si colligatur herba in loco soli exposito; in capite verò, ubi pili nascuntur, non facile aperit, sed parte in tumorem ele-
vata dolorem sedat, attrahendo humores acres similitudine sub-
stantiæ, cum ipsa sit acris, & mordax, à pericranio parte val-
de sensibili, ad carnem minus sensibilem, cum non potest cu-
tem aperire. Hoc unum advertendum, ut circa oculos ponatur in parva quantitate, propter palpebrarum, & partium circumiacentium inflationes, quas gignit stupendas, nullius tamen periculi; Mulier enim quædam nobilis, cum me consulente, multoties applicatione ranunculi, se ab hemicrania vindicasset; aliquando tandem cum doloribus divelleretur, multis in locis, & nimia quantitate imposito ranunculo, tanta faciei, colli, & partium superiorum pectoris, inflatio facta est, colli præcipue, ut ejus, & faciei una esset facies; unde exterrita, misit ad me nuntium, ut eam inviserem: tumorem autem animadvertens esse sine dolore, & tensione, affirmavi nihil ab illo esse pertimescendum; jussi tamen ut cohiberet se intra cubiculum, nullo adhibito remedio, & per se omnis inflatio evanuit. Cum dolor pertinaciter urget, post multa adhibita auxilia, tum universalia, tum particularia; non erit abs re, dosim laudani propinare. Vide cætera in ordine remediorum alphabetico; quibus addi potest quarundam aquarum mineralium potus, & capitis irrigatio, quæ multum prodesse experimur.

P R O G N O S T I C A.

Sanguinis
aut puris
e naribus vel
auribus flu-
xus, capitis
dolorem
solvit.

Capitis dolor vehemens, & continuus, cum febre; si aliquod extiterit ex indiciis exitiosis, omnino lethalis est: Si verò sine talibus indiciis fatiget ad septimum usque diem, sanguinis è naribus fluorem expectato; procedente verò tempore, id etiam eveniet, aut pus è naribus erumpet, vel auribus, ad salutem ægri: Si vero ad 20. diem dolor extendatur, tunc sanguinis fluorem etiam expectabis majorem; magis vero suppu-
ra-

rationem, vel abscessum ad inferas sedes: Sed per illud tempus, quo sanguinis fluorem expectabis, spem tibi augebit, vehemens dolor in fronte, & temporibus perseverans. Ex Hippo. & Gal. 3. progn. cap. vii.

Quibus per febrem dolor capitis cepit prima die, quarto premuntur magis; septimo vindicantur: Quibus tertia die, quinto premuntur magis; nona, aut undecima. Quod si quinta die dolore incipiat vexari, & alia quoque secundum rationem illis accidunt ex prioribus; decimoquarto morbus finietur. Hippocr. 3. progn. cap. xii.

Quibus sanis repente fiunt capitis dolores, & muti fiunt, ac stertunt, intra dies septem moriuntur, nisi febris corripiat. Hippo. 51. apho. sect. 6. Dolor capitis in febribus, qui à principio non invasit; inseparabile futuræ crisis inditium est. Gale. lib. 1. de arte curat. ad Glauco.

Quibus febricitantibus urinæ quales jumentorum, iis dolor capitis, vel adest, vel aderit. Hippo. apho. 70. sect. 4.

Caput dolenti, & circumdolenti; pus, aut aqua, aut sanguis fluens per nares, aut os, aut aures, morbum solvit. Hippo. apho. 10. sect. 6.

Uterum gerentibus capitis dolores soporosi, cum gravitate existentes; mali sunt. Hipp. lib. 1. prædic.

Capitis dolor in morbo acuto, præcordium revulsum; non perfluente ex naribus sanguine, ad phrenitidem devenit. Hippo. coac. 25. lib. 1.

Quibus sunt capitis dolores, & sonitus aurium, & vertigo, & vocis tarditas, & manuum torpor; eos aut apoplecticos, aut comitiales, aut obliviosos fore expecta. Hippoc. coa. 2. lib. 2.

Qui in doloribus capitis æruginosa vomunt, & cum surditate vigilant; ij. cito vehementer inaniunt. Hipp. coac. 10. lib. 2.

In vehementi capitis dolore, urinæ aquosæ, malæ sunt, metuendum est delirium, aut inflammatio, sursum bile translata.

Vehemens capitis dolor, præter rationem subito evanescens, periculum minatur; facultatis necrosim sæpe significat.

In doloribus capitis, summum periculum minatur, distentio nervorum, inflammatio oculorum, aut subversio, aut inflatio.

Vehemens dolor capitis, qui curatione non sanatur, sed magis exasperatur, assidueque tenet: Si febris adfit, periculum insanix; si non adfit, etiam insania timenda est, sed multo magis cæcitas.

Enarrationes de quibusdam Ægrotis.

OBSERVATIO PRIMA.

Religiosa
gravi capitis
dolore vexata,
omnibus
frustra tentatis,
interiit.

Religiosa quædam in hac urbe, gravi per annum capitis dolore vexata, omnibus frustra tentatis, tandem interiit: vocatus in dissectione cadaveris, apertoque ferra cranio, tumere visa est meninx; qua aperta, circa basim cerebri, & parte laterali, magna statim profiliit quantitas aquæ limpidæ, substantiaque cerebri ea parte corrupta inventa est.

OBSERVATIO II.

Virgo a
dolore capitis
obcæcata.

Virgo quædam, cujus fortasse animus, ad vitam monasticam non erat valde propensus, inductu tamen parentum Coenobium ingressa, post aliquod tempus cœpit dolore Capitis vexari, quo tandem obcæcata est. Post aliquot annos defuncta, dissecto cranio, pituita gypsea circa nervos opticos inventa est, cæcitatis quidem causa, sed non mortis, ad quam inveherdam, multum fecit everfio ejus temperamenti, vita monastica, quod ad hilaritatem valde erat propensum, & ad iocos.

OBSERVATIO III.

Vir nobilis
acerrimo dolore
capitis
vexatus,
ranunculo
capiti inposito,
curatur.

Vir quidam nobilis, acerrimo dolore correptus in uno tempore, quo animi erat impotens, & vix continere se poterat, anxius, cum febre continua, & vigil: iter faciens equo vectus, lubens, & casu ejus domum, quia erat mihi valde notus, ingressus, inveni conquerentem de ejusmodi dolore, bonoque animo esse jubens, imperavi Chirurgo, qui tùm aderat, ut raso capillitio, imponeret emplastrum in medio partis dolentis, cujus foramen esset rotunditate denarii, foliaque ranunculi contusa, eo modo quo supra docuimus, superponeret, nec per tres, aut quatuor horas removeret; neque enim periculum est altæ ulcerationis in capite, ubi capilli enascuntur, quemad-

mo-

modum in fronte, circa oculos, & alibi, ubi caro tenera est; datoque hoc consilio, cui statim obtemperatum est, pertransivi. Postera die reversus, inveni hominem sine dolore, parte in tumorem solum elevata, febris tamen permanerat, quæ antea, & post adhibitis auxiliis sanata est.

OBSERVATIO IV.

Civis quidam hujus civitatis, febre continua periculo non vacante correptus, conquerebatur de dolore capitis, sed maxime in uno crotaphite: Percunctatus num hemicranix per sanitatem esset obnoxius; confessus est; quo audito, jussi statim, eo modo quo antea, ranunculi folia applicanda, quorum beneficio dolor abscessit: Quare verò ab eadem causa magis doleteret in uno temporum, quam in alio; rationem supra reddimus.

Civis febre continua correptus conqueritur de maximo dolore in uno crotaphite, & ranunculo curatur.

OBSERVATIO V.

Mulier quædam nobilis, atroci dolore capitis decumbens cum febre acuta; magis tamen conquerebatur de latere sinistro: Huic multa adhibita sunt remedia; venæ sectiones, brachiorum, malleoli, frontis, cucurbitulæ, sanguisugæ temporibus, vesicatoria retrò aures; Habitaque consultatione cum celebri Medico, non congruebant sententiæ. Ille enim in ipso cerebro, doloris causam existere affirmabat, ejusque pertinacia ægrotam morituram: Ego verò, partes tantum extra calviam positas affici, ideoque sanam fore; videbatur enim mihi, aliquid insidere in vultu ægrotantis, quod dolorem esse in intimis partibus non arguebat; licet specie, videretur esse affectus usque ad 20. cum magno periculo, post quem, omnis dolor Capitis in uno temporum totus confedit, ibique nullis remediis cedens, per quinque menses permanfit, non tamen eadem cum sævitia; quibus exactis, caput humor in emunctorium cerebri se recipere, in eoque abscessum facere, obscure tamen, ita ut vix deprehenderetur à perito Chirurgo, qui immisso ferro, pus prima vice non invenit; admoto tamen cataplasmate emolliente, & attrahente, majorem de se præbuit notitiam, apertoque abscessu, & pure crasso erumpente sanata est mulier. Fortasse ranunculi applicatio triumphasset in principio; sed nondum experientia mihi notus erat anno 1632.

Mulier febre acuta, & atroci dolore capitis laborans, abscessu curata.

OBSERVATIO VI.

Mulier
semper dolo-
re capitis in-
festata, casu
cranium
frangens in-
terit.

Mulier quædam Massiliæ, nunquam dolore Capitis vacans; cum iter faceret mulo insidens, decidit in subjecta saxa, quo casu, vulnus inflictum est cum cranii fractura, in sinistro latere ossis coronalis, & juxta futuram; adeoque os fractum tenuè videbatur, ut dimidiam sui crassitiem non æquaret, quod motu cerebri nobis erat notum: Nec mihi, & Chirurgo poterat venire in mentem, qua de causa cerebri diastole, summa ossis appareret superficie; mortua autem muliere nona die, ejusque cranio dissecto, res nobis innotuit, simulque causa perpetui doloris: Quippe in parte cranii concava, erant passim quam plurimæ cavitates totundæ, quarum majores, solum erant capitis magnarum acicularum continendi capaces, in quibus subintrans dura mater, in modum papillæ pluribus in locis apparebat, quod perpetui doloris causam fuisse existimandum est; in ipsis enim foraminibus constringebantur meninges: cum autem è regione fracturæ subessent duo, aut tria, ex foraminibus prædictis, ideo in superficie, & supra diploë, motus cerebri apparebat.

OBSERVATIO VII.

Dolor Ca-
pitis a lue
venerea.

Vir quidam, multas, & celebres percurrens Galliæ civitates, ut à dolore capitis, quo perpetuò torquebatur, sanaretur: Tandem veniens Massiliam, sanatus est à patre meo; sanata scilicet lue venerea, qua laborare, nec ipsi, nec aliis venerat in mentem.

OBSERVATIO VIII.

Dolor Ca-
pitis a lue
venerea, cu-
ratus arte-
riotomia, &
ptisanæ pur-
gante.

Civis nobilis Massiliensis, lue venerea laborans, à Medico, & Chirurgo curandus suscipitur, vulgari methodo; per ptyalismum, quo quadraginta diebus abunde excrevit: Post tamen aliquod tempus, cepit dolore capitis vexari, remediis non cedente, nisi arteriotomiæ, qua octo dierum spatio levabatur: cum autem dolor semper rediret, pluribus vicibus hoc expertus, tædioque affectus, Empirico se commisit, qui ptisanæ purgantis usu eum curavit. Vide hanc Historiam latissime descriptam lib. 5. obs. 41.

VIr quidam rusticus, per annum capitis dolorem perpeffus, redeuntem Maffilia, Aduram me convenit, multis antea frustra tentatis. Præmiſſa purgationi venæ ſeſſione, arteriam quæ juxta aurem pulſat tundendam curavi; licet autem imperitus Chirurgus tantillum arteriam attigiffet, maximum tamen levamen percepit; nescio autem an perfecte curatus fuerit, nihil enim de illo ad me poſtea relatum eſt.

Ruſticus
levamen
ſentiens, ab
arteriotomia, in Ca-
pitis dolore.

De catarrhis, ſeu fluxionibus.

CAPUT II.

CUm ſit ſtatuendum, fere omnes fluxiones originem ducere à capite, eaſque comitem habere ſæpiſſime cephalalgiam, aut antecedentem; non incongruum erit, poſt capitis dolorem, agere de fluxionibus, ſeu catarrhis, generaliter ſumpto ejus nomine, quatenus omnem fluxionem comprehendit, qualiſcunque generis fuerit, antequam aliorum affectuum doctrinam agrediamur: Fluxio enim ita morborum cauſa univerſalis eſt, ut omnes fere ſpecies invehere poſſit. A fluxione, humore non longius progrediente, quidam dolores capitis, præcipue autem hemicranie, oculorum, & aurium affectus; Si ſupra dentes humor excutiat, odontalgie, oris ulcera; Si paulo inferius, gutturis inflammationes, tumores, raucedines, anginae, muſculorum caput elevantium, & colli dolores, ſcrofulae, & alii tumores; præterea tuffes, difficultates ſpirandi, peripneumoniae, pleuritides, præcípites ſuffocationes, tabes; Si in medullam ſpinalem feratur humor, aut in nervos, paralyſes, convulſiones; Præterea cordis palpitaciones, cardialgie, cruditates; ſanguinis in venis corruptio, quo latere præſertim irruiſt fluxio, ventris inflationes, tumores, ulcera, corruptiones; lumborum dolores, ſtrangurie, dyſurie: Teſticulorum, & ſcroti inflammationes, tumores, & ulcera, hæmorrhoides, herniarum occaſiones, arthritides, pedum, & tibiæ inflationes, tumores, ulcera, pruritus, herpes, ſcabies particularis quarundam partium, aut quid ſimile: Nulla denique morbi ſpecies, quam

Catarrhi
fere omnes
originem
habent a Ca-
pite.

Hippo.
epiſto.
ad Deme.

Morbi a
fluxione ori-
ginem tra-
hentes.

Doctrina
de Catarrhis
ridetur ab
Helmontio.

quam fluxio non invehere possit. Hanc tamen doctrinam irridere debet vanus Helmontius, qui eam catarrhi vocat deliramenta, asserens quidquid in partibus fieri à catarrhis, a scholis communiscitur; id esse propria cujusque partis idiopathia, non autem à capite: Sed in totis suis operibus, nunquam magis illum delirantem inveni, quam in tractatu de catarrhis, in quo vult scholas delirare; affirmat, enim per modum conclusionis perperam ductæ, nullum vaporem ab stomacho ad caput ferri; quod quam falsissimum sit, nemo mortalium ignorat. Quis enim post comestationes; vini meracioris potum liberaliorem; ab esu allii, & ab ejusmodi cibis vaporosis, & potibus, non percipit sibi caput gravari, & quandoque inebriari? Deinde imponens scholis, ut ejus mos est; quasi omnium talis esset consensus Medicorum, solo vaporum ascensu a stomacho ad

Helmontii
opinio de
Catarrhis.

caput, fieri catarrhos; ait quod stante scholarum doctrina, sanus, atque calidus stomachus, multo majores, atque plures catarrhos generaret, quam æger, atque alioquin frigidus; quod verum esset, si aliæ causæ potiores ad catarrhum non desiderarentur, ut est præ cæteris, capitis debilitas, & refrigeratio; falsoque hoc fundamento supposito, ridiculas ducit conclusiones, quasi vaporibus esset interdictum, nonnisi per gulam, & ore clauso, ad caput ascendere. Sed detur Helmontio, quidquid in partibus excrementi colligitur, esse ab earum idiopathia, nec aliunde affluere: Quænam pars est toto corpore, excrementis gignendis magis obnoxia, ipso capite? quæ si nimis redundaverint, non effundantur in partes subjectas. Ubi receptaculum, quod tandem non repleatur, in imbecillo capite, eoque regurgitante, humor non defluat? præcipue si liquidus fuerit, quod sumpto generaliter nomine, catarrhus vocabitur, in quamcumque partem feratur: Quod enim pulmoni datum est, sursum sua excrementa propellere; à fortiori dabitur capiti, deorsum dimittere, cum ipsa suo pondere sæpe defluant. Cæteri omnes Medici catarrhos quidem fieri, uno ore profitentur; sed quam in parte sit fons & origo, non conveniunt. Veterum fuit opinio, sicut & multorum Neotericorum, post Hippocratem, & Galenum, pluribus in locis, catarrhos oriri à capite: Alii causam fluxionum præcipuam tribuunt Jecori;

Lib. 1. de
morb. & 4.

ca-

caput tamen non rejiciunt, ut infra videbitur. Solus Schneiderus, in suo opere de catarrhis noviter edito, negat eos fieri ab excrementis cerebri; sed ejus materiam inesse in sanguine, & cum ipso circumferri, & ab illo exire, per vasa cujusque partis, inter quas caput non recenset, ut videre est toto suo lib. 3. de catarrhis. Sed & ille, & multo magis Helmontius, & omnes qui hac implicantur hæresi, sunt capite sicco, & ex suis ingeniis alios metiuntur, putantes nullum à capite fieri catarrhum, seu fluxionem, quia ipsi non laborant. Fatendum quidem est, materiam catarrhorum in sanguine plerumque inesse, cum ipso circumferri, & ab ipso exire; sed bene valente capite, aut nulli, aut parvi fiunt, licet vitium sanguinis adfit; capite verò imbecillo existente, non peccante sanguine fient catarrhi; quod si quis nolit credere, curet sibi caput impense refrigerari, & satis nobis erit. Subit tamen mirari asserentem Schneiderum, materiam catarrhorum, ex sanguine per renum vasa; ex sanguine per matricis vasa; ex oculis, ex naso, ex auribus, ex ore, per propria cujusque vasa; à capite autem, seu cerebro, per eorum vasa non fieri catarrhos. Quæ potior est ratio, cur materia catarrhorum non exeat per vasa cerebri, aut capitis; sicut per vasa partium illarum quas ipse recenset. Ego quidem rationem non invenio, cum cerebrum multis scatet excrementis, sitque ex Hippocrate, pituitæ metropolis. In partibus extra calvæ positis gigni excrementa, neminem credo ire inficias, cum experientia id demonstrat: Quoties enim in odontalgia, sentitur humor à capite cum dolore per tempora decidere. Quoties qui hemicrania laborant, sentiunt dolorem in partibus superioribus capitis, qui deinde irrui in oculum, atrocissime crucians. Quoties fiunt tumores in capite, qui deinde evanescentes, dolorum causæ existunt in partibus inferioribus, ut dicetur ultima enarratione, & capite de arthritide. Quoties videmus infantes achoribus, & favis laborantes, quorum materia exitu prohibita, abscessum sæpe facit in collo. Quoties qui fluxionibus sunt obnoxii, conqueruntur de sensu frigoris in capite, post quem sequuntur deinde fluxiones. In ipso etiam cerebro excrementa cumulari, ipsius probant morbi, & in dissectis cadaveribus autopsiæ. Spreta igitur Schnei-

Lib. de glan.
Epist. ad Demetr.

Lib. de loc. in homi.

Gal. lib. 3. de sympt. caus.

Lib. 6. de sani. tuen. cap. 6.

Lib. 9. de usu part. cap. 1.

Materia Catarrhi est in sanguine.

Epist. ad Demetr.

Helmontii & Schneidori opiniones de Catarrhis refutantur.

Capitisre-
frigeratio
Catarrhi.
causa.

deri sententia materiam catarrhorum non esse excrementum ce-
rebrī; multoque magis vani illius Helmontii deliramentis; si-
gillatim excutiamus sententias rationi magis consentaneas, quæ
ex causarum fluxiones efficientium investigatione elucescent,
quas studiosissime cavere omnibus consulo, præcipue urbanis,
inter quas præcipua, & frequens, capitis est refrigeratio. Sed
ut hoc altius animis insideat, modum generationis fluxionum
scire oportet, ut rei tam noxiæ certiores facti, facilius ejus in-
commoda vitent; alioquin peccatorum juventutis, quæ omnia
spernit, pœnas fortasse luent ante senectutem. Parvulæ flu-
xiones etiam capite robustis, & toto corpore sanis, fiunt so-
la partium externarum calvariæ subita refrigeratione, qua pro
tempore, impedita aliquatenus earum coctione, viæ excernen-
dis excrementis dicatæ per cutem, præcluduntur, passim quæ
coacta, in partes proximiores protruduntur, oculos, aures,
dentes; inferius autem si excutiantur, velut gutta aquæ in pa-
riete descendens, antequam ad ima pervenerit, absûmitur; sic
humor à capite effluens in parva quantitate: Sed si causis inva-
lescentibus, magis abundaverit, majores fiunt fluxiones, quæ
in varias partes irruunt, pro quantitate humoris, & secundum
partis mittentis robur, suscipientisque imbecillitatem, à quibus
humor sæpissime agitur, sicut pila in sphæristerio, quousque
in partem magis languidam, aut ignobilem decumbat, vi in-
dita potentiâ natura partibus nobilibus, & ipsis visceribus, ut
quod molestum est, longius à se propellant; ita ut à vertice ad
pedes usque clanculum, & sine sensu, sæpissime humor delaba-
tur, præcipue si in magna quantitate non fuerit, omnisque
qualitatis malignæ, aut multum corrodentis expers; hoc au-
tem ægrotis, & ipsis Medicis vix credentibus, nisi rerum usu
edoctis. Sed si caput impensè refrigeretur, subsistit humor per
calvariæ, illic varios excitans dolores, cutisque sæpe molli-
tore crassescit; hoc autem interdum sine febri, alias verò
cum febre, levi, aut acuta, pro natura putrescentis, & inca-
lescentis humoris, ex qua quidam interdum ægroti evadunt,
auribus factis purulentis. Capitis refrigerationi, si debilitas ac-
cesserit, vel à natura, vel ascititia; facilius, & magis à frigo-
re afficimur, majorque noxa infertur; unde fluxiones augentur,

Gal. lib. 2.
de febr. cap.
ultimo.

& frequentiores fiunt, præcipue si capitis debilitati, & refrigerationi, vita intemperans accesserit, in vini maxime meracioris potu, & veneris usu immoderato, qui caput impense debilitat, præsertim jam debile existens, ab ortu, vel à morbis prægressis, vel à causerum frequenti occurfu, extrinsecus refrigerantium, potissimum elementi humidi. His tribus causis fluxionum, multi quartam non tantum annumerant, sed præcipuam faciunt; Jecoris scilicet caliditatem, à quo, & venis, multi vapores, inquit, sursum eleuantur, qui cerebri frigiditate, ut in destillatione fit, densantur in aquam, quæ fons est, & materia fluxionum. Sed hæc opinio parum probabilis est & mente potius ficta, quam rerum usu inventa; etiam si ducem habeat Avicennam: Certissimum enim est, Jecoris frigiditatem, aut aliquid aliud in eo, sanguinis corruptioni conferens, longe majoris momenti causam esse fluxionum, multumque hac in re superare, quidquid in ipso viscere extiterit; à Jecore enim refrigerato, sanguis aquosior gignitur, ex quo partes debiles, præcipue caput, multum serosi excrementi cumulant, quod cum facilius diffuat, materia est gignendis fluxionibus aptissima: Sic etiam de sanguine existente putrido statuentum; quod enim bonum est, facile transit in alimentum, reliquum vel expellitur, si adest robur, vel præ imbecillitate remanens, materia est fluxionum, aut alterius alicujus affectionis: Hoc autem fide mea esse jubeo, nullos me invenisse fluxionibus obnoxios, quibus tandem non subesset sanguis in venis putridus; quod fit sæpissime fluxione venas subeunte, de qua re fusius cap. de arthrit. Jecur autem præcalidum, loquor hîc de viscere, manente intra limites sanitatis, optime sanguinem conficit; & minime aquosum, ideoque non aptum procreandis fluxionibus, nisi accedat magna capitis imbecillitas, propter quam, non valet, attractum etiam bonum alimentum recte conficere: Neque potest venire in mentem, quomodo tanta vaporum copia sursum efferatur ab hepate & venis, frequentis fluxionis materia sufficiens, nisi internæ, vel externæ alicujus causæ interventu, ut est capitis imbecillitas, refrigeratio invertata, & vitæ intemperantia, vel unius, vel duorum, vel horum trium concursu. Nam ut multi vapores ab hepate, & ve-

Immoderatus vini meracioris, & veneris usus Caput impense debilitat.

Caliditas jecoris ab Avicenna, inter causas Catarrhi numeratur.

Sanguis putridus fluxionum Causa.

Avicenna refutatur.

Caput non
Attrahit va-
pores.

nis, sursum ascendant, qui satis esse possint fluxionibus frequen-
tibus gignendis, juxta, & circum has partes ponendus esset
calor agens, & sursum vapores propellens, ut in destillatione
fit: vel statuendum esset aliquod attrahens in superioribus posi-
tum, quemadmodum sol: At caput non attrahit vapores, ut
quidam volunt, excipit tantum; quod naturæ instinctu non
admitteret, si in ejus vi expultrice hoc positum esset; plures-
que ausim dicere, vapores ex una coctione ab stomacho ascen-
dere, potu & cibus referto, quam ab hepate & venis per quin-
decim dies; habet enim extrinsecus Jecur sibi incumbens, ven-
triculum, multo se calidiorem, cogens ab iis quæ in ipso coquun-
tur, vapores summa petere, præcipue ex vaporosis. Sed quod
me magis à sententia Avicennæ, aliorumque hoc ipsum cre-
dentium recedere cogit, id unum est, innumeros me vidisse
robusto capite, & jecore præcalido, nullis fluxionibus obno-
xios, nisi alicujus ex causis jam dictis interventu. Quapropter
si Jecur præcalidum, sanguinem nulla corruptione vitiosum
confecerit, minime inter causas frequentis fluxionis annueran-
dum, sed ad aliquod capitis vitium potius referendum, sine
quo nullæ magni momenti fluxiones, de quibus loquimur. Si
autem causis prædictis fluxionum, adjungatur hepatis caliditas,
fluxiones calidiores, & acriores erunt, ideo magis dolorificæ;
quod solum hepati præcalidotribuendum, cum de fluxionibus
agitur: Parum enim est quod ab ipso, & venis exhalat ad ca-
put, ut fluxionis quæ sæpius repetit, causa esse possit: Parum
quoque est, & pro nihilo habenda, calida illa intemperies ce-
rebri attrahens putata, licet omnes inter causas fluxionum hanc
recenseant, nisi accedat ejus imbecillitas, aut ipsa refrigeratio,
quæ sæpius repetita, intemperiem suæ naturæ invehit, fluxio-
nis causam; quæ in corporibus calidis, aut aromatibus nimium
utentibus, sæpe caloris sensum infert, qui in parte videtur in-
temperies calida, cum sit ardor potius in humore, materia flu-
xionum, quæ magnæ non sunt, in iis qui sensum caloris in ca-
pite percipiunt, nisi sæpius occurrente causa frigida, invehatur
frigoris sensus; quæ quidem causa per se sola, nondum ac-
cedente imbecillitate, fluxiones excitat, vixque ex sexcentis
quosdam invenias, quibus adsit semper caloris sensus, ex quo

Jecur ca-
lidum non
numeran-
dum inter
causas flu-
xionum.

non

non causæ efficientis qualitas, sed potius causæ materialis, humoris scilicet, excrementitii, temperamentum totius, aut victus rationem redolentis; causam autem præcipuam, frigidam fere semper invenies, licet sol principium dederit fluxioni: Cum enim quis immoratur sub sole, caput calefit, meatus cutis aperiuntur, humores rarefiunt, & funduntur; cum autem sol ab ipso, aut ipse à sole recesserit, aëre frigidior ambiente, meatuum fit constrictio, partiumque compressione rarefacti humores, & fusi, in unum passim coeunt, & effluxioni impelluntur, aëre frigido ad interiora, propter meatuum rarefactionem ab insolatu, magis subeunte; quare tunc magis nocet aëris frigidioris occursum, qui fit à vento frigido, vel mora sub dio, vel alio in loco frigido. Sed aliæ sunt causæ periculosiores in capite refrigerando, ejus scilicet madefactio, hyeme præcipue, ab imbribus, aut casu in aquam. Proxima huic, mora in locis frigidis nudo capite, propter æstum, præsertim autem si sudore diffuat sintque loca zephyris pervia. Quæ si bis, aut ter, non videantur in principio nocere; imo gratum sit perflari zephyris, dum se calor frangat: Tamen gutta cavat lapidem, ut vulgo dici solet, & temporis progressu caput refrigeratur, imbecillum redditur, omnesque caloris postea, & frigoris sentit appulsus. Quod si tunc temporis caput ab ortu, vel ab ictu, vel à morbis, vel alia de causa sit, aut evaserit imbecillum, sit imbecillius, faciliusque prædictæ causæ agunt in partem debilem, & abyssus abyssum invocat. His ita se habentibus, frequentes fiunt fluxiones; aliis in articulos, aliis in pectus, aliis aliò; pro natura ægrotantis, & partium suscipientium affectione. Quæ quidem fluxiones levissimis de causis augentur; ita ut quisque miretur, quomodo talis evaserit, cum antea bene haberet, & firma uteretur valetudine. Sed à privatione ad habitum, non datur regressus; periit enim bene utenti facultatibus naturalibus, illa capitis constitutio, quæ cum sensim, & frequenti refrigeratione, spatio multorum annorum, & quandoque subito à causa potenti, talis evaserit, multumque à justitiæ temperamento recesserit; nullis auxiliis ad pristinum statum postea reducitur: Satis est si parum corrigatur, aut in illo statu contineri, possit, ne in pejus ruat, ut fere fit; quod

Causa fluxionum ut plurimum frigida.

Causæ caput refrigerantes.

Intemperies frigida capitis septem modis corrigitur.

septem

Primus.
Modus.

septem modis acquiritur quidquid ad curationem spectat complectentibus. *Primus* statuitur in vitæ regimine, circa res quas nonnaturales vocant; vitando quæ caput non solum refrigerant, & debilitant, de quibus supra, sed etiam partes coctioni dicatas; ex probe enim confecto alimento, minorem caput, licet imbecillum, cumulabit excrementum. Fugienda quæ caput replent vaporibus, & fluxiones acres efficiunt, ut vini meracioris potus, allia, piper, sinapi, omnia salsa, & quæcunque linguam urunt, aut mordent, ex quibus corpus non nutritur; attrahunt enim partes benigniorem succum, reliquum per secessum, urinas, aut sudores excernitur; quod si remaneat, cum humoribus excrementitiis dissolutum, naturæ suæ similes reddit fluxiones, acres scilicet, & calidiores, pro natura salium eorum quæ ingeruntur, & temperamento ægrotantis. Sed de acidis non est hoc statuendum, temperant enim salsa, & calida; acetum enim ipsum, ex doctrina Hippocratis, convertit bilem in pituitam, quamvis melancholiam fermentet. Vitandus est quoque nimius potus; etiam ex vino dilutissimo; quo enim parrior, eo melior, qualiscunque generis fuerit; ad hoc autem maxime conducet, quæ sitim accendunt non adhibere in cibis, saltem tertia pars potus interdicens, sicut & satietas, præcipue ex humidis, maxime autem in cœna. In somno servanda mediocritas. Ante cibum exercitationes utilissimæ, sed cavendum à sudoribus refrigeratis. Venter sit fluidus, ut consecutione materiæ, vicinarum partium humiditates ad ipsum confluant. Inter animi pathemata, iram fugiant, & tristitiam: Illa humores commovet, qui quidem agitati irruunt postea in inferiores partes; Hæc functiones impedit, & pedetentim, si longa fuerit, temperamentum evertit, etiam validissimum. *Secundus* modus quo fluxiones avertimus, in venæ sectione positus est; quæ vel præsentē sit fluxione, vel ad futuram præcavendam administratur. Ad prophylaxim, si sanguis non peccat, neque quantitate, neque qualitate, frustra tentatur: solius enim capitis affectus est, qui purgatione, & aliis auxiliis melius curabitur: si quis tamen ratione derivationis, aut revulsionis, & ut sanguinis qualitas illi innotescat, velit administrare, concedenda. Si adsit plenitudo, aut cacochymia venarum,

Lib. de ratio. vict. in morib. acu.

Ira & tristitia vitanda.

Secundus.
Modus.

bis in anno, vere scilicet, & autumnus, pro ratione plenitudinis primum, deinde cacochymia minuenda; pariori semper manu, si solius cacochymia habetur ratio, venae sectio administranda. At praesente fluxione nullum praesentius remedium sanguinis detractio, quolibet anni tempore, die, & hora, semel, & iterum, praecipue si adsit aliqua febris, prius, vel post injectum enema, prout urget fluxio; quo autem citius fiet venae sectio, eo melius: Humor enim, cum jam locum in quem fluit occupaverit non ita facile divellitur; qui locus, si sit media corporis regio, aut utraque infestetur, primo est brachio dextro, deinde est sinistro, sanguis hauriendus: Si vero altera magis, aut una sola infestetur, dummodo articulationem brachii non occupaverit fluxio, aut ejus aliquam partem; ex eodem latere venam esse secandam nunc extra controversiam est, duabus saltem primis venae sectionibus, ut dicitur cap. de pleuritide. Quod si per venae sectionem, & purgationem factis vacuationibus, circa renes humor, aut os sacrum oberret, vel coxendicis speciem referat; ex vena malleoli lateris dolentis, fieri potest derivatio, dummodo constet, humorem in has partes non amplius defluere, quod cognoscitur ex paroxysmorum cessatione, & dolore in eodem statu permanente. Possunt etiam hoc animo, sanguisugae ano admoveri, quae a partibus inferioribus revellent, & a superioribus, vicinisque fiet derivatio; excitat enim quandoque haemorrhoides, fluxio a capite per dorsum ad illas usque fluens. *Tertius* modus fluxionis impediendae, in purgatione versatur, quae duplici de causa praescribitur, ut de venae sectione dictum est, ad praesentem scilicet fluxionem avertendam, aut ad futuram praecavendam. In principiis fluxionum, raro purgantibus medicamentis utimur, habita ratione solius fluxionis: tunc enim longe praestat venae sectio, praecipue si ex fluxione febris accendatur, aut in partes spirituales humor praecipue eat, qui ut est longinquo educatur, validum requirit medicamentum, quo febris exasperatur, corpus ex humorum agitatione perturbatur, vires detrimentum patiuntur, & fluxio saepe augetur, quae cum tota averti non possit, viam primae insequens, pectus magis replet, aut in alias partes gravior fit, capite, & venis, si sanguis peccaverit, no-

In ipsa fluxione praesentaneum remedium venae sectionis.

Tertius Modus.

In principiis fluxionum raro utendum purgantibus.

Debile
medicamen-
tum humo-
res tantum
commovet,
non educit.

Purgatio-
ne tollenda
est humo-
rum fluen-
tium abun-
dantia.

Purgatio-
nis Ratio.

Quartus
modus. Cu-
curbitulæ
cum scarifi-
catione in-
tercipiunt
fluxionem.

vam materiam suppeditantibus. Si autem debile fuerit medi-
camentum, humores non valet attrahere, nisi pluribus diebus
propinetur; quos si commoverit, in partem languidam, ut plu-
rimum, decumbunt, multò magis quam si validum fuerit me-
dicamentum: Quare satius est à principio purgantibus abstinere.
Sed quemadmodum in principio fluxionum, venæ sectio-
nem purgatione diximus longe præstare, sic purgationem ve-
næ sectione procedente morbo, & futuræ fluxioni avertendæ.
Cum enim fluxio frequenter repetens sit à capite, ut supra di-
ximus, & magis cap. de arthritide demonstrabitur; postquam
è venis ad ipsum pertinentibus excidit humor, præ imbecillita-
te variis in locis cumulatur, quousque qualitate, aut quantita-
te, naturæ gravis, contineri nequeat; unde necesse est ut in
aliam sedem influat, è qua non facile intra venas revocatur, nec
revocandus, sed per loca magis conferentia vacuandus, præ-
missis semper purgationibus necessariis, quæ humorum fluen-
tium tollunt abundantiam, & ne cumulentur, quousque sint
naturæ graves, impediunt, nisi præcox accedat causæ alterius
occurfus, ut est subita capitis refrigeratio, aut alia humores
exagitans, ut violenti corporis, & animi motus. Quicumque
igitur frequentibus fluxionibus sunt obnoxii; semel in mense,
& bis, vel alternis mensibus, præter æstivos, medicamento
purgante utantur, prout fluxio urgebit, & hoc valido; ita ut
venter septies, ad minimum, abunde dejecerit; alioquin si al-
vus parum solvatur, tota vis medicamenti, vacuandis intestinis
eluditur, parum; aut nihil levato capite, mali fonte: Quo au-
tem minus videbitur purgatio necessaria; eo magis prodesse ex-
periemur, ex minore à cathartice perturbatione; fluxionis in-
longum tempus averfione; & cum redierit, ejus insigni immi-
nutione: Quod non accidet, jam fluentibus humoribus, pro-
pter ea quæ supra diximus; multoque magis, propter causarum
fluxiones efficientium concursum, corpus nostrum tunc tempo-
ris perturbantium. *Quartus* modus interceptiendæ fluxionis, per-
ficitur cucurbitulis, cum scarificatione scapulis admotis, aut
qua humor deorsum tendit: Tanti facio hoc auxilii genus, ut
in omnibus fluxionibus quæ à capite ducuntur, tertiam venæ
sectionem illi postponam, majusque emolumentum ab eo per-
ci-

capitur; intercipit enim humores in via fluentes, & paratos in pectus, aut alio decumbere, evacuat, liberatque omnino, si causa non multam, aut novam non suppeditet materiam, tunc enim. *Quintus* modus venit in subsidium, qui fonticulis, sive cauteriis perficitur, collo, inter scapulas, aut brachio inistis, & diu gestatis: Sed si fluxio abundaverit, eluditur hoc genus auxilii, nec valet humor totus, per parvum foramen effluere: Qua propter urgente abundantia, setone, aut vesicatoriis utimur, quæ vim fonticulis habent multò majorem, ad fluxionem citò avertendam: Multi tamen hoc auxilii genus deprecantur, propter molestiam quam affert; Sane quidem, oportet remedia nos clementius habere, quam morbos, cum vacant periculo. Hæc duo, quemadmodum cucurbitulæ, non nisi præsentē fluxione imperantur; fonticuli, futuræ præsertim avertendæ, in his qui semper aut frequenter fluxionibus tentantur: vesicatorium quod perpetuum vocatur, hujus est naturæ, longe tamen fonticulo potentioris virtutis: multum enim humiditatis quotidie vacuat, nec multi est tædii, quando insigni non est magnitudine; sufficit enim ut quadrata figura, duos pollices æquet: Nulla est fluxio quam non avertat hoc præsidium, aut valde imminuat. Inter scapulas gestatur, paulo infra septimam colli vertebam; ut autem semper apertum servari possit, emplastrum vesicatorium cum diapalmate temperatum, pro natura carnis ægrotantium, manet perpetuò desuper: Aliquando licet dimittere exsiccandum, per aliquot dies, cum nimiam affert molestiam, iterumque postea admovendum, præsertim si fluxio redire soleat. *Sextus* modus absumendæ fluxionis, & omnium validissimus, in diætâ sudorifica versatur; cum enim supradictis nihil proficimus, ad hanc confugimus, tanquam ad summum præsidium, quod fallit rarissime: Ideo cum pertinares sunt fluxiones, nec aliis rite observatis cedunt auxiliis, diætâ sudorificam, tanquam ultimum remedium, & vi maxima in absumendis fluxionibus præditum imperamus, quindecim, viginti, aut quadraginta dierum spatio, prout invaluere fluxiones; vivendo toto hoc tempore pane bis cocto, amygdalis torrefactis, & carnibus assis, cum decocto, gayaci in frigidis, & pituitosis, rusticeque viventibus; aut salsæparillæ, vel chinæ,

Quintus
modus.
Vesicatoria
plus agunt
quam cautē-
rium aut
fonticuli.

Vesicato-
rium perpe-
tuum.

Sextus
modus.

Aliis me-
diis nihil
proficienti-
bus ad sudo-
ritifera con-
fugiendum,

Et quidem
ex Guajaco
aut falsa pu-
silla.

in mollioribus, & biliosis, deliciarumque amatoribus. Possunt hæc non solum seorsim administrari, sed etiam simul misceri, pro varietate temperamentis: Aliquibus enim sola radix chinæ præscribitur, quæ, ut inquebat Doctor quidam ex nostris, non tam caliditate, quam tenuitate partium est expetenda; ideo pro fastidiosis, & mollibus sumenda. Aliquando miscetur cum falsaparilla æquis ponderibus aut hujus duplo; interdum parum gayaci admiscetur, ligni, aut corticis si sit animus magis exsiccandi, nec eorum caliditas timeatur: gayacum enim his multò calidius, & vi exsiccandi potentius, præcipue cortice; ideo absente febre, pauperibus, & agrestibus præscribitur quibus sumptui parcendum. Horum omnium communis methodus decoctionis conficiendæ talis est.

Decoctum
Guajaci.

℞. Limat. gayæ ℥ss. infunde per 14. horas supra cineres calidos in aquæ ℔xij. deinde fiat decoctio lento igne, ad consumptionem tertiæ partis, colatura fervetur pro potu ordinario, saccharo, aut melle dulcorato, & cinam. aromat. si ægrotus velit.

Diebus autem in quibus sudor movetur, decoctum fortius desideratur; ita ut sint gayaci ℥iiij. & aquæ ℔viii. infusæ & decoctæ, ut dictum est, ad mediæ partis consumptionem, de qua ante sudoris provocationem calide ℥vj. hauriuntur, quibus addi potest parum aquæ cinamomi.

Decoctum
Guajaci se-
cundarium.

Quod si oporteat decoctum esse dilutius, propter gayaci amaritudinem minuaturs dosis gayaci, vel augeatur, si fortius desideras; assuetis enim amaritudo parum displicet: vel bibat de secundo decocto, quod gayacum ferre potest; habet enim virtutem in profundo, & substantiæ ejus solidæ fortiter hærentem; propterea ex eo fieri potest decoctum secundarium, ex magmate prioris decocti, in eadem aquæ quantitate factum, & ad mediæ partis consumptum; bonum tamen est recentis gayaci aliquid addere, quartam scilicet, aut tertiam partem; & illud dulcorare, & aromatizare ut supra: Quod si in prædictis decoctis, ratione majoris exsiccationis, corticem gayaci addideris; ad ℥iiij. scobis ligni, ℥j. aut ℥jss. corticis, satis erunt. Radix chinæ, & falsaparillæ, non ferunt secundarium decoctum; quid quid enim habent virium, in prima decoctione de-

ponunt, propter substantiæ raritatem quæ major est in falsaparilla; de qua re fufe differuimus in Pharmacia Theorica. Qualiscumque autem fuerit decoctio, bonum est ut ægrotus, utatur ea per triduum antequam sudores moveantur, ut humores ad exitum prius disponantur, quibus exactis, movebuntur sudores quotidie mane, aut alternis diebus, si ægrotus non ferat, fumendo in ingressu laconici ꝑvj. decocti gayaci calidi, aut chinæ, aut falsæparillæ duplicatu: Radix tamen chinæ, multoque minus falsæparilla tanta infusione, nec tam longa decoctione indigent ut gayacum, nec tanta aquæ quantitate, quia citius cedunt coctioni; ita ut in ꝑijß. rad. chinæ. v. g. ꝑij. aquæ sufficiant ad tertiæ partis consumptionem, sicut & in decocto falsæparillæ, quod non ita crassum evadit; ideo bonum est ea simul miscere, ut sint chinæ ꝑij. & falsæparillæ ꝑj. infusæ in aquæ ꝑviiij. & decoctæ ad consumptionem tertiæ partis; & ad medias, si ad sudorem provocandum, in minori tamen quantitate, paretur. Sunt qui ad sudorem eliciendum, infundunt in vino albo per noctem, ꝑij. pulveris confecti ex gayaco, china, & falsæparilla, propinantque mane sine colatura, cooperto ægrotante, quos probe sudare vidimus; hoc autem, cum non adest febris. Sunt etiam qui sibi tantum consulentes, bis in die ægrotantibus sudores movent, mane scilicet, & sex horis à prandio; sed hoc nonnisi robustissimis, & rusticis hominibus, qui hac methodo citò, tutò, & jucundè sanari possunt; quamvis plurimi, constituto pretio operi, curam præcipitant, ægrotantis damno, nulla habita ratione ætatis, temperamenti, & virium, quæ in sudoribus provocandis, maxime sunt spectanda, sicut & in aliis vacuationibus; quod fere fit ab Empiricis. Qui igitur placide voluerit, & sine noxa sudorem elicere; etiam corpore bilioso, sudet in laconico, quod nobis in lecto nudis jacentibus, capite extra prominente, incumbit, igne in quodam spatio, pedibus admoto, mutatis subinde ignitabilis, quousque totum corpus sudore diffuat: *Archet*, Galli vocant. Hæc sudandi methodus satis nota, omnibus præstat: Cum enim movetur sudor lateribus ad ignem calefactis, pannisque involutis, & pluribus corporis partibus admotis, ut vulgi mos est; corpus impense calefit, non multum sudat, ut ego ipse exper-

Decoctio
per triduum
utendum an-
tequam æ-
ger sudat.

Maxime in
sudoribus
provocandis,
ætatis vi-
rium, &
tempera-
menti est ha-
benda ratio.

Sudoris
provocatio
in dolio dif-
ficilis.

tus sum in me, & pondere stragulorum opprimitur. In dolio ignis statim totus occurrit corpori, ingressus, & egressus difficilior, præcipue cum membra aliquo dolore afficiuntur; & multò magis si aliqua accideret lipothymia. At in cavea lecto jacemus voluptuose; sudores, ipsi, nullo negotio detergere possimus, nulla stragulorum molestia affecti, illa enim sustinet cavea; ignis pedetentim meatus aperit; membris captus etiam in ea sudare potest; nulla est in ingressu, & egressu molestia, sed suo tempore commotis ad votum sudoribus, educitur cavea è regione pedum, cadentibus supra corpus calide stragulis; Ideoque in morbis qui idonea provocandis sudoribus remedia postulant, hac methodo audacter utendum: Nec audiendi, qui tantopere jecoris calefactionem pertimescunt; errant enim præcipuam in jecore præcalido, statuentes fluxionum causam, ut antea demonstravimus. Ejus quidem fateor habendam esse rationem, si intemperie calida laboret; non tamen ut urgente necessitate, à recta curandi ratione Medicus deterreatur. Quapropter ubi timor est calefactionis jecoris, decoctum chinæ solum præscribitur, aut fassæparillæ, si sumptui parcendum; modus in sudoribus eliciendis servatur, non multum ignem utendo, præsertim in principio; Detergis sudoribus, sumi potest jusculum ex herbis refrigerantibus; & si quis velit, inungat regionem hepatis unguento santalino, ante, & post sudoris provocationem. Ego quidem pro certo affirmare possum, me ex equitatione trium horarum, ardente sole, plus molestiæ, & caloris percipere, quam ex bis, aut ter, hoc modo, sudoribus commotis. Quid etiam, si fide mea hoc esse jubeo, alicui, dum hæc scribo, variis artuum doloribus laboranti cum febre continua, me hanc curandi methodum adhibuisse, multis refragantibus, quem febris sudantem dimisit, & bene se habuit, ut fuscè dicetur in Enarrationibus. Melius tamen esset, uti hydrotico probatæ virtutis, si haberi posset, quod sicut purgantia ventrem subducunt, & diuretica urinas movent; ita illud sua etiam virtute specifica, & nullo caloris externi adminiculo, neque proprio, sudores eliceret. Quod maximum in Medicina arcanum, auro probatissimo emendum: Nullus esset morbus à fluxione, febre etiam acuta comitante, qui non cederet.

Si hepar sit
calidum, de-
tergis sudori-
bus, un-
guento san-
talino est in-
unguendum.

Optimum
tamen est
medicamen-
tum diapho-
reticum, si
haberi potest
specificum.

deret, & alii multi, qui indigent sudoribus. Multa in hanc rem à Chymicis præcipue describuntur, quæ opinione, potius quam re ipsa prædicantur. Sed de sudorificis cap. de arthritide, & sequentibus. Ego quidem cum non haberem, multoties tamen desideratum, talem sudorificum, quo placide, & sine molestia, & ad libitum sudores moveri possent; Quibus post adhibita quædam remedia, brevi redibant dolores; confusui sudores ciendos in cavea, semel, aut bis, sine victu excruciente & sine ulla alia præparatione, quod in regionibus in quibus sunt publica laconica, commode fieri potest. Nunc sudandi quidam modus cum spiritu vini inventus est ex Italia, quem valde probandum censeo, in doloribus à causa frigida; cujus talis est processus. Continue aptantur quatuor circuli æqualiter distantes, operculis passim dispositis clavis affixis, ut fiat cavea, altitudine, & latitudine, ut in ea commode quis sedere possit: Parte superiori, sunt duo asserculi in modum crucis, in quorum medio extat annulus, ut fune alligata cavea, juxta cubile suspendatur tabulato, cui trochlea affixa est, ad demittendam caveam supra sedentem, tempore sudandi, ad cujus latera sunt duo vascula spiritu vini plena, unum à dextris, alterum à sinistris. Tota cavea, à lateribus, & supra, papyro glutine obducta clauditur; infra aperta manet, ut à sedente excipiat, qui cerea candela, accendit utriusque spiritum vini, cujus calore sudor movetur: Quod si corpus nimium incalescat, cooperculo vasi imposito, spiritus vini lateris unius extinguatur, tantumque sudoris effluere sinitur quantum morbus, & vires postulant: *Septimus & ultimus modus fluxionis impediendæ*, partis est generantis; & mittentis, deinde recipientis corroboratio, sed præcipue generantis, in primis capitis, ut rite alimentum attractum consequatur, ex eoque nihil, aut parum excrementi gignat, causisque præter naturam occurrentibus resistat: ut autem coctio in capite recte fiat, partibus etiam coctioni inservientibus providendum, ut stomacho, & Jecori, de quibus multa capite de arthritide. Quod autem roborantia caput, etiam exterius adhibita maxime profint, confirmatur præcipue ex lib. 2. histor. Zacuti cap. 5. observat. 1. de quodam Juvene, qui destillatione in fauces à multis annis la-

Modus eliciendi sudores per spiritum vini ardentem.

Septimus modus.

Caput corroborandum & cereæ partes, unde fluxio oritur.

bo-

borans, incidit in aphoniam, ex qua multis adhibitis frustra remediis, intus, & extra; tandem pileo ex serico duplicato, & interpuncto cum pulvere roborante cephalico, toti capiti raso imposito sanatus est. Ejus descriptio valdè longa est, & pro divitibus, posset tamen ex selectioribus pro aliis componi in hunc modum.

Pulvis robo-
rans Cepha-
licus.

℞. Rad. acori, pyreth. ana ʒß. agallochi scrup. ij. sant. rub. ʒj. folior. rorism. salu. beton. major. orig. serpil. calamin. puleg. fliccorum ana ʒß. flor. ros. rub. stæc. rorism. salu. camom. spic. nar. ana scrup. j. bacc. myrt. laur. ana ʒß. sem. ani. fœni. pœon. mar. cinamo. caryophyl. nucis mos. macis casto. piper. long. ana scrup. j. Thuris, verni. mast. styr. calam. ana scrup. ij. fiat pulvis inter tenuem & crassum pro pileo supradicto.

Alia roborantia vide cap. de Epilepsia, & de arthritide. Quod si à fluxione aliquid remaneat in membro motum impediens, particularis sudoris provocatio in illo membro, aut thermæ discutient. De fluxione, seu catarrho proprie sumpto, vide cap. de phthysi.

P R O G N O S T I C A.

Raucedines, & gravedines, in valde senibus coctionem non admittunt. Hipp. apho. 40. sect. 2.

Destillationes in ventrem superiorem, ad suppurationem perveniunt intra viginti dies. Hippo. aphor. 38. sect. 7.

Catarrhi frigidi diuturni.

Destillatio si in nares fiat leve est; pejus si in fauces, pessimum si in pulmones, ubi periculum est ab exulceratione. Celsus.

Capthalæa, & hemicrania, convertuntur sæpissime in fluxiones, humore in capite non amplius restitante.

Catarrhus cum dolore capitis, difficulter sanatur; materiam enim fluxioni paratam significat; quia dolor est occasio attractionis, qua fluxio augetur.

Qui fluxione à capite laborant; iis lien minus tumet: De coriza intelligendum ex Hipp. 6. Epid. commen. 2. in fine.

Quibus nares humidiores natura, minus salubriter degunt: ex Hippo. Aph. 2. sect. 6.

Qui-

Qui calida, & acri fluxione laborant, magis à solis ardore læduntur, quam frigore nocturno; & è contra. Autumnus fluxionibus opportunus.

Leves fluxiones neglectæ, graviores, & longiores evadunt. Celsus.

Enarrationes de quibusdam Ægrotis.

OBSERVATIO PRIMA.

Religiosus quidam Ordinis S. Benedicti hujus urbis, per multos annos lumborum dolore male habens; quandoque tolerabili, quandoque corporis motum impediens, quem ipse nephriticum pertinaciter affirmabat; ab omnibus quippe Medicis Cœnobiorum, in quibus degerat, in hanc opinionem adductus, quam Medicus hujus urbis Cœnobii ordinarius sequens, multa ei in hunc finem remedia præscripserat; Cum autem dolor non abscederet, me nondum Cœnobii Medicum voluit in consilium adhibere. Accersitus, statim ab ipso certior factus de iis quæ acta erant, inquisivi num lapillos quondam ejecisset; Respondit arenulas multoties, lapillos nunquam: Sciscitatus præterea, an cum incurvatus, & pronus in terram aliquid ageret, maxima cum difficultate corpus erigeret, ita ut per medium scindi videretur; quod ita esse confesso, affirmavi dolorem lumborum nullo modo esse nephriticum, sed ab humore per dorsum in musculos lumborum delabente. Aliorum autem opinione imbutus, & doloris pertinacia dubius, cum dolor urgeret, ad nephritica redibat, alterius Medici consilio: Ego verò phlebotomiam, purgationem, sudorifica, & thermas, consulebam, omnia ejus arbitrio committens, ut expertis sine fructu nephriticis, meam cogeretur fateri sententiam. Tandem humor, qui in lumborum musculos influebat viam mutans, in brachium dextrum delapsus est cum dolore, præcipue si eum movere cogeretur, cujus doloris novitate attonitus, iterum me consuluit: Quærens autem ab ipso, utrum dorsi dolore laboraret, ut antea; negavit. Disce nunc, inquit, dolorem quem tot annis sustinuisti, non fuisse nephriticum, sed à capitis fluxione, quæ nunc viam mutans, decidit in brachium.

Dolor lumborum, a fluxione pro nephritico male judicatus.

Judicatu non erat difficile, hunc Religiosum à renibus non laborare; nunquam enim urgente dolore, vomitus, nephritici comes fere perpetuus, adfuerat; adde quod sex annorum spacio, & amplius, aliquis lapillus ejectus esset, aut retentus, mole increscens, renum dilaceratione, sui notitiam præbuisset: Quamvis autem se arenulas meiere affirmaret ægrotus; ego quidem vidi, nec facile laborantis relationi credidi, experientia edoctus in aliis, qui se falsò arenulas meiere existimabant: neque si minxisset, ex his concludendum erat, dolorem esse nephriticum, nisi adfuissent alia signa; multi enim per longa annorum intervalla arenulas mingunt sine dolore, præcipue tenuiores, quibus nunquam lapilli concrescunt. Demus autem ægrotum lapillos aliquando ejecisse; nunquid utroque affectu, suo quoque tempore, quis laborare potest? Nam.

OBSERVATIO II.

Dolor lumborum a lapillis & fluxione.

VIr quidam nobilis 50. annorum, cui alias post nephriticum dolorem lapilli è renibus descenderant, laborabat sæpissime lumborum dolore, quem nephriticum suspicabatur, eo quod alias hoc affectu laborasset lapidibus ejectis: Sed cum vera nephriticæ passionis signa non adessent, quæsi ab illo, num ante lumborum dolorem, pars aliqua superior doliisset? Juxta scapulas, inquit. Ex hac relatione; etiamsi quondam vero dolore nephritico laborasset, hunc tamen esse à capitis fluxione affirmavi, quod experientia compertum est; nam fluxionis propagatione, variis artuum doloribus, & dorsi, & costarum affectus est, ita ut post alia remedia, thermas adire coactus fuerit.

OBSERVATIO III.

Prior Cœnobii a fluxione Catharâico & venæ sectione necuratus.

Priorem quemdam Cœnobii S. Benedicti hujus urbis, cum toto Adventus tempore, & diebus festis Nativitatis Christi concionatus esset, dolor pedis in prima articulatione magni digiti corripuit, cum tumore, & rubore quodam, ita ut se lecto continere cogeretur. Curatio statim ab enemate, & venæ sectionibus incepta est, quibus maxima sanguinis putredo innotuit; non valere tamen fluxionem avertere. Anodynis adhibitis, præcipue ex pane Alutarii, de quo cap. de arthritide,

dolor valde demulcebatur; hæc autem non sine febre continua, exacerbationem circa vesperam habente. Post aliquot dies, alterum pedem dolor cum tumore aggressus est: Sanguine ex brachio ejusdem lateris extracto, semel, & iterum, de purgatione propinanda decrevimus, ex pulvere cornachino, ea dosi ut venter septies ad minimum dejiceret, quod ad votum cessit, dieque postera melius habuit; novus enim dolor imminutus est, materiæ fluentis subtractione: Sequenti die, tertio à purgatione, febris valida corripuit cum dolore capitis, à qua novam expectabam fluxionem, in partes jam affectas; sed in ventrem divertit humor, eorum qui à medicamento purgante educti fuerant, viam insequens, cum tanto dejectionum foetore, ut vix introeuntibus esset tolerabilis. Nescio ubi lateret tantæ putredinis soboles, post exhibitum medicamentum, tam egregie ventrem subducens: Gaudebam equidem illuc divertisse materiam, potius quam ad partes jam affectas, quarum omnis rubor evanuit; febrisque quiescente alvo, ad pristinum statum rediit: Nihilominus dolore genu tentabatur; seque arthritidi obnoxium fore timebat, parentibus natum arthriticis; Nunquam tamen hujusmodi doloribus aggressus; rheumatismus potius quam arthritis, à me vocabatur affectus, cui venæ sectionibus & purgatione subtracta materia, dolores mitiores facti sunt, & baculo innixus ægrotans, per cubiculum deambulare cepit: Cum tamen dolor omnino non abscederet; sed modo uno, modo altero pede magis doleret, desperabat à me, se tempore Quadragesimæ imminenti, concionaturum; Ego verò hoc cupienti, asserui diætâ sudorifica, saltem per octo dies, propter temporis angustias, utendum esse, qua sola humores defluentes absumptum iri sperabam; nec febrim obstare, qua adhuc laborabat. Ille desiderio flagrans obeundi muneris suscepti, facile consensit proposito auxilio, præscriptique regiminis octo dierum tempore exacto, in quo quinquies mane sudor prolectus est, febris dimisit, dolores sedati sunt, cepitque sanus incipiente Quadragesima concionatoris munia obire.

Præfectus
Cohortis
militum va-
riis, in collo,
cubito, &
aliis corporis
partibus tu-
moribus a
fluxione ve-
xatus, & La-
conico cura-
tus.

Præfectus quidam cohortis militum, cum diu stipendia me-
ruisset, pluribus acceptis vulneribus, multaque perpeffus,
cepit per intervalla, membris antea vulneratis dolere. Causam
omnes ad partis debilitatem referebant, cujus roborandæ gra-
tia, thermæ prescribebantur, quas ipse semel, & iterum adiit.
Cum autem militandi artem semper coleret, affectus quolibet
anno augebatur, quod non tantum membris debilitatis tribuen-
dum putavi, sed & fluxioni à capite in partes languidas defluen-
ti; pluribus à veritate alienum, venis potius, & jecori causam
referentibus. Sed anno sequente, stipendia emeritus, rediit
ægre obambulans, modo crure, modo pede dolens, cum tu-
more in collo non mediocri, & febre continua satis valida, qua
tamen lecto non detinebatur. Vocatis Medicis in consilium,
statim universalia præscripta sunt, à quibus meliuscule habens,
cætera neglexit; Sed sibi non providens, graviora cum redi-
rent symptomata, ad eadem redibat præsidia; in pejus tamen
ruebat, quo magis autumnus præcipitaret, tumore colli for-
tasse ad suppurationem tendente, ad quam vi potius naturæ,
quam medicamentis perductus est, tribus mensibus exactis, diu-
que mansit apertus: Nihilominus, causæ propagatione, mul-
tæ glandulæ in alio colli latere enatæ sunt, humoris à capite
descendentis indices, qui per humerum excurrens, toto cubito
genuit tumorem magnum, & valde dolentem, qui paucis post
diebus, abscessum ad maturationem perductum repræsentabat,
erat enim ubique valde mollis; quidpiam tamen flatulentum
inesse, experientia cognovimus: Nam admoto pyrotico parte
molliori, & inferiori, nihil materiæ fluidæ inventum est, nec
aperta, tumor & dolor abscedebant, nec stetit amplius molli-
ties, duro evadente tumore, quod Speculatione dignum fuit.
Morbi diuturnitate pertæsus, suadebam ego, ut diæta sudori-
fica uteretur, sine qua, nunquam melius habiturum affirma-
bam; obstabat tamen febris notatu digna, & alterius Medici
contraria sententia: Febris tamen, quamvis in pulsu non sper-
nenda videretur, in cæteris parvi erat momenti; facies enim
ægotantis satis bona; lecto non detinebatur; cibum capiebat;
vox ut per sanitatem: Quæ omnia arguebant partes nobiles non mul-

multum affici, præcipuamque febris causam, seu occasionem, esse ab humoribus à capite per musculos, & corporis superficiem defluentibus, unde fervor spiritus pugnantis, qui humores accendit, ut quidam volunt, præcipue Campanella, quem alii secuti sunt; quod quidem in pluribus febribus, à veritate non est alienum, ut febris vulnerum ostendit, & hujus ægrotantis, superiorisque Enarratio, quem febris sudantem dimisit, vacuato humore, qui spiritus ad iram, ut quidam loquuntur, commovebat: Quamvis enim ægrotantis hujus sanguis maxima scateret putredine, illa permanente, non stetit febris, ut infra videbitur. Tantus in hoc corpore fiebat quotidie excrementorum proventus, ut major fluxionis semper fieret propagatio: Quamvis enim è colli tumore, pus continuò efflueret, dolor tamen acerbus supervenit, toto uno lumborum latere, è regione tumoris colli, diffusus ad ureteris usque regionem, ita ut dolor nephriticus à multis crederetur; eo etiam adductis, ex urinis cum dolore exeuntibus. Sed cum aliæ partes, & infra, & supra, & circum renes sint positæ, sicut & in regione ureterum; erroris plenum judicium, ex solo situ innixum, quemadmodum ex ardore urinæ ductum; imo magis, cum varias habeat causas. Ego verò alias causas perpendens, didici tandem ab ægrotante non solum se in hoc affectu urinæ difficultate laborare, sed & diarrhæa quadam cum tenesmo, quæ indicium erant naturæ, per vias expellendis excrementis dicatas, partem materiæ morbificæ excernere conantis: Præterea vomitus non aderat, doloris nephritici comes fere perpetuus. Corporis gravitas, ut lecto videretur affixus; febris non contemnenda, & major quam antea, magis propria erant musculis dolentibus, quam renibus à lapide: Nephritici enim, ut plurimum non febriunt; deambulant, nisi acerbissimo recurrente dolore, nec eo sæviante motus conversionis impeditur. Quapropter improbens nephritica jam præscripta, injecto enemate, venam in brachio ejusdem lateris, tundendam curavi, affirmans omnia esse ab humore deffluente à capite, qui paulo antea colli tumorem genuerat, deinde cubiti; & jam à longo tempore crurum, genuum, & pedum inferebat dolores. A venæ sectione meliuscule habuit, pulvereque cornachini purgato corpore, & qui-

busdam fotibus adhibitis omnino dolor abscessit, nullis excretis vel minimis arenulis, ne dicam lapillis. Paucis post diebus novus humor delabens, ejusdem lateris humeri dolorem intulit, etiam si è colli tumore, & cubiti, pus semper efflueret, cujus tumor non recedebat, nec dolor, novo scilicet, ut opinor, humoris quotidie affluxu. His ita se habentibus, cum se undique captum videret ægrotans, omnemque spem recuperandæ valetudinis, positam esse in diætâ sudorifica; nulla habita ratione febris, nec eorum quæ contra sententiam meam afferebantur, facile in eam concessit, cepitque periculum facere, utrum cum febre continua, esset sudoribus ferendis, & aliis quæ in hoc regimine imperantur, ut panis bis coctus, caro assa, cum decocto radicis chinæ, & falsæ parillæ, pro potu ordinario; sumendo quolibet mane ʒvj. decocti, in quo gayacum addebatur, quibus solis, sponte prodibant sudores inter dormiendum. Sed cum sudor ille non esset sufficiens, membris à dolore levandis, jussi ut quinta die mane, sudor in cavea hydrotica proliceretur, qui commode & gratissime manans, cepit ægrotantem erigere ad spem recuperandæ valetudinis, nec falsus est; secunda enim vice, maximum levamen accepit à sudoribus, nec tacere poterat, de tam grata, & facili sudandi ratione. Ideo noluit alternis diebus, ut inceperat, sed aliis sex consecutis diebus; quolibet mane, sudavit in laconico, cum magna tolerantia. Febris ante tempus sudoribus præfinitum, omnino dimisit, mirantibus multis, & à doloribus liber surrexit è lecto, obambulans sine baculi, ut solebat, adminiculo; tumore tamen colli & cubiti permanentibus, quibus emolliendis ad lutum barbotanense se contulit.

OBSERVATIO V.

Fluxio latus
sinistrum in-
festans.

Civis quidam hujus urbis fluxione in latus sinistrum laborans statim me accersendum curavit, cui venam cubiti illico tundendam jussi: Cum autem sanguis maxime putridus extitisset, credidi putredinem fluxioni materiam tribuisse; ideo ex altero brachio minuendum: verum extracto sanguine è dextro latere, & recte exiliente, purissimus apparuit, cujus inspectione attonitus, didici fluxiones venas subeuntes sanguinem cor-
rum-

rumpere, quod non parum mihi luminis attulit in materia fluxionum, contra eos qui omnium morborum causas tribuunt sanguini.

OBSERVATIO VI.

UXor Chirurgi hujus urbis, cujus Medicus eram ordinarius, cum me absente, febris continua cum dolore lateris punctorio correpta esset, alium Medicum adhibuit, qui venæ sectionibus, purgationibus, & aliis remediis diu confictatus, stetit tamen morbus, licet dolor eodem modo non semper urgeret: Reducem me statim accersendum curavit ægrotans, desiderio flagrans videndi mei, existimans aliquid novi inventurum profligandæ affectioni, quod ita futurum promissi, morbiq; signis omnibus perpensis, & omnibus quæ acta erant, agnovi ex pulsu præcipue, & tussis absentia, pleuritidem nec extitisse veram, sed notham, & catarrhalem, quam venæ sectione, cucurbitularum scarificatione, purgatione, & fotibus sanavimus. Sed quibusdam diebus elapsis, rediit febris, & dolor punctorius, quæ eadem auxilia abegerunt: Cum autem hoc tertio factum esset, moleste ferens tot morbi reditus, consului ut inter scapulas, vesicatorium gestaret perpetuum, ut fluxionem à capite, per brevia intervalla in latus irruentem, averteret; alioquin novo semper humoris affluxu, symptoma redditurum. Facile consilium meum sequuta, brevi vesicatorium sibi inter scapulas applicandum curavit, quo fluente, humor doloris causa, & febris, interceptus est; nec ab eo tempore, octo annis scilicet, hoc affectu ut antea laboravit, gestatque adhuc vesicatorium, quod aliquando exsiccandum dimittit, ad levamentum molestiæ: Quod si minima interdum sentiat, fluentis iterum humoris rudimenta, statim vesicatorium reponendum curat; ejusque beneficio, licet parum molesto, à longe molestiori tuetur se incommodo.

Femina
pleuritide
Catarrhali
& notha laborans.

OBSERVATIO VII.

Mulier quædam hujus urbis non infimæ conditionis, temperamento sanguineo ad atrabilarium inclinante, cum esset triginta annorum, à quibusdam doloribus circa hypochondrium sinistrum, & stomachum cepit moleste habere, sequen-

Mulier tri-
ginta anno-
rum, tem-
peramenti
sanguinei,
doloribus
circa hypo-
te

chondrium
sinistrum &
frequenti
vomitu pi-
tuitoso &
amaro, vexa-
ta.

te frequenter vomitu, tum pituitoso, tum amaro, tum si quid edisset, hoc autem præcipue mane; à quo quidem vomitu melius habebat: Cum me pro Medico ordinario elegisset, ejus veneratione, eorum scilicet, qui eam curandam susceperant, opinione imbuta, existimabam viscus aliquod coctioni dicatum male habere, à quo excrementa per breviam interdum intervallo, in hypochondrium deposita, deinde in stomachum protrusa, vomitu ejiciebantur; hæc quidem aliquando sine febre, cum levis erat affectio, alias vero cum febre, quo tempore in lecto, aut saltem in cubiculo se continere cogeatur: Dolor capitis etiam, interdum cum febre, interdum sine febre aderat, in omnibus non sibi constans affectus, modo enim longus, modo brevis, modo gravis, modo levis, aliquando per sex menses, & amplius, satis bene habebat, medicamento purgante, per intervalla præcipue utens, ex præscripto meo, ut dicitur. Nam ut mihi persuasum erat, cumulari in hypochondrio excrementa, quousque quantitate, & qualitate molesta, naturam ad excretionem stimulare, præscripseram syrupum magistrale hepaticum, & splenicum, ut uno, & eodem medicamento, materia per dejectiones subduceretur, meatus aperirentur, & viscera roborarentur; cum autem dolores incipiebant, venæ sectiones fiebant & revulsiones, ejus enim sanguis semper vitiosus erat; suo etiam tempore bibebat de aquis mineralibus de S. Louboüe, quæ ad dolores capitis, & stomachi, prædicantur. Ex his omnibus meliuscule quidem habebat; sed identidem affectus revertebatur, licet raro cum violentia. Cum autem aliquando causæ propagatione, non solum prædicta symptomata, sed etiam dorsi, laterum & aliarum partium dolores facti essent, sciens longa experientia multarum affectionum causam, quæ à principio ignoratur; à capite originem ducere, asserui ægrotanti, me valde ad id propendere aliquam scilicet fuisse fluxionem, quæ horum omnium symptomatum prima causa extiterat, adhuc constans: Quæ quidem fluxio, quoties in stomachum delaberetur, coctione depravata, vomitus, & doloris causa erat, sicut & eorum quæ hypochondrio, & cæteris partibus fiebant, nondum autem affirmavi, me comperitum habere, utrum in aliquo viscere, permanens aliquid geni-

tum

tum esset, licet non crederem; præterea quod affectus per intervalla recurreret, quod causæ alicujus aliunde advenientis, ut plurimum, signum est, deinde quod esset facie boni coloris, argumento viscerum bene habentium, aut saltem leviter affectorum; temporis vero progressu hoc posse accidere, si remedia sperneret: Causæ tandem propagatione, dolente dorso cum sensu caloris urentis, & aliis partibus superioribus, ut etiam antea acciderat, non amplius à me dubitatum est, nec ab ipsa etiam ægrotante, causam præcipuam symptomatum quæ patiebatur, à fluxione capitis originem ducere. Cum autem mei exemplo, infestantibus doloribus, in laconico sudores verè tentasset, non multum commodi percepit, propter suum temperamentum, calore sicco gaudens; præscriptum est itaque balneum ex herbis carminantibus, quibusdam malacticis admixtis, quod dolores valde demulsit, manantibus postea in lecto sudoribus; aqua enim mediocriter calida, sua actu humiditate, & potentia frigiditate, calidos & urentes humores temperat: Quod movit me ad sudorum provocationem, hoc unum fuit, naturæ morborum medicatricis motus; sæpissime enim à principio, & in progressu morbi, jam nunc, manantibus de nocte sponte sudoribus, sicut etiam de die, cum lecto decumbit, à doloribus levatur, quod maximum fuit mihi, fluxionis accusandæ argumentum, quam ut avertat, purgante medicamento utitur adhuc per intervalla, pyrotica gestat; & præsentē fluxione, vesicatoria admoveat aliquando inter scapulas, cum nimis abundat, servato regimine in omnibus.

Non multum commodi sudoribus in laconico percepit; balneum vero ex herbis carminantibus dolores valde demulsit.

OBSERVATIO VIII.

Privati Prætoris uxor hujus urbis, atroci dolore correpta in regione stomachi, & circa umbilicum, Medico ejus ordinario absente, accersendum me jussit ut ejus vicem obirem: Introiens cubiculum, multas circa lectum inveni domicellas, unamquamque de dolore, ut illis mos, tanquam Medicum sententiam ferentem: Hanc quidem colicum affirmantem; illam verò hystericum esse affectum: ut omnibus satisfacerem, cum jam varia enemata essent injecta, promisi me utrique affectioni profligandæ remedium præscripturum quod talis erat compositionis.

Mulier atroci dolore circa umbilicum & stomachum correpta.

℞. Casto. ʒʒ. Opii in tegula exsicca. donec in pulver. redigi possit, Gr. j. cum Syru. absyn. fiat morful. capiat statim.

Sumpto hoc, morsulo, nulla interposita mora, abscessit statim dolor ab stomacho, deinde qui circa umbilicum infestabat, maxima astantium admiratione, & ægrotantis levamine: At nocte sequenti post mediam noctem dolor reversus est circa umbilicum, libero stomacho. Ut humorem peccantem, & doloris causam, per inferiora deturbarem, præscripsi ptisanam purgantem; sed reduce ejus Medico ordinario, qui palmam curæ ut opinor, ab alio præripi volebat, sumendi tempus procrastinavit. Cum autem dolor ejus non cederet remediis, concessit ut propinaretur ptisana, quæ hujus erat præscriptionis.

℞. Folior. fenn. ʒʒ. Turb. Jalap. ana ʒʒ. Hysio. m. ʒ. Caryoph. n. vj. cinam. ʒʒ. incis. incidendis, & contu. contundendis superinijce vini calidi ʒviij. & vase cooperto, stent in infusione per noctem, colaturam capiat manè: Optime quidem venter subductus est hac purgatione; dolor autem rediit hora prima post mediam noctem, ut antea solebat, circa umbilicum excrucians, libero stomacho; quousque provecto jam die remitteret: Quod si perseverasset, fotibus, semicupiis, inunctionibus, tentabatur, sicut & omni tempore, ejus demulsiō, emplastro postea, de baccis lauri ventri superposito. Sed hæc omnia incassum fiebant præter fimi columbini in vino decocti applicationem, in modum cataplasmatismis: Cum autem dolor semper rediret, optavit iterum fumere pilulam supra scriptam ex castoreo, & opio; quo audito Medicus ordinarius, concessit quidem, sed eodem tempore, jussit injici clysterem cum reque Nicolai, fortasse ut doloris sedatio, soli pilulæ non tribueretur; sed pudoris potius quam honoris particeps fuit, perseverante enim dolore molesta capitis gravitas, tota nocte, & die investa est: Suspicio nobis erat de hydrope sicco, cum dolor nullis cederet auxiliis, juxta Apho. Hippocratis. Quibus tormina adfunt. &c. In affectu itaque gravi, & pertinaci, probatum est Medicos Burdegalenses consulere: Interea ptisana purgans per intervalla manè propinabatur, quæ rectè semper suoungebatur munere, sed dolor nunquam mutabat horam, prima post mediam noctem revertens, licet locum mutasset,

Fimi columbini in vino decocti applicatio in formam cataplasmatismis dolorem levabat.

Apho. II. sect. 4.

hy-

hypochondrium sinistrum infestans; ex qua quidem mutatione, non parum gavisi sumus, propter metum hydropis ficci, si dolor semper eodem loco consedisset. Multum tamen negotii facessabat nobis, eadem hora doloris reditus: Pluribus autem confabulationibus, hac de re, cum collega habitis, cum dixisset se mense Aprili præterito, curandam invisisse ægrotam, à fluxione in pulmones delabente; cum etiam mihi relatum fuisset, paucis ante diebus hujus ægrotationis laborasse ægrotantem aliqua spirandi difficultate sine tussi; præsensit animus, dolorem hunc esse à capitis fluxione, quibusdam paroxysmis commota; cum scilicet pars mandans, satis excrementi cumulasset, quod certis quibusdam horis fiebat; ideò qualibet nocte, hora prima post mediam noctem recurrere fluxionem, & in ventre dolorem, ubi humor cumulabatur: Hoc tamen Medicus ordinarius non concedebat: ego verò constanter asserui ægrotanti, me in hac esse sententia, aquarumque mineralium potum, non parum levamenti allaturum, si tempus non esset pluviosum: Ideò hoc deficiente auxilio, utendum ptisana purgante mea, non tamen eadem hora sumenda, sed hora decima nocturna, tribus horis scilicet, ante quàm fluxio repeteret, ut tunc temporis fluens humor, in ventre moram non faceret, sed cum dejectionibus abriperetur; hoc pacto dolorem non fieri. Non multum laborandum fuit, in affectu tam pertinaci, ad persuadendam ægrotantem, hora igitur decima nocturna, propinata est ptisana purgans, qua circa horam primam post mediam noctem, ventrem sexies subducente, res eo modo cessit, ut opinatus eram: humore enim cum dejectionibus foras educto, nec in ventre moram faciente, dolor non rediit: proxima tamen nocte cum ptisanam non hausisset, dolor reclusus est eadem hora, verum in hypochondrio dextro: Ideò ægrotans asseruit mihi, se qualibet nocte, malle potius ptisanam haurire, quam dolorem ejusmodi perferre. Concessi ut duabus consecuturis noctibus sumeret, nec dolor est reclusus: Cum autem sequenti nocte non sumpsisset ptisanam, dolor quidem rediit; sed hora quarta matutina: Ex cujus paroxysmi cunctatione, bene sperare jussi, retrocedentibus scilicet inimicis: sequenti tamen nocte, consului ut ptisanam sumeret, cum qua

Data hora decima nocturna portione purgante, sexies alvum subducente, dolor hac nocte non rediit; Qua proxima nocte non assumpta dolor reclusus est.

dolor nunquam stare potuit; licet autem sequenti nocte, iterum fumere vellet, probante etiam Medico ordinario, nolui: sed nunc intuendum esse an sibi sola natura sufficeret, quod ut quisque optabat, contigit: neque enim amplius reversus est dolor, perfecteque sanata est, ante consultationis Burdegalen-sis adventum, qua hydrops siccus timebatur, solis visceribus causam morbi tribuentis, quæ tamen sana erant: Nihil singulare invenimus in hac consultatione, nisi vini emetici haustum, & aquarum Encautianarum potum, quo jam usi essemus, si tempus vigente morbo opportunum fuisset. Cum autem nunc idonea esset tempestas utendi ejusmodi aquis, licet bene valeret ægrotans, placuit de illis bibere ad præcautionem, quia, ut aiebat, earum usum jam probaverat. Nunc ad præcavendum ne affectus redeat, utitur frequenter ptisana prædicta.

OBSERVATIO IX.

Mulier 20. annorum post primum partum in febrem acutam & pleuritidem occultam seu notham incidens.

UXor præcipui cujusdam civis hujus urbis, ætate 20. annorum, bene valens, præservido autem ingenio: Quibusdam mensibus post primum partum, correpta est verno tempore febre continua, cum lateris sinistri dolore punctorio, cephalalgia, & tussi: vera tamen pleuritis non erat, sed affectus, quem vulgus in hac regione, vocat pleuritidem occultam de quo cap. 2. lib. 2. Factis venæ sectionibus, enematis injectis, fotibus dolori adhibitis, parte postea inuncta, & usu bechicorum, ut solet fieri: crassa, & cocta, die quinta prodierunt à pulmonibus. Excreationes, quæ in hoc affectu minui solent post 7. diem, perseverabant, indicio à capite, novam materiam suppeditari: propterea, medicamentum purgans exhibendum curavimus, hac forma.

℞. Rad. consol. major. ℥β. folior. beton. pulmon. tussil. capil. ven. ana m. β. sem. anis ℥β. summit. hyss. flor. viol. & papav. rub. ana. pj. fiat ex his decoct. infun. in q. s. folior. fenn. mund. ℥iij. sem. coria. scrup. j. agar. troch. ℥j. express. dissol. cathol. ℥β. mannæ calabr. ℥j. fiat potio, hæc fatis ventrem subduxit.

Ab ea post purgationem & venæ

Post purgationem, & plures venæ sectiones, etiam ex utroque malleolo, quibus propenso erat animo, ab omnibus ore sumendis

mendis averſa, tandem febris remiſit, perſeverante aliquatenus excreatione, ex pituita craſſa, & puriformi: ſed paucis poſt diebus, reverſa eſt, omnibus aliis exaſperatis, præter lateris dolorem, cui etiamſi ſæpius in morbi recurſu frequenti, febris comes eſſet, multoties tamen aberat: In hoc caſu, iterùm ad venæ ſectiões devenimus, quæ ut plurimum fauſtæ erant: febris tamen, & excreationes puriformes diu perſeveraverunt, unde ſibi timens ægrotans, præcipue ab pthyiſi, conſilium alterius Medici adhibere placuit, qui non dubitavit fluxionem à capite, perpetuò in pulmones delabi, pthyiſique periculum adeſſe: Quapropter, acta ſunt omnia, quæcumque fluxioni avertendæ neceſſaria videbantur. Pyrotica, veſicatoria venere in ſubſidium, non ſpretis purgationibus, poſt quarum primam, ptiſanam mihi in hoc affectu familiarem, ex chinæ decocto, cùm pulmonaria, præſcripſimus pro potu ordinario: de qua cap. de pthyiſi. Cum autem ſanguis putridus valdè, ſemper, hauriretur, colore, ſcilicet inter flavum, & album, magnæ ſeroſitati, velut cymba, innatans, uſa eſt per aliquot dies apozematibus, ſanguini purificando idoneis. Poſt hæc remittente febre, de lactis aſinini uſu menſe Septembri decrevimus: Sed ſtatim atque cepit uti, febris accenſa eſt, quæ dimittendum coëgit, & ad eam proſligandam divertere, præcipue venæ ſectiõibus, loco lactis, hordeata præcipientes, ad facilem ejus ſanguinis efferveſcentiam temperandum, ad quod plurimum profuit, potus aquarum mineralium de S. Louboüé, principio Octobris; à quo benè habuit reliquo Autumno, & tota hieme; erat tamen ſemper aliqua tuſſis, & excreatio, quæ aliquem humorem à capite deſluentem arguebant: Idco veris caloribus incipientibus efferveſcente ſanguine, ut anno proximo ſuperiore, eadem ſymptomata recurrerunt, febris, tuſſis, excreatio, interdum & lateris dolor, quibus proſligandis, ad eadem remedia confugimus, ut ſupra. Quia autem menſe Maio, præ cæteris tempeſtatibus, lac maxima ad hos affectus pollet virtute, iterùm de utendo decrevimus, majoribus quam antea adhibitis cautionibus, ſed idem nobis contigit; ſtatim enim febris major accenſa, dimittendum coëgit, ſtupentibus nobis, qualis eſſet temperamenti, & lactis cum eo repugnancia.

ſectiões liberatur,
permanente
excreatione
puris & pituitæ Craſſæ.

A lactis Aſinini uſu, febris iterum accenditur.

Autumno & hieme bene habuit, remanente tamen tuſſi;

Verè inſeſſante poſt lactis uſum.

iterum
accenditur
febris, au-
tumno ad-
veniente,
potis aquis
mineralibus
melius ite-
rum habuit.

Gravida,
tota gesta-
tionis tem-
pore bene
valuit.

Sputum
accedit
eruentum.

Quotannis
vere & æ-
state ægrotat

tia, quod nullum, qualiscumque generis extiterit, prodesse potuit. Reliquo vere, & tota æstate ægrotavit, modo ingravescente, modò remittente affectu, quousque adventante Autumno, & potis aquis mineralibus, meliùs habens, in quo statu, tota hieme perseveravit. Nullis rationibus dissuaderi poterat, quin totius affectus causam, in mensium retentionem rejiceret, exposulans remedia provocandis idonea, ad quod qui mecum ad curationem adhibitus erat Medicus, valde propenso erat animo: ego verò felicem ex his successum minimè esse sperandum, quandiu natura foret imbecilla, sed morbum arcendum esse: Quod si viribus postea receptis, natura ad hoc opus nullo modo se accingeret: tunc in iis promovendis laboraturos. Neque talibus opus habuimus, prædicta enim hieme utero concepit, nullis præcedentibus menstruis. Cohibitis uteri gestatione causis morbificis, neque vere, neque æstate ægrotavit, ut proximis duobus superioribus annis, neque ideo autumno, & hieme, liberam se à prægresso affectu existimabat, sed adventante mense Maio, febris correpta est cum jam dictis symptomatibus, tribus, aut quatuor mensibus à partu; oportuit iisdem nos uti remedijs, sed ut antea, ante quam perfecte sanaretur, fiebant recursus; parum sanguinis excreatione rejecit, quod maximum illi terrorem incussit, sed levibus auxilijs non amplius cruentum fuit sputum. His omnibus pertæsa, consuluit privatim Medicum extraneum, qui nixus ijs quæ acta erant, agræque propensionem sequutus, concessit à mensium retentione, symptomata omnia illi accidere, præscribens in eum finem Juscula purgantia, cum hepaticis, in quibus infundi jubebat sennam & tamarindos, in colatura salis prunellæ ʒß. dissolvi; deinde ut thermas adiret. Juscula quidem probanda censebam; thermas autem minime, in ægra levi occasione febricitante, à pulmonibus laborante, & quæ sanguinem spuebat. Redux è thermis non male habuit, quia tempus erat, in quo affectus quolibet anno remittebat; autumnus scilicet, & hiems: Quia autem menses apparuerunt, miris efferebat laudibus Medicum; sed alea, ut dicitur, non semper erit fortunata: Nam exacta hieme, cum verni calores accessissent, & multò magis æstivi, semper ægrotavit, multoque pe-

jus;

jus; ita ut phytisi perituram, omnes conclamarent, in thermas culpam referentes; sed autumno appropinquante melius habere cepit, & tota hieme quasi sanata visa est, ut illi semper quotannis erat solitum; vere autem & æstate ægrotare, nisi prægnans esset; inevitabilem hanc vicissitudinem, moleste ferens ægrotat, & ejus maritus, desperantes salutem à Medicis hujus regionis, Burdegaleses, & Tholosanos consulere voluerunt, convocatisque tribus Medicis, facta est inter nos consultatio, in qua collega meus qui semper causam morbi præcipuam, mecum in capite constituerat, sententiam mutavit, mensibus retentis, ut quondam Medicus extraneus fecerat, referendam esse statuens; ad quam aliquatenus propenso fuerat animo junior Medicus, consultationi tertius adhibitus: Ego verò proximam morbi causam esse à capite; remotam à sanguinis corruptione, levi de causa æstuante; à mensibus verò, si qua esset eorum præter naturam retentio, remotissimam; quam quidem non concedebam: Primo quod anno secundo à principio morbi, utero concepisset, quo tempore bene habebat, hiberno scilicet, quamvis menses non prodixissent, signum certissimum, à causa præter naturam antea non esse retentos, sed sola imbecillitate, & sanguinis penuria, ad hoc opus naturam se non accingere, quousque aliquid virium recuperasset, quod hieme appropinquante quolibet anno fiebat: Sed potior ratio, cur à mensibus retentis non prodiret affectus, hæc erat; quod in quibusdam annis, licet menstrua purgatio non erumperet, morbus semper remittebat hieme appropinquante, quod ita non contigisset, manente causa morbifica ut antea. His non perpensis collega, hac solum nixus ratione, quod ægra autumno, & hieme præsertim, melius haberet; temporibus reliquis anni fluxionibus magis opportunis, sententiam quam longo tempore coluerat deposuit: Erat quidem res medica speculatione digna ægrotantem istam, fluxionibus laborantem, melius habere hieme quam æstate: Nulla tamen erat ratio cur à mensibus retentis, potius æstate, quam hieme, fluxionibus male haberetur. Alia igitur quærenda erat; quia scilicet putredine, qua sanguis hujus ægrotantis semper scatebat, vere, & multo magis æstatis caloribus commota, propter febrem,

bat, autumno & hieme vero recte valebat.

Non nulli medici morbi hujus causam in retentis mensibus quærun; verum auctor a Capite hanc derivat.

quam

Humores
ad mam-
mam delati,
ibi absces-
sum effici-
unt.

Per sex an-
nos hæc æ-
grota æstate,
nisi præ-
gnans esset,
ægrotabat;
hieme vere
recte vale-
bat.

quam facile tunc temporis concipiebat, non solum ad caput fiebat translatio, sed humoribus excrementitiis, per hiemem quiescentibus, exagitatis; ad partes inferiores effluxio, pulmones, latus, & mammam, in qua abscessus factus est, & ad suppurationem perductus: Modus tamen iste ægrotandi levio- rem causam arguebat; autumnus enim tabidis malus, faustus erat; hiems fluxionibus ferax, salutaris. Misso igitur Burdegalam, & Tholosam consultationis nostræ confectario, à Medicis utriusque Universitatis responsum accepimus, qui conjunctis sententiis pthysim minabantur, nulla habita mentione de mensium suppressione, sicut de fluxione à capite. In utroque multa præscribebantur, quæ jam facta erant; à Medicis Tholosanis lactis asinini potus, quem nunquam profuisse supra diximus; à Burdegalensibus verò vaccini usus. Cum autem semper infausse asininum potasset, vaccinum experiri voluit ægrotans; sed die secunda illud dimittere coacta est, febre ut alias superveniente, quæ propter æris constitutionem, jam ad frigus inclinantem, post adhibitam purgationem, & facta venæ sectione, non fuit multæ durationis; autumnus ut alias, principium sanitatis afferente, quæ tota hieme perseveravit, in qua prægnans facta; sicut ver, felicem etiam transiegit æstatem: sed anno sequenti, eodem tempore, iterum ægrotavit. Denique, ut uno verbo dicam, ægrotans ista, ab anno 1658. usque ad hunc ipsum 1664. quæ jam vertitur, semper adventantibus caloribus cepit ægrotare, nisi prægnans esset; remittentibus verò, principio scilicet Octobris, melius habere, hieme multo magis. Toto hoc anno bene habet, quia uterum gerit, licet superiore anno, bis acute ægrotarit, mense Augusto, & Septembri: Nescio quid accidet in posterum; hic tamen modus ægrotandi speculatione dignus est. Ego quidem rogatus privatim, describere hujus morbi naturam, monebam Medicos Burdegalenses, ægrotantem in tanto periculo non versari, atque putaverant, sed præcipuum ejus sanitatis scopum esse, sanguinis fervorem, adventantibus caloribus æstuantem, impedire, ne febris conciperetur, quæ omnium erat primum mobile; sed de his nihil ad nos renuntiandum est, licet tantum desiderassem approbationem jussulorum

refrigerantium, usumque modo purgantium, modo alterantium, maxime incipiente vere, venæ sectionum, & frequentium balneorum aquæ dulcis, cum fuga eorum quæ sanguinem calefacere, & commovere solent, præcipue animi motuum, inter quos, ira in discrimen res sapissime attulit, febrem accendens comitantibus reliquis, de quibus suprà.

Ira huic feminæ semper fuit valde noxia.

OBSERVATIO X.

VIr quidam nobilis Massiliæ; cum uxorem duxisset, primis duabus gestationibus, masculum in qualibet suscepit, qui subitanea morte biennes ambo abrepti sunt; dissecto cranio, substantia cerebri, & ejus ventriculi superiores, aqua limpidissima repleti inventi sunt. Medicus qui aderat, consuluit patri, ut si alium fusciperet, tribus diebus ab ortu, pyroticum ferro candenti inurendum curaret, inter primam, & secundam colli vertebra; quod cum ita factum esset, servati sunt quos uxor postea peperit. Quis negabit laticem illum aquæ similem extra cerebrum non posse effluere, & materiam catarrhorum existere. Ut autem Helmontius, & sequaces coarguantur, præcipue autem Schneiderus, qui non vult materiam catarrhorum esse excrementum cerebri; quod ut probet, affert inter cætera, os cribriforme non esse in vivis cribriforme, sed omnia ejus foramina, nervis per ea transeuntibus repleri, & ita exitum excrementis negari. Has posteriores enarrationes in confirmationem eorum quæ supra diximus; emendationi scribendi ratione, & clarioris doctrinæ gratia, librum jam absolutum exscribens, attexere volui: Mirandum enim quomodo Professor Medicinæ, sola se specie capi permiserit: Quasi verò nervi molles, non cedant exeuntibus excrementis, natura impellente, ad partis principis conservationem. Dum quis corysa laborat cum capitis dolore gravante; deinde cocta materia, velut pus crassum emungit: Quis credet educi, ut Schneiderus, à venis narium? Ergo à capite crassa illa materia educitur, si crassa, multo magis liquidior per has vias effluet, ut in sequentibus duabus enarrationibus patet.

Duo infantes mascululi subitanea morte extincti, cujus ventriculi cerebri aqua limpidissima erant repleti, ceteri postea nati, inusto fonticulo inter primam & secundam colli vertebra, omnes fuere superstites.

OBSERVATIO XI.

Chirurgus
vino se quo-
tidie ingur-
gitans subito
extinctus.

CHirurgus quidam Domini Episcopi Adurenſis, vino quotidie ſe ingurgitans, feroci delirio correptus cum febre, quo alias etiam laboreverat, derepente intra viginti horas mortuus eſt. Tam citæ mortis cauſam, ſcire volente D. Episcopo; cranium diſſectum eſt, ſuperiorique parte ablata, pluribus in locis, aqua limpida manu impulſa diſcurrens, ſubter Meninges, animadverſa eſt, de qua multum per nares ſternutando eiecerat, beneficio errhyni. Credidi ventriculos, hac etiam fuiſſe plenos; ſed ſatis nobis fuit, poſſe aliquid D. Episcopo de cauſa mortis referre. Non fatebitur tamen Schneiderus, quemadmodum omnes qui aderant, ptarmici ope, aquam è cerebro fuiſſe eductam, ſed à venis narium; Oportuiſſet ſane omnes venas narium, aqua, & non ſanguine fuiſſe repletas: Cum autem aqua eſſet in cerebro, & materia craſſa ab eo per nares exire poſſit, ut ſupra demonſtravimus, cur aliunde advenire dicendum eſt? Docet nos Hippocrates in Prognostico, loquens de capitis doloribus, eiectione ſanguine, vel puri, vel aqua, dolorem ſolvi. In caſu, & ictu ſupra caput, ſanguis ſæpe effluit per nares, interdum per aures; Hæc nonniſi à parte affecta: Quis igitur negabit humores noxios in capite exiſtentes, per nares, aures & per alias vias non exire? Sed ut obmutefcat Schneiderus, & omnes ejus ſectatores.

OBSERVATIO XII.

Nobilis
Baro a ni-
mio uſu
pulveris
ſternutato-
rii, & a
febre ſepti-
ma die ex-
tinctus, cu-
jus dura Me-
ninx a verti-
ce ad radi-
cem oculo-
rum flavo
colore erat
infecta.

Vir quidam Baro, non multum temperans in vini potu; tabacum in pulverem redactum, naribus omni momento attrahere ſolitus: Cum eſſent morbi tunc temporis epidemici, incidit in febrem continuam, qua ſeptima die extinctus eſt. Quia verò morbus non proceſſerat, uti qui nunc graſſabantur in illa urbe: Multi viri nobiles cognati, & familiares deſuncti, rogaverunt me, & alium Medicum, qui ad curationem etiam vocatus fuerat, ut diſſecto cranio certiores eſſent, an ægrotus intempeſtivo uſu tabaci, fato præmature obiſſet; licet jam ſindone involutus eſſet inſcia uxore, cubiculum ingreſſi cum Chirurgis, primo aſpectu animadvertimus linteum, quo erat cadaver involutum, & ut hîc mos eſt conſutum, colore ſub-
flavo

flavo madidum, è regione narium, non ei abfimili, qui stropholis apparet, cum infusato tabaco emunguntur nares; statim subiit animos, aliquid de tabaco nos inventuros, nec fessilit suspicio; Dissuta enim sindone madebant nares, myxtaces; & barba, eodem liquore; dissectoque cranio & parte superiori avulsa, vidimus omnes duram Meningem, à vertice, usque ad radices oculorum, & tempora, eodem colore flavescente suffusam; pars verò quæ à vertice, ad totum occiput posita erat, sui, & naturalis coloris. Hoc viso, ab omnibus exclamatum est, ab frequenti usu tabaci interiisse ægotantem, sprete substantiæ cerebri inspectione. Vellem nunc ab Schneidero sciscitari, unde esset color ille flavescentis duræ Meningis; unde post mortem humor ille subflavus per nares effluens: Cum esset ei omnino similis, qui ab infusato tabaco emungitur; Quid dicendum nisi ab eadem causa omnes istos colores existere? à pulvere scilicet tabaci, qui ad cerebrum usque penetrat; aut saltem humore qui ab eo tali colore inficitur: Quod si ascensum admittas; multo magis descensum fateri coactus eris. Coronidis loco, ut fluxionum processus à capite, tanquam in tabella depicti conspiciantur; enarrationem de me ipso proponere libet qui nunc varijs fluxionibus infestor; licet mihi sanitatis munia satis obire permittant.

OBSERVATIO XIII.

Incipiendo igitur per ea quæ mihi contigerunt, quomodo quis non advertens, fluxionibus obnoxius efficiatur; licet à principio optime valeat: Sciendum est: in infantia, pueritia, & adolescentia, usque ad annum ætatis 22. nunquam per noctem dormiens pileo tectus, quandiu ex patria, Massilia, non excessi: Profecto tamen annum agenti 22. juxta Cisteroniensium civitatem, litis curandæ necessitate, Medicinæ curriculum emenso, cum plaga illa, nostra Massiliensi esset frigidior, quippe Alpibus vicina, fluxionem supra dentes commovit, qua per multos annos, certis quibusdam intervallis afflictus sum quousque dentes molares, fere omnes avulsi sunt: ex eo tempore nocturnum pileum gestare coactus sum, cepique pedetentim magis ac magis poenas luere, quod ab exercitio sudore dif-

Historia
morbi Au-
thoris, &
quomodo
fluxionibus
factus sit ob-
noxius.

fluens, nudo capite multoties frigus collegissem; sed hoc parum adhuc erat, respectu futuræ refrigerationis. Anno 1623. & ætatis meæ 24. discedens Parisios ut ex dissectione cadaverum, situm, & partium compositionem addiscerem, nunquam cædendos curabam capillos, quin gena sinistra tumesceret; hoc quidem tota æstate, hieme verò, cum mense Februario cæsi essent, non restitit humor in gena, sed ex constitutione frigida, majori facta compressione; circa unum ex Ilijs, sinistrum, nocte sequenti, inter dormiendum, defluxit, dolorem acutum, & febrem validam efficiens: Argumentum hoc jam erat, fore me in posterum, fluxionibus in latus sinistrum magis obnoxium, quam in dextrum. Expergefactus à dolore, statim pulsus explorans, febremque validam inveniens, rogavi Chirurgum, qui favente fortuna, in eodem cubiculo decumbebat, ut quamprimum, basilicam ejusdem lateris mihi aperiret, quo sanguinem extrahente, ut morbus postulabat, dolore, & febris pedetentim remittentibus, iterum dormivi, omninoque mane à febre liber surrexi, parum dolente latere, quod obambulando per urbem penitus abscessit; Inde intellexi, in ejusmodi doloribus cum febre, nulla facta mora, ad venæ sectionem confugiendum: Si enim Chirurgus in promptu non fuisset, humor defluens, in via non interceptus, omnino ad partem delapsus esset, in eaque alte infixus, non facile venæ sectionis beneficio amotus esset. Exacta hieme discedens Parisijs Massiliam, transivi per Vasconiam, Avunculi in ea juxta Barbotam, invisendi causa; qui me juramento, & sponcione devinxit, ut visis parentibus apud se redirem, Tholosam inde profecturus, Apollinaris laureæ consequendæ gratia, quo redux proficiscens, cum incidissent mihi præ manibus commentaria, super arte parva Galeni dictata à D. Queiras, Medicinæ urbis Professore; operæ pentium duxi; in epitomen redigere, eo quod omnes quæstiones, quæ pro doctoratu assequendo necessaria erant, in eis agitentur: Itaque trium annorum scripta, 15. dierum spatio, duobus quaternionibus sum complexus. In hoc opere perficiendo, tanta erat animi contentio, ut interdiu, noctuque statim à prandio, à coena, in illud incumberem; quod mihi optimum temperamentum, &

Nocte incidens in febrem, statim venam sibi secare jubet, quæ secta obdormit, & mane liber a febre surgit.

perfectam qua fruebar sanitatem evertit, in posterum non amplius, in eodem statu recuperandam. Cum enim quis in aliquam speculationem, acrius animum intendit, pars quæ operatur, cerebrum scilicet, magnam partem spirituum quos obeundæ functionis necessitate, partibus transmittere oporteret sibi retinet, quibus deficientibus, debiliter fiunt actiones in membris, tunc temporis munere suo fungentibus: Qua de causa, semper à cibo sumpto, ad perficiendam Epitomen redienti, debilis facta est mihi ventriculi concoctrix, sicut & ut opinor cerebri; Antequam enim opus perfecissem, suborta est mihi magna, & frequens salivæ ejectio noctu valde molesta, & mane jejuno ventriculo, quo tempore, hora nona, rugitus quotidie exaudiebatur è regione lienis, perseverans quousque cibum sumpsissem: Nihilominus opus inceptum perfeci, consecutoque Medicinæ Doctoratu, redii ad Avunculum, perseverante rugitu, & pryalismo; ubi ex motu corporis violento, in quo caput valde concutiebatur, exorta est mihi hemicrania, cui per longa intervalla, fui in posterum obnoxius. Per id tempus quo apud Avunculum moratus sum, invisi aquas minerales & thermas de Barbotan, sæpius rogatus à Domino loci, ut de earum viribus scriberem, cujus desiderio satisfacturum promisi. Quibusdam mensibus elapsis veni in opidum nomine Nogaro, Medicinæ facitandæ gratia, perseverante rugitu, & salivatione; videbatur mihi mane stomachus, frigida submersus, præcipue si à potu non abstinuissem; noctes plurimas ducebam insomnes, aut parum dormiens, omnis decubitus impatiens, præcipue in latus sinistrum, quod cruris contractionem ferre non poterat; ita ut semper extenso crure sinistro, mihi esset cubandum, ne comprimeretur hypochondrium. Nullum erat vinum exalfaciendo stomacho satis generosum, quod mihi ansam dedit, ex cuiusdam Authoris præscripto ad piperis pulverati usum: Cum autem tribus diebus mane sumpsissem, sanguinem emungere cepi, res valde mihi infueta; Ideo timens, ne sanguis piperis usu nimium incalesceret, fieretque acrior, abstinui: Nihilominus perseverabant rugitus, submersio stomachi, hypochondrii gravitas, & insomnia, quæ me in aliquem hypochondriacæ affectionis metum adducebant; quare ad usum sennæ confugi, & juscula ex cichoreo agresti, qui-

Nimis studiis incumbens debilitantur, ipsi cerebrum & ventriculus, unde pryalismus & rugitus;

Ut & hemicrania.

Cum generosissimum vinum non esset calefaciendo stomacho, utitur pipere pulverisato, unde hæmorrhagia nasium.

Et ad fe-
brem inter-
mittentem
usus vino
emetico post
octo dies
melius ha-
bet.

Genubus
flexis in ly-
pothymiam
fere incredit,
a qua surgens
liberatur.

A dosi hie-
rae Pachii se-
pties deiecit
& perviginti

bus cum nihil aut parum proficerem, essetque in promptu mihi vinum emeticum ad febres intermittentes dosim experiri volui, qua bis aut ter vomui pituitosa, & amara, ventre sexies deiciente, quibus evacuationibus licet à principio non statim bene haberem, propter vomitus agitationem; Intra tamen octo dies maximum levamen percepi hypochondrii pondere sublevato, cessante rugitu, ventriculique humiditate valdè imminuta, cepique in posterum quietius cubare, & dormire: Sed pedetentim eadem symptomata redibant; equitabam nihilominus, invivendis ægrotis vocatus; appetitio satis constabat in cibis capiendis, & reliquæ sanitatis actiones; animo tamen semperolvebam, qualis esset affectus quo laborabam: Splenicum me esse putabam, propter gravitatem hypochondrii, rugitum, & insomnia; gravitas tamen hypochondrii erat sine duritie, cum levi interdum dolore, qui ad costas juxta mammam suppositas se proferre aliquando videbatur, alio multò magis moleste me habente. Hujus doloris ea erat natura, propter, ut opinor, cordis vicinitatem, ut aliquando in lipothymiam incidissem, si flexis genibus orans, non surrexissem: mirabar quomodo surrectus, statim cessaret molestia: Credebam ego lienis pondere trahi membranas, aut ligamenta, & ita circa costas dolorem fieri: sed, ignarus; longè aliter res se habebat, erat enim & costarum, & hypochondrii dolor, à fluxione; ut patebit infra. Sub id tempus moriente nobili viro, juxta oppidum Nogaro, quem à multis annis, omnes Medici splenicum esse credebant, cujus enarratio habetur lib. 3. cap. 2. de splenicis; agnovi ex ejus cadaveris dissectione, me non esse splenicum, sed tantum intemperie quadam frigida, partium ad stomachum, & hypochondrium sinistrum attinentium laborare, propter quam debiliter fiebant earum actiones; ignarus eas, propter debilitatem, fluxiones excipere, quæ tunc citra sensum defluebant. Per id tempus Aduram vocatus, ut publico constituto pretio Medicinam in ea facitarem, discessi Nogaro in eam, ubi inveni ægrotantes, qui fere simili, ut ego, affectu laborabant, quibus præscribens syrnpos magistrales ex splenicis, iis etiam utebar: Cum autem in dotes hieræ Pachii incidissem, arbitratus sum, & illis; & mihi profuturam, nec fefellit me expectatio; sumpta enim

enim dosi hieræ ad $\zeta\beta$. Septies facta ventris dejectione, placidius nocte cepi cubare, corporis positionis magis patiens per viginti dies, quibus exactis, redibant jactationes, quod me iterum ad hieram sumendam cogeat, qua humorum congerie vacuata, quæ per viginti dies pedetentim facta erat, iterum redibat quies. Toto hoc anno, propter commodum, quod statim à sumpto Pharmaco percipiebam, octodécies devoravi; nunc in forma boli, alias in forma pilularum, quibus tandem partes, tot vicibus sarcina levatæ, & aliis quæ cum purgantibus junguntur in compositionibus roboratæ, melius suo officio fungi ceperunt; unde non ampliùs rugitus in hypochondrio, nec magna gravitas, nec tantus in stomacho humiditatis, & frigoris sensus: Tamen ut in eo statu permanere possem, oportebat me quater in anno, ad minimum, purgantibus uti, quibus, etiam ab hemicrania liber factus sum. Cum autem profectus Massiliam causa invisendi parentes, à purgationibus solitis abstinuisssem, aucta est hypochondrii gravitas, & alia symptomata præter rugitus, quæ me ad purgantia redire coegerunt, sicut & hemicrania, quæ per intervalla corripiebat: Tunc temporis, cum prædicatus esset mihi pulvis cornachini, emi præticam chimiaticam Hartmanni, in cujus calce additus erat de eo libellus: ut modum præparandi addiscerem, quo parato, ut ibi docetur, usus sum: non solum tribus annis, quibus Massiliæ moratus sum, sed aliis multis, redux in hanc regionem, & in urbem S. Severi, ut ibi toto vitæ decursu Medicinam factitarem, propter uxoris cognatos, qui alibi manentem, ex remotissimis locis, ad se ægrotantes me veniendum rogabant: Cujus pulveris usu, propter sumendi facilitatem gratissimo, satis commoda fruebar valetudine. Sed deficiente pulvere, defeci & ego à purgantibus, unde principio Octobris anni 1644. & ætatis 45. correptus sum duplici tertiana quæ paucis post paroxysmis in quartanam abiit, de qua extat Enarratio lib. 4. cap. de Quartana: qua perseverante, agnovi manifeste caput meum, vel minimos frigoris sentire appulsus, quod me primum ad simplicem calanticam, ex corio gestandam coëgit: Deinde invalescente semper refrigeratione, ad xylino parte inferiore munitam, & ad crassio rem. At cum refrigeratio jam altas e-

dies melius
habeit.

Utitur cum
fructu pul-
vere Corna-
chini.

Anno æ-
tatis 45. cor-
ripitur ter-
tiana, quæ
in quarta-
nam brevi
mutata est.

gisset

gisset radices, hæc omnia non sufficiebant arcendo frigori, amoto galero alicubi manenti, præcipuè in templo: Alias quidem, sicut & tunc temporis, laboraveram quibusdam doloribus, primum in plantis pedum circa talum: progressu temporis in media manu, in medio coxæ; tandem in articulatione pollicis pedis, ubi fere semper arthritis incipit. Hi omnes dolores leviter me afficiebant, & ut plurimum per modum transeuntis, nec minus quam à capite fieri, veniebat in mentem: quousque illud capite impense refrigerato percepi: Tum verò fluxionis causa, refrigeratio scilicet, & capitis imbecillitas, semper in pejus ruentibus, ideoque magis abundantibus excrementis, via unde, & qua ferebatur humor, magis, ac magis mihi innotuit: Ita ut sensibus arbitris, agnoverim affectum, quem tam longo tempore splenicum suspicatus eram, solius fluxionis esse effectum, nec miratus sum amplius, me semper bona facie extitisse, quod ex Hippocrate splenicis non contingit. Agnovi etiam ab eadem causa, existere dolorem illum, qui circa mammam sinistram, & costas infestabat, præcipue cum flexis genibus nixus orarem: quæ omnia, alias à capite fieri, nihil minus cogitaveram, licet studiose semper sollicitus extitissem, animadvertendi ex praxi, utrum Fernelii sententia, de causis fluxionum, aliis esset veritati magis consona, ut in plerisque postea expertus sum, & nunc in me experior, quamvis non in omnibus circumstantiis, ut videbitur cap. de arthritide. Tunc autem à capite mihi impense refrigerato, magis copiosa existente fluxione, non facile hæere poterat in uno loco, ita ut cum circa costas influxisset, nova superveniente, cogeretur humor per viam solitam, alias occultam, in hypochondrium devolvere: Interdum prima sede relicta: Alias, propagatione causæ, ambabus affectis: Procedente tempore, sensi humorem ab hypochondrio, ad inferas sedes defluxisse, coxam, ischion, genu, & pedes; Interdum enim libero hypochondrio, aliæ afficiebantur, quod signum erat humorem locum mutasse. Tandem omnino factus sum liber à gravitate, & levi illo dolore hypochondrii, ab anno 1650. usque in hodiernum diem 1664. ætatis 65. non autem à dolore costarum, qui per intervalla, etiam nunc me torquet. Post sensum illum frigoris in capite, qui me

Cur semper bona fuerit facie.

Tandem a gravitate & dolore hypochondrii per 16 annos liberatus vixit.

ad calanticam coëgit, erumpebant sæpè de nocte, inter dormiendum, matutinis horis sudores, in collo, pectore, & stomacho, quos ab humoribus à capite, per corporis superficiem defluentibus fieri, pro certo habebam: sicut & si subsisterent, me magis doloribus obnoxium fore; quod ita contigit: Ab eo enim tempore, quo sudores non amplius manare ceperunt, variis doloribus insolitis sum affectus, circa lumbos, os sacrum, & circa regionem ureteris dextri, qui nephriticum omnino præsentabat ex situ: quia autem non erat acutus, ut nephriticus, cum lapis fertur per ureteres, nec aderat vomitus: quod etiam per vices, modo stante, modo sedato huiusmodi dolore, alter oriretur in medio coxæ ejusdem lateris, velut rei carnem incidentis, & pertranseuntis: Arbitratus sum, humorem aliquem defluere per musculum obliquum abdominis, ab eoque in coxam pertransire, & ultra: Quod processu temporis compertum est: neque enim unquam ab eo tempore, usque ad duodecim annos, arenulæ, aut lapillus prodierunt: licet pluries eodem dolore, & eodem modo affectus sim. Cum autem humor fluens oberraret, modo in hanc, modo in illam sedem, accidit mihi de nocte cardiogmos, qui dormientem à somno me excitavit, coëgitque in lecto sedere, variisque contorsionibus corporis, & manuum applicatione, ejusmodi dolorem demulcere, qui nisi citò sedatus esset, nescio quid de me actum esset: tantus enim erat angor, ut videretur orificium stomachi, à cane dentibus apprehensum. Dubius eram tunc temporis, an aliquis humor acerrimæ qualitatis, illuc à capite defluxisset, an aliunde, an in stomacho genitus; sicut & si à fluxione, an interiori parte, vel exteriori afficeretur stomachus: Cum enim variis fluxionibus essem obnoxius, si quid noxii in corpore oriebatur, huic causæ semper referendum putabam; ut plurimum autem, ita esse comperiebam. Nam à tredicem annis, quorum spacio quater hoc affectu correptus sum, ter de nocte, & semel tantum interdiu, multoque levius, propter faciliorem humoris descensum, sensi ultima vice, humore, ut opinor, magis abundante, fluxionem primum in gutture, tussiculam sua acrimonia moventem: deinde inferius descendentem, affici œsophagum, postremo orificium stomachi: Quia autem per

Sudoribus nocturnis vexatur, quibus defluentibus incidit,

In dolore, qui nephriticum mentiebatur.

Postea nocte afficitur maxima cardialgia.

vices, hac sede fere relicta, parum ad latus novus fiebat dolor, non amplius dubitavi causam à fluxione existere, partemque oris ventriculi anteriorem potius affici; ab interiori enim, non facile hac sede relicta, ad latus divertisset fluxio. Secundum illud tempus, duo animadversione digna fluxionibus obnoxiiis, mihi contigerunt. Primum quidem, cum mense Junio levem induissem thoracem, ex lineo textili gummi illito, frigore superveniente, ut fit sæpissime in hac regione instanti, in qua æstate modo calor, modo frigus; sensi pluribus vicibus humeros moleste ferre frigoris illius appulsum: Unde per viginti dies, & amplius, tussi laboravi, cum excreationibus pthysicorum similibus: Rei novitate attonitus, experiri volui, quod in dubium revocabam; annoque proximo sequenti, cum eodem mense, eundem thoracem induissem, idem mihi prorsus contigit: Tum verò pro certo habui, humores à capite citra sensum delapsos, & per humeros oberrantes, externo frigore superveniente, altiusque propter calidam temperatam poris apertis subeunte, ad interiora propulso, natura amplius non valente, ut solebat antea, hujusmodi influxionibus resistere, propter jam inclinantem ætatem annorum 52. Hac de causa, statui in posterum, hujus generis thoraces non amplius gestare, sed Hispanorum more, uti quocumque tempore crassioribus vestimentis; & quo observato non amplius in talem affectum incidi. Secundum, quod fluxionibus obnoxiiis animadversione dignum est, sanatio est doloris in genu, qui per tres annos perseverabat, non erat mihi valde molestus, nisi per vices, ægre incedenti, præcipuè autem hieme; unde credidi frigus huic dolori occasionem dedisse, propter communem femoralium, hoc tempore gestandi modum, quo genua frigori exponebantur: Ideo decrevi crasso genuali ea tegere quo solo, sine ullo alio remedio, omnino abscessit dolor genu, nec amplius reversus est, nisi per longa temporum intervalla, & per modum transeuntis. Ex his discendum, corpora eorum qui doloribus à fluxione torquentur, omni studio à frigore tueri oportere, ut defluens humor, se se per partes calidas quasi vapor diffundat, facile solubilis, alioqui frigore coactus, modo in hac, modo in illa parte cumulatus hærens consistet, do-

Leviori induta thorace per viginti dies tussi laboravit.

Sed adhibitis crassioribus vestimentis tussis desinit.

lorem

lorem pariens. Rebus meis in melius non prodeuntibus, postquam sudores sponte inter dormiendum manantes substiterunt, videns excretionem hanc, sola natura duce, plerisque, & mihi etiam profuisse; ad hoc vero non ampliùs eam se accingentem, arte volui imitari, cum sit ipsa morborum medicatrix. Itaque ut nimis urgentibus aliquibus doloribus, aliquod remedium afferrem, ne ab invisendis ægrotis me averterent, confeci caveam, in qua urgente necessitate, sine ulla alia præparatione, ad libitum sudores moverem; loca non esse magis conferentia, ad humoris per corporis superficiem perreptantis excretionem, ipsa cute; neque ad hoc ulla præparatione opus esse, subtili & aquosa existente materia, nisi meatuum apertione, beneficio caloris laconici, quo sæpissimè usus. Non solum in re præsentī, emolumentum percepi, sed etiam supervenientibus in posterum doloribus: Cum enim humor manantibus sudoribus, assuesceret per totam corporis superficiem effundi; defluens postea à capite, eandem viam insequens, in plures etiam partes diffundebatur; unde virtute dispersa, parvæ in partibus fiebant fluxiones, facile ideò resolutibiles, nisi insueto frigoris alicujus occurssu augeretur fluxio, intermissa præcipuè aliqua purgatione. Licet enim ter, ut plurimum, aut quater, postquam à quartana liberatus sum, uterer quolibet anno purgante medicamento, uti adhuc soleo, ne cumulentur humores excrementitii in nimia quantitate; intermissa purgatione, quàm in fine Septembris, aut principio Octobris parare jubebam; certum erat, me gravioribus correptum iri mense Novembri, ut sæpius expertus sum, etiam hoc anno. Hæc tamen omnia non impediabant quin caput meum, magis, ac magis frigoris sentiret appulsus, quod cum me male haberet, ut huic rei prospicerem, calanticam capillatam mihi comparavi, ut sub ea imponerem, capiti quidquid arcendo frigori necessarium esset; ex quibus tantum emolumentum percepi, ut scripto non possit concipi. Facile crediderim, me jam à multis annis vita functum, nisi extrema capitis refrigeratio esset impedita, beneficio calanticæ, & xylinis pileolis suppositis. Ab eorum usu exalfacto cerebro, non fuit mihi opus nisi raro, sudorum provocatione, leviores enim erant fluxiones, & vagæ, nisi cum

Hippo. lib.
6. Epid.
comm. 5.
Galenī.

Sæpius usu
laconici a
doloribus li-
beratur.

Propter fri-
gus capiti
magis in-
sensum ca-
lanticam ca-
pillatam
gestare cogi-
tur.

ischiae affectus, ex nimio conatu in oneris sublevatione, quod alias mihi contigerat: Qui enim varijs fluxionibus dolorificis obnoxii sunt, non semper à quacumque fluxione dolent; hæret enim sæpissime humor, præcipue si multus non fuerit, in partibus carnis musculorum, nullum, aut parvum excitans dolorem; quod si tunc temporis agere conetur musculus, nimia contentione, ejus fibræ contractis, excutitur humor ad tendones, aut membranas, quæ cum exquisitissimo sensu sint præditæ, inde acutissimi gignuntur dolores; ideo talibus hominibus fugiendæ sunt hujusmodi musculorum contentiones.

Visum acutior
a gestatione
calantica
capillatæ
recepit.

Hoc etiam mihi accidit emolumenti, ex calantica capillatæ, & suppositorum tegumentorum gestatione, quod non tanta fuerit mihi visus debilitas ut antea: Ab octo enim annis quibus ijs utor, possum quædam scribere sine specillis, quod mihi antea fas non erat: Tandem verò, invita calantica capillata, & alijs tegumentis capitis, fato concedendum: Nam hoc mense Decembri 1664. ineunte 66. ætatis anno, sentio quocumque adhibito studio, caput meum à ventis frigidis magis lædi quam antea; principio enim mensis Novembris proximi superioris, pluvioso cœlo, & ventoso, peragre profectus invisendis, ægrotis, duobus consecutis diebus, licet capitis instructus, variis fluxionibus paucis post diebus, fere per mensem affectus sum, præcedentibus, & comitantibus variis in locis capitis doloribus, velut carnis contusæ; primo quidem in medio bregmatis, dextro deinde in crotaphite, postea verò in vertice: Qui quidem dolores, modo vicissim, modo simul, & semel infestabant, cumulati humoris signa, & ad descensum parati, qui mox pone aurem decidens, influxit in musculum mastoideum, conversionem capitis in latus sinistrum impediens, cum dolore ad claviculam usque pertingente qua parte sterno jungitur, ubi est ejus exortus: Aderat mihi præterea tussis, portione materiæ acris in pulmones delabente; infestabat quoque dolor dentium, & coryza: Neque in his tantum restitit fluxio, sed ulterius progrediens in articulationem humeri, & brachium, & basin schapulæ, costasque proximiores decedit; deinde de eussando, aut nova fluxione à capite in latus sinistrum delabente, ut mihi solitum erat accidere, exorti sunt dolores in par-

Variis de
fluxionum
incommodis
vexatur.

te externa coxendicis, in coxa, in poplite, & tendonibus tali, me in lecto nocte decumbente. Tandem & in partibus superioribus lateris sinistri; dolores fensi in capite, in collo, in humeris, in brachio & costis, quibus sponte sedatis, partes inferiores dolebant lateris ejusdem. Interdum quæ in dextro latere remiserant, renovabantur, brevi abscedentes, & iterum redeuntes, modo tantum in una parte, modo in pluribus, & eo modo, ut sanitatis munia, nihil, aut parum læderentur, dante onus Omnipotenti, secundum vitæ conditionem. Nunquam in latere dextro tot mihi fuerant dolores, neque unquam in clavicula, & sterni parte superiore, nisi jam à triginta annis, quo tempore, ortus est mihi dolor in medio sterni, parte magis superiore, non tamen molestus nisi cum sternutatio excitaretur, in qua cogebar, ambabus manibus sternum comprimere, ad impediendam doloris ex concussione acerbitem, hujusmodi dolor tota ætate perseveravit, hieme, evanuit: cum autem sequenti ætate iterum rediisset dolor, hieme verò quoque remisisset, miratus sum, quomodo tempestate doloribus magis opportuna, omnino abscederet ejusmodi affectus; contraria verò rediret: volvens animo quid causæ esset, suspicatus sum hunc dolorem fieri potius ætate, eo quod sudore diffluens, solutis globulis thoracem laxarem captando frigori, quo, sudore refrigerato, & patrim in meatibus retento, fiebat mihi dolor; nec malè suspicatus sum; coacto enim, propter facilem stomachi, & totius lateris sinistri refrigerationem, ab eadem fere causa, thoracem globulis astrictum omni tempore gestare, non amplius dolor reversus est: Nec mirum; nulli enim auxilio, sanationem affectus hypochondrii quo per multos annos laboravi, & stomachi meliorem statum acceptum refero, quam harum partium tutelæ caloris, mediante duplicato mantili, quo quotidie cingebar; Tanti est momenti ad sanitatem, sola caloris partium custodia: præcipue dum sudore diffluunt. Ego verò puer, ex capite, & reliquis partibus manante sudore, pronò ipso, innumeris vicibus me in aquam demisi; Deposito galero, solutisque thoracis globulis, quoties sudor molestus erat, frigus collegi, non tantum puer, & adolescens, sed etiam vir, quousque caput, regionem stomachi, & hypo-

Quanti sit
momenti ad
sanitatem
conservan-
dam custodia
caloris.

chondrium finistrum impense refrigerata fensī, ad quæ duo proxima, non parum fecit, ut opinor, inter sudandum aquæ frigidæ potus; gutta enim tandem cavavit lapidem, sed equile, ut communi fertur adagio, non clauditur, nisi cum fure equum abstulerit. Post hæc omnia, primum in aliis, deinde in me, rerum usu comprobata, neminem esse arbitror, qui causam antecedentem fluxionum proximam, in capite non statuat. Qui autem huic sententiæ refragabitur, accidet illi fortasse, ut cuidam hujus urbis Medico, nunquam in consultationibus à me stare volenti, cum ageretur de origine fluxionum in capite statuenda, qui nunc festina laborans, perenni lapsu in pulmones præcipitante, fatetur suo damno, se humorem pone aures sentire delabentem in guttur, & pulmones, cum magno frigoris sensu in capite, ita ut libenti animo, calanticam capillatam gestandam meo consilio acceperit, eueupha supposita cum pulveribus cephalicis: Nescio an his, & aliis auxiliis pthyfim effugere valeat.

De affectibus soporem inducentibus.

C A P U T III.

Varii affectus soporiferi

quid sit Cataphora,

quid Coma.

Cataphora, Coma, Lethargus, Caros, Apoplexia, affectiones sunt soporiferæ, quæ in hoc conveniunt, quod soporem morbosum inducant; differunt tamen secundum magis, & minus, propriisque quibusdam differentiis: Cataphora enim leviores habet causas; est autem quædam propensio morbosa ad somnum, sine febre, à verbo (*cataphéromai*) quod est deorsum feror, unde Cataphora, propensio, lapsus, & maxime ad somnum apud Medicos. Coma, ut verbum sonat, somnum profundum significat: Cum autem pro omni Cataphora Coma sumatur ab Hippocrate, & cataphora pro comate, non tam gemina nominum significatio est inspicienda, quam id ad quod significandum, nomen est impositum: Coma igitur, seu Cataphora, maxima est ad somnum propensio morbosa, sine febre, ab humore frigido, & humido, cerebrum ex parte imbuente,

cum

cum primarius est affectus; secundarius enim si existat, ab humoribus, & sæpius vaporibus; ex partibus inferioribus ad caput transmissis, potest esse cum febre, & à causa calida; imo etiam primarium Coma, quod etiam de Caro dicendum est: Si enim vapor calidus; ut sit à putredine vermium, hos affectus generat, si mitis, & expers acrimoniæ; quidni humor in cerebro, tali natura præditus; horum enim distinctio, est tantum secundum magis, & minus, causæ scilicet magnitudine, quæ gravis Carum, debilis verò Cataphoram iavehit, quam Galenus duplicem statuit; unam somnolentam, aliam vigilem, cum palpebras claudentes dormire nequeunt ægrotantes, propter calidi, & acris humoris, cum frigido immixtionem, quorum sunt contrarii effectus. Ego verò nullam talem esse Cataphoram vigilantem existimo; nec ullius generis soporem, qui ex humorum simul mixtorum contrarietate gignatur: Si enim calidus humor misceatur cum frigido, qualitas unius infringet qualitatem alterius, sicut acris, à non acri retundetur, ex eorum enim mixtione, nec caloris effectus, & acrimoniæ, quæ vigilias inferre dicuntur, nec frigoris, quod una ex causis somni creditur, exurget; sed quid tertium, neque frigidum, neque calidum, & acre, ut somnum morbosum, aut vigiliam inducere possint: Detur tamen hoc ita esse, claudere solum palpebras, non est dormire, licet claudantur in dormientibus; sicut nec habere apertas vigilare; Alioqui lepores, qui apertis oculis somnum capere dicuntur, non dormirent; nec ægrotantes, quos ego vidi, apertis oculis omni sensu, & motu privatos, tanquam in extasim raptos, somnifero affectu laborarent. Ex eo igitur quod ægrotans claudit palpebras, vel potius aperire vix potest, etiam si corpus moveat, dentes comprimat, offerentiumque pocula manibus avertat; non ideo duplex affectus æstimandus est, ex sopore, & vigilia mixtus; vigilant enim: Si autem palpebras claudunt, aut attollere nequeunt; non est hoc ab impotentia vigilandi, sed ab imbecillitate facultatis palpebras aperire non valentis; neque apertis oculis jacentes sine sensu, & motu, vigilant; sed palpebræ, & fere etiam oculi, convulsivo affectu laborant, ex noxa principii, aut nervi affectu, materiæ translatione; quæ in nervis acrimonia, aut qualitate illis infer-

Cataphora
duplex altera
vigil, altera
somnia
lenta a Gale-
no statuitur.

Catapho-
ram dari vi-
gilem, ne-
gat auctor.

sa gignit convulsionem; in cerebri sensu experte, affectum somniferum. Neque ad hoc fingenda est duplex materia; una enim, id efficere potest, ut patet in liberaliori vini potu, quod & somnum profundum, & convulsiones gignit. Quare in curatione soporis vigilantis, sive claudantur oculi, sive aperti maneant, quod pejus est, duarum causarum non habenda est ratio, sed tantum somniferæ, cujus maxime proprium est, violenta cohibitione animales spiritus detinere, ne cum impetu ferantur ad organa sensuum, unde somnus; deinde qualitate, cerebro, aut nervis infensa, si qua sit, convulsionem parere, ut accidit in ebriis, juxta doctrinam apho. 5. sect. 5. qui derepente si obmutescant, convulsi moriuntur, nisi febre corripiantur, aut, &c. Quorum quidem convulsionem, non tam à vino replente, ut putat Galenus in expositione, quam ab ipsius acrimonia gigni existimandum est; vino enim epoto, statim vapor acris, & adurens, ut patet in aqua vitæ, cerebrum petit, ipsumque ferit, & nervos, varios excitans effectus, pro assumpti vini quantitate. Si autem materia virtutis hypnoticæ particeps, qualitatem aliquam malignam præ se ferat, ut vapor interdum à vermibus, convulsioni tamen efficiendæ ineptum; pro vi, & copia hypnoticæ materiæ, vel coma, vel carum inducet, & pro qualitatis cerebro infensæ conditione, coma, quod vigil dicitur, in quo palpebræ clauduntur, ægrotus tamen non dormit; membra movens, & caput, ut vim porrigentium remedia eludat; unde (*typhomania*) dicitur talis affectus, minus tamen proprie; cum, insolentia, & furor, ut verbum sonat, in eo non appareat. Ex his constat duplicem esse soporem vigilantem; unum in quo oculi clauduntur, ægroti tamen non videntur dormire, propter jam dicta: Alium in quo oculi manent aperti, videnturque ægrotantes vigilare, alto tamen comate, & mortifero sopiti jacent, velut in ecstasi rapti, ut supra diximus. Hic affectus carum semper habet adjunctum cum maxima cerebri noxa, ut patet ex oculorum, & palpebrarum convulsione: Coma autem vigil, in quo clauduntur palpebræ, licet causas habeat leviores, sæpe tamen mortiferum est. Hujus causam inquirens, quomodo in quibusdam, videretur aliquis dormire, in aliis autem vigilare, torsit animum sæpe cogitatio:

Typhomania quid.

Coma vigil ut describitur ut plurimum mortiferum est.

zio: Tandem ex plurium ægrotantium observatione, persuasus sum in comate vigili, partem cerebri, maxime anteriorem, circa frontem, & oculos, vapore aliquo, aut humore imbutam, non tamen multo, & crassiori, alioquin carus fieret, in quo nullus est motus, salva respiratione, quemadmodum in comate vigili: Quo quidem vapore, aut humore, liberum ad palpebras, & oculos, spirituum accessum prohibente, non attolluntur præ impotentia palpebræ, cum depravata ad hoc imaginatione, unde motus præter rationem; non autem abolita, ut in caro: Qualitate tamen hypnotica gravior quædam jungitur qualitas in comate vigili, quæ contrariorum effectuum causa, est vitæ discriminis, licet sit tantum una, ut ebriorum exemplo supra demonstravimus; sicut & in caro, in quo oculi manent aperti, qui vigil dici potest, ad differentiam alterius, minus tamen proprie, quam in comate vigili; cum in illo nullæ sint qualiscumque generis actiones vigilantium, ut in comate vigili, sed tantum oculorum, & palpebrarum convulsio, ex gravi noxa cerebri, ab una, & eadem causa, quæ soporem, & convulsionem facit, ut supra explicavimus, & nuper vidimus in puerulo quatuor annorum, qui gravi caro oppressus, oculos habebat apertos, convulsis etiam brachiis, præcipue autem sinistro, propter cerebri in eo latere, substantiæ corruptionem; Dissecto enim cranio, inventa est in basi ipsius cerebri, vesica alba, ovi oblongi figura, & magnitudine, cum substantiæ cerebri corruptione in latere sinistro, in quo partium major erat convulsio; qua quidem vesica à Chirurgo aperta, resiliivit ad oculos fere inspicientium, aqua in ea contenta. Sicut etiam carus distinguitur à quibusdam, in morbosum, & non morbosum; sic etiam posset quispiam asserere, majori autem jure, cataphoram aliam esse morbosam, & aliam non morbosam: sed omnis cataphora, & omnis carus, morbosus est, quamvis maxima ad somnum propensio, & omnis somnus profundus, possint esse à causis præter vel secundum naturam; Qui enim arctissime dormit, si causa non est morbofa, nunquam caro laborare picetur, etiam si sit à vino epoto, dummodo naturæ leges somnus non excedat; ista enim nomina, solis affectibus præter naturam significandis indita sunt, potius quam actionibus naturæ demonstrandis. Lethargus inexpugnabilis est dormiendi cupiditas,

Puer op^o
pressus Caro
& oculos ha-
bens aper-
tos.

Lethargus
quid.

ditas, propensioque major ad somnum quam coma, & cataphora, cum febre lenta, causam habens pituitam putrescentem in cerebri substantia: Quia autem somnus, qualiscumque generis sit, sed præcipue morbosus, cogit nos eorum oblivisci, de quibus admonemur; ideo gravis iste ad somnum lapsus, dictus est lethargus à (*létbe*), oblivio, & (*argòs*) seu potius (*ærgòs*, nihil agens, quasi iners oblivio. Carus est somnus profundus sine febre, ut fertur communi opinione, à frigida, & humida cerebri intemperie, orta à pituita, superiores, ut quibusdam placet, ejus ventriculos occupante; & hic primarius est, & simplex: Qui verò fit per consensum, est à vapore humido, & magis crasso quam in comate, febrem sæpe habens adjunctam, quæ etiam in primario interdum reperitur; neque enim est de essentia cari, esse sine febre; qui enim à putredine vermium gignitur, semper est cum febre, nisi maligna anathymiasis, facultatis vitalis robur evertat, in asphyxiam sæpe definens. Sicut etiam coma fit in accessione quarundam febrium; sic quandoque carus, cum materia crassior est, ut à vapore pituitæ vitreæ putrescentis, qui quidem sæpius repetens, fere lethalis est, præcipue in ætate provectis, & senibus. Fit etiam carus in fine convulsionum epilepticarum; cujus causa, videtur esse spiritus animalis exolutio, potius quam humor, aut vapor; in eis enim valde laborans cerebrum, manet defatigatum, & quasi attonitum, non valens sufficientes spiritus conficere, nec transfundere cum impetu ad organa sensuum, quousque paulatim vires recipiat; Quod etiam accidit in magnis cerebri concussionibus, in quibus attonitum remanet aliquo temporis spacio, quasi somno sopitum. In apoplexia somnus profundissimus est, sine motu, & sensu, ut plurimum sine febre, cum respirationis læsione, qua præcipue distinguitur à caro, in quo nulla est, aut parva respirationis læsio, quæ à stertore dignoscitur, qui quo major, eo gravior respirationis læsio, & apoplexia periculiosior: Vidimus tamen affectum somniferum, & mortiferum, cum maxima respirationis læsione, qui apoplexia dici non poterat, de quo ultima enarratione. In his omnibus affectibus substantiam cerebri primario affici, & secundo ventriculos existimandum est: Vapor enim dum coma, aut cataphoram gignit, quasi

Differen-
t' a inter A-
poplexiam
& Carum.

quasi verò rectà petat ventriculos, & illis solis immoretur; partes potius cerebri sublimiores occupabit, deinde proximiores, totum denique cerebrum, si multus affluat. Præterea si cum substantia cerebri pituita perfunditur, ut in lethargo omnes fatentur, somnus inexpugnabilis invehitur, quo magis irrigabitur, eo somnus profundior; Et quo frigidior, & crassior materia, eo gravior affectus, & solutio difficilior: Ideo in lethargo, non ita sopiuntur ægrotantes, quin respondeant ad inclinationes, & vellicati expergescant, quamvis statim somno deprimantur, quod in caro non fit, quia in eo major est cerebri irrigatio: Quamvis autem in utroque affectu materia sit frigida, in caro putrefactione non incalescit; Ideo in illo humor frigidior, & somnus profundior, à quo non excitantur, nisi à symptomate liberentur, licet admotis cucurbitulis, & carne dissecta sentiant, & corpus moveant. In apoplexia major est quam in caro cerebri ab humore perfusio; ita ut & sursum, & deorsum irrigetur: nec soli ventriculi afficiuntur, ut quidam volunt, sed ejus substantia multa humiditate frigida, & crassiore, quam in caro oppressa, partem transfundit ad ventriculos, excretioni paratior; unde creduntur postea ventriculi, ab insipientibus in dissectione cadaverum, potius affici, quam cerebri substantia. Hæc autem præsertim dicuntur de apoplexia, quæ generatur in cerebro; in universum enim, quidquid animales spiritus violenter cohibere potest, ne ullo modo, aut saltem perexigue, ferantur ad organa sensuum, apoplexiæ causa dici debet, sive sit humor, sive vapor crassus, ut à carbonibus accensis, aut à musto, in cellis vinariis tempore vindemiarum effervescente; aut aliquid aliud. Utinam cerebrum in hoc affectu, laboraret solum tanquam pars organica, non esset tam difficilis ejus solutio, uti est, cum viæ à ventriculis pateant, excrementis etiam crassioribus. Minus probatur mihi sententia eorum, qui à sola intemperie frigida, apoplexiam quoque fieri existimant: Cum enim intemperies subito non fiat, sed paulatim, impossibile est, quin tempore accersat materiam. A frigore externo, apoplexiam subito quidem invehiri, fatendum est, humoribus intro propulsis; sola autem refrigeratione sine materia, nequaquam, fieret potius catalepsis, si intemperiem frigidam,

Quicquid spiritus animales cohibet ne in organa sensuum influant, potest esse causa Apoplexiæ.

Qui fiat Cataloplis.

gidam, & ficcam cerebri, causam habere credamus: Hunc tamen affectum, inter somniferos proprie non recensemus, cum quidam eorum videant, obloquantur, & recordentur eorum quæ acta sunt. Magis videtur redolere, speciem quandam convulsoriae dispositionis, cum corpus in eo rigidum maneat, apertis oculis, si aperti erant, & totum corpus in eodem statu, in quo deprehensum est à symptomate: Quod si vehemens fuerit, sensus omnesprehenduntur, & extasis quædam videtur; Cum verò de vehementia remittit, interdum nonnihil vident, subaudiunt, & obloquantur, ut jam diximus: Spirituum animalium in cerebro, & toto corpore congelationem dicas, non tamen perfectam, mors enim sequeretur; sed tantam, ut ad motum, & sensum sint inepti, excepta respiratione. Hæc spirituum rigida detentio, seu congelatio, ut quidam vocant, nec à frigida cerebri intemperie, ut placet Galeno, primo & per se, nec à subita refrigeratione, nec à sanguine, ut vult Aëtius, nec ab humore melancholico simpliciter, ut communis est sententia, invehitur. Primo quidem à subita refrigeratione, immediate fieri nequit catalepsis; frequentius enim accideret, cum frequentissime caput refrigeretur. Ab intemperie frigida & sicca, multo minus, subito enim fit catalepsis, & desinit; intemperies verò pedetentim, & ægre tollitur. Omnium minime probabitur, sanguinem calidum, & humidum, hujus affectus causam esse, etiam si à quibusdam plenitudine, aut crassitie distendere dicatur; Quoties sanguinis plenitudo, aut crassities, sine catalepsi? Similiter dicendum de humore melancholico, si spectetur, ut natura frigidus, & siccus: Rudis est hæc, & cortice tenuis, rei tam abstrusæ causarum indagatio, proximam constituere in qualitatibus elementariis, aut in plenitudine, seu crassitie alicujus humoris: Quemadmodum lactis coagulatio, non à frigidis, sed à proprietate specifica cogentis; Sic spirituum illa in cerebro, & toto corpore rigida detentio, quæ species coagulationis est, nec à subita refrigeratione, aut intemperie frigida, & sicca, nec à melancholia, nisi corruptione, aut alia quapiam alteratione, qualitatem illam induat figendi spiritus, ut quasi congelati, aut coagulati immoti permaneant, & partes ab ipsis illustratæ; quemadmodum sal illud Glauberi,

A subita
refrigeratio-
ne non fit
Catalepsis,
ut nec ab in-
temperie
frigida.

de quo in sua Appendice generali, centu, 2. arcan. 34. & 35. quod liquores paucis horis, in dura frustra glaciei similia coagulat; spirituum tamen, propter substantiæ tenuitatem, non potest esse tanta coagulatio, ideo cito solvi potest; quo autem fortior, eo omnium sensuum interceptio major, & lethaliior affectus: In quo sane non est opus, ut humor ille jam dictæ qualitatis parens, seu vapor, totum cerebrum, aut majorem illius partem occupet; sufficit, ut in epilepsia, quod ex quadam sede, licet parva, qualitas illa transfundatur, qua omnes spiritus subito comprehenduntur; est enim catalepsis comprehensio, sicut catoche detentio, quæ apud Recentiores idem sonant; quamvis Antiquioribus non item. Vide Galenum, & Neotericos. Hic affectus, est omnium qui in Medicina tractantur, admiratione maximè dignus, atque rarissimus: mirum enim quomodo factus, citò sæpè desinat; multoque magis, quomodo toto cerebro, & reliquo corpore rigida detentione affectis, stet salva respiratio. Non possum hic asserere, nisi quod scriptum est cap. de diffic. spirand. Pulmones naturalem quamdam vim habere se se movendi, qua servantur apoplectici ad quoddam tempus, & dies; sic & cataleptici. Sed de hoc affectu, cum rarò veniat curandus, hætenus satis. Ut autem horum omnium affectuum supradictorum soporem inducentium, accuratior notitia haberi possit, somni naturalis conditio apprimè tenenda est, ut contrarii oppositione facilius innotescant. Somnus naturalis apud Galenum, dicitur conversio nativi caloris ad alimentum, ex fatigatione, & siccitate: At somnus naturalis alias habet causas, & proximiores, præter siccitatem, & fatigationem, quæ sub una ratione formali continentur; Ideò à quibusdam definitur, & recte, placida cohibitio spirituum, ne cum impetu ferantur, ad organa sensuum; sive extrinsecus hoc adveniat, à cantu, aquarum murmure, motu cunarum, aut lecticæ; sive hoc fiat intra corpus, à vapore esculentorum, & potulentorum; sive hoc fiat à vi sola cerebro innata; cum laboribus, & vigiliis ex hausti spiritus; non velens enim affatim, & cum impetu, novos continuò transfundere, recipit se in gremium suum, ut præteritam illorum jacturam resarciat, unde somnus, qui fit leni cessatione transimissionis,

Catalepsis
& Catoche,
a veteribus
pro diversis
habitæ sunt
affectibus.

Lib. 3. de
cau. pul.
Somni na-
turalis causa
& conditio.

Hippo. appo.
42. sect. 2.
Cura Apo-
plexiæ inci-
pienda a ve-
næ sectione.

Licet mor-
bus sit a cau-
sa frigida ta-
men vena
secanda.

Et statim
aere Enema
injiciendum.

quæ cohibitio dici potest, & conversio Galeni, nativi caloris ad pabulum. Si igitur placida cohibitio, animalium spirituum in cerebro, naturalis somnus est; violenta, sopor præter naturam erit. Quæ si levis cataphoram invehet; sin ultra, & cum febre, lethargum; si gravior, & sine febre, carum, licet etiam febris cum eo esse possit: Si gravissima sit spirituum cohibitio, ut illis via fere, aut omnino obstruatur ad organa sensuum, apoplexiam faciet, quæ etiam si debilis, difficile solvetur. His ita dilutis, & apertis, ad curandi rationem veniamus, incipientes ab apoplexia, in quâ tanquam in affectu præcipiti, statim à venæ sectione incipiendum, è cephalica, si appareat, vel mediana, lateris à quo fiebant fluxiones, aut hemicrania; si his ægrotus per sanitatem erat obnoxius; sin minus, è latere dextro: Nec formidandum quod à quibusdam scribitur, sectionem venæ, vel occidere, vel liberare; facta enim cum prudentia, virium scilicet, & ætatis habita ratione, primum nunquam eveniet ratione evacuationis, nec secundum nisi rarissime, & succedente ut plurimum paraplegia, quæ sæpè in priorem affectum recurrit. Præterea venarum turgentia, & modus sanguinis resiliens, utrum parum, aut multum sit detrahendum indicabunt: Quapropter, licet non constet de plethora, & morbus sit frigidus, venæ sectio semper est imperanda, ut saltem sanguinis missione commotis humoribus, & sopitis spiritibus excitatis, quæ obstruunt, etiam moveantur. Insuper quædam apoplexiæ species est, ex Hollerio, quam sanat subita, & diligens sanguinis detractio: Quod etiam confirmat Zacutus, obs. 20. lib. 1. prax. miran. & lib. 1. Histor. Medic. princ. obs. 31. Sicut & de sanato apoplectico, admotis cucurbitulis incipitio, cum profunda scarificatione, prius acri enemate injecto. Idè non est expectandum, ut enema injiciatur, sed dum paratur, statim ab his quæ potiora putantur, incipere oportet. Si à prima venæ sectione pulsus fiat melior, & respiratio sit faciliior, iteranda est ex altera cephalica; sin hæc deteriora, omittenda, & loco ejus cucurbitulæ cum profunda scarificatione scapulis sunt affigendæ, parte jugularium, proximiori, injecto, & rejecto enemate post primam venæ sectionem, quod sic parari potest.

℞. Herbar emoll. centau. minor. mercur. orig. puleg. absyn. ana m. flor. chamæm. & melil. ana pii sem. ani ʒj. fiat ex his decoct. Acc. ℥j. tantum, dissol. diaphœ. & hieræ diacol. ana ʒiij. olei rut. & chamæm. ana ʒiʒ. mellis despu. ʒij. salis gem. scrup. j. fiat enema, à quo acrius parabitur mox describendum. Interea decoquatur pulegium cum pipere in aceto; & calidum frequenter narib. admoveatur, ut vapor inspiratione ad cerebrum introducatur. Fiant asperæ frictions extremorum, & dorsi, præcipuè autem colli. Cieantur sternutamenta pulvere hellebori, cum quo modicum castorei sit admixtum, aut decoquatur hellebori radix cum foliis sampfuci, ut cap. de doloribus capitis scriptum est, & turundis in decoctione calida madefactis, narium interiora illinantur; quamvis hoc genus auxilii non probet Jacotius, in scholiis supra Hollerium, cum sit humor, inquit, in corpore cerebri, non autem in ventriculis: Verum quidem est, sternutamentis facilius educi excrementa quæ in ventriculis detinentur, sed cum substantia cerebri, in hoc conatu tota concutiat, quod in ipsa infarctum est, etiam deturbari potest, aut loco dimoveri, facilius postea trahentibus, aut expellenti naturæ cessurum. Præterea inferviunt sternutamenta ad morbi, seu symptomatis gravitatem agnoscendam; utrum scilicet, facultas sit valde sopita, nec vim eorum sentiat, sicut nec cucurbitularum applicationes; quamvis parum fidendum, etiam si natura non videatur multum sopita. Ejecto priori enemate supra scripto, aliud injiciatur acrius, cujus hæc poterit esse descriptio.

℞. Rad. cyp. & valer. ana ʒj. folior. alth. mercur. cent. minor. orig. puleg rutæ, absyn. Lauri ana mj. summit hyss. & sal. flor. chamæm. & milil. ana m. β. flor. anth. & lavend. ana pii. sem. ani. & cumi. ana ʒj. bacc. lauri, & junip. ana ʒβ. fiat ex his enematis decoctio. Acc. ℥iʒ. dissolve diaphæn. & hieræ diacoloc, ana ʒiij. olei rut. & mellis anthos. ana ʒij. salis gem. ʒβ. fiat enema, cui addi potest in decocto croci metall. ʒβ. & amplius; aut fiat decoctio ʒj. ejusdem croci, in vini albi ʒiij. quæ colatæ cum enemate misceatur; Et si valentius enema desideres, colocynth. & radicis ellebo. nigri ana ʒij. cum aliis decoquantur.

Frictiones
asperæ con-
veniunt, ut
& sternuta-
toria.

Descriptio
Enematis
contra Apo-
plexiam.

His omnibus brevi tempore paractis; quam primum fieri poterit, decernatur medicamentum purgans, quacumque hora, in hoc enim affectu, temporum angustiis urgemur; quod quidem validum esse oportet. Vulgare fit, ex ʒj. scrup. iiij. fortiorum pilularum coccia, aut aggregat. & gr. iiij. casto. in aqua vitæ dissolut: Ego verò probarem potius dosim merc. vitæ, v. g. gr. vj. aut vini emetici, si desint.

Purgans
& vomito-
rium contra
Apople-
xiam.

℞. Vitri antimoni, à gr. iiij. ad vj. aut jecor antim. à gr. vj. ad xij. pro viribus ægrotantis, decoque in vini albi ʒiiij. ad quartæ partis consumptionem, colaturæ adde aquæ cinamomi ʒij. & propinetur. Si injecta enemata præter rationem moram faciunt, sollicitanda est dejectio acribus balanis, adjiciendo in communibus pulverem hieræ diacoloc. cum sale gemmæ; vel incidatur frustulum saponis in formam glandis. Interea si habeatur aqua D. de Candale, aut aliqua imperialis dicta, immitatur in guttur deglutienda: Potest in hunc finem piper pulveratum ad ʒß. infundi in spiritu vini, ʒiiij. cum pugillo foliorum pulegii minutim incisorum, & usu ut alia recipi, quarta quoque hora repetendum. Applicetur quoque cucurbitula, exemplo Fracastorii, raso capiti, ea parte qua futura sagittalis occipitali jungitur, fiantque profundæ scarificationes & breves, ut arteriæ, quæ aliquando negotium faceßere solent, minus attingantur. Cucurbitulis remotis, loco sartaginis candentis, foveatur caput decocto simplicium cephalicorum in vino, & aceto, ut infra dicetur confecto, vel ut scribitur in ordine alphabetico. Quidam Practici, non timent venas jugulares aperire, quod non vacat periculo, propter hæmorrhagiam, & ligaturæ incommodum, magis scilicet impedita respiratione, cujus potissimum defectu pereunt apoplectici; Sed hæc apud illos fiunt cum cautione, leviter enim fit ligituræ constrictio; angusto foramine fit apertio, à qua statim solvitur ligatura, vulnus mistura Galeni occluditur, quæ componitur ex thuris pii, aloës pi, subactis cum ovi albumine & pilis leporinis, è ventre præcipuè detractis, minutissimè incisis. Verum si una salus in hoc præsidio, quare tam insolens. Ego quidem, etsi exempla afferantur, eorum qui hac apertione evaserunt; paucos, & nullos existimo, vera detentos apople-

Cucurbita
in futura sa-
gittali appli-
cetur, cum
scarificatio-
ne.

Non nulli
medici venas
jugulares
aperiunt, sed
cum pericu-
lo.

L. b. 5. de
Meth. med.

xia

xia liberari, nisi in ea specie, de qua suprà ex Hollerio, & Zacuto, quam per similitudinem apoplexiam dici facile crediderim: Multi enim Medici, non curant sæpissimè propria quorundam signa perpendere, hominemque caro laborantem apoplecticum affirmabunt, sicut & in aliis affectibus, in quibus curatio minoris est gloriæ, si alio nomine vocentur. Multi etiam inter dormiendum stertunt; quantò magis si caro laboraverint; Fallax itaque erit in iis, sicut & in quibusdam aliis, distinctionis signum quod affertur à Medicis, inter carum, & apoplexiam, quod dilucide patebit, ex scriptis in ultima enarratione hujus capituli. Quod autem traditur à quibusdam, venas jugulares tundendas, quia ipsæ in apoplexia obstruuntur, ideoque apoplecticas dici; commentum esse existimo, magna enim vasa non obstruuntur; implentur quidem, & tument, existente plenitudine: Sed detur venas jugulares posse obstrui, quid tum? Spiritus animalis non fertur per eas, sed alimentum; nisi jam nunc recepta de circulatione sanguinis doctrina, hunc dicas ab arteriis, susceptum per jugulares, ad cor præcipitare, quarum obstructione submergitur, & oppletur cerebrum, impedita spirituum libera transmissio; obstrui tamen jugulares, ut exiles venas, à materia crassa, & tenaci, nemo concessurum arbitror; Si enim internæ jugulares obstruerentur, quid juvaret externarum apertio: Dicamus igitur, solo sanguinis plenitudine distendi, & oppleri jugulares, sicut & capitis vasa, liberumque spiritibus motum impediri, quem subita, & diligens sanguinis detractio restituit, ut supra diximus ex Hollerio. Idem dicendum de obstructione carotidum, non autem de ea, quam gigni in rete admirabili docet Fernelius, quam fieri posse concedimus; Ideo arterias juxta mandibulæ articulationem tundendas juberem, quarum apertio vacat periculo, potius quam jugulares; potissimum in illa specie, quæ fit à redundante sanguine, ut constat ex illo juvene apud Aëtium, cap. de catalepsi, quem sanguinis fluxus è naribus, quarta die superveniens liberavit; Et ex illa nobili muliere, quam Sacutus Lusitanus sanitati restituit, venæ sectione quater repetita, octo horarum spatio, sumpta indicatione à mensibus tunc temporis fluere solitis: Ideo Hali Abbas absti-

Venæ Jugulares non obstruuntur, sed quidem replentur.

Lib. 5. Pathol. log. cap. 3.

Hali Ab-
bas abstinet
a venæ se-
ctione, nisi
turgcant.

In Carō
eadem adhi-
betur cura-
tio, quæ in
Apoplexia,

net à sanguinis missione in apoplexia, nisi venæ turgcant, quia tunc non fit à sanguinis copia, quod in curanda apoplexia maximè est considerandum; multa enim sanguinis copia, causa existente, nocerent, ut sartago ignita, ad cerebrum calefaciendum, & fundendos humores frigidos, dropax, phœnygmi, vesicatoria, fœtus herbarum cephalicarum, & alia caput calefacientia, à quibus causa existente sanguinis plenitudine abstinendum: E contra verò in ea specie, quæ frequentior est, parum aut nihil juvat venæ sectio, quam genuit humor frigidus, & pituitosus, cerebri substantiam replens; tempus autem anni, ætas, & temperamentum ægrotantis, venarumque turgentia, qualis naturæ sit apoplexia indicabunt. In caro, eadem curatio adhibetur quæ in apoplexia, minori tamen cum præcipitatione omnia fiunt, cum res non sint in tanto discrimine. Verum si fiat per consensum, habenda est præcipuè ratio loci, à quo vapor ascendit; Si ab stomacho, vermes fere subeunt, aut esus rei cuiusdam soporem inducentis præcessit, ut cicuta, fungi, opium, vini potus; aut, ut accidit in convalescentibus, facultas nimio cibo opprimitur. Si igitur aliquid ore sumptum est soporiferum, vomitu rejiciatur, si adhuc in stomacho contineatur; Si verò prolapsus est ad intestina, enematis advocetur acribus, aut medicamento purgante deturbetur, deinde ventriculus, & caput antidotis roborentur: Putredo si scateat in intestinis, enematis etiam, & purgante pharmaco, cui aliquid contra vermes sit impositum, foras propellatur: Ab hypochondriis extra intestina, non fit carus, nisi in quibusdam febris à putredine, quarum fomes in illis subesse existimandus est; qui quidem carus, augetur febre invalescente, & remittit declinante: Hic non indiget curatione, nisi qua febris profligatur; Sicut qui symptoma hystericae passionis est, & qui vulneribus quibusdam capitis supervenit, curatur sublata causa efficiente. Quæ de caro curando dicimus, eadem prorsus in cataphoræ curatione, & comatis observanda sunt; cum ab eadem causa, sed debiliori, ut antea diximus, procreentur, sicut & lethargus, qui cataphora cum febre dici potest: Ex qua apertissimè constat, lethargum nunquam fieri à simplici intemperie frigida, ut quidam scribunt, cum intemperiem frigidam, per se febris esse cau-
sam,

ut & in Ca-
taphora &
Comate.]

sam, sit impossibile; Ideo in ejus curatione, prius habenda est ratio pituitæ putrescentis in cerebro, & febris, deinde frigidæ intemperiei, si qua sit: Ratione igitur febris, aut sola revulsionis gratia, venæ sectio est administranda, prius injecto enemate, sanguinisque è cephalica detrahendum, quantum vires, ætas, plenitudo; & morbi natura, ferre videbuntur: Cætera deinde observentur sine præcipitatione, ut de apoplexia supra diximus: Cum enim omnes hi affectus soporiferi sint cognati, solumque differant secundum magis & minus, propriisque quibusdam differentiis, ut antea diximus, curatio unius alteri adhibetur, pro uniuscujusque causæ, & symptomatum varietate. Quare prius de apoplexiæ curatione egimus, quæ præ cæteris fortio rem habet causam; ut ex ea sumatur, quod aliis affectibus soporiferis congruum videbitur, pro uniuscujusque causæ, & symptomatum differentiis. Qua propter in lethargo, quia febris comitatur, multi respuunt impense calefacientia capiti admota, ut dropaces, phœnygnos, sinapismos, & vesicatoria; Alii verò utuntur: Hujus rei decisio, sumi debet ex febris natura, quæ si parva, conceduntur, sin minus, abstinendum; Omnia autem prudentia Medici administrari debent, qui ad ea quæ magis urgent, convertere se didicit: cujuscumque tamen naturæ sit febris, cucurbitulæ cum scarificatione vertici impostæ, in omni affectu soporem inducente conveniunt, cujus causa est in capite. Practici utuntur in lethargo oxyrhodinis, quæ nihil, aut parum videntur profutura; mallem ego uti fortu capitis ex decocto sequenti universalibus præmissis,

Affectus soporiferi non differunt nisi secundum magis & minus.

℞. Rad. cyp. valer. acori ana ꝑj. folior. beton. samp. salu. puleg. hyss. calam. orig. ana mi, flor. chamæm. & melil. ana pii, floru rorism. stæc. & lavend. ana pi, bacc. lauri, & junip. ana ꝑß. fiat ex his decoctio in aceto, & caput rasum, ab applicatione cucurbitulæ calide foveatur; multum laudat hoc remedium genus Riverius, in omni affectu soporifero. Quidam distingunt lethargum in idiopathicum, & sympatheticum; Idiopathicum verò, in eum qui fit primo, & per se, & eum qui alteri morbo succedit. Ego verò tantum unam speciem lethargi invenio, qui fit ex nimia irrigatione cerebri pituitæ putrescentis. Si enim lethargus fiat ex hujusmodi pituita putrescente

Fotus ex herbis cephalicis.

substantiam cerebri irrigante; in affectibus autem soporosis per consensum, nulla est pituita putrescens, sicut & in lethargo qui phrenitidi succedit: Cur talis affectus, carus, coma, aut cataphora, potius non dicetur, quibus etiam febris interdum jungitur: In his itaque pituitæ putrescentis in cerebro non est ratio habenda, sicut in vero lethargo: sed focus in partibus inferioribus existens subtrahendus; vel naturalis cerebri calor, præcedenti inflammatione exolutus, refocillandus antidotis, & fotu herbarum cephalicarum in aqua aut vino, vel in ambobus, ut per febrim licebit, parato, addita octava parte aceti. Cum autem materia aliqua est expurganda, sacculus ex baccis lauri, & rad. hellebori nigri, ana, si decoquatur in prædicto decocto, & post fotum futuræ coronali applicetur, ut docet Hartmannus cap. de mania, facile crediderim ægrotos hujusmodi sopore oppressos, non parvam utilitatem percepturos. Zacutus in hunc finem, retro aures pyrotica apponit. Vide observationem de lethargo lib. 1. praxis histor. cap. 1. Et lib. 1. praxis miran. obser. 17. de lethargo, ferro candenti excitatis crustulis in vertice, occipitio, & circumcirca, curato. Quod autem spectat ad purgationem in curatione lethargicorum, à multis non probatur in principio, medicamento præcipuè valido; fortasse propter auctoritatem Hippocratis lib. 3. de morb. moriturus, inquit, est lethargicus, multum, atque id liquidum infrà egerit. Sed hac de causa, non existimo à purgatione esse abstinendum à principio; Imo forti utendum, ut humor ille putris citò educatur, cum intra septimum diem, qui lethargo laborant moriantur; Quod si moriturus, multum atque id liquidum infrà egerit, facultate retentrice cum toto percurrente, quod mirum non est: In principio igitur, aut nullo modo, propter morbi brevitatem potest decerni purgatio in lethargo. Sic experientia edocti sententiam Hippocratis accipimus.

Post aures
cum fructu
applicantur
pyrotica.

P R O G N O S T I C A.

Coma quod virium imbecillitatem sequitur, valde exitiosum; sicut quod morbos calidos, & siccos sequitur, ut post phrenitidem, & in quibusdam febribus.

Coma minus periculosum, quod à frigida intemperie sola

pen-

pendet, quam quod à frigida, & humida; & hoc minus quam illud, quod fit à contrariis intemperiebus.

Carus semper malus, & comate pejor.

Carus à vulnere capitis, malus.

Lethargicus intra 7. dies moritur; si hos evaserit, servatur.

Tremor in lethargo lethalis.

Lethargus parotide exorta, aliquando sanatur.

Lethargus peripneumonia periculofior. Gal. lib. 4. de cau. puls.

Lethargus fit ut plurimum, nullo præcedente morbo; aliquando post phrenitidem, calidiori, & subtiliori materia resoluta.

Cum moriturus est lethargicus, multum, atque id liquidum infra egerit. Hippo. lib. 3. de morbis.

Catalepsis lethargo periculofior.

Catalepsis à melancholico succo, difficilior curatur, quam quæ fit à sanguine, & curata fere in melancholiam desinit.

Apoplexia morbus acutissimus.

Apoplexiam fortem solvere est impossibile, debilem verò difficile. aphor. 42. sect. 2.

Raro quispiam evadit ex apoplexia, sine partis alicujus resolutione; quod si omnia membra resoluta sint, cito rapiuntur; Quidam in apoplexiam iterum incidunt.

Quicumque sani capitis dolore de repente corripuntur, & statim muti fiunt, & stertunt, intra 7. dies moriuntur, nisi febris prehenderit. Hippo. apho. 51. sect. 6.

Non minus periculum pendet aliquando ex febre, quam ab ipsa apoplexia, ex Aretæo.

Raro febris apoplexiæ supervenit.

Enarrationes de quibusdam Ægrotis.

OBSERVATIO PRIMA.

Profectus in vicinum hujus urbis oppidum, allaturus opem mercatori gravi somno sopito, qui lethargi limites videbatur excedere; nihil enim ad inclamationes respondebat, vellitatus tamen sentiebat grunniens. Curationem statim à venæ sectione orsi sumus, enemata injecta sunt; circa vesperam, cu-

Lethargus
feliciter cu-
ratus.

curbitulæ cum profunda scarificatione, scapulis, admotæ sunt; sequenti die mane scammonii præparati gr. xiiij. cum gr. iiij. castorei, in aqua betonicæ jussi propinanda, quibus venter optime deiecit: Jussi abiens ut magnum vesicatorium scapulis imponeretur, à quo solo excitatus est à sopore, ut vulgi erat opinio, qui salutem, aut mortem, tribuit ultimo remedio quod adhibetur.

OBSERVATIO II.

Lethargus
ab incensis
carbonibus
in cubiculo
clauso.

M Affiliæ P. quidam ordinis Sancti Augustini, cum se lecto reciperet, accendit carbones in angulo cubiculi; tabularum enim non ex asseribus, ut in hac regione, sed ex solo gypso conficitur tignis incumbente. Cum autem rei necessaria ad conficiendum panem, cura esset ei demandata, essetque hac de causa, die sequenti ante lucem surrecturus; statuto tempore elapso, venit Frater ad ostium, dormientem, ut putabat, excitaturus, cui fortiter pulsanti nihil respondit, altissimo quippe somnò depressus: Res ad P. Priorem delata, venit ipse, ostium vi aperiendum jubens, quo aperto, inventus est Pater jacens in lecto, oculis clausis, librum secundum se apertum habens, lampade extincta prope lectum clavo affixa; legentem enim carbonis vapor sensim invaserat, gravi somno sopitum detinens, à quo inclamationibus, nec corporis vellicationibus excitare valentes, Chirurgum, & Pharmacopœum accersendos curarunt, qui propinata aqua cœlesti, cucurbitulas apponunt scapulis. Interea vocatus, invenio jacentem ægrum, & adhuc sopitum: Quod autem omnes, & me attonitos detinebat, unum erat; aves scilicet quamplures, circa cubiculum gratia cantus in caveis detentas, corporis varia compositione jacentes mortuas. Nemini in mentem venire poterat, quid hoc rei esset: Quidam dæmonem quendam intrasse in cubiculum credebant; Alii alia affirmabant. Tandem res innotuit, inventis in angulo cubiculi carbonum cineribus, quibus visis, jussi omnes fenestras statim aperiri, adductisque durarum fenestrarum foriculis, in quibus erant extrinsecus cancelli, aves in caveis interjectis inclusæ, mortuæ non erant, imò bene valentes; ad eas enim carbonum vapor clausis foriculis perveni-

re non potuerat. Breve Pater iste excitatus est, apertis fenestris, aëre puro intrante cubiculum, qui apoplexia periisset, nisi grande fuisset cubiculum, erat enim instar aulae; nisi etiam summo mane ostium fuisset apertum, ut aliquis vaporis mortifero esset exitus, & aëri puro introitus.

OBSERVATIO III.

Pater quidam Sancti Benedicti incidit in affectum lethargi similem à quo vix excitari poterat; aliquibus frustra tentatis, hausta dosi mercurii dulcis gr. vj. à periculo mortis liberatus est.

Lethargicus
Mercurio
dulci cura-
tus.

OBSERVATIO IV.

Civis quidam hujus urbis, cum morbi acuti periculum evassisset, redeunte ciborum appetitione, rogavit invisentem consobrinum, ut de ossa panis secalini ad se mitteret, multo enim desiderio de ea manducandi flagrare ajebat; ille gaudens consobrino satisfacere, misit hora prandii, scutellam plenam ossae secalinae, qua se ingurgitans, incidit versperi in somnum profundum, nocteque mortuus, est. Ætatis erat 50. annorum.

Reconvalescens se ingurgitat ossa secalinae panis, & eadem nocte morbo soporoso interiit.

OBSERVATIO V.

Mulierem quandam sexagenariam, aut circiter, ex præcipuis hujus urbis, jam surgentem à simili morbo, extremae à Medicis, quorum unus eram, facta salutatione; auctivi peregre profectus invisendis ægrotis, vita functam esse, cujus insperato rei nuntio attonitus, reditus moram ægre ferebam, ut mortis causa mihi innotesceret, quæ ciborum ingurgitatio fuerat, ut in superiori ægrotante. Cum enim rusticus lepusculum ad eam detulisset, supra vires de eo manducans, incidit in somnum profundum & mortua est. Quare Medici sint solliciti, ab ægris se recipientes monere, præcipue senescentes, ne multo cibo facultatem adhuc infirmam opprimant, in dicto mortis periculo, ut duobus his ægrotis contigit.

Mulier surgens a morbo, lepusculi nimium comedens eadem nocte morbo soporoso extinguitur.

OBSERVATIO VI.

UXor Consiliarii hujus urbis, laborans febre duplici tertiana, subintrante quolibet paroxismo, incidebat in soporem profundum sex horarum: A Medico ordinario venæ sectionio-

Mulier tertiana febre laborans.

quæ cum
gravi sopore
incipiebat,
ab ea vomito-
rio curata.

ctionibus, & purgante administratis, febris, & sopor, in paroxysmis redibant. Cum autem in uno proximo, ultra decem horas sopor protraheretur, nec excitari posset, absente Medico ordinario, vocatus sum à marito, qui me ingredientem etiam, atque etiam rogavit, ut si quid arte mea valerem ad salutem ægrotantis; non dedignarer proferre; quod me facturum promisi, statim atque eam vidissem: Ingrediens cubiculum inveni ægram altissimo sopore depressam, vigente adhuc paroxysmo, oculos tunc apertos habentem, nihil tamen videntem, ne lucernam quidem ad ipsos admotam. Ab astantibus, & Pharmacopœo, certior factus de omnibus quæ acta erant, & de natura morbi, affirmavi præcedenti medicamento purgante, materiam febrilem tantum fuisse commotam, unde majori evaporatione in paroxysmo sequenti, caput magis repletum fuerat; ideo aliud propinandum esse, præcique sursum purgans, cujus natura, facultatis excitandæ, & materiæ morbificæ expurgandæ idonea esset, ab ipsis enim fontibus, ut ait Fernelius, humores noxios evocant vomitoria, quod medicamentum deorsum purgans, etiam sæpius exhibitum, non valeret efficere. Tunc temporis fama percrebuerat, Ludovicum xiv. Regem nostrum, dum Calesii pessime ægrotaret, à vino emitico, pristinæ valetudini restitutum; Ideo hoc medicamentum, me valde probare pro ægrotante, aliamque salutis non esse viam: De regio medicamento differentem audientes cognati, omnes unanimiter consenserunt, ut præberem ægrotanti, licet insolens esset in hac urbe, & pro deleterio haberetur. Cum autem propter temporis angustias, non liceret jecur antimonii infundere, jussi ut Pharmacopœus gr. vij. acciperet & vini albi ℥iij. parum & leniter decoqueret, addendo in colatura cochlear j. aquæ cinamomi, statimque deglutiendam infusionem præberet ægrotanti, quo rite per cochleare tubulatum peracto, post semiquadrantem, cepit ægra toto corpore concuti, signum vomitionis brevi adfuturæ; ideo nocte jam adulta, domum redii, præcipientes Pharmacopœo, ut post secundam vomitionem, parum jusculi sorbendum daret ægrotanti, & quoties iterum vomeret; quod ita factum est: Cum autem tertio, & quarto vomisset, ejecit puriformia quædam,

ex

ex rupto abscessu, ut omnes credebant. Ego verò mane surgens, invisi ægrotantem, sciendi cupidus quæ illi acciderant, mihiq; relatum est, post tertiam vomitionem materiæ illius puri similis, expergefactam esse; explorans autem pulsus, comperi febrem adhuc perseverare, remissior tamen: De cætero loquebatur ægra, beneque se habebat ad ea quæ offerebantur, gaudens cum marito, & omnibus cognatis, tanquam ab inferis esse revocatam, nec amplius in sequentibus paroxysmis, soporoso illo affectu correpta est; licet febris ad finem usque autumnii protraheretur, fere scilicet per mensem. De materia autem puri simili vomitu rejecta, quæ ex abscessu rupto putabatur, negavi hoc ita esse; nullus enim dolor in ventre, aut alibi præcesserat; nec ulceris post ruptum abscessum signum ullum remanserat: Materiam illam puriformem, ex pituitæ potius vitreæ putrescentis portione extitisse, cujus anathymiasis, tempore paroxysmi repleto capite, sopor ille invehatur, solutu difficilis, propter vaporis crassitudinem naturam materiæ è qua exhalabat redolentis, quæ chronicarum febrium intermittentium, ut hæc fuit, etiam causa est.

OBSERVATIO VII.

CElebris hujus urbis Causidicus, liberali corporis proceritate, & satis obcesus, cum in aula superiori domus suæ semper habitasset, propter senilem ætatem 60. annorum, ingravescente ejus corpore, placuit in inferiori degere: Post aliquot tempus mane surgens, non bene habebat, unde iterum decumbere coactus est, statimque forti apoplexia correptus, hora decima matutina obiit, omnibus à Medico ordinario, & à me incassum administratis.

Apoplexia
lethalis.

OBSERVATIO VIII.

Mulier apoplectica cum nihil proficeret, nequidem vulgaris purgantia à Medico ordinario præscripta; vocatus jussi vinum emeticum propinandum, à quo & vomitus, & dejectiones motæ sunt, quæ mortem avertere non potuerunt. Tanta est in apoplecticis cerebri occupatio, ut nullis valeat præsidii expediri; Omnes enim quos ego vidi sine condonatione abrepti sunt, aut saltem paraplegiam non effugerunt.

Mulier apoplectica
incassum adhibitis remediis, interiit.

Quod me magis Hippocrati fidem facit adhibere, quam apoplecticos curasse gloriantibus; neque enim, ut supra diximus, quod apoplexia vocatur, vera semper est apoplexia, etiam si cum sopore stertor adsit, ut videbitur in sequenti enarratione.

OBSERVATIO IX.

Consul Con-
state vigili
interiens.

VOcatus in urbem Montis-Marfani, ut primum urbem Consulem, *Marie* Gallicè, inviserem, quem apoplexia correptum fama erat, ingredienti cubiculum, statim occurrit mihi Medicus ordinarius, qui nobilem ægotantem apoplexia detineri, quærenti mihi affirmavit, quod primo aspectu facile credidi; jacebat enim tunc ægrotus oculis clausis, & sine motu, cum maximo stertore, qui carum, ut scribitur, ab apoplexia distinguit. Pulsu explorato, qui satis validus erat, de his quæ pro curatione acta erant percunctanti, responsum est mihi, venæ sectionem fuisse administratam, & cucurbitulas scapulis admotas cum scarificatione; nunc alia esse decernenda, respondi, nullumque potentius esse remedium vino emetico, in omni soporoso affectu, quod propinandum libenter concessit; verum in urbe non fuit in promptu: Quærens à Pharmacopœo utrum jecur antimonii paratum haberet, respondit etiam; accipe igitur, dixi, gr. vij. & decoque recte pulverisata, in vini albi ℥iiij. ad consumptionem quartæ partis, colaturæ adde aquæ cinamomi coctæ j. statimque propina ægotanti; hoc statuto, quisque ad dormiendum, quia nox erat, se recepit, præter eos quibus ægri cura demandata erat. Mane surgens, accepi vinum emeticum nihil præstitisse, nullus enim vomitus subsequutus erat, nescio quale jecur antimonii adhibuerat; non parum tamen irritam exhibitionem ægre tuli. Interea advertentem ægotantem, dum aliquid sorbendum offerebatur, caput ad latera moventem, ut conatus porrigentium eluderet, quod si caput contineretur, manus admovebat, ut averteret sorbitiones. Cum verò omnis apoplexia, sit motus, & sensus abolitio, cepi in dubium revocare hujus morbi naturam; sollicitus autem magis de statu ægotantis, ad aliud tempus remittens, ingressus sum ejus cubiculum, pulsumque exploratum valde imminutum inveni; ideo de salute desperans, facta certæ mortis ad-

adfuturæ prognosi, discessi; hunc tamen Empiricus quidam curandum suscepit, admovens capiti candentem sartagine, & alia adhibens remedia, quæ mortem serotinis horis avertere non potuerunt: Ego verò in itinere inter equitandum, animo volebam qualis esset iste affectus, in quo æger gravi quasi somno sepultus, sterneret clausis oculis, membra tamen moveret; ultra enim cataphoram, & lethargum erat; carus, ex Medicorum doctrina, esse non poterat, quia membra movebat, & maximus erat stertor; Neque etiam apoplexia, in ea enim est motus, & sensus abolitio; hic autem ægrotus si importune urgeretur, caput, & brachia movebat; Tandem post aliquod tempus, hoc sæpe mente revolvens, statui apud me hunc affectum non esse simplicem, sed compositum, ex quadam nervorum ad diaphragma pertinentium obstructione, & cerebri soporosa dispositione, quam supra, coma vigil appellavimus, in quo ægroti videntur dormire, quia clausi sunt eorum oculi; revera autem non dormiunt, quia si importune ad aliquid agendum urgeantur, movent caput, & brachia, ut irritos astantium conatus efficiant quasi agnoscences, quo animo res agatur: Longe magis autem habet de sopore affectus iste, quam de vigiliis; multi enim inter dormiendum, pungentibus manus imponunt pulcibus, & capiunt, quas omnino expergefacti, inter digitos inveniunt, & alia faciunt tanquam vigilantes, quorum postea non recordantur, quia instinctu fit hoc potius, quam ratione. Quare in hoc comate vigili, in quo clauduntur oculi membra autem movet interdum ægrotans, causa levior est, quam in simplici; gravior autem omnibus in quo oculi manent aperti, propter ea quæ supra diximus, loquentes de comate vigili. Ex hac igitur affectione soporifera, & quadam nervorum diaphragmatis, ex quarta, quinta, & sexta, interdum septima, vertebrarum colli conjugatione prodeuntium obstructione, illuc parte materiæ translata, genitus fuerat, ægrotantis istius affectus; Quæ enim in anteriori parte cerebri constiterat, comatis vigiliis causa erat: pars autem ad nervos prædictos delata, læsæ respirationis, & stertoris sine apoplexia. Ex his constat, & ex supra dictis in apoplexia, fallax esse in ea stertoris signum: sicut interdum motus, & sensus abolitionem, incipiente

te morbo, nondum scilicet integre via spiritibus intercepta. Quibusdam post annis, vidi sartorem in hac urbe, qui in affectu soporifero cum maximo stertore, sumpto vino emetico caput movebat, & toto se corpore contorquebat, qui octo horarum spacio obiit.

De Epilepsia.

CAPUT IV.

Epilepsia
inter morbos
occultos nu-
meratur.

Causa ejus
est palpitatio
cerebri.

NULLUS est inter morbos, qui astantium animos magis in admirationem rapiat, & cujus paroxysmi nobis timorem magis incutiant, ipsa epilepsia: Non mirum si morbus facer dicatur, & aliis nominibus apud Authores vocetur, galliceque, *haut-mal*, nominetur; occultam hoc nomine, naturæ ejus indagacionem esse significantes, & alte philosophandum, si exquisitam de ea notitiam habere velimus, quæ plurimorum torfit animos, multa, & varia, de ipsa differunt. Verum absit verbo invidia, morbus iste, sive symptoma, non est aliis quamplurimis abstrusioris naturæ, nec ita se res habet, ut à multis scribitur: Quod enim palpitatio est cordi, talis omnino est epilepsia cerebro; Nam cum in eisdem usus, habeat utrumque principium suam systolem, & diastolem, harum ratione, ambo ab iisdem causis, simili symptomate affici par est, verum, cor à levioribus causis palpitare docet experientia; tanquam enim vitæ principium, ne levissimum quidem rei noxiæ occursum ferre potest, quemadmodum cerebrum, quod graviores affectus tolerare potest, sine vitæ discrimine; Ideo nonnisi qualitatis malignæ interventu, epilepsia corripitur quæ est ejus palpitatio, quam non omnis maligna qualitas excitat, sed cerebro proprietate quadam infensa, cujus præsentia statim concutitur, nervosis in consensum tractis. Sicut enim corde palpitante, ipsæ quoque arteriæ palpitant: sic cerebro in epilepsia palpitante, muscoli suo modo palpitant, alium non habentes motum, nisi contractionis, & extensionis, quibus subsalientes, principio suo consentiunt; Quævis enim pars corporis, motu aliquo prædita, sive naturali, sive voluntario, præter facultatem

tem expultricem omnibus communem; ut arceat quod mole-
 stum est, velut principio suo condoleat, agit proprio illi dato
 à natura motu, sed citatiore, propter causæ morbificæ instan-
 tiam: Ita quæ parum molesta sunt, placide, & pedetentim cor
 excernit, tanquam pars similis, & tanquam pars organica;
 Quæ verò jam modum excedere incipiunt, celeriori, & majori
 quam antea diastole, & systole, arcere nititur; Cum autem
 nimium gravant, aut multum adversantur, qualitate præcipue
 maligna, palpitationis sæpe motu expellere contendit: quæ di-
 citur cordis immoderata concussio, vehementi diastole, & sy-
 stole molesta. Eodem prorsus modo, cerebrum quotidiana ex-
 crementa, quæ præter modum non urgent, per meatus ad id
 comparatos, sensim, & sine molestia excernit; Quæ verò non
 facile cedunt, sternutationis motu, sæpissime excutit: At ipsum
 aggrediente qualitate maligna, & proprietate quadam illi infen-
 sa, subsalit, concutitur, & more cordis palpitat, ut illam à se
 propellat: quæ quidem palpitationis, epilepsia est; simili ratione
 dicenda cerebri immoderata concussio, vehementi diastole, &
 systole gravissima, musculis in consensum adductis, cum om-
 nium functionum animalium læsione, motricis depravata, sen-
 sitivæ, & principis abolitæ; Quod cordi accidere non potest,
 functio enim vitalis in corde, non aboletur sine ipsius, & com-
 positi destructione. Verum cerebro affecto à graviore causa e-
 vadimus, quia non est ut cor ad vitam ita necessarium, multif-
 que & gignendis, & continendis excrementis assuetum: Ideo
 graviores, & longiores ferre potest palpitationes, quas sine præ-
 senti periculo, cor non sustineret. Hujus symptomatis causa
 in cerebro, non qualiscumque ut in corde, sed humor tantum
 aut vapor malignæ qualitatis particeps, & cerebro à natura in-
 sensus, cujus incurfu, statim concutitur & subsalit, non valens
 præ qualitate maligna, quæ totum habet illum occupatum,
 spiritus nec transmittere, nec multos conficere, sed omnibus
 tanquam in arce cohibitis, sibi consulit, quousque se ab hoste
 expedierit, unde omnes ejus functiones læduntur; quæ omnia
 carus excipit: Non quidem madesciente nimia humiditate sub-
 stantia cerebri; sed ipso præ labore quiescente, & jacturam spi-
 rituum prius resarciante, antequam ad organa sensus transfun-

Quid, &
 unde Cordis
 palpitationis.

In soporem
 ut plurimum
 terminatur
 epilepsia.

dat, quod soporis, & paroxysmi totius finis est: Qui quidem sopor, seu quies, præcedenti semper respondet labori; ita ut longum paroxysmum, longa suscipiat quies, brevem autem, brevis. Humor ille malignus, aut vapor, horum paroxysmorum causa, vel in ipso cerebro gignitur, vel à partibus inferioribus enascitur; unde duplex epilepsiæ species: Una quæ fit in cerebro, idiopathicam vocant; altera quæ fit per consensum, transmissa aura quadam maligna, à partibus inferioribus ad cerebrum; à manu, pede, stomacho, utero, & hypochondriis, quam ægrotantes ipsi, ascendentem sæpissime percipiunt, sensu cujusdam rei frigidæ sursum perreptantis: Aliquando nullum frigus percipitur; sed statim atque vapor excussus est à sede, partes per quas defertur, successive agitantur, & convulsorie subsaliunt, quousque vapor ad cerebrum pervenerit; cujus primo occurso incipit paroxysmus epilepticus. Hæc species à solis fit vaporibus; Primaria, etiam si à vapore aliquando fiat, imo & qualitatis simplicis effusione fieri possit, magis tamen ab humore gignitur. Neque fingere sibi oportet, materiam obstruentem, vel quantitate molestant, quantitas enim materiæ, quæ nunquam multa est in hoc affectu, parvæ est considerationis; longe autem secus qualitatis malignæ intentio, quæ à minera effunditur latitante, vel in basi, vel in aliquo cerebri recessu. Si enim à partibus longinquis, pede, v. g. parvo existente foco, & sensum fugiente, aura venenata cerebrum petit; à fortiori latens minera in ipsa parte, quamvis parva, diffundet, quæ in venenatis, & malignis qualitibus, intensissimæ solet esse virtutis, licet quantitate valde exigua. Nam cum subit admiratio, in aliquo pedis, aut manus recessu, nulli obvia sensui hujus mali latere mineram, non possum non asserere, eodem plane modo, rem in cerebro ut plurimum se habere; in aliqua scilicet ejus parte, causam istius symptomatis inhærere, quamvis alteratio unde duxit originem, toti cerebro insidere possit: Hoc autem maxime accidit in epilepsia, cui causæ externæ principium dedere, ut capitis refrigeratio, madefactio ab imbris, aut casu in aquam; unde cerebro refrigerato, & debili factò, vidimus accidere epilepsiam in viro militari: Cum autem à causis externis pars aliqua cerebri, ut plurimum, ma-

Non tam
a quantitate,
quam a ma-
ligna quali-
tate mate-
riæ, produci-
tur epilepsia.

gis patiatur quam altera, in latere debiliori, fomitem mali potius consistere verisimile est. In epilepsia verò quæ causam habuit internam, vel à parentibus, vel à pravo alimento, ut in hydrope sæpe contingit, toti cerebro causa inhærere potest; licet omnibus sit in confesso, partem præcipue nobilem, ut vocant, excrementa, quantum fieri potest, longe à se, aut saltem in sui aliquem minoris momenti recessum protrudere; Imo ausim dicere, humorem epilepsia prægnantem, ad pedes usque à cerebro expelli, unde paroxysmi epileptici postea exurgunt: Quemadmodum accidit mulieri de qua lib. 5. observ. miscell. obser. 6. agitur, in qua humor valde malignus, à cerebro excussus, ad latus usque umbilici, successive inferens dolorem in partibus per quas transibat, pervenit, ibique hærens carnem corrumpit in modum gangrenæ. Huic autem alterationi, qua cerebrum aptum factum est gignendæ materiæ, epilepsia parenti proximæ, licet frigus externum principium dederit, in qualitatibus tamen elementariis, neque in ulla secundarum, statui debet proxima ejus causa, sed in aliqua ex specificis; & ita specifica, ut si alterius naturæ esset, epilepsiam non faceret: Ideo epilepsia, sive tanquam morbus, sive tanquam symptoma spectetur, dicenda est cerebri, aut alterius cujusque partis alteratio, qua apta nata sit gignendæ materiæ ichoris, aut vaporis simili, qualitatibus cerebro proprietate specifica insensibilis, cujus occursum totum concutitur motu palpitacionis simili, cum læsione functionum, &c. ut jam dictum est, nervosa in consensum trahens, quæ suo modo etiam palpitant, quousque cerebrum noxia excusserit, apparente in ore spuma, & alto subsequente sopore. Hujus alterationis præviæ dispositiones, vel à parentibus epilepticis ducuntur, vel à quadam aëris constitutione regioni innata, aut in utero materno invehuntur, ex qualitate quadam sanguinis menstrui, aut ex cerebri madefactione & refrigeratione, ut supra diximus, unde gignuntur excrementa, ad hujus symptomatis semen concipiendum parata, ab agente specifico, sine quo nulla epilepsia. Cum autem, sive in ventriculis, sive in alia cerebri parte, fiat paulatim excrementorum generatio, tandiu ea sustinet natura, quousque non tam quantitate, quam insensa sibi qualitate proritetur ad

Epilepsia
causam ha-
bens inter-
nam, est vel
hæreditaria
vel a pravo
alimento.

Causa epi-
leptica.

Humor epilepsiam generans a venetibus crassus a neotericis tenuis creditur.

Lib. 2. de morb. venen. cap. xv.

Quare deglutitionis sonitus exauditur in paroxysmo.

expulsionem, motu palpitationis, propter causæ malignitatem, & instantiam, unde insultus epilepticus, quam diximus fieri, non solum ab humore, in illa specie quæ vocatur idiopathica; sed & à vapore, & solius etiam qualitatis malignæ transmissione: Quamvis communi omnium fere sententia humor subesse credatur; crassius quidem, secundum antiquos; tenuis verò secundum neotericos. Nam si in partibus inferioribus fomes reperitur, vaporem tantum emittens, ad hujus mali generationem; Quis negabit, in aliqua cerebri parte minoris momenti, talem generari posse, è quo vapor excussus, statim faciat insultum epilepticum. Hoc testatur historia Fernellii de abscessu in cerebro: & in alio de portione meningis corrupta, in quibus teter vapor epilepsiæ causa erat. Præterea si qualitatis interventus cerebro infensæ requiritur ut fiat epilepsia; Quis sola ipsius transmissione invehiri posse non credet, existente saltem minera in cerebro, aut circa ipsum, ut in his, de quibus supra ex Fernelio? Fateor quidem in epilepsia idiopathica, humorem ut plurimum inesse ichori similem, qui vel sensim cumulatur in ventriculis, vel in alia cerebri parte, ut tempore paroxysmi in illos excussus, per infundibulum infra protrudatur, aut per alias vias, magis convenientes pro sede humoris. In epilepsia autem quæ fit per consensum, fatendum est, qualitatis malignæ transmissionem, difficile fieri posse, sine exhalationis interventu, cum qua fertur ad cerebrum; à partibus enim longinquis, solam qualitatem usque ad cerebrum transmitti posse, creditu non est facile, nisi esset illi lex indicta à natura, ut hanc potius, quam aliam partem adoriatur; quemadmodum fit in quibusdam venenis. At dicet aliquis, si epilepsia idiopathica fiat à solo vapore, aut solius qualitatis malignæ transmissione, quare transglutitionis sonitus exauditur in paroxysmo, & in fine spumæ fit generatio, quæ humoris descensum arguunt; Cui respondebitur, sonitum illum deglutientis similem, qui in paroxysmo subauditur, magis esse à convulsorio motu muscutorum laryngis, qui sunt organa vocis, quam à vera deglutitione, quæ tam citò non repeteretur, si vera esset deglutitio. Præterea quod transglutitur, & spumæ existit materia, non semper humoris morbifici portio est, nam in epilepsia

lepfia quæ fit per confenfum, cujus materia eft exhalatio, fonitus ille, fi adfit, & fpuma, humorem non arguunt, faltem morbificum, exhalatio enim non defcendit, nec convertitur in fpumam. Dicendum igitur fonitum illum in hac fpecie, & ubi caufa mali non eft humor, effici à mufculis laryngis convulforie agitatis; fpumæ autem materiam, effe à glandulis, quæ pituitam oris partibus, & gutturi fuppeditant; vel fieri ab excrementis, motu compreffionis cerebri tunc temporis excuffis, & in gutture agitatis: Motus autem ille mufculorum laryngis, quo major, eò epilepfia gravior; magnam enim cerebri agitationem fignificat, à caufa admodum irritante, & maligna; ita ut aliquando livefcant vultus ægrotantis, velut in fuffocatis, ut multoties vidimus in infantibus, pueris & etiam hominibus, quod non accidit, nifi cum fortis eft epilepfia. Multas refert Sennertus Hiftorias, fcribens de caufis epilepfia, ut probet omnem fieri à vaporofa, & tenui materia, nullamque fieri obftructionem in ventriculis, quibus demonftrare poffumus, è quadam cerebri parte, vel meningum; imò & interna calvaria corrupta, auram venenatam effundi, epilepfia effectricem; quid fi folam qualitatem dixerimus? Sed de hujus affectus natura, & diagnofi, fatis fuperque dicta fint: Ad ea nunc quæ ad curationem magis pertinere videbuntur animum convertamus: Circa quæ, hoc in primis Medicos monitos velim, ne arte venefica laborantes ægrotos epilepfia, curandos fufcipiant, perditur enim oleum, & opera, malumque potius exafperatur, quam curatur. Epilepfia hæc fpecies, magis frequens eft quam putatur, difficileque interdum, ab ea quæ à caufis naturalibus fit diffinguitur; verum ut plurimum diffonant paroxyfmi; in vulgari enim epilepfia idiopathica, homo derepente, & inopinanter ea corripitur, cadens in terram fine ullo fenfu, apertis palpebris, cum omnium mufculorum frequenti, & brevibus intervallis fucceffiva contractione, & extensione: Ideò manus, brachia, pedes, tibia, coxæ, & totum corpus, convulforio modo fubfaliunt, genæ, & labia, in acutum frequenter fe fe porrigunt, & hinc inde moventur, apparente ut plurimum in ore fpuma inclinante paroxyfmo, quem profundus excipit fopor, à quo excitati, nullatenus eorum quæ acta funt recordan-

Symptomata epilepfia idiopathica,

Illius, quæ
fit per con-
sensum.

tur ægrotantes. In epilepsia per consensum appropinquantem sentiunt quidem paroxysmum; at statim atque aura venenata cerebrum attingit, in terram concidunt, eodem planè modo affecti ut in idiopathica epilepsia. Venefici utramque speciem arte diabolica infligunt, quæ à vulgari, paroxysmorum varietate distinguuntur. Epilepsiæ enim quæ à causis naturalibus invehuntur, eo modo habent hominem ut diximus: At quæ à veneficio excitantur, insolita habent symptomata; vel enim invadunt cum clamoribus, & ululatibus; vel tempora paroxysmi obloquentur; vel motus convulsorius non erit perpetuus: vel in gyrum vertetur æger, quasi ducens choreas, antequam in terram cadat: Quibusdam non erit totius corporis concussio, ut in quodam sacerdote apud Hollerium, qui solo capite tantum concutiebat, quod fieri ait rarissime, & in parva epilepsia. Vidimus tamen re vera parvas epilepsias, in quibus moderata erat totius corporis concussio, & brevissimæ durationis, & sopor ferè nullus omnia autem fiebant ut in magna epilepsia, saltem in genere, & cum minori violentia: Quod si hæc non fiant, sed tantum quædam, aut unum, vel alio modo; suspecta debet esse de veneficio epilepsia. Multas hac de re Historias refert Sennertus, lib. 2. instit. par. 3. sect. 1. cap. 19. loquens de epilepsia; quibus videre est, quosdam sola capitis concussione, & oculorum elevatione affici; alios in terram non cadere; & alia aliis accidere, quæ non videntur mihi vulgares indicare epilepsias, aut alios esse affectus: Vertigines enim visæ sunt, ut ipse ait, in quibus accidentia erant adeo similia epilepsiæ, ut vix dignoscerentur, & à Medicis dubitaretur, utrum epilepsiæ, an vertigines essent nominandæ: Verum epilepsiæ duo signa ita aperta sunt, motus scilicet convulsivus totius corporis, & spuma in ore, ut ipsis apparentibus, de ea non sit dubitandum: Horum tamen symptomatum confusio, suspectam mihi semper facit de veneficio epilepsiam; præsertim si multum dissonent à vulgaribus epilepsiæ signis, aut aliquid horrendum, & insolitum habeant. Certiores igitur facti his conjecturis, epilepsiam à causis naturalibus originem ducere, curatio, quamvis difficilis, suscipiatur; præcipuè si 25. annum non transcendat æger: quæ est idiopathica, ex Hippocrate incurabilis. Nullus tamen

affectus, præter ipsius partis corruptionem sine medela est, si ejus propria antidotus non ignoretur: Quæ quidem in hoc affectu, & in pluribus aliis, apud Medicos artis Chymicæ amatores quærenda est, præcipuè apud Hartmannum in pract. chymiat. titulo, de Epilepsia: Et in comm. super basilicam chymi. Crollii, titulo Specific. capitale; & titu. Epilecticum medic. quibus in locis videbuntur notatu dignissima, multaque explanata, quæ ab aliis, summo calamo attinguntur, aut obscura relinquuntur: Ante tamen usum antidotorum, semper universalia præmittenda sunt, præsertim si epilepsia fiat ab humore. Sed ut omnia recta cum scribendi methodo persequamur; sciendum est epilepsiæ curam adhiberi, vel ut primariæ cerebri affectioni, vel ut ab aliis fomitibus prodeunti, quæ per consensum fieri dicitur: In utraque, vel extra paroxysmum, vel in ipso paroxysmo: & adhuc vel in adultis, vel in infantibus. Curatio primariæ affectionis in paroxysmo, si gravis ipse non fuerit, nihil movendum: Si autem paroxysmus violenta contractione, & duratione videatur periculo non vacare, livescente præcipuè facie; tunc aliquid moliri oportet venæ sectione, ad derivationem, vel plenitudinem tollendam, si qua sit; cucurbitulis scapulis admotis: Interiora narium inungantur oleo succini: fumus succini naribus subdatur; si aqua, aut spiritus aliquis antiepilepticus habeatur, detur coclear j. cum gutt. ij. aut iij. olei succini, vel detur oleum cum aqua cinamomi: Quod quidem oleum, Medicorum omnium Philochymicorum testimonio, paroxysmum jam jam invadentem avertit, ad guttulas duas exhibitum in vehiculo convenienti, ut aqua florum, aut radice pœoniæ, florum tilia, lavendulæ, cerasorum nigrorum, vel saltem betonicæ, per parva intervalla repetendo. Si cui autem sit in animo, habere spiritum antiepilepticum non multi laboris, & ad præcautionem, & in ipso paroxysmo, hunc componat.

℞. Rad. valeri. sylves. ʒj. visci querc. decrefcente luna collecti, à die 15. Augusti ad 8. Septembris, rad. pœon ana ʒij. ung. alcis, cran. humani, violenta morte perempti, ana ʒiſs. casto. ʒj. flor. tilia, pœn. lavend. ana pii, sem. rutæ, ani. & pœo. ana ʒj. cerebri bovis parum in furno assi & minutim postea in-

Chimica
medicamen-
ta anti epi-
leptica.

Quid in
ipso paro-
xysmo agen-
dum.

Oleum
succini opti-
mum anti
epilepticum.

Spiritus
anti epilep-
ticus.

cisi ꝑiſſ. omnia vel minutim incifa, vel contuſa infunde in ſpiritu boni vini, qui primus in deſtillatione aſcendit, ad eminentiam duorum digitorum, vaſe optimè claſſo per 15. dies, in loco tepido, alternis diebus parumper movendo, quibus exactis, per linteum tranſmitte ſine expreſſione: Ex fœcibus ſal extrahe, ſi velis, & cum liquore conjunge, doſis cochlear j. cum gutt. ij. olei karabes, & gutt. iij. ſpiritus vitrioli.

Excitandis ægrotis in paroxyſmo, non ſolum adultis, ſed & infantibus, multis ſe vicibus expertum fuiſſe teſtatur Valleriolaria, quod ſequitur, ductus authoritate Dioſcoridis quam ipſe aſſert.

℞. Mellis ſcyllit. ꝑiſſ. ſucci rutæ ꝑiſſ. propinetur incipiente paroxyſmo cunco dentibus interpoſito, quem bonum eſt relinquere toto tempore paroxyſmi, ne lingua lædatur.

Membra
non ſunt
coërcenda
tempore pa-
roxyſmi.

Ego authoritate Valleriolaria, non autem Dioſcoridis, hoc utor remedio; quia cap. de ruta hortenſi, non ait Dioſcorides ejus ſuccum valere contra epilepſiam; ſed tantum cap. de ruta ſylveſtri, ſcribit eam valere contra epilepſiam, ſine partis deſignatione & parandi modo, aſſerens paulo poſt, eſum rutæ ſylveſtris noxium eſſe. Non poſſum hic probare quod omnes ferè coſulunt, membra ſcilicet coërcenda eſſe tempore paroxyſmi, exiſtimantes ex illa convulſivi motus cohibitione, levare muſculos; ſed tantum abeſt: Cum enim cohibitiō hęc ſit violenta, impediaturque muſculi contractionem ad terminum ſuum pervenire, quò longius abeſt ab illo, eò major fit villorum muſculi contentio. In paroxyſmo ſpeciei quæ fit per conſenſum, omnia ſupradicta poſſunt adminiſtrari, præter venæ ſectionem partium, quæ ſuprà mineram exiſtunt, & præter ea, quæ vaporī maligno, quocumque modo aſcenſum parant ad caput, ſi jam invalerit paroxyſmus; ſed eorum loco, præcipuè autem cum rudimenta illius, tantum percipiuntur in parte, in qua exiſtit minera, ſiant fortes ligaturæ paulò ſuprà, ſi commode fieri poſſint, ut in brachiis, & tibiis, ut aſcenſus vaporī impediatur. Si autem hoc fieri non poſſit, exiſtente foco in ſtomacho, hypochondriis, aut matrice, articulorum pedis ſiant ligaturæ dolorificæ, frictiones aſperæ coxarum, & tibiarum, applicenturque cucurbitulæ juxta inguina. Interea non ſper-

Ligaturæ
in partibus
unde aſcen-
dit vapor ſa-
pe paroxyſ-
mum impe-
diunt.

nan-

nantur antidoti supradictæ, nec infra scribendæ. Infantibus epilepsiam per consensum fieri non deprehendi; neque etiam facile esset agnoscere, sed omnes tanquam idiopathica laborantes curantur: Iis in paroxismo multa convenire possunt, quibus in adultis utimur, habita ratione ætatis. v. g. coclear. i. de succo. rutæ, & dimidium mellis scyllitici, vel aliquid de specifico infra descripto, quod componitur ex theriaca, aqua flor. pœoniæ, & spiritu vitrioli: & sic de aliis præfidiis. Sedato paroxismo, de affectu radicitus tollendo, si fieri potest, cogitandum, optimo in primis vivendi regimine, tenui scilicet, exsiccante, & parum calefaciente: vinum tamen nocet perquam maximè, & veneris usus: Multi enim semel, & bis, corripiebantur in hebdomada insultibus epilepticis; vinum bibentes; quos abstemios, vix semel in mense invadebant: virum etiam adhuc inter vivos, quandiu vixit uxor, pluries in anno paroxysmus epilepticus adoriebatur, quem ab ipsa defuncta, vix semel invalit: nunc tamen si coëat cum muliere, brevi recurrit paroxysmus, & eadem hora, ut mihi retulit, qua fuit coïtus. Vitæ regimini statim accedant pharmaca, incipiendo ab enemate, cujus talis poterit esse descriptio.

Sedato
paroxysmo
de affectu
radicitus
tollendo co-
gitandum.

℞. Rad. polyp. querc. ꝑ. folior. alth. malvar. mercur. centaui. minor. rutæ, calamen. orig. ana mß. flor. chamæm. & melil. ana pii, flor. saly. stœc. & lavend. ana pi. fem. anisi, & rutæ, ana ʒj. fiat ex his decoctio enematis: Acc. ꝑ. j. dissol. hieræ diacolo. ʒvj. olei rut. & mel. anthosa. ana ʒiij. salis gem. scrup. β. fiat enema, hora commoda injiciendum.

Enema anti
epilepti-
cum.

Ab enemate, hora idonea aperiatur cephalica lateris magis affecti, quo magis gravantur, aut dolent capite, aut cadunt incipiente paroxysmo; tantumque sanguinis detrahatur, quantum vires, morbus, & plenitudo postulant, putredinis saltem animadvertendæ gratia, quæ si appareat, ut fere fit, ex altero etiam brachio detrahendum, purgatione interposita ex cephalicis, ut

℞. Rad. valer. sylv. recent. si haberi possit, rad. pœon. maris ana ꝑ. j. si autem siccæ sint rad. sufficiunt utriusque ʒij. folior. betton. sampf. hyssopi, salviæ, ana m. β. flor. borrag. rorism. & pœon. summit. florentium lavendulæ, ana pi. summit rutæ pß. fem.

Purgans ex
herbis ce-
phalicis.

fem. ani. & pœon. ana ʒj. corticis citri. ʒß. fiat ex his decoctio, infunde in q. f. folior, fenn. mund ʒß. fem. corian. ʒß. agar. troch. ʒj. expressioni dissolve elect. diacarth. ʒß. aut pulv. ejusdem scrup. ij. Si autem humor melancholicus videatur esse causa symptomatis, loco diacarthami, dissol. confect. Hamæch. ʒiij. syru. rosa. solut. ʒj. fiat potio.

Si quis à liquidis averfus, pilulis magis delectetur, poterit ex massa cocciarum, aut aggregativarum, aut foetidarum, aut de agarico, quæ aliis sunt debiliores, purgari in hunc modum.

℞. Massæ pilul. foetid. ʒj. aut scrup. iij. in fortioribus casto. gr. iij cum gut. j. aut ij. olei saly. chymici, fiant pilulæ.

vel

℞. Massæ pilul. coccia. vel aggregat. scrup. ij. massæ pilul. de agar. scrup. j. casto. iij. cum guttula una, aut altera olei succini, fiant pilulæ. Si quis velit uti purgantibus ex officina chymicorum depromptis, quæ potiora putantur, nec sane sine ratione, multa in eorum scriptis inveniet; si tamen in promptu non sint.

Purgantia
Chimica.

℞. In robustis mercu. vitæ gr. iij. aut vj. pro viribus, capiat cum aliqua conserva cephalica.

vel

℞. Merc. vitæ gr. ij. merc. dulc. gr. xij. probe terantur simul in mortario, & capiat cum aliqua conserva; longe minori cum perturbatione purgat noxios humores, quam mercurius vitæ; qui cum sale communi longo tempore tritus, multum deponit de virtute emetica.

Pulvis Cornachini aliis non cedit, aucta dosi stybii detonati. v. g.

℞. Scammo. vapore sulphur. castig. & stybii deton. ana gr. xij. cape cum jusculo cephalicis alterato, gutt. iij. spirit. vitrioli inditis; aut cum syrui de stæc. q. f. & gutt. una, aut altera olei saly. vel succini, fiant duæ pilulæ, aut morsulus.

Repetantur quibusdam mensibus purgationes, quinto decimo quoque die, post quas utatur æger, quinque, aut sex diebus continuis, mane jejuno ventriculo, & trib. horis ante pastum, aliquo ex specificis supradictis, aut consule Authores jam citatos, sicut & Riverium in praxi. Ego hoc expertus sum, sicut & alii.

℞. Aquæ

℞. Aquæ pœon. ℥iij. theria. vet. ʒj. spirit vitrio. gutt. iiij.
capiat modo jam dicto.

vel

Ex simplicibus spiritus vini antiepileptici supra descripti, vel ex omnibus, vel ex valentioribus, & gustui gravioribus, potest fieri pulvis antiepilepticus, spiritu vitrioli imprægnatus; aut tabellæ parari possunt cum saccharo, aqua theriacali dissoluta, aut aliqua ex specificis, tunc autem loco cranii pulverati, magisterium paratur ex eo, affundendo supra cranium pulverisatum vicissim bis, aut ter, de spiritu vitrioli, fermentando, & levi calore abstrahendo; Nutritio dicitur Pharmacopæis: Sic pulveres liquoribus imprægnantur.

Dum hæc geruntur, caput exterius roborandum cephalicis, ex quibus fiunt cucuphæ, & emplastra, aut pulvis, quod melius est, capiti rasô inspergitur, & calanticæ concavo villosa; novusque, veteri pulvere absterfo, quolibet mane imponitur: Pulveris talis potest esse descriptio.

℞. Rad. cype. & calami aromat. ficcorum ana ʒij. cinam. caryophl. nucis mosch. ana ʒj. macis ʒß. folior. beton. sampf. salu. hyssô. sicco. ana ʒij. styr. & benioin ana ʒj. In præsentia autem affectu, rad. pœon. pulv. ʒij. sem. ejusdem & visci quer. ana ʒj. Et pro divitibus moschi gr. iiij. ambar. grisei gr. ij. fiat pulvis; ex cujus materia cum lada. ʒß. olei karab. ʒj. olei de spica, & ceræ q. s. facies, si velis, emplastrum. Quidam cum

Pulvis che-
phalicus

cauterium
in futura co-
ronali cum
fructu inuri-
tur.

Si epilepsia fiat per consensum, advertendum ex qua parte malignus exhalet ad cerebrum vapor: Si à manu, vel pede, purgato corpore, aliqua, & magis convenienti, ex supradictis formulis, aperiatur salvatella ipsius manus affecta, aut pedis, si ille afficiatur, deinde vesicatorium superponatur: quo sanato, theriaca in modum cataplasmatidis desuper applicetur, quibusdam guttulis spiritus vitrioli immixtis: Si à stomacho vapor

Non sæpe
utendum
metcurio
vitæ.

mer-

mercurius vitæ, & aqua benedicta: non est tamen sæpe utendum mercurio vitæ, descensum enim facit recti intestini irreparabilem, teste Hartmanno: Aliis vulgaribus catharticiis, hæc possunt misceri, ut mercurii vitæ gr. ij. cum dragmis tribus de confectione hamæch, aut alterius electuarii; vel potionibus uncia semis vini emetici addenda: Postea utendum antidotis quæ partem roborent, & morbo adversentur, ut.

℞. Conf. ros. anti. confer. rad. aut flor. pœnon. ana ʒj. the-
ria. vete. ʒij. coral. rub. ʒjss. visci querc. sem. pœnon. rad. valer.
fylv. ana ʒj. cort. citri ʒj. cum syrupo de mentha, fiat opiata,
de qua capiendum quolibet mane, tribus ante pastum, ad cas-
tanæa magnitudinem, parum aquæ ceraforum nigrorum super-
bibendo.

Tabellæ
anticpilep-
ticæ.

℞. Coral. rub. ʒij. margat. præpar. ʒß. visci quer. & rad.
valeri. fylv. ana ʒj. ung. Alcis scrup. j. cum sacch. aqua flor.
tiliæ, vel alterius specificæ dissoluto, fiant tabellæ ʒij. capiat
unam, ut de opiata dicitur.

Si minera
morbi est in
hypochon-
driis uten-
dum decoctis
hepaticis &
splenicis.

Si in hypochondriis minera subesse deprehendatur: etiam
quæ vomitu, & dejectionibus humores ducunt optima sunt:
deinde venæ sectio malleoli ejusdem lateris post hæc antidota.
Cum autem in partibus hoc loco positis, frequentes fiant ob-
structiones, apozematibus hepaticis, & splenicis uti, non
erit incongruum, aut pulvere cakectico, purgato subinde cor-
pore. Si uterus sit fons, & origo maligni vaporis, menses
supprimuntur, aut non recte fluunt: mensibus enim rite fluen-
tibus non fiunt ab utero morbi ex Hippocrate: Curandum igi-
tur, ut hæc pars ad pristinum officium reducatur, suo cap.
descriptis, addendo purgantibus quædam specifica, ut radicem
pœoniæ, &c. & specificis supra descriptis, salem arthemisiæ.
In infantibus eadem cura quæ in adultis convenire potest, ha-
bita ratione ætatis, purgari enim possunt pulvere Chornachi-
ni, quo in his, nihil magis idoneum, incipiendo à parva dosi,
ut.

Apho. 57.
sect. 5.

Cura in-
fantum epi-
lepticorum.

℞. Diagrid. vapo. sulphu. castig. & stybii ter probe deton.
ana gr. iiij. crist. tactari gr. j. capiat cum parum syrupi de stæc.
ex cochleari.

℞. Merc. dulc. gr. vj. scammo. præparar. gr. iij. detur ex cocleari cum syrupo de stæc.

vel

℞. Polyp. quer. ꝑ. rad. pæon. ʒij. folio. beto. rut. hyss. ana m. β. tiliæ, pæon. ana pj. sem. rutæ, & pæon. ana ʒj. fiat ex omnibus decoctio, Acc. ꝑ. infun. folior senn. mund. ʒj. turbith, & Jalap ana ʒj, agar. ʒβ. cinam. ʒj. express. dissol sacch. & syrapi ros. purgat. ana ʒij. F. syrupus catharticus, dosis à ʒij. ad ʒβ. ex cocleari.

Post purgationem subinde repetitam, præbeantur antidoti. v. g. coclear j. quibusdam matutinis, de illa quæ recipit theriacam, aquam pæon. & spirit. vitrioli, supra descriptam; vel quæ fit ex succo rutæ hortensis, & melle scyllitico; vel detur infanti de pulvere aliquo antepilptico scrup. aut scrup. β. cum aquis appropriatis. Interea ferro candenti inuratur causticum inter primam, & secundam colli vertebra, multisque mensibus sinatur apertum: Emplastrum quoque pro commissura vocatum, supra futuram coronalem gestet, ubi cerebrum pulsatur; describitur in ordine remediorum alphabetico. Si grandior, & jam puer, applicetur vesicatorium, quod vocant perpetuum, si ferre possit. Nutrix si fieri possit abstineat à vino, modum servet in reliquo victu; venæ brachii aperiuntur, ut si ejus sanguis peccaverit, in meliorem statum reducat: Aliqua utatur antidoto, ut ejus lac virtutem illius induat.

P R O G N O S T I C A.

Infantēs magnis, & crebris insultibus epilepticis correpti, eadem die jugulantur; licet epilepsia sit morbus chronicus.

Epilepsia post 25. annum, non sanatur; ex Hippocrate aphor. 7. sect. v.

Pueros epilepsia laborantes, mutationes maxime ætatis, locorum, & vitæ, liberant. Hippo. aphor. 45. sect. 2.

Solvitur aliquando epilepsia septimo mense, septimo anno, circa pubertatem, menstruis erumpentibus, primo puerperio.

Infantes epilepsiæ maxime sunt obnoxii propter cerebri humiditatem, ductam à sanguine menstruo.

N

Me-

Melancholici fiunt aliquando epileptici; Et è contra, si melancholia sit causa morbi.

Viri magis sunt epilepsiae obnoxii, quam foeminae, propter menstrua.

Infantes quibus crustosa scabies nascitur in capite, epilepsia non corripuntur.

Epilepsia quae parturientes corripit, non solet reverti; nec ea quae fit à vermibus.

Epilepsia praegnantibus facile conquiescit.

Si mens laedatur in epilepsia; aut fiat nervorum resolutio, non est medicinae locus. Hoc non semper verum, ex enarratione 2. cap. 3. lib. 3.

Lib. vj.
epi sect. 6.

In epilepsia longa, febris, ut quartana, pro valetudine est, juxta illud Hippocratis. quartana correpti, à magno morbo liberantur.

Enarrationes de quibusdam aegrotis.

Vir melancholicus
& epilepticus curatus,
remanente
mentis quadam alienatione.

Epid. 6.
in fine.

Profectus peregre, ut virum melancholia laborantem inviserem; dum curationi incumberem, ter una die, à prandio, ad vesperam, forti epilepsia correptus est, ita ut strangulatis similis facies livida fieret in paroxysmo, quorum tertio graviore existente, asserui si quarto corripere, suffocatum iri, quo non redeunte, quibusdam contra epilepsiam exhibitis, tandem à melancholia sanatus est, non tamen perfecte mentis compos remansit: Nescio utrum à melancholia, an ab insultibus epilepticis hoc factum esset; Contigit enim mihi videre melancholicos, fieri epilepticos: At epilepticos fieri melancholicos, nunquam; vidi quidem ab epilepsia hebetes factos, sed non proprie melancholicos: evertit enim ratiocinationis usum, fortis interdum epilepsia, & cujus paroxysmi longi sunt, & frequentes, quod potius crediderim, quam epilepticos fieri melancholicos. Ideo facile assentior, explanantibus Hippocratis sententiam, melancholicos fieri epilepticos, si humor inclinet ad corpus: id est, ut ajunt, ad ventriculos: Si verò in mentem repat: id est, in substantiam cerebri, & temperamentum mutet, ut explicat Galenus, fieri melancholicos. Sed hoc stare non potest, cum his quae superius diximus; cum

æque

æque in substantia cerebri, & circa ipsam, sicut & in ventriculis, possit epilepsiæ causa insidere, quæ magis afficit cerebrum ut partem similem, quam ut partem organicam; etiam si in ventriculis semper causa subesset: Neque enim afficiuntur ventriculi tanquam organa, idest cavitatem habentes, sed tanquam substantia cerebri, quæ ibi, sicut & alibi, qualitatem insensam ferre nequit. Quapropter cum melancholici fiunt epileptici, materiæ locum mutanti non esttribuendum, sed qualitatem malignam adipiscenti.

OBSERVATIO II.

Mulier quædam nobilis, post partum surgens è lecto, correpta est epilepsia per consensum à manu, quæ incipiente paroxysmo, prima epileptice convellebatur, deinde brachium pedetentim ascendente vapore ad caput; quo tempore omnium erat sensuum, læsio, cum motibus epilepticis partium omnium ejusdem lateris, mox alterius, & corporis totius, quos solitus sopor excipiebat. Licet à quadam vetula obstetrice, morbum arte venefica inditum suspicarer, placuit tamen sanationem tentare, incipiendo à purgatione pilular. cocciar. 3j. cum gr. iiij. castor. deinde venæ sectionem salvatellæ manus ægrotantis faciendam curavi, postea vesicatorium supra manum ægrotantem imponendum, alia in animo habens præscribenda, si morbus, ut credibile erat, se obfirmaret; sed præter omnium spem, brevi curata est.

Epilepsia
orta e manu
puerperæ.

OBSERVATIO III.

Puella quædam 12. annorum hujus urbis cum pluries in hebdomada correpta fuisset epilepsia, rogatus à matre, ut ei opem ferrem; præscripsi in primis, purgationem ex pilulis cocciis, & gr. iij. casto. deinde usum antidoti, quod recipit theriacam, spiritum vitrioli, & aquam pœon. supra descriptam, & non amplius reversa est epilepsia.

Puella 12.
annorum E-
pileptica:

OBSERVATIO IV.

In oppidum quoddam profectum, mulieris ægrotantis inviscendæ gratia, pueri cujusdam ægrotantis mater vicina, me convenit auxilium petens; Imperavi ut statim atque paroxys-

Puer 10.
annorum
Epilepsia la-
borans,
quam ab ar-

te venefica
inductam
putat auctor.

mus invaderet, puerum, me vocaret, non longe enim aberat à domo ægrotantis, quod se facturam promisit: Accersitus igitur paroxysmi tempore, inveni puerum, qui decennis erat, humi jacentem, & à præcedenti invasione cum sopore quiescentem; sed brevi ejus corpus more piscium qui recenter ab aqua educuntur, elevabatur à terra, *faisoit le saut de la carpe*, deinde parum quiescebat, mox eadem agitatione corpus movebat, & vicissim quasi gravi somno sopitus quiescebat, brachiis, & tibiis, ut sit in vulgari epilepsia, nullo modo convulsorie motis; quod ter me præsentè vicissim accidit. Cujus rei novitate attonitus, matri, non dubitavi asserere, hanc epilepsiae speciem arte venefica esse inflictam, contra quam inanem esse nostram medicinam: imo affectum potius exasperaturam. Quo audito mater, facile crediderim, inquit, vetulam quamdam mali esse authorem; coge igitur, respondi, ut auferat, primo minis, deinde verberibus, si recuset. Nescio quid actum fuerit, audiavi tamen postea omnino sanatum fuisse puerum.

OBSERVATIO V.

Pueri Epileptici manus & pedes Schrophulosis tumoribus afficiuntur.

Maffiliæ me adhuc juvenem, & principiis Medicinæ incumbentem, vicina quædam nostra vocavit, ut filium xi. annorum epilepsia laborantem inviserem. Paroxysmus longus erat, cum violenta musculorum contractione, paucisque post diebus recurrebat. A Medico remedia quædam sunt adhibita, universalis, potius quam specifica. Duobus mensibus exactis, manus ejus, & pedes, eorumque quidam digiti, scrophulosis tumoribus affecti sunt, quos sponte apertos, ulcera exceperunt difficilis curationis, puerumque kakectia laborantem, mors ante sex menses abstulit.

OBSERVATIO VI.

Virgo laborans Chlorosi & Epilepsia.

Virgo quædam laborans scedis virginum coloribus, cum in victu suo animo morem gereret; hac ut putabatur de causa, epilepsia correpta est, quæ octavo quoque die, aut circiter repetebat. Vocatus à patre tum propter anni tempestatem ruri degente, nihil ad morbum profligandum satius arbitratus sum, quam à curatione chloroseos incipere, in qua cum sint pravi

pravi succi, quibus cerebrum nutritur, sicut & cæteræ partes, suspicabar illam, nec sine ratione, epilepsiæ principium dedisse: Ideo vitæ regimine præscripto, sequenti die medicamentum purgans admixtis quibusdam specificis propinavimus, postea tundendam cephalicam curavimus, non peccante sanguine, quod in foedis virginum coloribus rarum est; quia fortasse menses non erant in vitio, aut propter morbi causam infra dicendam: Sequenti die à purgatione, præscripsi usum pulveris kakectici per 20. dies, ut cap. de chlorosi docetur. Per id tempus rarior erat paroxysmus, pulverisque, usu peracto, facies erat boni coloris, & in posterum, paroxysmi tamen epileptici, quamvis rariores perseverabant; Ideo pulveris specifici usum quibusdam matutinis, ut supra monuimus, præscripsi; deinde consului, ut gestaret amuletum de frutice sambuci collo appensum, de quo fuse Hartmannus in pract. chimiatri. titu. Epilepsia. Cum autem multa quæ ad ejus usum spectant, videantur quid superstitiosum redolere, multi hac de causa eo uti religioni habent: Sed si omnia æqua lance perpendantur, quæcumque in eo observantur, haud dubie non improbabuntur: Multi enim Theologi, primo auditu eorum, quæ de hoc amuleto scribuntur, statim damnantes, quæ mox afferam audientes, gestationem amuleti concedere non dubitaverunt. Primo quidem, si de numero frustulorum sambuci, quæ novem imperantur, habeatur suspicio, decem imponenda sunt; numerus enim non fanat, sed virtus specifica rei, quæ validior erit in decem frustulis, quam in novem: Si quis enim crederet à numero curationem pendere, ita ut si minuatur, aut augeatur, illam assequi, nullo modo posse, jure superstitiosus habeatur. Si major etiam habeatur suspicio veneficii, ab eo quod cavendum est, ne quis nodulum tangat, cum sponte deciderit, sed forcipibus apprehensis, in quodam secessu sepeliendus, ne si quis insciens tangeret, epilepsia corripereetur; non est verendum: Quis enim emplastrum à bubone, vel à carbunculo pestifero rejectum, tangere vellet? Ita nodulus ille, attracta maligna qualitate corporis epileptici, tangentem inficeret. Hoc auxilio & pluribus aliis administratis, quibus morbus cedere visus fuerat, cum postea sine causa invalesce-

ret, veneficii suspicio invasit animum; magis itaque sollicitus sciendi modum invasionis paroxysmi, didici ægrotantem incipiente paroxysmo, corpus in gyrum vertere ac si duceret choreas; quo audito, affirmavi parentibus, me esse in sententia, epilepsiam hanc esse à veneficio, mihiq; in curando tempus terendum non esse, nisi vellent oleum & operam perdere, quod postea confirmatum est: Nam desperantes cognati de salute ægrotantis, arte medica consequenda, veneficum confu-
luerunt, à quo responsum est epilepsiam hanc, à quodam viro, qui ægrotantem in uxorem poposcerat, mediante venefico inflictam esse, eo quod spretus fuisset, quod verum esse mihi confirmarunt parentes: Tamen, inquit veneficus, spero me ægrotantem sanaturum; dummodo sanata taceat de his quæ dixi; alioquin morbum reversurum: Quod præstitit veneficus; sanata autem puella, non potuit se continere, quin amassum infectaretur, morbusque reversus est, nec potuit ab eodem venefico curari, tandemque illam strangulavit epilepsia adhuc juvenem, & viro nuptam, cum liberis.

De Paralyfi.

C A P U T V.

Paralyseos
descriptio.

Causa pa-
ralyseos est
defectus spi-
rituum ani-
malium.

Paralyfis proprie, est motus, & sensus privatio alicujus partis, interceptis viis, per quas animales spiritus ad ipsam feruntur, medulla scilicet spinali intercepta aut verius ab ea exortis: Sive hoc fiat ab intemperie, sive ab aliquo humore obstruente, sive à contusione, sive ab incisione: Falluntur enim qui causam emollientem, sicut vulgus, imaginantur; propter hoc quod mollities partis in paralyfi, non est effectus, sed defectus: Animali enim spiritu, quo membra firman-
tur, privati muscoli, videntur molliores; non quod ita sint, sed quod non habeant unde firmentur. Si quis v. g. fingeret se esse paralyticum ex aliquo membro, hoc aliis mollius omnibus videretur, re ipsa tamen non esset, sed fraus morbum mentientis, & hoc astantibus imponentis, si partem sineret arbitrio moven-
tis.

tis detegeretur. Præterea videmus sæpissime paralytica membra tandem contabescere, defectu facultatis animalis, qua etiam opus habent facultes naturales, ut melius suo fungantur officio. Si quis autem dixerit paralytica membra fieri humidiora; damus, principio morbi eadem ratione, qua qui vitam otiosam agunt, fiunt humidiores; non ideo tamen humiditas illa faciet molliem, quæ apparet in membro paralytico pertractantibus, sed defectus motricis facultatis, quæ musculos intendit, & confirmat: Ideo non jure arguebat quidam Medicus alium, eo quod scripisset thermas sulphureas, & bituminosas, valere contra paralysem, inquit hujusmodi aquas emollire, quod paralyfi, quæ mollietates est, non convenit, sed bonus ille vir, præcipuam, & veram morbi causam non advertebat: Quis enim rerum usu edoctus, aquas sulphureas, & bituminosas, si calore valeant, pollere virtute, proximæ paralyfis causæ discutientæ, negabit, etiam emolliendo; discutientia enim quibusdam emollientibus mixta, humores facilius dissolvunt. Quia verò pars affecta paralyfi, movetur huc illuc, ad arbitrium moventis, solutaque videtur, nomen paralyfis affectui inditum est, quæ est, non totius corporis solutio, sed partium aliquarum, ut verbum paralyfis sonat: quamvis enim (*parà*) in compositione, modo augeat significationem, apud Medicos tamen potius minuit, ut (*paraphrosyne*, *parasyanche*, &c.) Sic (*lysis*), solutio est; & paralyfis, non omnimoda solutio, sed tantum aliquarum partium, medietatis præcipue corporis, cum simpliciter quis diciter paralyticus, sensibus tamen interioribus illæsis, quia causa paralyfis est extra cerebrum; partes verò interiores, à sexta conjugatione fere omnes sensum habent: In aliis particularibus speciebus, nomen partis paralyticæ assumitur, ut linguæ paralyfis, tibiæ, brachii, &c. Est & alia paralyfis species, quam imperfectam nominant, quando scilicet illæso sensu, partes privantur motu; Quod fit, non solum cum idem nervus motum, & sensum non desert; sed etiam cum nervi obstructio, qui motum, & sensum desert, non est perfecta, transeunte satis spirituum ad sensum, non autem ad motum: Longe enim major requiritur spirituum copia ad motum, quam ad sensum: Cum autem il-

Aquæ sulphureæ & bituminosæ conducunt in paralyfi.

Lib. 3. de
loc. affect.
cap. 10. &
lib. 4. de
loc. affect.
cap. 45. &c.

Laborante
cerebro aut
Medulla
spinali fit
paralifis in
pluribus
partibus.

læso motu, pars sensu privatur, improprie nomen paralyfios tribuitur affectui; imo nullatenus paralyfis dici debet, sed (*anaiftthesia*,) à Græcis dicitur, ab (*diſtbeſis*,) sensus, seu sensatio, & a privativum, idest privatio sensus; cum nervus sensum tantum deferens afficitur. Harum omnium specierum curandi ratio, prius quam suscipiatur, ex anatome omnium nervorum exortus, acuratissime tenendus est, ne quis erret in topicorum applicatione, quemadmodum Medici Pausaniam curantes, de quibus Galenus in lib. de loc. affect. Ideo quæ ad praxim magis necessaria mihi sunt, à Neotericis hic transferre placuit. Si igitur faciei aliqua pars afficiatur: in paralyfi exquisita, semper patitur nervus, qui parti motum, & sensum deferret: In non exquisita, in quo motus tantum perit, non soli nervo, sed aliquando musculo motui dicato, affectus inest. In paralyfi improprie dicta, quæ (*anaiftthesia*) est, tantum nervus sensum deferens laborat: In convulsione autem, si particularis, nervo, aut musculo parte sui nervosa, tribui potest affectio: Laborante enim medulla spinali, & magis etiam cerebro, non una tantum pars afficitur, sed plures, functioque ejus aliqua princeps interdum, aut omnes læduntur, & lateri cerebri magis affecto, major noxa infertur; licet in ipsius vulneribus contrarium sæpe accidat, ægroto in partem sanam decumbente; quo fit, ut vulneris excrementum in eam influat, cerebrumque, aut membranam ejus vellicet, aut alio modo afficiat, unde paralyfis, aut convulsio. Faciei musculis omnibus tantum resolutis, aut convulsis, ea parte laborat cerebrum, qua fit nervorum secundæ, & tertiæ conjugationis exortus; Si solum oculi, tantum secundæ: Si oculis illæsis, temporales muscoli, masseteres, labia, narium pinnae, resolutionem, aut convulsionem patiantur, lingua autem, & partes oris sensum amittant; in parte cerebri qua fit nervorum tertiæ conjugationis exortus, affectio consistit, cum quartæ noxa, à qua palatum ramulos accipit. Quo enim major partium numerus afficitur, eò altius causa symptomatis quaerenda est; Quo verò minor, eò propius: Quod in paralyfi, & convulsione semper est considerandum; præcipue in brachiorum, & tibiærum ejusmodi affectibus: Digito enim auriculari

riculari tantum læso, & media parte digiti Medii, in solo nervo, qui a cavitate olecranii ad illos fertur, affectio quærenda est. Si verò omnes brachii partes lædantur, in exortu suo ex vertebra colli, nervus afficitur; qua de re, infra. His præmissis, horum quædam ad praxim magis necessaria, sigillatim persequamur. Superciliis itaque affectis, latus musculus læditur, qui nervos accipit à secundo pari nervorum, à primis vertebra colli exortos, & ramos tertiæ conjugationis; Similiter in risu sardonio, & spasmo cynico; ex lato enim musculo, narium, & labiorum musculi fiunt, ex antiquorum anatomistarum, & quorundam neotericorum sententia; Andreas tamen Laurentius, & Riolanus, quibus credendum, alios particulares musculos his tribuunt, qui ab eadem origine nervos accipiunt: Contractio tamen musculi unius lateris labium moventis, duplicem potest habere causam, sicut & in aliis plerumque partibus; spasmus scilicet, aut paralyfim, musculi alterius lateris: In convulsione enim canina, pars affecta contrahitur; in paralyfi verò, pars sana, quæ distinguitur à convulsa, quod hæc tangenti dura; & contracta percipitur, cum aliquo, ut plurimum, sensu doloris; In paralyfi autem, pars sana trahens ægrotantem, quæ non resistit, per se, non autem ex morbo contrahitur; ideo nec dura est, nec dolet pertractata. Cum enim per sanitatem, musculorum quamplurimorum oppositorum sit, partes utrinque, velut in æquilibrio continere, si unus paralyfi laboret, etiam imperfecta, alter ex seipso, nobis non advertentibus se contrahet, oppositum adducens, qui nullo, aut paucò spiritu animali firmatus, cedit trahenti, imperitifque imponit, spasmus cynicum repræsentans. Palpebris affectis, nervo tertiæ conjugationis, per foramen orbitæ transeunti causa tribuitur. Lingua existente paralytica, servato gustu, septimæ conjugationis nervus laborat; tertia enim gustat, & quartæ quidam rami. In vocis amissione, nervi recurrentes, seu vocales dicti, à ramo sextæ conjugationis, qui à clavicula sursum ascendentes per musculos laryngis disperguntur, laborant: Musculis caput moventibus affectis, nervi qui inter occiput, & primam vertebra, aut inter primam, & secundam oriuntur, affecti sunt, à quibus colli musculi quosdam ramulos

Topica applicanda in exortu nervorum, qui ad partem affectam tendunt.

accipiunt; sed per tertium, ex foramine secundæ, & tertiæ vertebræ egrediens, totum in musculis colli absumitur; quarti paris parvulus ramus itidem; quinti, & sexti parvulus ramus, posteriores per musculos colli spargitur: Ideo læso motu capitis, aut colli, in exortu horum nervorum, topica sunt imponenda; advertendo quod supra diximus de mutua oppositorum musculorum actione. Omnibus partibus infra cervicem affectis, meninges, aut spinalis medulla læduntur; quod si solum altera corporis parte fiat resolutio, aut convulsio; dimidia tantum parte laborant: Resolutis uno, aut pluribus brachii musculis; à quinta vertebra, ad septimam, quærenda est affectio, unde nervi oriuntur numero sex, ad brachia progredientes, quorum primus solo deltoidi musculo, & pelli incumbenti infervit. Secundus à sexta vertebra egressus, primum fertur in bicipitem; deinde ramulum statim impertit longo musculo cubiti; postremò descendens in flexum cubiti, dividitur in duos ramos, quorum minor fertur per radium; major autem in pellem cubiti, & manus desinit: Tertius secundo mixtus; ramulos spargit per brachialem internum, cui biceps incumbit. Quartus descendens sub bicipite, postquam ramulos transmisit musculis cubitum extendentibus, & pelli internæ partis brachii, finditur tandem in duos ramos, circa articulationem cubiti, quorum unus excurrit secundum longitudinem radii, alter verò secundum longitudinem cubiti. Primus productis quinque ramulis, duos pollicis impertit, duos indici, unum autem medio digito: Alter in carpum desinit. Quintus descendens inter musculos extendentes, & flectentes cubitum, transgressus retrò apophysim internam brachii, tertioque mixtus, desinit in digitos, impertiens duos ramulos digito auriculari, duos annulari, unum verò medio digito. Sextus descendens inter pellem, & panniculum carnosum, per apophysim internam brachii, desinit in pelle cubiti. Ex historia nervorum, ex vertebra colli originem ducentium, colligitur diaphragma, ex quarta, quinta, sexta, & aliquando septima conjugatione, quatuor accipere nervos, quibus læsis lædetur, pro varietate læsionis, respiratio; quod in difficultate spirandi non parvi est momenti. Tibiis resolutis, aut convulsis, in vertebra lumborum, aut in

A quibus nervis læsa respiratio.

nervis, qui ab his oriuntur, causa inest, quinque numero. Primus egrediens à primo foramine vertebrarum lumborum, transiens per foramen ossis pubis, in musculo tricipiti, qui coxam adducit, desinit; Secundus à secundo foramine vertebræ, descendit ad musculum vastum internum, tibiam extendens. Tertius à tertio foramine prodiens, fertur per sinuositatem factam ab osse pubis, & ore ilii, ad musculos tibiæ, & pedis, gemellum internum, & solarem, dictos. Quartus posterior dictus, omnium nervorum fortissimus, ab ultima vertebra lumborum, & duobus superioribus foraminibus ossis sacri ortum ducens, integer ad poplitem descendit, ubi in duos ramos prægrandes finditur, quorum unus circa caput perone, in tres ramulos divisus, duos mittit ad musculos anteriores tibiæ; tertium verò tarso, qui duos ramulos impertit cuilibet pedis digito. Alter ramus poplitis, sex ramos mittit musculis poplitis; deinde sub gemello interno delatus per fissuram malleoli interni, dividitur in duos ramos, quorum unum dat musculo magni pedis digiti, tener dicto; alterum verò omnibus musculis pedis digitos flectentibus. Nervi ossis sacri, partim coxæ, partim musculis vicinis, & pelli, partim collo matricis, mentulæ, vesicæ, & musculis ani feruntur; testiculi autem à lumbis accipiunt. His præmissis, facilis erit cujuscumque generis convulsionis, aut paralytis cognitio, ideoque curatio; morbi enim cognitio, ex Galeno, est ipsius curationis principium, quæ prius injecto enemate, descriptionis cap. de affect. somniferis, auspicanda est à venæ sectione, è basilica ejusdem lateris, si partes inferiores afficiantur, aut è cephalica oppositi, si superiores, habita ratione ætatis, virium, & plenitudinis, si qua sit, sicut & morbi, qui per se venæ sectionem non postulat; licet interdum febris comitetur, in principio, paralytim; nihil tamen juvans, eo quod non fiat à natura dominante, nec à morbo ut symptomatica, sed à causa morbi, quæ utrumque efficit: Hoc autem, in his qui calido sunt temperamento, vitæ potius intemperantia, & à causis externis, in hunc morbum incidentes; quorum omnium ratione, fieri potest venæ sectio, etiam sola revulsio- nis gratia; at morbi difficile, quod medullæ spinalis, aut nervi substantiam penetravit, detractio sanguinis difficillime au-

Lib. 2. de
meth. med.
circa finem.

Venæ se-
ctionis usus
in paralyti.

Cucurbitula cum profunda scarificatione profunt paralyticis.

feretur; sed materia influente revulsa, quod medullosæ harum partium substantiæ infarctum est, natura interdum, & alia medicamenta discutunt, si nimium tenax, & glutinosum, non evaserit; valde enim liquidus existit humor dum fluit, ichori, aut fero perquam similis, alioquin ad substantiam usque spinalis medullæ non penetraret. Facta venæ sectione imponendæ sunt humeris cucurbitulæ eadem die, circa vesperam, cum profunda scarificatione: Postridie autem præbeantur pilulæ ex fortioribus devorandæ, ut

Pilulæ catharticae in paralysi.

℞. Massæ pilul. aggreg. scrup. ij. massæ cocc. aut agar. scrup. j. casto. gr. iiij. spiri. vitrio. gut. iiij. olei salv. arte chymica extracti, gut. ij. fiant pilulæ; quarum vis augeri potest, in his qui non facile cedunt purgantibus, gra. iiij. troch. alhand. aut scam. præpar. oportet enim ut venter pro ratione deiciat; parvus enim dejectionum numerus, nihil, aut parum proficeret, humoribus è longinquo non eductis.

Hauftus purgans.

Si ægrotus hoc genus purgantis deprecari videatur, potando purgetur, in hunc modum.

℞. Rad. aco. & cype. ana zij. folior. beton. sampf. primu. veris ana m. β. sem. anisi, & dauci, ana zj. flor. salv. & stæc. ana pj. fiat ex his decoct. Acc. q. f. infun. folior. sennæ mund. zij. aut ʒβ. sem. coria ʒβ. agar. troch. in nodulo positi, & sæpius expressi, zj. colat. & expressio. factis; dissol. elect. diacarth. ʒβ. aut amplius; vel loco elect. accipe pulv. Scrup. ij. serap. purgat. rosa ʒj. fiat potio mane sumenda; aut fiant quædam doses vini purgatorii, ut

Vinum medicatum purgans.

℞. Partiarum materiam prædictæ decoct. quam infund. cum cinamo. zij. in vini albi ℥jβ. vase operto. infun. in colatura folior. sennæ mund. ʒj. turbith, & jalap. ana ʒjβ. capiat de colat. ʒvj. quandiu duraverit, mane & fero. Quod si venter in duabus primis dosibus non respondeat, adde in tertia, de syrupo meo magistrali, cap. de spleniticis descripto, zij. vel ʒβ. purgat enim in parva quantitate. Potest hoc vinum in deliciarum amatoribus solo saccharo, ut dicunt, dulcorari, aut syrupo cap. veneris.

Post purgationem, reiterandam venæ sectionem non existimo; nisi aliqua peculiaris circumstantia illud moneret, sed facien-

ciendæ vertebrarum inunctiones parte præcipuè, qua fit nervorum affectorum exortus, unguentis oleis, & balsamis calidis; de quibus multa in ordine remediorum alphabetico, tit. Paralysis, inter quæ chimica, sunt semper aliis præstantiora, ut oleum salviæ, rorism. & præ cæteris oleum Philosophorum cum oleo terebenthinæ post spiritum exeunte mixtum, quod mihi familiare est, cum felici eventu. Quibusdam diebus elapsis, si morbus perseveret, & locus ubi nervi est obstructio, ex his quæ diximus agnoscatur, applicetur suprà vesicatorium, diuque apertum servetur. Interea post primam purgationem, ut humores facilius trahantur, sequentibus apozematibus ad exitum disponantur.

℞. Rad. aco. cype. & irid. flor. ana zij. summit hyss. sal. sampf. origa. beton. primulæ veris, ana m. β. flor. stœc. & rorism. ana pi, sem. anisi, foen. dauci ana zj. & si cerebri magis habenda est ratio, adde semen pœoniæ, & viscum querc. Ex his fiat decoctio: Acc. ℥iiij. syrapi, de stœc. ℥iβ. spir. vitrio. gut. iij. capiat mane, & quatuor consequentibus diebus: Et si magis tenuandum, loco ℥β. syrapi de stœcade, pone ℥β. mel. scyllit. & in decoctione gayac. aut salsæ parillæ pro fastidiosis; nisi pro potu ordinario his ægrotus uteretur, aut chinæ radicis, quod optimum est, vino enim omnino interdicendum, & loco ejus uti mulsa, in qua origanum, aut salvia incoquatur, addendo in fine decoctionis parum cinamomi: veteri tamen jam morbo existente, vinum conceditur, quia victus paralyticorum debet esse tenuis, calidus, & siccus; pituita enim, aut quivis humor frigidus, & crassus, semper est causa morbi; licet in principio calidus, & tenuis interdum misceatur, qui procedente morbo evanescit, relicto crassiore, cum quo nobis præcipue res est; Ideo potentissima duo remedia sunt, diætâ sudorifica, & thermarum usus: Post hæc rite administrata, omnia cæcutiunt: Advertendum tamen, morbo existente jam veteri, materiam aliquândo calidis, & siccantibus indurescere, quæ humectantia tunc temporis potius requirit ut dissolvatur, ad quod balnea moderate calida, in quibus emollientia incoquantur cum floribus cham: & meliloti convenire existimandum est, vel potius thermas bituminosas.

Decoctum
antiparaliti-
cum.

Potentissi-
ma remedia
in paralisi
sunt, usus
thearmarum
& diætâ su-
dorifica.

P R O G N O S T I C A.

Paralysis ab humore frigido, & crasso, morbus chronicus. Paralysis alios morbos subsequitur, ut apoplexiam, epilepsiam, colicam, uteri suffocationem, & febres chronicas.

Paraplegia, quæ paralysis est succedens apoplexiæ, difficile sanatur, & iterum in ipsam, ut plurimum, recurrit.

Paralysis particularis quamvis longa, fere sanabilis.

Paralysis repentina, ab ictu, aut vulnere, fere semper desperata.

Paralysis cum membri atrophia, difficillime sanatur.

Perfecta paralysis, difficilior curatur imperfecta.

Quo proximior cerebro est affectus, eo difficilior curatio.

Tremor paralyfi superveniens, bonum.

Senibus difficilior curatur.

Si membrum resolutum, actu calidum sit, spes salutis. Æstate facilius curatur, quam Hyeme.

Paralyfi febris valida superveniens bonum. Gal. in prorrh.

Paralysis à vaporosa materia, aut à calidis humoribus, ut à crapula, brevi aliquando finitur.

Enarrationes de quibusdam Ægrotis.

O B S E R V A T I O P R I M A.

Paraliticus
diæta sudorifica
curatus.

Religiosus Ordinis sancti Benedicti, paralyfi imperfecta correptus, in qua motus brachiorum perierat, salvo sensu, coxæ verò, & tibiæ, non valebant corpus sustinere, tanta erat eorum imbecillitas, In hoc statu, missus est in hanc urbem à suo provinciæ præposito, affectionis curandæ gratia. Habita consultatione, statutum est conjunctis sententiis, ut purgato corpore diæta sudorifica institueretur, non spretis dorsi totius unctionibus, sensumque ante præfinitum regiminis tempus, motum recuperavit, potuitque religiosi cœtus munia obire. Quia autem capitis refrigeratio morbo principium dederat, ut fluens humor averteretur, setonem in collo gestandum curavimus, quem postea in fonticulum convertit: Ne autem affectus recurreret, præscripsimus pilulas, quibus per intervalla pro-
pur-

purgatione uteretur, servato quantum monachi status permitteret regimine.

OBSERVATIO II.

Quidam incurvatus ictu mali antennæ, inunctione olei terebinthinæ & philosophorum sanatus.

Addictus ad remos, decidentis casu antennæ, mali anterioris ictus mole; quæcumque ad curationem necessaria erant, à tiremis Chirurgo adhibitis, nihil auxilii percepit, mansitque incurvatus: Anno elapso, cum ad remigandum inutilis esset, libertate donatus est. Hunc per vicos Massiliæ stipem corrogantem, quædam mulieres commiseratione ductæ, domum cujusdam matronæ adduxerunt, quæ in pauperes valde erat benefica. Tunc temporis degentem Massiliæ, ut illi mos erat in arduis curationibus, me accersendum curavit, rogans ut si quid arte medica valerem, pauperi non denegarem, quod me facturum libenter respondi, si spes aliqua recuperandæ valetudinis eluceret; omnibus verò esse notum, hujusmodi affectum incurabilem esse, aliquid tamen tentandum in Dei gratiam: Existimans autem humorem fortasse aliquem, vel in vertebriis lumborum, vel in musculis concretum, nihilque potentius esse ad discutiendum, oleo philosophorum, & oleo terebinthinæ quod secundò exit post spiritum, aureique est coloris, præscripsi, ut horum paribus portionibus mixtis, calide lumborum regionem quibusdam diebus inungeret. Rem inauditam, & miraculo similem! octo dierum intervallo corpus erexit, ambulans per urbem, paucisque post diebus discessit in patriam.

OBSERVATIO III.

Paralytica curata.

Ad curandum uxorem paralyticam pistoris dulciarii, cum essem Massiliæ; statim injecto enemate, brachii sani venam tundendam curavimus: Postera die dosim pilularum capitalium præscripsimus; deinde vulgares inunctiones; postea verò apozemata supra scripta, ad novam purgationem instituentem, brevique sensum recuperavit; quod videns maritus, hujus quasi sanatæ reliquam curam Pharmacopæo demandavit, sumptui, ut opinor, parcere volens.

OBSERVATIO IV.

Causidicus
in stuporem
incidens cu-
ratus.

CAusidicus quidam hujus urbis, inclinante ætate rheumati-
cus, & vino parum indulgens, incidit de repente in stu-
porem, quæ via est ad paralyfim, totius lateris sinistri, cum
febre; quibus coactus est decumbere; ab injecto, & rejecto
enemate, lateris sani venam in brachio aperiendam curavimus,
& serotinis horis cucurbitulas eadem die applicandas cum scarifi-
catione: Postera die purgationem in forma liquida præscripsi-
mus; postea verò totam spinam oleo philosophorum, & tere-
benthinæ, quibusdam diebus inungendam, ut supra dictum est,
imperavimus; ab his, usi sumus sudorificis, duobus diebus con-
tinuis de nocte, descriptionis sequentis.

℞. Salsæpar. minutissime incisæ, & parum cont. ʒij. inf. in
aquæ ulmæ ʒvj. facta unica ebullitione, & colatura, dissolve
salis ejusdem gr. viij. sacc. si velis ad dulcedinem conciliandam
q. s. capiat hora nona vespertina; nocte multum sudavit; alte-
ra nocte etiam, sed non ut prima; intraque octo dies sanatus est.

OBSERVATIO, ET APPENDIX.

Herbæ me-
dicinales
maximarum
sunt virium
iis in locis
ubi sponte
nascuntur.

IN hac regione quia carduus benedictus non est suæ spontis,
tutor potius aqua, & sale ulmarie, experientia edoctus, car-
duum benedictum, longe inferioris esse virtutis, eo qui sua
sponte nascitur in regionibus calidis, quod in omnibus simpli-
cibus accidit: unde vult Mesues ut colligantur in loco libero:
Id est, ut explicavimus in nostra Pharmacia Theorica, lib. 2.
de electi. medica. in loco ubi, nec semine, nec denuò satae,
coguntur crescere, sed sponte nascuntur.

CAPUT VI.

De spasmo seu convulsione.

Quis affectus
dicatur con-
vulsio.

Et si convulsio exquisita, dicatur involuntaria musculorum
ad suam originem perpetua contractio; non ideo existiman-
dum est, quibusdam convulsionibus, quæ non sunt omnino
perpetuæ, nomen convulsionis exquisitæ, minus convenire;
Ad

Ad veram enim convulsionem, quæ temporis duratione, & causæ diversitate, distinguitur à motu convulsorio, non requiritur ut musculus contractus, maneat à principio morbi, usque ad perfectam solutionem ipsius; sed sufficit ut quodam temporis spacio convulsus maneat, licet postea fiat remissio, & iterum contractio; quæ cum sit præter voluntatem, & violenta, ideo dolorifica: Et ita, ut recte definiatur, dicenda est, permanens cum dolore, musculi ad suam originem involuntaria contractio. Cum autem contractio illa, fiat musculis primario affectis, vel cerebro condolentibus; prima convulsionis divisio, erit in illam quæ fit per consensum seu condolentiam, & in illam quæ primaria dicitur. Convulsio ex condolentia, fit consentientibus musculis, cerebro gravi aliquo affectu laboranti, ut vulnere, compressione, inflammatione, substantiæ corruptione, & à noxia aliqua qualitate male habito; alterius tamen generis ab ea, quæ facit epilepsiam: Neque enim existimandum est, ut quidam scribunt, cerebrum in hac convulsione per condolentiam, affectui musculorum consentire; Quod si laborantibus condoleat musculis, nervo præcipue, & tendoni, non est propterea dicendum, cerebrum convulsione laborare; neque enim habet musculos, ut convellatur, sed sua diastole, & systole, movetur motu naturali, qui in convulsione periret, sicut & animal, deficiente spiritu animali, quem non posse sine systole, & diastole, confici, certum est: Ideo motum cerebri depravatum, palpitationem vocavimus, cap. de Epilepsia. Hac ratione, convulsio primaria tantum est, cum causa insidet in musculo, non autem in cerebro: Quod etiam si possit esse primaria causa convulsionis, in illo tamen nulla est convulsio, neque primaria, neque secundaria, sed qualescumque motus sit in cerebro, is ut in corde, omnino ad aliquam systoles, & diastoles speciem, referri debet; Quemadmodum sternutatio, quæ maxima est, & velox cerebri systole, ut quod quantitate, vel qualitate molestum est excutiat, juvante respirationis motu. Stomachus etiam, præcipue os ipsius, potest esse causa primaria convulsionis, non quidem per se, sed affectum cerebro communicans, per nervos sextæ conjugationis, cui postea musculi consentiunt; ut narrat Galenus de juvene, antequam bilem æ-

Vera convulsionis definitio.

Cerebrum proprie non convellitur.

Sed motus ejus depravatio dicitur palpitatio.

Com. supra apho. i. sect. ru. i.

Quid tetanus. ruginosam vomeret. Convulsio primaria, sicut & secundaria, vel est universalis, vel particularis; universalis cum cervix, & reliquum corpus intenditur, sive rigidum maneat omnibus intensis musculis, ante, & retrò, ut in tetano, sive incurvatum maneat, convulsis solis anterioribus musculis, ut in emprosthotono, sive tantum in posteriora flectatur, convulsis parte postica musculis, ut in opisthotono; Quæ nomina, solis convulsis musculis caput moventibus etiam assumuntur, licet sint convulsiones particulares; quæ proprie dicuntur, cum pars una, aut altera, convellitur. Hæ omnes convulsiones, secundum doctrinam Hippocratis, dividuntur rursus in illas, quæ vel à repletionem, vel ab inanitione fiunt; Quam quidem divisionem, multi recentiorum non sequuntur; alii verò acriter tuentur, conantes universas convulsiones species, vel ad inanitionem, vel ad repletionem reducere, quasi omnes earum causæ, sint vel repletio, vel inanitio; Multique eorum uniuscujusque sententiæ fautores, etiam si doctissimi habeantur, & sint; contra omnem doctrinam, & Galenum, lib. 3. de loc. affect. cap. 6. & lib. 12. de usu part. cap. 3. in nervo, contractionis motum statuunt. Quis enim tam inscius, qui non videat solis musculorum fibris convenire, posse contrahi, & extendi; non autem nervis, & tendonibus, licet motui inserviant; illi spiritum animale deferentes; hi verò utroque extremo ossibus adherentes, ut partem adducant, musculi fibræ se se contrahentibus, sive voluntarie id fiat; sive voluntate non imperante; sive contra voluntatem: Triplicis enim generis est musculorum contractio. Prima est voluntaria, cum præcedente imaginatione, moventur, imperante voluntate. Altera cum nulla præcedente imaginatione, neque voluntatis imperio moventur per sanitatem, solo naturæ instinctu, ad molestum aliquid, quod se habet per modum transeuntis, arcendum; ut in quibusdam excretionibus, & pluribus dormientium motibus. Tertia est violenta, & contra voluntatem, à causa morbifica; quæ si permanens, convulsio vocatur; si cum frequenti vicissitudine; ut in epilepsia, motus convulsivus dicitur, qui à quibusdam convulsio fiens appellatur: unde colligitur istos affectus, in una & eadem parte factos, differre tantum secundum magis & minus,

Quid Emprosthotonus.

Quid opisthotonus.

Apho. 59. sect. 6.

Lib. 1. de mot. musc.
 Lib. x. de usu part.

Triplex est motus generis musculorum voluntarium, naturale & violentum.

cau-

causæ scilicet magnitudine, quæ si violenter, & semper urgeat, parit convulsionem; si per vices, & moderatius, convulsorios motus; quia virtus conservatrix nostri, toti, & cuilibet parti indita, pro natura causæ irritantis, ad excernendum movetur: Ideo in convulsione fere semper agit, quia fere semper stimulatur, & à causis potentioribus, quam in motu convulsorio: Quas quidem causas, nude, & simpliciter ad repletionem, vel inanitionem reducere, difficillimum est, si de mera repletionem, vel inanitionem intelligatur: Quomodo enim capitis, & nervosarum partium vulnera, compressiones, contusiones, inflammationes, insignes refrigerationes, qualitates malignæ, venenatæ, tum à bestiis, tum ex assumptis, consensus à cerebro, ab utero, ex ore ventriculi, subiti terrores, ira, & alia ejusmodi quæ convulsionem invahere possunt, ad meram, & simplicem inanitionem, vel repletionem reducuntur. In hecticis enim, cum ad marasimum deducti sunt, maxima facta est inanitio; nullas tamen patiuntur convulsiones: Repletio in nervo, si perfecta, paralytim potius faciet, quàm convulsionem; Si imperfecta, & non vellicet, stuporem aut quamdam motus impotentiam: nec valent contra hæc multorum allatæ responsiones, de quibus fuse Sennertus. Lib. de caus. symptom. fac. motri. Dicendum igitur, ut valeat Hippocratis aphorismus, causas omnium convulsionum, ad quamdam repletionem, aut saltem inanitionem, generatim posse reduci, vellicantes scilicet partes nervosas; alioquin nulla convulsio, saltem primaria: Ideo in hecticis nulla fit convulsio, quia pedetentim partes corporis exsiccantur; inanitio autem, ut convulsionem pariat, citò fieri debet; alioquin partes nervosæ paulatim inanitioni assuetæ, noxam non sentiunt: Adde quod in hecticis nulla est materia vellicans, quemadmodum in aliquibus morbis ab inanitione, ut est dysenteria: Paucae tamen sunt, aut nullæ, convulsiones primariæ, ab inanitione, nisi per accidens; inanitio enim privatio est, oportet igitur illam, alterius rei interventu convulsionem parere, acrioribus scilicet redditis humoribus, à benignorum hos diluentium vacuatione, ut in longa diarrhœa; aut propter violentiam, quæ infertur partibus nervosis ab inanitione, succum alimentarium jam attractum,

Male convulsiones ad meram inanitionem vel repletionem referuntur.

Gal. comm.
in apho. 26.
sect. 2.
Lib. de tre-
mo. convul.
&c.

Varie con-
vulsionum
causæ.

cum molestia deponentibus. Aliæ verò convulsiones quæ ab inanitione fiunt, omnes sunt per consensum, partibus principibus affectis ab inanitione, ut quæ fiunt à nimia vacuatione sanguinis, spirituum jactura insigni, ut in syncope, & aliis magnis inanitionibus, quibus partes principes maxime afficiuntur, unde lethales sequuntur convulsiones ex inanitione, per consensum tamen omnes. At à repletionem, multæ, & primaria, & secundaria, invehuntur per se convulsiones, non autem omnimoda, & perfecta, sed ex parte, sufficit enim ut aliqua sit repletio ex humore vel vapore vellicante; nam omnimoda repletio in nervo, aut spinali medulla, quamvis ex acri materia & corrode, perfectam potius, ut opinor, gigneret paralysim, quam convulsionem, via spiritibus impedita; in partibus autem nervosis, quæ spiritibus deferendis non destinantur, convulsionem potius afferret; nam unam eandemque causam, eodem tempore paralysim, & convulsionem in eadem parte efficere, nullo modo mihi perspectum est. Neque existimandum est cum Hercule Saxonia, fieri tantum convulsionem, cum humor replet membranam nervum investientem; æque enim generatur convulsio, acri humore nervi medullam vellicante, ac ejus membranam; cerebrum enim licet non sentiat, sicut & medulla spinalis, quæ cerebrum productum est, patiuntur tamen, unde & paralyfis, & convulsio invehitur. Sed his ommissis, ut omnia quæ jam à nobis supra enumerata sunt, ad repletionem, aut saltem inanitionem reducantur, maxime autem ea, quorum reductio à multis impossibilis videtur: Dicendum primò quidem de vulnere partium nervosarum, convulsionem fieri à sanie, quæ se habet per modum replentis. In contusione earum; dicendum est, in partibus contusis effundi humorem, qui corruptus causa convulsionis est; sicut in compressione: De inflammatione, dicendum non fieri sine materia. Insignes refrigerationes humorem cogere, qui proprio loco dimotus, convulsionem facit, vel ex insigni refrigeratione, occultam fieri continui solutionem, ex qua etiam humor loco dimovetur. Qualitates malignas, sive purgantis, sive alterius rei, corrumpere humores, aut per modum exhalationis ferri per partes nervosas, quod ad repletionem reducitur; vel ad inanitionem,

nem, eo modo quo supra dictum est de validis purgantibus: De morfibz venenatis, certum est animal salivam deponere, quæ veneno imbuta, successive corrumpit humores, causas postea convulsionum. Consensus, quidam ad plenitudinem, ut qui fiunt materia aliqua translata; alii verò ad inanitionem, v. g. cum ex nimia sanguinis evacuatione affecto principio, pars aliqua convellitur, ut supra dictum est. In ira, & subito terrore, esse humorum motus, licet contrarios, nemo non videt, quorum interventu fiunt interdum convulsiones. Cætera quæ afferuntur contra Hippocratis aphorismum; prædictis, leviori negotio ad repletionem, aut saltem inanitionem reducentur, si ea quæ supra scripta sunt, accurate perpendantur. Nunc ex his constitutis, quæ curationi utilia sunt colligamus. Si igitur convulsio est à repletionem, non requiritur, ut supra diximus, omnimoda repletio, sed sufficit aliquam materiam, subesse in partibus nervosis vellicantem, qualiscumque generis sit, sive humor, sive vapor, quæ fere omnes gignunt convulsiones, præsertim primarias; purissimæ enim ab inanitione fiunt, nisi quædam per accidens, & aliæ per consensum, plurimæque sunt convulsiones à repletionem, quæ à multis ab inanitione putantur, sicut de singultu, eadem enim est ratio horum affectuum, saltem respectu causæ; Quamvis enim singultus non sit proprie convulsio, in multis tamen conveniunt, ut videre est apud Hippocratem apho. 3. & 4. sect. 5. & apho. 39. sect. 6. Ideo multa quæ de singultu scribuntur, eodem pror-
sus modo de convulsione intelligenda sunt; unde, cui per longam diarrhœam, dejectiones tandem factæ sunt æruginosæ, cum singultu, non ab inanitione factum existimandum est, sed potius ex acri illo humore æruginoso, intus sedem aliquam occupante, quod ad repletionem potius quam ad inanitionem referendum est: Ita de convulsione statuendum; multas inanitionibus supervenire, quæ nihilominus à repletionem fiunt; Quod in curatione non parvi est momenti: Cum enim convulsio sit symptoma, subtractione causæ auferri debet, quæ in repletionem ut plurimum consistit, raro autem in sola inanitionem, ut jam explanavimus. Quibus pro curationis fundamento positis; quinque peractis, eradicabitur omnis convulsio à repletionem.

Singultus
convulsionis
species.

Partes con-
vulsæ oleis
malacticis
inungun-
tur.

num est, dum potiora parantur, ut in omni convulsione, qualiscumque sit generis, statim in principio foveantur partes convulsæ malacticis, ne fibris musculorum vis nimia, contractione inferatur; quod perficitur inunctionibus calidis, ex oleo amygdalarum dulcium, liliorum, & pauperibus oleo communi, in quo malva incoxerit, parum olei chamæmelini immiscendo. Secundum ut dolor demulceatur, qui vel ab acri materia, vel à nimia fit contractione. Si ab ista, malacticis jam dictis demulcebitur; si ab illa, causa existente in parte convulsa, aut in nervi exortu, temperanda est acrimonia oleo amygdalarum dulcium; cum oleo violaceo, aut de nymphaea, præcipue si humor caliditatis alicujus sit particeps, in quo casu balneum aquæ dulcis mediocriter calidum in quo malactica incoxerint cum floribus chamæmeli, & meliloti, quibusdam libris olei injectis, plurimum proderit; Quod si pars in balneum demitti non possit, foveatur stupis. Si autem dolor sit à vulnere, practici utuntur oleo terebenthinæ, spiritu scilicet, calidissime in vulnus inditio, & irrigatione partis cum oleo rosaceo: At si quis haberet in promptu, uti ego habeo, balsamum Paracelsi, puncturis maxime nervorum dicatum, nihil ultra optandum; est enim mirabilissimæ virtutis, in sedandis doloribus vulnerum, partium præcipue nervosarum, & convulsione avertenda, quæ ex Hippocrate lethalis est, nullus eo carere deberet Chirurgus, in omnibus enim vulneribus, præstantissimum est glutinativum, ossibusque denudatis impositum, ab aëris alteratione tuetur, & duræ matri sauciatae, vel denudatæ, amicissimum: Ejus fundamentum, oleum est terebenthinæ luteum, quod in destillatione effluit post spiritum; In eo folia agrimonix, & hyperici, deinde flores ejus, & alia ad solem infunduntur, unum quodque suo tempore; ab hypericone rubicundo evadit colore. Tertium est, ut materia vellicans avertatur, & exhauriatur, quod venæ sectione, & purgatione primùm exequimur; Quare injecto enemate, vena aperiatur secundum partis affectæ positionem, & causæ diversitatem, ut superiori capite proditum est, licet solius revulsionis gratia tantum fiat, nulla existente plenitudine, quanto magis si tubefese videatur. Post venæ sectionem, secundum indicationes ite-

Balsamus
ad nervorum
puncturas,

Aph. 2.
sect. 5.

Descriptus
à Paracel. in
parva, chi-
nur.

ratam, si opus fuerit, decernatur de purgatione, cujus multæ extant descriptiones, superioribus capitibus, præcipue capite de paralyfi, ubi castoreum additur purgantibus, quod etiam hic convenit, & in omnibus affectibus frigidis cerebri. Post purgationem; cucurbitulæ cum scarificatione, vesicatoria, collo, scapulis, lumbis, ossi sacro, imponantur, prout mali fons, & origo animadvertetur, ex nervorum ortu, & excursu, capite præcedenti descriptis. Dum hæc gerentur, parti primariæ affectæ, si sit spinalis medulla, aut nervus ab ea exortus, fient inunctiones ex oleis, & balsamis calidis, ut oleo chamæmelino, irino, de castoreo, de terebenthina, de baccis lauri, de lateribus; Parti convulsæ fient etiam inunctiones, ex oleo amygdalarum dulcium, liliorum, cum pauco olei chamæmelini, aut terebenthinæ, ne, ut diximus, fiat villorum muscoli nimia contentio, & ex parte causæ, & ex parte naturæ irritatæ, quæ semper majori cum impetu feruntur in principio. Cum morbus processit, & causa existit in parte convulsæ, fortibus semper utendum, ut materia morbifica tota exhauriatur, quod etiam balneis perficitur, ex malva, bismalva, calam. origa. lauri foli. salv. sampf. & similibus, cum bac. lauri, & Junip. & sem. lini, & fœnug. vel adeundum thermas sulphureas, & bituminosas, quæ discutiendo emolliunt: A balneis, fiunt postea ex jam dictis oleis inunctiones. Quartum quod expedit agendum in omni convulsione, est ut materiæ vellicantis qualitas infringatur, vescendi regimine humorum acrimoniam obtundente, & usu jussulorum ex juvenibus carnibus, in quibus lactuca, endivia, cichoreum & similia, cum feminibus frigidis incoquantur: his præcipue, qui vino se ingurgitarunt tempore sanitatis, & aromatibus vesciebantur, multoque magis cum aliqua febris adest, quæ non est semper bona, etiam si convulsioni superveniat, ut annotavit Mesue cap. 12. lib. 1. Theor. 4. Lactis etiam usus, acres humores omnium maxime temperat; sed ut plurimum, hujus rei perficiendæ morbus non dat inducias, nisi in particularibus convulsionibus. Quintum & ultimum est, ut causa foyens, si qua sit, intercidatur, ut partium nervosarum refrigeratio, ebrietas, & fluxio humorum: Primum impediatur, & calidis corrigatur: Pro secundo vini potus

Castoreum
additur pur-
gantibus in
Epilepsia
convulsione
& omnibus
affectibus
frigidis.

Non omnis
febris con-
vulsioni su-
pervenienti
bona.

in-

interdicatur ægrotis: Tertium avertatur ut cap. de fluxionibus dictum est.

Curatio
convulsionis
ab inanitione

In convulsionis curatione ab inanitione, advertendum utrum illa per se sit causa convulsionis, an verò per accidens; multoties enim, ut diximus, non ratione evacuationis, sed ratione prævæ qualitatis humoris exeuntis, aut intus remanentis, qui vellicat partes nervosas, quod potius ad repletionem, ut monui, referendum est, quam ad inanitionem; ita ut in curatione, si per diarrhæam fiat putata inanitio, incipiendum sit à purgatione, & pergendum in vacuatione humoris vellicantis, per epicrasim tamen facta, cum vellicantem acrimoniam obtundentibus; quia humor ille, quo magis movetur, eo atrociores excitat tragœdias, ut fufius docebitur, cap. de diarrhæa. Si verò inanitio causa per se convulsionis existat, parti principi communicata, quæ vim patitur, ut suprà traditum est, & quasi vellicatur, avulsis spiritibus, & materia foyente humidum suum radicale, affectuque partibus nervosis communicato, fit convulsio per consensum, quæ si fuerit ab inanitione confirmata, incurabilis est, si autem à recenti, quo minus vetusta, eo facilius curatio, dummodo inanitio non persistat. Curabilis igitur convulsio ab inanitione, duo postulat; ut inanitio scilicet impediatur, & partes inanitæ refocillentur. Primum perficitur cohibendo effluxum, vel ex toto, vel ex parte: si sanguinis, omnino, nisi sit criticus, & in principio, ita de sudore ferè dicendum: Aliorum verò humorum, ut docetur cap. de diarrhæa, & dysenteria: Quod enim pravum est, non debet intus cohiberi, nec cum impetu propelli, viribus, & natura morbi id non ferentibus. Secundum acquiritur victu analeptico, ex his quæ citissime spiritus viresque reparant, ut sunt juscula in quibus vitelli ovorum recentes, vinum, & saccharum immiscentur, marcipanes in vino immerfi, & lactis usus, quod valdè nutrit, humectat, & humorum acrimoniam temperat: In febribus, præcipuè ardentibus, utendum cremore ptisanæ, jusculis ex junioribus animalibus confectis, humidis, & frigidis oleribus alteratis, dissoluto qualibet vice, ovi vitello recenti, totaque dorfi spina oleo violaceo inungenda, ut convulsio impediatur, facta enim, ægre datur curationi locus: Omnia denique quæ

duo postulat,
ut nempe
inanitio im-
pediatur &
partes inani-
tæ refocil-
lentur.

he-

hæcticis, imperantur convulsione correptis ab inanitione, præcipuè cum inanitio causa existit per se convulsioni: Ab inanitione autem, causa existente per accidens, humorum acrimoniæ temperandæ præcipuè habetur ratio, ne qui intus sunt, aut remanent, ferociore evadant, ut supra demonstratum est.

P R O G N O S T I C A.

Febrem convulsioni supervenire, melius est, quam feбри convulsionem. Hippocrates, Aphor. 27. sect. 2.

Convulsio vulneri superveniens lethalis. Hippo. Apho. 2. sect. 5.

Multo sanguine fluente, singultus, aut convulsio superveniens, malum. Hippo. Apho. 3. sect.

In purgatione immodica, singultus, aut convulsio superveniens, malum. Hippocrat. Aphor. 4. sect. 5.

Convulsio ab elleboro lethalis. Hippocr. Aphor. 1. sect. 5.

Qui tetano corripuntur, intra quatuor dies pereunt, si verò hos effugerint, sani fiunt. Hippocr. Aphor. 6. sect. 5.

Frigidum convulsiones facit, & tetanus &c. Hippocr. Aphor. 17. sect. 5.

In fluxu muliebri, convulsio, & animi deliquium superveniens, malum. Hippo. Aphor. 56. sect. 5.

Quibus tumores in ulceribus apparent, non valdè convelluntur, neque insaniunt: his autem repente evanescentibus, introrsum quidem, convulsiones, & distensiones: Quibus verò &c. Hippocrat. Aphor. 65. sect. 5.

A quartana correpti, non valdè convulsione corripuntur: Si verò priùs corripiantur, superveniente quartana liberantur. Hippo. Aphor. 70. sect. 5.

In febribus acutis convulsiones, & circa viscera vehementes dolores, malum. Hippo. Aphor. 66. sect. 4.

In febribus spiritus offendens, malum; convulsionem enim significat. Hippocr. Aphor. 68. sect. 4.

Spasmo, aut tetano, febris superveniens, morbum solvit. Hippocr. Aphor. 57. sect. 4.

Ab ardoribus vehementibus, convulsio, aut tetanus, malum. Hippocr. Aphor. sect. 7. Apho. 13.

A vigilia convulsio, aut delirium, malum. Hippocr. Aphor. 18. sect. 7.

In morbis melancholicis, periculosi humorum decubitus : aut enim apoplexiam, aut convulsionem, aut furorem, aut cæcitatem indicat. Hippo. Aphor. 56. sect. 6.

Convulsio ab inanitione confirmata, lethalis. Gal. ubi supra.

Pueri frequenter convulsionibus corripiuntur; & quo juniores, eo facilius evadunt.

Juvenes raro convulsionibus corripiuntur; & correpti crebrius intereunt. Viri minime; senes sæpissime, & ea magis enecantur.

Mulieres magis tentantur convulsionibus, quam viri, propter frigiditatem, & facilius liberantur, propter humiditatem.

Ex abortu mulieres convulsæ, raro evadunt.

Convulsiones ab utero, si sint sine febre, facile curantur.

Convulsiones quæ in principiis morborum fiunt; humorum copiam, & frigiditatem arguunt, in partibus nervosis, & eorum vellicationem, quæ etiam fit ex insigni labore, ut in vomitu.

Quo partes à cerebro magis sunt remotæ, & minus nobiles, eo minus periculosa est convulsio.

Convulsio quæ actionem vitæ necessariam lædit, ut respirationem, aliis magis periculosa.

Ab ileo, vomitus, singultus, convulsio, aut delirium, malum. Hippo. aphor. 10. sect. 7.

A medicamento purgante convulsio, mortiferum. Hippo. apho. 25. sect. 7.

Convulsio quæ phrenitidem sequitur; lethalis. Aëtius tetrab. 2. sermo. 1. cap. 131.

In febre non intermittente, si labrum, palpebra, vel oculus, vel nasus, vel supercilium pervertatur, jam debili existente corpore, mors est in propinquo. Ex Hippo. aphor. 49. sectio. 4.

Enarrationes de quibusdam Ægrotis.

OBSERVATIO PRIMA.

Rusticus quidam Massiliensis venit in urbem curandus à convulsione posteriorum musculorum capitis, & colli; quæ, ut diximus, opisthotonos vocatur, estque illa in qua totius corporis muscoli posteriores convelluntur: Convulsio non erat perpetua, sed per intervalla, & per exiguum tempus durans; convulsis, dum inciperet, cum impetu musculis, ita ut caput alliceret ad parietem, si juxta federet, cum rauco vocis quodam sonitu, & contractione cartilaginis xiphoidis dolorifica, & aliorum musculorum contractorum; cujus rationem reddet, si quis meminerit eorum, quæ cap. de paralyti scripsimus, de exortu nervorum à vertebriis colli, à quibus non tantum collum, sed etiam diaphragma nervos accipit. Hujus convulsioneis curationem ab injecto enemate, & venæ sectione cephalicæ, aggressi sumus, deinde purgatione, ut habetur prædicto cap. cucurbitulis postea scapulis admotis, cum profunda scarificatione. Interea factis inunctionibus, in principio ex oleo liliorum, & chamæmelino, deinde oleo terebenthinæ, cum pari portione olei philosophorum mixto, repetita quoque venæ sectione cephalicæ, ex altero latere, brevi est sanatus, octo scilicet dierum spacio.

Rusticus ab
opisthotono
curatus.

OBSERVATIO II.

Coquum quemdam hujus urbis sancti Severi, similis convulsio invasit, ex sudoribus refrigeratis; cum enim lautum instruxisset prandium, ipseque pransus, sudore adhuc madidus, supra scamnum è regione cujusdam ostii dormiret, auræ pertranseuntis frigiditate, muscoli posteriores capitis, & colli, affecti sunt. In ejus curatione, eodem modo, ut habetur in superiori enarratione, quæ bene cesserat, nos gessimus, nisi quod loco olei terebenthinæ, quo carebant Pharmacopœi, spiritu usi sumus, cum oleo philosophorum mixto, morbus tamen pertransiit decimum quartum.

Ex sudoribus
refrigeratis
convul-
sio.

OBSERVATIO III.

Spasmus
cynicus a
paralyfi, cu-
ratus.

Sacerdos quidam, ex tortura oris, quæ spasmus cynicus com-
muniter dicitur, male habens, vocavit me, ut deformita-
tem adhibitis remediis restituerem, quam primo aspectu, ab
spasmo credebam accidere; pertractatis tamen utrinque muscu-
lis, inveni trahentem mollem, & tractatu facilem, ex quo cer-
tior factus sum oris ejus torturam, esse à paralyfi imperfecta
partis oppositæ: Quapropter oleis calidis, ut cap. de paralyfi
scribitur, parte hac irrigata, & lana fuccida his imbuta, cali-
de superposita, eos tortum pristino statui est restitutum.

OBSERVATIO IV.

Convulsio
brachii sana-
ta.

Juvenis quidam vino deditus, derepente brachii convulsione,
ex affectu musculi bicipitis correptus est: huic consului ut
vino abstineret, totumque musculum à capite ad caudam o-
leo liliorum & chamæmeli calidissime inungeret, mane, & se-
ro; brevique sanatus est; non erat enim ferendis majoribus præ-
sidiis, propter egestatem.

OBSERVATIO V.

Aliquis a
punctu-
ra tendinis
in pollice,
septima die
mortuus.

Quidam mercator Massiliensis, cum lagenam vino plenam
manu apprehensam teneret, ex eaque vinum funderet,
fracto collo lagenæ vulneratus est in pollice; propter par-
vitatem, vulnus spernens, nullo vocato Chirurgo, ille suo vul-
neri nescio quibus medicabatur: Quinta die convulsione cor-
reptus, frustra vocato Chirurgo, septima die obiit.

OBSERVATIO VI.


Punctura
tendinis bal-
samo Paracel-
sii curata.

Vir quidam nobilis, ense vulneratus in media manu, tanto
dolore corripiebatur in ligamento annulari, ut tremula
manu, jam jam spasmo corripiri videretur; sed guttula una, aut
altera, quam maxime calida, balsami Paracelsii ad puncturas,
de quo supra, vulnere imposita, statim dolor sedabatur, ad se-
mi horam, quo tempore elapso, dolore redeunte ut antea, &
cum spasmi periculo iterum de balsamo in vulnus indito, dolor
abscedebat, & ita spasmi metus auferebatur, & ægrotus à gra-
vi symptomate levabatur; quod pluribus vicibus factum est.
Tandem victa balsamo doloris causa, perfecte sanatus est. Om-
ni-

nibus fuit in confesso, lethali spafmo nobilem virum periturum
fuisse, nisi balsami ope dolor sedatus esset; quæ ratio est; cur
de hoc balsamo semper mecum habere voluerim, à Chirur-
go munere datum, qui mihi asseribat hoc balsamo instru-
ctum, non timere in venæ sectionibus puncturas nervorum,
seque malle potius nervum, quam arteriam attingere: Hoc ego
expertus sum in meipso, vulneratus punctim à gladio in media
junctura digiti indicis, sanatus semel tantum de eo imposito.



Res- pira- tionis fit læfio,	Vitio facul- tatis mô- ventis.	Affecto principio, spiritus non transmittente, ut in Nervorum læfione ad thoracis musculos tendentium.	Apoplexia. Moribundis. Frigidis ejus affectibus. Intemperie. Corruptione. Obstructione. Vulnere. Ulcere. Abscessu. Adhæfione ad latus.
	Dia- phrag- matis.	Pulmonis, qui afficitur	Vulnere. Ulcere. Inflammatione. Catarrho ad illud influente.
		Pro- prio, a	Vulnere. Ulcere. Inflammatione. Catarrho ad illud influente.
		Alieno, motu ejus im- pedito (ab	Aqua. Pure. Sanguine. Vaporibus. Flatibus. Obstructione. Distentione. Tumore.
	Pecto- ris.	Totius, ob ejus angustiam.	In thoracis capaci- tate contentis. A partibus infe- rioribus fursum ascendentibus, & circa diaphrag- ma subsistentibus.
		Partium ejus.	Vertebrae luxatione. Costarum fractura, luxatione. Musculorum thoracem moven- tium.
		Musculorum abdominis ab eodem vitio, & causis, ut in musculis thoracis.	Contusione. Vulnere. Exulceratione. Inflammatione. Catarrhi in eos influxu.
	Narium.	Propter eorum angustiam.	
	Faucium.		
	Oris.		
Laryngis.	Obstructione. Vulnere. Exulceratione. Compressione.	Affectis.	
Asperæ arteriæ.			
Ab usu mutato, qui varius est, prout urget ventilatio caloris, & spirituum generatio.			
Aëris inspirati vitio, si calori ventilando non sit idoneus, ut si nimium			
Calidus. Crassus. Fumosus, &c.			



OBSERVATIONUM
NICOLAI CHESNEAU
MASSILIENSIS.
DOCTORIS MEDICI.
LIBER SECUNDUS.

De Spirandi Difficultate.

CAPUT PRIMUM.



YSPNOEA, seu spirandi difficultas, symptoma est, quod non solum morbos pectoris sequitur, sed & alios quamplurimos; Ideo venit Medico accurrate consideranda, ut ejus præcipua causa cognita, non erret, in curatione; possunt enim respirationis instrumenta, & in seipsis, & aliunde affici, ut infra dicetur: Quomodocumque autem

Dyspnoea
est sympto-
ma morbos
pectoris infe-
quens.

hoc fiat, tres excitantur species difficultatis spirandi, quæ à Sennetro, una definitione comprehensæ. Pulmonis ac thoracis motus est, à naturali statu deflectens, propter vitium aliquod in facultate movente, in organis respirationis, in usu mutato, in aëre etiam qui attrahitur; quæ explanata in hac schedula percipiuntur, hæcque etiam Sennertus describit, lib.

2. de sympto. fac. vita cap. 5. Crebri etiam anhelitus quædam sunt differentię secundum magis & minus; si enim moderatam respirationem paulo excedat, dicitur anhelatio à Galeno, & Celso, nomine omni difficultati respirationi communi, Dyspnœa. Si verò respiratio sit valde frequens, appellatur Asthma; quæ si ad summam frequentiam ascendat, vocatur Orthopnœa; quod tùm, recti respirare cogantur. Multi tamen recentiores ante ipsum Sennertum, quod & in vulgus receptum est, vocant tantum asthma, respirationem frequentem; & densam, sine febre, à pituita crassa, & glutinosa, pulmonis bronchiis inhærente, unde sonitus ut plurimum exauditur inter respirandum. Quod me diu sollicitum tenuisset, nisi ex Dureto supra Hollerium cap. de asthma didicissem, asthma fumi, vel pro pathemate primigenio, febris experte; vel pro symptomate, à pulmonis tuberculo, facultate motrice labefactata, aliisque de causis, quomodo asthma potest esse cum febre, & à dyspnœa, & orthopnœa differre tantum secundum magis, & minus: In affectu verò primigenio, licet ægroti, causa invalescente, recta cervice spirare cogantur; asthmatis tamen appellationem apud vulgus non amittit, neque apud Medicos debet amittere; nisi orthopnœa ex asthma dicatur; est enim orthopnœa symptoma late patens, nihil peculiare ut asthma judicans, nisi respirantis situm, dum causa invalescit; ita ut ab omnibus fere affectibus respirationem lædentibus invehi possit, si augeantur; quod magis innotescet, ex causarum respirationem impredientium enumeratione; quarum indagatio, ad curationem est omnino necessaria, ut proxima, & præcipua sublata, ipsum quoque symptoma auferatur. Verum quoniam vel in ipsis instrumentis, vel extra, & circa instrumenta, causa insidere sæpissimeprehenditur; primum quod occurrit investigandum est, utrum respiratio lædatur, ipsis instrumentis in se affectis; an aliunde male habitis. Primum instrumentum respirationis, pulmonem esse fatendum est, licet hoc communi sententiæ adversetur; qui primum hunc motum incipere, facultate naturali, aëris attrahendi illi indita, ab animali diversa. Quæ opinio, motum pulmonis, & thoracis perpendentem, à longo tempore jam mente concepta, morabatur;

Causæ indagatio in pectoris affectibus valde necessaria.

batur; Nunc vero authorem habens qualem Senertum, aucter profero, ejus rationibus adjiciens: non dilatari pulmonem, ut ajunt, ad motum pectoris, cum avium pulmo dilatetur sine pectoris dilatatione, earum enim pectus osseum est, & immobile: Hoc etiam addimus, quod me potissimum in hanc adduxit sententiam; ideo plures apoplecticos subito non extinguui, cessante motu muscutorum respirationis, quod stet pulmonis motus, quo ad tempus calor, & spiritus servantur, & eo plus, quo validior pulmo, & calor cordis remissior: Absurdum enim est, si respiratio sit omnino virtuti animali referenda, qua musculi moventur, cogitare, omnibus partibus corporis motu, & sensu privatis, ipsam manere propter vitæ necessitatem; necessitas quidem urget, at deficiente instrumento ad opus perficiendum, omnino invalida est, qualiscumque illa fuerit: Aliquod igitur respirationis instrumentum statuendum est, spiritu animali non indigens ad motum, quo aliis deficientibus, quædam adhuc hujus motu servetur respiratio, propter vitæ necessitatem, etiam si cordi tandem non sufficiat; ipsius enim est, aëris necessitatem qui requiritur, primum percipere, quem attrahit sua diastole, urgens pulmonem ad suppeditandum, qui statim proprio motu, & naturali, sese expandit, aëris attrahendi necessitate ductus: Verum quia utrinque ossibus circumvallatur, triginta musculi, eodem ipso tempore pectus dilatant, quo motus pulmonis juvatur, ut detur locus quantitati aëris attrahendæ sufficiens, sine quo, ut plurimum, non valeret pulmo explendæ necessitati. Secundum instrumentum, sexaginta quinque sunt musculi respirationis; in primis vero triginta, pectoris dilatationem perficientes, depressio enim, partibus dilatatis, proprio pondere fieret, ipsis in se concidentibus; sed dum magna exspiratio requiritur, præcipue cum impetu facienda, ut in tussi, excreatione, & vociferatione, comprimentes pectus musculi omnino sunt necessarij. Octo musculi epigastrii his sunt annumerandi, magnæ enim, & veloci expirationi inserviunt; In inspiratione autem potissimum, ut cedant diaphragmati, quod ipsis affectis impediretur. ideo & respiratio, sicut & affectis musculis externis pectoris, qui licet respirationi non proprie inserviant, dilatationi tamen pectoris facile cedant oportet,

Lib. i.
Tract. cap.
de apopl. lib.
3. episco.
physi. cap. 2.
Lib. i. instit.
cap. 11.

Octo musculi
abdominis
inserviunt
respirationi.

R

alio-

Descriptio
modorum,
quibus in-
strumenta
respirationis
leduntur.

Pulmonis
obstructio a
materia cras-
sa,

A materia
flatulenta:
a Gypsea:
ab abscessu
in arteria
aspera.

alioquin læderetur respiratio, ipsis dolore, inflammatione, aut alio affectu laborantibus. Tanquam etiam respirationis instrumenta habenda sunt, nares, os, fauces, larynx, & aspera arteria, sunt enim viæ aëris ad pulmones; eorum itaque obstructio, à quacumque causa, respirationi officit. Nunc quibus modis lædantur hæc omnia instrumenta scribendo persequamur, ut cuilibet noxæ medela adhibeatur, sive extrinsecus inferatur incommodum, sive ipsis instrumentis inesse deprehendatur; quod ut diximus, præcipuus est curationis scopus. Primum igitur à pulmone incipientes, & ejus ductibus; sciendum est octo de causis respirationem lædi, affecto hoc instrumento, aut ejus ductibus. Prima est obstructio à materia crassa, & glutinosa, quæ ut plurimum, liquidior præcipitat à capite. Sennertus tamen vult potius, ut plurimum fieri, materia effusa à venoso genere, per venam arteriosam in pulmones, rarius vero à capite; ego autem frequentius: Sed ubi sit fons, & origo hujus materiæ, perpendendus capitis ægrotantis status, non solum præsens, sed & præteritus; an antea scilicet, doloribus fuerit obnoxium, nunc autem fluxionibus: & alia quæ lib. 1. cap. 2. de fluxionibus scribuntur: Quod si horum nihil animadvertatur, caputque robur præ se ferat, suspicari fas est, rem eo modo se habere ut describit Sennertus; rationes enim quæ cap. de asthm. quæst. 2. ab ipso afferuntur non magni sunt ponderis, & fluxioni à capite, etiam tribui possunt; fluxio enim generat flatum in ventre, & stomacho: fluxio intrat venas, ut cap. de arthritide fusissime patebit, ab iisque sæpe ad renes descendit; fluxio impingit aliquando in pulmones sine tussi, humore dulci existente, quod vidimus in quodam nobili viro, qui catarrho suffocante extinctus est, unius diei spatium, sine ulla tussi, huic ambæ manus cum dolore valde tumebant. Præterea catarrhus qui humeros & partes pectoris superiores obsedit, ad pulmones sæpe penetrat, viam aliam inveniens ab aspera arteria, externi præcipue frigoris impulsu: Fiunt etiam obstructiones, sed rarius, à materia flatulenta pulmonibus inclusa; A materia gypsea, vi caloris obdurata, calculorum naturam aliquando æmulante; A crudo tuberculo; Ab abscessu in aspera arteria, arteria venosa, & vena arteriosa, in qua factò abscessu,

bre-

brevi perit quidam monachus asthma, integris pulmonibus, ut habetur in scholiis apud Hollerium. Quatuor hi obstructionum modi, non facile inter se dignoscuntur, nisi quod abscessus in parte sensibili dolorem infert, & quandoque febrem, prout insignis est. Alii carent his duobus signis, quibusdam tamen assequi, dum adsunt, non est impossibile: verbi gratia, flatus, si frequens sit aurium sonitus, si carnes pluribus in locis palpitent, & frequenti quodam motu parvo subsiliant, si multi crepitus, & ructus, si emissio flatu levatur affectus, si nulla excreatio subsequatur, nec febris adsit: flatus tamen raro sine materia: Crudi tuberculi signa, sic à N. Pisone describuntur: Si quis per bonam valetudinem, cum solitas actiones facere potest, difficulter spirare incipiat, augeaturque symptoma, neque inter spirandum stertere videatur; ad hæc nihil spuit; crudi tuberculi ortum suspicari oportet. Materie gypsee cognitio, iisdem fere signis assequitur: si æger etiam aliquando solitus fuerit ejicere glutinosa quædam rotunda, & crassiora, è pulmonibus quæ postea retenta hærent bronchiis indurata. Hæc omnia ita dubio plena sunt, ut in eorum indagatione, semper fluctuet Medicorum animus; non multum tamen laborandum, dummodo humorum infarctus ab his recte distinguatur. Secunda respirationis læsio ab ipso pulmone, est ejus inflammatio, peripneumonia dicta, quæ cum sit morbus de quo seorsim agitur, propriis signis innotescet, & curabitur. Tertia causa affecto pulmone respirationem lædens, abscessus est in eo genitus, cum scilicet materia inflammationem pariens non discussa, transit in suppurationem; aut quocumque alio modo fiat, sive per congestionem, sive per materie frigidae & pituitosæ defluxum, aut affluxum sine inflammatione. Quartus pulmonis affectus respirationem lædens, tumor est ipsius absque inflammatione, ut scyrrus, aut cujuscumque alterius naturæ, sine puris generatione, quemadmodum tumefactio, ejus substantia irrigata à materia aquosa, aut pituitosa, quæ non tam tumore, quam gravitate pulmoni molesta, respirationi officiant. Quinta respirationis noxa affecto pulmone, est continui solutio, sive recens, & sanguinolenta, quæ vulnus dicitur, sive purulenta, ulceris nomen assumens, à qua phthisis. Sexta re-

Cap. de
asthma.

Secunda respirationis læsa species est inflammatio, tertia abscessus.

Quarta scyrrus,

Quinta continui solutio,

Sexta exsiccatio,

Septima adhæ-
sio costarum,

Octava collectio puris
vel aquæ in
pectoris cavitate.

spirationis læsio, ab exsiccatione fit substantiæ pulmonis, post inflammationes, febres ardentes, à venenis, à substantiæ ejus constitutione, ab ortu, à pulvere frequenter inspirato, à metallis. Septima causa respirationem lædens affecto pulmone, gignitur ex adhæsiōe ipsius costas succingenti membranæ; sed hæc adhæsiō gravem non infert noxam, nisi corpus præter modum moveatur, in locis præcipue acclivibus; à morbis pulmonum principium habet, præcipue inflammatione, à febribus ardentibus, à longis, & à pleuritide. Octava respirationis noxa, non solum pulmonibus, sed & diaphragmati communis est, & subinde toto pectori, collectio scilicet puris, aut alicujus aquosæ, vel pituitosæ substantiæ, in capacitate thoracis, quibus etiam sanguis addi potest, ex vena rupta, aut incisa, aut vi naturæ aperta per anastomosin. Has omnes causas ad amussim internoscere, difficillimum est; sed à notioribus, ad ea quæ magis abdita sunt progrediendum: v. gratia, si pulmonis inflammatio præcesserit, quæ suis se signis manifestavit, observandum qualis fuerit ejus exitus; utrum per sputa coctionis signa præ se ferentia, expurgatus fuerit pulmo; an crisis aliqua supervenerit, ex qua ægrotus melius habuerit; an materia morbifica, ad partes ignobiles fuerit expulsa, abscessu facto circa aures, vel in cruribus, quod melius est; an etiam per urinas, licet rarum sit, facta fuerit expurgatio: Si per abscessum, optime ex Senis decreto, si deorsum fiat, & quam longissime à morbo: Adhibitis enim convenientibus auxiliis, horum si nulum extiterit, nec pravum aliquod signum appareat, in suppurationem verti contingit, hujus colliges initium ab eo die quo ægrotus magis quam antea febricitavit, quo rigor eumprehendit, & si in loco quo dolore afficiebatur, pondus sibi inesse dixerit; ut habetur progn. 2. cap. x. de purulentis. Ex abscessu in suppurationem converso, si materia per sputa non excreta, suspicandum de empyemate, cujus habentur signa cap. xi. lib. 2. progn. Quod si morbo elapsus æger, etiamnum spiret difficulter; si sola inflammatio præcesserit, naturæ legibus persanata, de pulmonis adhæsiōe suspicandum; tumens enim pulmo cogitur ad costas validius accedere, quo fit ut febrili calore exsiccatus, ipsis in posterum adhæreat. Si autem inflammatio desierit si-

ne signis bonæ solutionis, de qua supra, non solum adhæsiō timenda, sed & pulmonis exsiccatio, nec non quandoque scyrus: quæ si fuerint magni momenti, præter spirandi difficultatem majorem, quam in simplici adhæsiōne, aliis se signis manifestabunt; pravo puta faciei colore, febre lenta, pulsū intermittente, quo magis juxta cor, fit arteriæ venosæ compressio: ad hæc etiam tabes, aut mors subitanea. Inflammatione vera ad suppurationem perducta, licet pus sit excretum, ulcus remanere solet, à quo ut plurimum pthisis. Ex prægressis itaque, ut jam diximus, & præsentibus, febre scilicet, dolore, tussi, si adsint; ex supervenientibus, præcipue sputis, utrum prodeant, nec ne, causa respirationem lædens proxima est investiganda. Expeditis quæ affecto pulmone respirationem offendunt; persequenda quæ aliis instrumentis affectis, ejus motum etiam impedire solent, ut sunt noxæ musculorum huic motui inservientum, quæ majoris sunt momenti, ut supra attigimus, in his qui inspirationi dicantur, & pectus dilatant, quam qui comprimunt, & expirationi destinati sunt; Quorum omnium non solum habenda est ratio: sed etiam musculorum abdominis, licet Riolanus, inter proprios respirationis musculos non recenseat, inserviunt enim veloci expirationi. Non spernendi etiam musculorum utriusque brachii, & humeri affectus, & aliorum qui pectoris præcipue dilatationem impedire possunt; quod accidit ipsis musculis, uno, aut pluribus, aliquo dolore laborantibus, à solutione continui, tumore, inflammatione, & affluxu humoris: Quæ omnia, propriis cujusque signis, non est ita difficile internoscere, ut in affectibus pulmonum, tum quia visu, aut tactu, aliquando percipiuntur: tum propter doloris sensum, qui nullus est, aut exiguus in pulmonibus, ut ait Andreas Laurentius, quia ejus caro non recipit nervos, motuque perpetuo doleret: Contra vero Riolanus, quamplures affirmat nervos accipere, ab utroque stomachico œsophagum perreptante, quare valde sensiles esse ait, nec posse adduci, ut credat cum Galeno, pluribus in locis, pulmonem perexiguum, aut fere nullum sensum habere: Ego quidem non facile crediderim, cum multis aliis, pulmonis carnem exquisito sensu esse donatam, experientia edoctus in iis, quibus pulmonis caro, vel ulcerata,

Etiam musculorum abdominis est habenda ratio in respiratione læsa,

Dolor pul-
monis est a
membrana
succingente.

vel inflammata est, quos magis de ponderis, quam de doloris sensu conqueri testari possumus, etiam in iis qui frustula corrupti pulmonis rejiciebant; ita ut ejus ductibus, & membranæ illum involventi potius, quam carni, sensus ille exquisitus sit tribuendus; nec valet pro Riolano Hippocratis locus, lib. 3. de morbis, pulmonis inflammationes dolorificas esse asserentis; quia dolor est à membrana ipsum involvente, & multo magis à pleura, cum pulmones assident costis. Jam vero quæ instrumentis aliunde affectis, respirationi incommodum asferre solent, superest ut absolvamus, in quorum numero, est spiritus animalis defectus, vitio principii suppeditantis, integris ipsis instrumentis: Deficit autem spiritus; vel facultate extinctioni proxima, ut in morituris; vel quod non influat, propter quemdam cerebri affectum, ut in apoplexia, in spinalis medullæ obstructione, five comprimatur luxatis colli vertebri; five aliquo humore infarciatur, quibus via spirituum ad musculos respirationis influentium præpeditur: Causa tamen frequentior extrathoracem, est quid quid extrinsecus obstat depressioni diaphragmatis; ut flatus in abdomine; aquosus humor in hydrope; tumens ventriculus, five flatibus, five cibis refertus, five etiam aliquo tumore extrinsecus afficiatur; lienis, & jecoris tumores; intestinorum inflationes; matricis motus, inflationes, tumores, sed præcipue, vaporis ab ipsa maligni sursum-petentis occursum, à quo maximum infertur respirationi nocumentum, ita ut affectus suffocatio vocetur; his addi possunt vapores ab hypochondriis elevati. Humerorum quoque muscoli, & brachiorum, supra inspirationem perficientes positi, si aliquo affectu dolorem inferente laboraverint, inter causas respirationem extrinsecus afficientes sunt annumerandi: tunc enim non facile cedunt motui pectus dilatantium, quod etiam à musculis colli, & capitis accidere potest; Hæc tamen impedimenta facile agnoscuntur ex situ, & proprietate doloris, maxime vero cum non adsunt pleuritidis signa: Eodem modo, ut supra diximus, obesse possunt muscoli abdominis, si dolore afficiantur, aut alia de causa diaphragmatis depressioni non cedant. Absolutis quæ vitio facultatis motricis, & instrumentorum, adveniunt respirationi, parum aliquid adhuc superest dicendum, de usu muta-

to,

to, & aëris inspirati vitio, licet in schedula jam proposita, satis ad rem explanata inspiciantur: Ab usu mutato hoc certum est variam esse respirationem, prout urget ventilatio caloris, & spirituum generatio: Quare qui aliqua spirandi difficultate laborant, non versentur in aëre calido, nec motu, aut conatu insueto corpus afficiant, quibus augetur usus, ideoque respiratio, ut iactura in motu insueto, & violento conatu facta spirituum refarciatur. Aëris etiam vitio læditur respiratio, si calori ventilando non sit idoneus: ut si nimium calidus, si crassus, si pulverulentus, aut vapore aliquo maligno imbutus, ut in fodinis, à quibusdam metallis, à pulvere etiam calcis & gypsis, terrarumque quarundam fossilium. Causas, ut opinor, omnis generis, quæ respirationi noxam inferunt, earumque signa, scribendo persequuti; rationi consentaneum est, quæ ad uniuscujusque curandi methodum pertinent expediamus, primum autem materiæ crassæ, & glutinosæ, pulmonum bronchiis inhærentis, cujus particularis ratio curandi, tria præstare debet: avertere materiam fluentem; impedire ne cumuletur in parte unde fluit, & delapsam expurgare. Avertitur fluens materia, ut fuscè docetur cap. de fluxionibus: sicut & de auxiliis materiam fluxioni paratam absumentibus: Jam delapsa, si adhuc liquida, posset absente febre, & sanguinis plenitudine, educi primis diebus medicamento purgante, antequam crassescat, quod magis fit, quo plus moratur humor in pulmonibus, propter loci caliditatem: At cum in principio, non semper constet de natura morbi; raro ægrotis hoc tempore purgatio decernitur à Medicis, satius existimantibus venæ sectione uti, cucurbitulis, & aliis sine culpa auxiliis, ut materia fluens avertatur, delapsæ coctionem, naturæ committentibus, quæ est ejus, ut barbari loquuntur, in crassatio: in quam sententiam facile descendimus, præfertim autem, si febris adjungatur fluxionibus non contemnendis: multoque magis si adsit plenitudo. Cum vero in talibus fluxionibus, febris aut nulla est, aut parvæ considerationis, nativo ægrotantis habitu cognito, & morbi conditione, facta venæ sectione primo die, & cucurbitulis cum scarrificatione, humeris circa vesperam impositis, si res postulet, secundo, medicamentum purgans exhibitum, non improbandum censeo;

Calidus aer, ut & nimius corporis motus noxius iis, qui spirandi difficultate laborant.

Cura materiæ crassæ pulmonum bronchiis inhærentis.

licet ab hac sententia multi discedant; eo quod morbi causam in venis existere credant; vel quod humores purgante medicamento agitati abundantius irruant in pulmones: Sed positis de quibus jam verba fecimus, humorem à capite defluere, liquidum tunc temporis esse, melius secundo die decernetur purgatio, quam aliis diebus; tertius enim criticus est, quarto incipiunt densari humores, qui per anacatharsim tunc potius sunt expurgandi, & in posterum, nisi nova semper fluxio irruat: Post septimum, non multam habebit nobis gratiam natura de purgante exhibito, utpote victrix, vel omnino, vel ex parte. Præterea sunt, qui in fluxionibus confertim irruentibus in pulmones, in quibus periculum suffocationis imminet, vomitoria statim præscribant; hoc autem secundum doctrinam Hippocratis apho. 6. sect. 1. Tamen existente plenitudine, missio sanguinis videtur præmittenda, & paulo post, prout res urget, vomitorium: quo quidem ægrotus vindicari potest à morte: At incertus morbi eventus, omnes fere deterret ab ejus exhibitione, ne causa mortis in Medicum rejiciatur, quod à multis etiam observatur in purgantibus, eorum usum post septimum remittentes; fluxio tamen si perseveret, die quarto, aut sexto exhiberi potest purgatio, præsertim si febris non adest, aut parvæ sit considerationis, ut supra diximus: quæ quidem purgatio, potest exhiberi quacumque forma in asthmate primigenio. Ego quidem cum nec pilulis, nec diacarthami pulvere, uti placet, talem præscribo ptisanam purgantem.

Vomitoria
quando in
hoc affectu
præscriben-
da.

Ptisana pur-
gans.

℞. Rad. cyp. aut acori zii. folior. beton. & pulmo. summit. hyss. ana p.i. folior. fenn. mund. ziii. aut zß. turbith, & Jalap, ana zß. aut zi. pro ægrotantis natura, omnibus incisus fiat infusio in vino albo, aut aqua cichor. si febris infestet, colat. ziiij. detur mane, in qua dissolvi possunt, in iis qui non facile cedunt purgantibus, zii. aut iii syrups mei magistralis; Quod si hæc dosis non recte cedat, detur alia inter prandium, & cœnam, eodem die, ut soleo facere in rheumatismis.

Usus lenien-
tium & ex-
pectoran-
tium.

Cum jam materia incipit densari, quod solius caloris naturalis opus est, non autem medicamenti, ut plerique existimat: ideo incrassantia, ut vocant, præscribunt; ad lenientia, & expectorationem juvantia est veniendum, quæ licet parvi videantur esse

mo-

momenti, cum pleuriticis, & peripneumonicis, una salus sit robur virium, docente Galeno: si quis tamen ea sperneret, in fluxionibus pulmonum, quæ periculo non vacant, febremque adjunctam habent, in maximo discrimine posset adduci: Nam quemadmodum in locis maritimis, antequam corporis moles aliqujus navis in mare demittatur, trabes super quas inniti debet, optime liniuntur sebo, sine cujus illinitione, nequidem quibuscumque adhibitis machinis, loco moveretur; Sic natura, screatum impellente, frustra ejectionem moliretur, aut multo conatu defessa, tandem succumberet, si via sputorum lubrica non existeret, illinitione bechicorum; copiosa præcipue, aut glutinosa, in pulmonibus hærente materia: Quare necessarius lenientium usus, multoque magis cum febris vias exsiccat; hisque liquidis, potius quam siccis, syrupis scilicet, aut eclematibus: Cum vero guttur, multa satis humiditate abundat, tabellis uti concedendum; sed de his cap. sequenti. In asthma primigenio, in quo materia est frigida, neque febris adest, terebenthina cum sulphure vivo, levat spirandi difficultatem, & pulmones expurgat.

℞. Terebenthinæ zij. sulph. vivi ʒß. fiat bolus, capiat longe à pastu.

vel

℞. Tereben. ven. zij. sulph. vivi scrup. j. sem. sinapi. scrup. ijß. F. bolus, capiat longe à pastu quacumque hora.

vel

℞. Pip. nigri ʒß. excipiatur terebenth. & capiatur.

vel

℞. Terebenth. ven. ʒij. pulv. hyss. mont. si haberi possit, aut ejus loco hortensis zij. sulph. vivi ʒj. capiat urgente spirandi difficultate, quibusdam consecutis diebus zij. longe à pastu qualibet vice.

vel

℞. Rad. fœnic. & petros. ana ʒij. lilij cœlest. ʒiij. rad. enulæ camp. ʒß. folior. calamen. scab. hyss. adian. marrub. ana mj. arist. rot. ʒj. ireos sem. urti. sinap. & nastur. ana ʒß. spicæ nar. zij. bacca. laur. ʒiij. nigel. roma. ʒß. macerentur omnia in vino albo. & destillentur igne lento; dantur ʒiij. mane.

S

Per-

Spiritus
astmaticus.

— Perpendenti simplicia hujus descriptionis, quæ est apud Evinum, ex Epiphanio Empirico; mihi semper placuit; potest ex his fieri syrupus, vel opiata, vel extractum secundum artem, ut facilius sumatur: usus decocti guayaci melle dulcoratus, aut falsæparillæ, pro fastidiosis, in cronico affectu optimus est. Vide in ordine remediorum alphabetico descripta, quæ secundum causarum varietatem sunt eligenda. Si spirandi difficultas sit ab inflammatione pulmonis, curata inflammatione auferetur symptoma: Ita de abscessu dicendum, cujus maturatio, nisi foris appareat, naturæ committitur, quæ perfecta, & cognita, signis ab Hippocrate descriptis progn. 2. cap. x. juvanda, si res postulet, remedio Alexis, cujus sunt duæ formulæ in ordine remediorum alphabetico, titulo Empyema; materia deinde expurganda, & ulcus abstergendum, ut cicatrice, si fieri possit, obducatur: licet raro hæc accadat. Pectus purulentum expurgant multa bechica; hoc est mihi inter cetera familiare.

℞. Rad. consol. major. ℥j. folior. pulmo. mj. decoque in aquæ ℔ij. ad consumptionem tertiæ partis, adde in fine decoctionis cinamo. ʒj. mellis despum. ℥ij. colatura sit pro potu ordinario.

Si ulcus detergendum, adde huic decocto rad. aristo. recentis ʒij. sanicu. m. β. Acc. ℥iiij. syrup. cap. ven. ℥j. cancr. fluviat. in furno exsic. & pulver. ʒβ. utatur. pluribus consecutis diebus, mane, & sero.

vel

℞. Terebenth. venetæ ℥ij. pulv. rad. arist. rot. & rec. exsiccatæ ʒβ. pulver. rad. consol. majo. & folior. pulmon. ana ʒj. misce, cape mane, qualibet vice ʒij.

Lac asinini
num asthma-
ticis utile.

Lactis asinini usus, si omnia consentiant, multum conferet, nutriendo asinam hordeo, & fursure frumenti, in quo radix consolidæ majoris & pulmonaria minutim incidantur. Ad pulmonum adhæSIONem, aut exsiccationem, nihil lacte præstantius, & victu humectante, polenta præcipue liquidiore hordei, quæ lacti vicariam præstat operam, *orge mondé*, communiter dicta; Interdum balneis tepidis ex aqua fluminis, quibus malactica incoxerint utendum. Si collectio mate-

riæ

riæ alicujus in pectoris cavitate, difficultatis spirandi causa extiterit, hac ex morbis praegeffis cognita, & ex quibusdam signis ab Hippocrate enumeratis, progn. 2. cap. xi. tentanda pectus expurgantia; quæ si invalida fuerint, ad apertionem lateris veniendum, manu Chirurgi adhibita. Videantur quoque Authores de signis expyematis. Si quid respirationem lædens in pulmone ad his, acciderit, ut à crudo tuberculo; à glandine, à materia gypsea, de his sæpissime cogitanti, nihil occurrit, nisi malvarum folia in aqua, & oleo decoquere, fumumque hianti ore frequenter inspirando attrahere. Si aliorum instrumentorum vitio, qualiscumque generis fuerint, noxa inferatur respirationi, ut est affectus dolorificus, & obstructio in his, per quæ aër in pulmones introducit, sicut & musculorum externorum affectiones, cum dilatationi pectoris non cedunt, unicuique cura adhibenda est, si à pleuritide vera, aut notha curanda pleuritis, & sic de ceteris: Eodem modo se gerendum, in causis auferendis; quæ ab extrinseco, omnibus instrumentis recte se habentibus, respirationi incommodum afferunt, à propriis capitibus curatione desumpta. Ex quatuor causis, quæ generatim respirationi officiunt, duabus absolutis, superest ut de usu mutato, & aëris inspirati vitio aliquid dicamus. Usus cum augetur, non est proprie causa offendens respirationem, sed id quod efficit ut urgeat, vitanda igitur quæ usum augment, de quibus supra. Aëris etiam inspirati vitia fugienda, aut corrigenda; si nimium calidus, & ventilando calori non sit idoneus, eligatur frigidior, aut illi arte frigiditas concilietur, herbis frigidis, & aspersione aquæ: Quod si à pulvere, ut in iis qui pectunt linum, aut calcem, vel gypsum, vel aliud ejusmodi petraçant, aliquod nocumentum extiterit, potus lactis sanabit.

Aëris inspirati vitia corrigenda aut vitanda.

P R O G N O S T I C A.

Fluxionum omnium quæ in pulmones impingunt, communis est inæqualitas pulsuum; verum magis à crassis, quam à subtilibus humoribus. Gal. lib. 4. præcogni. ex pulsu.

Existimare oportet, quod facilis spiratio, in omnibus morbis acutis, quibus febris copulatur, quique intra quadraginta

dies judicantur, magnam vim habet ad salutem. Hippo. lib. 1. progn. cap. x. de respiratione.

Horror, & spirandi difficultas, in doloribus, signa tabis sunt. Hippo. in coac. 17. lib. 1.

Suffocatio in acutis, ægris attenuatis, perniciofa. ibid. lib. 1. coac. 65.

Si febrem habenti, derepente suffocatio superveniat, nullo in faucibus existente tumore, lethale. Hippo. aphor. 34. sect. 4.

Ubi in febre non intermittente, difficultas spirandi, & delirium fit, lethale. Hippo. 50. lect. 4.

In febribus spiritus offendens, malum; convulsionem enim significat. Hipp. aph. 68. sect. 4.

Quicumque gibbi ex asthma, aut tussi fiunt, ante pubertatem, moriuntur. Hippo. apho. 46. sect. 6.

Dyspnæa diu trahi potest; asthma aliquando; orthopnæa acuta est.

Asthma in senibus, comitatur usque ad mortem, & quandoque in aliis.

Asthma obeseos magis adoritur, & in otio viventes.

Asthma ex dislocatione vertebrarum, non sanatur, nisi reducantur.

Asthmati magis sunt obnoxii, quibus frequens destillatio fit à capite.

Asthma quandoque in pulmonis inflammationem transit.

Accessiones asthmatis, magis fiunt cœlo frigido, & humido, præcipue inter crapulam.

Asthma si transit in orthopnæam, subito potest strangulare.

Asthma vel à parentibus, vel vitæ intemperantia accidit.

Asthma viros non facile corripit; citius tamen correpti pereunt.

Enarrationes de quibusdam Ægrotis.

OBSERVATIO PRIMA.

Mulier asthma
matica post
decem annos
extincta, cu-
jus pulmo
rotus erat
purulentus.

Mulier quædam satis juvenis, asthma identidem graviter laborans, ita ut in suffocationis periculum adduceretur; pluribus à Medico ordinario adhibitis auxiliis redeunte paroxismo,

mo, rogavit ut ipsam inviserem; quia febre corripiebatur, jussi ut urgente paroxismo, uteretur remedio ex terebenthina, sulphure vivo, & semine sinapi, supra descripto, quo statim ab accessione liberata est: Secundum vero eo utens res non ita cessit: humore fortasse abundantius irruente. Tandem post decem annos, asthmata subinde obnoxia incidit in febrem continuam, cum tussi, spirandi difficultate, & excreationibus, à qua obiit 14. Dissecto cadavere, inventus est pulmo materia totus purulenta refertus, corrupta passim ulceribus ejus substantia. Nescio utrum asthma transisset in pulmonis inflammationem; An defluxu humorum corrodentium, & in pulmone putrescentium esset ipse ulceratus, & febris excitata: in morbi enim principio vocatus non fueram, sed affectu in pejus ruen- te, in consilium adhibitus.

OBSERVATIO II.

Sexagenarius quidam vir, spirandi difficultati obnoxius, ac- Sexagena-
rius asthma-
te obnoxius,
curatus.
Scerendum me curavit ut aliquid ad asthma illi præscriberem: Jussi popinandum ptisanam purgantem accedente paroxismo, frequentis descriptionis, & ab eo liber factus est.

℞. Rad. valeriana ʒβ. folior. pulmon. tussil. cap. vener. ana m. β. sem. anisi ʒj. florum stœc. p. fiat ex his decoctio; infunde in lib. j. folior. fennæ mund. ʒj. turb. ʒj. jalap. ʒβ. cinam. ʒβ. express. facta, capiat dimidium colaturæ primo mane, & reli- quum altero, nisi prima vice venter abunde dejecerit.

OBSERVATIO III.

Chirurgus quidam asthma laborans, quoties symptoma ur- Chirurgus
asthmae la-
borans pul-
vere piperis
curatus.
gebat piperis nigri pulverati ʒβ. aut ʒ. j. pane eucharistico involutam cum vino fumebat, à quo maximum levamen acce- pisse mihi affirmavit. Nollem tamen sæpissime uti hoc medi- camento; inflammat enim sanguinem, & reliquos humores, maxime autem excrementios, eosque acriores reddit.

OBSERVATIO IV.

Cum essem Massiliæ, adhibitus in consilium cum tribus aliis Spirandi dif-
ficultas ab
Hypochon-
driis,
Medicis, pro quodam cive, de quadam spirandi difficulta- te, & virium lapsu conquerente, quibus tamen lecto non deti-

nebatur, quamvis in publicum non prodiret. Omnibus quæ ad morbi cognitionem spectabant accurate perpensis, conjunctis sententiis statutum est, cum nulla esset tussis, nulla sputa, nullaque febris deprehenderetur, præcessissetque tristitia morosior, propter intentatas lites à fratribus; symptomatis causam subesse in hypochondriis, licet in eis, nec dolor, nec renixus, nec calor præter naturam consisteret. Inter cetera præscriptus est syrupus magistralis, ut simul, & semel, obstructions aperirentur, humores excrementitii educerentur, & partibus robur conciliaretur. Hæc omnia nihil profuere, maturiusque præter omnium spem, præcipue autem Medicorum, mortuus est.

OBSERVATIO V.

Maximare-
spirandi dif-
ficultas cum
tumorema-
nuum mor-
tis causa.

In quoddam oppidum vocatus, ut D. loci inviserem, ingrediens cubiculum inveni ægrotantem maxima cum difficultate ducentem spiritum, & maximo cum tumore dolorifico ambarum manuum, de quo tantum conquerebatur: Ego parvi faciens hunc tumorem, & dolorem, licet causæ propagationis essent signa, ad catarrhum qui confertim in pulmones irruebat, me converti, venæ sectionibus, deinde cucurbitulis, cum scarificatione supra humeros admotis; erat enim corpus valde plethoricum, & in omnibus genio indulgens, Potiora non ausus experiri remedia, præcipue vini emetici exhibitionem, ne causa mortis, proxima nocte futuram credens, in me rejiceretur: quo tempore præfens esse nolens, accepta discedendi venia, propter quædam simulata negotia, domum circa vesperam me recepi, promittens mane me rediturum; non enim aberam ab oppido plus tribus milliariis, sed promissis stare nolui, ne vanus esset labor meus, ne etiam in dedecus mihi verteretur, inveniendi ægrotantem vita functum, uti accidisset.

*De fluxione in pulmones delabente, febrem continuam,
& acutam, comitem habente.*

C A P U T. II.

Morbus iste, valde frequens est in hac regione, quemadmodum & ceteri, quorum fluxio causa existit, propter temporis inconstantiam, & aëris constitutionem, ut plurimum, humidam, etiam æstate: Tempore frigido magis grassatur, præcipue si tempestas valde humida præcesserit, qua caput repletur, gignendæ postea fluxioni, levi de causa paratum; est enim capitis plenitudo, præcipua hujus morbi causa, deinde pectoris imbecillitas, quibus frequenter accedit frigus externum subito occurrens, quo humores intro propulsi, confluunt ad pulmones, ibique iis incaléscentibus, vel insurgente natura, vel ab omnibus simul, febris excitatur. In principio hujus morbi, nisi rerum usus docuerit, multi falluntur affectum non cognoscentes, factò sæpissime citra sensum, in pulmones humorum decubitu; carentium scilicet, acrimonia, qua maxime præterfluendo, tussim movent; vel per aliam viam à trachea arteria; cum per humeros, & pectoris superficiem feruntur, penetrantes in pulmones, frigoris externi præsertim impulsu; parva, aut nulla tussi infestante, nullisque etiam, nisi paucis, & crudis sputis, humore existente aquoso dum fluit, ideo aëris impellentis vim eludens, pulmonis ima petit, ejusque partibus superioribus vacuis, satis loci remanet ad respirationem, licet solito angustiores, quod calori febrili, tanquam causæ evidentiori, potius quam humoribus in pulmones delapsis tribuitur; qui etiam si difficultate spirandi, tussi, & ipsis sputis, manifestentur, eorum tamen quantitas non facile deprehenditur, nec quomodo se habebunt ad coctionem, quousque crassiores facti, per anacatharsim expellantur, quod non solet accidere ante quartum diem, nisi qui hoc morbo correptus est, communi antea rheumate laboraverit, in quo jam crassa sputa prodibant: Quod in multis observavimus, frigida tempestate in publicum prodeuntibus,

Fluxio in pulmones delabens, frequens in regionibus humidis & frigidis.

Cur in hoc affectu non infestat tussis, & cruda sunt sputa.

tibus, jam rheumate affectis; Tunc enim intempestivo frigoris occurſu, humoribus intro propulſis; geminataque fluxione, febris accenditur, accedente etiam ad ejus generationem cutis meatuum præcluſione, unde fit, & hoc modo, hujus affectus propagatio, quem impeditum iri probabile erat, ſi curam habuiſſet ægrotus, tuendi ſe à frigore. At ſi antea ægrotus nulla rheumate laborabat, ſed à cauſa, vel interna, vel externa, vel ambarum concuſſu, ut fere fit, in hunc morbum ſubito inciderit, ſputa nec multa, nec cocta, aliquando nulla apparent in principio, tuſſis interdum ſicca, aut cum crudo ſputo, niſi aquoſa materia præterfluens, titillet laryngem. Cum vero ægrotus attingit quartum diem, & multo magis quintum, humor delapſus quantus, & qualis ſit moris ſe prodit, frequenti excreatione, tuſſi, & majori aliquando difficultate ſpirandi quam antea; aſcendentibus ſcilicet ſputis multis, & craſſis, niſi fluxio perſeueret; tunc enim modo cocta, modo cruda ſpuuntur, vel ſimul mixta, pluribus in locis bronchiorum hærentibus ſputis; Quæ ſi pertinaciter hæreant, ægreque cedant aëri impellenti, multam inferentia tuſſim, eluditur anacathariſis, muſculi efflationi dicati infirmiores evadunt, ſitque aëris per medium tot ſputorum difficilis tranſitus; unde uſu reſpirationis paulatim non expleto, perit ſenſim ſpirituum, & cordis temperies, ad quæ mors fere ſeptimo die, citius, aut tardius, pro viribus ægrotantis, & humorum obſtruentium abundantia; Quin etiam, primis diebus, morbo placide ſe habente, & ſalutari modo progrediente, ſæpe accidit ut omnia exacerbentur quinto die, & ſeptimo mors ſubſequatur, nova ſcilicet fluxione irruente in quinto, quæ dignoſcitur ex febris incremento, majori tuſſis irritatione, & doloris punctorii, ſi quis antea fuerit, majore vi ingraveſcentis, cum graviore ſpirandi difficultate; quæ animadverſione digna ſunt, ne ante diem quintum de morbi eventu quis prædicet; licet ex apparentibus ſignis, periculum tunc temporis abeſſe videatur. Quod ſi quarta die incipiat ægrotus cocta ſpuere, & facili conatu; nullaque quinta die fiat exaſperatio, rebus ſatis commode ſe habentibus, ſalus eſt ſperanda, niſi in valde ſenibus, quibus coctos etiam humores, non valet interdum natura expellere, præcipue ſi quan-

titate

Quarto &
quinto mor-
bi die ſe pro-
dit humor
qualis ſit
moris.

Si quinto
morbi die
exaſperatio,
ſeptimo ut
plurimum
mors ſequi-
tur.

titate multum peccaverint. Falluntur etiam multi circa hunc affectum, inflammationem pulmonis existimantes; Quamvis enim, cum fluxio calidior irruit in pulmones, ibique cumulat, speciem præ se ferat aliquando peripneumoniæ, peripneumonia tamen non est, nisi notham, ut N. Piso, nominare velis de qua, sic habet cap. de peripneumonia. At vero tenuis, & acris, multaue destillatio è cerebro confertim in pulmones illapsa, interdum ardore præter naturam incenditur, æstum ac febrem inferens, & plærique eam affectionem peripneumoniæ nomine designant. Hæc autem, ait paulo inferius; spuria peripneumonia dicitur, ab exquisita profecto plurimum, tum causa, tum symptomatum magnitudine dissidens. Hæc ille, qui omnio affectum, de quo nunc agimus descripsisset, si febrem lentam, cum corporis consumptione illi non tribuisset, quod species pthysis est, in qua non confertim, sed continuo fluit humor in pulmones, ut dicitur cap. de pthysi. At affectus iste, febrem continuam, ut plurimum autem acutam, comitem habet, neque natura morbus est chronicus, ut alter; possumus tamen dicere, a peripneumonia multum differre, in ea enim, ceteris paribus, graviora sunt semper symptomata, præcipue circa respirationem, genarum rubor magis est illi propria, & pulsus molities, cum sensu ardoris in pectore, nec non aëris frigidi inspirandi desiderio, toto decursu peripneumoniæ; multo minus in ea sputitur quam in hoc affectu, ejusque principia statim graviora sunt; in hoc vero affectu sæpe levia, usque in fine quarti, aut quinti diei, quo tempore fiunt in pluribus exacerbationes, quæ si graves, mortem septimo die, aut ante futuram prænuntiant, quandoque autem non: Accidit enim in hoc affectu quemadmodum Hippocrates docet in coacis loquens de pleuritide. Quibus pleuriticis in principio dolores molles sunt, 5. vero, aut 6. exacerbantur; aut cum Dureto, & melius, ingravescent magis ad duodecimum perveniunt, & non valde servantur; periclitantur enim maxime septimo, & duodecimo; qui vero bis 7. effugerint, servantur. Sic in ejusmodi fluxionibus pulmonum accidit, præcipue cum dolorem aliquem punctorium adjunctum habent; si enim in principio dolores, seu labores molles sint, deinde quinto, aut sexto exacerbati fuerint, perire ut plurimum animadverti æ-

A non nullis pro peripneumonia, sed minus recte habetur.

Differentia inter hunc affectum & peripneumoniæ.

T

gro-

Fluxio hæc
interdum pe-
ripneumo-
niam produ-
cit.

grotos, potius autem septimo quam altero die, nullum vero duodecimo; aliquos quidem nono, interdum & quinto, quibus laboris exacerbatio tertio die contigerat; maxime autem periclitari vidimus eos, quos dolor punctorius dimiserat primis diebus, deinde 5. revertebatur, nunquam vero sexto exacerbationes incipere mihi videre contigit: Est autem dies septimus, ut inquit Duretus, tertius ab incremento: duodecimus vero, septimus ab illo. Non est tamen negandum, fluxionem de qua nunc est sermo, peripneumoniam aliquando invehere, cum in pulmones humor calidior irruit, sed propria cujusque signa, unumque affectum distinguunt. Falluntur etiam quidam Medici, hunc affectum, primo cortice, pleuritidem existimantes, cum dolor aliquis punctorius eum comitatur: Qua in re, negligentiae potius, quam ignorantiae accusabo, propria cujusque morbi signa perpendere spernentes, quod in Medici dedecus sæpissime vertitur, abeunte primis diebus sæpe dolore punctorio, & ægroto moriente septimo; Quod ut avertatur, rei que eventus prædicetur; Advertendum est, fluxione in pulmones delabente, aliquam ejus partem ferri sæpissime, in musculos intercostales externos, vel in eos qui ipsis superiacent, ibique dolorem punctorium, aut quid simile efficere: Cum autem nihil magis sensum feriat ipso dolore, statim venæ sectionibus ex eodem latere fotibus, inunctionibus, & aliis auxiliis occurritur, quibus dolor sæpe ante quartum diem abscedit, febre non dimittente: quippe causa præcipua in pulmonibus existente, dolore licet non redeunte, sæpe tollitur æger, ut diximus, die septimo, præcipue si die quinto fiant exacerbationes, redeunte quandoque dolore, quod pessimum est, præcipue si multum urgeat. Notum mihi tamen est, hunc affectum jungi interdum cum vera pleuritide, sæpissime cum notha, & aliis lateris doloribus prout humor defluens, in varias partes agitur, quod à solerti Medico deprehendetur, si propria cujusque morbi signa perpenderit, præcipue quæ à pulsu desumuntur, v. g. si defluente humore, pars ejus pulmones, altera vero musculos petat intercostales externos, aut eis superjacentes; omnia signa veræ pleuritidis aderunt, præter illud quod à pulsu desumitur, à fluxione enim quæ pulmones impingitur, erit tuf-

Sæpius hic
affectus cum
pleuritide
jungitur.

tussis, spirandi difficultas, febris, & quorundam sputorum educio; Ab eâ quæ in musculos irrepfit, dolor punctorius, spirandi etiam difficultas, & febris; at pulsus non erit durities, quæ semper comitatur pleuritidem, mollities vero pulmonum morbos. Si quis igitur, in horum signorum concursu, pulsus spreverit, decipietur, & ægrotus quem curandum suscepit, sedato interdum dolore punctorio, sine quo nulla est pleuritis, sæpe morietur, ignorata causa: unde existimo hunc affectum, de quo nunc agimus, pleuritidem occultam nominari à vulgo hujus regionis: eo quod doloris punctorii causam, dum sedatur, intro recedere putet, & mortem inferre. Si autem pleuritis exquisita, simul cum fluxione, de qua nunc sermo est, infestaverit, quod rarum est, varia ut plurimum est arteria, nunc mollis, nunc dura existens, prout motus, hujus morbi, aut alterius viget, & facultatem vitalem in consensum trahit: sed de hoc fufius in prima enarratione, cap. de pleuritide. Nunc ad curationem veniamus, in qua cum de fluxione agatur, satis constat ex cap. de fluxionibus, statim à venæ sectione esse incipiendum, quacumque hora, non expectata enematis injectione, sanguinemque mittendum esse è cephalica, parte qua fluxio irruit, ad derivationem, & ex basilica ad revulsionem, tantum sanguinis detrahendo, quantum morbi magnitudo, vires, plenitudo, ætas, indicabunt: Qua parte autem irruat fluxio, dolor lateris, aut scapularum: si quis adsit, indicabit. Quod si nullus infestet, ex decubitu ægrotantis agnoscendum: si enim statim atque in latus dextrum decumbit, tussis moveatur, difficilisque spiret, coactus in latus sinistrum se convertere, fluxio lobo dextro pulmonis impingitur, qui sanum sibi incumbentem sustinere nequit, nec respirationi, ut necessitas postulat inservire. Eadem ratione, si ægrotus supinus jaceat, nec possit in alterutrum latus decumbere, ambas pulmonis partes afficiendum est, eamque magis in quam difficilior erit decubitus: Ex quo colligitur orthopnoeam in hoc affectu, gravissimum esse symptoma, sicut & in peripneumonia, maximum humoris infarctum arguens, qui impedit quo minus pulmo etiam suspensus, & quoquoeversum se dilatans, possit usum respirationis explere. Sunt qui ægrotante pulmone, velint san-

Maximi momenti in hoc morbo pulsus observatio.

Curatio a venesectione statim incipienda.

Orthopnoea in hoc affectu est gravissimum symptomata.

guinem primum esse detrahendum è latere sinistro, eo quod pulmo venas accipiat à corde, cujus sedes potissimum in latere sinistro posita est, hujus tamen rei, si ratio habenda sit, existimo tantum habere locum in peripneumonia, quæ fit à sanguine, è dextro cordis sinu per arteriam venosam, extra modum in pulmones excusso: In illa autem quæ fit à fluxione à capite, è latere per quod humor influit, sanguis semper mittendus, sicut & in aliis fluxionibus, ut cap. 2. lib. 1. demonstratum est; Non solum autem semel, sed etiam bis, & tertio, fit venæ sectio, si quis infestaverit dolor. Cum autem nos lateat quam in partem fiat humorum decubitus, ex utroque latere facta venæ sectione, statim scapulis admovendæ sunt cucurbitulæ, cum profunda scarificatione, ut fluens humor intercipiatur, qui sæpissime non longe à cute delabitur; has enim, venæ sectione tertio repetita, magis profuturas existimo; licet auxilia tamen urgere, prout morbus præceps est, ita ut eodem die, cum vires ferunt, repetita venæ sectione, cucurbitulæ ferotinis horis etiam applicentur; In principiis enim morborum, ut inquit Hippocrates, si quid movendum videtur move, præcipue vero cum agitur de humorum influxu, quorum longe difficilior est revulsio, si sedem occupare permiseris; Ideo ne momentum quidem expectandum, in venæ sectione administranda, si vel minima fluxionis principia deprehendantur, postquam, si cucurbitulas deprecentur ægroti, ipsas non admovebis; verum magnum vesicatorium supra humeros, parte superiori, & juxta collum pluribus diebus apertum manens, plurimum proficiet, egregieque fluxionem perseverantem avertet. Instituentur purgationis tempus, longe majoris est speculationis, propter adversos casus, qui contingere solent in hoc effectu: Cum enim terminus istius morbi, qui spem salutis confirmare solet, septimo dies statuatur, in eoque sæpissime contingat, ut qui à principio usque ad quatuor diem, salutaris omnino videbatur, quinto exasperatur præter consuetum modum, & septimo mors subsequitur; Quidam Præctici, sibi potius quam ægrotis consulentes, non cogitant de medicamento purgante, nisi post septimum, ne causa mortis in medicum rejiciatur. Alii damnant omnino purgationem primis diebus, quod hu-

Post venæ
sectionem
cucurbitulæ
cum scarifi-
catione sca-
pulis admo-
vendæ.

Apho. 29.
sect. 2.

Aut ma-
gnum vesti-
catorium su-
pra humeros
applican-
dum.

Quid de pur-
gationis
tempore sta-
tuendum?

humoribus ab ea commotis, augeatur fluxio, & periculum, propter febrem, quæ fortia cathartica non patitur. Fere omnes itaque ante septimum diem, rejiciunt purgantia medicamenta, vitandæ calumniæ necessitate ducti, potius quam ratione probabili. Ego quidem, si de purgatione in hoc morbo sententia ferenda est, existimo potius in principio, secundo scilicet die, quam post septimum esse præscribendum; hoc autem multis de causis; Primo quidem in principio humores sunt aquosiores, facilius purganti cessuri; vires toto morbi decursu validiores; tempus longius est à periculo, minus itaque damnabitur Medicus de sinistro morbi eventu; tertius dies criticus est, ideoque verendum ne sudores porumperent; Quartus aptior esset purgationi, movetur enim hic morbus, fere semper diebus imparibus, at anacatharsis jam instat, & dies quintus, quem climactericum voco, in hoc affectu, propter mutationes sinistras, de quibus supra, quæ in eo solent sæpissime accidere, quorum causa, vulgi opinione, semper in medicamentum purgans reiiicitur, quod die quarto exhibitum est. Post septimum autem non solum inutilis est purgatio ratione morbi hujus, sed & noxia habenda est: Primo quidem res ægrotantis, cum de purgatione cogitatur hoc tempore, vacant periculo. Secundo quo natura vergit, eo ducere oportet; ducit autem natura post septimum humores, maxime per anacatharsim, quam purgatio non juvat, sed potius impedit: Si dicatur quod fluxio perseveret; quod ante dictum est obiiciam, febrem fortia cathartica non postulare, debilibus humores exagitari, indeque fluxiones geminari; atque ita, aut inutilem esse purgationem post septimum, aut noxiam, saltem ratione morbi: Si alterius vero rei concursus gratia decernatur; v. g. expurgationis primarum viarum scatentium putredine, aut alterius cujusdam causæ, ita se gerendum ut anacatharsi non noceas. Cum igitur in hoc affectu purgatio videtur esse necessaria, uti est, secundo morbi die decernenda potius, quam aliis diebus, minuendæ tamen fluxionis gratia, si perseveret, etiam procedente morbo fieri potest: quod ut dignoscatur, advertendum est fluxionis modum, in omnibus non esse similem; quibusdam enim simul, & uno ductu fit, intra exiguum tempus; Aliis vero cum ince-

Potius in principio quam in fine hujus morbi instituenda purgatio, & quare.

pit perseverat, etiam quibusdam post septimum, iis maxime qui fluxionibus sunt obnoxii. Quibus igitur fluxio naturæ robur non excedens, ultra tertium diem non progreditur, in fine quarti, ad minimum, incipit fieri anacatharsis, die quinto nulla fit insolita exasperatio, sputa cito prompteque rejiciuntur, nec recrudescent, novæ enim fluxionis signum foret; horum septimo die fit declinatio. At si nova suppeditetur materia fluens; si per vices, modo coctorum, modo crudorum sputorum fieteductio, coctorum, à materia quæ jam influxerat; crudorum à materia quæ recens influxit, interdum quod crudum est, hæret jam cocto, simulque rejiciuntur; verum si nimis abundet fluxio, omnia fere recrudescent: Cum autem multo tempore cocta educuntur sputa, impossibile est materiam brevi tempore, & simul fluxisse, neque enim daretur locus in pulmonibus, continendæ materiæ totius, quæ tam longo temporis spacio per sputa excernitur: sed certo tenendum est, sensim quotidie à capite, aliquid defluere in pulmones, à quo suppediatur nova sputorum materia, quæ facilis est coctionis nec tussim aliquando movet, cum caret acrimonia, aut cum per exteriora laryngis, & trachæe arteriæ delabitur in pulmones: Hoc posito, & post septimum, & post decimum quartum, & quolibet tempore, potest adhiberi purgatio, ut fluxio perseverans minuatur; Quapropter magis idoneum tempus purgationi est, cum humores in pulmonibus delapsi, sunt adhuc liquidi, tunc enim facilius cedunt medicamento trahenti; peracta vero die quarto, nullo modo, crassiores enim facti, per anacatharsim sunt potius ducendi: Tempus autem quo humores in pulmones delapsi sunt liquidi, à principio usque ad quartum diem, supra ostensum est, minus tamen, quo magis à principio receditur: Quare data opera venæ sectioni primo die, secundus est omnibus purgationi magis opportunus, si autem occasio hæc effluerit, quod Medicus opportune non fuerit adhibitus, sitque in animo aliquam purgationi idoneam arripere, ratione eorum quæ diximus, aut fluxus ventris qui infestat, aut signorum putredinis in primis viis, cum qua vermes subesse creduntur, aut alicujus alterius causæ interventus; Tunc in fine tertii, cum nulla sit exacerbatio, ut à nobis factum est, medica-

Sensim aliquid à capite defluit unde nova materia sputorum suppediatur.

Secundus dies morbi maxime est opportunus purgationi.

dica-

dicamentum purgans exhibendum, aut saltem in principio quarti; Quo longius tamen à quinto præbueris, eo melius, propter ea quæ supra diximus, de mutationibus quæ in eo solent accidere. Verum si cogatur Medicus, propter alicujus rei concursum quarto die præcipue, uti medicamento purgante, suaderem, non solum ut moneret astantes de sinistra illa mutatione, quæ solet interdum in quinto accidere, sed etiam de partitaria purgantis materia, quæ ex benignioribus in hoc affectu eligitur; ne si res male cedant, culpa in ipsum rejiciatur, & morbi eventum ignorasse credatur. Quod si nihil magni momenti purgationem urgeat, transferre prudentis est Medici: Quocumque vero tempore utendum erit, sic de illa decernendum cum primis diebus purgandum ut.

℞. Rad. cyp. zij. folior. beto. pulm. cap. vener. ana mss. Potio purgans.
sem. cartha ꝑss. sem. ani. ꝑss. flor. viol. & tussilag. ana pj. fiat ex his decoct. Acc. q. s. infunde folior. fenn. mund. ꝑss. aut ziiij. sem. coria. ꝑss. agar. zj. pulv. elect. diacarth. ꝑss. si febris permittat, aut syrupi mei magistr. ziiij. fiat potio, horis matutinis sumenda.

Post hanc purgationem, incipiente anacatharsi circa diem quintum, & ipsa perseverante, multum juvat his uti apozematibus; audiui enim ægrotantem, quibusdam sumptis, affirmantem se robur excreando percipere: horum talis est descriptio.

℞. Rad. consol. majō. ꝑj. folior. pulmon. pimp. scab. tussilag. capil. veneris ana mss. flor. cap. rub. pj. sem. frig. & bombac. ana zj. hord. ꝑss. sem. anisi ꝑss. liquirit zij. fiat ex his decoctio Acc. ꝑiiij. pro una dosi syrupi cap. vener. ꝑj. syrupi de papav. rub. ꝑss. utatur mane & sero quibusdam consecutis diebus.

Apozema pectorale.

Si quis loco prædictæ purgationis, velit uti ptisana purgante, in omni morbo purgatione egenti, mihi valde familiari, quibusdam pro re nata mutatis, talis in principio hujus affectus poterit esse descriptio.

℞. Rad. aco. aut cyp. zij. folior. beton. pulm. ana quædam Ptisana purgans.
folia, flor. stœc. & hyss. ana ꝑss. folior. fennæ mund. ꝑss. turbith, & jalap. ana ꝑss. aut zj. pro natura ægrotantis, omnibus

f. a.

f. a. paratis, fiat infusio in zvj . aqu. cichorei, colat. dulcorata, mane propinetur; aut $\text{z}\beta$. vel zij . in his qui non facile cedunt purgantibus dissolvantur, de syrupo meo magistrali. Septimo die elapso, si ægrotus indigeat purgatione, bechium totum oportet esse medicamentum si nihil à capite influat; tunc enim per sputa fit causæ morbificæ expurgatio, ideo leniter hoc modo purgandum.

Rz . Hord. $\text{z}\beta$. liquir. folior. pulmo. tussil. cap. ven. ana $\text{m}\beta$. flor. cord. & papav. rub. ana pj . sem. malvæ, & bomba ana zj . fiat ex his decoct. Acc. q. f. inf. folior. fennæ mund. $\text{z}\beta$. sem. coria. $\text{z}\beta$. agar. zj . in express. dissol. mannæ calab. zj . aut amplius, licet aliquando uti solo manna, ad $\text{z}\text{ij}\beta$. vel zij . in jusculo dissoluto. Interea utendum expectorationem juvantibus, & tussim lenientibus; in principio quidem, syrupo violaceo, vel syrupo de tussilagine, cum dimidia parte syrupi de papavere rubro: Pro ægrotis vero, qui omnia fastidiunt, plura habenda sunt, ut saccharum candum, syrupi, tabellæ; ita varietas occurret molestiæ: Eclegmatibus pauci uti volunt, ideo à me raro præscribuntur. Crassescente materia, utimur syrupo capilli veneris, cui postea immiscendum aliquid syrupi de hyssopo, aut de prassio, prout autem materia crassescit, ipsis solis utendum, si ægrotus eo sit animo; hoc enim non est magni momenti, etiam si toto anacatharsis tempore, solo syrupo de tussilagine uteretur ægrotus, quam liquida melius juvant solidis, quia magis humectant, & leniunt guttur. Præter hæc, alia quædam invenies pulmonem expurgantia, in ordine remedium alphabetico titulo pulmonem expurgans. Si morbus iste propter causæ magnitudinem, peripneumoniam referre videatur; imo in eam convertatur, quod ex signis veræ peripneumoniam agnosceretur, de quibus supra meminimus, à venæ sectione curatio est incipienda, uti in hoc affectu, cucurbitulæ vero, ante, & retro, è regione partis superioris pulmonis, cum scarrificatione sunt admovendæ, multaque utrique affectui sunt communia; imo etiam quod de purgatione dictum est cum peripneumonia pendet à catarrho; si autem a sanguine, violenter per venam arteriosam in pulmones excusso fiat, non item; venæ enim sectionibus potius pugnandum. Nunc ad

Syrupi varii
peſtorales.

Quid agen-
dum si mor-
bus in perip-
neumoniam
convertitur?

pro-

prognostica affectus, de quo hoc cap. agitur, veniamus, quibus illa quæ de peripneumonia dicuntur annectemus: multa enim huic morbo, & peripneumoniæ conveniunt, sicut & pleuritidi.

P R O G N O S T I C A.

Quæ citius humectantur, celerius judicantur. Hippo. lib. de ratio. victus in morbis acut. loquens de pulmone.

Si febris, tussis, & alia symptomata exasperentur quinto die, quo major exasperatio, eo mors certior septimo die.

Quibus sputum in gutture fervet: si plenum, omnes pereunt; si paucum, aut non plenum, feryantur plurimi.

Nulli hoc solo morbo affecti pereunt post septimum: si satis illo die commode habeant, nisi interdum valde senes.

Multa quæ de peripneumonia, & pleuritide dicuntur, propria sunt huic affectui.

Peripneumonia brevissima judicatur 7. die, aut 14. longa 20. die.

Interdum 4. die certa mors est, aut septimo.

Si peripneumonia vigesimum transcendat, in suppurationem vertitur, doletque pectus, & pus spuitur cum tussi.

Sputum flavum sanguine permixtum non multo, in principio morbi pulmonum si ejiciatur, salutare admodum est: si septimo die, tardiusve, minus securum est. Hippo. 2. prognost. cap. 9.

In peripneumonia pessimum, si ægrotus, rectus velit sedere. Hippocr. lib. 1. progn. cap: 6.

Gravedines, & sternutamenta, per omnes morbos qui pulmonem fatigant, præire, & subsequi, malum est, sed in aliis morbis sternutamenta utilia sunt. Hippo. 2. progn. cap. 9.

Lingua tremula cum rubore juxta nasum, & alvo liquida, si reliqua sine signis sint, circa pulmonem malum est, & celeres purgationes perniciosas significat. Hippo. in coac. 3. lib. 2.

Fluxus ventris in peripneumonia, quinto die mortem inducit: infra enim humore secendente, partes supernæ resiccantur, & sputi purgatio fursum non prodiit. Hipp. libr. 3. de morb. Quandoque tamen magna superveniente evacuatione li-

berantur ægroti, præcipue ex multis biliosis, & spumosis.

Sputum circa initia non apparet; circa tamen quartum diem apparere debet, cum bonis notis ab Hippocrate descriptis. 2. prog. cap. 8.

Peripneumonia fluxum sanguinis non amat. Galen. lib. 3. de crisib. quod quidam intelligunt de pituitosa.

Peripneumoniacis, una salus robur virium; quamvis etiam robusti intereant.

Periculosa peripneumonia, in qua nihil spuitur.

In principio probe spuere, deinde spuere discessisse, rebus in melius non euntibus, pessimum.

Peripneumonia ex angina, lethalis septimo die, ex Hipp. apho. 10. sect. 5. aut transit in empyema.

A pleuritide peripneumonia, malum. Hippo. apho. 11. sect. 7.

A peripneumonia phrenitis, malum. Hippo. apho. 12. sect. 7.

Nunquam fit in pleuritide, & peripneumonia, ut caput non afficiatur, quod humorum excipiat in illis inflammationibus putrescentium fuliginem. Gal. lib. 4. de caus. puls.

Peripneumonia quinque modis finitur, crisi, coctione, abscessu circa aures, aut inferas sedes, suppuratione, strangulatione.

Abscessus in peripneumonia fit, quibus dolor, & febris adfuerint, & sputum pro ratione non prodierit, neque biliosæ alvi dejectiones, solutæque faciles, & meracæ sint, neque urina crassa valde, & multam habens subsidientiam, & alia salutaria ad fuerint. Hipp. in coac. 23. lib. 2.

Abscessus ad inferas partes fiunt, quibus inflammatio fit circa præcordia; ad superas vero partes quibus præcordium molle, & doloris expers, & ubi per aliquod tempus difficilius spiraverit, & citra manifestam causam cessaverit Hipp. ibidem. coac. 24.

Pedes calidi inferne abscessum fieri significant; frigidi superne. Hipp. lib. de humor.

Rarum inflammatione in pus conversa, purulentam materiam per urinas, aut alvum excerni.

Parotides, vel abscessus, in remotissimis locis à parte affecta, salutare.

Abscessus in peripneumonia vehementi, si in crura erumpit, omnis utilis est. Hipp. lib. 2. progn. cap. 12.

Inflammatione in pus conversa, & rupto abscessu in spacio pectoris, intra quadraginta dies repurgari oportet; alioquin in tabem transit, aut puris abundantia accidit suffocatio.

Si abscessus non rumpatur, vel sponte, vel arte, sensim conficiuntur ægrotantes.

Peripneumoniciis quibus lingua tota alba fit, & aspera, ambæ pulmonis partes inflammatae sunt; quibus vero dimidium, una juxta quam apparet. Hipp. in coac. 31. lib. 2. cap. 16.

Quibus ad unam claviculam dolor fit, his superna pulmonis ala ægrotat; quibus ambæ, ambæ ægrotant; quibus juxta mediam costam, media; quibus ad discriminationem, inferna. Hippo. ibidem. Quibus utrinque appendentes pulmonis partes valde sunt inflammatae, ita ut ad latus assideant, hac corporis parte resolvuntur, & livores foris circa costam habent; Si vero non assideant, dolor quidem fit per totum, non tamen convelluntur, neque livorem habent. ibid.

Signa collectionis puris, & dum fit, petenda sunt ex Hippocratis lib. 2. progn. cap. 10. sicut boni, vel mali sputi. cap. viij.

Enarrationes de quibusdam Ægrotis.

OBSERVATIO PRIMA.

Profectus peregre, ut mulierem catharro in pectore laborantem cum febre continua inviserem, inveni illam jam quartum diem attigisse, bisque, aut ter, venæ sectionem fuisse administratam; ideo cucurbitulas scapulis affigendas curavi, cum scarrificatione, supradicta etiam apozemata præscripsi, & usum bechicorum: Cum autem appropinquante die quinto morbus exasperaretur, sonitusque ferventis sputi, obscure tamen, subaudiretur, prævidens res ægrotantis male se habituras, discessi, periculo mortis futuræ septimo die prædicto: quod ita evenisse mihi relatum est; ætate erat 30. annorum mulier.

Mulier Catharro pectorali laborans die septimo extinguitur.

OBSERVATIO II.

Mulier ab
hac asthma-
curata.

Aliam invisi mulierem in quodam oppido, eodem affectu laborantem; hæc jam sextum morbi diem agebat, non videbantur vires motrices ita dejectæ, ut in superiori ægrotante, sputum tamen fervebat in gutture, quod mihi metum incutiebat, præscripsi itaque die octavo, salva tamen septimo, medicamentum purgans, & alia pectus, & pulmones expurgantia, & incolumis facta est, erat mulier 25. annorum. Alias etiam vidi mulieres juvenes, quibus sputum fervebat in gutture, quæ evaserunt; viros autem, & juvenes, nullos. Quare dicendum est, in quibusdam fervere quidem sputum, sed non plenum in gutture esse sputum.

OBSERVATIO III.

Nobilis qui-
dam in uestro
utrique bra-
chio fonticu-
lo libera-
tus a Chira-
gra, sed ira
excandes-
cens, ille hu-
mor fluebat
in pulmones
unde Pthysis
notha.

Vir quidam nobilis, cum in utraque manu multis annis afficeretur chiragra, Medici consilio, inustum est in utroque brachio pyroticum, quorum beneficio liber factus est a doloribus, ut ipse mihi sæpe retulit; in posterum tamen, quoties ira excandesceret, in pleuritidem, ut ipse dicebat, incidebat; hoc autem quinquies jam illi accidisse affirmabat, hac autem tandem perituum prædixi, nisi rebus suis consulere, & ab ira abstinere, humorem enim pleuritidis putatæ causam, eundem esse, qui in manus à capite irruebat, pyroticorum autem beneficio sensim effluere, cum vero iræ ageretur impetu, non sensim, sed confertim in aliam partem impelli, unde punctorius ille dolor, febris, & aliquid aliud. Cum autem esset pronus ad iram, factum est ut commotis ab ea humoribus, factaque fluxione, febris accenderetur, cum tussi, & dolore punctorio, quod statim nomine pleuritidis vocatum est: Ego vero vocatus primo die, pulsusque explorans, affirmavi morbum hunc non esse veram pleuritidem, sed præcipuam ejus causam esse in pulmone, humoris scilicet influxum, cujus portio per musculos intercostales externos oberraverat, aut saltem ipsis incumbentes. Cum igitur de fluxione ageretur, injecto enemate, statim venam brachii, è regione doloris, tundendam curavi, doloreque perseverante, iterum sanguis extractus est: Interea facti sunt fots, & inunctiones; humor tamen comotus,

motus, non solum in has partes influxit, sed & in ventrem, à quo diarrhoea, aut ab aliqua causa in ventre existente, ex vi-ctu qui morbum præcesserat, accedente iræ exagitatione, quæ bilem commoverat; circa enim diem secundum ex biliosis li- quidioribus diarrhoea inceperat: Quacumque autem de causa fieret, statui die quarto uti medicamento purgante, ex infusio- ne rhabarbari, cum pauco catholici in dissolutione, & pulve- re rhabarbari, ut natura ab uno levata, alterum facilius doma- ret: Jussi igitur paratum haberi medicamentum, propinandum si dolor punctorius, qui perseverabat, non augetur, & fe- bris, novæ fluxionis signa, quam venæ sectione potius, aver- tere erat animus. Rebus die quarto in eodem statu permanen- tibus, hausit ægrotus medicamentum, à quo dejectio votis respondit, die 5. nihil novi factum est, quod terrorem nobis incuteret, anacatharsis recte fiebat, febris tamen, & dolor punctorius perseverabant, licet fotibus, & inunctionibus de- mulceretur. Die sexto pulsus intermittebat, quod me sollici- tum tenuit; cum autem in reliquis signis cetera satis bene ha- berent, dieque sextus non esset firmæ judicationis ut septimus, in hunc omnia remissi, oborta à medicamento purgante diar- rhoea. Die septimo cessavit pulsus intermissio, pedetentimque postea meliuscule habens sanatus est. Pharmacopœus quidam hoc morbo laborans, cum primis tribus parvi momenti vide- batur esse ægrotatio quarto die purgatus est. 5. omnia exacerba- ta sunt; 7. mortuus est.

OBSERVATIO IV.

Anno præterito, grassatus est hic morbus populariter in quo- dam oppido, sex milliariis ab urbe ista distante. Medi- cus loci, & Chirurgi, quia in eo erat dolor punctorius, pleu- ritidem existimabant: Cum autem multi septimo morerentur, quidam vero antea, auxiliis nihil proficientibus, dissecta sunt quædam cadavera, inventusque pulmo materia purulenta re- referus, & quibusdam costis adhærens; tunc vero morbum extitisse peripneumoniam creditum est, ex Medici, & Chi- rurgi oppidi sententia, qui hæc mihi retulit: quod verisimile est, convertitur hic morbus, ut jam diximus interdum in pe- ripneumoniam.

Asthma &
peripneu-
monia epi-
demica.

Ufus vini
emetici in
peripneu-
monia.

Hoc anno in variis oppidis hujus jurisdictionis, grassatus e-
tiam hic morbus populariter, ex rusticis autem, præcipue
robustiores tollens. Petentibus à me Pharmacopœis, & aliis,
quid in tanto rerum ægotantium discrimine esset agendum;
consului ut primo die facta venæ sectione, vino emetico uteren-
tur, magnumque postea vesicatorium scapulis imponeretur, &
sudorificis ad superficiem humores propellerentur. Paucis post
mensibus, unus ex Pharmacopœis retulit mihi, se in quibus-
dam vino emetico usum feliciter; potest enim datum à prin-
cipio, peripneumoniam avertere, fluxionemque futuram.

De Pleuritide.

CAPUT. III.

Cap. 2.
Pleuritidis
descriptio.

Etiam si pleuritis sit morbus, qui se satis suis signis manifestet,
aut videre est apud Galenum. Lib. 5. de loc. affect. dum in-
quit, Inseparabilia lateralis morbi symptomata sunt; febris acu-
ta; dolor perinde ac si locus extendatur, vel pungatur; spira-
tio frequens, & exigua; pulsus parvus, arteriam, & duram,
& quodammodo tensam indicans; tussis, magna ex parte cum
coloratis sputis, nonnunquam vero sine his. Multi tamen Me-
dici, nomine tantum celebres, qualemcumque dolorem lateris
punctorium cum febre, aliis signis neglectis, statim pleuritidem
nominant, ignatis hac in re: ægrôtis, & astantibus imponen-
tes, ut majorem fortasse gloriam consequantur, ex putata pleu-
ritide sanata, aut saltem quod morborum notitiam, quæ desu-
mitur à pulsu, cognoscendæ pleuritidi exquisitæ maxime ne-
cessaria spernant, rudiôri, & vulgari scientia, etiam mulier-
culis nota contenti. Nam ut superiori capite ostensum est,
dolor aliquis in latere cum febre continua, cui fluxio à cere-
bro in pulmones jungitur, licet pleuritis non sit, omnes tamen
illius notas habebit, præter illam quæ desumitur à pulsu: Quin
etiam si res nobis sit cum Chirurgis, & Pharmacopœis, ut fe-
re sit, quod ut plurimum ægotantes primi invisere solent, eos

inperitissæpe
ventris do-
lorem pro
pleuritide
curant.

invenias dolorem ventris; more pleuritidum sæpissime sanantes repetitis venæ sectionibus; eo quod in latere, & juxta diaphragma infideat dolor, quem purgatione multoties curavimus, sumpta præcipua indicatione à pulsu, illis stupentibus, & pudore suffusis. Nam cum dolor infestat juxta diaphragma, qua parte costis alligatur, sæpissime arduum est, si pulsum spreveris, internoscere, utrum in pectore, an in ventre; consistat causa doloris; præcipue si aliqua tussis adsit: Quare dum agitur de vera pleuritide cognoscenda, omnia signa perpendenda sunt, in primis quod desumitur à pulsu duro, sine quo nulla pleuritis exquisita, nisi gravis aliquis affectus cum ea concurrat, existens in parte carnosâ, ut videbimus in prima Enarratione, partibus enim nervosis inflammatis, pulsus fit durus, ut ait Galenus, & partibus carnosis inflammatis, pulsus fit mollis: Quapropter pleura inflammata, quod exquisitior pleuritis est, pulsus fit durus, ut ajunt, ferratilis; dico, ut ajunt, quia ingenue fateor, me nunquam ferratilitatem illam deprehendere potuisse, licet quid sit, quomodo fiat, & qua ratione exploranda non ignorem: At cum satis sit ad veræ pleuritidis notiâ, pulsus duri-
 tiem agnoscere, de ferratilitate illa imaginaria non est curandum. Nam cum ferratilitas illa, pluribus digitis sit exploranda, digitorumque intermedium, non tangat, arteriam, ut molle eorûm; cum pulsus durus est, videtur, ut opinantur, in modum serræ digitos pulsare, quod potius ex parte tangentis se tenet, quam ex parte arteriæ pulsantis. Cum muscoli intercostales interni inflammantur, quod vera pleuritis etiam dicitur, propter affinitatem pleuræ simul affectæ, durus quoque fit pulsus, non autem sicut sola pleura inflammata, quia muscoli partes carnosæ sunt; quo magis autem pleuræ affectus communicatur, eo pulsus durior: Externorum vero musculorum intercostalium inflammatio, etiam si in ea, pleura non afficiatur, nomen pleuritidis tamen assumit, propter quorundam symptomatum similitudinem, situ præcipue, & natura doloris, sicut etiam spirandi difficultate; ad differentiam vero alterius, notha pleuritis vocatur, alio nomine magis proprio carens; Propterea, pulsus durus non est, sicut in vera pleuritide, neque tussis adest; multoque minus in musculis humerorum, brachiorum, & aliorum

Signum veræ pleuritidis præcipuum est pulsus durus.

Pulsus ferratilis non datur.

Qui morbus pleuritis notha vocatur?

rum superiacentium inflammatis, aut dolentibus, propter majorem distantiam à pleura; dolorque in his præcipue, digito pressa exasperatur: Quo autem dolor magis partes exteriores afficit; eo decubitus in partem affectam difficilior, quia comprimitur: Et quo magis partes interiores dolor obedit; eo decubitus in partem sanam gravior, præcipue laborante pleura, quia materiæ inflammationem facientis pondus sustinente, in ea major fit distentio, ex qua dolor atrocior, qui modo ad claviculam, modo ad præcordia excurrit, pro vario oberrantis humoris influxu, ejus quantitate, quem in pleuritide vera, multoque minus in notha, inflammationem sæpe non facere existimo, cum harum fluxio causa existit: Quoties enim videmus in musculos externos, fieri à capite humorum decubitus cum febre, & dolore, similitudine ad pleuritidem accedente, in quibus nulla est inflammatio; Cur igitur similis fluxio non fit in pleura sine inflammatione, saltem systrophica, febrem & dolorem, ut in aliis partibus tantum inducens, quod de musculis intercostalibus multo æquius dici potest: Hoc sæpe in quibusdam rheumatismis, fieri sine inflammatione animadverti. Præterea cum adest inflammatio, si oculis non sit manifesta, præter dolorem, ardor in parte percipitur; nihilominus, nescio quos vidi conquerentes de ardore, cum dolore punctorio, in his affectibus, quemadmodum in arthritide calida. Quare non est asserendum pleuritidem, esse semper pleuræ inflammationem; in qua, si accidat interdum pulsum, duritiem suam obscure demonstrare, alia signa consulenda sunt, præcipue tussis, quæ si abest, nullo modo vera pleuritis affectus est, etiam si dolor punctorius urgeat, & febris, atque spirandi difficultas: Si vero adsit tussis, advertendum an cum coloratis sputis; signum quidem pleuritidis, sed non solius; affecto enim pulmone solo, colorata etiam prodeunt sputa, ut videre est lib. 2. progn. cap. 9. Sed ex his quæ cap. præcedenti dicta sunt, & ex his quæ in hoc docentur, facile innotescet qualis sit affectus, an vera pleuritis, an notha, an quædam harum, præcipue notha, quæ cum fluxione in pulmones complicitur, quod sæpissime accidit: Fit autem notha pleuritis, præcipue à catharro; vera autem, magis sanguine effuso à vena azygo,

aut

Pleuritis
non semper
a sola pleuræ
inflammatione.

In calidis regionibus

aut intercostali, præsertim in regionibus calidis, in frigidis enim multæ sunt pleuritides veræ à catarrho: Ejus symptomata non ita urgent, ut in illa quæ fit à sanguine è venis effuso, magis tamen quam in notha, ceteris paribus; potest enim magna pleuritis notha, magis sævire, quam vera pleuritis parva: Quomodocumque autem res se habuerint, signum quod desumitur à pulsu, melius inter se eas distinguit. Ego quidem, dum agitur de pleuritide, multum tribuo symptomatum vehementiæ, propter majorem communicationem pleuræ cum corde; præ ceteris tamen hoc dandum pulsui, ut sit dux aliorum, nunquam scilicet pleuram tentari inflammatione, quin pulsus sit durus: Quia autem arteriæ durities, ad pulsus magnitudinem est ineptissima, ex doctrina Galeni. lib. i. de caus. pulsu. Ideo disserens de signis pleuritidis. lib. 5. de loc. affec. ait pulsus in ea esse parvum, id est non esse magnum; eo quod durities, prout viget, impediat arteriæ distentionem; habet enim parvitas pulsus latitudinem suam, potestque jungi facultati robori, cum arteriæ tunica dura est, modo sit vibratus. Nam ex Galeno pulsus durus, & parvus, si non sit vibratus, aut extremam denuntiat imbecillitatem virtutis, aut remissionem usus, aut utrumque; quod maximæ est considerationis in vera pleuritide, & inflammationibus internis partium nervosarum: Sed ut uno verbo expediam, oportet omnia signa à Galeno enumerata adesse, ut vera pleuritis constituatur; Cujus curationis principium, in venæ sectione positum est, sine mora, quacumque hora febris, & dolor infestare incipiunt, non expectata enematis injectione, quæ postea fieri poterit, venaque brachii basilica, aut mediana ejusdem lateris tundenda, sanguinem pro viribus, & exeundi modo extrahendo, bis autem eodem die, si opus fuerit, serotinis vero horis, si pleuritis sit catarrhalis, admoveantur cucurbitulæ cum scarrificatione; minime autem, si pleuritis sit à sanguine effuso ab intercostalibus venis, aut ab azygo, nisi capitis dolor urgeret, aut aliud symptoma. Interea fiant fots, & inunctiones in parte dolente; imo si dolor sit pertinax, applicetur cucurbitula cum scarrificatione. Ego in pertinaci dolore, usus sum applicatione ranunculi, in pleuritide notha, cum felici successu. Tertio die, perseverante, mul-

Pleuritides
ut plurimum
fiunt à san-
guine, in
frigidis à
Catarrhis.

Lib. 3. de
præcognit.
ex pullu.

Præcipua
pleuritidis
cura consi-
stet in venæ
sectione.

Applicatio
ranunculi in
Pleuritide
notha.

toque magis ingrauescente dolore punctorio, & febris, iteranda venæ sectio; quam, cum bis, aut ter facta est ex latere partitis dolentis, administrandam jubeo ex latere partis oppositæ; etiam si multi, velint hoc fieri in principio pleuritidis, quorum rationes non sunt parvi momenti, quas videre licet apud Sennerium cap. de pleurit. Quæstione 4. ubi omnium authorum, quæ vena sit secanda in principio pleuritidis, disputantium opiniones recenset, & examinat; sed quidquid afferat in contrarium, invaluit Græcorum opinio, ut ex latere dolente sanguis hauriatur in omni pleuritide incipiente; Ita toto vitæ decursu, usum in Gallia receptum animadverti, quem semper secutus sum, natura præcipue me docente, quæ est morborum medicatrix; affecto enim jecore, sanguinem fundit nare dextra; laborante autem liene, è nare sinistra: hac edocti experientia, fileant omnes rationes. Primis igitur diebus, non solum in pleuritide, sed & in aliis doloribus, semper facienda venæ sectio è latere partis dolentis; postea vero, ne multis venæ sectionibus confluant humores ad partem affectam, aut propter aliquid aliud, è latere opposito faciendam suadeo: Die tamen 5. si fiat novus humorum affluxus, ut sæpe fit; quacumque hora hoc acciderit, etiam de nocte, statim vena ejusdem lateris dolentis aperiat; postea vero à venæ sectionibus abstinendum, neque tot sanguinis evacuationibus conficiendi sum ægroti, ut mos est, præsertim anacatharsi recte prodeunte, ut optime docet Duretus in comen. coac. coaca 9. agens de pleuritide. Germani, ut Hartmannus, si ægrotus à vomitoriis abhorreat, incipit quidem curationem pleuritidis, à venæ sectione lateris dolentis; si vero non abhorreat, sic procedendum scribit. In pleuritide vera, ante omnia, & quidem sub initio, vel etiam 3. aut 5. die, exhibeo aquam benedictam, ad vomitus ciendos. Sic nimirum influxus humoris, & inflammatio sistitur, ac pectus ipsum ab impuritatibus repurgatur. Aqua benedicta exhibetur justa dosi, in aqua cardui mariæ, aut rhæados; aliquando discedo ad venæ sectionem, si morbus non videtur resolutus, & plethora jusserit, idque facio, vel ante vel post vomitum. Hæc methodus, non est ita ab usu aliena, ut quibusdam videri posset, præcipue in pleuritide catarrhali, quæ frequens

Gale. lib. de
cur. ratio.
per venæ sectionem.

Primis diebus venæ sectio instituenda in brachio lateris affecti.

A venæ sectione abstinendum anacatharsi recte procedente.
Lib. 2.

In praxi Chimiatriæ.

Vomitum conducit in pleuritide catarrhali.

quens est in regionibus frigidis, & humidis; vellem tamen ut ante vomitorium, semper præcederet venæ sectio, ad tollendam sanguinis plenitudinem, ne vomitus concussione, vas aliquod rumperetur: Hæc curandi ratio, confirmatur ab Hippocrate apho. 18. sect. 4. dum inquit. Supra septum transversum dolores quicumque egent purgatione, per superiora purgandum esse significant; quæ vero infra, per inferiora. Ego quidem, nisi esset tanta vomitoriorum reformidatio, & ab ipsis calumnia, cum res, etiam alia de causâ, male cedunt, libenter uterer; Consulo saltem, ut cap. præcedenti in fluxionibus pulmonum monui, quod si aliqua pleuritis populariter grassaretur in vulgus, multos auferens, ut modum istum curandi per vomitoria experiretur; in casu enim præcipiti omnia fiunt, quæ alias, ut ait Celsus, essent omittenda. In pleuritide quæ non fit à catarrho, sed tantum à sanguine à venis intercostalibus, aut azygo effuso, quæ ut plurimum inflammatio phlegmonodes est, aut erysipelatodes, non ita facile concederem præbenda vomitoria, cum Hippocrates, & Galenus, id non probent; ait enim ille lib. de Elleb. Iste vero lib. I. de cris. Quicumque inflammationes in principio morborum, statim solvere putant, nihil adimunt; neque enim cedit adhuc cruda passio, quæ vero morbo resistunt, & sana sunt, colliquefcere faciunt; quod de purgatione tantum intelligi potest, non autem de venæ sectione, quæ ab omnibus probatur in principio, nisi ab aimatophobo Helmontio; sed disrumpatur licet, hoc nunquam assequetur, ut in pleuritide, & aliis quamplurimis affectibus Medicos avertat à venæ sectione, in qua fluente sanguine, vidi sæpissime ægrotos asserentes, levare se à dolore punctorio. Ego quidem degens Parisiis, cum hyberno tempore capillos cadendos curassem, ex capitis refrigeratione factus est mihi de nocte, circa ultimam costam lateris sinistri, humorum defluxus, cum febre valida, & dolore punctorio respirationem impediante, quo præcipue expergefactus, statim Chirurgum accersiri jussi, venamque basilicam ejusdem lateris aperiri, ad uncias novem; Ita tempori facta est venæ sectio congruenter, ut mane febris omnino dimitteret, fereque omnis dolor; quamobrem surrexi per urbem obambulaturus. Post

Helmontii
opinio de
non insti-
tuenda venæ
sectione in
pleuritide
inpugnatur

has ab experientia factas probationes, quæ quotidie accidunt, interdican- in morbis Helmontius, & ejus sequaces venæ sectionem, ipseque in sua Pleura furente, dicat quantum voluerit, ex sanatione pleuritidis per venæ sectionem, frequentem esse tabem, aut recidivam anniversariam; hoc quidem ex corporis diathesi accidere potest, illud vero in hac regione evenisse nunquam vidi: Sed cum in sua Pleura furente, dicat sua remedia, quæ neminem in pleuritide, & peripneumonia derelinquunt, esse, pulverem de virga tauri, aut cervi, vel sanguinem hirci, vel succum cichorei sylvestris, flores papaveris sylvestris, & plura talia, de quibus fortasse in Pharmacopolio pag. in meo codice, 367. num. 5. in fine, ubi meminit dentis apri, succi herbæ bellidis, & fimi equini; potissimum vero laudat sanguinem hirci, cujus præparationem describit pag. 179. num. 75. In sextup. digest. atque pondere 3j. sumptum confestim sopire, & sanare pleuritidem, &c. id est, ut opinor, peripneumoniam. nec te, ait, deseret unquam. Cum igitur hæc affirmet, his utendum, præcipue sanguine hirci; hoc autem statim à principio, non spretis venæ sectionibus, præsertim si adsit plethora: Sicut & alia specifica, quorum unum eligendum, de his quæ sunt in promptu, ut syrupus papaveris rubri, datus ad ʒβ. mane, & sero, est etiam decoctum scabiosæ, & pimpinellæ, ad ʒiij. cum serapii de papavere rubro ʒj. & ʒj. magisterii dentis apri, quod fit cum aqua cardui benedicti, aut papaveris rubri, ut de magisterio cranii humani dictum est, cap. de epilepsia. Laudatur quoque in eundem finem ab Hartmanno hæc tragæa, quam ita describit.

℞. Salis prun. flor. papav. rub. coralli rub. ana ʒij. saccha. viol. ʒβ. dosis ʒij. cum aqua card. bened. aut papav. rub.

Quod si ex his compositum velis.

℞. Cap. vener. tussilag. scabio. pimp. ana m. β. sem. frigid. ana ʒj. flor. papav. rub. pij. fiat ex his decoct. Acc. q. s. serap. rhœad. ʒj. magist. dentis apri ʒβ. aut tragææ Hartm. ʒij.

Pro bechico, utuntur omnes practici syrupo papaveris rubri primis diebus, propter signaturam inflammationis; postea secundum sputorum naturam, syrupo de glycyrrhisa, qui tenuat, & pectus roborat, aut syrupo capilli veneris, cum quo proceden-

Pag. 322.
num. 32.

Helmontii
medicamen-
ta antipleu-
ritica.

Specifica an-
tipleuritica.

den-

dente morbo aliquid de syrupo ex hyssopo, aut prassio confecto immiscetur, aut cum istis syrupis, & pulvere diaireos fit eclegma in hunc modum.

℞. Pulv. diaire. simpl. ℥ss. pulv. diatraga. frig. zij. saccha. can. & penid. ana ℥iij. & interdum flor. sulp. zij. cum syrupo cap. vener. fiat eclegma Interea ut dictum est fiunt fotus, in materia calida, ex malva, viola, althea, semine lini, & fœnugreci cum floribus chamæmeli & meliloti; deinde fit inunctio ex oleo amygdalarum dulcium, aut adipe caponis recenti: In materia non ita calida, additur fotui calamentum, origanum, ruta, & absynthium, cum baccis lauri, & juniperi; deinde lana succida imbuta unguento dialthea calente, supra partem dolentem, imponitur quod melius est ejus illinitatione, præcipue hieme. Quidam utuntur cataplasmate sequenti.

℞. Fæcis liquidioris vini q. v. cum farina tenui frumenti fiat ad ignem cataplasma, calide supra partem dolentem applicandum.

Cataplasma
ad dolorem
pleuriticum.

Alii hoc maxime laudant.

℞. Album porri, assetur parumper in sartagine cum oleo, deinde supra linteum impositum calide applicetur.

Hoc emplastrum plurimum prædicatur, etiam in arthritide, & aliis doloribus.

℞. Olei com. ad nigredinem cocti ℥ss. litharg. cerussæ, refinæ ana ℥iij. ceræ zij. terebenth. ℥iij. aquæ vitæ in fine additæ & extra ignem zij. fiat emplastum s. a. vide emplastrum valleriolæ, in ordine alfab. Dum hæc geruntur ratione doloris interdum necessaria videtur purgatio; si non ratione morbi, alterius interdum rei supervenientis; Quidam non citius 4. die illam fieri concedunt; sed ratione morbi simpliciter, non consulerem, propter rationes allatas cap. præcedenti; In principio enim morbi res est plena aleæ: Hollerius tamen ait in principio, purgationem interim sufficere, nec perpetuo phlebotomia opus esse; quod placuerit Hippocrati, cum dolor ad hypochondrium inclinaret, pharmaco potius, quam phlebotomo uteremur; Tamen si grande malum est, etiam si ad hypochondria declinet dolor, tutius est auxilium phlebotomia Galeno. Ego quidem, cum sim in ea sententia, pleuritides

Quo die &
quomodo in
pleuritide
purgandum.

omnes quæ ad hypochondria usque propagantur, esse ut plurimum catarthales, fluxionibusque in principio, venæ sectionem maxime convenire; in hac, sicut & in alia, consulam à venæ sectione semper esse incipiendum: Secundo autem die, si quis velit medicamentum purgans propinare, non existimo aliam esse magis idoneam, ut humorum defluentium motus sequatur, proprio impetu ad intestina quasi properantium: At si esset in manu sudorificum probatæ virtutis, potius utendum censerem, non solum secundo die, sed tertio, quarto, & quinto. Tamen dum constat de primarum viarum putredine, in qua vermes subesse sæpe animadvertuntur, ut ex pluribus hostibus unus tollatur, nemo levi medicamento purgante, ut res exigit, interdicit; de quo etiam cap. præcedenti.

P R O G N O S T I C A.

Si circa initia sputum appareat, in pleuritide, eam fore brevem significat, ex Hippo. aphor. 12. sect. 1. Crudissimus morbus in quo nihil sputitur longo tempore.

Quibus pleuriticis in principio dolores molles sunt, quinto vero, aut sexto exacerbantur, septimo periclitantur, & duodecimo; si vero 14. superaverint, servantur. Hippo. in coac. 10. lib. 2. cap. xv.

Quibus pleuriticis in principio lingua biliosa est, septimo judicantur, quibus circa tertium, aut 4. hi circa 9. ibidem, coac. 5.

In pleuritide, bulla sublivida facta in lingua in principio, ostendit solutionem esse difficilem, & judicationem ad 14. pervenire, sanguinem autem plerumque spuunt. Hippo. ibidem, coac. 6.

Quibus pleuriticis strepitus sputi multus est in pectore. & facies tristis, & oculi colore auriginis infecti; hi pereunt. Hippo. ibidem, coac. 11.

Pleuriticis quibus in principio sputa penitus purulenta sunt, tertio die moriuntur, aut quinto: si vero hos effugerint, non multo melius habentes, 7. aut 9. aut 11. suppurari incipiunt. Hippo. ibidem, coac. 1.

Vide dureti
explanat.

Si ad suppurationem tendit pleuritis, febris major fit, rigor accedet, & pro dolore pondus, ex Hippo. 2. prognost. cap. 10.

La-

Lateris dolor ex sputis biliosis, citra rationem si evanuerit, delirium significat. Hipp. lib. I. prædic.

Sputum flavum sanguine permixtum non multo, si in principio appareat, valde juvat in pleuritide, sicut affirmat Hippocrates de morbis pulmonum: & in coac.

Pleuritide, vel peripneumonia laboranti, diarrhœa superveniens, malum. Hippo aphor. 16. sect. 6. non tamen semper.

Quicumque pleuritici facti, intra 14. dies per superiora non repurgantur; iis in suppurationem transmutatur, Hippo. apho: 8. sect. 5.

Pleuritis ex ictu, aut casu, ad suppurationem devenit.

Qui ex pleuritide empyici fiunt, si intra 40. dies à quo eruptio facta est, superne repurgentur, servantur; si vero non, in tabem transeunt. Hippo. apho. 15. sectio. 5. & in coac.

Pessimum antea probe spuisse, deinde ex toto defuisse, gravitate, & dolore in pectore permanente.

Nisi pleuritis solvatur sudoribus, vel hæmorrhagia è naribus vel sputis, transit in peripneumoniam intra 7. dies, aut in abscessum, aut in empyema post 14.

Pulsus valde ferratilis in pleuritide, cum imbecilla facultate conjunctus, periculum præsens minatur: Cum firma autem, aut tarde coquetur, aut ad suppurationem deflectet, aut tabidus eam excipiet marcor, Gale. lib. 4. de cau. pulsu.

Nunquam fit in pleuritide, & peripneumonia, ut caput non afficiatur, quod humorum excipiat in illis inflammationibus putrescentium fuliginem. Gale. ibidem.

Si pulsus in pleuritide mutetur in majorem crebritatem, peripneumoniam, aut syncopen denuntiat Gal. ibidem.

Maximum indicium exitialis pleuritidis, si pulsus sit magnopere durus, & ob id, similiter parvus, & ob hæc, & calorem, creberrimus; pleuriticus enim cum tali pulsu, nullus est unquam servatus. Gale. lib. de præcogn. ex pul.

Serratilis illa inæqualitas, quæ pleuriticis maxime est propria, remittit, si pleuritis sit mollis, & coctu facilis; intenditur autem, si ea sit exitialis, indicatque eam esse coctu difficilem. Gale. in introduc. in pulsus.

Vide reliqua Hippocratis prognostica in coacis, cum Duretii explanationibus.

Enar-

Enarrationes de quibusdam Ægrotis.

OBSERVATIO PRIMA.

Juvenis vera
& notha
pleuritide
laborans,
sanatus.

Nobilis quidam juvenis, in omnibus indulgens genio, discedens domo patris ad hiberna cohortis suæ, peracto unius diei itinere, incidit in febrem continuam acutissimam, cum diarrhœa, atroci dolore punctorio in latere, juxta mammam sinistram, tussi, & spirandi difficultate non exigua. Vicinioris loci Medicus accersitus, venæ sectionibus curationem est aggressus, habita quadam ratione diarrhœæ. Cumque tertio die ingravescerent symptomata omnia, petiit Medicum auxiliarem, ægrotanti non parum timens: Rogatus à patre ut filium ægrotantem eo comitante inviserem, cum graviter affectum inveni primo aspectu, ex dolore punctorio, febre acuta, cum pulsu valido, frequenti, & duro cum celeritate, pleuritidem esse ratus; paulo post tamen, iterum pulsum explorans, mollem inveni, quod me à prima sententia discedere cogebat: nulla existente pleuritide cum pulsu molli; multa quoque sputa, cum tantum dies esset tertius, & prægrandia, frequenter educabantur, & cocta satis, quod nulli pleuritidi incipienti proprium est: tunc enim parum aut nihil spuitur, nisi fluxionem in pulmonibus antea factam, comitem habeat: Quod autem me magis angebat, pulsus erat illa mutatio, modo in duritiem, alias in mollitiem. Interea omnia fiebant quæ ægrotanti conducibilia videbantur, de quibus antea in curatione. Quarto die, etiam si diarrhœa permaneret, non cogitavimus de purgatione, nondum bene mihi perspecta uniuscujusque symptomatis causa proxima, & hoc sane optime: circa enim vesperam, ipso 4. inclinante, cum febris esset semper valida, deprehensa est à Medico ordinario, quædam nasi, & extremorum frigiditas, cum pulsus inæqualitate, quemadmodum solet accidere in principio paroxysmi febris intermittentis: Perterritus, fratri ægrotantis præsens nuntiat periculum, qui me statim ad eum accedere rogat, omnia exploraturum, remque uti renuntiatum erat, ita si habere comperiens, timui ægrotanti, astantium tamen animos ad spem erigens, eo quod vires constarent, ægrotus

tus bene se haberet ad ea quæ offerebantur, bene ad decubitus, bene ad loquelam, juvenis esset, nec se in deteriori statu positum agnosceret: affirmavi, cum plures in eo essent dispositiones morbificæ, quamlibet suo tempore proprium motum exercere modo quæ à pleuritide erant, modo quæ à fluxione in pulmones; laborabat enim ante morbum, communi rheumate sine febre: Hanc itaque extremorum, & nasi frigiditatem, esse à motu biliosorum excrementorum, fluxum ventris soventium asserui, brevique transiturem, quod ita contigit; exigui enim temporis spacio, febris, & calor invalere, quæ sudorem criticum die quinto attulerunt, quo à dolore punctorio omnino liber factus est æger, manente tamen feбри valida ut antea, verum non ita molesta, cum tussi, sputis, & fluxu ventris. Postero die, sexto scilicet, decreta est purgatio ad fluxum post 7. erandicandum; ceteraque Medico ordinario administranda relinquens, cum ægrotus meliuscule haberet, discessi, sanatusque est adolescens: In quo non est miranda symptomatum varietas, cum in eo variæ essent dispositiones morbificæ, quarum præcipuæ, pleuritis, scilicet, & fluxio in pulmones, vicissim pulsus in consensum trahebant, at vacuata sudoribus 5. die illius materia, hæc permansit anacatharsi sananda, nec amplius pulsus factus est durus, molli parte in posterum tantum laborante: Tunc agnovi qua de causa, ante 5. diem, pulsus mihi sæpissime exploranti, modo durus, alias mollis apparuisset: Quod enim ad me, ingenue fateor, ferratilitatem illam pleuritidi, ut ait Galenus, maxime propriam, nunquam deprehendere potuisse, quemadmodum magni quidam viri fatentur de Systole; hanc tamen in pulsu magno, modo non sit celer, manifeste adverti pluries: Cum autem ut ferratilitas animadvertatur, plures digiti sint imponendi, eorumque intermedia non eo modo tangant arteriam, quemadmodum partis carnosæ medium, in summis digitis positum, videtur arteria in modum ferræ digitos attingere, quod potius se tenet ex parte tangentis quam ex parte arteriæ pulsantis; ut videbitur, si quis vel tantillum digitos retrahat supra, aut infra, ab eo loco in quo arteriam explorabat; quod enim erat tanquam ferræ acumen in arteria, mutabitur in partem vacuam, quia tunc est è regione intermedii di-

Y

gito-

gitorum, quod arteriam non bene attingere potest, ut partes carnosæ in summis digitis positæ: Ideo ferratilitatem parvi pendendi, tanquam fictitiam, contentus duritie, quæ sufficit ad pleuritidem dignoscendam. De quibus etiam supra.

OBSERVATIO II.

Rusticus a Chirurgo habitus pro pleuritico, purgante medicamento post ejectionem 40. vermium sanatus.

Rogatus à quodam Chirurgo, ut rusticum inviserem pleuritide ut ipse putabat laborantem: Accedens ad ægrotum, statim affirmavi ex pulsû, morbum non esse pleuritidem, inspectoque partis dolentis situ, visus est mihi potius infra, quam supra septum transversum positus, pulsuique multum credens, qui durus non erat, asserui per jocum, tales pleuritides medicamento purgante sanari, pignoreque certare volebam, aut vermes subesse, aut saltem corruptorum humorum, non parvam copiam, sumptoque postera die purgante medicamento, 40. vermes ejecit, & sanatus est.

OBSERVATIO III.

Mulier itidem credita laborare pleuritide, Catartico medicamento curata.

In hac urbe similiter rogatus sum per Pharmacopœum, ut mulierem procuratoris uxorem inviserem; pleuritide, ut credebatur, laborantem, multæ à Chirurgo, imperante tanquam Medico, ut mos est, Pharmacopœo, administratæ fuerant venæ sectiones, quibus dolor non cedebat; quippe fallabantur in cognitione morbi, quod ex pulsu, qui durus non erat, statim agnovi, stagnantes enim erant humores corrupti in intestinis juxta diaphragma, quibus postera die medicamento purgante dejectis, sanata est à pleuritide putata, Pharmacopœo, & Chirurgo stupentibus; Quod mihi multoties contingit, etiam cum res mihi esset cum Medicis, superficie tenus, morborum signa perpendere solitis; qui ex simplici dolore, ex relatione ægrotantis, punctorio, male ex situ, & nulla ex pulsu habita ratione, statim affectum pleuritidem prædicant.

OBSERVATIO IV.

Vir vera pleuritide extinctus.

Profectus peregre ut virum pleuritide, ut dicebant, laborantem inviserem, inveni eum cum febre acuta, dolore punctorio, tussi, & spirandi difficultate: Ex pulsu videbatur pulmo affectus, sputa erant sanguinolenta in principio, quod non

fo-

solum in morbis pulmonum bonum est, sed etiam in pleuritide, quia dominium sanguinis ostendit qui inter humores benignior habetur: Per quas autem vias in pleuritide sanguis ille ad asperam arteriam perveniat, & inde tussi rejiciatur, non assentit Sennertus, & merito, doctrinæ Galeni, qui lib. 5. de loc. affect. cap. 3. vult illum transsudare ex pleura, in cavum pectoris, deinde ejus compressione, à pulmonibus exsugui, tussique rejici per asperam arteriam: Sed quomodo sanguis purus, in principio pleuritidis rejiciatur, nec mora per longam illam viam, nigrescat, ego quidem sicut & Sennertus non video; neque quomodo tanta copia materiæ, per sputa rejici possit in pleuritide, nisi simul pulmones afficiantur, ut accidit in ægrotto primæ Enarrationis. Sed ut ad ægrotum de quo nunc agimus redeamus, existimabam ego illum à morbo evasurum, secundum id quod diximus ex Hippocrate, & explanante Galeno, cap. 9. lib. 2. progn. At ille mortuus est, non propter humoris qualitatem, sed, ut opinor, quantitatem, ex nova fluxione irruente. Vult itaque Sennertus sanguinem illum, qui in principio pleuritidis rejicitur, ex vasis quæ asperæ arteriæ, & partibus quæ pulmonum supra lateri annectunt, afferunt nutrimentum, hiantibus, ob copiam sanguinis in pleuram ruentis, duci.

Quæst. 3.
cap. 16. de
pleur.

Vide cap. 5.
hac de re.

De Phthisi.

C A P U T. IV.

Omnibus est in confesso, Medicos affectum illum, quo quis sensum contabescit cum febre ab ulcere pulmonis recepto jam nomine, phthisim proprie nominare, communiter vero quaecumque corporis consumptionem, à verbo (*phtheco*,) aut (*phthino*) quod est deficio, consumor, contabesco, unde phthisis, consumptio, tabes, deficientia, præcipue ab ulcere pulmonis; cujus ita acceptæ, duæ sunt species. Prima & maxime proprie sumpta, ab ulcere pulmonis principium habet: Altera à diutina cerebri fluxione quam nulla exhaurire, nec avertere potuerunt auxilia, sine sputo sanguinis, & ulcere, nisi

Quid sit
phthisis?

Cujus duæ
sunt species,
prima ab ul-
cere pulmo-
num, altera
à fluxione
diutina.

interdum sub fine. In prima pulmo statim aliquando corrumpitur, nulla præcedente acri fluxione, sed proprio substantiæ vitio, quæ ævum non patitur, nisi exiguæ durationis; ut accidit in arboribus intempestiva luna cæsis, quæ aliis multo citius carie vitiantur; sic pulmo, qui ex corruptibili materia originem habuit, nullam aliam suæ corruptionis habet causam; licet ex acri fluxione facilius ulceretur, quia ejus substantia diutius resistere non valet. Aliquando tamen humoris tanta est acrimonia, ut nullus sit pulmo qui ulcerationem effugiat, sive talis à cerebro, sive à vicinis partibus influxerit, sive mora in ipsis pulmonibus talis, ut sæpe fit, evaserit. Ut plurimum à sanguinis sputo malum incipit, quod tussicula aliquandiu perseverans, aut raucedo præcessit; unde aphorismus: A sanguinis sputo, puris sputum, malum. Non tamen præcedit semper ulcus, sanguinis sputum, sed ipsum sæpe sequitur, nisi ex magna sanguinis abundantia vena rumpatur. Fit etiam ulcus rupto abscessu ex peripneumonia; hisque omnibus modis gignitur ulcus pulmonis à causis internis, quæ si valeant, à decimo octavo, ad trigessimum quintum annum manifestatur, juxta aphor. 9. sectio. 5. Quia ultra hanc ætatem deponunt humores de acrimonia, & caliditate, ex eoque etiam ostenditur, pulmonis substantiam constantem esse, quæ fluxionibus etiam acribus resistit; ultra autem hæc duo, non extenditur aphorismus. At vero à causis externis, ictu, casu, vociferatione, magni oneris levatione, cursu, aëris interdum calidioris, aut frigidioris inspiratione, sicut & contagio per longos dies, potest in omni ætate, ulcus pulmonis accidere. Secunda species magis obscure progreditur, iis præcipue qui firmis sunt pulmonibus, quibus, & aliis, tardius aut citius fit ulcus, secundum pulmonis dispositionem, & qualitatum humoris recepti intentionem. In principio animadvertitur ex tussi, fluxio quædam à capite, quæ pro levi affectu accipitur, tamen pertinax, non cedit remediis, à fonte scilicet suppeditata perpetuo materia, quæ tussiendo post somnum præcipue expellitur: Cum igitur non dentur induciæ, motu perpetuæ tussis, excreandæ materiæ quotidie delabentis necessario, sensim tandem incallescunt pulmones, febrisque accenditur: Aut humores delapsi, ut quidam

Apho. 15.
sectio. 7.

Causæ externæ, a quibus
ulcus oritur
Pulmonis.

dam volunt, præter naturam accensæ, æstum & febrem inferunt, peripneumoniæ nothæ quid simile, quibus sensim conficitur æger sine ulcere, & sanguinis sputo. Febris hæc, temporis progressu transit in hecticam, ut plurimum conjunctam putridæ, habentem quotidie sub vespërâ exacerbationem, in qua tangens ægrotantem, manus mihi aduri videbatur, consumptis sub finem benignioribus humiditatibus; quo tempore sputa ita cocta apparent, ut verum pus diceres: In iis tamen quibus sub finem morbi pulmo ulceratur, materia sputorum ardore facta acriori, hæc sputa miscentur cum pure, ex una parte coctum illud excrementum, ex altera pus verum referentia; quandoque autem vicissim ejiciuntur, quod agnoscitur ex stylo ligneo, cui pus verum non hæret per medium ducto, quemadmodum illa sputa, quæ etiam aquæ supernatant, pus vero fundum petit. Hæc species, fere semper causam habet externam, ex his quæ caput debilitant, de quibus fusius cap. de fluxionibus, accedente pectoris imbecillitate, qua fluxiones in se facile recipit. Huic speciei, quamvis non ita periculosa ut altera, in qua pulmo est ulceratus; mature tamen succurrendum, inveterascens enim certam invehit tabem: In altera, facto ulcere, conclamatum est de salute; ideo impediendum ne fiat, debito præcipue vivendi regimine, in omnibus rebus quæ non naturales vocantur, inter quæ lactis usus maxime prædicatur, & ejus loco, si aliquid obstat, sorbitiones ex hordeo factæ cum ptisana, in qua pulmonaria incoxerit: Si enim quid defluit, aut in pulmonibus existit, corrodentis sit qualitatis expers, nunquam ulcerabitur pulmo, nisi ex prima conformatione, factus sit ex materia valde corruptibili, quæ si nulla etiam præexistat fluxio, ad certum tempus est tantum duratura, quod est inevitabile fatum. Cum autem à sanguinis sputo, puris sputum sequatur, quod ulcus jam factum ostendit, omnibus modis impediendum, & omnibus auxiliis sanguis cohibendus, ut dicetur cap. sequenti. Quantum ad ulcus sanandum, uteretur terebenthina cum pulvere radicis consolidæ majoris, & pulvere pulmonis vulpis, aut alterius animalis; vel hianti ore, fumum exciperem potionis vulnerariæ, eaque bis in die uteretur in potu, quæ si non valeant, ut fere fit, vale dicendum. Cetera exponentur in Enarrationibus ægrotorum.

Fluxio temporis progressu transit in hecticam.

Lactisusus, utilissimus, ad Phthisim præcavendam.

PRO-

P R O G N O S T I C A.

Tabes his ætatibus fit maxime, à decimo octavo ad trigesimum quintum. Hipp. aphor. 9. sectio. 9.

Autumnus tabidis malus. Hipp. apho. 10. fact. 3.

Tabe laborantibus, si sputum quod extussunt, carbonibus injectum male olet, & capilli de capite defluunt, lethale. Hippo. 11. sect. 5.

Quibus tabidis capilli de capite defluunt; iis fluxus ventris superveniens, moriuntur. Hipp. apho. 12. sect. 5.

Si tabem habenti profluvium alvi superveniat, lethale. Hippo. apho. 14. sect. 5.

Ex his minime superstites manent virgines, & mulieres, quibus ex suppressis mensibus tabes oborta est. Hipp. lib. 2. prædict.

Ulcera pulmonum raro, aut nunquam sanantur.

A sanguinis sputo, si puris sputum sequatur, ulceratus est pulmo, & tabes sequitur.

Curato sanguinis sputo non fidendum; levi enim de causa iterum sputitur.

Mulieres facilius tabe corripiuntur, quam viri.

Tussis cum febre pertinax, non cedens remediis, tabem affert; etiam si non spuatur sanguis.

Tabes à parentibus, altera periculosior.

Qui scapulis sunt prominentibus alati dicti, magis sunt ad tabem propensi, quia fluxio à capite, recta fertur in pulmones.

Phtisis mariti facile communicatur uxori; non autem, illa uxoris, ita facile marito communicatur, quia uxores sunt magis assidue juxta maritos, rebus administrandis.

Enarrationes de quibusdam Ægrotis.

O B S E R V A T I O P R I M A.

Phtisis incipiens in juvene 25. annorum curata.

Nobilis quidam juvenis 25. annorum venationi deditus, cujus uxor paucos ante annos, tabe ab ulcere pulmonis perierat; cepit & ipse hoc affectu laborare, post sanguinis rejectionem non parvam, à quibusdam mensibus, quæ venæ sectione curata fue-

rat,

rat, nullo subsequente puris sputo. Accersitus opem laturus, inveni ægrotantem cum tussi, febris & macie, facieique pallore, lecto tamen non addictum: Statim cogitavi esse mihi utendum aliquo remedio, quod & pulmones roboraret, ne fluxionem exciperent; & humores ad interiora fluentes, ad superficiem propelleret, ad quod præstandum, nihil magis conducibile inveni decocto radicis chinæ, cum foliis pulmonariæ. Primo igitur imperato vitæ regimine, ut ab omnibus acerbis, & falsis, vino, venatione, ira, clamoribus, venere abstineret, & curas fugeret, ceteraque quæ in affectum imperantur observaret, præscripsi ante usum ptisanæ, medicamentum purgans, cujus talis est descriptio.

℞. Rad. consoli. major. ʒss. folior. pulmon. tussilag. cap. vene. betoni ana mß. sem. frigid. ana ʒj. hordei ʒss. fiat ex his decoct. Acc. q. s. infun. folio. sen. mund ʒiij. ani. ʒss. agar. ʒj. in nodulo positam, & sæpius expressam. omnium facta. colat. & express. dissol. mannæ calabr. ʒj. fiat potio, 8. die repetenda, si vires ferant; Advertendum enim, ne multa sit evacuatio, propter virium languorem in hoc affectu, qua multi antea obambulantes, lecto affiguntur per totum morbi decursum, quousque moriantur; melius igitur purgantibus, infra subsistere, quam ultra progredi virium jactura.

Post primam purgationem, sanguinem hauriendum jussi & cephalica dextra, cum consilio, ut si putridus esset, paucis post diebus ex altero brachio, eadem quantitate ʒvj. extraheretur. Interea uteretur bochetto suprascripto in hunc modum composito.

℞. Chinæ in taleolas incisæ ʒij. folior. pulmon. mj. Infun. chinam per noctem supra cineres calidos in aquæ fontis ʒvj. mane injice pulmon. fiatque decoctio lenta ebullitione, ad tertiæ part. consump. colatura sacchari ʒij. & cinamo. ʒij. aromat. si placeat ægrotanti utatur pro potu ordinario.

Pro bechico, jussi conficiendum syrupum de pulmonaria, ejusque folia, in jusculis decoquenda, non sunt enim gustui ingrata: Hacque curandi methodo, intra dies octo cepit meliuscule habere, quod optimum signum esse solet: Si enim intra 15. dies, decoctum istud non proficiat, salus desperanda; cum-

cumque lactis utendi non esset tempus commodum, ejus loco hordeata præscripsimus; Deinde lac asinum sumens mense Maio, perfecte sanatus est, nec opus fuit auxiliis quæ ad evertendas fluxiones extrinsecus præscribuntur, de quibus cap. de fluxionibus.

OBSERVATIO II.

Vir 30. annorum ab incipiente Phthisi curatus,

Eadem prorsus methodo nobilem virum 30. annorum curavimus in hunc affectum à causis procatacticis deductum. Usu bocheti prædicti, purgato corpore, & ex utroque brachio secta vena, febris desit octo dierum spacio, parum, aut minime tussienti, nec lactis usu opus fuit; Quia autem stipendia merens ejus caput refrigeratum erat, roborantia jussi capiti admovenda, ne frigiditate male coquendo, fieret excrementorum proventus, deinde fluxiones.

OBSERVATIO III.

Dux belli tertio hoc affectu laborans sanatus.

Ducem levioris equitatus, belli incommodis hoc affectu, tertio sed gravius laborantem sanavimus. Huic omnia adhibita sunt remedia, quæ in hunc affectum, sumptis, & admotis, solent præscribi; Primo ptisanæ supradictæ, seu bocheti usus; repetitæ fuerunt decimo quoque die purgationes; iteratæ, in parva tamen quantitate, venæ sectiones, quia sanguis valde putridus erat; fonticulus brachio adhibitus est, vesicatorium etiam perpetuum gestandum consulimus, juxta vertebra colli septimam, quod rerum usus maxime probat, ut cap. de fluxionibus attigimus; quidam autem, propter intolerabilem urinæ ardorem ferre non possunt, alii vero ne vel minimum afficiuntur. Sorbitiones ex hordeo non defuerunt, & tandem lactis usus, non prætermisiss extrinsecus caput roborantibus de quibus cap. de Epilepsia, & cap. de Artritide. Usus est etiam pro bechico syrupo pulmonariæ, & ejus foliis in jusculo.

OBSERVATIO IV.

Aliquis post raucedinem in Phthisim incidens, ea periit.

Quidam servus Pharmacopœi, derepente correptus est raucedine, quam ipse in principio, & alii spernebant; perseverante tamen raucedine prædixi periculum, licet tussis tunc non

non adesset. Ut sibi melius provideretur discessit in patriam, brevique mihi relatum est phthisi periisse. Multas curatione supradicta, ab imminente phthisi mulieres, & virgines liberavimus, nec securiorem methodem in hunc affectum inveni: Semper intra dies octo prodesse animadvertitur, quibus spes est aliqua recuperandæ valetudinis; cum scilicet morbus nondum egit radices: Itaque cum simplex est fluxio, quæ in pulmones impingitur, catarrhi proprie dicti nomine assumpto, cum ea quæ fertur in palatum, & fauces, mature succurrendum, præcipue si humor fluens sit tabificus, & acris; omni enim arte, ut jam dictum est, temperandus, & vacuandus, avertendus quoque venæ sectionibus, cucurbitulis, setonibus, vesicatoriis, levibus errhinis, quæ sternutamenta non moveant, præire enim, & subsequi sternutamenta, in morbis pulmonum, malum est ex Hippocrate; Suspendere autem catarrhum, ridiculum est cogitare, cum non possit, nec debeat manere in parte unde fluit, quæ quotidie gignit excrementa, quæ retinere est impossibile, nisi ad quoddam tempus sumpto laudano, neque emplastra quæ capiti raso imponuntur, & alia quæ in eundem finem adhibentur, id præstare possunt; satis est si cerebrum roborent, ut melius coquat, & minorem excrementorum proventum cumulet in posterum. Pilulæ sublingues, & opiatae ex conserva rosarum, gummi arabico, bolo armena, & terra sigillata, cum quibusdam bechicis admixta, id minus efficiunt, leniunt tantum, & astringentium viribus, partes gutturis circa laryngem constringendo, humoris aditum ad pulmones non ita facilem reddere possunt, sed hoc non magni est momenti, ut constet experientiâ, in pertinacibus pulmonis fluxionibus. Universalibus igitur præmissis, statim in potioribus, caput scilicet roborantibus, & sudorificis, aliis jam enumeratis, non neglectis.

Lib. 2. prædict. cap. ix.

De Sanguinis sputo.

CAPUT V.

Sputum sanguinis a variis corporis partibus oritur.

Et fit hoc quatuor modis.

CUM à sanguinis sputo, si puris sputum subsequatur, fiat phthisis, parumper de eo hoc capite differendum, ut ejus causæ devitentur & recta curandi methodus, cum accidit instituitur: Sed quia sanguis dum per os rejicitur, non tantum à pulmonibus, verum & ab quamplurimis aliis partibus prodire doceamur; & omnis qui exit à pulmonibus non semper immediate ab ipso sed per illum transiens rejiciatur: Omnia signa, quibus agnoscitur, quamam ex parte sanguis primum exeat, sunt perpendenda. Exit autem per os sanguis, à partibus pectoris, à pulmone, à trachea arteria, stomacho, gutture, capite, & partibus ipsius oris: Hoc autem quatuor modis; vel enim ora vasorum referantur, *anastomosis* dictus; vel sanguis transsudat per tunicas vasorum *Diapedesis* dictus; vel ipsa vasa rumpuntur *Rexis* dictus; vel denique vasa corroduntur, *Dibrosis* dictus. Anastomosis fere semper causas habet internas, sanguinis abundantiam, aut ejus qualitatem; cum scilicet nimia quantitas, aut calor, vel ejus acrimonia, naturam irritant ad excretionem; Externas vero quasdam habet, ut quædam venena, sive morfu, sive alio modo in corpus irrepperint: quædam etiam medicamenta, ut aloë, & similia. Diapedesis causa, sanguinis est tenuitas, cui addi potest tunicarum vasorum tenuitas. Rexis, seu ruptio, causas habet præcipue externas, ut casus, percussio, clamores intensi, cursus, saltus, tussis nimia, ira, conatus validiores; causam etiam internam potest habere aliquam Rexis, vasorum scilicet distentionem à plenitudine, sed hæc causa indiget ut plurimum aliqua externa, quæ sanguinem augeat, vel commoveat, & ad pectus propellat, ut exercitationes violentæ, & animi motus vehementiores, præcipue ab ira. In summa, ruptionis venarum causa ex Galeno. 4. de loc. affec. cap. 8. humoris est motus vehemens, aut ejus abundantia. Quod autem eo loco scribit; frigus, venarum rupturas per se non facere, sed quia tunicas venarum rigidas,

Frigus per se non est causa rupturæ vasorum.

&c

& ad distentiones contumaces reddens, ut rumpantur parationes efficit, non omnino mihi probatur: Licet enim in pulmone, hierno tempore, aer frigidus attrahatur, non video tamen, quomodo frigus venas in parte corporis calidissima, venas rigidiores efficere possit: Existimaverim potius, externis partibus à frigore coarctatis, sanguinem ad interiora propelli, subitaque ibi facta repletione, vasa nimia tensione pati rptionem: Si quis tamen hæc duo concurrere velit, si de pulmone tantum agatur, non inficiat. Diabrosis, seu erosio, fit ab humoribus acribus, & falsis à capite ut plurimum delapsis, vel ad pulmones aliunde delatis, ad quæ multum facit temperamentum partis, & totius, ciborumque acrium usus. Ex his constat Rexim, & Diabrosin, phthisis frequentiores esse causas. Sed ut hæc omnia dignoscantur, uniuscujusque signa sunt persequenda. In anastomosi nullus est dolor, nisi sanguine bronchiis oppletis fiat distentio, & spirandi difficultas; suppressa est aliqua evacuatio, sanguis in magna quantitate rejicitur, idque pro vasis aperti magnitudine, natura levatur, quæ sit certis temporum intervallis: Advertendum tamen ne sanguinis concreta portiuncula remanens in pulmone, ibique putrescens ardorem concipiat, & ulceret. Ex diapedesi, seu transsudatione, sanguis paucus, serofus, emittitur. Si à rptione vasa aperiantur, præcessit causa aliqua rumpens supradicta, sanguisque paucus, aut multus rejicitur, pro vasis ruptæ & rptionis magnitudine, nec regitur excretio à natura, ut fit sæpissime in anastomosi. Cum autem sanguis effunditur ab erosione, præcessit acrior aliqua destillatio à capite, quæ causa ulcerationis est frequentior, potest tamen aliquando, in pulmonibus aliquid erodens concipi, vel aliunde quam à capite deferri; sanguis à principio paucus, aucto tamen ulcere, interdum copiosior, nullaque causa violenta ante dicta præcessit. Quot modis sanguis exeat à venis, & quibus signis unumquodque agnoscatur descriptis, superest ut ea quæ partem, à qua sanguis effluit ostendunt persequamur. Cum sanguis simplici excreatione, sine tussi ejicitur, à partibus gutturis educitur; Si simplici spuitione, à partibus oris, de quibus non multum laboramus, nisi præter modum fieret excretio; tunc enim causa extraordinaria

Unde Vascularum erosio.

Signa unde cognoscitur, a qua parte corporis sanguis spuen- do rejicitur.

esset inquirenda, ut sanguisuga potu devorata, aut aliquid aliud. Ab ore multus sanguis effundi non potest, nisi aliquando ex dente avulso, aut vulnere licet viderimus multum sanguinis ab ore rejectum fuisse, simplici expuitione, ut videre est in secunda Enarratione hujus cap. Quæ magis occurrunt consideranda, sanguinis est à cerebro, à stomacho, à partibus pectoris, & ex ipso pulmone rejectio, præcipue hoc ultimum, eo quod ex ea sæpe sequatur phthisis. A cerebro descendente sanguine, movetur interdum tussis, cum fertur in asperam arteriam, non tanta tamen, nec semper, ut cum à pulmonibus rejicitur; nec ita rubicundus est sanguis, nec spumans, licet exeat interdum à pulmonibus sine spuma; per nares aliquando de eo aliquid excernitur, quod etiam cum vomitu fieri solet, aut cum à pulmone in magna quantitate rejicitur; præcessit aut adest capitis gravitas, vel dolor, vel utrumque. A ventriculo sanguis vomitione redditur, ad quem interdum confluit à toto, vel à jecore, vel à liene, in quorum regione tensio, aut dolor, vel ambo percipiuntur, descendit etiam sanguis à capite in stomachum, sed nigrior, & in minori copia vomitu rejicitur. Cum ex partibus pectoris educitur sanguis, majori conatu, & tussi educitur, quam à pulmonibus, nec ita floridus est, dolorque interdum in quadam pectoris parte, ubi ruptio facta est percipitur. Si sanguis à pulmonibus rejiciatur; si paucus est cum multa tussi, valde spumans est, si multus, nihil, aut parum habet spumæ; Ex communi doctrina, valde rubet, ut sanguis arterialis, quo nutritur pulmo: At si sanguinis fiat circulatio, ut multi fatentur, hoc signum erit invalidum, cum sanguis venarum, & arteriarum misceantur; quocumque autem modo res se habeat, exit cum tussi, in minori, vel majore quantitate, pro modo, & natura vasis aperti, rupti, vel erosi. Ex hoc occurrit quod scribit Sennertus de sputo sanguinis quod fit interdum in pleuritide, quem à pleura transsudare contra Galenum §. de loc. affec. cap. 3. non credit, pulmonemque simul affici credibile esse ait, ubi sputum magna copia in pleuritide rejicitur, cum tanta copia materiæ, qualis sæpe à pleuriticis per tussim rejicitur, non possit per pleuram transsudare ut jam cap. 3. diximus.

Differentia
inter sanguinem,
qui ex Pulmonibus,
& qui e stomacho ejicitur.

Lib. 2. pract.
part. 2. cap.
16. de pleu-
ri. Quæst. 3.

mus. Præcipue vero, inquit, non est consentaneum, sanguinem qui in principio pleuritidis purus plane rejicitur, per pleuram transsudasse in cavitatem thoracis, & à pulmonibus imbibitum fuisse, nullam tamen in iis alterationem, accepisse. Sed vero magis consentaneum est, è vasis quæ asperæ arteriæ nutrimentum advehunt, quæque partes illas, quæ in parte superiore pulmones lateri annectunt, nutriunt, hiantibus ob copiam sanguinis in pleuram vicinam ruentis effundi. Hæc ille, qui videatur loco citato & quæst. 2. sicut & quæ diximus cap. 2. hujus lib. & Enarra. 1. cap. 3. de sputorum abundantia, in principio morbi. Ego quidem existimo Sennertum veritati consentanea afferre, nisi quis dicat, inflatis pulmonibus aëris inspiratione, eos pleuram contingere, eoque tempore sanguinem ab ea exudantem fugere; à pleura autem decidere supra diaphragma, deinde à pulmonibus attrahi, ut tussi per os rejiciatur, impossibile est, non enim exudat à pleura exanguis, in tanta quantitate, nec ad os perveniret ita rubicundus. Sed de sputo sanguinolento pleuriticorum, sat superque dictum. Redeamus ad reliquas partes ex quibus sanguis per os rejicitur, ut sunt aspera arteria, guttur, & partes oris. Ab aspera arteria sanguis parcius, quam à pulmonibus rejicitur, & leviori tussi, & interdum species est doloris urentis in parte, in qua ruptio, aut erosio facta est. A gutture descendit in stomachum, & si laryngem attingat, movet tussim aliquatenus, dolorque etiam interdum percipitur in gutture. Ab ore, & gingivis, simplici salivæ emissionem spuitur. His omnibus rite perpenſis, parte scilicet affecta, & quo modo afficitur cognita, ad curationem veniendum, accurata in primis, victus ratione instituta, quæ in universum consistit in abſtinentia eorum, quæ sanguinem commovent, acrem reddunt & calefaciunt; & usu rerum frigidarum, & temperatarum, incrassantium, & astringentium: Interea statim præmittenda est venæ sectio, ex latere ex quo sanguis exire creditur, detrahenda quantum exigunt plethora, vires, ætas, & anni tempus; postea vero ad revellendum, sæpe, & parum est detrahendum, v. g. ꝑiiiij. digitum vulnere imponendo per vices, ut major, in parva quantitate sanguinis extracti, fiat revulsio. Vena etiam malleoli aperienda, si men-

Signa, quibus dignoscitur sanguinem ab aspera arteria, gutture, aut ore rejici.

Dietæ maxima in hujus affectus curatione est habenda ratio.

ses, vel hæmorrhoides sint suppressæ, aut ut solebant, non fluxerint. Remedia per os sumenda, præter multa quæ in ordine alphabetico describuntur, tria hic proponemus. Primum est laudanum, quo utor in variis morbis, simplicibus quæ miscentur cum opio, mutatis, pro natura morbi, & partis affectæ positione, quæ postulat, ut ajunt, ducentia ad partem affectam, cum in locis est remotioribus, ut pulmo, ad quem ut ab ore remedia, aut eorum virtus perveniat, longa interiacet via; Pro ventre enim, cum agitur de aliquo dolore laudanum postulante, tantum addo castorium, quod & doloribus colicis, & corrigendo opio est accommodatum. Pro somno simpliciter conciliando, crocum admisceo; At pro pulmone, & sputo sanguinis, sic componimus.

Bolus anodynus.

℞. Opii in tegula, aut alio instrumento exsiccati, gr. j. aut iß. & ad summum gr. ij. boli arm. masti. terræ sigil. croci, carab. ana gr. viij. irid. flor. gr. iiij. cum syrupo cydon. fiat morsulus, capiat hora somni, quem si optime conciliaverit, repetatur eadem dosi, intervallo unius, aut alterius diei interposito; sin minus, postera die, dosim opii augendo.

Secundum, est potio adstringens cum sale prunellæ.

Haustus adstringens.

℞. Aquæ plantag. ℥iiij. boli arm. lap. hæmat. & salis prun. ana ʒß. syrupo cydon. ʒj. fiat potio, mane, & sero sumenda.

Tertium, est decoctum vulnerarium, quod multis profuit sanguinem spuentibus, cujus hæc est descriptio.

Decoctum vulnerarium

℞. Sanic. bugulæ, pimpi. pulmon. regi. prati ana mß. sem. gossi. ʒß. fiat ex his decoct. capiat mane & sero ℥iiij. cum ʒß. pulv. canceror. fluviat. in furno exsicce. & pergat in usu per aliquot dies; potest quælibet dosi, saccharo dulcorari ad libitum sumentis. Jussi his diebus elapsis cuidam ægrotanti, qui vasculum sanguinis e pulmonibus, post longam tussim rejecerat, ut hoc decocto, saccharo dulcorato uteretur pro potu ordinario, & ab eo tempore sanguis restitit.

P R O G N O S T I C A.

A Sanguinis sputo, puris sputum, malum. Hippoc. apho. 15. sect. 7.

Sanguinem quidem supra ferri, qualiscumque sit, malum. Hipp. apho. 25. sect. 4.

Juvenibus sanguinis sputiones. Hippo. aphor. 29. sectio. 3.

Qui sanguinem vomunt, sine febre quidem salutare; Si vero cum febre, malum. Hippo. aphor. 37. sect. 7.

Qui sanguinem spumofum extussiunt, his à pulmoneeductio fit. Hipp. apho. 13. sect. 5.

Mulieri sanguinem evomenti, menstruis erumpentibus, solutio fit. Hippo. aphor. 32. sect. 5.

Sanguinis sputum ex pulmone, si intra tres dies non curatur, superveniente phlegmone, incurabilis redditur. Galen. lib. 5. metho. cap. 13. & 14.

Sanguis à pectore, minori cum periculo est, quam qui à pulmone rejicitur.

Ubi malum vetus est, medicinæ non est locus.

Sanguinis sputum, si diu tenet, transit in tabem.

Ex venâ rupta, magis impendit periculum de præsentī; ab erosâ, de futuro. Anastomosis his minus periculosa; Diapedesis autem minime omnium.

Vena rupta si coalescat, iisdem de causis iterum potest aperiri.

Recens ruptio difficulter sanatur.

Sanguis ex ore, & gingivis profluens, eo qui ab aliis partibus rejicitur, minus periculosus.

Qui à faucibus, interioribusque partibus profluit; majoris est periculi.

Sanguis à capite defluens curationem non habet difficilem, nisi intus retentus putrescat.

Enarrationes de quibusdam Ægrotis.

OBSERVATIO PRIMA.

Mulier quædam per spatium sex mensium, & amplius, maximo sanguinis profluvio, per brevīa intervalla ex utero laborans, multis, & multo tempore tentatis, videbatur sanata, sed adventante mensium tempore, & ipsis fluentibus, sequēbatur postea idem profluvium ægre cedens remediis, quod multoties accidit, mihi multum negotii faciens; Tandem Deo volente sanavimus. Post aliquot menses duplici tertiana

Mulier post uteri hæmorrhagiam in sanguinis sputum incidens, phthiri extincta.

correpta est, in cujus processu, cepit multum sanguinis ex ore rejicere, cum dolore capitis, & faciei rubore; sanguine spumoso non existente, nec ita rubicundo, ut à pulmonibus exire creditur, à capite defluere pronuntiabam: Sed cum per parva intervalla recurreret symptoma, multumque sanguinis rejiceretur, ex modo exeundi, licet sine multa tussi, & ex virium jactura, ex pulmonibus sanguinem efferri, haud dubie affirmavi, existimans qui deorsum alias ferebatur sanguis, sursum ascendisse, unde pulmo tandem affectus dextra sui parte, in quam decumbere nullo modo poterat ægrota: omnibus frustra tentatis, licet sanguis restitisset phthisi consumpta est, maxima spirandi difficultatè in fine morbi suffocata.

OBSERVATIO II.

Sanguinis
sputum dosi
laudani sa-
natum.

Vocatus in castellum cujusdam nobilissimi viri, ut sororem uxoris inviserem, quæ à tribus diebus sanguinis ptyalismo, laborabat: veniens, rei novitate stupui videns tria mantilia sanguine conspurcata, simplici spuitione, sine tussi, & excreatione. Cum sibi venam tundendam curasset, obambulans sine febris; præscripsi tres doses laudani more nostro confecti, de quo supra, & in præsentì.

℞. Boli arm. mast. carab. ana scrup. j. croc. scrup. β. opii gra. iij. cum syrupo cydon. fiant tres morsuli pro tribus dosibus fumendis, qualibet in ingressu lecti; à quarum usu cessavit sanguinis ptyalismus:

OBSERVATIO III.

Phthisis a
sputo san-
guinis.

Juvenis quidam sputo sanguinis derepente correptus, adhibuit omnia quæ ad hujus affectus curationem conferre videbantur; sanato sanguinis sputo, sibi & aliis sanus videbatur, non revertente tamen amplius, sanguinis sputo, sensim tabe correptus est, & consumptus: Quod multis aliis advenisse animadverti; ideo sanato sanguinis sputo, non est fidendum, licet puris sputum post longum tempus non appareat; Imo non apparente puris sputo, sed tantum puriformi, non minus propterea phthisis subsequitur, ut cap. de phthisi dictum est.

OBSERVATIO IV.

Quidam vir fluxionibus in pulmones obnoxius, tandem sanguinem rejiciens, ab omnibus phthisi consumptum iri credebatur: Mansit in hoc statu per quosdam menses, à quibus ab phthisi quidem liber factus, fluxione tamen in pulmones perseverante, puriformiaque spuens, ab ea fluxione post aliquot annos obiit. Plures hujus conditionis vidimus ægrotantes, quibus fluxio in pulmones, minabatur exitum per phthisin, parum interdum sanguinis spuentibus, quorum aliqui ad 50. alii ad 60. annum vitam protraxerunt, tussiendo, & materiam perpetuo in pulmones delabentem excreando, donec à causa præcipue externa, geminata fluxione, subortaque febri continua, non valeret pulmo jam debilis factus se extricare, affectu, de quo jam cap. 2. hujus lib. morientes.

A fluxione in pulmones sputum sanguinis, puris & tandem mors.

OBSERVATIO V.

His diebus elapsis, vir quidam nobilis, post longam equitationem æstivo tempore, veniens Burdegalam, mansit præ calore in lecto tota nocte sine stragulis, unde corpus refrigeratum sensit, surgens mane rauca voce loquebatur; sed cum ulterius iter esset suscipiendum, sub sole equitans, cessavit rauco, veniens tamen domum suam iterum rediit rauco cum tussi: Consulebam ut venam sibi tundendam curaret, quod spernens perseverante tussi, post mensem aut circiter, cepit ex improvise, sanguinem ex ore cum tussi rejicere, ad quantitatem vasculi: Nolebat eum esse à pulmonibus, ex modo tamen exeundi, licet sanguis non esset spumosis, rogavi ne sibi imponeret, audacter affirmans, hunc sanguinem educi ex pulmonibus. Venam itaque bis tundendam curavi, præscripsi decoctum vulnerarium supra descriptum, pro potu ordinario, & sequentem opiatam, cum victus ratione accurata.

A refrigerato corpore post sudorem, rauco & sanguinis sputum.

℞. Rad. consolid. major. ℥j, conf. ros. rubr. ℥ij. boli arme. lap. hæmati ana ʒj. cor. rub. ʒß. margar. præp. scrup. β. sirup.

Aa

cy-

cydon. q. s. ad conficiendam opiatam, de qua capiat tribus horis ante pastum, ad castaneæ magnitudinem mane, & sero. Erat in animo laudani suprascripti quasdam doses præscribere; quia autem sanguis non amplius rejectus est prætermisi, monens non esse fidendum, etiam si à mense, sanguis ab eo non esset rejectus. Ex his observationibus constat, non semper requiri ut sanguis à pulmonibus sit spumofus; hoc enim non fit dum in magna quantitate rejicitur.





OBSERVATIONUM
NICOLAI CHESNEAU
MASSILIENSIS.
DOCTORIS MEDICI.
LIBER TERTIUS.

De dolore Stomachi.

CAPUT PRIMUM.



UM dolor sit de genere symptomatum, quæ Dolor est ex genere symptomatum. ut existant, causam præsentem desiderant; licet tribus modis sedetur, ut alio loco dictum est, via tamen securior, est causæ substractio; illa enim sublata tollitur effectus, dolor scilicet, qui symptomatum omnium cum sit gravissimum, nos ad se totos convertit, propria sæpe cura neglecta: Hæc tamen doloris causa, tutius, & commodius aufertur, quocumque loco extiterit, si pars affecta dignoscatur, tunc enim, & natura ipsius, & ejus affectus, & modi quibus profligandus facilius innotescunt. Galenus lib. i. de loc. affec. quinque signa enumerat quibus pars affecta dignoscitur, quorum primum, & potissimum, generatim loquendo, est actio læsa, In doloribus tamen, situs, & Situs & proprietas doloris cognoscenda. doloris proprietas, videtur esse majoris momenti, quia actio, sæ-

Indicium
dolentis sto-
machi.

sæpe non ita cito, & manifeste læditur; quod si lædatur, multum addit ad partis affectæ dignotionem: Dolere enim, vel dolorem augeri in regione stomachi, dum cibus conficitur, & ipso confecto sedari, aut minui, jure dixeris stomachum affici. Si quis autem more vulgi se gerens, aliquem è regione stomachi dolentem, ipsum stomachum affici contenderit, errabit sæpissime, falsus à vicinis partibus, quæ aliquo modo stomachi dolorem valent repræsentare, ut colon qua parte pertingit stomachum; & peritoneum è regione stomachi, si quis humor acris per has partes oberret, ambæ enim sunt exquisiti sensus, Musculi, & cutis, minus acute dolent, causa tamen existente valde dolorifica, dubitamus de parte dolente, nisi levi tactu dolor exasperetur: Jecur qua parte stomacho incumbit, aliis minus dolet, Ideo dum circa viscera, ubi plures partes sunt positæ, dolor aliquis infestat, non statim ex solo situ, pars affecta talis putanda, qualis nobis videtur, sed cogitatione omnes quamprimum sunt assequendæ, quæcumque à corporis superficie, ad profundum usque sibi subjacent, è regione doloris, aut quadam se vicinitate contingunt, deinde tenere, quale sit uniuscujusque officium; ad quæ doloris proprietas cujuslibet, venit tertio loco consideranda, quæ stomacho cum sit peculiaris, multum conducit ad illius cognitionem; dolor enim stomachi hoc addit supra aliarum partium dolorem, quod angorem invehat, vires prosterнат, si urgeat, & symptomata gignat, quasi dolente corde; unde veteres, stomachi dolorem cardialgiam vocaverunt, sicut & vulgus hominum. Propria cujusque partis accidentia, non parum faciunt affectæ cognitionem; dolente enim regione stomachi, si accidat singultus, nausea, aut vomitus, audacter quis pronuntiabit stomachum affici, cum nulla sit pars quæ talia patiat̃ur symptomata, utrum autem condoleat tantum; aliarum patrium morbi, si qui sint, investigandi. Ultimum signum partis affectæ dignoscendæ, propria sunt cujusque partis excrementa, quod in doloribus stomachi omnium est minoris momenti, ut pars affecta dignoscatur, potest tamen doloris causam manifestare, ut si bilis vomatur, bilem parere dolorem verisimile putatur, si vero pituita, pituitam, & sic de aliis: Parte affecta nobis cognita, ad causæ doloris

Veteres stomachi dolores cardialgiam vocaverunt.

Causa doloris duplex

doloris investigationem incumbendum, quæ secundum communem Medicorum sententiam, duplicis est generis, *intemperies*, & solutio continui; multi tamen doctrina, & rerum usu clarissimi, affirmant nullam intemperiem, posse dolorem efficere, nisi agat in conituum, quod verisimile omnino videtur; memini enim me vidisse mulierem, quæ è regione non multum calida veniens Massiliam, toto autumnno, & hiberno tempore bene habuit, in fine autem veris, & æstate, à caloribus insuetis incalescente sanguine, tumores fiebant in manibus, brachiis, & genis, cum rubore, mediæ partis mali aurei magnitudine, qui quidem digitis compressi, non dolebant. Ita etiam contingit in quibusdam febribus, in quibus recidivam patiuntur ægroti, in qua nullus est dolor capitis, licet in primo morbo, eo divellerentur; quod tunc essent humores acres, & calidiores, agentes in continuum, qui magna ex parte, vel omnino absumpti, remanentes pro recidiva minus acres, & calidi, non agunt in continuum, aut saltem exiliter, unde dolor, aut nullus, aut parvus. Sed quomocumque res se habeat, dummodo tollatur causa doloris, satis est curanti: *Intemperies* igitur, si adsit, dolorem pariens, corrigenda, quia perseverante pars debilitatur, excrementa cumulantur, quæ postea augment intemperiem, vicissimque augentur ab ea, & sic abyssus abyssum invocat: Quæ quidem intemperies, calida est, aut frigida; calidæ, sicca ut plurimum jungitur; frigidæ, fere semper humiditas: *Intemperiem* calidam sequuntur humores biliosi, & acres calidi, à quibus oris amaritudo, sitis, inappetentia, interdum nausea, & vomitus biliosi, alviq; excrementa, quæ vel omnia aderunt, vel horum quædam; his junges temperamentum, ætatem, regionem, anni tempus, victus rationem, ex quibus bilis fit proventus, quæ si corrumpatur, febrem accersit. Frigidam intemperiem comitantur humores pituitosi, & frigidi, qui si tantum frigidi, aderit sensus frigoris in regione stomachi, & sputatio frequens, sitis non urgebit, nisi salsum aliquid insit; & si flatuum generatio exitum non habentium, fiet stomachi distentio, aut frequens ructus, aliquando singultus, interdum nausea, & vomitus pituitosi, ciborum appetitio constabit, nisi ad extremum deducta

*intemperies
& continui
solutio.*

*Intemperiem calidam
sequuntur
humores biliosi & acres.*

Lib. 5. de
loc. affect.
cap. 7.

Benignitate
cibi, qualitas
bilis acrioris
obrunditur,
& mitescit.

Pituitæ falsæ
signa.

Cardialgia
quid?

Cardiogmos
quid? Card-
iaca passio.
Causæ ho-
rum affe-
ctuum.

sit intemperies, quæ in biliosis affectibus amittitur; calidas enim intemperies nunquam comitatur, ex Galeno, cibi cupiditas. Si pituita fuerit falsa, & acris, aderit ut à bile, erosio, morsus, & pro ratione causæ, angor, sensus tamen caloris major à bile: Dulcis autem pituita dolorem non parit, nisi quantitate nimia, aut flatuum generatione, distendat stomachum, vel sit imbuta qualitate illi inensa, quod sæpe aliis humoribus accidit, præter qualitates quas habent manifestas: A cibo infestat magis dolor à pituita; à bile vero ante cibum, ut aiunt, sed hoc non est perpetuum: Cum autem hoc accidit, ea ratione fieri existimandum est, quod benignitate alimenti, qualitas bilis retundatur, & mitescat; pituita vero, non quidem falsa, cum magis abundet, stomacho cibum amplectenti, humiditate innata relaxando, laborem affert, adde quod remanente ciborum appetitione, cibus magis repletur stomachus, quod non fit, dum bilis existit causa doloris, eo quod cibi cupiditas eam non comiretur. Dolor tamen stomachi, si valde urgeat à quacumque causa, prosternitur ciborum cupiditas, licet magis à calida. De pituita falsa, non sic statuendum, ut de pituita dulci; illa enim in parva quantitate, lancinat stomachum, quod benignitate cibi potest demulceri, sicut in dolore qui fit à bile, cum qua habet pituita falsa quædam communia signa, morsus scilicet, singultus, nausea, vomitus, angor: Sed si arthritici dolores magis, aut minus sæviunt, pro salium varietate, quæ humoribus excrementitiis immiscentur, ut proprio cap. ostenditur; eadem prorsus ratione differendum, de omnibus partium doloribus qui pro ratione salis immixti excrementis, pariunt in stomacho cardialgiam, vel cardiogmum, vel cardiacam passionem: Cardialgiam cum dolor infestat sine sensu rei mordentis, aut vellicantis, urget tamen cum languore; neque enim dolor omnis stomachi cardialgia vocatur, nisi languorem invehat cum virium prostratione; Quod si cardialgiæ vellicatio, aut rei mordentis sensus accedat, cardiogmos dicitur; Cardiacæ vero passio, cum maximus sit angor, & virium prostratio, corpore immodico sudore exulato. Horum trium affectuum causis, præter humores jam dictos, plures annumerantur, cibus corruptus in stomacho; sive ante quam ederetur,

corruptionis haberet principia; five admiftione humoris cujufdam corrupti in ftomacho exiftentis, five folius ftomachi vitio: His lumbrici afcribuntur, qui atroces ftomachi generant fæpiſſime dolores; Medicamenta emetica, commotis pravis humoribus, aut motu violento divulfo ftomacho: ulcus ftomachi, & venena aſſumpta, in harum cauſarum numero eſſe nemo dubitat, ſicut & inflammatio; Converſionem autem cibi in phlegma, ut vocat Bayrius, pauci agnoſcunt, quæ longas, & atroces generat cardialgias, & cardiacas paſſiones, quas ipſe bis, facili negotio curavit, exemplo Galeni in principe Commodo, hauſta cum vino generoſo, ʒj. piperis nigri nebulis involuta, paulo ante prandium, pedibus deinde inunctis oleo nardino quam maxime calido involutis. Hic affectus ab aliis diſtinguitur, quod à ſumpto cibo, præcipue poſt prandium torquere incipiat; cum ſcilicet nititur ſtomachus cibos amplecti ut conficiat, quod cum maximolabore id efficiat, angorem illum patitur, quouſque perfecerit: Quo quis autem tardius prandet, eo tardius, & quo citius, eo citius malum invadit, quod pro cauſæ viribus, magis, aut minus torquet, minori aut longiori tempore: Ex quo colligere oporteret, ſtomachum primo, & per ſe affectum; multi tamen propriam cauſam ignorant, & aliunde advenire exiſtimant, quia affectus rariſſimus eſt, nec quiſpiam de eo ſcripſit, quod ſciam, præter Galenum, qui de modo curandi, quo ſupra ſcripſimus, ut ipſe refert in duabus enarrationibus cap. de converſione cibi in phlegma. His omnibus ſignis cauſa doloris, & parte affecta cognitis, expedit inveſtigare, non ſolum ad curationem, ſed & multo magis ad prophylaxim, an pars affecta doloris cauſam in ſe contineat, an aliunde excipiat, ut à jecore, vel liene, eorum excrementis ad ſtomachum tranſmiſſis; Ab utero, vaporum elevatione, aut ſuppreſſis menſibus, humorum tranſmiſſione; A capite, pituita liquidioris, & acris deſcenſu, quæ cauſa frequentior eſt, plus quam putatur, ut videbitur in enarrationibus: Quibus omnibus rite perpenſis facile erit remedia adinvenire, pro unoquoque genere cauſæ, five in parte conceptæ, five aliunde tranſmiſſæ. Utrum autem affectu proprio laboret ſtomachus, an aliunde patiat, non ſemper facile agnoſcitur, quam-

Lib. de præ
cog. cap. xi.

Non facile
dignoſcitur
an ſtomachi
affectus ſit
ſympaticus
an ideopa-
thicus.

vis

vis in proprio affectu, continuo, ut plurimum laboret; in aliis vero per intervalla: Accidit enim sæpissime, ut aliquo dolore perpetuo afficiatur stomachus, parte ipsum contingente affecta, aut semper aliquid de aliarum partium excrementis, ad eum confluentibus, præcipue cerebri: Accidit quoque ut tantum per intervalla, excipiat stomachus quid superfluum, ipsoque recepto, aliquo tempore tantum doleat, modo coctionis tempore, si amplexus ciborum impediatur, modo alio tempore; at à conversione cibi in phlegma, semper à cibo, & non alio tempore patitur stomachus, multisque sæpe mensibus, causa non cognita, A sumpto vero quodam cibo, quantitate, vel qualitate molesto, fere tantum semel afficietur. Multi ex frequenti applicatione regionis stomachi ad mensam, præcipue inter scribendum, conquerentur de dolore in illa, multo tempore perseverante, quem partibus vicinis, & stomacho superiacentibus inesse potius crediderim, quam in ipso. Dolor à flatibus distendentibus, inflatione se prodit, & levatione emissio ruetu, qui etiam demulcet, quem vapor acris excitat. Inflammationis signa facile agnoscuntur; veneni, vehementia symptomatum; ulceris, perpetuo dolore, vomitu, præcipue dum cibus sumitur, his adde si perulentum quid vomatur, aut sanguinolentum. Omnis denique doloris causæ notitia, semper aliquid dubitationis habet, à quo fonte originem ducat, sive sit continuus, sive tantum per intervalla recurrens; doloris tamen vehementissimi causæ investigatio, faciliior est, quam mediocris, quia id quod violenter agit, magis, & diutius se manifestat. In omnibus igitur ventriculi doloribus investigandum quænam causæ, atroces semper gignant dolores, quænam mediocres, quænam parvos; & quænam omnis generis, secundum causæ intentionem, quod passim hoc capite docetur: Investigandum etiam utrum ægrotantis cerebrum fluxionibus gignendis sit obnoxium, ab hoc enim fonte, plures, & omnis generis oriuntur incogniti ventriculi dolores, Investigandum denique an pars aliqua stomacho proxima laboret, quæ nobis imponat, aut ipsi stomachus condoleat, ut jecur, & partes aliæ vicinæ, præcipue colon, à quo sæpissime patitur stomachus, nihil in se mali continens; Quod colligitur ex quibusdam pur-

ga-

Signa inflammationis stomachi.

Plures stomachi dolores fiunt a fluxione ex cerebro.

gationibus, in quibus cum ad defectionem aguntur excrementa, per flexuosos intestinorum prolapsus, devoluta ad colon, qua parte attingit stomachum, dolorem ipsi inferunt cardialgiæ, & interdum cardiacæ passionis non absimilem, quæ statim quiescit facta defectione, quod sedem doloris aperte demonstrat. His rite observatis, omnes causæ quæ proprium valent stomachum affectum indicare, in memoriam sunt revocandæ: Primo quæ semper; & ubique, ut inflammationis, ulceris, & intemperiei signa, flatuumque distendentium, quibus annumeranda sunt omnia quæ in stomacho corrumpuntur: Deinde natura dolorum venit consideranda, qui duplicem possunt habere causam; vel in ipso stomacho genitam; vel aliunde transmissam. Quamvis autem sit quandoque difficillimum, agnoscere in principio, unde causa doloris existat; omnia tamen quæ hoc capite docentur, si rite perpendantur, à quo tandem fonte originem ducat innotescet. Si igitur aliquo morbo laboret stomachus, curandus: Inflammatio quæ rara est, refrigerantibus, calide sumptis, & admotis, quibus immiscentur quædam astringentia frigida, ut portulaca, plantago, fumach, rosæ omphacium, rubus, addito in iis quæ per os sumuntur, sale prunellæ. Venæ sectio, ut in omnibus inflammationibus, maxime convenit, & procedente morbo purgatio, ex cassia, & tamarindis, cum infusione ʒj. rhabarbari in aqua cichorei, & ʒß. salis prunellæ. Ulcus sanatur potionibus vulneribus dictis, quæ abstergunt, & siccant, ut illæ quæ recipiunt parum aristolochiæ recentis: Quod si dolor urgeat, lac caprilum decoquatur, & cum bullire inceperit, in illius ʒiij. vitellum-ovi cum suo albumine dissolvè, & bibendum dato medicriter calidum; potest opii gr. j. dissolvi: valet hoc etiam, in doloribus omnibus ab acri humore genitis. Intemperies, quæ semper accersit humores excrementitios sibi familiares, prout vel calida est, vel frigida, vel alterius naturæ existit, qui pravis suis qualitatibus dolorem potius excitant, quam sola intemperies; Ideo prius vacuandi, cum iis tamen quæ intemperiei adversantur, sive purgantibus, sive alterantibus; deinde intemperies corrigenda, præcipue frigida, tanquam stomacho magis contraria, & parens humidæ, quæ juncta frigidæ, illum

Cura morbi
ab inflammatione.

Intemperies
frigida præcipue corrigenda.

lum maxime enervat. Cognita intemperie, humores quos ipsa invehere solet expurgandi, deinde procuranda temperies parti innata; Difficile enim corrigitur intemperies, si pars sca-teat excrementis; imo ipsis vacuatis, nullo negotio pars affecta redit interdum in pristinum statum, præcipue si intemperies sit calida; frigida enim difficiliter tollitur, & nunquam perfecte, si sit inveterata: Qualiscumque autem fuerit, correctionis via duplex est, & prima fit qualitatibus contrariis; altera partis intemperatæ roboratione, quæ adeptis viribus, noxia expellit sine alio adjumento. Cum autem dolores, qualiscumque sint generis, mitescant calidis balneis, fotibus, & linimentis, ex modice calidis, quæ *paregorika* dicuntur, idest consolandi, aut leniendi vim habentia; causa doloris non cognita, ad calida potius medicamenta inclinandum modice calida, quam ad frigida; accedit ad hoc, quod calidum naturæ nostræ sit magis amicum: Quamvis autem intemperies sola, non sit causa doloris, nisi in quantum valet agere in continuum; calida tamen, augent sæpissime dolorem per accidens, aut saltem calor superveniens, incalcescentibus ab eo excrementis in parte existentibus, quæ jam aliquem dolorem inferebant; eo quod excalfacta, agant magis in continuum. Hoc patet dilucide in quibusdam febribus quæ dolori supervenientes illum exasperant; alias vero mitigant, secundum qualitatem humoris dolorem facientis. Ex his concludendum, magnam adesse intemperiem, cum ipsa sola causa doloris est; nam qualitates elementorum, quas activas vocant, non pariunt nisi in quarto gradu, quod si in aliis gradibus constitutæ id efficiant, hoc fit potius ab humore, aut vapore acri vellicante, aut maligna aliqua qualitate; intemperies tamen semper corrigenda, cum causa doloris est, sive proxima, sive remota. Calida stomachi intemperies corrigitur sero lactis cum saccharo rosaceo; videntur tamen ne fiat nimia refrigeratio, etiam cum febris adest: Multi enim propter febris ardorem, aqua frigida se ingurgitantes, in maximum stomachi debilitatem inciderunt; imo & in ipsum hydropem, via igitur securior, sunt pullorum juscula ex herbis refrigerantibus, in quibus parum omphacii inditur; nam Paracelsus, in quibusdam experienciis, refert se mulierem dolore

Calidum naturæ nostræ amicum.

Calida intemperies stomachi quomodo corrigenda. Aqua frigida assatim pota multorum malorum causa.

lore stomachi laborantem sanasse, dato panis frustulo in omphacio intincto: Potest etiam in hujusmodi jusculis, loco omphacii ꝑ. salis prunellæ dissolvi. Extrinsecus valet unguentum rosaceum, epithema ex aquis rosarum, plantaginis, solani, cum santalo citrino; aut fiat decoctio ex foliis lactucæ, portulacæ, plantaginis, rubi summitatibus, floribus rosarum, violarum, & nymphæa, addendo parum aceti rosacei. Frigida intemperies, quæ frequentior est, & quæ cito humidam accersit, corrigitur calefacientibus cum astringitione, ut sunt vina aromatica, clareta simplex, & composita, syrupus caryophyllorum, cum aquævitæ, aut vini infusione factus, prout magis, aut minus calefaciendum; Ros solis, qui nunc circumfertur, & aliæ aquæ vitæ compositæ, plurimum valent in calefaciendo stomacho; verum in imbecilis vim inferunt stomacho, ejusque spiritus insitos dissipant nisi condiantur saccharo. Si autem humida intemperies prævaleat, præter jam dicta, condimentum obscuriorum ex cortice mali aurei probe maturi, potentissimæ est virtutis in siccando, cum adest multa sputatio. Usus theriacæ veteris, ad ꝑ. mane sumpta, jejuno stomacho, & tribus horis ante cibum, superbibendo parum vim rubri, optimus est: nec eodem modo sumptæ, spernendæ nuces conditæ, caryophyllis, & cinamomo transfixæ. Gratissimus gustui, & stomacho utilissimus cortex citri saccharo conditus. Pro pauperibus, superficies corticis citri, aut loco ejus mali aurei tenuissime incisi, & ficibus Massiliensibus superpositi, si manducetur, ejus vicem supplere potest, aut utantur vino absynthite per aliquot dies. Extrinsecus fiant fots ex herbis calidis, inter quas primas tenent mentha, & absynthium, rosis rubris, in vino rubro, & aqua fabrorum decoctis, inunctione postea facta ex oleo nucis moschatæ calido, aut crusta panis tosta in vino generoso madefacta, & pulvere caryophyllorum, nucisque moschatæ aspersa calide superposita, vel gestetur aliquod emplastrum roborando stomacho dicatum, ut illud quod describitur in ordine remediorum alphabetico, nec oleum, nec ceram recipiens. Quia autem intemperies sola, diu non potest permanere, quin humores excrementitios invehat sibi congenere, ut diximus supra, pro natura cujusque humoris expurgan-

Humores expurgandi aut Cathartico, aut Emetico medicamentis.

di; primo per inferiora, quo nihil proficiente, per superiora; si ægrotus facile vomat, sumpto identidem paucio iusculi, ad facilitatem vomitui afferendam: Quibus administratis, si dolor sit pertinax, & urgeat, detur pilula laudani ituro cubitum. Cetera describentur in Enarrationibus, & ordine remediorum alphabetico.

P R O G N O S T I C A.

Cardialgia cum febre semper mala.

Cardialgia à rodentibus humoribus vel à morfu lumbricorum, statim aliquando interficit.

Cardiacus affectus in febre acuta, periculum minatur.

Cardiaci affectus, multi ab humorum descensu occulto, à capite.

Cardiacus affectus, periculosior iis, qui os ventriculi valde sensibile habent.

Ab inflammatione, periculosus oris ventriculi morfus.

Non febricitanti, cibi fastidium, oris ventriculi morfus, vertigo tenebrosa, & oris amaritudo, purgatione per superiora opus esse significat. Hippocr. Aphor. 17. sect. 4.

In febribus, vehemens æstus circa umbilicum, & cordis morfus, malum. Hippo. Apho. 65. sect. 4.

Enarrationes de quibusdam Ægrotis.

O B S E R V A T I O P R I M A.

Ulcus stomachi sanatum.

Pater quidam Ordinis sancti Benedicti, cepit dolere è regione stomachi, cum vomitu, vocatis Medicis, tanquam colica laborans curabatur; multis autem mensibus elapsis, perseverante dolore, & vomitu, corporisque macie accedente, cum virium prostratione, accersitus est Medicus rerum usu, & doctrina clarissimus, qui videns alios, doloris causam, suis tanto tempore non potuisse profligare auxiliis, alium à colico dolore affectum affirmavit, ulcus scilicet in stomacho, cujus magnitudinem, ab eo quod vomitu rejiciebatur demonstrabat; nescio utrum imperitis imponeret, remediis saltem ad id adhibitis, præter sui ipsius spem, ægrotantem sanitati restituit, qui mihi hæc enarravit: Ex quibus

bus priores Medicos non valde rerum usu edoctos existimandum est, quibus dolorem continuum, & frequentem vomitum, tanto tempore perseverantem, cum corporis extenuatione, & virium lapsu, alium à colico dolore affectum excogitare, non venit in mentem. Vide centu. vj. histor. anatom. Thomæ Bartholini, histo. xxj. de quodam, qui tragacantho cum aqua florum rorismarini, sanatus est ab ulcere stomachi.

OBSERVATIO II.

Mulierem trigessimum annum agentem febris continua invasit, cum atroci dolore stomachi; Secundo die pulsus factus est intermittens cum extremorum frigiditate: His perterritus symptomatibus, statim in morbi principio apparentibus, malignum quid fuisse affirmavi, resque ægrotantis in maximo versari periculo. Cum autem in stomacho causam inesse non dubitarem, consului ægrotanti, ut medicamento purgante idoneo, stomachum elueret, quod ipsa recusabat, se perituram affirmans, propter virium debilitatem; meis tamen precibus, & rationibus victa, sumpsit 4. die medicamentum ex infusione ʒj. rhabarbari in aqua cichorei, in qua ʒß. catholici dissoluta est, & ʒß. pulveris ejusdem rhabarbari; à quibus quater venter dejecit, vomuitque vermem teretem satis magnum, quo ejecto omnia placata sunt, die quinto extitit sine febre; miratus unicum vermem, hæc lethalia symptomata tam cito invenisse, & tam cito simplici, & vulgari medicamento cessasse.

Dolor stomachi cum febre continua & pulsu intermittente a Lumbrico.

OBSERVATIO III.

Vir quidam religiosæ societatis, dolore quodam stomachi per sex menses affectus, cum maxima inappetentia, & interdum febricitans, tamen obambulans; cum multis adhibitis remediis nihil proficeret, venit in hanc urbem, in qua adhibito duorum Medicorum consilio, multis usus est remediis, scilicet purgationibus, venæ sectionibus, apozematibus, alternatim purgantibus & roborantibus, topicis, sicut & opiatibus per os sumptis, parumque proficiens, nisi quod interdum meliuscule haberet; Tandem adventante potus aquarum mineralium tempore idoneo, præscriptissimus usum earum, quæ de Villaranque vocantur,

Dolor stomachi tertio potu aquarum mineralium sanata.

tur, juxta Rationem scaturientium quibus virtus vitrioli inesse creditur, ex quarum usu, spatio septem dierum, sanitati omnino est restitutus. Post aliquot menses, octo circiter, præscriptum vitæ modum nullatenus servans, in eundem affectum incidit, in quem pluribus ut antea frustra tentatis, ad easdem aquas confugere oportuit, quarum usu iterum sanitatem recuperavit, discessitque in alterum cœnobium. Post duos aut tres annos, rediens in hanc urbem, correptus eodem affectu; acriter disputatum est à me, contra alium Medicum, qui alias ad curationem hujus ægrotantis mecum adhibitus fuerat; cujus sententia erat, causam antecedentem symptomatum omnium ægrotanti supervenientium, petendam esse à liene, ut & multi aliorum locorum Medici crediderant: Ego vero negabam, fretus doctrina Galeni, & experientia, quæ docent aliquod ex visceribus, aliquo affectu chronico, & notabili, laborare non posse, bono existente faciei colore, quæ fere semper in eo rubicunda erat; Quapropter culpam potius capiti referendam esse, à quo sensim delabebatur humor in stomachum, dolorem, inappetentiam, corporis gravitatem, & quandoque febrem pariens. Cum autem ægrotus nullibi audivisset Medicum, qui in ea fuisset sententia, meæ non ascripsit, credens se alteri Medico, qui ut & alii multi, affectum à liene originem ducere affirmabant; ego vera facta prognosi, totum illi curandum reliqui qui à præmissis jam universalibus, pyroticum tibiæ sinistræ inurendum, imperavit, abducendis à liene humoribus excrementitiis, quo fluere incipiente, magnus factus est humorum decubitus super tibiā, cum rubore, & dolore, ut ab aliis Religiosis mihi relatum est, quibus per ludibrium dixi; oportet nunc fateri, Patris lienem non parvo tentari affectu, cum tot scateat excrementis: Quomodo autem hoc fieri possit, constante vultu in statu sanitatis, prorsus ignoro. Medicus qui Patrem curandum susceperat, nitebatur venæ sectione, iteratissime purgantibus, fluxionem avertere; nihilominus tamen, paucis post diebus à prima fluxione, alia facta est in tibiā dextrā: Nunc demum, etiam per ludibrium, respondi, hoc ad me deferentibus; & lienem, & jecur, habet Pater male affecta; ut quid hoc stabit, cum bono faciei colore: Nunquam mihi

hoc

Lib. 2. de loc.
affect. cap. 3.
& lib. de atra
bile.

hoc quis persuadere poterit, etiã doctrina clarissimus; Solum enim caput gignendis hujusmodi fluxionibus obnoxium est, ipso manifeste non læso, & sanis adhuc visceribus: Quod si quispiam, etiã & ipse ægrotus non crediderit, scire eos velim temporis progressu, causæ propagatione, hoc cognitum iri, ut docuimus cap. de fluxionibus; quod ita accidit, ut videbimus. Tantam humorum copiam in tibiis irruentem, videns Medicus supradictus, operæ pretium duxit, aliis nihil proficientibus absumendam materiam exsiccante victus ratione, cum sudorum provocatione, diætã communiter dictã, qua nihil emolumenti percepit ægrotans; stetit enim tumor in utraque tibia, interdum major, cum dolore, & rubore, interdum minor, sicut & alia symptomata, pro quantitate humoris præcipitantis à capite. Interea factus est etiã humorum decubitus in brachium dextrum, quo uti non valebat, nequidem ad scribendum: Tunc animo volutans ægrotus, quæ à me audiverat, fontem omnium malorum suorum, à capite ducere originem, cepit omnia tædio habere quæ fiebant ab altero Medico, dixitque ægrotorum curam habenti, velle se totum mihi committere, nec præ me ullum Medicum expetere, rogavitque illum hoc ad me deferre, & ut illum convenirem, de omnibus confabulaturus, quod me facturum promissi. Cum autem ambo deambularem, narraretque omnia quæ acta erant, seque nunc certo scire confiteretur, præcipue ex brachii fluxione, omnia quæ patiebatur, & à longo tempore passus fuerat, originem duxisse à capite, nunc vero quid facto opus esset statuendum: Respondi omnia fluxioni avertendæ idonea esse faciendã, nulla ratione habita lienis, aut tibias toti fluxioni excipiendæ exponeret, neque veritus sum fateri, nunquam toto vitæ decursu, à tali fluxione fore immunem, quin per intervalla repeteret, prout vitæ rationem servasset, & alia auxilia adhibuisset: Primum igitur consului, ut quolibet mense, medicamento purgante satis valido uteretur. Irruente cum majori impetu fluxione, sanguinis missione ex brachiis averteret ejus impetum, caputque à frigore quantum posset defenderet, & vitæ modum sæpissime præscriptum servaret; periculum enim esse, ut rheumatismo partes externas deferente, & ad

in-

interiora converso partem aliquam vitæ necessariam depraveret.

OBSERVATIO IV.

Dolor stomachi aquis mineralibus sanatus.

Quidam religiosi Ordinis sodalis, conquerebatur de quodam stomachi dolore, ad medium sterni interdum pertinente; licet autem dolor non multum urgeret, moleste tamen eum habebat, consueta sæpe munia obire impediens, læsa appetentia, cum faciei pallore insolito. Dolor quidem per longa temporum intervalla recurrebat; semel autem invadens, multis diebus perseverabat, inæqualis tamen. A purgatione, & roborantibus stomachum remittebat; statim autem cum recitandis precibus de nocte surgeret, revertebantur dolor. In hac affectus recurrentis vicissitudine frustra laborans, statui perfectæ curationis adipiscendæ animo, potum aquarum mineralium *de Villaranque* præscribere, quibus, quorum doloris causam, sicut & istius, fluxioni à capite tribuebam, quæ per intervalla fiebat, prout esset internarum concursus; Ægrotans enim erat alias obnoxius hemicraniæ humore in capite confidente, statim atque genito, liber quidem degebat ab hemicrania, sed aliæ partes deorsum positæ afficiebantur; descendens enim humor per œsophagum in stomachum, sensum doloris, præterfluens, in medio pectore inferebat, & in stomachum, in quo confidebat; à quibus liber factus est, prædictarum aquarum usu, omnia sodalitis munia obire valens, jussique ad præcautionem pyroticum brachio inurendum, fluxionis derivandæ animo; monui etiam, ut quantum fieri posset, caput tueretur à frigore; ter aut quater in anno, medicamento purgante uteretur: Si autem iterum his doloribus affligeretur, ad aquas minerales confugeret.

OBSERVATIO V.

Ferinus humor Doloris stomachi, oris exulcerationis; & mortis causa.

Vir quidam nobilis 60. annorum, firma satis usus toto vitæ decursu valetudine, incidit in rheumatismum, variis juncturarum doloribus afflictus; Cum enim unus abscederet, alius novam articulationem adoriebatur, liberumque putans interdum se esse ab omni dolore, novis de nocte afficiebatur Pluribus 15. aut 20. dies adhibitis auxiliis, tandem convaluit, mansitque

sitque sanus toto triennio, à quo apud me conquestus est de quodam stomachi dolore, cum inappetentia. Affectus non videbatur in principio esse magni momenti apud vulgus, quod vir ille nobilis solita munia obiret, prout ejus ætas postulabat; infidebat tamen in vultu aliquid non spernendum, quoniam ex Hippocrate, in parvis morbis facies si fuerit mala, malum signum est. Propterea monui ægrotantem, ut rationem haberet suæ valetudinis, antequam malum per longas moras invalesceret. Sed cum à remediis per os sumendis esset maxime aversus, & in ea semper fuisset sententia, Medicinam non valere morbis curandis, sed tantum demulcendis, diesque nostros esse præfinitos, omnia spernebat consilia. Tandem perseverante affectu cum majori inappetentia, & virium lapsu, suorum precibus dedit, ut consilium duorum Medicorum iniret, qui alias adhibiti fuerant in curatione rheumatismi, quorum ego unus eram, & in ea sententia, quod eadem nunc esset causa præsentium symptomatum, quæ alias fuerat rheumatismi, viam mutante humore à partibus externis, ad stomachum, inclinante ætate, facta minus valida expultrice, ut humores à capite præcipitantes ad exteriora propelleret: Quod etiam si in rheumatismo, ut docemus proprio capite, hoc non concederet alter Medicus, nunc tamen sententiæ meæ ascripsit, omniaque præscripta sunt fluxioni avertendæ, & affectæ parti roborandæ, & consolandæ idonea, erat ferinus humor, ut videbimus infra; Sed ipse parvi pendens omnia, suo genio vivebat, semper tamen occurrens illi, coquerebatur de iisdem symptomatibus, sed præcipue de inappetentia; ego vero quæ multoties dixeram, respondebam, ejus affectum esse majoris momenti, quam ipse existimaret, cum jam nunc febris aliqua deprehenderetur, & nisi mature succurreret, non esse in posterum occasionem faciendi. Cum autem tempus utendi aquis mineralibus instaret, quibus nihil conducibilius omnium suffragiis, ad hunc affectum, consulebam ut illis uteretur, sed surdis auribus canebar; vires tamen in dies sibi minui consitebatur, omniaque præter vinum, respuere stomachum, neque se pessime ægrotare putabat, ut suis sæpissime prædicebam, licet alter Medicus contrarium assereret. Tandem accedente hieme omnia

Lib. 6. epid.
sect. 2.

symptomata invalescebant, idoneum tamen curandi tempus, & aquas minerales sumendi, elapsum erat; nihilominus sibi jam timens, erat animo remedia adhibere, sed intempestive, febris enim magis urgebat, cum quotidiana circa vesperam exacerbatione, quæ uno die, major erat altero, omniaque in pejus ruiebant tamen purgationes administratæ sunt, venæ sectiones ex brachiis, ex salvatella, & ex malleolo, propter febrim, quæ nullo modo remisit. Tandem causa quam à capite originem ducere semper prædicaveram, omnibus innotuit, fluxio scilicet, quæ linguam carni noviter à pelle expoliatæ non abfimilem effecit, & rheuma ferinum evalisse conclusum est, nec mirum; progrediente enim morbo, & guttur affectum est, impedita transglutitione, ulteriusque progrediens humor, fluxum ventris excitavit cum dolore, & rubore in circuitu ani. Ad demulcendam hujus humoris feritatem, lactis usum præscripsimus; sed octo diebus elapsis nihil proficiens dimisimus, lædere enim incipiebat, qua de causa, recordatus eorum quæ de aquis mineralibus dicta erant, experiri optabat, sed deficiente natura, omnia deficiebant, aucto enim gutturis malo à ferina fluxione, per tres dies nihil valens deglutire, postulans sibi aliqua semper fieri remedia, qui antea illa spreverat, mortuus est, miserum cum languore per duos annos trahens spiritum. Discant ceteri ægrotantes tempore idoneo, & cum morbus altas nondum egit radices, validisque viribus, remedia adhibere; cum autem mala per longas invaluerè moras, de salute fere semper conclamatum est.

OBSERVATIO VI.

Cardiognus
ab humore
acri.

Vir quidam urbanus, & eruditus de nocte dormiens; ex improviso expergesfactus est à dolore stomachi, ac si à canibus, orificium ipsius dentibus comprehensum teneretur; huc illuc se convertens nihilque proficiens, sedit in lecto, manibus partes vicinas comprimens causæ doloris excutendæ gratia, quid ageret nescius; ita enim dolor urgebat, ut inhibita respiratione ad extremum ventum esset, nisi dolor cito quievisset: Quid hoc rei esset perpendens animo, cum vir ille esset, quibusdam doloribus externis obnoxius, iste autem per breve tem-

pus

pus cruciasset, affirmavi cardiogmum illum esse ab humore acri, & erodente, à capite per œsophagum descendente, qui relictis partibus externis, per interiora tunc ferebatur, crucians partes in quibus moram faceret, esse tamen in parva quantitate, quod ipse ægrotus tandem agnovit; aliquando enim ardorem sentiebat de nocte in gutture, illo evanescente, statim dolor supradictus apprehendit orificium stomachi, brevis tamen durationis: Alias etiam superveniente illo gutturis ardore, paulo post corripuit morsus ille stomachi, non cessante tamen gutturis dolore, propter humoris tunc majorem abundantiam, eo quod à consuetis purgantibus diu abstinuisset.

De Spleniticis.

C A P U T II.

Non miror amplius vulgus spleniticos eos vocare, qui aliquo affectu diuturno in hypochondrio sinistro laborant, licet muscoli abdominis, aut colon intestinum, aut alia pars à liene diversa afficiatur; Cum & ipsi Medici, tum antiquiores, tum recentiores, id quoque audire videantur. Hippocrates enim, quamvis spleniticos, scribat eos dici, quibus lien diu obduruit; libro tamen 6. de morbis popularibus sect. 2. loquitur de splenis elevationibus, & alibi ait, splen elevatus est, quod hypochondrii potius quam lienis affectus dicendus est. Galenus quoque lib. 2. cap. 5. de arte curat. ad Glauco. tradit curationem lienis a flatibus distenti, quos in ipso contineri nemo fatebitur, cum flatibus continendis corpus cavum non habeat. Recentiores loquuntur passim de rugitu lienis, quem rugire est impossibile, eadem ratione. Crediderim ego hos omnes affectus tribui lieni, eo quod non sit viscus majoris famæ, in hoc sinistro hypochondrio, cui totius, aut partis alicujus latens vitium, in hac regione sitæ, melius referri possit; partemque nobiliorem, magnos illos viros accipere pro hypochondrio, receptæ hoc apud vulgus dantes opinioni. Sed cum agitur de morborum curatione, cujus principium est morbi cognitio, quæ postulat, ut pars affecta primum dignoscatur, non sunt

Splenitici
vulgo vocantur,
qui diuturno affectu
in hypochondrio sinistro laborant.

Calc. lib. 2,
de meth.
med,

Medici munus est corporis partes anatomicè benè novisse.

hæc vulgi more communiter accipienda: Medici enim est, dum aliquis affectus in aliqua corporis regioneprehenditur, omnes in hac parte positas tenere ex anatome, earumque actiones, situs, doloris proprietatem, propria accidentia, & si expedit, eorum excrementa. Sed plures video Medicos; etiam magni nominis apud vulgus, qui sine distinctione, coli affectum aut musculorum abdominis, è regione lienis, pro splenitico accipiunt, quos sæpissime arguere non puduit, tanquam crassioris anatomes ignaros. Non hic tamen animus expendendi, quidquid præter naturam in hypochondrio sinistro extiterit; sed qualis sit proprie in eo affectus ille, quem plebei, & vulgus Medicorum spleniticum appellant, licet ad eum lien nihil conferat, nisi interdum consortii lege simul afficiatur: Quod eo magis agnoscendum operæ pretium duxi; quo affectus iste frequentior est in hac regione, in qua innumeri passim de liene conqueruntur, spleniticos se esse affirmantes; quos si interrogas, nullo modo lienem affici, ut plurimum comperies: Ego enim multoties rogatus ab ejusmodi ægrotis, eos arcanum docere ad splenem, & in multorum curatione adhibitus, vulturn respiciens bene coloratum, & sui similem; statim affirmabam eos non male habere à liene, ex doctrina Galeni lib. 5. & 6. de loc. affec. lib. de atrabile. Et teste Hippocrate lib. de affect. & lib. de inter. affectio. quibus in locis, colorem corporis vitari affecto liene, ambo affirmant; & corpus minui, Hippoc. lib. de loc. in homi. & Gale. lib. 2. de natu. facult. Quapropter tales respiciens spleniticos, cum facie boni coloris, & sui simili, semper negavi eorum affectus esse tribuendos lieni, nec me fefellit hæc doctrina: volens autem inquirere qualis esset iste affectus, fere semper deprehendi intemperiem esse frigidam, qua omnium symptomatum primaria erat causa qua hypochondrii partibus debilitatis, læsisque earum functionibus naturalibus, excrementorum fiebat proventus, eorum retentio, obstructions, & alia quæ temporis progressu ab his existunt, ut febres longæ, diarrhæa, cachexiæ, hydropes, quorum hæc sunt principia, & progressus; In hac enim regione, in qua ver, & æstas, ut plurimum, non sibi constant, tota sæpe die ardoribus torquemur, ipsa vero ad vespèram inclinante,

Veri splenitici nunquam habent faciem bene coloratam.

te, deducimur, ut ita loquar, ad aquas nivium, excitatis tonitruis, & largis imbribus, interdum cum grandine, quibus cœlum ita refrigeratur, ut inclinantis autumnii videatur esse tempestas, per aliquot dies; præcipue si insigniter grandinet: Cum autem quisque, dum calor omnia videtur adurere, refrigerium quærat, & in vestibus, & in cibis, & in potu, & mora in locis frigidis; repentina illa aëris refrigeratione, nondum devicta à calore nostro, ea quæ tali jam dicta vivendi methode, partibus erat impressa; corpus primo tentatur: secunda vice afficitur: tertia patitur; & tandem male habet: Quibusdam stomachus primum afficitur: Aliis pro robore uniuscujusque, una, aut plures partes in hypochondrio patiuntur præcipue sinistro; dextrum enim difficiliter cedit, propter jecoris munimentum, quod à corde, secundus est fons caloris: Alii ex potu frigido, & glaciali æstate frequenti, in hunc affectum incidunt: Alii ex sudoribus in his partibus sæpissime refrigeratis, quod viris maxime accidit, qui tunc temporis diducto thorace, voluptatis gratia, frigus colligunt: Alii ex longis curis, & mœroribus, & nimio literarum studio; hoc spirituum dissipatione, & alio revocatione; altero eorum quasi veterano, & refrigeratione. In principio dum in his peccatur, nihil quidem incommodi quis percipere videtur; at repetitis ictibus malleus, figit clavum, & temporis progressu refrigeratis partibus, debilitas, & intemperies invehuntur. Infantibus, sæpe tumor à capitis fluxione, in hypochondrio sinistro oboritur, quem falso, & imprudenter, quamplures Medici, tumentem lienem appellant; qui quidem tumor, ita est aliquando in superficie positus, ut inter illum, & musculos immixtis digitis, multoties comprehenderim, quod sub cute existere tumorem indicium erat; nec timendum ab hujusmodi tumoribus, etiam durissimis, experientia comperimus; & eo magis, quo natu sunt minores, dummodo facies sit boni coloris: Multis tamen viris fluxionibus obnoxiiis, etiamsi ab hypochondrio ex ea laboraverint, non fiunt tumores, sed tantum dolor, qui intensus, in partibus superioribus percipitur non raro, de quo in Enarratione 2. viris tamen si tumores fiant in hypochondrio, semper mali, eoque magis, quo plus facies à naturali

Infantibus
sæpe oritur
tumor in hy-
pochondrio
sinistro à ca-
pitis fluxio-
ne.

statu recesserit, quod graviorem noxam indicat: Sunt tamen quandoque leves causerum noxam inferentium impressiones, ita ut liene intacto, & mesenterio, musculisque abdominis, stomachus, & colon tantum afficiantur, quod magis fit ab assumptis actu frigidioribus. Cutis, & muscoli subjacentes, à causis extrinsecus accurrentibus, potius refrigerantur, præcipue si sudore madeant, quæ nisi fortes, ad interiora non valde progrediuntur. Sæpissime hæ causæ concurrunt, majusque fit nocumentum: Aliis sive innata partium imbecillitate, sive causæ magnitudine, sive frequenti occurssu, sive plurium concursu, variæ partes afficiuntur, una autem magis quam altera, prout quælibet valet robore, ad resistendum causis noxam inferentibus: Quæ omnia ex symptomatibus cuilibet parti propriis agnoscuntur. Quibusdam ex rugitu intestinorum præcipue coli, morbi existunt principia, qui statuto tempore excitatur, mane scilicet, & jejuno ventriculo. Cutis, si externa refrigeratio dederit principium, frigoris vel minimos sentit appulsus, jam firmatæ intemperiei signum, qua stomachus, & totum hypochondrium interdum coafficiuntur, unde rugitus ille, & multa salivatio, præcipue ab intempestivo potu; Pogrèssu temporis pondus in hypochondrio, spirandi difficultas, à flatibus in intestinis diaphragma comprimentibus; dolor gravans, & interdum acutus ut coli dolores; excrementorum proventus; obstructions; insomnia; jactationes nocturnæ in lecto, & flexis genibus inter orandum. Rebus in pejus ruentibus, lienis veri affectus, cachexia, melancholia, diarrhœæ, dysenterix, hydropes, quæ tandem ad mortem deducunt, nisi principiis obstes: Ideo statim atque hujus affectus principia animadvertuntur, vitæ ratio est imperanda. Primo ut regio stomachi, & hypochondrii, tegumentis extrinsecus à frigore arceantur, præcipue in viris, quibus hæ partes, sola interdum linea subucula conteguntur; cui rei providere volentibus, non est credibile quantum illis profuerit, duplicato mantili, meo consilio, in formam zonæ corpus cingere; non advertunt enim multi, cuius sit momenti, debilitatæ jam partis calorem tueri, ut ab externo frigore avertatur. Imperandum quoque ut cibis boni succi, & coctu facilibus vescantur; vitando crassa, ut panem sine

Veri lienis
affectus.

Utendum ci-
bis boni suc-
ei.

fer-

fermento, carnes bubulas, anserinas, leporinas, carnes anatum, & avium omnium in aquis, & locis cœnosis degentium; carnes etiam porcinas, omnia falsa, & acria, pisces cetaceos; & in luto morantes, omnesque qui carne sunt dura, aut glutinosa, aut molli sine friabilitate. Fugienda omnia flatulenta, ut legumina, castaneæ; omne fungorum genus, & quod glutinosum est, ut animalium pedes, & cetera ejusmodi. Abstinendum ab omnium fructuum crudorum genere, præcipue quibus inest multa humiditas, eduntur poma cocta, deinde pyra, licet frigidum inflent stomachum: de caulibus hoc dicam, me vidisse hominem hoc affectu laborantem, qui toto vitæ decursu, ne vel minimum ab eorum esu percepit nocumentum; cetera tamen olera non placebant ejus stomacho. Aromata conveniunt, sed parce pipere utendum, propter ipsius calorem urentem, in parte terrestri positam, quam retinent humores excrementitii. Pro potu, acinato vino, & rubore valde saturato, rebusque astringentibus interdicens, sicut & omni potu æstare nimis frigido, præcipue aquæ. In somno, & vigilia, servanda mediocritas. Exercitationes valde utiles, & in debilibus locum teneat equitatio, quæ multum prodest, præcipue si fiant peregrinationes, quibus relaxandis animis, & quibusdam morbis curandis, de quorum numero iste est, nihil magis conducibile. Inter animi motus, curæ, & tristitia, tanquam facies colubri fugienda; animum potius liberalibus oblectamentis recreando, confabulationibus, conviviis, dummodo eibus, & potus, moderate sumantur; satietas enim nimia in hoc morbo, ut & aliis, valde noxia. Quod ad curationem pertinet, cum morbus iste sit totius hypochondrii, aut quarundam partium ejus refrigeratio, ut supra diximus, qua læsis harum facultatibus lædantur actiones & præcipuæ, sensibus arbitris, coctrix, & excretrix, ex quarum læsione, fit multorum excrementorum congeries, sunt obstructions, abyssoque abyssum invocante, ut jam diximus, morbi supra enumerati invaduntur: Præcipua quæ in ea curatione scilicet præstanda sunt tribus scopis adeptis perficiuntur; Temperamenti partium ad pristinum statum reductione; Excrementorum residentium expurgatione; & obstructionum apertione. Primus perficitur

Equitatio &
peregrinatio
spleneticis
utilis.

calidis fotibus, inunctionibus, & emplastris admotis; sumptis vero, calidis roborantibus, & in quantum fieri potest, aperientibus, partium calore, præ ceteris, servato tegumentis idoneis; ad quod interdum emplastra tantum proficiunt, quantum virtute roborandi præstant. Sed quia redundantia excrementorum; & roborantium vires; & aperientium facultatem infringunt, à purgatione aliqua semper incipiendum, nisi manifesta sint plenitudinis signa; tunc enim à venæ sectione, licet ratione morbi non conveniat, ab injecto, & rejecto enemate curatio incipienda, quæ ratione obstructionum etiam convenire potest; Purgatio autem talis esse poterit.

A purgatione cura incipienda.

Potio purgans.

℞. Rad. fœni. & petros. hiberno tempore, ana ꝑ̄ss. folior. æstivæ, borrh. ling. cerv. beton. cusc. ana mß. sem. dauc. apii. & ani. ana ʒj. flor. cord. pß. flor. gen. & stœc. ana pj. aza scrup. ß. fiat ex his decoct. Acc. q. s. infun. folior. fen. mund. ʒiiij. agar. ʒj. express. dissol. cathol. ꝑ̄ss. syru. magistr. de quo in Enarratione 4. ʒiiij. crist. tar. ʒß. fiat potio mane sumenda, qua ventrem sexies ad minimum deicere oportet, alioquin immutanda.

A purgatione fiant foci calidi, pluribus diebus ante pastum, cujus talis potest esse descriptio.

℞. Rad. alth. ʒj. folior. orig. calam. puleg. absyn. rutæ cent. mino. ana mj. sem. ani. fœn. cum. ana ʒij. sem. fœnug. ʒiiij. bacc. laur. & junip. ana ꝑ̄ss. flor. chamœm. & melil. pij. fiat ex his decoct. in aqua & vino albo pro fotu, à quo parte bene absterfa, fiat inunctio ex.

℞. Olei aneth. & chamæm. ana ʒß. olei de bacc. lauri ʒß. fiat litus vel ungatur pars oleo circumforaneorum quod optimum est; habetur ejus descriptio in ordine remediorum alphabetico. Titulo. Balsamum. Gestetur postea emplastrum quod calefaciat, roboret, humores & flatus discutiat, neque enim est hic opus emollientibus, nisi tumor adesset in cute, aut in musculis, aut in ipso liene.

℞. Empl. de melil. ʒij. empl. de sulph. ʒj. olei de spica ʒij. pulv. cumi. ʒjß. malaxentur cum oleo de bacc. lauri, & fiat emplastrum. Innumera invenies ad affectus lienis descripta in ordine remediorum alphabetico, & in Enarrationibus mox describendis.

PROG-

P R O G N O S T I C A.

Si pulsant hypochondria, perturbationem significat, aut delirium; si autem crebro oculi moveantur, cum perturbatione, mania expectanda est. Hippo. lib. 1. prognost. cap. xi.

Splenis elevationes, si non ad articulos finierint, aut sanguis e naribus erumpet, aut dextri præcordii fiet intensio, si non penetraverint urinæ. Hippo. lib. 6. de morb. popul. sect. 2.

Quibus lien minuitur, corpus augefcit. Galen. lib. 2. de facult. natural. ex Hippo.

Quibus lien afficitur, iis color corporis mutatur. Galen. lib. 5. & 6. de loc. affect. & lib. de atra bile. ex Hippoc.

Lienosis dysenteria superveniens, bonum. Hippo. apho. 48. sect. 6.

Quicumque lienosi dysenteria corripiuntur; longa facta dysenteria, hydrops, aut lienteria supervenit, & moriuntur. Hippo. apho. 43. sect. 6.

Vetus intemperies frigida hypochondrii, si negligatur, cachexiam, aut hydropem invehit.

Tumores hypochondrii sub cute, aut in musculis, parum habent periculi in infantibus, si color faciei sit bonus; quo magis autem quis ætate provectus fuerit, majus habet periculum; multoque magis, quo facies à naturali statu recesserit.

Tumor lienis mollis curabilis est, syrrhosus difficillime, & si confirmatus fuerit, nunquam.

A scyrrho lienis, hydrops.

In affectibus lienis, sicut & jecoris, quo facies pejor, eo morbus est periculosior, licet aliis signis non manifestetur.

Enarrationes de quibusdam Ægrotis.

O B S E R V A T I O P R I M A.

Vir quidam nobilis, & Dynastes juxta Nogarum, indulgens genio, præcipue ætate, in omnium rerum infrigidantium usu, cum esset in obsidione urbis Montalbani, tantus derepente factus est rugitus, in hypochondrio sinistro, ut rei novitate perterritus, duos celebres Medicos accersendos curaret, qui-

Vir nobilis
genio indul-
gens, variis
affectus sym-
ptomatibus
pro lienoso
habitus, cu-
jus post mor-
tem hæpar
inventum a-
liquo modo
corruptum,
liene existen-
te parva.

bus facta narratione de his quæ acciderant, conjunctis sententiis pronuntiatum est, hos omnes rugitus esse à liene, temporisque progressu, nisi provideret, male habiturum. Cum autem in modo vivendi, semper peccaret, nullaque nisi coactus adhiberet remedia, in pejus pedetentim ruens, gravius cepit laborare, non solum in regione lienis, sed & stomachi, quem valde refrigeratum sentiebat, unde magna flatuum generatio, multi ructus, dolor, & cetera, quæ intemperiem ejus frigidam sequuntur; cum multum progressa est, ut sunt tarda coctio, fluctuatio pituitæ liquidioris, glutinosæ generatio, salivatio multa, ciborum inappetentia, vomitus pituitæ, facies pallida, & impotentia quædam ad solita munia obeunda. Multis in consilium vocatis Medicis, variæ erant sententiæ: Fere omnes more vulgi, lienem affectum esse affirmabant, de quorum numero unus eram, adhuc juvenis, & nondum rerum usu edoctus. Quidam experientia, magis quam doctrina clarus, ita solum stomachum intemperie frigida laborare, mente conceperat, ut pituitam viscosam, quam ægrotus vomuerat, ab anno hæsisse stomacho assereret; Ideo solus antea vocatus, sumptis, & admotis calidis astringentibus utebatur. Alii stomachum coaffectum non negabant; sed præcipuum morbi istius fomitem, in liene constituendum affirmabant, quem magnum præter modum esse omnes putabant; quapropter aperiencia calida, magis esse idonea, ut apertis obstructionibus, & ténues facti humores crassi, facilius cederent purgantibus; Quæ sententia recepta est; multaque hujus naturæ medicamenta præscripta, sunt, apozemata, variæ purgationes, fots, linimenta, emplastra, & opiatæ, ex quibus paucis utens, ut illi mos erat, meliuscule tamen habuit; unde arrepta occasione, animi relaxandi gratia, equum conscendit: Cum autem pertransiret juxta fossam ramusculis tectam, decidit in eam, sine tamen læsione, ex visu, & ejus testimonio. Octavo post casum die, magnus de nocte factus est nigrorum, & liquidorum vomitus, quæ sanguinem esse, accensa candela, putaverunt astantes, quo symptomate omnibus perterritis, quatuor Medici in consilium sunt vocati, inter quos habita consultatione, post tres dies à casu quod nihil sanguinis, nihilque atri rejectum erat; commu-

ni sententia, tres seniores affirmarunt, ex casu venam esse ruptam: Ego vero contra, negabam venam esse ruptam, nec ul-
lum sanguinis vomitum extitisse, sed excrementi cujusdam me-
lancholici pituita diluti; quod à liene in stomachum protrusum
erat: Trium tamen Medicorum sententia, eorumque senio-
rum, contra me pravaluit, omniaque astringentia, & venis
ruptis glutinandis idonea præscripta sunt. Cum vero octavus
omnino dies illuxisset, à primo sanguinis putato vomitu, ite-
rum de nocte rediit ex ore sanguinis illa, aut humoris atri co-
piofa excretio, nullo ex astantibus periculum faciente, de na-
tura excreti, an verus esset sanguis, aut atræ bilis cujusdam
species. Vocatus ideo celebrior Medicus, qui primæ consul-
tationi interfuerat, & ego tanquam loci vicinus, & ordina-
rius, ut quid de hoc vomitu esset statuendum decerneretur,
omni asseveratione affirmavi, & illi, & ægroto, & astantibus,
nullo modo esse pertimescendum, de vena rupta in corpore,
his ductus rationibus. Primo quod ægrotus, octavo die tan-
tum à casu vomuisset sanguinem illum existimatum, qui si à ve-
na rupta excidisset, vel statim à casu, vel paulo post fuisset re-
jectus, cum multus esset, aut aliqua parte collectus putruisset,
pondus, dolorem, & febrem inferens. Secundo, venam rup-
tam non regi à natura, ut tantum octavo quoque die sangui-
nem fundat; vena enim in corpore rupta, si magna, & mul-
tum sanguinis effundat, cito jugulat; si autem parva, parum-
que sanguinis effundens, sine ordine fit ejus excretio, aut in
cavum excidens, trium dierum spacio putrefactus existit, ab-
scessum faciens, si exitum antea non habuerit. Accedit ter-
tio, quod astantes accurate interrogati de natura humoris ex-
creti, incerti erant an verus esset sanguis; quippe nocturni ju-
dices: Quibus auditis Medicus supradictus, nec probavit, nec
negavit, ab astringentibus tamen pedetentim remissum est, u-
tente ægroto quibusdam purgatiunculis, per longa quantum
poterat intervalla; erat enim à remediis maxime averfus, licet
urgente morbo, multi placerent Medici. Non amplius re-
deunte illo vomitu, post annum à putata sanguinis prædicta ex-
cretionem, ludens à cœna foliis lusoriis, cepit conqueri de dolo-
re in dextro hypochondrio, à quo nunquam male habuerat,

dimissoque ludo, petiit lectum, ingravescente symptomate in modum colici doloris. Casu præsentè Pharmacopœo, enematà injecta sunt, & alia quædam exhibita ad colicum dolorem idonea, quibus nihil juvantibus, missò ad me servo de nocte, rogavit ut se inviserem, quem ante lucem veniens semper dolore divulsus inveni; quapropter jussi statim atque illucesceret, colligerentur herbæ ad semicupium parandum; quo quidem dolore levatus est: Sed ex pulsu, & sudore, agnoscens facultatem ad interitum festinare, ne in semicupio moriens, verteretur mihi in dedecus, jussi renuentem in lectum deferendum, in quo intra duas horas mortuus est. Dissecto cadavere, ut mortis insperatæ, & longæ invaletudinis causa innotesceret; inventum est jecur aliqua sui parte, eaque parva corruptum, principiaque hydropis adesse, ex collectione aquæ, in parva tamen quantitate, in fundo abdominis inventæ: Cumque affantes, qui auditu de morbi natura aliquid à Medicis acceperant, lienem magnum se inspecturos, & venæ quondam ruptæ vestigia expectarent, mirati sunt lienem tam parvam inventam esse, quam quod minimum, omnesque in hypochondrio sinistro partes positas, omnino integras esse, sicut & stomachum; mirabile visu in homine, quem celeberrimi omnes Medici, ab splene laborare prædicaverant: Quod effecit ut studiosè indagarem, quid proprie esset iste affectus, quem vulgus, & fere omnes Medici, sine discrimine, appellabant spleniticum; rerumque usu comperi, esse harum partium refrigerationem, quam plurima, successu temporis, sequuntur symptomata, ut supra differuimus, de quibus etiam in Enarrationibus sequentibus.

OBSERVATIO II.

Vir Melancholicus hypochondriacus laborans fatuus.

Doliarius quidam faber, ætate 30. annorum, temperamento melancholicus, nescio quibus de causis, incepit laborare ab hypochondrio sinistro, & stomacho, vomens qualibet hebdomada, nigra quædam cum labore, fuligini dissolutæ similia, urinæ nigræ cum sedimento nigro, perpetuo meiebantur, eratque impotens ad artis suæ munia obeunda, lecto tamen non detinebatur, nec febricitabat. Vocatus in consilium cum Medico

dico ordinario, nec præstituta die veniens, propter alium ægro-
tantem, non data potestate, paucis tamen post diebus, equum
conscendens, veni in domum ægrotantis, à quo instructus de
omnibus, quæ ad prædictæ vomitionis cognoscendam originem
videbantur conducere, sententiam meam exaratam, dedi Me-
dico ejus ordinario mittendam: Quibusdam tamen diebus elap-
sis, convenit me ægrotus, affirmans præ me, nullum se Me-
dicum expetere, nec in alterius medicationem velle se commit-
tere; quo audito, omnia accurate perpendi, quæ ad ejus cu-
rationem inservire putabam. Primo constabat apud me, vo-
mitum illum liquidioris atræ bilis, à partibus hypochondrii si-
nistri originem habere, præcipue à liene, qui secundum com-
munem opinionem, sæculentum sanguinem attrahit à jecore,
quo ipse nutritur, expulsus per vas breve reliquiis, ad excitandam
famem, & in ramum splenicum, per intestina vacuandis: Quæ
quidem partes debiles factæ, & vitiato earum temperamento,
male fungebantur officio, lien præcipue, non valens jecur ex-
purgare, multo ut ex temperamento constabat, sæculento a-
bundans sanguine, vel attractum non recte conficere, vel à
reliquiis se exonerare, obstructis ad id meatibus; unde multis
in locis stagnare, in ramo præcipue splenico, & ejus propa-
ginibus, nec non & in mesenterio, donec naturæ graves, qua-
libet hebdomada in stomachum rejicerentur; reliquum autem
non attractum, in venas regurgitare, & per urinas excerni;
hæc autem omnia, sine ullo caloris sensu in hypochondriis, &
sine febris. Aut secundum sententiam eorum, qui lienem alte-
rum jecur affirmant, dicendum chili partem terrestriorem per
ramum suum splenicum attrahere, ut crassum sanguinem ex ea
conficiat, alendis partibus abdominis accommodatum; dicen-
dum, inquam, multum sanguinis crassioris abundare in liene,
præ debilitate partium male elaboratum; unde circum viscera,
magnus ex eo proventus, præcipue in ramo splenico, mesen-
terico, & eorum propaginibus, quousque & propter obstructio-
nes, & propter partium debilitatem cumulatus, naturæ gravis
existat, conatuque facto, pars ejus maxima, vomitu vacuanda,
in stomachum protrudatur; non quidem per vas breve, ab illis
enim non admittitur, sed per alias vias; per intestina, puta-

verim, ingredi per pylorum, quod ut nuper vidimus, aliquando corrumpitur, sicut scriptum est cap. de Colico dolore, Enarrat. 5. Sed ut ad curationem veniamus, quam in hoc positam mihi certum erat, ut crassi succi generatio impediretur, viæ per quas sæx illa sanguinis erat vacuanda expedirentur, & ut omnis stagnans circum viscera, per intervalla purgantibus dejiceretur, roboranti quoque virtute præditis. Ad primum, rationem vitæ ordinatam imperavimus, ut ab omnibus crassis, falsis, flatuosis, de quibus supra, & ab actu infrigidantibus, abstineret; præcipue autem, propinati veneni à parentibus suspicionem deponeret: Credebat enim cum nondum conjugatus esset, veneno se à parentibus infectum, fortunarum ejus spe ductis. Ad secundum, aperiendis obstructionibus accommodatam præscripsi ptisanam, prius purgato corpore melanagogo pharmaco: jussi postea venam basilicam utriusque brachii aperiri, certis quibusdam diebus, deinde saphenam malleoli sinistri & paucis post diebus ab usu remediorum, sanguisugas ano applicandas, ut non solum venæ sectionibus fieret humorum vacuatio, sed & obstructionum expeditio; ptisanæ autem aperiensis hæc fuit descriptio.

℞. Decocti cortic. rad. eryng. parum contusæ ʒvj. salis trunc. fabæ scrup. β. cinam. ʒβ. capiat quolibet mane per aliquot dies: Quia autem sal prædictum non semper est in manu, potest summi cineris truncorum fabarum superinjiciendo, prædicti decocti bullientis eryngii ℥j. baculo postea movendo, & per manicam transfundendo. Ad tertium, ut excrementum illud nigræ bilis naturam referens, identidem vacuaretur, cum partium roboratione, primo quia æstas erat, præscripsi syrupum magistrale talis compositionis, quo tres scopi perficiebantur, vacuationis, apertionis viarum, & roborationis partium.

℞. Cort. rad. fraxi. cort. rad. capp. & tamar. sicco. ana ʒij. recent. an. ʒβ. rad. eryng. gram. rubeæ, fœnic. ana ʒj. folior. borra. cicho. cusc. agrim. capillat. omnium, eupato. pimp. beton. petros. fumi. lupuli, ana mj. flor. cord. tamar. & genistæ, ana pj. sem. ani. fœni. dauc. ana ʒj. azari. ʒij. fiat ex his decoctio in q. s. aquæ, coletur, deinde.

℞. Folior. senn. mund ʒiij. sem. coria ʒj. rhab. & agar. troch.

ana zjj. sem. cartha. ℥ss. turbith. gumm. zij. infun. in aqu. petro. tantæ quantitatis ut ℥bj. remaneat; quam cum ℥ss. decoct. herb. & radicum miscebis, & cum ℥iij. serap. ros. purg. & saccha. q. s. coques in syrupum perfecte coctum, de quo capiat ℥jss. aut ℥ij. cum jusculo carniū mane qualibet hebdomada.

Assumpto, & consumpto syrupo magistrali, usus est ægrotans tota hieme hiera Pachii, in forma pilularum, sumendo zj. cum gr. iiij. diagri. aut vj. ut fortiores redderentur, & hoc quolibet mense, aucta, vel dosi imminuta, ita ut venter sexies abunde, ad minimum deiceret. His usus remediis, Deo dante, perfecte sanatus est, à 35. annis adhuc superstes, arti doctuariæ incumbens.

OBSERVATIO III.

Domina quædam, à tristitia morosiori diu male habita, cepit tandem ab hypochondrio sinistro ægrotare, flatuum generatione, excrementorum congerie, & molesto sensu à frigore externo; ad hæc insomnia, jactationes, & tremor interdum partium omnium lateris sinistri; Intera tumori pilæ mediocris instar, in eodem hypochondrio, non longe distans è regione stomachi; qui quidem tumor, tactu deprehendebatur, & manu ad latus impellebatur versus stomachum, quem si attingeret, ut referebat ægrotans, statim caput concutiebatur, velut subito terrore percita. Magnum mihi, & aliis Medicis, facessivit negotium tumor iste, quamam in parte hæreret, quæ esset ejus causa: & devoluto versus stomachum cur cerebrum concuteretur. Non minus laborabant Medici, in vera tremoris causa investiganda: Utrum ab affectu idiopathico cerebri: an ab aliquo vapore, ex hypochondrio sursum ascendente. Nam ab utero, menses servabant ordipem, & consueto more fluebant, quod ex Hippocrate, signum est; confirmantè Galeno, morbos ab utero non accidere: Alio igitur quærandæ erat symptomatum, & affectuum origo. Primo quidem de tumoris sede, non magna erat controversia, in parte mobili consistere, cum ipse moveretur, in colo scilicet hac parte posito, præcipue qua mesenterio alligatur. Quamam vero esset tumoris causa, magis erat arduum internoscere, & adhuc magis, cur

Mulier melancholica laborans tumore in hypochondrio sinistro instar pilæ mediocris, quomodo sanata.

Apho. 57.
sectio. 5.

cur versus stomachum devoluto, cerebrum concuteretur: In tumore aliquid contineri malignæ qualitatis particeps, morbi processus non indicavit, ipso manente, aliis sedatis symptomatibus, & sana facta ægrotante: Adde quod cerebri illa concussio, aliquando accidisset, tumore versus stomachum non devoluto, ex vapore humoris maligni in illo contenti; placebat ideo morbi mineram circa stomachum consistere, ex qua, tumore ad stomachum impulsio, vel proprio pondere devoluto commota, vapor cerebro insensus ascendebat, cujus appulsu statim percellabatur: An autem à fluxione, vel à congestione alicujus humoris melancholici, factus esset tumor, non bene constabat; Primo modo factum rationi magis consentaneum erat, cum fluxionibus à capite esset obnoxia ægrotans: Nam si ab humoris melancholici congestione tumor extitisset, sanitatem non esset adepta manente tumore, cum vel scyrrhus, vel cancer remansisset; de genere potius glandularum fuisse, existimandum est. Quod autem attinet ad tremoris causam, videtur aut à fluxione capitis in exortu nervorum hujus lateris, affecta spinali medulla, ea etiam parte, aut potius ex vapore, per partes nervosas hujus lateris se diffundente, & eas vellicante; affectus enim cerebri idiopathicus, majoris fuisset momenti, ut nobis longa invaletudo demonstravit, quæ fuit plurimum annorum, antequam ægrotata ad perfectam sanitatem restitueretur; ideo singulatim omnia recensere, non suppeditat infelix memoria; præsertim cum à longo tempore jam bene valeat; præcipua tamen, & observatione digna perstringemus. Paucis igitur post diebus à morbi principio, & symptomatum prædictorum, feбри continua correpta est ægrotans, quæ in pulsu magna non videbatur, erant tamen sæviora symptomata, quæ ante febrim infestabant, præcipue insomnia, tremor etiam totius lateris sinistri, bis, aut ter accidit, toto feбри decursu, quæ 20. diem transcendit, eoque res devenit, ut in vitæ discrimen adduceretur, repetitis tamen venæ sectionibus parca manu, cucurbitulis supra humeros cum scarrificatione appositis, usu apozematum aperientium, levibus purgationibus adhibitis, pullis columbarum capiti suprapositis, sumptisque somnum conciliantibus, nec spiritibus cardiacis, à febre facta immu-

nis; spes multa profligandæ affectionis primariæ nobis affulsit: Febris enim dum morbos comitatur, non solum facit ad periculum; sed maximum est sanandis hujusmodi morbis impedimentum, qui calida potius, quam frigida, ad sui curationem postulant remedia. Febri igitur penitus discussa, ad symptomata jam enumerata prorsus eradicanda laboravimus, incipientes à syrupo magistrali superioris ferme descriptionis, qui ut jam diximus, aperit, vacuat, & roborat, eoque per sex menses, vere scilicet, & æstate usa est ægrotans: Autumno vero, & hiberno tempore, cum validioribus esset viribus, præscripsi hieram Pachii, cujus facultates in ejusmodi morbis, mihi rerum usu perspectæ erant, de qua in forma pilularum, ter sumpsit, vigesimo quoque die, postea vero semel in mense, qualibet vice ʒj. cum gr. iiij. diagridii; cujus usu non parum remiserunt symptomata, tumor autem perseverabat, ad quem fortis emollientes, & discutientes erant præscripti, nec non & emplastra; quocumque etiam devolvebat tumor; caput non amplius percellabatur, licet adhuc quædam essent insomnia, quæ urgente necessitate, ad somnifera nos cgebant: Cauterium brachio inustum est, ad fluxionem avertendam; & tibiæ sinistra, ad derivandum ab hypochondrio. Tempestive autem usa est aquis mineralibus. Cumque res domesticæ in dies melius haberent, morositatis causa ablata, subindeque pharmacis corpore expurgato, omnino est sanata, adhucque vivit plusquam sexagenaria, exactis triginta annis à morbi principio.

OBSERVATIO IV.

Filiola nobilis cujusdam viri, ex hujus urbis vicinia, ab eo tempore quo cibis solidis ali cepit, frequentibus febribus à vermium scaturigine correpta, in vitæ discrimen deducebatur. Circa annum ætatis quintum, tumor durus, & magnus deprehensus est in hypochondrio sinistro; fortasse quod eo tempore, ut vorax est puerorum genus, & puellarum, se omni esculentorum genere, præcipue fructibus ingurgitaret; patri enim charissima, cuncti omnia illi indulgebant, suoque vivebat arbitrio: vel dicendum alicujus humoris descensu, pluries in hanc partem facto, crassum remansisse, subtili resoluta. Ro-

Puella laborans tumore, & tandem suppuratio-
ne musculorum abdominis, proliosa habita.

gatus à parentibus, cum bene valeret, tumorem explorare, quem & ipsi, & omnis generis artis medicæ alumni, tumefactum lienem affirmabant; inspecto vultu puellæ, qui erat boni coloris, negavi lienem aliquo tumore esse affectum, sed partes potius externas, tumentemque locum pertractans, inveni tumorem esse omnino in superficie, digiti enim illum comprehendentes, supponebantur ea parte, qua vergebat ad ilia, quod certissimum erat signum, tumorem in musculis abdominis consistere. Post annum, aut circiter, feбри acuta correpta est puella, cum tumoris incremento, præ dolore vix tactum ferentis, & quadam inflammatione; facta venæ sectione ad revulsionem, topicisque adhibitis, animadversum est tumorem vergere ad suppurationem, confectoquo pure, molita est natura per umbilicum ejus excretionem: Cum autem non valeret exitus expurgandæ materiæ, quæ multa erat, viam ad partes inferiores, paravit sibi natura per interstitia muscutorum, tribusque digitis infra umbilicum collecta est materia, de qua variæ erant sententiæ, non deerant enim Medici, nec Chirurgi; urgebam ego tumoris apertionem videns puellam ad extremum deductam, quæ tandem accersito peritissimo Chirurgo, ferro candenti facta est, exeunte materia ita foetida, ut cum intestinis commercium habere, à collegis crederetur, ideoque de salute puellæ desperantibus: Ego vero, demersos parentum animos, ad spem erigens, affirmabam non esse desperandum, de ægrotantis salute, nec intestina esse corrupta, sed fæctorem illum contigisse, ex nimia puris jam confecti mora in eo loco, Ideo arcendam putredinem, & cavum carne replendum frequentibus injectionibus, ex aquis vulnerariis sic paratis.

℞. aristo. rot. & recentis; antiqua enim nihil vallet, sed illa quæ incisa, rhabarbaro inciso similis est. ʒij. rad. consol. major. ʒß. folior. ophioglo. si haberi possint, licet siccorum, mß. incisa coque lenta ebullitione vase clauso, in ℥biß. vini albi, ad consumptionem tertiæ partis, addendo in fine sacchari ʒiiij. colatura servetur ad usum.

Hoc decocto vulneris cavo absterfo, pedetentim coaluit muscutorum interstitium: Sanandis enim vulneribus tam potens est hoc vulnerarium, quam quod maxime; non finit carnes putre-

traheri, & in pus converti, nec tumores nasci, aut inflammationes: Qui eo utuntur, non indigent linteis vulnere superponendis, sed tantum foliis brassicæ rubræ, in aqua vulneraria calida parum tabefactis, vulnus identidem eis madefaciendo, tribus postea, aut quatuor superpositis: Interea purgabatur puella per intervalla, sed ab omnibus purgationibus male habuit, præter ab ista, quæ à me præscripta est, vidente aliis suas non bene cessisse.

℞. Rad. eryng. & petros. ana. ℥β. folior. pimpi. beton. agrim. ceterach. ana. mß. flor. borrag. & tamar. ana. pj. sem. ani. & dauci, ana. zj. azari. scrup. β. fiat ex his decoct. Acc. ℥vj. in quibus infu. folior. sen. mund. ℥β. sem. coria. zβ. turbith. gum. tandumdem. expressis dissol. serapii ros. purgatorii. ℥j. & fiat syrupus, iterum coquendus lenta ebullitione, quem capiat mane cum regimine.

Hanc purgationem facile ferente ægrota, multæ factæ sunt doses pro reliquo morbi decursu, perfecteque sanata est puella, nunc viro juncta.

Ea mente hanc scripsi enarrationem, ut ostenderem non esse temere pronuntiandum, de hypochondrii tumoribus, ut à multis fieri solet; sed omnia rite esse perpendenda, ex situ partium, & ex symptomatibus, quæ maxime ab ipsis affectis invehiri solent, ut est faciei color naturalis depravatus, in affectibus jecoris, & lienis si consideratione digni extiterint; Ideo si constante facie, & sui simili, tumor aliquis, aut alius affectus chronicus in hypochondriis animadvertatur, nullo modo jecur, aut lien afficiuntur: Si autem faciei color naturalis mutatus fuerit, licet in partibus externis tumor, aut aliquid aliud præter naturam tantum inesse videatur; interiora simul afficiuntur: Quo autem magis à naturali statu vultus recesserit; eo gravior erit affectus, cujus principia, quo magis senesco, eo sæpius à fluxione capitis extitisse deprehendo, quod cogit me asserere, hos omnes tumores insignes, & in visceribus obortos, & in aliis partibus carnosus, qui ad suppurationem perducuntur, & ex aliis multos, à fluxione capitis originem ducere, quod etiam deducitur ex Gal. lib. 2. de febr. cap. ij. nullumque tumorem ex his fieri à congestione. Cur enim in jecur, & lienem, &

circum viscera non defluet humor excrementitius à capite, quemadmodum in pulmones, & in iis inflammationes, cedemata, & scyrrhi principia excitare non valebit? Quia autem sensim decidit humor sæpissime, quousque auctus dolorem inferat, non percipitur; ideo in parte congestus creditur.

OBSERVATIO V.

Canonicus
macilentus
& Melan-
cholicus pur-
gatione sa-
natus.

Canonicus quidam valde macilentus, & temperamento melancholicus, hac intemperie frigida hypochondriorum laborans, tot flatibus partibus in illis positis distendebatur, ut in Ecclesia psalmos concinere non valeret, nec thoracem confringere; Perlectis tunc temporis dotibus hieræ Pachii, consului ut ea uteretur in forma pilularum, addito diagridio, ut supra diximus, mirum quantum emolumenti percepit; unde in iis qui ab hypochondriis laborabant sine febris, & calore in eis præter naturam semper usus sum hiera Pachii cum felici successu.

Mulier quædam Tholosæ, tumore in hypochondrio sinistro laborabat præcipue versus matricis latus, ab omnibus ipsius matricis ascensus credebatur, manibusque deorsum comprimebatur, mortua tandem muliere, ejusque cadavere dissecto, insipientibus cum pudore Medicis, inventum est lienis tumorem, illuc præcipue pertingere.

De Hydrope.

CAPUT III.

Lib. 2. de
Nat. facul.
lib. 2. prog.
cap. 1.

Ex communi Medicorum doctrina, post Galenum lib. 5. de loc. affect. cap. 7. & pluribus aliis locis, fatendum esset nunquam fieri hydropem, nisi jecore affecto, sive per se & primario, sive ab aliis partibus affectu illi communicato: Sed ex Hippocrate lib. 1. de morb. mulie. & ex his qui lienem aliud jecur esse affirmant, crassio remque chyli partem, ut superiori cap. attigimus, à venis meseraicis exuctam, antequam jecur subeat, per ramum splenicum ad se allicere, conficiendo sanguini materiam, ignobilibus quibusdam

busdam partib. abdominis alendis convenientem; Dicendum
 erit hydropem, etiam invehi per se à liene, ipso jecore illaeso. Lien hydro-
 pis saepe est
 causa.
 Hæc opinio, in quam facile discefferim, gravissimos habet
 Authores, alteraque validioribus fulcitur rationibus, ut videre
 est apud Sennertum ejus fautorem, & Andream Laurentium
 alterius defensores: In gratiam autem sententiæ à qua stat Sen-
 nertus & alii ante illum, hoc eorum addam rationibus; lienem
 scilicet in sinistro latere positum esse, tanquam in sua jurisdic-
 tione, quemadmodum jecur in dextro; quod à solerti natura non
 esset factum, si excipiendum tantum excremento comparatus
 fuisset; proxime enim, ut vesicula fellis, jecori admotus hæ-
 sisset. Si dicatur lienis magnitudinem obstitisse; Respondebi-
 mus, ideo lienem ad alios usus factum, quam ad excipiendum
 excrementum, quod ex Galeno, longe parcius excremento bi-
 liofo, minorem ad illud excipiendum requireret locum. Quod
 autem fuerit sententia Hippocratis, hydropem non semper ex-
 istere vitio hepatis, imo potius lienis; patet ex cap. 1. lib. 1.
 progn. & coac. 1. lib. 2. coac. præcipue autem lib. 1. de morb.
 mulie. in quo loquens de hydrope, ait lienem è ventre ad se
 aquas attrahere, quibus saturatus, & expletus, redundantiam
 deponit per venas in corpus, & maxime in omentum & loca
 circa ventrem, & crura, unde hydrops, scribitque Duretus
 supra coacam jam allatam, fuisse judicium Hippocratis lib. 1.
 gynæc. omnem ascitem nasci præeunte liene; contra, eundem
 vitari, & abigi diarrhœa cruditatis experte; idest, nihil de
 hienteria, aut dysenteria redolente. Experientia etiam com-
 probatur in dissectione cadaverum hydrope defunctorum, in
 quibus multoties deprehenditur, hunc affectum non esse ab he-
 pate; licet aquis innatans temporis progressu afficiatur: Sed à
 liene, aut alia parte abdominis, ut omento, vel pancreate, quod
 in dissectione cadaveris hydropici, totum vesiculis aqua plenis
 refertum, me præsentem, Parisiis inventum est, quod etiam re-
 nibus contigisse observavit Platerus lib. 3. obser. Idem Dure-
 tus, licet ex Hippocrate scripserit, ut supra diximus, omnem
 hydropem fieri præeunte liene, in explanatione tamen prædictæ
 coacæ, etsi postea in coac. 7. ejusdem lib. fateatur nullam post
 citem oriri sine consensu, & conspiratione lienis; Docet post

Lien non
 comparatus
 excipiendo
 excremento.

Non semper
 hydrops ab
 hepate.

Galenum ubi supra, frustrationem operis sanguificandi, causam esse communem hydropis; Quod fit vel hepate, ut inquit, impedito, ut in lienteria, diarrhoea jejuni-intestini, & torminibus alvi, quæ nulla curatione quiescunt; Frustrationis vero causam alteram, esse jecoris alienationem, quæ duas habet causas: Unam quidem ipsius exolutionem, quæ atonia dicitur, cum scilicet jecur exit de tono suo, seu œconomia, suo defraudatum genio; Alteram vero marasum retorridum, ex febris acuta, quæ sedem habet in hepate, ipsiusque gratiosum humorem depopulatur, cujus defectu crescit, durumque efficitur, indeque frustratio hæmatoseos, ex qua hydrops, ascites scilicet; nam de tympanite, scribit cum fieri ab intemperie hæctica, quam mesenterio, & tenuibus intestinis, ilium & lumborum vitia intulerunt; Lumborum quidem secundum nervos qui ab ipsis oriuntur, & mesenterium constituunt, Tum per communicationem febris acutæ, quæ sedem habet in vena cava descendente, & arteria sibi socia in regione lumborum. Sennertus vero non vult ascitem fieri vitio hepatis, sed tantum anasarcam; in ea enim hydropis specie, inquit, sanguis frigidior, & aquosior generatur, & per omnes venæ cavæ ramos distributus, facit ut tertia coctione frustrata, corpus totum tumidum, & aqua quasi suffusum reddatur. De hydrope vero ascite, ut & tympanite, aliter, ait, sentiendum puto, & Hippocratem procul dubio intellexisse anasarcam, per hydropem qui fit ab hepate; per hydropem vero ab ilibus, ascitem, & tympanitem: Ideoque vult ipse Sennertus, ubi serum copiosum in ramis venæ portæ subsistit, in omentum transire, per venas in eo dispositas, quarum orificiis apertis, in cavum abdominis destillat: hæc Sennertus; Cujus sententia in quibusdam recipienda, in aliis vero improbanda: Neque enim mens fuit Hippocratis in prognostico, & in coacis, loquentis de hydrope, illum qui fit ab hepate esse tantum anasarcam; nam in prognostico, unde coaca prima libri secundi est desumpta, loquitur Hippocrates de omnibus hydropis speciebus, quæ fiunt ex morbis acutis; anasarca vero, & in iis, & magis in morbis longis accidit, nec Interpretes, Galenus, Duretus, & alii, affirmabant Hippocratem intellexisse tantum anasarcam, per hydropem qui fit ab hepate;

Tympanites
fit ab hæcti-
ca.

Anasarca se-
cundum Sen-
nertum fit
vitio hepatis.

& ascitem, & tympanitem, per eum qui fit ex parte inani, seu ab ilibus. Præterea cum quis anasarca primo laborat, deinde ut sæpe fit, ascites subsequitur; si anasarca fit tantum hepatis vitio, ut vult Sennertus, licet ex Hippocrate lib. 1. gynæ. possit etiam fieri vitio lienis, quis negabit ascitem, tunc temporis non fieri, causa in pejus ruente, & jecore magis refrigerato? Quod vero tympanites, vitio etiam jecoris accidere possit, sicut & lienis, facile existimaverim; licet Duretus, ubi supra non sit in ea sententia: Nam si, ut ipse scribit à febre acuta quæ sedem habet in vena cava descendente, & arteria sibi socia in regione lumborum, ilibus communicato vitio, tympanites hydrops exurgit; Quare febris acuta ejusdem generis, quæ sedem habet in jecore, vel liene, tale vitium ipsis non communicabit, unde fiat tympanites: Dixi ejusdem generis, quia febris ex qua tympanites subsequitur, debet hoc habere peculiare, ut fiat ex humore, à quo flatus ejusmodi facile generentur, ut est humor melancholicus, generandis flatibus, etiam sine febre, maxime idoneus, ex quo purus fieri solet tympanites; mixtus vero, ex aqua quæ parit ascitem, calore quodam in flatus conversâ; unde dicitur quod raro est ascites sine tympanite, & è converso, sumpta tamen denominatione à materia prædominante. Quamvis etiam Duretus ubi supra, post Galenum lib. 2. progn. in explanat. cap. 1. scribentem omnis hydrops communem esse causam, frustratam sanguificationem; Dicam tamen multoties fieri hydropem, nullo modo læsa sanguificatione; cum quis scilicet ex nimio potu, in febribus, in itinere diebus æstivis, aut alia de causa sitiens, subito incidit in hydropem ex nimio potu, ex quo sæpissime facile sanatur, quod non fieret, inquit Sennertus, si jecur esset refrigeratum, vultque aquas, antequam in ventris cavum decidunt, contineri inter ventriculum, & renes, in ramis scilicet, ut alibi docet, venæ portæ: Sed ubi potus nimius ingestus est, existimo eum paulo post venas lacteas subire, & ab eis in alias permeare, à renibus non attractus; hæc enim via est in diabete, ex Thomæ Bartholino; cent. 5. histo. 30. per quam quæ bibuntur, statim ad renes, & vesicam perveniunt, & meiuntur; sicut per sanitatem, cum renes valent, nec viæ obstructæ sunt, aquæ minerales, & alius

Hydrops
causa sæpe
est potus ni-
mius.

Aqua pura
nimium po-
ta, partes
debilitat.

Hydrops
quæ a diu-
turno alvi
fluxu non
solvitur, fit a
liene.

lius potus liberaliter sumptus, ex vino, cerevisia, aut pomorum liquore: Aqua vero pura nimium pota, sua frigiditate partes debilitans, vias densando sibi præcludit, & à renibus non attracta, nec interdum à liene, & etiam jecore, propter eorum morbos, vel ejus abundantiam, stagnat in ejusmodi venis, in aliasque vicinas penetrat; à quibus per anastomosim, & partim per diapedesim, stillat in ventris capacitatem, qui repletur aqua, nisi arte educatur, aut à natura expultrice foras expellatur; Neque hoc solum accidit, si aquæ morentur, sed viscera pedetentim afficiuntur, hepar, & lien, attractis aquis, his autem præcipue, sine quo nullus ascites, ut supra diximus, eo quod aquas è ventre & stomacho attrahat, & per venas in corpus, & præcipue in omentum transmittat, ex doctrina Hippocratis superius allata: Unde colligitur fluxum ventris perseverantem sine levamine, in hyprope qui fit ex parte inani; sive ex morbo acuto accidat, sive ex alio morbo, primario fieri lienis potissimum affectu, qui aquis attractis saturatus, eas transmittit in omentum, per propagines quæ à ramo splenico ad ipsum pertinent: Cum autem omentum, ut verbum epiploon sonat, intestinis supernatet, aquis repletum, ea quibus incumbit refrigerat; ipsis refrigeratis, & eorum calore naturali imminuto, functiones naturales debilitantur, coëtrix præcipue, & retentrix; unde fluxus ventris diutinus, non exolvens dolorem, nec molliens ventrem, ut inquit Hippocrates in prognostic. Ubi licet loquatur tantum de hydropo, qui fit ex morbo acuto, in quo jejunum, & mesenterium, phlegmone, ex Galeno, laborant; mihi potius videretur ex phlegmone harum partium, ileon invehì quam fluxum ventris: Quapropter facile crediderim, in hydropo ex parte inani, qui fit à morbo acuto, in quo fluxus ventris perseverat sine levamine, ipsum quidem fieri jejunum, & mesenterio inflammatione interdum affectis; hoc vero primo & per se, jejunum autem propter vicinitatem, cujus venæ debiles fiunt, ut ait Galenus, per quas jecur ad se trahit alimentum; ita fit ut nequaquam subserviant visceri ad distributionem, neque maneat in jejunum, tenuioribusque intestinis alimentum: Quod si graventur ab eo, utpote debilia, id omne pellunt deorsum; atque hæc alvi fluoris causa est. Quin etiam

cor-

corrumpi alimentum, bilisque colligi copiam verisimile est; ob calorem partium quæ inflammatione vexantur, & ob eam rem intestina admodum mordentur, proindeque excitantur, ad excernendum contenta in ipsis excrementa; atque hæc rursus causa diarrhœæ est. Hæc ex Galeno. Quæ quidem, diarrhœæ scilicet causa, oriri potest in morbo acuto, inflammationis experte, ideoque non est simpliciter pronunciandum, fluxum ventris in hydrope, de quo hic agit Galenus, esse à phlegmone jejuni intestini, una ex volvuli causis, in quo nihil dejicitur; sed à morbo acuto, qualiscumque ille fuerit, qui intestina gracilia debilitare valet; sicut etiam fit ex eorum refrigeratione, ab omento aquis referto, ut supra demonstravimus: Non est tamen negandum, in hydrope à propria hepatis refrigeratione, ejusmodi fluxum ventris posse supervenire, aquis in omentum, vel pancreas, vel mesenterium transmissis: Nam cum Hippocrates ait, ventrem non dejicere nisi dura, in hydrope qui fit hepatis vitio, loquitur tantum de eo qui existit à morbo acuto, quem Galenus sedem habere in hepate, inflammatione alimentum torrente, intestinis, nec mesenterio affectis, scribit: in alio vero hydrope, à propria jecoris refrigeratione, intestinis, & mesenterio, facile potest communicari refrigeratio, ex qua debilitas facultatum, & inde diarrhœa. His ita enodatis, de parte præcipue affecta in hydrope; ad curationem veniendum, quæ duobus, quantum ad pharmaciam, perficitur auxiliis: Aquarum eductione; & partis à qua generatur corroboratione. Aquarum eductio juvatur victu exsiccante, & præcipue abstinencia potus, quo solo multos sanatos fuisse narrant historiæ. Cum autem collectio aquarum in hydrope tripliciter fiat, ut inquit Duretus; Nimio potu, bullarum ruptione, & febris abscessu, cum materia febris causa deponitur in ventrem: operæ pretium existimaverim scire, quomodo hydrope laborans in hunc inciderit. Nam si ex nimio potu affectio sequuta est, sintque viscera integra, & robusta; sola potus abstinencia, aut sola potentis hydragogi exhibitione curari potest: Si ex nimio potu, non solum aquarum in ventre facta est collectio; sed & viscus aliquod refrigeratum fuerit: Quo major refrigeratio; eo majus negotium erit in curando: Ita ut & repetenda sint hydra-

Victus exsic-
cans & absti-
nencia potus
optimus in
Hydrope.

goga, & roborantis usum, frequentem esse oporteat; ne quantum aquæ prima, aut secunda vice subtraxeris, tantum tibi debile viscus suppeditet; quod in omni hydrope maxime venit considerandum. Si aquarum collectio in ventre, fiat ruptione bullarum, quæ excitantur nimia in viscere existente aquæ abundantia, viam sibi quærente, difficilis admodum, & ferme impossibilis curatio: Nam si ulcera in corpore hydropicorum exorta, difficile sanantur ex Hippocrate; à fortiori intra corpus, & in substantia molli alicujus visceris: Maximum etiam sane vitium labes, & corruptio visceris, quod, ut inquit Fernelius, etsi omnem noxium humorem subtraxeris, manet in viscere. Quod cum acciderit in hydrope, aut saltem refrigeratio ad extremum deducta; quantum diureticis, aut hydragogis, aut alio modo, aquæ subtraxeris; tantum generabitur à viscere tali modo affecto: Hoc tamen in principio; cum ægrotus curandus suscipitur, non facile cognoscitur, sed procedente morbo, & quibusdam adhibitis remediis; Quare Medicum accedentem ad hydropicum sanandum, non oportet penitus de salute desperare; nec de certa spe valetudinis recuperandæ pronuntiare, donec periculum fecerit, utrum integra sint viscera, aut saltem non admodum refrigerata, quin ad pristinum statum reduci possint, quod ex juvantibus auxiliis indicabitur, natura ex his melius habente, aut saltem in pejus non ruente. Si febris tamen supervenerit hydrops, præsertim continuæ, raro servantur ægroti, & multo minus ipsa perseverante; à febre enim, aut ejus causa, aliquod ex visceribus male affectum esse significatur; ipso vel corrupto, aut nativo ejus calore exoluto, quæ tandem rapiunt ægrotantem: etiam si à quibusdam aliis signis, spes salutis promittatur: Præterea febris refrigerantia postulat; hydrops calefacientia; ita ut si uni mederi velis, alteri noceas: At in hoc indicationem pugnantium concursu, amborum, quantum fieri potest, habenda est ratio, magis tamen hydropis; calida enim naturæ nostræ frigidis amiciora, majusque impendit periculum ab hydrope, quam à febre, ut plurimum, & in roborantibus, ut inquit Paracelsus, non sunt respiciendæ primæ qualitates. Si igitur hydrops cum febre continua, qualiscunque sit generis, curandus suscipitur, magna cum prudentia a-

Apho. 8.
sect. 6.

Visceribus
bene consti-
tutis, aut
non nimium
refrigeratis,
magna spes
curationis
affulget.

gen-

gentis, infelices primo nuntiantes eventus, & curam difficilem.

In venæ sectione quæ ratione febris permittitur, vires, & naturam morbi, maxime respicietis, parca manu sanguinem detrahentes, partitisque vicibus, si plus quam semel detrahendum.

De purgantibus autem, nulla intercedit difficultas, quin exhibeantur, non solum bis, & ter, sed pluribus vicibus; necessitas enim ducendi aquas, nulli cedit indicationi, nec in hoc casu leniter purgandum; eligenda tamen sunt quæ minori cum molestia id efficiunt, ut est succus radicis ebuli, congrua tempe-

Parca aut nulla venæ sectio instituenda licet febris indicare videtur; purgantia vero sapius exhibenda.

state collectæ, iusta dosi exhibitus, ut docebitur in Enarrationibus.

Cum æger est à pharmacis maxime averfus, potest exhiberi magisterium rad. jalap à gr. xv. ad xvij. ita ut venter decies ad minimum deiciat, quod est advertendum in hydropicorum purgationibus; abundat enim humor purgandus, quem facile natura demittit sibi molestum, ideo abunde vacuandus.

Magisterium rad. jalap, docetur à Schrodero in sua Pharmacia, quod conficit eliciendo tincturam cum spiritu vini, supra quem postea injiciendo aquam, præcipitatur in fundo magisterium, quod resinosa est substantiæ, longe minori molestia purgans,

ipso radicis pulvere. Semen etiam ebuli potenter aquas ducit, præsertim quo recentius. Cum à nigra carne mundatum est, debet in aquam injici, ut omne quod supernatat abjiciatur; tunc in mortario marmoreo, ʒj. pondere contusum, sumitur cum

Semen Ebuli potenter aquam educit.

vino, jusculo, aut alio liquore: vel cum syrupo in formam opiatae redactum manducatur, ingrati enim non est saporis: Si quis tamen oleum extraheret ex semine, gratissimum efficeret

medicamentum, quo nobilis quædam mulier Benearnensis, ab hydropo liberata est, aquis eductis, cum jusculo in quo positum fuerat oleum.

Si igitur hydrops sit cum febre continua, audacter purgantibus aquas utendum, visceraque roboranda:

Dentur apozemata, aut decoquantur simplicia in jusculo carnis in hunc modum.

℞. Carnis vervecinæ, hædi, aut pulli; frustuli jecoris, aut splenis, si splen ægrotare videatur, ana q. v. decoque in lbij. aquæ quousque omnis spuma ablata fuerit; adde postea rad.

Jusculum in Hydrope proficuum.

gram. cicho. & eryng. ana ʒss: folior. agrim. utriusque cicho. hæpat. ling. cerv. & ceterach. pro splene, summit absyn. pont.

ana mß. flor. ros. pj. spicæ nardi scrup. j. passul. exacinarum
 ʒß. sem. petros. & sem. frigi ana ʒj. cinam ʒij. sine ad tertiæ
 partis consumptionem fervere, pro tribus dosibus mane & sero.

℞. Pulver. diarrho. Abbat. aut trias. pro ratione caloris fe-
 brilis, pulver. absyn. pont. ʒß. ex aliorum singu. ʒij. fyru. de
 cichor cum rhabar. q. s. ad opiatae consistentiam, de qua capiat
 quolibet mane ad nucis magnitudinem per multos dies, super-
 bibendo parum aquæ cicho. in balneo mariæ destillatæ. Vel
 quod horum vicem supplebit.

℞. Rhabar. ʒij. infunde in aquæ cicho tßj. bibat de expresso
 ʒiiij. quolibet mane, renovando infusionem quandiu opus fue-
 rit.

In febribus longis qualiscumque generis, à quibus perfectam
 sanitatem, vix recuperare possunt ægrotantes, non satis laudari
 potest hoc medicamentum: Cetera videbuntur in Enarrationi-
 bus; ideo hic supersedebimus.

P R O G N O S T I C A.

Omnis hydrops, si ex acuto morbo existit mala est, neque
 enim sedat febrem, sed dolorem admodum infert, & mor-
 tem Hippoc. cap. 1. 2. Progn. & in coac. 1. cap. 19. lib. 2.

Epilepsia hydropicis funesta. Hippoc. in coac. 5. cap. 19.
 lib. 2.

Hydrope laborantibus, ulcera in corpore facta difficile sa-
 nantur Hippo. aphor. 3. sect. 6.

Hydropelaboranti, si aqua è venis in ventrem fluat, solutio
 morbi scilicet. Hippocrat. aphor. 14. ibidem.

Quibus tormina, & circa umbilicum dolores, & lumborum
 cruciatus, sunt, qui neque pharmacis, neque aliter solvun-
 tur, in hydropem siccum firmanantur. Hippo. aphor. xj. sect. 4.

Suppurati, & hydropici, quicumque uruntur, aut secan-
 tur, si pus aut aqua confertim effluat, omnino moriuntur.
 Hippo. aphor. 27. sect. 6.

Hydropicis tussis superveniens, malum. Hippoc. apho. 35.
 ibidem.

Quibus jecur aqua repletum, in omentum eruperit, iis ven-
 ter aqua repletur, & moriuntur. Hippo. aphor. 55. sec. 7.

Inci-

Incipiente hydrope, alvi profluvium sine cruditate, morbum solvit. Hippo. lib. 2. coac. cap. ix. coac. 8.

Leucophlegmatia detento, fortis diarrhoea superveniens, morbum solvit. Hippo. aphor. 29. sect. 7.

In sicco hydrope stranguria prava est; ac prava quoque urina quæ hypostasim habet exiguam. Hippo. lib. 2. coac. cap. ix. coac. 4.

Hydropicum febre, urina pauca, atque turbida, perniciofa. Hippoc. lib. 2. coac. cap. ix. coac. 7.

Hydrops qui Medicinæ cedit, & revertitur, desperatus. Hippoc. ibidem. coac. xj.

Quo magis inveteratus est hydrops, eo curatu diciffilior.

Quanto lotii minus redditur; tanto deterior hydrops.

Abscessus, vel maculæ in cruribus erumpentes lethales in hydrope, ex Hippocrate 7. epidem. loquente de Bione, & Ctesiphone.

Omnis hydrops qui alteri morbo succedit, altero periculofior; & præsertim si morbus sit chronicus.

Hydrops à tumore hepatis, periculofior illo, qui fit lienis vitio.

Hydrops à tumore horum viscerum, incurabilis; magis tamen jecoris, quam lienis.

Fluxus ventris in hydrope, qui nihil proficit, pessimus.

Anasarca diuturnas febres potissimum excipit, vitiosumque ventriculi habitum, & nimium fluentes menses, aut hæmorrhoides, nec non immodicas vigilias, & incipientem viscerum intemperiem frigidam.

Tympanites supervenit, etiam longis febribus; imo in quibusdam acutis sequitur languores stomachi, ejusque, & intestinorum inflammationes, & scyrrhos jecoris, ventriculi, uteri, & peritonæi, sicut & inflationes coli, & stomachi.

Ascites succedit anasarcæ, excipit tumores duros, veteresque jecoris, lienis, uteri, mesenterii, ardentissimas febres, subitam jecoris refrigerationem, diuturnam auriginem, sanguinisque largam profusionem, aut sæpissime repetentem.

Enarrationes de quibusdam Ægrotis.

OBSERVATIO PRIMA.

Hydrops a
scabie intro-
pulsus.

Vir quidam ruri habitans, accersivit me ab hydropo curandus, in quem scabie intro unguentis reperculsa inciderat; lecto detinebatur propter ventrem, qui in maximam molem increverat, huic statim cum regimine, tale præscripsi hydragogum.

℞. Succī rad. ebulli ꝑ℞. rhabar. scrup. j. pulver. electu. diacantha ꝑ℞. cum parum aquæ cicho. fiat potio, capiat mane.

A purgatione, imperavi ut quolibet mane tribus horis ante cibum, & jejuno stomacho, caperet de opiata sequenti, ad parvæ nucis magnitudinem, parum vini superbibendo, quam ita describit Bayrius.

℞. Eupat. spicæ nar. cinamo. schæn. caryoph. rubeæ, sem. petros. & apii ana ꝑ℞. liquir ꝑ℞. rhabarb. ꝑ℞. mastic. laccæ illotæ spod. rosar. rub. aristo. rot ana scrup. iij. trita, & per incerniculum transmissa, cum melle despum. misc. fiat opiata.

Post circiter dies duodecim à prima purgatione, præscriptum erat Pharmacopœo, curam ægrotantis habenti, ut propinaret illi secundam purgationem aucta dosi, quo peracto venter omnino recessit, utensque ægrotus reliquo opiatæ jam præscriptæ, una quadragesima liberatus est; mense enim Martio radix ebuli potentissimæ est virtutis, quo tempore hydrops curari inceperat.

OBSERVATIO II.

Animia in-
gurgitatione
fructuum
horariorum,
Febrister-
tiana, Hy-
drops & Epi-
lepsiā.

Hujus urbis adolescens, profectus in villam tempore vindemiarum, fructibus hoc tempore maturis se ingurgitans, incidit in febrem duplicem tertianam, in qua Pharmacopæi consilio, venæ brachii semel, atque iterum secta est, sumptumque medicamentum purgans; Cum autem male se gereret, præcipue in largo potu aquæ acinatæ, sequutus est hydrops, quod videns ejus pater, ut facilius quæ ad curationem necessaria forent adhiberentur, filium ægrotantem in urbem reducendum curavit, ab eoque rogatus ut illum inviserem: Accedens ad ægrotantem, totum corpus valde tumidum aspexi,

aspekti, præcipue ventrem, & faciem, cum febre duplicem tertianam non amplius redolente, nulla enim erat intermissio, nec exacerbationes quotidianæ cum frigore, ut antea; quod me præsens periculum cognatis prædicere coëgit, à quibus certior factus de omnibus, quæ acta erant, tum ab ægrotante, tum ratione ejus curationis; statim à medicamento hydragogo orsus sum, quod talis esset naturæ, ut non solum hydropi, sed etiam febribus intermittentibus profligandis, qualis hæc fuerat, esset idoneum, ut est pulvis cornachini, qualis hæc fuit formula.

℞. Diag. vapo. sulph. castigati gr. viij. antim. deton. gr. vj. crist. tartari gr. iij. capiat mane cum juscule, radicib. diureticis alterato.

Hæc purgatione, alvus quater abunde dejecit, aquis biliosis exeuntibus, à quibus manus, & brachia parum detumuerunt. Interea pro potu ordinario, præscripsi eryngii decoctum, quia grati est saporis: Cum autem prima purgatione, venter non esset satis abunde subductus, ut decet hydrope laborantibus, quatuor aut quinque diebus exactis, cogitavi de secunda, & fortiori exhibenda, ex eodem pulvere, hæc dosi.

℞. Diag. vapo. sulph. castigati gr. x. antimo. deton. gr. xij. crist. tartari gr. iij. fiat pulvis, capiat ut supra dictum est.

Hæc purgatio, quamvis altera validior, minus duxit alvum, tamen post aliquot dies, febris omnino dimisit, quæ tertio die reversa est; culpa fortasse ægrotantis, seu potius ejus matris, in omnibus illi indulgentis. Interea ad viscerum roborationem, præscripta erat opiata Bayrii supradicta; qua toto morbi tempore, quod fuit quatuor mensium, usus est ægrotans, morsus quod sibi parans cum pulvere sacchari, præter in diebus epilepsiæ, ut postea dicitur: Secunda purgatione votis non respondente, licet prima fortiori, medicamentum mutare decrevi: Cumque alias succus radicis ebuli mihi bene cessisset, ut superiori Enarratione relatum est, ejus utendi desiderio flagrabam; sed tempestas nondum aderat, ut in supradicto ægrotante, qui purgationibus ex succo rad. ebuli, usus fuerat mense Februario inclinante, & mense Martio; quo tempore, potenti succo ad purgandum, valde prægnans est radix; sicut & aliæ quæ

quæ in eundem finem expetuntur: At in hoc ægrotante erat tunc dies tantum decimus Novembris; hac de causa, malui uti potius succo radices iridis nostratis, quem hoc tempore, alteri longe præstare existimabam; ideo hanc ad periculum faciendum præscripsi dosim sequentem.

℞. Succī rad. irid. nostrat. ʒvj. mannæ, propter ejus asperitatem stumacho gravem, ʒij. cinamo. ʒß. fiat potio mane sumenda, cum regimine, qua venter, ter aut quater tantum dejecit.

Ante hanc purgationem, quia mulier bene habuerat usu decocti cort. mediani quercus, consulueram ut ægrotus eo pro ordinario potu uteretur; roborat enim vi astringente, & urinas movet indita proprietate, ut in ægrotante probatum erat. A proxima purgatione ex succo iridis; licet non multæ fuissent dejectiones, venter, & reliquum corpus parum detumuerunt, excepta facie, quod mihi ansam præbuit, paucis post diebus aucta dosi, aliam ex eodem succo propinare, in hunc modum.

℞. Succī rad. irid. nostrat. ʒij. mannæ calab. ʒiiij. fiat potio cum regimine sumenda. Res inaudita! omnes purgationes aucta dosi, præter ultimam, ventrem minus subduxere.

Ut autem varietas occurreret molestiæ, ex succo iridis purgationem parari jussi, dando ʒiiij. quæ minus alvum subdlexerunt, quod me induxit, ut inter purgantia medium interjicerem enemata discriptum, & probatum à Valleriola in observationibus.

℞. Urinæ pueri impubis ℥j. fermenti veteris, ʒiß. salis pj. mellis ʒj. fiat enema.

Ter jam purgantium dosi aucta, rebus non bene mihi cedentibus, novum, & alterius generis quam prædicta, eligere statui, quo tempore ingruente nocte, insultu epileptico correptus est ægrotans, mortis proximæ signum esse, patre, & matre existimantibus, nec mirum, epilepsia ex Hippocrate in coacis, Hydropicis funesta: Ideo quam citissime vocatus, ex relatis quid rei esset suspicatus sum: Cum autem me præsentem, iterum, atque iterum, insultus epilepticus invasisset, & gravioribus paroxysmis, nigra evadente facie, dentibusque lingua multis in locis vulnerata, spretis quæ ad hydropem fiebant pro tempore, ad epileptica confugimus, potionemque propinandam curavi-

mus

mus ex aqua pœoniæ, theriaca, & spiritu vitrioli, quæ habetur cap. de epilepsia, qua tribus etiam diebus, ad præcautionem usus est frequenter ægrotus ex cochleari; nec ab illa nocte reversus est paroxysmus epilepticus; sed per octo dies mansit ægrotans quasi stupidus, & velut infans; ita ut dubitaretur, utrum fieret, iterum mentis compos. Restituto ægrotante in statu, in quo fuerat ante epilepsiam; de nova & alterius generis, ut jam dictum est, purgatione, decernebam, invito patre, qui omni spe de salute filii amissa, aut saltem epilepsiæ obnoxium fore, omnia in cassum fieri affirmabat, rogabatque ne tot remediis torqueretur. Ego vero instabam filium non esse depouendum quamdiu vel tantilla spes recuperandæ valetudinis afflisset; fidendum ætati illius, nec in hominum ora abeundum, qui præpostere de rebus semper judicant; ejus epilepsiam esse de genere illius, affirmabam, quæ sit à vermibus, quibus, & eorum scaturigine ejectis, sedatur, & omnis abit ejus dispositio: Addebam non esse mirandum, ejus filium hydropelaborantem, epilepsia correptum fuisse; cum recedente parum, totius corporis tumore, faciei qui magnus erat, in eodem semper statu mansisse, quod caput, & cerebrum aquis perfusum, indicabat, quæ tandem corruptione, aut alia de causa, qualitatem cerebro infensam induentes, gravissimi hujus symptomatis causa fuerant, ut ab ipsis cerebrum se expediret, meliusque in posterum haberet; hujus rei certissimum esse argumentum, quod ægrotans ab affectu lethargico, octo dierum, qui epilepsiam sequutus est, magis quam antea cibos appeteret, magisque alacer factus esset, quod admiratione dignum erat; ideo non esse desperandum de salute, à natura adjuta, quæ adhuc stabat contra morbum. Cum autem corporis moles imminuta, subinde in eundem statum reverteretur, absente parte, favente tamen altero parente, alterius generis, quam prædictas, purgationem eligere statui, ut tandem idonea occurreret: Non solum enim, ut inquit Mesue, purgans medicamentum eligendum; sed naturæ nostræ, & temperamento accommodatum, quod cum nisi rerum usu agnoscatur, pluribus est utendum, quousque aptatum inveniat; Ideo ex jalap, quo nondum usus fueram, præscribere volui.

℞. Pulv. jalap. ʒj. cinam. tenuior. scrup. j. capiat cum jusculo, propter febrim continuam, serotinis horis ingravescentem.

Hæc purgatio, bis, aut ter tantum duxit alvum, quæ aucta dosi ad scrup. iiij. non magis mota est; quod me in admirationem rapiebat, inscium unde aucta dosi ejusdem purgantis, jam quater, minores extitissent dejectiones: Nihilominus satis mihi erat animi, ad parentes ad spem erigendos, quod in ægroto staret ciborum cupiditas, & in facie alacritas quædam insideret non solita; unum erat mihi etiam solatium, purgantia exhibita, incrementum saltem prohibuisse ægritudinis, imo parumper levatum esse; licet semper lecto detineretur æger. Scrotum quod antea tumefactum erat, omnino detumuerat; paucis tamen post diebus, in maximam molem increvit: Existimans naturam, exitum aquarum per hanc viam moliri, placuit ut vocato Chirurgo, funiculus xylinus, acu per scrotum traduceretur, idoneum aquis hydropicorum educendis remedium, præcipue juvenibus; senibus autem periculosum, propter gangrenam, quæ sæpissime iis accidit, ex defectu caloris: licet etiam timenda in juvenibus, ut in ægrotante isto formidavimus, non parva suborta inflammatione. Hoc remedii genus parum nobis profuit, exigua, præter spem, aquarum quantitate excreta, cito, & paulatim arescente ulcere, quod me in novi auxilii exhibitionem adduxit; in aquæ scilicet stillicitiæ radice ebulli usum, quo sciebam circa Bliterensem civitatem, mulierem à Medicis relictam, fuisse sanatam à quodam fratre Ordinis sancti Benedicti. Interea dum paratur aqua, quia venter non recedebat, ut optabam, nec anasarca, quæ magna erat, præcipue in pedibus, præscripsi dosim pulveris Cornachini, addito turpeto, sumendam in jusculo dissolutam.

℞. Scammo. vapore sulph. castiga. gr. xi. stybii deton. gr. x. crist. tart. gr. iij. turbith. scrup. i. capiat cum jusculo.

Hæc potio, sicut præcedentes, non bene respondit optatis, quia in hydropo, debet alvus multum deicere, ut jam diximus; alioqui magis aquæ suppeditatur à fonte, quam à medicamento vacuatur, sicque res, aut in pejus ruunt, aut si tan-

tum

tum vacuatur, quantum gignitur in eodem statu permanet, ut longo tempore factum est in nostro ægrotante, quem firmis fuisse visceribus existimandum est. Parata aqua rad. ebuli, sumpsit ægrotans mane trib. horis ante pastum ℥iiij. quatuor consequutis diebus, cujus usu maximum percepimus levamen: Nam & in gestu, & in loquela, & in facie, omnia alacriora facta sunt, & partes carnosæ minus tumentes. Quia autem ventris stabat moles, licet imminuta, cum jam instaret principium anni, ideoque tempestas idonea utendi succo radicis ebuli, qui mihi bene cesserat in hydropico superioris enarrationis, & in ægrotis infra scribendis, decrevi ex eo purgationem sorbendam præscribere ex ℥i. succi radicis ebuli, & scrup. i. pulveris rhabbari, qua cum multum venter non deiecisset, non fuit in animo eam aucta dosi iterare, cum satis esset ℥i. succi, existimanti radicem, nondum esse principio Januarii multo succo prægnantem, quemadmodum in fine Februarii, & toto mense Martio; Ideo compositam purgationem præscribere statui in hunc modum.

℞. Polyp. quer. & rad. ebuli ana ℥ß. vel sem. ebuli, si sit æstas, ʒj. folior. cicho. agrim. eupat. ana mß. spicæ, absynth. pon. ana ꝑj, sem. apii & petros. ana ʒj. fiat ex his decoct. infun. in q. s. turbith, & jalap. ana ʒß. diagr. vapo. sulph. castig. gr. xij. styb: deton. gr. x. cassiæ recenter extractæ ʒij. fiat potio, quæ giganti purgando sufficiens erat, quater tamen, & post prandium, abunde autem alvum duxit; quod non mihi satis erat, licet videretur res ægrotantis in melius abire. Tandem circa finem Januarii, iterum propinandam curavi eandem purgationem, additis ʒiij. foliorum fennæ in infusione. Res inaudita: mediam partem potionis sorbendo effudit ægrotus, tot purgationibus fastidiosus, decies tamen, & amplius, ventrem exoneravit: ex quibus dejectionibus tantum levamenti perceptum est, ut nullo amplius medicamento aquas ducente opus fuerit, nisi quod per octo dies, aut circiter reliquum opiatae roborantis vorando, ut solebat, absumpsit, perfecteque sanatus est; quod omnes qui in morbi decursu inviserant pro miraculo habebant, nec temere: Nunc vero optima valetudine fruitur,

egregius curiæ secundarii juris Consiliarius; nec ab eo tempore, quod sciam, ullam passus est ægrotationem.

OBSERVATIO III.

A dolore colico hydrops, & ab errore in diætâ recidiva.

Apho. xi. sect. 4.

Chirurgus quidam hujus urbis vicinus, ætate 30. annorum, colico dolori à quibusdam annis obnoxius, incidit tandem in hydropem; ventris tumor non ita magnus erat, quin per oppidum deambulet; febris nulla infestabat. Cum autem colici dolores hydropem præcessissent, extimabam secundum doctrinam aphorismi. Quibus tormina adsunt & circa umbilicum dolores, &c. eum esse de genere tympanites; persuasus etiam parvo ventris tumore, qui semper major est in ascite, nisi in ejus principio, ut in isto ægrotante, in quo colici doloris causa, quæ semper frigida est ex Galeno, refrigeratis tandem visceribus, hydropem invexit aquosum, ut à juvantibus sumpta est indicatio: Nam cum æstas esset, tempestas utendi radicum succis purgantibus inepta, eorum loco, dosi pulveris Cornachini præscripta, in jusculo sumenda, magnam partem aquarum eduximus, ex quarum vacuatione melius habens sententiam mutavi, non dubitans de ascite; ideoque incumbendum hydrogogis, de quibus supra, cum aliquo roborante quod talis fuit descriptionis.

℞. Eupat. spi. nard. cinamo. schoen. rubeæ, rhab. absyn. pont. ana ziiij. aristo. rotun. azari ana zj. ros. rub. zß. jecoris, aut splenis bovis, secundum partem affectam zij. cum melle despu. fiat opiata, de qua capiat quolibet mane trib. horis antepastum, ad parvæ nucis magnitudinem, parum vini superbibendo.

Per id tempus, quo opiata utebatur, quibusdam interjectis hydragogis, circa finem Septembris sanatus est. Cum autem vitæ modum illi præscriptum non observaret epulando cum amicis, vinum dulce potans liberalius, & esculentis pro ratione potus ventrem replens; circa principium Novembris, iterum incidit in hydropem, longe præcedenti graviorem; monstrosa enim erat ventris moles cogens illum se continere intra cubiculum, ad ignem fere semper sedentem. Iterum vocatus, auditisque in quibus ipse peccaverat, multis prosequutus sum objurcationibus; non pudere illum, virum Chirurgum, rerum momen-

menta scientem, talia præstitisse: Affirmans in posterum magis sibi esse providendum, nisi perire vellet, quæ imperassẽm, omnia promisit ad amussim observaturum; unde iterum in pristinum statum restituere aggressus sum, consulens quantum fieri posset, potus abstinentiam: bibere autem si cogeretur, decocto eryngii vino albo tenui diluto, uteretur parvo haustu, rebusque assis, & coctu facilibus cum sobrietate. His præceptis, & reliquis ad vitæ modum conducentibus, hydragogum præscripsimus ex succo rad. iridis nostratis, addita manna, propter succi asperitatem stomachum lædentem, ut jam diximus, à dosi mediocri incipientes, deinde ad majorem, prima votis non satis respondente; à quibus meliuscule habuit. Interea statim à prima purgatione, opiatam qua prima vice usus fuerat, ad roboranda viscera, præscripsimus, octavo quoque die propinantes pharmacum aquas ducens. Licet autem autumnò, magnæ præcipue radices colligantur; hoc fit ad earum sepositionem, quia æstate succo vacuæ, essent invalidæ; vere autem nimio abundantes, non servarentur: Sed cum agitur de succo cathartico extrahendo; non satis ad id prægnans est radix autumnì tempore, magis tamen in fine quam in principio; ideo quod propinatum est pharmacum mense Decembri, melius respondit quam mense Novembri, utrumque tamen non satis ad votum; qua de causa, cum tempestas idonea utendi succo radiceis ebulli appropinquasset præscripsi ex eo hydragogum, hoc modo.

℞. Succi rad. ebulli ꝑ℥. pulv. elect. diacarth. scrup. j. rhab. scrup. ss. aquæ cicho. q. s. fiat potio mane sumenda.

Hac potione quater abunde venter subductus est, maximumque levamentum se ex ea percepisse scripsit, petens fortiozem, quæ septies, & amplius, ut illi dixeram, ventrem subduceret; quod me facturum promisi 20. die Januarii: Interea uteretur, cum opiata esset absumpta, pulvere kacheetico, quem habebat in promptu, de quo, & utendi modo cap. sequenti. Jam dies vigesima Januarii illucebat, tempus purgationi promissæ dictum, radice ebulli vires acquirente eundo, pridie quam ægrotus, de rebus suis sollicitus, misit nuntium potionis sibi afferendæ gratia, quæ fuit ejusmodi.

℞. Succi radiceis ebulli ꝑ℥i. pulver. electuarii diacarth. ꝑ℥. rhab. bar.

bar. scrup. i. fiat potio ut antea, quæ optime alvum subduxit, magna aquarum dejecta quantitate, quibus levatis visceribus, adhibens quod reliquum erat de pulvere kachectico, perfecte sanatus est.

OBSERVATIO IV.

A febre tertiana & nimio potu hydrops.

Juvenis quidam Rotomagensis, peregrinator jacobites, correptus in reditu febris duplici tertiana; ex prava vivendi ratione, incidit in hydropem, præcique, ut opinor, ex nimio potu; venter, & partes inferiores præ ceteris tuebant. Ad ejus curationem hydragogis supradictis usi sumus, ex pulvere Cornachini, & pulvere jalap, quia tempestas non erat idonea utendis radicum succis. Si usu comprobassem, semen ebuli ad purgandas aquas plurimum valere, quemadmodum postea mihi innotuit, illo usus essem, vide ejus electionem, & modum utendi cap. de arthrit. Huic ægroto scrotum tumidum evasit, quod perforandum curavi: Cum autem in xenodochio non haberet lintea, quantum aquis excipiendis, quæ ab scroto fluebant, necessaria, madens semper scrotum, parte qua linteis sternebatur, in ea gangrena correptum est, qua fere totum excidit; postea tamen à natura reparatum est. Tandem repetitis hydragogorum potionibus, & assiduo roborantis usu ex pulvere kachectico, invitum sanavimus, cogentes sumere quæ ad morbum curandum necessaria erant.

OBSERVATIO V.

Hydrops curata per succum Rad. Ebuli.

Rogatus à nobili viro Dynaste, ut filium nutricis filia suæ primogenita, hydropem laborantem inviserem; veniens in castellum, inveni ægrotantem ventrem habentem valde tumidum, ceteras vero corporis partes non item; surgebat enim quotidie è lecto obambulans, nec febris laborabat. Primo Cornachini pulvere aquas ducere tentavimus, deinde succo radicis ebuli, qui minori cum molestia id efficiebat; die enim quo pulverem sumebat, siti infestabatur: quo autem succum ebuli, minime: unde purgationem ex eo factam, aliis semper anteposui, dummodo radix tempestate idonea colligeretur: habet etiam hoc purgatio hæc, ut stomachum non lædat, quemadmodum succus iridis: Cum istis hydragogis utens ægrotus opi-

ata

ata roborante pristinae sanitati est restitutus. Hic modus curandi hydropem, rerum usu mihi probatus, cogit me à sententia eorum recedere, qui moventia urinas in sanando hydropse hydragogis præstare affirmant. Ego quidem, quamvis sciam naturam utraque via, sine artis ope, hydropem sæpissime sanare, viamque securiorem esse per urinas, per quam aquæ foras ducuntur, ante quam in ventris cavum confluant; in artis tamen operibus, facilius per secessum aquas hydropicorum educi, quam per urinas, & sudores, semper expertus sum, quia potentiora ad hoc, & securiora habemus hydragoga, quam diuretica, & diaphoretica: Si quis tamen his uti velit, multa, & experta inveniet, in ordine remediorum alphabetico.

De Cachexia.

C A P U T. IV.

Cum cachexia neglecta sit via sæpissime ad hydropem, hujus expedito capitulo, aliquid de ea differendum, ne ejus causa ultra limites progrediens, graviolem inducat affectum: Est autem cachexia ut verbum sonat, malus corporis habitus, à crudo, & pravo succo, quem viscera coctioni dicata, ad ejus nutritionem suppeditant; Qui quidem succus, à partibus ad quas transmittitur non probe elaboratus, perfectè non potest assimilari, solo sui ipsius vitio: quod vel à male affectis visceribus contrahit, vel à pravis alimentis; vel re aliqua insolenti, ut creta, calce, carbonibus, & aliis ejusmodi, quod sæpe accidit in foedis virginum coloribus, cachexiæ annumerandis; quorum curatio, & ab hoc capite, & ab eo de mensibus retentis, est petenda. Ex his patet, cachexiæ proximam causam, esse succum illum alimentarium pravum, & crudum, partibus alendis appositum, & ad probam elaborationem ineptum: unde coloris vividi totius, præcipue autem faciei labefactatio, spirandi difficultas, pulsus inæqualitas, quandoque febris, inappetentia, cardialgiæ, cordis palpitationes, omnium denique functionum naturalium, & motricis imminutio. Alia

Quid Cachexia

Cachexiæ causa proxima.

cau-

Antecedentes Cachexiæ causæ.

Externæ causæ Cachexiæ.

Cachexia est via ad Hydropem.

Cura Cachexiæ.

causa proxima cachexiæ, est ipsarum partium imbecillitas, habitu corporis refrigerato, ex continuo vitiosi alimenti appulso, cum malum longo tempore protrahitur: unde cachexia dicitur à quibusdam, frigida, & humida intemperies partium, quam sequitur vitiosus color totius. Alias dicitur inquinata nutritio, & depravata: quæ causa est talis intemperiei. Causæ antecedentes cachexiæ, aliæ magis, aliæ minus remotæ: Magis remotæ sunt quidquid aptum natum est, partes nutritioni inservientes refrigerare, & debiles efficere, ut morbi longi, spiritus, & calorem naturalem dissolventes, & quædam febres quartanæ, quotidianæ, tertianæ nothæ, & longæ, duplices tertianæ: De horum genere sunt etiam diarrhœæ longæ, dysenteriæ, retentæ vacuationes solitæ, mensium præcipue, & hæmorrhoidum: sicut & nimius eorum fluxus. Causæ antecedentes his proximiores, sunt cacochymia, succus scilicet ille pravus nondum nutriens, sed in venis, & visceribus contentus; deinde viscerum affectus, ut scyrrhus, intemperies frigida, & reliquiæ morborum calidorum, quibus per accidens viscera refrigerantur, eorum calore resoluta: Causæ externæ sunt pravi cibi assumpti, vel quid eos prave efficiens: ex quibus bonus chylus fieri nequit. Licet autem in principio integra sint viscera: cum non sit secundæ coctionis, ut fertur communi Medicorum sermone, vitium primæ emendare, multoque minus tertiæ, vitium, secundæ reparare: Ex chylo male confecto, & affecto, bonus sanguis generari non potest, nec ex eo fieri in toto corpore bona nutritio; quod etiam accidit aliquo ex visceribus male affecto, præcipue jecore, deinde stomacho, postea liene, quæ substantiam nutritioni partium destinatam, vel laudabilem, & puram male conficiunt, & corrumpunt; ita ut fiat ferofior, & frigidior, unde partes male nutritæ decolores fiunt, & refrigerantur; Quare non mirandum, si cachexia sit via ad hydropem, & principium hydropis: Ideo valde affinem cum eo habet curationem; tria scilicet peragendo. Primo ut succus ille pravus, & perfectæ nutritioni ineptus auferatur. Secundo ut ejus generatio impediatur: Tertio ut partes, præcipue viscera, roborentur, & ad pristinam temperiem reducantur. Primum perficitur vacuantibus per secessum, per urinas, & per sudo-

sudores. Secundum impeditur recto vivendi regimine, & morbos viscerum, si qui sint, curando. Tertium acquiritur roborantibus. Vacuatio per secessum in hoc morbo, variis modis præscribitur, secundum morbi conditionem, & naturam ægrotantis, qui aut genus aliquod purgantis deprecatur, aut viribus infirmis validiora ferre non valet: Quæ autem morbi conditio postulaverit, ex faciei colore ægrotantis innotescet; qui enim pallida omnino sunt facie, pituitosum humorem solitarium esse significant, & majorem refrigerationem; Quibus ex pallido flavescit, bilis pallidæ mistione; Quibus fusco viridi facies inficitur, melancholiæ; Quibus virefcit, prassina bilis immistionem ostendit. Nam qui ante morbum biliosus erat; licet affectio sit frigida, aliquid perpetuo subest de naturali temperamento, cujus aliqua habenda est ratio. His positis eligatur genus purgantis morbo primum conveniens, deinde ægrotanti magis jucundum. Syrupi magistrales in morbis longis, in quibus repetenda est sæpissime purgatio, valde mihi probantur, pluribus de causis: Primo quod leniter purgant: Quod purgando aperiant: Quod roborent si velimus: Quod denique eos domi habentes, recordemur illis esse utendum, ne sumptu inutili comparati, situ corrumpantur. Si igitur necessitas postulet, talis præscribi poterit.

℞. Rad. petros. eryng. fœn. & erythrod. ana ʒʒ. folior agrimo. beton. pimp. eupato. absyn. pont. & cusc. ana mʒ. sem. anis. fœn. & dauc. ana. ʒj. flor. cord. & gen. pj. azari ʒij. fiat ex his decoct. addendo in fine rad. polyp. contusæ ʒʒ. deinde facta colatura, capiat ut mox dicetur.

℞. Folior. Sennæ mund. ʒiij. turbith. & Jalap. ana ʒij. rhabar. ʒiij. agar. ʒiij. sem. ebuli. contu. ʒiij. fiat horum infusio in aquæ absyn. ℥j. quousque octo remaneant, quibus junge tantundem decocti rad. & herbar. prædict. & sacch. q. s. fiat syrupus, de quo cape ʒiij. aut ʒij. per se deglutiendas, aut cum jusculo carniū dissol. Si velis autem syrupum exigua dosi purgare, loco sacchari pone syrupum rosac. purgator. aut saltem mediam partem; purgabit enim, ut dictum est de syrupo magistrali descripto, cap. de splenit. enarrat. 4.

Si febris cachexiam comitetur possumus uti rad. cich. gram.

Hh

&

Syrupus purgans in Cachexia.

& aspar. cum herbis frigidis, hepatica borra. specieb. cicho. aut miscere calida cum frigidis, ut syrupus evadat temperatus; omnia autem pro ratione tempestatis, utendo radicibus præcipue hieme; æstate vero herbis; hunc delectum Pharmacopœis minime commitemus, quorum plerisque omnia perinde sunt, dummodo lucrum percipiant: Ideo Medicus sit studiosus tenere, & advertere tempestatem, in qua unumquodque simplicium viget, & quo tempore eo sit utendum ut curatio melius ei cedat; in qua, sicut & in hydrope, cum febris cachexiæ jungitur, satius est peccare in calidis, quam in frigidis; quia morbus frigidus est, alia de causa febre superveniente, vel perseverante, cum anteceffit, à labe scilicet alicujus visceris, vel humoribus excrementitiis, & corruptis, quos eorum genuit, & gignit quotidie intemperies. Neque febris in hoc affectu, cum adest, sicut & in aliis affectibus; non tam pulsus magnitudine, celeritate, & frequentia æstimanda est, quam virium læsione; ita ut contigerit mihi in pluribus ægrotis, qui in hoc affectu febre consideratione digna laborabant, hujus in præscribendis formulis rationem non habuisse, pulverisque cachectici, licet calidi, usum imperasse cum felici successu. Qui firmis sunt viribus, loco syrupi magistralis, purgari possunt pulvere cornachini, aut pulvere electuarii diacarthami, in jusculis appropriatis, ut dicunt; aut.

Magis læsio
virium quam
febris æsti-
manda in
Cachexia.

℞. suprascrip. decocti, syrupi magistr. q. s. infu. folior. sen. mund. ziiij. sem. ani. ʒß. rhab. aut agar. pro ratione dominantis humoris ʒj. expresso dissol. elect. convenientis, ut diacarth. diaphæni aut diapr. solut. ʒß. syrup. de cicho. cum rhabar. ʒj. fiat potio. Purgato corpore, & necessariis venæ sectionibus parca manu administratis, etiam è malleolo. In feminis, & virginibus, quæ parum, aut nullo modo purgantur, nihil præstantius inveni pulvere cachectico, cui non sine causa hoc nomen inditum est. Modus parandi apud me talis est, quamvis apud alios non item, qui magis laboriosam, & minus efficacem consulunt chalybis præparationem; virtus enim chalybis aperiens, latet in ejus parte subtiliori vitrioli, quæ non tot requirit calcinationes ut eliciatur, quemadmodum fit in conficiendo vitriolo martis, in quo septem imperantur, cum pulvere sulphuris

phuris calcinationes: At in subtiliori parte vitrioli, è marte extrahenda in stomacho, sufficit tantum una calcinatio, ut experientia comprobatur, etiam in cruda chalybis limatura, cujus solo usu, vidi sanatas mulieres ex foedis, quos vocant, virginum coloribus, valente stomacho, partem subtiliorem ejus vitrioli, aperiendis obstructionibus idoneam elicere. Ideo in præparatione chalybis, pulveri cachectico necessaria, nulla requiritur humiditas, ne quidem aceti, viaque melior: hæc est, quam docet Beguinus in tyrocinio, aliisque præstat quas describit præparationibus, ut scilicet accipiatur limaturæ chalybis. v. g. ℥ss, ^{Præparatio chalybis cum sulphure.} pulveris sulphuris ℥ij. misce in vase testaceo, quod igni resistat: & calcina identidem spatula ferrea materiam inflammata movendo, donec sulphur omne sit absumptum, quod ex odore percipitur: Probe facta calcinatione, abstrahatur materia, & in tenuissimum pulverem redigatur, de qua.

℞. Chalyb. hoc modo præpar. p. j. cinam. tenuior. & electi, ^{Pulvis Cachecticus.} p. ij. facch. part. iij. misce, fiat pulvis tenuissimus, nomine cachecticus, cujus talis est usus

Primo purgato corpore, cum aliqua ex prædictis purgationibus, accipitur de pulvere ter in die, mane jejuno ventriculo, hora tertia pomeridiana, & vesperi eundo cubitum; qualibet vice sumendo ex cochleari, aut mucrone gladii, quantum assis capere potest, idque quindecim, viginti, & plurium etiam dierum spacio, cum obstructiones sunt pertinaces, purgando corpus in medio & fine curationis. Ex his intelligitur, quam in re chimica sint imperiti, & rudes in Philosophando, qui me audiente affirmabant, chalybem præparatum, solo pondere vias obstructas aperire; quasi vero per os sumptum crudum, aut præparatum in stomacho, semper tendat deorsum; & quamvis tenderet, quomodo aperiendis obstructionibus in exiles ductus penetraret: Discant igitur tales Medici, ferro viride inesse vitriolum, cujus pars subtilior, una vice calcinati, ut supra diximus, facile elicitur in stomacho, obstructionibus expediendis accommodatissima.

Rudes sunt in Chemicis, qui vim Chalybis aperiendi, solo ejus pondere adscribunt.

P R O G N O S T I C A.

Cachexsia via est ad hydropem; ideo non contemnenda.
 Cachexsia à veteri intemperie alicujus visceris ægre curatur.

Cachexsia à labe alicujus visceris, protrahitur quidem sed non sanatur.

Cachexsia cum febre pertinaci, periculosa.

Enarrationes de quibusdam Ægrotis.

O B S E R V A T I O P R I M A.

Chlorosis
pulvere Ca-
cheetico sa-
nata.

Virgo quædam ætate 25. annorum, incidit in cachexsiam, quam huic sexui chlorosim vocant, quod nomen à Græco deductum (*chloros*) viridem colorem in pallidum vergentem significat: Quibus autem de causis tali affectu laborasset non memini, sicut me unquam vidisse colorem huic similem, nisi in quodam ictero laborante. Hanc usu pulveris cachectici, ut supra docuimus, spacio viginti dierum perfecte sanavimus.

O B S E R V A T I O II.

Idem effe-
ctus ab eo-
dem pulve-
re.

Aliam nobilem virginem, à longo tempore, Cachexsia laborantem cum dolore capitis, & stomachi acerbissimo, eodem pulveris usu ab omnibus symptomatibus liberavimus.

O B S E R V A T I O III.

Chlorosis
dolore sto-
machi con-
juncta.

Aliam etiam, quæ cum hoc affectu gravi tantum dolore stomachi cruciabatur, statim primo quaternario liberavimus à dolore, beneque habuit, utens tantum octo diebus; Nullaque virgo, aut mulier chlorosi laborans, sive à retentis mensibus, sive aliis de causis accessit ad me curanda, quæ hujus pulveris effectum mirabilem non senserit.

O B S E R V A T I O IV.

Varii infan-
tantes pulve-
re Cachecti-
co curati.

Plurimos etiam infantes, post febres cachexsia laborantes, & cum ipsa febre, hujus pulveris usu sanavimus, cum enim non sit gustui ingratus, libenter eo utuntur. In omni denique affectu chronico, in quo veteres obstructions sunt expediendæ, & viscera dicata coctioni roboranda, causa præcipue existente frigida, juvat maxime.

De

De Colico dolore.

C A P. V.

Colicus dolor est de genere symptomatum, quibus à parte affecta nomen inditum est; licet autem alia intestina doloribus etiam afficiantur, quia colon frequentius patitur, eo quod utraque extremitate, sit medio suo corpore angustius, unde hac parte facile excrementis, & flatibus repletur. Ideo intestinorum aliorum superiorum dolores, quantumcumque atroces, dummodo pessimum aliud signum non habeant, colici, saltem in principio, potius vocantur, quam nomine alterius alicujus intestini, licet Ileon sæpissime patiatur; cum autem dolor maxime urget, cum frequenti vomitu, nihilque infra dejicitur, etiam si horum causa in colo subesse possit, Ilei tamen nomine, à Medicis vocatur affectus, ab ileo intestino, quod propter tenuitatem, & quod semper magis sit plenum jejunum, facilius obstruatur; Galenus tamen nomen Ilei à symptomate potius deducit, quod hoc intestinum affectu laboret, à Græcis coarctatio dictus est, aut contortio, à verbo (*eilein*) contorquere, coarctare, vertere. Uti se res habeat, constat ex his, parum ad artis opera conferre, quæ de doloris discrimine coli, ab eo qui sit in Ileo traduntur, quibus non valde credendum in principio: Afferere enim Ilei dolorem, magis esse intensum, magis fixum, & circa umbilicum; coli autem dolorem magis in lateribus vagum, & paulo infra ventriculum, propter revolutionem ejus supra fundum ventriculi, non satis habet fundamenti: Nam dolor ilei à mitiori causa, non erit ita intensus, sicut dolor coli, qui à graviore existet; licet ileon sit colo majori facultate sentiendi præditum. Quod etiam dolor coli sit magis in lateribus, vagus, & circa fundum ventriculi, non semper standum in eo; Ileon enim, & jejunum, ad latera divertunt, situsque coli supra fundum stomachi, non longe abest ab umbilico, ubi circumiacet, jejunum, & paulo inferius ileon: Adde quod horum intestinorum positio, mutatur nobis jacentibus, à nobis stantibus, ita ut supino corpore, co-

Colico dolori nomen à parte affecta est inditum.

Lib. 2.
meth. cap. 2.

Colicus dolor non facile ab ileo distinguitur.

A sumpto
medicamen-
to purgante
sæpe oritur
dolor in re-
gione stoma-
chi, qui ces-
sat ventre
dejecto.

lon stomacho incumbat; & consequenter ipsi vicinum. Idem statuendum de dolore vago; quod in ileo possit esse vagus, & in colo fixus: Quamobrem cum hæc omnia non sint semper vera, ex jam dictis; & quod hæc intestina pluribus in locis se contingant, nervosarumque partium doloribus sit proprium, longius se producere, etiam ad intacta ab ipsa causa dolorem inferente; difficile ut plurimum est; ex situ partis dolentis, affectum intestinum internoscere. Ego quidem in pluribus; præcipue autem in me ipso, à sumpto medicamento purgante, hoc expertus sum, post quasdam dejectiones, dolorem in regione stomachi excitari, qui me angebat, & quasi in deliquium animi deducebat, à quo statim fiebat ventris dejectio, cum sedatione doloris: Prima vice magno certassim pignore, causam illius existere in stomacho; subita vero dejectione brevi à dolore succedente, persuasus sum causam, saltem doloris, subesse in colo, materiam scilicet purgandam per ipsum devolvi, quæ in eam partem coli, qua fundum stomachi attingit perveniens, quadam illi qualitate adversa sensum illius doloris inferebat, malo vicinitatis jure; Aut colon ea parte potius, quam aliis debilius existens patiebatur, materia pertranseunte. Alios etiam dolores perpesus, cogitatione semper attingere conatus sum, quam in parte sedes esset mihi doloris, de qua sæpissime fui incertus; à fortiori in aliis ægrotis. Verum cum Galenus lib. 6. de loc. affect. cap. 2. loquens de dysenteria, dicat superioribus intestinis affectis, præsidia sumenda esse ab epotis, inferioribus, vero affectis, à clysteribus; eadem fere ratione dicendum est, coli dolores enematibus, magis juvari, quam ilei multoque minus alia duo superiora: Ideo quantum fieri potest, incumbendum est, dolore affectum intestinum, ex situ internoscere, ut potioribus auxiliis, contra dolorem pugnemus. Cum autem positio coli magis innotescat, sitque magis doloribus obnoxium, ex ejus situ, aut contrario, quale patiatur intestinum facilius patebit. Optime ad rem situm coli, & naturam ejus doloris describit Hollerius, dum ait, partim ex Galeno lib. 2. de loc. affect. Dolor excitatur quasi infixi pali, certoque loco insistit; sed ut plurimum vagus, ad inguen sinistrum, & utrumque renem, sursumque aliquando revolvitur, & locum

Lib. de
morb. inter.
cap. 39. de
colic. dol.

mutat, ut sunt flexus coli intestini, quod relicto intestino recto, ad sinistram inguen divertit, ascendens inde ad sinistram renem, ubi angustius est; quæ angustia efficiunt aliquando, ut hac parte dolor colicus gravis intendatur: Hinc ad splenem, & ventriculum jam laxius extenditur, subitque hepar, hæretque aliquando in cystide fellis. Postremo in dextrum ilion descendit, ubi definit in cœcum, quod ad renem dextrum positum est. Dolor hic fixus ut in angustis; Qui ad sinistram renem est, nephriticum dolorem repræsentat, ut etiam peritos Medicos fallat. Hæc Hollerius. Cujus verbis constat dolorem colicum ut plurimum esse vagum, quandoque fixum, quod etiam testatur Galenus ubi supra. Hoc signo itaque solo, quod dolor sit vagus, non distingui in principio dolorem colicum, ab eo qui fit in Ileo certum est: Cum autem procedente affectu frequens vomitus subsequitur, iliacæ passionis signum est, præcipue si nihil infra dejiciatur; Quamvis autem in nephritico dolore frequens sit interdum vomitus, longe dissimilis est altero, qui tandem grave olet videturque sæpe materia tanquam per sedem rejecta. Sed de dolore nephritico, quomodo distinguatur ab eo qui fit in colo, dicemus suo loco. Sunt & alii dolores, quos jubent Authores internoscere à colico dolore, ut est ille de quo Fernelius cap. x. lib. vi. Pathol. quem Riolanus Pictonicum, & Pictaviensem nominat. pag. 656. Fernelius autem colicum dolorem nothum, qui ab eo ita describitur. Alii insuper cruciatus quadam similitudine & vehementia, colici nuncupantur, quibus tamen non in colo intestino sedes est, sed vel in peritonæo, vel in membranis quæ abdominis, ventrisque partibus obtenduntur. Hi sane gravissimi sunt, & admodum diuturni, ac neque clysteribus, neque medicamentis, neque fomentis, neque iis remediis quibus qui vere sunt colici dolores deliniri solent. Eorum materia, aut flatus est tenuis, aut humor acerrimus, & æruginosus, membranarum spaciis conclusus, è quibus detrahi vix potest. Succedunt diuturnis febribus aliisque biliosis morbis, quorum est difficilis solutio, &c. quæ videantur loco citato. Alii dolores qui colicum repræsentant, parvi sunt momenti, ut dolores post partum, & quibusdam mulieribus antequam fluant menses; cum partus præcedens, & sub-

Dolor colicus ad renem sinistram, sæpe nephriticum repræsentat dolorem.

Dolor Pictonicus, vel colicus nothus.

Colicæ biliosæ causa.
Cap. 2.
Humor frigidus colicæ causa.

Apho. ult.
sect. 5.

Cap. 2.

subsequentes menses causam detegant : majoris speculationis est colici doloris causam internoscere, quæ vel humor est acris, aut valde frigidus; vel flatus, vel materia obstruens, vel tumor. Humor est ut plurimum frigidus, cui interdum acrimonia jungitur, cruciatque duplici ratione, aliquando calidus est, & acris, sed varius, quem colicæ biliosæ causam esse existimabant; licet Galenus colici doloris species enumerans lib. 2. de loc. affect. hujus non meminert: Sed hac de re fusius in prima Enarratione. Humor frigidus, ut plurimum, pituita est vitrea, quæ interdum evadit falsa; aliquando liquidior est, & acris, à capite sæpissime defluens, faciensque interdum paroxysmos. Plerumque cruditas est, seu humores crudi, frustrata coctione in stomacho, aut quæ fit in intestinis superioribus; sive harum partium vitio, sive quantitate, aut qualitate ingestorum; sive à repentino frigore, tempore coctionis; sive à motu violento coctionem perturbante. Flatus semper ab aliqua materia gignuntur, simulque coeunt, ita ut non sint flatus sine materia, licet modo illi, modo hæc exuperent, unde fit colicæ denominatio. In colica biliosa flatus sæpissime generantur, licet æruginosi ex Hippocrate, non sint admodum ventosi: quia causa colica biliosæ non est vera bilis, sed humor quidam calidus in corpore bilioso male coctus, febrem aliquando ex putredine invehens; cum autem cruditas sit flatuum parens, hæc bilis à cruditate, flatus gignit putredineque sua acrimoniam acquirens, & interdum malignam qualitatem, pessimum generat colicum dolorem. Nam vera bilis dysentericam potius diarrhœam efficeret sua mordacitate; semper enim dysenteriam præcedunt ex Galeno 2. de loc. affect. dolores mordaces. Flatus ut plurimum obmurmurant, dolorque locum mutat, & venter dum flatus cohibentur, passim in tumorem attollitur; tantaque interdum fit tensio coli, ut infantis brachium subesse videatur, media præcipue ejus regione, à jecore, ad splenem. Humores liquidi, etiam murmur edunt, sed a flatibus ipsis diversum; siquidem veluti aqua defluentis sonus subauditur, levioresque dolores excitant, quia ut plurimum dejectione vacuantur, dolorque locum mutat, nec sursum illi ut flatus recurrunt, torminisque in modum, ut plurimum dolor cruciat: hujusmodi enim dolores, si diu, &

mul-

multum urgeant, colici dicuntur: si per modum transeuntis, & acuti, tormina vocantur: Si vero dolor perseverans, & violentus, frequentem vomitum afferat, nihilque infra dejiciatur, iliacus dicendus est, & iliaca possio. Pituita vitrea, quia innato lentore parti adhæret, dolorem magis fixum, quam causæ supradictæ, & triplici de causa graviores efficit: Insigni scilicet frigidityte, acrimonia, quæ illi interdum à falsedine jungitur: & flatuum generatione: Non mirandum igitur, si ægrotantibus, ut testatur Galenus, terebro videatur perforari intestinum. Tumor si fiat cum inflammatione, dolorem colicum per se efficit: si sine inflammatione, per accidens, via scilicet excrementis impedita: Si tamen urgeat symptoma cum frequenti vomitu nihilque ut supra diximus infra dejiciatur, Ileus dicitur; licet in colo sit tumor, aut inflammatio: Ille tactu fere semper deprehenditur: ista calore, & febris, majoremque ad tactum dolore. Eodem prorsus modo differendum de fæcibus induratis, aut de materia aliqua obstruente, quæ etiam si in colo existant, ileus tamen morbus vocatur, propter symptomatum similitudinem. Obstructionis locus, licet in principio non deprehendatur, postmodum tamen purgantium usu innotescit, propulsis deorsum excrementis, quæ viam interceptam invenientia, juxta locum obstructum cumulantur tumoremque efficiunt, quousque contrario motu facto, sursum propellantur, succedente ad hoc vomitu, & tumore evanescente: Ideo topica si adhibentur huic parti sunt imponenda. Colicus dolor, ut & alii dolores, tribus modis curatur, subtractione causæ, mitigatione, & sensus stupefactione. Primus modus optimus est: Secundus optandus: Tertius rejiciendus, nisi aliis deficientibus. Servatis igitur quæ ad vitæ rationem pertinent, pro natura causæ, illum statim aggredi oportet, quamprimum injecto enemate emolliente, & parum carminante, ut fæces educantur, & causæ, cujuscumque sit naturæ, pateat exitus: Fit enim interdum ut soluta alvo ab enema, flatus, & cruditates promiscue erumpant, sedeturque dolor, hoc solo remedii genere, semel tantum adhibito. Quod si alvo à jam dicto enemate soluta dolor perseveret, flatibusque, aut humori frigido doloris causa tribuatur, enema omnino carminans,

Pituita vitrea
fixum &
gravem causat
dolorem.

Tribus modis dolor colicus curatur.

Enemata emollientia conducunt in dolore colico.

Enema car-
minans.

nans, à primo rejecto est injiciendum hoc modo paratum.

℞. Folior. malvæ. alth. hæd. terrest. calamen. orig. puleg.
rut. absyn. ana mj. flor. chamæm. & melil. ana mß. sem. ani.
foen. cum. ana ʒj. bacc. lau. contus. ʒß. fiat ex his decoct. Acc.
ßiß. aut tantum ßj. si magna flatuum distentio, quæ impulsu
decocti introeuntis geminata, dolorem auget. dissol. hieræ dia-
colchynth. aut diaphoen. ʒvj. mell. anthos. & olei chamæm. ana
ʒij. aut olei rut. quo solo, se à gravissimo dolore liberatum af-
firmat Galenus. fiat enema.

Lib. 2. de
loc. affect.
cap. 2.

Quidam in gravissimo dolore tale præscribunt enema.

℞. Olei rutac. ßj. opii. scrup. ß. casto. ʒß. fiat enema; de-
tur cum cetera nihil profunt.

Semicupium
doloribus de-
mulcendis
remedium
potentissi-
mum.

Si liceat tamen per dolorem, aliis melius est uti auxiliis,
quæ causam doloris foras expellunt, ut sunt purgationes, qui-
bus sine mora utendum; si ab enemate carminante jam præ-
cripto, & ex residuo ejus decocti adjecto vino, fotu admoto,
dolor remittere non videatur; multoque magis si enematis au-
cta dosi simplicium, factum fuerit semicupium, quod demul-
cendis ejusmodi doloribus potentissimum est, licet purgato cor-
pore votis melius respondeat. Quod si in semicupio dolor au-
geatur, de nephritide dubitandum, calore semicupii commo-
to lapide. Vide cap. 9. hujus libri de nephritide, ubi signa
causam horum dolorum distinguuntia referuntur. Ego felici
cum successu, sæpe hoc enema expertus. sum.

℞. Flor. chamæm. mj. ferveat unica ebullitione in vino ge-
ner. colat. dissol. olei bacc. lauri ʒij. fiat enema.

His parum proficientibus decernendum de purgatione, ut
causa doloris deturbetur, si sit in intestinis; quibus expeditis,
si dolor perseveret, locus dabitur novæ speculationi, causam
scilicet vel tumorem esse, vel fluxionem humoris acris à capi-
te, per vices delabentis, aut saltem dolorem esse nephriticum.
Purgatio igitur si in materia frigida decernatur, quæ flatuum
sæpissime causa est, talis præscribi poterit.

℞. Cyp. & galan. ana ʒj. rad. fœnic. ʒij. folior. lauri, orig.
petros. hæderæ terr. ana mß. sem. ani. & cumi. ana ʒß. flor.
anth. & chamæ. ana pj. fiat ex his decoct. in aqua fussi. Acc.
decocti q. s. infun. folior. fennæ mund. ʒß. express. dissol. diaph.

ʒß.

℥β. aut amplius, quia natura, præ dolore in angustis posita, non adest sæpissime purganti medicamento, syrupi ros. purgato. ℥j. aut mannæ calab. quæ leniendo, majorem purgandi facilitatem affert, tantundem: fiat potio mane sumenda, & urgente necessitate, qualibet hora, stomacho autem non imposito.

Elidæus apud Forestum, cum purgantibus miscet narcotica in hunc modum, ut simul & semel dolor sopiatur, & causa auferatur.

Narcotica
cum fructu
mescuntur
purganti-
bus.

℞. Diaphæn. ℥β. philon. scrup. ij. sedat dolorem, & postea ventrem subducit. Hollerius cum philonio miscet scammonium: & Riverius ait has pilulas post horam dolorem sedare, & postea humores noxios vacuare.

℞. Aloes optimæ ʒj. laud. opia, gr. iiij. diagrid. gr. vii, fiat pil. sex, hora commoda sumendæ.

Cum laudanum non est in promptu, aut sumptui parcendum, loco laudani, cape opii in tegula exsiccati gr. j. β. castor. gr. iiij.

Observatum est, inquit etiam Riverius, cum æger quidam 30. clysteres accepisset, alium Medicum mannæ ℥jβ. cum olei amygdalarum dulcis ℥ij. in juscule gallinæ pingui exhibuisse, & ægrum à dolore liberasse.

Si dolor sit ab humoribus calidis, & acris, quem à bile fieri dicunt, prudenter agendum; fere enim semper aliqua febris adest, propter affectum, qui humor calidus est, causa tamen semper frigida ex Galeno, ut videbitur infra in prima Enarratione; huic igitur non oportet nocere, cum adhuc præsens est, dum alteri mederi aggredieris: Remedium autem securissimum, etiam in hac specie, purgatio est, qua sæpissime causa profligatur, eaque sublata tollitur effectus, etiam incognitus, ut factum est in ægro primæ Enarrationis, in quo juscule purgantia ex herbis refrigerantibus, colici doloris causam sustulerunt. Possunt & purgationes, de quibus agetur paulo post, in colico dolore ab inflammatione, administrari, sicut & enema illic descriptum, à cujus rejectione, istud injiciatur, quod est Quercetani in materia acris.

Lib. de
morb. simi-
lari.

℞. Sem. lini, scœnugr. psyll. & malvæ ana ʒij. flor. chamæm.

mām. & melil. ana pij. flor. sambu. pj. decoquantur in decoc. com. clyster, aut potius in lacte, cum est in promptu.

Hic in purgantibus, diaprunum addere oportet, fierique semicupium ex partiaria materia enematis infra descripti, in dolore colico ab inflammatione: calide tamen potius quam tepide, ut quidam jubent administrandum; licet aliquando aqua frigida sumpta & admota profuerit, ex quorundam observatione, & nostra, ut infra videbimus in Enarrationibus; oportet autem balnei caliditatem minorem esse quam in dolore à causa frigida. Si dolor sit ab inflammatione, qui ut plurimum in Ileum transit, idest ilei symptomata invehit, ab enemate emolliente, & refrigerante incipienda est curatio, quale est sequens.

℞. Rad. alth. ℥j. folior. ejusdem, malv. viol. hæde. terrestris, nymph. lact. lent. palustr. ana mß. flor. chamæm. & melil. ana pij. sem. lini., & fœnu. ana zij. fiat ex his decoct. in juscu. omaforum. dissol. in colat. cass. recenter extract. ℥ß. olei, & mell. viol. ana ℥ij. fiat enema.

Ejecto enemate, aut ante injectionem, si res postulet, aperiat baslica lateris dolentis ad ℥viij. & amplius, si vires ferant. Interea fiat fots supra partem dolentem, ex simili decocto enematis jamjam descripti, liniendo postea sæpissime locum affectum, unguento rosaceo loto in posca, nisi recentissimum fuerit, quod præstat oleis. Iterata venæ sectione ex brachiis, procedente morbo, aperiatur vena malleoli lateris inflammati. Quod si ardor magnus in parte sentiat, enemate sæpius injecto ex sero lactis, in quo flores chamemeli incoxerint, egregie temperabitur, dissolutis in unoquoque duobus vitellis ovorum cum albumine. Purgatio, si aliqua suadeat indicatio, ex benignis conficienda, ut infuso foliorum sennæ, & rhabbari, dissolvendo cassiam, tamarindos, aut mannam, in decocto refrigerante; cum enim purgantia ducant humores per partem affectam, prudenter in iis agendum. Si à facibus induratis, aut alia materia gypsea, vel glutinosa, intestinorum ductus intercipiatur, unde colici, & iliaci dolores acuti, videndum signis passim superscriptis, quam in parte sit obstructio, ut desuper, post unum, aut alterum enema emol-

Gal. lib. 12.
math. cap. 7.
Septal. lib. 7.
animadver
practic.
Amatus
Lusit.

In inflam-
matione in-
testinorum
vena secan-
da, & fots
parti dolenti
adhibendi.

molliens injectum, cum multo oleo, aut ipso solo cum malvæ decocto, fiat fotsus ex eadem, multo adhuc oleo imbuta; deinde fortis purgatio tentanda est, an penetrare possit, necne: Quod si via sit intercepta, detur remedium Oribasii.

℞. Anethi in aqua & oleo decoct. q. s. atque ita bibatur, deinde panis frustula ex aqua ferventi præbeantur; mirum in modum juvantur, etiam si sterco vomatur, inquit Oribasius. Vel fiat remedium ex pelvicula butyro plena umbilico imposita; quod penetrare ventrem, & fæces liquare, & emollire experimento novimus, inquit Chr. A Vega in colico dolore. Est & alius affectus, qui ex situ, & similitudine doloris, colicus vocatur, colica tamen non est, de quo supra ex Fernelio; quem etiam describit Riverius cum curatione, in sua praxi, cap. de colica, omnia fere pro diagnosi mutuatus ex Fernelio, aliam colicæ biliosæ speciem esse scribens, cujus causa materia biliosa est, interdum à cystide fellea in membranas abdominis excussa; quod rarissimum esse puto, licet viderimus in quadam muliere, ut videbitur in secunda Enarratione. Hujus colicæ nothæ, etsi causa materialis frequentior possit esse bilis, à venis, mesenterio, aliisque visceribus, per crism depulsa, potius quam à cystide fellea, quæ suos ductus habet; causa tamen frequentissima fluxio est humoris acris à capite, qui veræ colicæ etiam sæpe causa est, suas habens exacerbationes, & reditus, per multos dies interdum perseverans. Vide hac de re Enarrationem 7. cap. 2. lib. 1. Hujus colicæ curatio, quæ vulgaribus difficile cedit auxiliis, propter fortasse perennitatem fluxionis, dolores novo delabente humore renovantis, qui interdum viam mutans in spinam dorsi generat paralytim. Hujus, inquam colicæ curatio, incipi debet à venæ sectione, prius injecto enemate, & pro qualitate humoris, vel calidi, vel acris, intensa, aut remissa, variari præsidia superius descripta: Quod si malum perseveret, advertendum an fluxio causa doloris existat, ut suis auxiliis avertatur. Præter has colici doloris species, est & alia de qua mentionem facit Paulus Ægineta, post quam egit de colica ab acribus, & erodentibus succis; his verbis, quæ memoria teneri merentur. Puto autem colicam affectionem, quæ etiamnum regnat, ex hujusmodi provenisse humoribus; quæ

Oribasii remedium in colica.

Colica a de fluxione facile degenerat in paralytim & difficulter curatur.

Lib. 3.
Cap. 43.

Colica in
Italia & aliis
regionibus
pestiferæ luis
instit graffa-
ta,

diæta refri-
gerante a
quodam me-
dico Italo
sanata.

ab Italiæ quidem regionibus incepit, in aliis autem multis Ro-
manorum reipublicæ locis, pestiferæ cujusdam luis modo sit
grassata; ex qua plerique in morbum comitiale, alii in artuum
resolutionem, sensu incolumni; nonnulli in utramque sunt pro-
lapsi, ac eorum qui in comitalem morbum inciderunt, plures
interiere: Ex illis vero qui in resolutionem, plures evaserunt,
tanquam in crisi, causa aliorum, ex loco quem infestaverat
conversa. Sic igitur laborantes Medicus quidam in Italia cura-
vit, victus quadam ratione infideli refrigerante, & maxime te-
meraria; lactucas enim non coctas, refrigeratasque, ipsis por-
rigebat, intybumque similiter supra satietatem comedendum;
Item uvas, mala, pisces dura carne præditos, omniaque cru-
stacea, quæ vocant Græce *ostrakoderma*, pedes bubulos, &
similia, non solum facultate, sed & actu frigida: Vinum raro
præbebat; cum autem dabat, frigida miscebat, ipsamque fri-
gidam, vel poscam etiam frigidam exhibebat; ab omni alio
calido, & medio cibo abstinens: Atque plurimos sic præter
omnium opinionem persanavit; imo nonnullos qui jam in mor-
bum comitiale, vel resolutionem prolapsi erant, propemo-
dum sanitati restituit. Hæc colica, non solum ex acribus, &
erodentibus succis, ut vult *Ægineta*, simpliciter progredieba-
tur, sed ex succis qui qualitate etiam maligna erant imbuti,
præcipue in qua morbus comitialis fiebat: Ille nempe fatetur,
pestiferæ cujusdam luis modo grassatam fuisse; poterat tamen
illa, quæ in paralysem tantum convertebatur, luis illius pesti-
feræ expers esse, miror autem convulsiones non fuisse genitas,
cum materia ad spinalem medullam, & nervos translata per mo-
dum crisis, acris & erodens extiterit.

P R O G N O S T I C A.

Dolor colicus ab inflammatione, omnium periculosissimus:
minatur enim volvulum.

Non minori cum periculo est qui fit à facibus induratis, &
alia materia obstruente, nisi dissolvatur.

Dolor colicus magis urget, & magis vires dejicit quam ne-
phriticus.

Dolor colicus cum sedatus est, non redit ut plurimum, sicut
dolor nephriticus.

Dolor colicus transit aliquando in arthritidem, fluxione scilicet viam mutante ad articulos.

Dolor colicus transit quandoque in hydropem; perseverante scilicet cruditate, quæ est morborum frigidorum parens.

Dolor colicus degenerat interdum in paralyfim, translata ad spinalem medullam, aut nervos, materia.

Quibus tormina, & circa umbilicum labores, & lumborum dolor qui neque purgantibus, nec aliter solvatur, in hydropem siccum firmatur. Hippo. aphor. xi. sect. 4.

Excrementa non retineri, dolorem locum mutare, atque etiam intermittere, salutem promittunt.

Si dolor gravissimus; nec mitigetur auxiliis, nihilque excernatur, vomitus autem vomitui succedat, ad quæ sudor frigidus; mortis est periculum.

Dolor colicus transit interdum in abscessum.

Enarrationes de quibusdam Ægrotis.

OBSERVATIO PRIMA.

Eccelesiasticus quidam non parvi nominis, temperamento bilioso ad melancholiam inclinante, & ætate sexagenarius, opipare vivens, gaudens acetariis, & potu frigido; profectus Lutetiam, incidit in diarrhoeam, quæ trium mensium intervallo perseveravit, etiam ipso in patria reduce, urbem hinc non longe sitam, in quam vocatus in consilium, cum suo Medico ordinario; hunc facili negotio, hausta rhabarbari potione, & quibusdam roborantibus sumptis, & admotis, sanavimus. Cum autem, ut opinor, eodem vitæ modo semper uteretur, seniorque fieret; post duos annos, circa festum Paschæ, dolore colico correptus est, à quo vulgaribus, à Medico ordinario adhibitus auxiliis, brevi levatus est; mansit tamen auriginosus per aliquot dies, cibos non valde appetens, artuum compositione inconstanti, cum urinis coloratis, & stomachi dolore à cibo, cum quadam febris specie, frigidis gaudens cibus, & potibus, eratque sitibundus. Post quindecim dies, rediit colicus dolor ut antea, qui iisdem auxiliis sedatus est. Cum autem tertio eodem dolore correptus esset, accersit me in subsidium Medico suo

A Diarrhæa
& victu refrigerante
dolor colicus
& Icterus.

Quare hic affectus non fuit Nephriticus.

A dolore colico semper fuit Ictericus.

Nonnulli Medici hanc colicam putarunt esse biliosam, & ideo refrigerantia & Cholagoga præscripserunt.

suo ordinario, cum quo ultro, citroque, multis sermonibus habitis, an colica esset biliosa, nec ne, concessit tandem in meam sententiam, rationibus infra dicendis adductus: Qualiscumque tamen esset causa, statutum est latentem doloris fomitem, repetitis purgationibus deturbandum, & debito vivendi regimine absumendum. Ante vero purgationem, venæ sectio est celebrata, propter febrem, sitim, & alia supradicta, ex qua sanguis putridus effluxit; Pro dolore vero redeunte, enemata, fots, & semicupia, præscripta sunt ex calidis, & carminantibus. Cumque purgationes qualibet hebdomada sumendas neglexisset, ut præscriptum erat, maleque se in victu gessisset, iterum colico dolore correptus est: Multis venisset in mentem, dolorem esse de natura nephriticorum; Quia vero his nunquam fuerat obnoxius, nec urgente dolore vomitus infestabat, nec situs doloris suadebat, fierentque passim elevationes in ventre, urgente colica; de hoc affectu non est dubitatum, sed potius de flatibus: Denuo igitur vocatus, affirmavi ejus colicæ prophylaxim, sitam esse omnino in frequenti puragatione, & vitæ regimine jam præscriptis. Ut autem causa doloris toties repentis, radicitus profligaretur, placuit Medico ordinario dietam attenuantem, & exsiccantem præscribere, me nec probante nec damnante; nullum enim symptoma aderat eorum de quibus supra memini, quo minus concederetur, febris scilicet, bibendi cupiditas, ciborum inappetentia, frigidorum esu delectatio, & dolor stomachi à cibo; calidioribus, & noxiis humoribus eductis purgantium ope, quæ præcesserant; quoties tamen dolore colico correptus fuit, mansit per aliquot dies semper auriginosus. Totam itaque diætæ administrationem Medico ordinario relinquens, discessi. Paucis post diebus dedici ægotantem, moleste ferentem quod diætæ primo die, sumens mane, consilio sui Medici, cyathum ex frigido chinæ decocto, in dolorem colicum rursus incidisset, duos vicinarum urbium Medicos in consilium adhibuisse, ne quidem vocato Medico suo ordinario: Qui quidem considerantes, præfidiis antea præscriptis mali causam non fuisse ablatam, audacter asseruerunt colicam esse biliosam: nixi præcipue, quod ægotus colore auriginis inficeretur, quotiescumque dolore colico torqueretur:

Qua-

Quapropter venam bis à principio sectam propter symptomata supra scripta, quæ tunc desiderant, tertio aperiendam jubent: juscula præscribunt, partim alterantia, partim purgantia, ex foliis lactuæ, borraginis, acetosæ, cichorei, & capilli veneris, cum sale prunellæ; addendo in purgantibus fennam, & syrupum de cichoreo cum rhabarbaro: Usus fructuum horariorum concedebant: & post juscula, ut vino absynthite uteretur consulebant: Doloris vero tempore, semicupia aquæ tepidæ conficienda jubebant. Ego quidem, postera die à consilio horum Medicorum habito, veniens in eandem urbem mulieris cujusdam invensendæ gratia, præscriptum remedium legens, omnia damnavi, præter juscula purgantia triduo continuo exhibenda, credens hujusmodi purgantibus quotidie sibi invicem suppetias ferentibus, totam mali causam, si qua supersset, posse exhauriri: Mirabar tamen, cum tantus esset eorum refrigerandi animus, cur apozematibus ex iisdem simplicibus paratis non essent usi, potius quam jusculis, quæ non nisi calide sumuntur; Fortasse quia chinæ decoctum frigide mane exhibitum à Medico ordinario, colici doloris causam novæ invasioni præbuisset: De ceteris autem, & primum de vino absynthite, patebat error in præscribendo; licet enim absynthium, biliosidoneum esse dicatur à Dioscoride, & Galeno, & aliis, hoc tantum intelligendum est de ejus succo, & decocto quæ bilem purgant; non autem de vino, quod affectibus frigidis potius convenit. De fructuum horariorum, & crudorum usu, dicam hoc, Medicos ægrotanti in hoc indulgere potius voluisse, quam à præceptis Medicinæ stare: Quis enim ignorat æstatis tempore, propter usum fructuum, multas generari tertianas, absonumque esse fructibus, nisi fortasse acidis, impetum bilis velle coercere, aliunde pabulum suppeditantes? In colicis quoque doloribus, cum jam calida semicupia profuerunt, licet à bile; quis tantum tepide admistranda imperabit? In festante dolore omnia saltem calida esse oportet, præsertim cum sententiæ non congruunt de causa doloris; aqua enim calida dolores calidos, æque & frigidos demulcet, habetur tamen ratio naturæ causarum, & effectuum, ut minus sit calefaciendum in calidis: Quia autem ex doctrina Galeni, ut infra dicitur, colici doloris causa semper est cruditas, & refrigeratio, omnia externa calida esse oportet, etiam

Lib. 3. cap.
23. histo.
planta. Lib.
1. de art. cu-
rat. ad
Claus. cap.
19.
Usus multus
fructuum
horariorum
generat fe-
bres tertia-
nas.

in biliosis; licet frigida, ut supra dictum est; & dicetur in 2. Enarratione, quibusdam profuerint. Sed ex omnibus quæ præscripta sunt huic ægrotanti, usus est tantum jusculis; sedato enim dolore colico, cui potus chinæ frigidus mane exhibitus causam dederat, à remediis averfus, aliis uti noluit, nec reverfus est dolor. Nunc quæstio est, utrum colicus iste dolor fuerit à bile, & utrum detur colica vere biliosa; an à flatibus ista extiterit; quod non parum ad artis opera conducit: Ego quidem neque tunc temporis, neque in posterum per multos annos, potui me ascribere sententiæ eorum, qui colicam hanc biliosam affirmabant, his nixus rationibus. Prima quod infestante dolore, ventris passim fierent elevationes, flatibusque erumpentibus dolor remitteret; quod omnium Authorum sententia, colicum dolorem à flatibus extitisse signum est. Secunda à ledentibus, & juvantibus sumitur; quod scilicet admotis ventri, doloris tempore, calidis linteis, dolor demulceretur; & quod potus chinæ frigidus mane sumptus, dolorem colicum renovasset: Si calida juvant, frigida vero nocent, quis dolorem colicum, à causa calida existere affirmabit? Tertia quod ex doctrina Galeni, nulla detur colica biliosa, lib. enim de morbum simulantibus, omnes colici doloris causas ait fieri à cruditate, & refrigeratione: Et lib. 2. cap. 2. de loc. affectis causas doloris colici enumerans, pituitæ vitreæ, & flatuum tantum meminit: His addam quod in viro sexagenario tantus non poterat esse bilis proventus, ut tot vicibus sedatus dolor colicus rediisset, frigidum enim est, ex Hippocrate, senum corpus: Cur etiam, si bilis causa doloris colici extitisset, cur non apparuit in dejectionibus, facta dysenteria, aut diarrhœa, ut supra, alias ægrotanti contigisse retuli; in tunicis enim intestinorum contineri potius quam in eorum cavitate, dici non potest, quia semel hinc deturbata bilis, sedato dolore, non facile tot vicibus iterum in easdem tunicas introiisset. Nunc quæ contra hæc facere videntur, discutienda proponamus; pugnant enim contra nos quod ægrotus esset temperamento biliosus; quod aliqua febris laborasset, quod siti infestaretur, & frigidis gauderet: quod auriginosus fieret, quoties colica corripereetur: quod denique jusculis refrigerantibus ca-

Rationes
quare hæc
colica non
fuerit bilio-
sa.

Apho. xiiii.
sectio. I.

thar-

tharticis, & alterantibus sanatus esset, ut illi Medici gloriabantur. Ad primum de temperamentum ægrotantis, dicimus temperamentum biliosum, annorum serie valde retundi, ut in isto ægrotante sexagenario: quod etiam si non daretur, à solo temperamento non sumitur morbi cognitio: illius quidem habetur ratio, inservitque ad dubia signa fulcienda: sed cum adest aliquod signum pathognomonicum, ut in isto ægrotante, tumores ventris, passim assurgentes, & postea recedentes, dum colica præmeretur: Licet ejus temperamentum esset biliosum, & auriginosi non sint admodum ventosi, ex Hippocrate; colicam tamen istam, à materia flatulenta esse oportuit, fallereturque qui à temperamento diagnosis morbi desumeret; sicut qui ab anni tempestate, de alicujus affectionis natura judicare vellet: Cum enim quolibet tempore, ut ait Hippocrates, omnes morbi fieri possint, fallax esset ejus inductio à tempestate desumpta: quia aëris ambientis temperatio, ut docet Galenus in commentario, non est sola morborum causa, propter vitæ intemperantiam, & alia errata commissa in vita, ut ipse ait, à quibus in omni tempore, omnes morbi fieri possunt: Sic in omni temperamento, omnes morbi fieri possunt. Ad secundum quod de feбри, de siti, & frigidiusculi cibi, & potus delectatione afferitur: Dicendum omnibus esse notum, in morbis frigidis, propter causarum complicationem, aut ipsius humoris frigidi putredinem febres accidere, ut in lethargo, cachexia, hydrope, & febribus à pituita, in quibus omnibus, propter febrem, causam calidam esse, velle affirmare, incitiæ tribueretur. Adde quod febris, & reliqua, quæ videbantur calidum humorem indicare, fuerant tantum in principio morbi, eorum causa purgationibus, quibus usus fuerat ægrotus, postmodum devicta, præter illam, ex qua fiebat aurigo tempore doloris, quæ non erat de eorum natura, sicut nec illa ex qua urinæ coloratæ efficiebantur, ut infra demonstrabitur; reprobassem enim dietam, à Medico ordinario præscriptam, si aliqua signa humorem calidum indicantia, tunc temporis extitissent. Sed ut modum generationis hujus colicæ, cum symptomatibus suis in medium afferam: Sciendum est in corporibus biliosis, cum propter intemperantiam, & nimio rerum frigidarum usu, coctio in stomacho lædi-

A solo temperamento non potest desumi morborum cognitio.

Apho. 198.
sect. 3.

Quomodo in corporibus biliosis, generentur cruditates, & inde febres.

signa colici
biliosi.

Lib. 3. de
morb. cogn.
& curan.
cap. 20.

Qui icterus
producatur a
colica in bi-
liosis.

tur, generantur cruditates, quæ in corporibus biliosis, interdum corruptione quadam incalescunt in quodam intestinorum recessu, unde febris quædam species: Cum autem naturam cruditatis adhuc retineat, generantur flatus, quæ ut plurimum, in corpore bilioso acrimoniam acquirens, flatibus communicat, unde colica sæpissime cruciat, ventre præcipue non existente libero. Si autem cum acrimonia, maligna aliqua qualitate ex putredine imbuatur, colicæ biliosæ genus, ab Authoribus descriptum invehit, in quo sunt vomitus æruginosi, convulsiones, animi deliquia, & sudores frigidi, quorum nullum apparuit in ægrotante isto; ne quidem in morbi principio. Licet autem ex doctrina Galeni, ubi supra, omnes causæ doloris colici fiant à cruditate, & refrigeratione, effectus tamen potest esse interdum calidus; cum scilicet cruditas, corruptione quadam, ut supra diximus, incalescit, unde frigida, causæ nocent, cruditati scilicet, & refrigerationi; calida vero affectui, humori scilicet crudo, concepta corruptione tamen incalescente: Unde iste ægrotans calidis non gaudebat extra dolorem; infestante vero colica, placebant ventri calidorum applicationes. Nunquam vidi similem colicum dolorem, per intervalla sic repetentem, qui tandem in nephriticum non desineret. Nunc veniamus ad id quod etiam ex aurigine orta, & permanente per aliquot dies, post dolorem, & urinis coloratis ipso doloris tempore concludebatur; bilem scilicet exsuperare, dolorisque colici ideo causam existere: Quod non ego, sed pro me evertet Nicolaus Piso, qui in enumeratione signorum doloris colici à flatibus, ait urinas nimii doloris occasione bilescere; & paulo post, ex aliorum sententia, inquit. Juxta alios bilis fertur ad urinas, cum viæ intestinorum, per quas excludi solet, sunt interceptæ. His etiam de causis, accidit icterus biliosis, in colico dolore, etiam à causa frigida; sicut in foedis virginum coloribus, in quibus interdum facies virescit, licet morbus sit frigidus. Ad ultimum & potissimum eorum argumentum, quod superiora confirmare videtur; jussulis scilicet refrigerantibus, purgantibus, & alterantibus sanatum fuisse ægrotantem. Respondeo antea horum Medicorum alteri, hoc maxime incertum esse, nec rationi consentaneum esse, frigidis curationem tribue-

re velle, ubi potus chinæ frigidus colicæ redeuntis causa fuit, quæ fortasse non erat ventura. Sed detur juscula purgantia complevisse curationem; Quid tum, causam doloris ignorantes, casu, fortasse, sanaverunt, minera exhausta, si qua esset, frequenti purgantium jusculorum usu, quod ita fore non inficiabar ægroto, antequam iis uteretur; frigida enim potestate, calida actu exhibita, frigidis non nocent affectibus, ut observatur in præcalida intemperie jecoris, iis qui frigidus sunt stomacho: Hac ratione jussimus in principio lactucas in jusculis imponendas, propter febriculam, tussim, ciborumque calidorum, & potuum aversationem, laborem afferentium, quæ procedente affectu paulatim remiserant, primis catharticis sublata putredine, remanente tamen diathesi generandis cruditatibus idonea, unde tot colici doloris reditus. Ego quidem ingenue fatear, me multum, & diu laborasse, ut pugnantium symptomatum causas in hac colica adinvenirem, salva quam sequimur Galeni doctrina; doloris scilicet colici causam, semper esse à cruditate, & refrigeratione, ideoque nullam proprie dari colicam biliosam, bilis enim, ut diximus, gigneret potius diarrhœam, dysenteriam, aut choleram morbum: Quare non colicum dolorem à bile, sed melius colicam ab acribus humoribus, & calidis quidam scribunt, ajuntque post Galenum, ejusmodi dolores præcedere dysenterias, quas non veri colici dolores comitantur, nec antecedunt, sed proprie tormina; quæ differunt à colico dolore, quod minus urgeant; & breviori tempore, sintque tormina sine colico dolore; non autem colicus dolor sine torminibus, qui etiam ut plurimum magis vagus existit. Humores autem illi acres & calidi, colici doloris causæ, (qui etiam possunt esse frigidi,) quos omnes vulgo bilem appellant, cum tamen bilis non sint; est enim eorum, ut inquit Sennertus, magna differentia; cum acrimonia ex salibus pendeat, quibus humorum ichores, calidorum, aut frigidorum imbuuntur; habet enim quilibet humor suum ichorem, qui pro natura salis in se diluti, quæ admodum varia est, vel levem, vel mediocrem, vel atrocem excitat dolorem. His positis non erit arduum, de pugnantium symptomatum causis, in isto ægrotante, abunde satisfacere, revocantes in memoriam

Lib. 2. de
loc. affect.
cap. 2.

Qua ratione
humores in
corpore in-
ducant do-
lores.

quæ de illius temperamento, & assuetis supra diximus; Virum scilicet extitisse, nimio gaudentem æstate potu frigido, & cibis refrigerantibus, qui tandem calidum partium coctioni servientium evertunt temperamentum, inclinante præcipue ætate; hoc autem multo magis in hac regione, in qua vere, & æstate, modo calor modo frigus excitatur, propter tonitrua; ut vidimus in quodam nobili viro, qui moleste ferens faciei ruborem, à temperamento prorsus sanguineo innatum, vinum valde dilutum bibebat, omnibusque cibis refrigerantibus utebatur; quibus in florenti ætate primo refrigeratum est hypochondrium sinistrum; ita ut spleneticus putaretur, à qua putata affectione sanatus, eidemque regimini vitæ indulgens, sexagesimum annum agens, hydrope correptus est ex quo periit, talem vitæ modum non ferente inclinante ætate. Eodem vitæ regimine inciderat ægrotans, de quo nunc quæstio est, in longam illam diarrhœam, cujus memini in principio capitis, qua tribus mensibus laboravit, duobus annis antequam hac colica corripereetur: Quæ quidem diarrhœa, non bilis dominium, sed partium coctioni primæ inservientium debilitatem, à refrigerante victus regimine ostendebat. His addi potest quod hujus colici doloris causæ, tempore quadragesimæ radices posuerant, in qua pisces in stagnis degentes, acetaria, & legumina, sæpius in mensa adhibuerat, quæ cruditarum proventus, & idoneam generandis flatibus materiam arguebant. Quare non mirandum, si frigidus chinæ potus, mane vacuo stomacho exhibitus, novum colici doloris insultum invexerit, quod in colica à bile non accidisset, ut proxima Enarratione dicitur, de quadam muliere, quæ incipientem colicum dolorem, quem à bile dicebant, cyathi haustu frigidaævtebat. Quia autem in isto ægrotante febris adfuerat in principio, videreturque interdum etiam postea per vices febricitare obambulans; diximus ejus causam cruditatis cuidam corruptioni esse tribuendam; aut sanguinis corruptionem in venis existentem, ut ex venæ sectionibus apparuerat, illius causam extitisse, sicut & symptomatum quæ febrim sequi consueverunt. Ideo cruditati, seu potius refrigerationi stomachi, & intestinorum, quæ ejus causa est, & ambo, ex Galeno, colici doloris, actu frigida nocebant; corrup-

Hydrops orta
in sene sexa-
genario a'
diætâ refri-
gerante.

Hauftus fri-
gidus decocti
Rad. Chinæ
mane jejuno
stomacho
datus, coli-
cam exitavit.

ruptioni vero cruditatis, febri, & ejus sequacibus, calida. Quapropter in rerum pugnantium concursu, recte calida actu, ne causæ colici doloris, quæ cruditās, & refrigeratio est, noceant præscribuntur; virtute tamen refrigerantia, ut febri, corruptioni, siti, & aliis ejusmodi adversentur: Qua de causa juscula refrigerantia cathartica maxime probavimus, non autem reliqua, propter rationes quas supra attulimus, quibus noluit respondere alter horum Medicorum, cui hæc communicaveram, hoc solum dicere contentus, quod jusculis refrigerantibus sanatus fuisset ægrotus; Egregiam sane responsionem, curasse affectionem, quæ fortasse non erat reditura, nec rediisset, si potus ille chinæ frigidus non fuisset exhibitus: Quomodo cumque autem res se habeat, si velint ut in eorum sententiam abeam; respondeant, cur potus chinæ frigidus mane propinatus, colicam excitaverit, si causa esset calida; Cur urgente dolore calidis ventri admotis dolor demulceretur, cum aquæ tepidæ balneum ab eis præscriptum esset; Cur tempore colicæ furentis, fierent passim ventris elevationes, & postea recedentes, signa flatuum; Cur flatibus infra erumpentibus, dolor levaretur; Cur in viro sexagenario tantus bilis proventus, cum frigidum sit ex Hippocrate eorum corpus; & si tantus, cur de ea aliquid toto morbi decursu in dejectionibus manifestum non apparuit; cum bili à natura datum sit ventrem ducere?

Aphor. 14.
sect. 1.

OBSERVATIO II.

Maffiliæ adhuc juvenis, memini me vidisse mulierem 30. annum agentem, temperamento omnino biliosam, quæ bis aut ter in anno, atroci colica, quam biliosam vocabant Medici correpta; præ ceteris auxiliis, nullum illi magis profuit dolori sedando, enemate ex vino generoso, in quo florum chamæmeli mj. unica ebullitione incoctum fuisset. Pluries inde hoc sum usus enemate, addita ʒj. aut altera, olei de baccis lauri, cum felicissimo successu, præter in quodam viro religioso, qui torminibus potius, quam vero colico dolore laborasse existimo; Is nocumentum potius quam levamentum percepit; unde calidos humores, ex calore per totum corpus diffuso, subesse existimans, securo usus sum remedio, purgante scilicet,

Exortus colicæ flatulentæ, haustu aquæ frigidæ, impeditus in muliere.

à quo humoribus qualiscumque naturæ essent, deturbatis, sanatus est. Stupendum autem in hac muliere, ex hoc quod ipsa retulit mihi, se pluries incipientem dolorem, haustu frigidaæ avertisse; vigente vero nunquam ausam fuisse: Si tunc temporis sapuissem, aquam calidam haurire consuluisssem, quæ in colica ab acribus, & calidis humoribus, dum timetur refrigeratio, optima est. Quomodo vero frigidaæ potus, advenientem dolorem averteret in hac muliere: & quomodo enema ex vino injectum, præsentis cruciatus compesceret, non parum habet speculationis. Ex vino credidi jam Medicus, colicam non fuisse biliosam: Ex aqua, calidi aliquid inesse arguebatur, aliamque à superiori ægroto causam extitisse, cui frigidum decoctum, dolorem à quindecim diebus sedatum renovaverat, calidis antea vacuatis humoribus, ex datis purgationibus, remanente dispositione, ut diximus, generandæ cruditati idonea: In hac autem muliere, quæ juvenis erat, & temperamento biliosa, & in morbi primo insultu; Existimo largo, præcipue fructuum, & lactucarum esu in acetariis, genitas fuisse cruditates, quæ ex natura sua quodam calore concepto incalescentes, in ejusmodi temperamento, flatus emittebant dolorum causam; quorum generatio, veluti extincto cruditatis, fortasse putrescentis calore, impediabatur potu aquæ frigidaæ, si sub idem tempus, quo incipiebat flatuum emissio hauriretur; jam enim facta, coëgisset flatus in angusto, unde distentio, eorumque discussione ni fuisset obstaculum.

OBSERVATIO III.

Morbus miserere mei ab coarctato intestino ileo.

Vocatus peregre à nobili viro, qui a dolore colico cruciari referebatur; ab injectis enematibus, fotibus, & femicurpiis, curationem incepimus, quibus dolor non cedens, decrevi purgante medicamento intestina ab omni illuvie expurgare, quo penetrare non valente, nulla facta est dejectio: Fortiori præscripto, idem prorsus contigit, vomituque rejectum est. Ileum suspicatus, placuit alium Medicum ipsis parentibus, & ægroto notissimum, in consilium adhibere, amboque multa, & variarum formularum purgantia haurienda, & devoranda curavimus, quibus ventre nihil dejiciente, post irritam contentionem

tionem, à pharmacis factam circa ilium dextrum, in quo dolor magis urgebat, omnia vomitu rejecta sunt. Cum venter nihil deiceret nisi quod ab enematibus mucosa multa educebantur, sine ullo tamen stercore; decrevimus globulum plumbeum devorandum præbere, quia vulgo, & quibusdam Medicis, creditur contorta intestina evolvere, quasi contorsio sit sola causa iliace passionis; & quasi intestina semper ferantur per declive. Globulus devoratus modo deorsum tendit, modo sursum, parum tamen cubantibus ægrotis; modo ad latus propellitur, magisque tunc impediti, quam adjumenti affert, si solo pondere sit profuturus: Intestina etiam contorqueri, difficillimum est, multique doctissimi viri causas hujus affectus enumerantes, contorsionis non meminerunt, tanquam vulgi figmentum. Non ideo damnandum hoc genus auxilii; Primo quod ex eo agnoscat an via intestinorum sit libera; Alterum, quod intestinum à tergo globuli positum, melius firmet impulsus, ut obstaculum protrudat. Globulo plumbeo intus remanente, alium dedimus devorandum ex antimonio fuso confectum, qui ut alter nihil profecit; sicut nec hydrargyrus pondere duarum unciarum exhibitus. Ad extremum redacti, confugimus ad remedium Hippocratis, follisque tubulo in anum immisso, aëre mediante igne calefacto, intestina insufflando repleta sunt, ut laxioribus factis, indurato stercore, si hoc esset, pateret exitus, aut si eorum esset contorsio expediretur; quo etiam nihil profecimus. Tandem circumforanei cujusdam consilio, cerea candela constructa est, in anum immittenda, auricularis digiti crassitudine, & trium, aut quatuor cubitorum longitudine; Hoc auxilii genus non valde probabam, impossibile ratus, candelam ad ileum posse pertingere, quamvis autem illuc attingeret, per intestinorum flexuoso ascensu complicata, debiliter impulsuram, calore etiam corporis emollitam: Tamen cum extremis, & desperatis morbis, omnia adhiberi soleant, ad quoddam ægrotantium, & parentum solatium, omnia permisimus, quæ nihil profuerunt, desperataque est salus à nobis, vixitque ægrotus octoginta dies, nullo stercore toto morbi decursu pertranseunte, nisi ab enematibus mucosis illis, de quibus supra. Quibusdam diebus ante mortem, venter maxime intumuit, ex

Globulus
plumbeus,
& ex anti-
monio, item
mercurius
vividus frustra
datus.
Lib. 3. de
morb.

horrenda intestinorum inflammatione, quod dissecto post mortem cadavere innotuit, erant enim seipſis duplo majora; Ilionque, qua parte ad latus dextrum divertit, quasi filo in angustias coactumprehendimus, sine ulla duritie. Persuasi autem morbi causam juxta globulos inventuros, intestini angustiam explorare negleximus, globulorumque inquisitionem, à superioribus incipere intestinis Chirurgo imperavimus: Qui omnibus exploratis intestinis, res stupenda! in recto intestino ambo inventi sunt, fracto qui ex antimonio confectus fuerat. Rumor statim ad cognatos, qui erant in superiori aula pervenit, nullam nos putati morbi causam invenisse, cujus rei certiores facturi, rogaverunt, ut in aulam ascenderem, narraturus quanam fuisset causa mortis, Ilei nulla inventa: Respondi ilei nos causam invenisse, ideoque mortis, angustiam scilicet intestini, quod affectui nomen dedit, quam à multis annis, & fortasse à prima conformatione factam in utero putabam; cum à longo tempore scirent eorum multi, agrotum per sanitatem coactum fuisse, qualibet fere nocte, ingesta evomere, præsertim cum cibis multis in coena se ingurgitasset; cujus symptomatis causa illi angustiae erat tribuenda. Cum enim progressu temporis, omnia fiant in corporibus nostris debiliora, quadragenarius ægrotans factus, infirmiori evadente intestinorum facultate, non valebat ut in juventute, trans locum intestini angustum, omnia ingesta expellere; ideo pars vomitu digestionem facta, de nocte rejiciebatur. At seni jam facto, magis ac magis languescente facultate, isthmus omnino obstructus est, unde iliaca passio. Si ita res se habeat, inquiunt, quomodo penetraverunt globuli? Relaxatis viis, respondi, emoriente natura; Quemadmodum videmus in plurimis ægrotis, abscessu interno laborantibus, à quo pus non effunditur, nisi ipsis morientibus; & jam vita functis.

OBSERVATIO IV.

Dolor juxta
infimam costam in dextro latere, perperam pro Colico & nephritico habitus.

Vir quidam non infimæ conditionis, ætate 50. annorum, pertinaci & sæpius repetente dolore correptus, in dextro latere juxta infimam costam; Pluribus adhibitis auxiliis per decem annos, dolor semper recurrebat, gravius repetens: In principio colicus dolor creditus est, eo quod ad vicinas partes se

pro-

produceret, cogens ægrotum cum clamoribus decumbere; Postea vero qui illum inviserunt Medici, dolorem nephriticum esse affirmarunt, inter quos erat collega meus. Cum autem ægrotus, ex adhibitis in hunc finem remediis, nihil proficeret, collegam cui multum confidebat, & me, ad se venire rogavit literis, causæ doloris conjunctim indagandæ gratia, super quam interrogatus æger, signisque omnibus præsentibus, & præteritis rite perpenſis, dolorem nephriticum esse negavi; hac præcipua ratione, quod per decem annos, lapillus nullus esset excretus, à quibus per intervalla ægrotus dolore torquebatur; alioqui in renibus detentus in molem prægrandem increvisset, renemque dilacerasset, ut habetur in Enarratione i. cap. de calculo renum: Quod ab urinis ægrotantis innotuisset. Nullis itaque morborum renis apparentibus signis, alibi quærendam esse doloris causam, quæ humor acris erat, vel in intestinis, vel in musculis abdominis, vel in quapiam altera à renibus parte: Quinam autem fons & origo humoris, non constabat: Certum quidem erat, per intervalla in partem mitti, cum dolor non esset permanens, sed per vices recurreret, postquam multis diebus quievisset; pars tamen quæ mittebat, erat adhuc nobis incognita. Tandem ex ægroti relatione, denuo solus illum invisens, comperi humorem circa sensum, à capite in partem affectam defluere per intervalla: Nam cum artuum doloribus vexaretur, à dolore ventris erat immunis: Si autem dolor ventris rediret, cessabat dolor arthriticus. Hæc audiens ab ægrotante, affirmavi me sequi eorum sententiam, qui statuunt arthritidis causam, originem ducere à capite: Ideo hujus doloris fontem, à capite esse desumendum, humorisque defluentis impetum omnibus modis esse avertendum, venæ sectione, frequenti purgatione, aliisque jam dictis, cap. de fluxi. præcipue autem diætâ exsiccante, & sudorifica: de his tamen omnibus cum meo collega, cui multum fidebat statuturum: Qui audita mutatione doloris, quæ modo in ventrem, modo in artus fiebat, prima sede relicta, coactus est discedere à sententia de nephritico dolore, à qua semper steterat; utriusque doloris causam eandem quidem esse, fontem autem petendum esse à jecore: Ego vero à capite. In hac sententiarum discrepantia,

Apho. 64.
sect. 5.

de origine causæ antecedentis; quia ægrotus collegæ meo multum credebatur, permisi ut quidquid jecori temperando, & expurgando aptum duceret uteretur, excepto lacte, quod male habentibus ab hypochondriis non probatur ab Hippocrate: eo tamen utens ægrotans, coactus est abstinere, nec ab aliis auxiliis quidquam emolumenti percepit. Ideo ptisana purgante à me proposita, tribus consequutis diebus sumenda, de qua passim fit mentio in hoc opere, uti voluit, deinde mense Septembris qui proximus erat, diætâ sudorifica; à qua ab omnibus doloribus liber factus est, spacio trium annorum; non solum ventris, sed & artuum. Cum autem consuluissem illi percepto diætâ emolumento, ut quolibet anno eodem tempore eam iterum institueret, ne novis excrementis in cerebro genitis, ut fere fit, renovaretur fluxio, quod ille semper se facturum promittebat, nec tamen exequabatur: Unde post tres annos, novo à capite descendente humore in latus dextrum, abscessus factus est, dejectoque pure, obiit valde macilentus, cum antea valde esset obesus.

OBSERVATIO V.

A Corrupto
pyloro dolor
continus, &
tandem
mors.

In eadem urbe civis quidam mero fatis indulgens, dolore circa regionem ventriculi correptus est, qui statutas quolibet die habebat exacerbationes, urgens circa vesperam, & noctem, quo tempore, ut colicus dolor in partes vicinas propagabatur, mane remittens circumscriptus. A Medico ordinario quibusdam præscriptis purgationibus, & balneis, dolore omnino levatus est æger: Post sex menses reversus est, iisdem exacerbationibus molestus; at pertinacior, nullis antea cedens remediis. Vocatus in consilium, operæ pretium duxi, ptisanam purgantem tribus diebus continuis, mane propinandam præscribere, qua venter ad votum quidem dejecit; dolor autem semper similis, nec ullis invadendi modum mutans præfidiis. Facta cum tribus Medicis consultatione, præscriptus est syrupus magistralis, deinde potus aquarum mineralium de *Villeranque*, quæ vitriolo imbutæ creduntur, non spretis ab extra præfidiis: Syrupus votis respondebat; dolor autem non cedebat, nec topicis demulcebatur: Defuit tamen aquarum
usus,

usus, eo quod sumptui parcere volens æger, per alios habere expectasset, quorum culpa nihil actum est: De salute desperantibus, quædam fiebant ad ægrotantis solatium, qui paucis post diebus, à nigrorum vomitu facto obiit: cujus dissecto cadavere pylorus niger & corruptus inventus est. Ex doloris statutis exacerbationibus, & ejus reditu post sex menses statuentum est in isto ægrotante, partem aliquam mittentem fuisse, quæ pro ratione cumulati in se humoris deorsum propulsi, doloris ingravescens major causa erat, quousque nova fluxio discuteretur, remanente in parte, quod in ea altius defixum erat, à quo dolores consueti & ordinarii: Quænam autem esset ista pars mittens, ea scilicet à qua fluxiones fiunt quæ caput est; ut deducitur ex Galeno cap. xi. lib. 2. de febr.

OBSERVATIO VI.

Uxor litium capitalium regii Legati urbis Montis marsani, aliquibus diebus à partu, cepit conqueri de doloribus ventris: Quia adhuc à partu lecto detinebatur, Medicus extraneus, qui vocatus fuerat in consilium cum ordinario Medico, asserbat dolores illos esse à matrice, remediaque in hunc finem præscripserat. Cum autem malum semper urgeret cum vomitu, in eamque urbem venissem pro quodam ægrotante, rogatus sum à marito, ut cum aliis duobus Medicis, vellem pro salute uxoris consultationem habere; quod libenter accepi, initoque de causis doloris sermone, negavi à matrice existere, sed iliacæ passionis esse affectum, cum esset perpetuus vomitus, nec infra solitæ essent dejectiones. Medicus ordinarius facile concessit in meam sententiam; extraneus vero non item: Ultro tamen, citroque rationibus habitis, tandem etiam fateri coactus est. Nam datis quibusdam purgationibus, tempore dejectionum fiebat tumor in latere dextro, inter umbilicum, & ilia, quo paulatim recedente, subsequēbatur vomitus; Quod signum erat obstructionem esse factam in ileo, qua parte tumor fiebat, ex impulsu humorum à medicamento, quo petransire non valentes, motu contrario sursum propellebantur: Quæ autem vomitu citra medicamentum purgans rejiciebantur, iis non erant absimilia, quæ in diarrhœa dejiciuntur, subrufa, & liqui-

Iliaca passio
orta aliquot
a partu die-
bus.

da, cum foetore. Consului ut præmissio fotu emolliente, supra partem in qua fiebat tumor, bolus devorandus præberetur ex diaphoenici ꝯß. & terebinthinæ zij. quo devorato, eodem tempore factus est tumor, & ipso recedente, vomitus ut antea: Discedens habui ægrotantem tanquam depositam, brevi-que mortuam. Didici ex hac muliere non esse verum, quod in volvulo nihil dejiciatur; vidi enim semel, & iterum, in dejectionibus ab enematibus factis, excrementa subrufa in longum figurata, & supernatantia, quæ tamen digiti annularis crassitudinem non æquabant; ex quo concludebam, viam omnino non esse obstructam, à quodam fortasse tumore, ut in alia muliere cui intestina vervecina recenter ex ventre animalis extracta, & adhuc calida super ventrem posita, alvum subduxerunt: Cum autem iterum non dejiceret, consultatione vinum emeticum præscripsimus, quo venter iterum motus est; volvulosa tamen post menses integros, nutritionis defectu, valde macilenta, ut opinor, effecta, tandem periit, duro tumore intestinum comprimente invento. Sennertus cap. 1. lib. 3. præc. probat etiam ex Hippocrate, contra Galenum, in ileo sæpissime aliquid descendere, eos tamen conciliat in fine quæstionis capitis jam dicti; verum esse, inquit, in volvulo nihil infra dejici, in morbi processu, in principio aliquid posse per inferiora descendere: Sed hæc duæ historiæ à nobis allatæ, ostendunt etiam in fine aliquid posse dejici, cum via omnino non occluditur. Quod autem docet in eodem capite Sennertus, proximam ilei causam, esse facultatis distributricis chyli, & expultricis motum inversum, & præter naturam, verum est in ægrotis quorum refert historias, in quibus nulla erat obstructio in intestinis; In aliis vero in quibus est obstructio, volvuli præcipua causa est id quod obstruit, à quo alia omnia symptomata efficiuntur. Vide citato loco scitu dignas enarrationes, de intromissis in anum vomitu rejectis, & præcipue de quadam puella curata.

De diarrhœa.

C A P. VI.

Cum venter pluries, & assidue dejicit humida excrementa sine sanguine, & dolore, aut saltem parvo, diarrhœam Græci vocant, à verbo *Diarrheo*, quod est, per medium fluo, & defluo. Latinis alvi profluvium dicitur; Quod fit aliquando naturæ lege: Alias vitio stomachi, & intestinorum, affectu aliquo laborantium: interdum fit diarrhœa à corruptela humorum: Subinde à partibus vicinis, vel remotis, superioribus præcipue, excrementa deponentibus in stomachum, & intestina. Quæ omnia recte medentibus veniunt consideranda. Primo quidem motus naturæ, si recte fiat, ipsi soli committendum negotium, secundum Hippocratis doctrinam: Quæ decernuntur decretave sunt iuste, ea nec movere, &c. Quod non solum in morbis; sed etiam in excretionibus quæ fiunt per sanitatem, observare oportet. Cum vero natura incipit, & non pergit, aut segniter agit, juvanda excretio, si res exigit; sicut compescenda, si modum excedit, & vires prosteruntur: Quomodo autem in hoc se gerendum, quantitas, & qualitas eorum quæ dejiuntur demonstrabunt. In aquosis dumtaxat fluxionibus ventris; in quibus nullus est foetor, purgando magis astringendum, quam si bilis colore, ut fere fit, imbuantur, multoque magis purgandum, si pravus aliquis humor immisceatur, dejectionibus, & adhuc magis si foetor adsit: Quo autem crassior erit dejectio, eo purgantibus magis indulgendum, minusque astringentibus. Contra si multa sit dejectio, minus purgandum, & magis astringendum, nisi materiæ excretæ qualitas contrarium suaderet, ut maximus foetor. Horum omnium purgantium exempla proponuntur capite sequenti; cum dysenteria sit alvi fluxus, multa cum diarrhœa habens communia, & in purgantibus, & in roborantibus, & in quorumdam signorum, & causarum dignotione. Cum alvi profluvium sit vitio stomachi, & intestinorum, propriis cujusque signis vitium est investigandum, quod ut plurimum imbecillitatem esse compe-

Diarrhœæ
definitio.

Aphor. 7.
secti. 2.

Natura si in
ducretionibus
parum
aut nimium
agat, adju-
vanda aut in-
hibenda est.

Alvi proflu-
vium fit ut
plurimum
vitio stomas-
chi, & im-
becillitate.

ries,

ries, à refrigeratione, potius quam ab aliis causis invec̃tam, quæ tamdiu fovebit diarrhœam, quousque à natura, vel arte corrigatur, venena quoque assumpta, & purgantia violenta, & maligna, harum partium robur labefactant, unde longissima diarrhœa, quæ roborantibus specificis curatur potius quam purgantibus; à natura tamen dejectionum purgantium indicatio desumenda. Corruptela humorum, nullo viscere affecto, diarrhœam dierum plurium excitare valet, si tota non expurgata, remanserit fermentum in aliquo recessu, quod alimenta quæ sumuntur, & omnes sibi appropinquantes succos corrumpit, in sui que naturam convertit, ex quo inutiles facti, à natura rejiciuntur, novam semper diarrhœæ materiam suppeditantes: Unde colligitur diarrhœam augeri, invalescente fermento; & minui ipso remittente. Ideo impura corpora quanto magis nutries, tanto magis lædes, ut monet aphorismus. Diarrhœa à vermibus hujus generis est, & quædam quæ accidit in febribus intermittentibus: Quas omnes experientia sum edoctus, purgantibus curandas esse, ac si nulla esset diarrhœa, ita ut in ejusmodi profluvio, quod non multum urget, tali in multis usus fuerim purgante, à quo venter non extra modum dejecit.

Hipp. apho.
x. sc̃ct. 2.

Hauftus pur-
gans ad diar-
rhœam.

℞. Aquæ cicho. q. s. pro una dosi, folior. fen. mund. ℥iij. ani. ʒß. rhabar. ʒj. forti express. dissol. cathol. ʒß. rhab. pulv. scrup. j. syru. ros. purgat. ʒj. fiat potio mane sumenda.

Si vermes subire credantur, sumitur aqua portulacæ, semen contra, & syrupus de flore persicorum; loco aquæ cichorii, anisi, & syrupi rosacei. Pro re nata, loco aquæ cichorei, accipitur aqua ros. plantagi. aut portul. Abjicitur senna, augeatur pulvis rhabarbari, nullo dissoluto syrupo. Unum autem scio, & in diarrhœa, & in dysenteria, experientiam me coarguisse, in præscribendis debilibus purgantium formulis, in alvi autem profluvio, magnum non committitur flagitium, incipiendo à levioribus. Excrementorum denique confluxus ad ventrem, vel à toto corpore, vel aliqua parte, jecore, liene, mesenterio, capite, facit diarrhœam: Quæ sit à toto corpore, bis, ter, aut quater, acidit in anno, non multum durat, & fere semper pro sanitate est; A venoso tamen genere diarrhœa, à toto corpore fieri dicenda est, cum venæ per totum corpus sint

Diarrhœa
quæ non
multum du-
rat fere sem-
per est salu-
fariis.

sint dispersæ, sicut & carnes, quæ quidem interdum longa est, secundum naturam fermenti putredinis venas subeuntis, quam natura per ventrem expurgare conatur, multique per venæ sectionem, ut Neoterici, præcipue Medici Parisienses, & horum exemplo reliqui totius Galliæ Medici: Neque tantum in hac specie sectionem venæ imperant, sed & in omnibus, quod inconsiderate non est faciendum; multoties enim in alvi fluxu, venæ sectio non convenit: cum scilicet ejus causa refrigeratio est, & debilitas partium primæ coctioni inservientium; cum in primis viis scatet putredo, à qua fovetur alvi fluxus. Cum denique alvi fluxus à causa maligna existit, à fermento scilicet quodam putredinis, in quodam viscerum recessu latitante, quod veneni naturam æmulatur, ut dicetur in enarrationibus. Diarrhœam autem cum febris comitatur, non semper venæ sectionem indicat, nisi cum à venoso genere causa deducitur; ex vena cava scilicet, & ejus propaginibus. Nam rami venæ portæ, melius sæpissime purgatione, quam venæ sectione expurgantur, ut contigit juveni, qui in febre acuta urinas nigras mingebat in principio, quæ statim à purgatione, data à me quarto die, puræ evaserunt, excreto humore nigro pici liquida non absimili. Non mirandum igitur si Hippocrates dixerit. Quibus in principio urinæ nebulosæ, aut etiam crassæ sunt, tales repurgare oportet; si etiam alia contulerint: Quibus vero in principio urinæ tenues, tales ne purgato; Sed, &c. Sine febre potest fieri venæ sectio in diarrhœa, si fluxio ejus causa sit, ut alio materia derivetur, aut revellatur. Vide Zacutum de Medic. princip. histor. lib. 2. historia 81. de alvi fluxu ex Galen. Quem ipse contorquet, ut ostendat illum in alvi fluxu probare venæ sectionem; cum tamen magis conceptis verbis improbet: Vide autem præcipue observationem hoc loco conscriptam, in fine quæstionis; de quodam juvene, qui a longa diarrhœa sanatus fuit venæ sectione salvatellæ, multis antea incassum adhibitis auxiliis, etiam lactis usu. Diarrhœa cujus causa fluxio est à capite, interdum diuturna, nisi ex subita refrigeratione capitis antea sani, & nullis fluxionibus obnoxii; In aliis enim cerebrum jam debile factum, semper excrementa gignit, per eandem viam ad defluxum parata, qui

Quibus in diarrhœis venæ sectio non conveniat.

Lib. de ratione vict. in morbo acuto,

Signa diarrhoeæ orta a capitis fluxionibus,

Lib. 2. prog. cap. 1.

Si diarrhoea non sit cum torminibus, & vires non deiciat, naturæ negotium demandandum usque ad septimum diem.

ut plurimum sit citra sensum, neminique in mentem veniret, à tali fonte ægritudinis fomitem esse petendum. Verum cum fluxus ventris sæpe repetit aquosa existente dejectione, etiam si parum bile tincta, alibique causa diuturnitatis fluxus non invenitur; si ægotans fluxionibus à capite erat obnoxius, quæ tunc temporis non infestant; suspicandum humores excrementitios, à via solita in alvum divertere, licet excrementa spumosa non appareant, contra id quod habetur apho. 30. sect. 7. Neque enim omne quod à capite defluit spumosum esse potest; neque omnis spumosa dejectio est à capite, ut ibi annotat Galenus. Cum autem diarrhoeæ causa in ventre esse dubitatur, in eo magis standum, quia frequentius ejus sedes ibi invenitur; Primum quidem vitio intestinorum, & mesenterii, deinde stomachi, postea lienis, ultimo jecoris: De quibus duobus ultimis, non tam viscus, quam partes quæ ab ipsis deducuntur sunt intelligendæ. Jecur enim refrigeratum, & debile factum, cum causa hydropis est, non facit diarrhoeam, sed potius alvi astrictionem; non dejicit enim, inquit Hippocrates, nisi dura, & pro necessitate. Nimia tamen bilis generatione in eo, quotidie se in ventrem exonerante, diarrhoeæ causa illi tribuitur, cui maxime venæ sectio convenit; postea vero illi quæ sit à sanguinis corruptione, quæ si ab aliqua jecoris intemperie, vel ipsius alio affectu originem ducat, ipsi causa diarrhoeæ tribuenda, sicut & illa quæ sit attractione ipsius imbecilla, chylo remanente humidior, quod magis venis mazerâcis tribuere videtur Galenus. lib. 2. progn. cap. 1. Idem propemodum de liene dicendum est, ex eorum præcipue sententia, qui eum aliud jecur existimant, ut cap. de hydropo dictum est. Quomodocumque autem accipiat, si desciscat ab officio, diarrhoeam potest invehere. Cum igitur diarrhoea modum non excedens, incipit, nulla sunt tormina, aut levissima, neque vires prosternuntur, multoque magis ægotus quasi sarcina levatur, totum negotium naturæ dimittendum, usque ad septimum diem, quem si transcenderit, vel partis alicujus jam dictæ affectum, qui propriis signis investigandus; vel fermentum aliquod putredinis, ex fœtore excrementorum præcipue agnosces, eoque magis quo antiquior erit affectio. Si quis tamen ante septimum diem, ut natura

citius perficiat, aliquo medicamento, incertus de causa diarrhoeæ, uti velit, à proposito non abducendus, præcipue si foeteant excrementa, fermenti putredinis alicujus signum, quod mora magis invalesceret. Ego quidem cum diarrhoea primis non cedens remediis, protrahitur, causam primum ordine esse quærendam existimo in partibus de quibus supra, propriis cujusque signis, partis, & ante actis ab ægrotante, & excrementorum inspectione, quæ vitium coctionis non solum ostendunt; sed & humoris excrementitii naturam, ex qua pars affecta interdum agnoscitur; excrementum enim cujusque partis illius propriam dispositionem ostendit, ut docet Galenus, sive aliunde confluat ad intestina, sive in ipsis gignatur. Nulla deprehensa in partibus ventris causa profluvii, quæ sæpissime in mesenterio latitat: coctioni scilicet dicatis per se non laborantibus: Vel à toto, vel à solo capite petenda est origo diarrhoeæ, eorum excrementis per vices, aut continuis ad ventrem confluentibus, quod frequentius fit ex capitis fluxione; iis præcipue qui cephalagiis, aut fluxionibus sunt obnoxii: cum cessante dolore; aut fluxione ad solitas partes, excitatur diarrhoea, in qua ut plurimum dejectiones sunt aquosæ, aliquando spumosæ, fere sine foetore, & faciei color bonus, nisi alicujus alterius affectionis complicatio, aut dejectionum numerosa quantitas vires dejiciat; quod raro fit, nisi diuturnitate fluentis humoris, partes suscipientes extra modum evaserint debiles.

Lib. I. de
loc. affect.

P R O G N O S T I C A.

Qui alvi profluvio multo tempore detinentur una cum tussi; non liberantur si dolores vehementes in pedes non inciderint. Hippo. lib. de judic.

Diarrhoea in lethargo, & peripneumonia, mortifera, ex Hippoc. lib. 3. de morb.

Diarrhoea in tabidis, mortem propinquam denuntiat. Hippo. aphor. 14. sectio. 5.

In fluxionibus alvi, si qualia oportet purgentur, confert, & facile ferunt; si vero non, contrarium. Hippoc. aphor. 2. sect. 1.

In fluxionibus alvi, excrementorum mutationes juvant, nisi

in deteriora mutantur. Hippoc. apho. 14. sectio. 2.

Longo alvi profluvio laboranti, vomitus sponte superveniens, solvit profluvium. Hippoc. aphor. 15. sect. 6.

Alvi profluvium in ophtalmia, bonum ex Hippoc. apho. 17. sect. 6.

Quibus in dolore lateris cum febre, alvus multa aquosa biliosa egerit. Si allevantur. Hippocr. libr. 1. coac. Coaca 73. apud Duretum, vide reliqua quæ male vertit I. Cornacius.

Diarrhœa in hydrope quæ non juvat, pessima; pravam enim in visceribus dispositionem ostendit.

Diarrhœa sæpe utilis in principio morbi, & tunc maxima est plenitudo.

Diarrhœa quæ non transcendit septimum, pro valetudine est; alioqui aut vires prosternit, aut dysenteriam invehit, aut febrem affert, aut perseverantem à capite fluxionem ostendit, aut pravam inesse visceribus dispositionem indicat.

Omnis diarrhœa post morbum diuturna, pessima; ad hydroperum enim, aut alium affectum periculosum ducit.

Diarrhœæ febris superveniens, materiam putrescere, aut ipsam putredinem augeri, aut partem aliquam affici ostendit.

Cessante diarrhœa, si febris superveniat, aut perseveret, causam intus remansisse significat.

In diuturnis alvi profluviis, crepitus sine materia erumpens, bonum.

Diarrhœa quæ modo cessat, modo repetit; malam alicujus partis in ventre dispositionem ostendit, aut fluxionem à capite per intervalla delabentem, aut aliquod putredinis inesse fermentum.

Enarrationes de quibusdam Ægrotis.

OBSERVATIO PRIMA.

Diarrhœa
pulvere gal-
larrum cura-
ta.

Vir quidam Massiliæ, frequenter alvi profluvio laborans, in pedes tamen stare, & obambulare valens, affirmavit mihi se illud comprimere quoties placeret, sumpto cum vino rubro, pulvere de gallis orientalibus, unam integram redigens in pul-

ve-

verem, si multum urgeret profluvium; mediam vero si parum, coque modo se fluxum ventris sistere ad libitum. Existimandum est diarrhoeam istam vel ab imbecillitate partium primæ coctioni inservientium, vel à quodam humore seroso ad stomachum, & intestina confluyente, à quo in intestinis contenta diluebantur.

OBSERVATIO II.

Annum agens 63. multis formidabilem, eo quod sit ex præcipuis climactericorum, ingenti alvi profluvio correptus sum, sine causa ulla manifesta, quod spatio duorum dierum & dimidii, sexaginta sex vicibus ventrem dejicere coëgit aquosa, interdum subrufa in principio. Etiam si profluvium istud, propter numerosas dejectiones, spernendum non esset; nullo tamen uti volui pharmaco, eo quod nulla essent omnino tormina, validusque satis esset pulsus: Jussi tantum secundo die, propter maximum jusculorum fastidium, parandam mihi pulstem panariam, cum jusculo tamen carnis confectam, satisque liquidam, ut ebibi posset, quæ fuit mihi pro cibo admodum grato, statuens die tertio, si fluxus perseveraret, sumere infusionem rhabbari in aqua plantaginis factam, dissoluta 3ß. rhabbari in pulverem redacti; sed die tertio circa meridiem paulatim restitit alvus per se. Cum à longo tempore essem quibusdam fluxionibus à capite obnoxius passim per varias corporis partes oberrantibus, credens hos omnes serosos humores, à capite, & aliis partibus, ad ventrem vacuandos confluere, sine molestia volui rotum negotium naturæ committere.

Diarrhœa
vehemens,
qua labora-
vit auctor
sponte sana-
ta.

OBSERVATIO III.

Vir quidam nobilis, & in secunda Curia Montismarsani Assessior judex, in civilibus, & capitalibus; aliquibus men-
sibus à ducta uxore, incidit in diarrhoeam, obambulans tamen, & interdum equitans. Tandem coactus est decumbere: In consilium vocatus collega meus, cum Medicis urbis ordinariis, ex asphyxia, & extremorum frigiditate desperans de salute ægrotantis, nuntiato præsentî periculo, quam citissime discessit, vocatus ego à parentibus; veniens ægrotantem quidem inveni sine pulsu, cum extremorum frigiditate; ex loquela tamen, & cor-

Diarrhœa
maligna.
I.

poris motu nullo affectu laborare dixisses. Habita cum duobus urbis Medicis ejus curæ adhibitis consultatione; asservi, cum ageretur de ventris profluvio, intus relictum fuisse, in quodam recessu, aliquid malignæ qualitatis particeps, ante vel morbi decursu genitum, quod temporis progressu invalescens, & naturæ grave, conabatur ipsa excernere per secessum; Ideo ejus motum esse juvandum, ut quod purgationes præcedentes efficere non potuerant, hæc, aut altera perficeret. Uno animo, & una mente conclusum est, iterum propinandam esse rhabarbari infusionem, cum suo pulvere; deinde utendum esse opiata astringente, & corroborante, ex conserva rosarum corallo rubro præparato, margaritis, confectioe de hyacinto, & syrupo cydoniorum, pergendo in usu epithematum. Inspectis interea ad lucernam, quia nox erat, ægroti excrementis, visa sunt omnia multo imbuta sanguine, quod tamen illis nox imponebat; Ego vero, quem alias nox deceperat, affirmavi non sanguinem, sed bilem croceam, rubiginis ferri dissolutæ, aut lateris rubri non absimilem: humorem sane pestiferum in diarrhœa apparentem, ut ex plurimis ægrotantibus mihi notum est, qui omnes perierunt. Die exhibitionis rhabarbari, duobus, aut tribus dejectionibus ventre exonerato, explorantibus pulsus diastole parum innotuit, quod multum astantium animos ad spem erexit; mihi autem plena aleæ posterus dies: Alvo enim compressa, & fortasse citius quam par erat, nescio utrum ab usu roborantis opiatae, an alia de causa, singultus excitatus est, cum animi pervicacia, in respuendis jusculis, etiam à matre oblatis, cui semper paruerat, quod delirii speciem esse affirmavi, pulsus tamen magis ac magis invalescebat, quousque febris valida facta est: Omnes rem in tuto esse credebant; ego vero sciscitantibus plenam aleæ respondebam, propter singultum, & illam animi pervicaciam. Cum autem fluxus ventris derepente cohibitus esset, melius enim si pedetentim, certissime credens, fermentum illius malignæ cacochymiae, intus subeuntis remansisse, illiusque pervicaciae, & singultus causam esse: operæ pretium ducebam medicamento fortiori, cathartico citissime deturbandum, quod quidem unus ex Medicis vocatus probabat: alter vero ægroti ordinarius minime, futilibus

nescio quibus ductus rationibus, unde præterit dies quartus à magna febre, & occasio propinandi; quam deinde sexto arripere volentes, nihil profuimus, moriente ægroto septimo die.

OBSERVATIO IV.

Vir quidam nobilis 23. annorum, cepit diarrhœa laborare; Mors a Diarrhœa. postero die quia longe aberat à Medicis, loci Pharmacopæus propinavit illi infusionem rhabarbari, cum ejus pulvere. Interea miserunt ad me, ut nulla facta mora equum conscenderem; tertioque die veniens, pessime se habentem inveni ægrotum, ex pulsu, & dejectionibus, eumque de salute sua desperantem, quod manus torpidas haberet; emoriente scilicet in illis facultate ex penuria spirituum, manequè obijt.

OBSERVATIO V.

Juvenis quidam incidit in febrem tertianam; post secundum paroxysmum, quia morbi natura per se nota erat, hausit à Pharmacopæo medicamen purgans, quo non extra modum venter dejecit: Post purgationem maligna diarrhœa statim sequuta est; pulsus abiit in maximam debilitatem: vox ita demissa, ut vix exaudiretur: excrementa omnino biliosa erant non tamen adhuc rubra, ut in superioribus. Vocatus in oppidum die tertio fluxus ventris, signaque hæc pessima perpendens, cum magna virtutis corpus moventis imbecillitate, rem esse in angusto asserui, nisiq; postero die juvaretur ægrotans à sumpto rhabbaro, partim infuso, partim in pulverem redacto, actum esse de illo: Judicabam enim in quodam circa viscera recessu, malignam subesse cacochymiam, colore lateris rubro dissoluto non absimilem, quam in dejectionibus apparituram prædixi; quod accidit à sumpto rhabbaro circa vesperam; ab eoque tempore rebus semper in pejus ruentibus, mortuus est die 7. à ventris fluxu.

OBSERVATIO VI.

Vir quidam ex primis civibus hujus urbis, incidit in febrem A febre continua maligna, diarrhœa & mors. continuam, specie quidem levem, ex pulsu, & aliis signis, præter capitis dolorem pertinacem, nec venæ sectionibus nec purgationi cedentem; à remedio autem quod recepit opium.

opium, cap. de dolore capitis descriptum, maxime levatus est. Tertio die cepit parum singultire: Quarto magis, fluxuque ventris correptus est, exeuntibus crocei coloris, ut dictum est supra, excrementis: Mirandum quod ab eis anus exulcerata sit, sine ullis intestinorum torminibus. Singultu perseverante, & diarrhoea, viribus paulatim deficientibus mortuus est. Multa alia mihi contigit videre maligna ventris profluvia, quorum enarrationibus superfedebimus: his quatuor contenti, ut varius eorum procedendi modus agnoscat: In primi enim ægrotantis diarrhoea, laboravit ipse per 20. dies obambulans, & quandoque equitans, antequam in lecto cogeretur decumbere. Nescio an male se gessisset in victu, aut nimium veneri indulgere voluisset, etiam infestante diarrhoea, formosa in uxorem ducta recenter muliere: Uti res se habuerit, oportuit eum tandem in lecto decumbere. Cum autem tanta esset hujus cacochymiae malignitas, ut spiritibus intro detentis extremitates essent frigidae, & pulsus omnino deperditus; nescio quomodo in loquela, & motrice corporis facultate non videretur ægrotare, sedentem enim in lecto inveni, prima vice accedens ad illum, & postea pluries. Nescio etiam quomodo facultas, quæ ex artuum refrigeratione, & asphyxia, prostrata videbatur, in causas postea morbificas, tam valide insurrexisset per octo dies sine fructu: Quod tamen pluries contigit me vidisse, in quibusdam morbis pestiferis; remanente adhuc scilicet fermento putredinis malignæ in corpore.

In secundo ægrotante non ita res se habuit, facultas enim statim à principio dedit manus; licet tamen pulsus non esset deperditus, torpor erat manuum recedentis spiritus signum, emoriente facultate, cum alia adsunt cum torpore pessima signa: vide Galenum in explanatione prorrhethici 14. par 1. Licet etiam ex loquela, & motionibus corporis mors in propinquo esse non videretur, quarto die tamen obiit, cacochymiae perniciosissimæ, & veneno proximæ signum. In tertio ægrotante morbus non incepit à diarrhoea sed à febre quæ pro sanitate habetur, tertiana scilicet, à qua sola nullus moritur: Sed accidit interdum, ut à maligno fermento vicini humores corrumpi incipiant, à quibus tertiana febris; verum mox ipsius naturam fer-

fermenti induentibus, quod tanquam agnus apparebat in principio, in lupi naturam convertitur; unde in isto ægrotante pulsus parvitas, totius corporis imbecillitas maxima, ut vix loquens exaudiretur.

In quarto ægrotante, ægrotatio initium habuit à febre continua, cum capitis dolore; Febris quidem propter malignitatem quasi attonitis spiritibus videbatur specie, parvæ esse considerationis; sed tandem ex symptomatibus supervenientibus, ejus natura innotescere cepit: Oportebat in isto ægrotante, altius fermenti sedem, quam in aliis ægrotis positam fuisse; unde à febre continua morbus incepit, quousque malignam corruptionem naturæ gravem, conaretur illa excernere per secessum.

Ex his quatuor Enarrationibus, existimandum est materiam quandam, interdum colligi in aliquo viscerum recessu, quæ temporis progressu apta nata est corruptione concepta, malignam qualitatem inducere in dies invalescentem, corruptis scilicet proximioribus succis, & in sui naturam converfis, quousque partibus gravis, quibus inest, jam facta, stimulet naturam ad sui excretionem per secessum, tanquam per locum magis convenientem. At commota, vel à natura, vel à Medico graves excitat tragœdias, solius qualitatis malignæ transmissione, vel vaporis ea imbuti exhalatione ad partes nobiles; unde pro varia putredinis malignæ natura, & corporis dispositione, gravia illa, & diversi generis symptomata fiebant, ita ut mors nequeat declinari: Si enim non moveas, mora invalescens, tandem infert mortem. Si autem moveas, vires citius expandit putredo maligna, mortemque celerius afferre experientia cognovimus. O felices Medici, qui in ejusmodi affectus curandos fortunate non incurrunt! Impossibile enim est opprobrium effugere nisi mature prædicatur quid sit futurum, quia vulgus morbos non curari, non existimat, nisi propter Medicorum incitiam.

De Dysenteria.

C A P U T VII.

Cum dysenteriam fere semper diarrhœa præcedat, & in præscribendis purgantibus, eadem sint observanda in utroque

N n

affe-

Veræ dysen-
terix definitio.

Quinque
modi, quibus
sanguis
per anum
ejicitur.

affectu, quæ superiori capite de ipsis docuimus, accuratius in hoc veniunt considerata: Non potest enim esse dysenteria sine ventris profluvio, quod diarrhœa est, nec ulcus intestinorum, sine ventris fluxu, & torminibus, dysenteria vocanda est: Ideo vera dysenteria definitur ab Authoribus Exulceratio intestnorum incipiens, vel facta, dejectiones cum dolore cruentas, & ramentosas inducens. Plerumque tamen, large sumpto dysenterix nomine, omnes sanguinis dejectiones, præter eam quæ fit ab hæmorrhoidibus, dysenteria vocantur: Quælibet autem sanguinis dejectio, nisi fiat corporis vitio, & vi morbi, dysenteria nullo modo dici potest; Ut cum naturæ legibus, & ipsa se exonerante, fit sanguinis dejectio per anum, apertis orificiis venarum, rara admodum, nisi ab hæmorrhoidibus. Quibus autem modis sanguis per anum excernatur, tenere oportet, ut salutares, & quæ fiunt sine periculo agnoscamus, ceteris remedio adhibentes. Prima sanguinis dejectio est ab hæmorrhoidibus, de quibus suo capite. Secunda apertis venarum osculis, in partibus superioribus recti intestini vel aliorum, vel aliunde ad intestina sanguine confluyente naturæ providentia. quod ut diximus, rarum est. Tertia apertis oris venarum, à causis præter naturam, & vi morbi, ut contingit aliquando in morbis, & in quibusdam dysentericis constitutionibus, epidemice grassantibus. Quarta fit à jecoris imbecillitate, in qua sanguis aquosus deijcitur in principio, loturæ carnis recenter mactatæ similis, deinde crassior; hoc autem sine dolore, & ramentis, duorum, & trium dierum intervallo, à quibus differt à dysenteria. Quinta sanguinis dejectio, est ab ulcere intestinorum in vera dysenteria; quæ cum sit ulcus, vel factum, vel incipiens, cum cruentis dejectionibus, & torminibus; Curatio quatuor habet intentiones, seu scopos. Primæ est impedire ne ulcus fiat, aut saltem non ultra progrediatur. Secundæ ut ulcus factum curetur. Tertia dejectiones cruentas respicit. Quarta in sedatione doloris versatur, & aliorum accidentium correctione. Ne igitur ulcus fiat, dum humores acres abradere intestina incipiunt, quod agnoscunt ex torminibus, & ramentis in dejectionibus, ut plurimum aquosis, & interdum sine sanguine; Humores acres temperandi, victus ratione conveniente, quæ pro

pro natura humoris, vel ad frigidum vel parum ad calidum declinare debet, cum astrictione modica in principio; magis autem procedente morbo, & vacuato corpore astringere oportebit: Febris etiam si adest, illius habenda est ratio in victu præscribendo; ostendi enim humores esse calidos, aut magnam putredinem aut partis alicujus quamdam inflammationis speciem. Nilominus non multum refrigerandum, præcipue actu frigidis; licet N. Piso Medicus Lotharingus asserat, quod si remedia non juvant, & vetus vitium est, aquæ bene frigidaë potionem assumptam, ulcera astringere, & initium secundæ valetudinis facere; Sed statim à ventris suppressione, ad calidam potionem protinus redeundum. Ego quidem, si hoc ipse expertus fuerit, vellem dedisset exempla, ut quisque frigidam in hoc casu, exhiberet sine ægrotantis rerum discrimine. Ne etiam ulcus fiat, vacuandi sunt humores acres per intervalla purgantibus; horum enim more, exulcerantur intestina; Enematibus etiam sunt detergendi, præcipue si in crassis intestinis, cumulentur hujusmodi humores, & anodynus demulcendi: Ex Galeno enim lib. 6. de loc. affect. cap. 11. ulcere in superioribus intestinis existente, ab epotis medicamentis præsidium sumendum est, in humilioribus autem clysteres subicere magis convenit; Ex intestini igitur dolentis situ, nec non excretorum exeundi modo, & tempore, quodnam afficiatur intestinum internoscere oportet; Ideo cum abrasiones solæ excernuntur sine sanguine, à quibus pingue illud, quod extrinsecus illis adhærebat, liquefactum, & abrasum conspicitur, in crassis intestinis ulcus consistere credendum est. Tradunt etiam Authores, quod si sanguis excernatur totus totis excrementis immixtus, signum esse affici superiora intestina: Si autem sanguis supernatet, aut in aliquo latere consistat, inferiora; Sicut si non admodum permixtus, neque omnino secretus appareat in mediis affectum existere conjiciendum; Sanguis quoque, & ramenta, cum excrementis mixta, nec statim à dolore rejecta; in tenuibus intestinis malum esse demonstrat: Hoc etiam arguitur, quod affectus superioribus intestinis, dejectiones magis sunt fœtidæ, & loturæ carnis magis similes, crudioreque sunt, & biliosiores, porri colorem magis referentes, magisque febris,

Asserit N. Piso haustum aquæ frigidaë ulcera intestinorum adstringere.

Affectus intestinis crassis enematibus injicienda ad detergendum.

Signa, quibus dignoscitur quamam intestina sint affecta.

& singultus superveniunt: Hæc autem quo magis in superioribus causa existet: Supernatante vero sanguine, & ramentis statim à dolore rejectis, stercus non ita liquidum, aliquando flatuosum ut bovinum, pingua quoque immista, affectum in crassioribus intestinis existere demonstrant; viresque minus dejiuntur, quam si superiora intestina ægrotaverint: Quod autem à quibusdam traditur; laborantibus crassis intestinis, dolorem infra umbilicum existere, gracilibus vero affectis, supra, commentum est eorum, qui sola dissectione bestiarum sunt edocti; Nec peritis multoties facile est, ex solo situ affectum intestinum internoscere, licet ipsimet ægrotaverint, propter ea quæ cap. de colico dolore diximus: Ideo alia signa in subsidium venire oportet, ut quantum conjectura assequi potest certiores facti, præceptum Galeni sequamur. In re tamen dubia utroque præsidio, & ab epotis, & ab injectis desumpto, utendum est; sumpta etiam cum aliis signis supradictis, à juvantis indicatione, minus tamen ab epotis stantes, errabimus; cum per ea, & superiora, & inferiora expurgentur. Ne igitur ulcus fiat, præscripto vivendi regimine, humores acres cito deturbandi, purgante medicamento, cujus, ut capite de diarrhœa dictum est, pro quantitate, & qualitate eorum quæ dejiuntur, varia est descriptio, memores in principio, parum esse astringendum, nisi multa esset dejectio, & aquosa, & sine fœtore; tunc enim tale præscribendum esset medicamentum purgans.

Varia pur-
gantium for-
mula in dy-
senteria.

℞. Aquæ plantag. ℥iiij. infun. rhab. elec. ʒj. myrob. ceb. scrup. ij. fort. express. dissol. rhab. in pulve. redacti ʒß. syrup. cydon. ʒj. fiat potio.

Quod si humor biliosus immisceatur excrementis, cum multis, & aquosis dejectionibus, sine fœtore, & levibus; tunc.

℞. Rhab. elec. ʒj. aut scrup. iiij. myrobal. citrin. ʒj. spicæ, si velis gr. iiij. infun. in aquæ plant. q. s. forti express. dissol. rhab. ʒß. syru. de ros. sic. aut cydon. ʒj. fiat potio.

Si autem tormina urgeant, aut fœtor non spernendus; ut humor acris citius deturbetur, loco syruporum astringentium, dissol. syr. ros. purg. ʒj.

Si vero dejectiones non sint multæ, nec valde aquosæ, de-
tur

tur hoc medicamentum purgans; præcipue si foeteant, & tormina urgeant.

℞. Infusionis ʒj. rhab. in aqua cichorei facta, forti express. dissol. cathol. ʒiij. aut ʒβ. rhabar. in pulv. redac. scrup. j. serap. ros. purgat. ʒj. Et si magis est animus astringendi, humoresque calidos, & acres temperandi, catholici loco, dissolve trypheram persicam, eadem dosi: Et si pituita falsa, quæ vel aquosa est, vel mucosa, torminum causa esse videatur, agarici ʒβ. aut ʒj. trochiscati, addi potest infusionibus.

Pituitam falsam causam esse agnoscimus, si excrementa aquosa fuerint pauca, nulla bili tincta, aut parum, vel mucosa in excrementis appareant, urgeantque tormina. Ex his constat, quomodo ex quantitate, & qualitate dejectionum, eligantur purgationes, quæ perseverante affectu, octavo quoque die, aut circiter, sunt repetendæ, quia excrementa corporis in hoc morbo, confluunt ad intestina: Adde quod fermentum putredinis stabulans in intestinis, notam sibi quotidie suppeditat ex alimentis materiam; unde iterum replentur: Expedi ideo identidem vacuare, ne in primum statum redeat morbus; quod fit in rusticis, & pauperibus, quos dysenteria quammaxime deprædatur, quia frequentibus non sunt assueti remediis, desuntque illis alimenta refocillandis viribus idonea.

Interea dum cogitamus de purgatione urgentiori succurrendum, torminibus scilicet, quibus nihil molestius in hoc morbo, ideo sæpe ab enematis inchoanda curatio, cum dolor urget: Antequam autem leniens, & anodynum injiciatur, detergente utendum, quod parari potest in hunc modum.

℞. Decoct. hord. integ. aut feri lactis, aut lactis asinini, ℥bj. dissol. mell. ros. & sacch. rub. ana ʒij. Pro pauperibus: mell. comm. ʒiiij. Quod si magis detergere velis.

℞. Caul. rubror. pariet. fursu. ana mj. cicer. rubr. & hord. integri, ana ʒij. fiat. decoct. in cujus ℥bj. dissol. mell. & sacch. rub. ana ʒij. & si parum urinæ immisceas, magis deterget, sed partibus dolentibus minus amicum: Terebenthina etiam addi potest ad ʒβ.

Detergis intestinis, anodyna enemata felicius agunt, quorum tales possunt esse descriptiones.

Urgente dolore sæpe ab enemate inchoanda curatio.

℞. Lact. recenter mulsi ꝑiß. decoque parum in eo ros. rub. pij. dissol. postea vitellos ovor. n. ij. fiat enema: Et si flatuum copia videatur molestiam afferre, adde in decoctione flor. chamæm. pij. aut anet. summ. mß.

vel

℞. Decoct. limac. rubr. in quo flor. nymph. & ros. incoxe- rint; dissol. ovor. album. ij. agitata, sevi hyrc. ʒij. fiat enema:

vel

℞. Lactis in quo ferrum candens extinctum fuerit ʒviij. succ. ros. ʒiiij. ovor. vitel. ij. sacch. rub. ʒiiij. Hoc enema non solum lenit dolorem, sed & mundificat.

Dum ardor vehemens excruciat, & febris concitatur, optimum est quod sequitur.

℞. Malvar. & alth. ana mß. sem. cydon. & althe. ana ʒß. sem. papav. albi ʒij. flor. nymph. malv. rosa. viol. ana pj. mucilag. sem. psyl. ʒiiij. in ʒviij. decoctionis prædictorum dissolutas, & cum aqua nymph. extract. fiat enema.

vel

℞. Præd. decoct. ʒviij. mucil. psyl. in aqu. nymph. extract. sevi hyrcini liquati ana ʒij. albumi. ovor. ij. gum. arab. ʒß. & dolore excruciante opii. gr. iiij. Ejecto hoc enemate, detergens statim est injiciendum aliquod ex superioribus, vel quod sequitur, præstans omnibus in detergendo, & consolidando, cum ulcus positum est in parte in qua enema pertingere potest.

℞. Arist. rot. recentis, & flavæ ʒij. vel ʒß. quo enim antiquior. eo est debilioris virtutis, & minus flava. folior. ophyoglo. mj. aut ejus loco rad. consol. major. mj. fiat decoct. in vino albo, colat. dissol. sacch. ʒij. fiat enema, non multum calide injiciendum: Quod si ex vini ardore dolor augeatur, temperetur vinum cum sero lactis.

Lactis usus
proficiuus
dysentericis.

Ulcere existente in superioribus intestinis, dolor sedandus potu lactis, quod non solum id præstat, sed & ulcus abstergit & consolidat.

Nicolaus Piso jubet lac decoquere, cum quarta parte aquæ pluvialis, & cum paululum decoctum fuerit, ait citra noxam, etiam febricitantibus posse exhiberi: Quod si huic lacti sic parato, parum stercoris canis sola ossa comedentis, exsiccati, & in

in pulverem redacti permisceas, mirabile, inquit, erit dysenteriae medicamentum. Expurgatis itaque magna ex parte excrementis, lac exhibendum in eo parum mellis decoquendo, ne corrumpatur, & ulcus mundificetur; postea ustulandum lapidibus ignitis injectis, aut ferro candenti. Anno circiter elapso, aut amplius, juvenis quidam hujus urbis, Medicinæ candidatus, qui per annum integrum frequens in Nosocomiis Parisiis moratus erat, differens mecum de usu lactis curanda arthritide, ut capite proprio dicitur, retulit mihi eodem modo sanari dysenteriam, etiam incipientem; quia autem lac facile corrumpitur, in corpore illius qui pravis humoribus scatet, sicut est dysentericorum: ut saltem quod prima vice corruptum est ejiciatur, & in posterum, tertio quoque die, interdum quarto, purgantur ægroti, perguntque in usu lactis, eoque modo humores acres, falsi, vel biliosi, lactis inundatione submersi domantur, sanaturque tandem dysenteria; Et ita multi à lacte adimplentur curationis scopi. Ab eo tempore quo mihi hoc relatum est, non opportuna se obtulit occasio, licet multi dysenterici curandi se obtulerint, ut hanc curandi methodum experientia comprobarem, quæ satis mihi arridet.

Quod si tempestas lacti exhibendo non esset idonea; Ad ulcus mundificandum in superioribus intestinis existens, nihil potentius aqua vulneraria supra scripta; exhibendo per os ꝑvj. mane, & vesperi; delicatius tamen paranda cum per os sumitur, minorque dosis aristolochiæ imponenda est: ita ut gustanti, æque dominetur dulcedo sacchari, quantum amaritudo rad. aristolochiæ. Hæc aqua licet simplicis compositionis, im-pedit in vulneribus puris generationem, manente carne semper rubicunda, ut propriis vidimus oculis. Hæc aqua complet secundum curationis scopum, cum datur animo detergendi, exsiccandi & consolidandi; Ideo in dysenteria usi sumus. Hæc etiam intentio, ut loquuntur, perficitur enemati-bus, astringentibus, & consolidantibus, postquam ulcus, in crassis intestinis existens, detersum est; de quibus agendum modo, in tertio curationis scopo, cruentas dejectiones respi-cientia, qui completur iisdem astringentibus, & consolidanti-bus ora venarum hiantia, aut exesa, sumptis, aut injectis,

prout

Aqua vulne-
raria dysen-
tericis utilis.

prout ulcus ex signis supradictis, vel in tenuibus intestinis subesseprehenditur. Hæ dejectiones cruentæ, duplicis sunt generis: vel enim sanguis merus deijcitur sine excrementis, ut vidimus in quadam constitutione epidemica, de qua infra in Enarrationibus; vel simul cum excrementis: Qui quidem sanguis si paucus, aliqua ejus debet haberi ratio: si multus quocumque modo sistendus: In dysenteria enim plurium dierum, ulcus in profundum penetrasse significat: sistendus autem ve-

Ufus venæ sectionis in dysenteria.

næ sectione, repetitis vicibus, & in parva quantitate v. g. ℥iij. aut ℥vj. pro viribus, modo ex uno brachio, modo ex altero. Sistendus quoque sumptis, & injectis, secundum situm intestini ulcerati, vel utrisque in re dubia, ut supra dictum est. Summendorum materia, deducitur ex rad. consolidæ majoris, herbis vulnerariis, cauda equina, agrimonio, hypericone, polygono, bursa pastoris, rosæ rubris, summitatibus rubi, granorum sumach, plantagine, & similibus: sumitur etiam materia potionum, ex aqua, & succo plantaginis, succo millefolii, & polygoni, aqua rosarum: Materia pulverum, ex corallo rubro præparato, thure, sanguine draconis, mastiche, bolo armena, terra sigillata, lapide hæmatite, margaritis, croco martis astringente, & opio, ex quibus multæ parantur formulæ.
v. g.

℞. Succ. plant. ℥iij. thur. & mast. ana ʒß. sang. draco. scrup. j. serap. cydon. ℥j. fiat julep. matutinis horis sumendus: serotinis autem horis loco syrupi cydonio, diss. serap. de papav. ʒß. & detur hora somni, præcipue si urgeant vigilæ.

vel

℞. Rad. consol. majo. ʒß. folior. agrim. summit. hyper. an mß. gran. sumach. ʒij. fiat ex his de coct. Acc. ℥iij. dissol. lapid. hæmat. & coral. rub. præp. an ʒß. margarit. præpar. scrup. ß. pro divitibus: fiat julep. cum syrup. de ros. sicc.

vel

℞. Conser. symphi. majo. & conser. ros. antiq. an ℥ij. mast. bol. arm. & terræ sigill. ana ʒß. sang. drac. & coral. rub. ana scrup. j. margar. præpa. scrup. ß. cum syrupo cydon. fiat opiata, capiat quolibet mane, & vesperi ad castanæ magnitudinem, parum aquæ plantag. aut vini rubri si velit, superbibendo.

vel

vel

℞. Conser. rosa. q. s. ad excipiendum croc. mart. scrup. j. capiat mane tribus horis ante pastum. Hoc remedium plurimum valet ad fluxum sanguinis, ex quavis parte fluentis: renibus, jecore, intestinis, pulmonibus &c.

vel

℞. Boli arm. mast. karab. ana gr. vj. croc. gr. iij. opii in tegula exsicc. donec in pulv. redigi possit gr. j. aut iß. ad summum ij. cum syr. cydonio. fiat morsulus, qui laudanum est paratu facile, de quo in pluribus capitibus fit mentio: capiat hora somni.

Laudanum
paratu fa-
cile.

Injiciendorum materia, crassis intestinis laborantibus, petitur ex iisdem simplicibus jam enumeratis, præter crocum martis, margaritas, corallum, & opium; licet interdum utamur opio in colico dolore: Petitur etiam ex nucibus cupressi viridibus, malicorio, gallis, balaustiis, succo stercor. asinini, & alumine, ex quibus multæ etiam parantur formulæ. v. g.

℞. Rad. consol. major. ʒj. folior. caud. equ. plant. bur. pasto. agrim. summit. hyperi. rub. & si ardor sentiatur, capreol. vitis, & fol. plantag. ana mj. rhois obson. ʒß. nuc. cupre. virid. & contus. n. 12. fiat ex his decoct. in vino rub. & aqua fabro. aut in ipsa sola pro pauperibus. Acc. ʒj. succ. sterc. asini ʒiiij. boli arm: ʒij. alum. ʒß. pro uno enemate, sæpius repetendo, ita ut uno ejecto, alterum injiciatur.

Pro pauperibus potest fieri decoctio ex folis nucibus cupressi virid. & contu. in aqua fabrorum decoctis, quo decocto utor sæpissime pro fotu totius ventris, pauco aceti addito, ut dicetur in Enarrationibus.

Quartus & ultimus curationis scopus, qui in sedatione doloris versatur, & in aliorum symptomatum correctione, ut frequentes dejectiones, vigilæ, vomitus, singultus, tenesmus, & ani relaxatio; completur primo, ratione doloris, enematis, de quibus supra jam scripsimus, quia dolor sæpe curationis ordinem evertit. Sedatur dolor, fotu totius ventris calido ex astringentibus supradictis in vino rubro, & aqua fabrorum decoctis, addendo in fine aceti rosacei partem octavam, ad penetrationem, & astringentium augendam facultatem. Sedatur

Ultimus cu-
rationis sco-
pus consistit
in doloris
sedatione.

Opii virtus
in sedandis
doloribus.

dolor communi laudano, aut eo quo utimur, quod facile, & ubique parari potest, nec cedit chymicorum laboriosis, & magni sumptus laudanis. Frequentes dejectiones cohibent astringentia sumpta, injecta, & admota, probe antea expurgato corpore; sicut & laudanum, de quo supra. Vigiliis, quarum causa, vel dolor est, vel frequens dejectio, eadem profunt remedia, quæ pro unoquoque scripta sunt. Vomitus & singultus, sanantur fotu stomachi ex astringentibus jam dictis, addita mentha, & absynthio; Sanantur quoque, & melius, remedio Paracelsi, ex succo menthæ, & fermento confecto, de quo in Enarrationibus: Quibus nihil proficientibus, confugiendum est ad laudanum. Multa ad hæc omnia in ordine alphabetico. Tenesmus demulcetur enematibus anodynis, sæpius, & in parva quantitate injectis: Plurimum valet remedium Valleriolæ, in ordine remediorum Alphabetico descriptum, tit. Podicis dolor, quod etiam ipsum sedat; vel, & paratu facilius, & minoris sumptus.

℞. Gum. arab. & tragac. ana ʒʒ. opii gr. ij. fevi hircini q. l. fiant suppositoria; vel, modo non sit ani relaxatio.

℞. Mal. & alth. totius, tapfi barb. branchæ ursi. ana mij. sem. lini & sænuge. ana ʒij. flor. chamæm. & melil. ana pij. ros. rubr. pij; fiat ex his decoctio in aqua suffici. pro infusione. Ani relaxatio astringitur, si later vetustus ex loco sicco detractus, in igne candeat, deinde aceto irroretur, & cum panno lineo involutus ano admoveatur, & quamdiu fuerit calidus detineatur; Fiunt quoque enemata ex multum astringentibus, data in parva quantitate, & sæpe repetita.

P R O G N O S T I C A.

Dysenteria ab atra bile lethalis. Hippoc. apho. 24. sect. 4. Si dysenteria laboranti veluti carunculæ dejiciantur; mortiferum. Hipp. apho. 26. sect. 4.

In diuturnis difficultatibus intestinorum, cibi fastidium, malum, & cum febre pejus. Hippoc. apho. 3. sect. 6.

A sincera dejectione, dysenteria. Hipp. apho. 23. sect. 7.

Lienosis dysenteria superveniens, bonum. Hipp. apho. 48. sect. 7.

Qui-

Quicumque lienosi dysenteria corripiuntur; longa facta dysenteria, vel hydrops, vel lenteria supervenit, & moriuntur. Hipp. apho. 43. sect. 6.

In longa dysenteria, corpore jam extenuato: si atra bilis, aut velut sanguis niger exierit, postridie moriuntur. Hipp. apho. 23. sect. 4.

Dysenteria in tenuibus intestinis, periculiosior, quam in crassiss.

In dysenteria dejectiones infantium similes, malæ in adultis.

Dysenteria superveniens, viribus jam debilitatis ab aliquo morbo lethalis.

Dysenteria cum febre, pejor semper.

Dysenteria si febris superveniat, quæ antea non erat, vel quæ exigua, intenditur: putredinem circa ulcera majorem, aut inflammationem factam significat.

Si in dysenteria, subito sanguis plus solito dejiciatur, pessimum: ulcus enim ad profundum penetravit.

Si in dysenteria sanguis in intestinis concretus detineatur, facies pallet plus solito, pulsus minuitur, ac si æger postera die esset moriturus.

Vomitus in dysenteria perseverans pessimus.

Singultus post longam dysenteriam lethalis.

Convulsio, & delirium, in dysenteria, mortem significant.

Procedente dysenteria, crepitus sine materia, qui antea non erat, sanitatis principium est.

Enarrationes de quibusdam Ægrotis.

OBSERVATIO PRIMA.

ANNO 1630. circa finem Septembris, cepit grassari dysenteria sævissima in agro Adurenfi, nulla autem in urbe, in qua tunc erat habitatio mea: Cum autem omnes essent fere rustitici, quos dysenteria adoriebatur, pauci servabantur, tot & tantis remediis quæ morbus iste postulat, non assueti, & pravo utentes regimine; Quotquot autem servati sunt, debetur salus urbis Curioni; vir ex animo, ad charitatem valde propensus erga Curiales: Qui, cum aliquos invisissem cum illo,

Dysenteria
sævissima
rusticos in-
vadens, mi-
nime vero
urbanos.

illo, didicit à me quamdam curandi methodum, qua postea utebatur, rationem ultro reddens quolibet vesperi, de omnibus ægrotis quos inviserat, ut si quid adhuc esset agendum, cum docerem; habebat enim duos nepotes, quos tanquam Pharmacopæos secum ducebat, ad exequendum quidquid circa ægrotos necessarium erat, propinando purgantes potiones; injiciendo enemata, fots applicando &c. Fuere autem potiones purgantes ex infusione rhabbari in aqua rosarum aut plantaginis, dissolvendo de ejus pulvere quod videbatur congruum; Quibusdam addebatur ℥j. syrupi rosacei purgatorii. aut ℥ss, aliquibus additæ ziiij. catholici, secundum præcepta jam tradita superius, cap. de diarrhœa: A purgatione parabantur enemata, modo detergentia, modo dolorem lenientia: Post aliquas purgationes, quæ octavo quoque die repetebantur, puta duas, fistula cydoniorum in jusculis decoquebantur; potus erat aqua chalybeata, licet à quibusdam alvum potius movere, quam astringere credatur; quæ quidem pauco vini rubri diluebatur, cum febris non aderat, aut permittebat. Sed id à quo maximum emolumentum perceperunt ægrotantes, duo fuere præstidia, ut mihi retulit Curio ille beneficus; fots scilicet ventris ex decocto nucum cupressi, & cataplasma ex succo menthæ cum fermento. Ad demulcenda igitur tormina, & humores ad intestina confluentes repellendos, & ipsa intestina corroboranda, fiebat simplex nucum decoctio, sumptibus parcendi gratia, ut & in ceteris, in modum hunc.

℞. Nucum cupr. virid. n. 20. parum contusæ decoquantur in aquæ q. s. adde in fine aceti accerimi cyathum. i. Hoc decocto calide mane, & sero totus venter foveatur. Quibus datur facultas vinum rubrum habendi duæ mensuræ imponebantur, & una aquæ; interdum partes æquales. Multi morbo jam veteri, singultum patiebantur, qui in pluribus sedatus est, sicut & vomitus, qui in paucissimis accidit, remedio Paracelsi, quod alias adhuc medicis literis incumbens, inveneram in quodam libro, ubi inter cetera quadraginta describit remedia, propria experientia comprobata, sic descriptum.

℞. Succu menthæ q. s. cum fermento veteri fiat cataplasma, calide supra regionem ventriculi applicandum. Cum mentha val-

valde sicca est, vixque succum dant folia, aceto parum irroranda.

Quidam ægroti sanguinem purum fundebant per triduum sine excrementis, & torminibus, quorum quidam ipso triduo moriebantur: alii evadebant: Cujus rei rationem quærens, laborabam valde; cur ex eodem morbo & symptomate quidam intra triduum morerentur tanquam ex peste; alii vero salvarentur. Si sanguis ex eadem parte effluebat ægrotis, cur ille tam cito moreretur, iste vero mortem effugeret. Cogitare iis qui periculo defungebantur, sanguinem fluxisse ab hæmorrhoidibus, verisimile non est; nisi quis asserere vellet, in omnibus ab hæmorrhoidibus fluxisse; in iis autem qui moriebantur, malignitatem subesse. Ego quidem, cum tunc temporis dysenteria morbus esset epidemicus, non existimo sanguinem fluxisse ab hæmorrhoidibus, sed à quibusdam venis superioribus intestinorum, quæ non videntur esse meseraicæ, quoniam altiores, sanguis enim immixtus fuisset excrementis, pestiferam tamen qualitatem extitisse, in his qui moriebantur, fatendum est. His omnibus qui sanguinem deiciebant, venam tundendam curavimus, habita virium ratione: In aliis vero, quibus parum tantum sanguinis apparebat in excrementis, minime, dummodo febris non adesset; licet nunc mos sit, Medicorum aulicorum exemplo, in omni dysenteria sanguinem haurire, qualiscumque illa generis fuerit: In morbo veteri, si credamus dysenteriam foveri à corruptis humoribus in venis stabulantibus, recte pro viribus, administrabitur venæ sectio; Ego autem in eam potius ab eo sententiam, veteris dysenterię causam, fermentum esse putredinis, ut & in diarrhœa, in aliquo intestinorum recessu latitantis, aut ulcus non sanatum; Quare rarissime utor venæ sectione, nisi habita ratione dejectionis sanguinis, notatu dignæ, aut febris, aut alicujus alterius urgentis indicationis.

Ægroti nonnulli purum fundentes sanguinem, ipso triduo moriebantur.

OBSERVATIO II.

Profectus peregre, nobilissimi viri dysenteria laborantis invisiendi gratia, cui remedia quædam adhibita fuerant, jam enim à quindecim diebus decumbebat, & amplius: Cum in hoc affectu, satis non sit, semel atque iterum corpus fuisse ex-

Dysenteria quadraginta dierum sanata.

purgatum; ab exhibitione rhabbari, in aqua plantaginis infusi, cum ꝑ. ejus pulveris dissoluta in expressione, incepimus: Interea injiciebantur enemata præcipue detergentia, interdum anodyna; erant enim tormina tolerabilia, sed dejectiones frequentissimæ; ita ut per noctem surgeret ut plurimum trigies, & interdiu decies: Quæ deiciebantur non erant aquosa, sed veluti pictorum colores oleo diluti, quos omnes repræsentabant; modo enim viridia deiciebat ægrotus; modo iutea, modo nigra; modo varia, sanguine interdum distincta, sed paucæ: Nunquam vidi ægrotantem tali morbo laborantem, qui tot, & opima, & tanta, & tam varia deiceret, toties. Terrebat me numerus, & natura dejectionum; spem erigebat, quod semper solus è lecto surgeret ventrem exoneraturus, & quod solus bene cibum appeteret purgato corpore validiore quam antea medicamento, fuit in animo uti in jusculis pulvere roborante, & astringente, Matthioli, sic apud eum descripto.

℞. Thur. & masti. ana ꝑij. boli arm. cor. cervi, coral. rub. præparatorum ana ꝑj. lapid. hæmat. scrup. ij. fiat pulvis, misce, capiat ꝑ. cum jusculo hora matutina quibusdam diebus continuus.

Admotus est interea fatus ex nucibus cupressi viridibus, decoctis in vino rubro, & aqua fabrorum, cum aceto, ut superiori Enarratione dictum est, quibus, repetitis identidem purgationibus, circa diem quadragesimum totius morbi convaluit, prædixique illi sanitatem brevissime futuram, eo quod crepitum sine materia emisisset, nec falsus sum, postera enim die restitit alvus.

OBSERVATIO III.

Dysenteria
purgantibus
sanata.

Sacerdos quidam, in hac urbe dysenteria correptus est, ei dejectiones erant aquosæ, sanguinolentæ, cum ramentis, tormina valde urgebant, jactationes plurimæ, & insomnia. Statim curationem ordiri placuit à purgatione, ex infusione rhabbari, dissoluta de ejus pulvere ꝑ. Intera multa enemata anodyna præscripsimus, quibusdam interjectis detergentibus; fatus etiam totius ventris ex nucibus cupressi viridibus,

gra-

granis sumach, & summitatum rubi, decoctis in vino rubro, & aqua fabrorum, aceto addito in fine. Iterum purgato corpore ut supra, addita ℥j. serapii rosacei purgatorii, pilulam gra. iij. laudani chimicorum, devorandam dedimus serotinis horis, ad refocillandas vires somni privatione dejectas, ex torminum cruciatu, & frequentibus dejectionibus; qua quidem pilula, tota nocte quievit, mane lætitia plenus; ita ut qualibet nocte, similem devorandam expeteret pilulam, quia mane redibant spectacula. Respondi talia medicamenta non dari quotidie; Nactus tamen Pharmacopœum, facile se ejus arbitrio accommodantem, me absente aliam sumpsit pilulam: Postera tamen die ridiens, Pharmacopœum objurgavi, quod me non annuente, & arrepta absentiae meae occasione, dedisset pilulam; ille in importunam ægrotantis flagitationem causam remisit; hac excusatione non contentus, prohibui ne quid tale in posterum sibi vindicaret: Ne autem excrementorum mora, à laudano intus retenta, aliquid mali accideret, tertiam præscripsi purgationem ex rhabbaro infuso in aqua plantaginis, cum ejus pulveris ʒβ. & ℥j. syrupi rosacei solutivi, deinde pulvere Matthioli supra scripto usus est ægrotans. Cumque vigesimum diem transcenderet morbus, animo volutans quid esset mihi agendum, tertiam laudani pilulam præbendam jussi, qua alvo non compressa, nisi per noctem, statui fortius purgans propinare in hunc modum.

℞. Rhabar. scrup. iij. infu. in aqua plantag. q. s. in forti express. disso. rhab. pulver. ʒβ. cathol. ʒβ. fiat potio.

Post purgationem, usu roborantium brevi sanatus est, duorum scilicet, aut trium dierum spacio: Ex hoc adductus sum ad credendum, Medicos in diarrhoea, & dysenteria, deficere in purgantibus, debiliora, & fermento putredinis deturbando, imparia præscribentes.

OBSERVATIO IV.

Mulier quædam Massiliæ, multis, & longo tempore mororibus tentata incidit in quandam speciem dysenteriae; excrementa non erant biliosa, obscuri potius coloris, & valde foetida, tormina levissima erant, nihilque, aut parum sanguinis

Frustum tunicae intestinalis bis sine ingenti dolore excrementum.

nis apparuit in excrementis. Statuens die secundo medicamentum propinare, jussi interim injicienda enemata detergentia, non multum enim anodynus erat opus; purgato corpore, stetit tertio die in enematis: Quarto die dejecit ægrotans velut intestinum palmi longitudine, videbatur frustulum intestini porcorum, cum aqua calida parata sunt ad farcimenta; Cujus rei novitate attonitis omnibus, de salute ægrotantis conclamatum est: Mirabar quomodo hoc accidisset, cum parvis torminibus, ne dicam ullis: Ideo à putrefactione, potius quam ab erosionem factum affirmavi. Ab eo tempore, enemata ex aqua vulneraria suprascripta, sæpe injicienda curavi, quæ licet vulneribus sit acris, non erat tamen illi molesta. Post quinque aut sex dies, horrendum: Aliam intestini pellēm, quatuor palmarum longitudine dejecit, quam multi baculo sublevantes mirabantur; visu, unum ex intestinis gracilibus dixisses, sed credendum fuisse tunicam interiorem recti intestini, aut coli, alioqui non vixisset per mensem integrum uti accidit.

OBSERVATIO V.

Femina, excrementa alvina per partem obscœnam reddens.

Aliam Massiliæ invisi mulierem, quæ dysenteria ægrotante credebatur 50. annum agentem: A quibusdam annis cum dolore menstruas purgationes patiebatur, statimque me viso, conquesta est, quod per partem obscœnam redderet alvi excrementa; cujus rei novitate attonitus, impossibile affirmabam, nisi collum matricis, & rectum intestinum essent perforata, cujus rei causæ non præcesserant, vulnus, aut ulcus, nequidem dolor, nisi dum fluebant menstrua; injecta tamen enemata, tota per partem obscœnam rejiciebantur, quæ de re certiores facti, mortem prædiximus, quæ contigit 20. die, à quo perceperat mulier exire sibi excrementa per sinum pudoris; mirabar tamen cur tam cito mortua esset: Anno enim elapso, mortua est in hac urbe virgo, ætate 22. annorum, quæ passa simile symptoma, vixit per annum, quousque ulcus ita cavernosum factum est, ut totum spatium quod inter anum, & partem obscœnam interiacet, antrum videretur. Credidimus, ulcusculum, factum esse in principio intra cervicem matricis, quod præ pudore non detectum, accrevit, ita ut cervicem,

cem, & recti intestini partem, cui incumbibat corrumpere, permearentque alvi excrementa in sinum muliebrem, quod tandem fateri coacta est, sed serius.

OBSERVATIO VI.

Sacerdos quidam Curio urbis Adurenſis, poſt multos cruciatuſ perpeſſoſ in hypogaſtrio ſiniſtro, cum febre continua, accerſendum me curavit, venæ ſectiōe, & enematiſ anodynis à Medico urbiſ ordinario adminiſtratiſ. Veniens, omnibuſ exploratiſ, oſtenſum eſt in latere ſellæ foricariæ ſcapii, cum ventrem exoneraviſſet, verum puſ album, & æquale, quantitatiſ non ſpernendæ, ex quo omnibuſ fuit in confeſſo, in recti inteſtini latere ſiniſtro factum fuiſſe abſceſſum, nunc apertum, & puſ fundentem; Ideo ad omneſ ulceriſ curandi ſcopoſ perficiendos, præſcripſi enemata ex aqua vulneraria ſuperiuſ deſcripta, ad quantitatem ꝑj. tantum, diu retinenda, & ſæpiuſ injicienda. Ulcuſ non ampliſ ſex digitiſ à podice diſtabat, ut digito indice in anum immiſſo, exploratum erat ab ægrotante; dolor tamen neque in ano, neque in parte poſtica ſentiebatur, ſed potiſ in hypogaſtrio, ad ſiniſtrum latuſ inclinaſ, quod exiſtimo notandum. Huic dolori ſedando, qui perſeverabat, injiciendum curavi ſuccum ſemperviſ majoriſ, in mōrtario plumbeo diu agitatū, additiſ vitelliſ ovorum; penicilliſ etiam uſi ſumꝰ illitiſ butyro recenti, ſimili modo parato, donec omniō nigreſceret, ex quo magnum levamen accepiſ. Quinque aut ſex diebuſ elapſiſ, iterum inviſenti illum, relatum eſt mihi, pellem inteſtini ſimilem dejeciſſe palmi longitudine, quod rem ægrotantiſ plenam alexæ nobiſ indicabat; non eſſe tamen deſperandum, ſed enematiſ ex aqua vulneraria ſemper utendum, quibuſ tandem perfecte ſanatuſ eſt, vixitque ab eo tempore annos quamplureſ.

Ulcus inteſtini recti ſanatum.

OBSERVATIO VII.

Puer quidam nobiliſ 13. annorum, veniens ex literarum ſtudiis in hanc urbem, parenteſ invuſurus: Avia tunc temporis dyſenteria laborante, ipſe quoque dyſenteria correptuſ eſt, quem rogatuſ inviſere, ſtatim potionem ex rhabarbaro, partim inſuſo, partim pulverato, ei præſcripſimus, nec deſuerunt

Dyſenteria cum ſœtore maximo excrementorum opio ſanata.

enemata idonea. Tantus erat excrementorum illius foetor, ut non meminerim toto vitae decursu, tam grave olentem odortui meo se obtulisse odorem; ejus domo discedens, coactus sum nares vino abluere, cum autem teter odor non vinceretur, theriacam naribus indidi. Existimabam, hujus putredinis causa, dysenteriam istam fore periculosam, aut saltem longam. Cum autem propter vigilias, praeuisssem morsulum ex laudano meo paratu facili, quod

℞. Opii in tegula exsicc. gr. j. dempta tertia parte, boli arme. masti. karabe, ana gr. iiij. croci gr. ij. cum syru. cydon. fiat morsulus, capiat hora somni, qui feliciter obrepfit, compressisque dejectionibus sanatus est, cum mea admiratione.

Hæc scribens adhuc cogito, quomodo dysenteria cum excrementis tam graviter olentibus, sex dierum spacio sanata fuisset: Ego quidem existimo nullam fuisse exulcerationem, nisi fortasse in principio sui fieri, ut loquuntur, putredinisque fermentum in crassis intestinis existens, fere omnino fuisse deturbatum purgatione, cui superveniens laudanum, motum deji- ciendi compresserat: Nam in tanto excrementorum foetore, videbatur male ad rem, & tempus, exhibitum esse laudanum; res tamen bene cessit.

De Lumbricis.

C A P. VIII.

Generantur
in omnibus
fere corporis
partibus ver-
mes.

Post quosdam intestinorum affectus, agendum nobis de ver- mibus qui in ipsis generantur; quibus non solum eorum causa interdum tribuenda, sed etiam multarum aliarum partium, ut infra videbitur: generantur autem vermes, non solum in intestinis, sed & in aliis partibus, ut cerebro, juxta cor, in musculis abdominis, in vesica, & aliis quamplurimis in locis, ut videre est apud Authores; imo etiam in ipsis venis. Lumbrici interdum primaria sunt morbi causa, cum in materia salu- bri, & temperata, qualis infantium, generantur: Sæpissime morbis jam existentibus superveniunt, signorum tunc illius, na- turam perturbantes; horum proprietas est, inducere putrefa- ctionem

tionem in materia non putri, aut in jam putrefacta augere, & in deterius convertere, ita ut ad supremum gradum malignitatis sæpissime evecta, instar præsentis veneni jugulet, præcipue infantes, provectos vero ætate non item, propter fortasse robur naturæ in adultis, aut quia quo materia benignior, qualis infantium, eo ejus putrefactio deterior, ex qua malignus vapor, qualitatibus putredinis naturam redolens ad cor, elatus inficit spiritus, & corrumpit. Interdum non malignitate vaporis, sed morfu ventriculi, oris præcipue ipsius, à vermibus, subita mors accidit, aut lenta, vulneratis intestinis, pabuli præsertim defectu; quapropter magis nutriendi, qui à vermibus ægrotant, ne præ inopia, cogantur proprias sedes appetere. Authores tria vermium genera constituunt, ad quæ omnes qui in corpore reperiuntur, reduci possunt; mihi autem de longis, & rotundis, qui teretes dicuntur, tantum sermo erit, propter discrimen in quod res ægrotantis deducunt: Ascarides enim parvi sunt momenti, licet propter titillationem, & pruritus recti intestini, in quo generantur, sint aliquando molesti: sed clystere detergente, amaro, excluduntur, aliisque remediis per os sumptis, infra descriptis. De his vero qui lati dicuntur, nisi fidem adhiberem eis, qui illos moveri mihi affirmarunt, facile discederem in sententiam eorum, qui animalia esse negant, sed potius viscidam pituitam esse affirmant, quæ in intestinis longo tempore adhærens, ductilis evadit, & obdurefcit: Mihi quidem nunquam data fuit potestas, videndi eos dum moverentur, licet præsens fuerim dum ejicerentur. Sed cum præsidia sint omnibus communia, saltem quæ sunt universalia, ad teretes nostros redibimus, qui frequentissime infestant, & Medicis multum sæpissime negotii facessunt, ipsis imponentes, propter symptomatum similitudinem, cum aliis causis morborum: Vapor enim à vermium scaturigine ad cerebrum ascendens, modo delirium, modo affectum somniferum, modo convulsiones, modo epilepsiam invehit, prout se habet natura vaporis. Si autem cor petat, syncope, animi deliquia, ejus palpitatio, accidunt, & quandoque mors repentina, Interdum fit simplex tantum inæqualitas pulsus, sæpe intermissio, & in febribus, & sine febribus saltem non apparentibus, aliquando

Tria sunt
vermium ge-
nera.

Lumbrici va-
ria inducunt
symptomata,

asphyxia, aliis bene se habentibus. Si ad stomachum irrepserint, præcipue ipsi vermes, nausea, & vomitus excitantur, fiunt cardialgiæ, cardiogmi, & cardiaca passio, animi quoque deliquia, & syncope, ad quæ interdum mors sequitur, nisi mature succurratur. In febribus si vermium fiat generatio, licet quantum ad alia signa, morbus videatur esse sine periculo, tamen extremitates interdum apparebunt frigidæ; diarrhœa intempestiva excitatur, ex assidua alimenti corruptione, à fermento putredinis vermium, natura tanquam inutile deponente, quod à corruptione vitiatum est; hæc tamen diarrhœa non multum urget, hocque solo signo vermes subesse multoties affirmavimus, experientia confirmante, ipsis postea rejectis. Sanguinis stillæ e naribus, sæpe vermes subire demonstrant in febribus continuis, propter febris ardorem, dicet aliquis, incallescere sanguine; Ego vero propter morbi magnitudinem, naturæ negotium facessentis, quæ dum se à causis noxiis extricare contendit, per hanc viam, quamdam nititur moliri excretionem, per quam solebat alias noxios humores excludere, sed cum hæc loca non sint conferentia, ejiciendis vermibus & eorum scaturigini deturbandæ, desistit ab opere. Idem dicendum de ephidrosi morborum à vermibus. Subito excitari à somno cum trepitatione, præcipue infantes, certissimum est apud mulierculas, signum vermium; in exanthematum autem eruptione, hoc idem sæpissime contingit. Famen denique caninam, à vermibus etiam fieri notum est, succum nutriendo corpori dicatum, ipsis absorbentibus in propriam nutritionem. In tot à vermibus morbis, & symptomatibus, obdormiunt aliquando Medici, propter causæ ambiguitatem, nihil tale cogitantes, quam ut vermes subeant, & horum symptomatum causæ existant, quo usque inopinanter dejiciantur. Quapropter in regionibus, ut in ista, & nostra Massiliensi, in quibus frequens est in morbis, & extra morbos, horum animalium generatio, bonum est cum purgantibus, aliquid vermibus ejicientis idoneum semper adjicere, præcipue cum nobis res est cum infantibus, aut cum morbi populares grassantur, quo tempore aut exanthemata enascuntur, aut vermium fit scaturigo, & sæpe utrumque: Ideo magna solertia adhibenda est, ut vermes

Difficile cognoscitur a medicis an adsint Lumbrici.

subeuntes in morbis agnoscamus. Mihi quidem nulla res potior fuit, in ejusmodi symptomatum à vermibus, & à morbo concursu, quam pugnantium signorum naturam intueri, quæ tunc temporis animadvertitur. Cum enim vermes ex vulgata putredine enascuntur, deterior ipsa efficitur, ut supra diximus; aut si putredine existente in venis, à qua febris continua accenditur, vermes gignantur in intestinis, erunt utriusque putredinis mista symptomata; quantumvis autem morbus primarius, esset antea cum signis salutaribus, ex vermium epigenesi, aliqua ut plurimum mala signa supervenient, ut extremorum frigiditas, pulsus imminutio, inæqualitas, quandoque intermissio ætati insolens, infantibus scilicet, & pueris; & alia quæ supra recensuimus accidere; de cetero morbus salutaris videbitur, maximeque tunc debet esse suspicio de vermibus; quod ut innotescat, utendum antidotis cum purgantibus, ut non solum vermes, sed etiam eorum scaturigo deturbetur, quod in ipsomet morbi principio est faciendum, cum agitur de vermibus, licet febris hoc non suadeat, & alia symptomata, quia à vermibus, certum impendit periculum: Sæpissime enim mihi, pueros ægrotantes invisenti cum febris acuta, contigit in principio ægrotationis, præbere purgantia adversante Pharmacopœo, quibus cum materia putri ejectis vermibus, cessabat febris, nulla facta venæ sectione. Hæc enim ætas, ut crebro usurpare soleo, magis in morbis indiget purgatione, propter ingluviem, quam venæ sectione, nisi hanc necessario indicet affectus, ut est pleuritis, catarrhus suffocans, & quædam ejusmodi; in quibus etiam in infantibus, timendi sunt vermes, iis præcipue, qui eorum generationi sunt obnoxii, in quibus semper ejus habenda est ratio, & quocumque modo oppugnanda propriis antidotis, quorum Medicina est feracissima, tum simplicibus, tum compositis. Usu magis recepta sunt, pulvis rhabbarbari, corallina, semen contra, theriaca, orbiatan probatum, balsamum circumforaneorum, syrupus de flore persicorum, oleum de spica, oleum petroleum, fuligo, allium, fel animalium, aloë, mercurius dulcis, & alia quamplurima, in ordine remediorum alphabetico descripta, quorum omnium mihi potior est mercurius dulcis, quo in hac urbe sancti Severi mirabilia præstiti, in pluribus æ-

Pueris magis
convenit
purgatio,
quam venæ-
sectio.

Medicamen-
ta contra
lumbricos.

inter quæ ex-
cellit mercuri-
us dulcis.

grotis, ita ut nullo alio nunc vocetur nomine, nisi pulvis meus; eo quod primus in ea celebraverim, & paraverim. Nunquam vim infert corpori, pulvis iste, licet duplo major dosis illius exhibebatur; ita ut fateri sim coactus, ex operibus, verum esse quod scribit Hartmannus, mercurium dulcem plus purgare in parva dosi, in corpore valde cacochymo, quam magna dosis, in alio minime cacochymo; Novies enim à me, spatio duodecim dierum sæpe exhibito, longe magis in eodem corpore, ventrem movebant duodecim grana prima vice, quam viginti quatuor ultima vice sumpta; Recte itaque dulcis vocatur, mercurius iste, non tantum gustu, sed & effectu; parum enim, aut nihil purgat in corporibus, quæ difficile cedunt purgantibus, nisi cum aliquo vehiculo exhibeatur, scammonio scilicet vapore sulphuris castigato, potius quam trochiscis alhandal, qui in pluribus pariunt tormina, nec nisi in forma pilularum sumuntur, propter ingratum saporem. Utendi ratio in morbis in quibus vermes dejiuntur, aut subire creduntur, sicut & in aliis, cum in parva quantitate purgandum, hæc est: Jubeo pro adultis duodecim gr. aut 14. ad summum, misceri cum . 4. aut sex gr. scammonii præparati, quæ syrupo ad rem accommodato excepta, vel in forma morsuli, vel pilulæ, vel forma liquida, aucta dosi syrupi, ex cochleari sumuntur, sorbendo jusculum post duas horas, non expectata ventris dejectione, ut in aliis purgantibus, propter, ut inquit Chimici, mercurii volatilitatem, qui sumpto jusculeo deprimitur, inferiora petens. Potest etiam pulvis iste, in cuspide cochlearis positus, sumi cum ptisana, vel aqua portulacæ, citissime in fundum gutturis immissus, decumbente ægroto, ut liquore raptus, suo pondere illuc feratur, qui cochleari, aut dentibus alioquin hæreret; hac methodo utor in infantibus, & aliis qui cogendi sunt ad potiones exhauriendas: minori tamen dosi datur infantibus, & pueris, ad sex, vel octo gr. scilicet mercurii dulcis, & tres scammonii præparati; quamvis multoties ascenderim, ad duodecim gr. hujus mercurii in parvulis, sine ullo incommodo. Si purgato corpore, & quibusdam vermibus ejectis, sequentibus diebus adhuc quidam dejiuntur, jubeo adultis octo gr. sumenda mercurii dulcis, cum sex gr. margaritarum præparatarum, duobus

bus consecutis diebus mane, jejuno ventriculo; quod si nullo modo ventrem moveant, dandum est enema circa vespeream ex solo lacte, cujus defectu accipitur decoctum hordei, cum melle rosaceo, aut communi, ad ℥iij. & vj. decoctionis, ut vermes è latebris excussi, & per intestina inferiora oberrantes alliciantur, & cum enemate dejiciantur. Sum aliquando miratus, non autem semel, quomodo propinata purgatione, vermibus ejicientis maxime idonea, nulli cum alvi dejectionibus interdum egredierentur, postero tamen die, aut tertio, indito præcipue enemate, dejicerentur, repetitaque purgatione, semper, ab ea aliqui deprehenderentur in excrementis; ita ut viderim plures ægrotantes, usque ad 14. diem, & 20. semper aliquos dejicere, aliquando per secessum, alias vero per vomitum, ac si nulla data esset antidotus. Ego quidem in ea semper fui sententia, vermes istos non esse in via, per quam devolvitur medicamentum, sed cæcum intestinum iis esse infarctum: Cum autem ut alia intestina, prolapsenti materiæ non sit pervium, in eo tanquam in latibulo sedem habent; ito ut medicamentum pertransiens, non attingat nisi stantes ad ostium, quod tanquam sibi contrarium effugere volentes, per alia intestina oberrant, quousque dejiciantur, aut ad stomachum ascendant, ubi magnum negotium facessere solent, donec vomitu rejiciantur. Nam si vermes qui toto morbi decursu, & tam longo tempore, in parvo numero dejiciuntur, essent extra cæcum intestinum, cum per alia, medicamentum purgans devolvatur, die purgationis primo, aut saltem secundo, deturbarentur: Dicendum igitur hos esse in cæco intestino, à quo pedetentim eruuntur. Cum fluxus ventris purgato corpore adhuc infestat, qui vel superesse vermes, vel aliquid de fermento putredinis indicat; si dandus mercurius dulcis, propterea quod facile sumitur, nihilque tale cogitantibus præberi potest; soleo miscere cum corallo rubro præparato cum syrupo cydoniorum exceptum, ita ut sint gr. viij. mercurii & gr. vj. coralli, in adultis; in infantibus vero, gr. vj. mercurii, & gr. iij. coralli, uno, aut altero die sumendo. In extremis utor aliquando hydrargyro, quod in vermibus fugandis, & enecandis non habet simile; quia autem enecatos non expellit, nec eorum scaturiginem, aliis nihil proficien-

Lumbrici
sape latent
in intestino
cæco.

Usus mercurii
crudi contra
lumbricos.

cientibus tantum exhibendum, pisi magnitudine, & semipisi in parvulis, sine ulla mortificatione, ut aiunt, quia facilius petransit; Tutior usu mercurii dulcis, quo etiam raro utor ad profluxum à vermibus, licet ne tantillum incommodi, ex ejus usu etiam frequenti animadverterim; cum sint alia parvi sumptus quibus frequentissime, & tutissime, ad generationem vermium impediendam, & jam factos deturbandos uti possumus. Mulierculæ statim confugiunt ad semen contra, quod pluris facio in fugandis vermibus ipsa theriaca, & similibus antidotis; ipsam vero in compescendis symptomatibus, quæ ab eorum putredine oriuntur. Cum ergo solum agitur de vermibus expellendis, sufficit ipsum semen contra, dummodo non sit vetustate cariosum & pulverulentum, amissa fere omni amaritudine: Febricitantibus, licet calidum; infunditur in aqua portulacæ, quæ temperat ejus calorem, ipsisque vermibus adversari creditur; ipsi soli tamen numquam fidendum: Infundendum quoque cum semine contra, si expedit, rhabarbarum; additis deinde purgantibus in dissolutione, quæ ipse morbus, & symptomata requirere videbuntur, cum quibus cito pertransiens, minus calefacit. Non febricitantibus, ut sunt præcipue infantes, datur ad scrup. j. aut ʒß. cum melle, lacte, syrupo, pomis coctis, & ficibus pinguibus, ut sunt Massilienses ad solem exsiccatae, quæ apertæ semine contra asperguntur, deinde clausæ, tres, aut quatuor, præbentur manducandæ jejuno ventriculo, quas alacri animo, & cum gesticulatione accipiunt infantes, & pueri; in quibus non expectandum quousque res urgeat, cum vermibus sunt valde obnoxii, sed paulo ante novilunium, præcipue, & plenilunium, duobus consecutis diebus, porrigendum de semine contra, modis jam dictis, aut infuso per noctem in vino, aqua portulacæ, aut rosarum, iis qui tali modo sumere non respuunt: Qui vero capiendi sunt blanditiis, dandum semen contra saccharo incrustatum: Non permittendum tamen ut infantes os impleant; vidi enim in periculum suffocationis, quemdam puerum incidisse, semine contra guttur obturante, & involuntarie descendente. Qui in febribus calorem seminis contra pertimescunt, quod in hac regione parvi debet esse momenti, utantur

Usus seminis
santonici.

corallina, quæ frigida est: Advertendum tamen quod illa quæ cinericii est coloris; parvæ, aut nullius est virtutis: potentissimæ vero quæ adhæret corallo: Quia autem hujus rei incerti sumus, eligenda quæ rubri est coloris, eaque utendum ut de semine contra dictum est, nisi quod raro infunditur, sed in pulverem redacta præbetur usque ad ʒj. cum ovo sorbili, ficubus, pomo cocto, syrupo, aqua portulacæ, potionibus etiam purgantibus miscetur, tenuissime pulverata, nec tanta indiget fucatione ut semen contra, amaro non existens sapore, sed tantum redolens quid maritimum: Hæc duo, frequentissimo sunt usui, quod parvi emanant, & expellendis vermibus optima sunt, probe electa. Rhabarbarum probata est contra vermes antidotus, eo modo quo semen contra sumptum: cum autem carius ematur, nec illi prævaleat, sufficit ut rhabbaro utamur in purgationibus, in quibus eo abstinere non possumus. Syrupus de flore persicorum, est etiam de numero eorum, quæ contra vermes præscribuntur, quo frequenter utimur cum purgantibus, ad ʒβ. ʒj. & per se, usque ad ʒij. in adultis, ut valeat ventrem subducere, quod semper bonum est, supposito quod vermes subeant, ut non ipsi, sed etiam eorum sedes, quæ putrefacta est materia, expellatur. Quod attinet ad ea quæ extrinsecus admoventur, nullum existimo medicamentum certare cum balsamo circumforaneorum, cujus descriptio habetur in ordine remediorum alphabetico, tit. balsamum; eo enim naribus, manuum, & temporum pulsû, & regione ventriculi inuncta, infantibus in discrimen vitæ adductis à vermibus, eos statim melius habere, multoties nobis confirmavit experientia: Potest etiam sumi intra corpus ad aliquot guttulas, puta iij. cum liquore idoneo; huic enim rei non ad-versatur ejus partiaria materia. Quod si hoc balsamum non sit in promptu, utendum eodem modo oleo de spica, quod est balsami partiaria materia: Eodem etiam modo utuntur Massiliæ oleo, quod petroleum vocant, quo mirabilia præstant interdum mulierculæ, quasi ab inferis revocantes pueros, ut in vicinitate nostra cuidam infanti contigit, indito à matre petroleo in fauces ad deglutendum, nulla habita ratione febris; In præcipiti enim periculo multa fiunt, quæ alias essent omittenda;

Utuntur
etiam syrupus
florum persi-
corum con-
tra lumbricos,

& oleo de-
spica, vel
etiam petro-
leo,

& ossa ex al-
lio parata.

valet etiam extrinsecus cataplasma descriptum in ordine alphabetico, ex allio, fuligine, felle, & aceto, cum fermento mistis, & regione ventriculi ante, & retro admotis: Mulieres quippe rusticæ hujus regionis, & aliæ etiam earum exemplo, statim atque pueri male habent à vermibus sine febre, ossa parant ex allio, & illis præbent manducandam jejuno ventriculo, nec sine ratione; vidi enim hominem Massiliæ quadraginta annorum, qui paranda sibi jubebat artocreata, cum allio, eo quod vermes dejiceret, quoties de illis manducabat: Multa contra vermes invenies descripta, in ordine remedium alphabetico, passim ab Authoribus excerpta, quæ non sunt parvi momenti.

P R O G N O S T I C A.

Vermes ante morbum geniti, primaria, ut plurimum, sunt ejus causa, aucta putredine.

Vermes in principio morbi, ex putrefactæ jam materiæ benigniori parte gignuntur.

Vermes in morbi vigore, ex malitia ejus generantur.

Vermes in declinatione geniti, quamdam naturæ victoriam ostendunt, quam pro malitia materiæ habere potest.

Lumbricos teteres descendere ante judicationem, bonum est, Hippocrates lib. 2. progn. 3.

Vermes teretes aliis sunt deteriores: lati morbos longiores inferunt, & quandoque mortem non cogniti; Ascarides omnium minime periculosi.

Verficolores lumbrici, omnium sunt deteriores: Albi omnium minime.

In maximo rerum discrimine à vermibus, nunquam desperandum.

Mortui vermes ejecti, viventibus sunt pejores, nisi à datis antidotis sint enecati: à putredine enim quæ maligna evasit, occiduntur, à qua etiam ægrotanti impendet periculum.

Vermes in acutis sine materia exeuntes, ejus crudelitatem ostendunt, & malignam evasisse putredinem.

Vermes putredinis malignitate, potius quam ex seipsis mortem inferunt, nisi vulnerent intestina, aut mordeant stomachum, præcipue os ipsius.

Non

Non est procrastinandum in exhibitione antidotorum, dum vel minima suspicio est de vermibus; subito enim enecant infantes, & quandoque adultos.

Vermes deferunt aliquando ægrotantes morituros, sicut mures domum casuram.

Enarrationes de quibusdam Ægrotis.

OBSERVATIO PRIMA.

Vocatus à quibusdam mulieribus, ut juvenem 15. annorum, ad extremum vitæ subito redactum inviserem; Intrans cubiculum, inveni quasdam ex eis, flocculum lanæ bene carptæ naribus, & ori admoventes: alias vero parva candela cerea accensa, periculum facientes, an adhuc spiritum duceret: Accedens propius ad ægotantem, etiam si pulsû careret, agnovi tamen nondum esse mortuum: Percontans igitur quid rei esset, & quonam morbo laborasset, responderunt, nullo: hoc responso, arbitratus sum juvenem, in hoc vitæ discrimen redactum esse à vermibus; nam de veneno nulla erat suspicio: Ideo jussi Pharmacopœo, ut nulla facta mora, mercurii dulcis gr. xij. & diagridii gr. iiij. ut jam diximus præparati, ex cuspide cochlearis, cum aqua portulacæ, aut ptisana, in guttur subito immitteret, ita ut liquor raperet pulverem: Cum autem nulum deglutiendi motum haberet ægotans, retulit mihi Pharmacopœus totum supra linguam remansisse pulverem: Imperavi itaque, ut argentum vivum pisi magnitudine, propinaret ex cochleari, cum lacte, ne à mulierculis videretur, apud quas pro veneno habetur, asserens hydrargyrum viam ad stomachum inventurum, etiam si nullus fieret motus deglutiendi, & sic exhibitum, quem propria mors auferre videbatur, mortis ejus causam non referri posse: Quo optime peracto à Pharmacopœo; mirandum! postridie à sumpto hydrargyro, vidi ægotum deambulantem, juxta domum suam: Cujus rei novitate attonitus, petivi ab eo, quid à discessu meo accidisset; Respondit se ab hydrargyro sumpto quinque aut sex vermes per os ejecisse, & ita periculum mortis evasisse.

Juvenis agonizans, sumpto mercurio crudo, & vomitu rejectis sex lumbricis, sanitati restitutus.

OBSERVATIO II.

Mulier febre
acuta labo-
rans exhibi-
ta dosi mer-
curii dulcis
sanata.

In constitutione quadam epidemica, in qua plurimi ægrotantes, in febribus acutis, scatebant vermibus; vocatus in consilium cum altero Medico, quinto morbi die, nobilis mulieris ægrotantis, factis antea quibusdam venæ sectionibus, suasi sexto die propinandum esse medicamentum purgans, vermibus ejiciendis idoneum, propter morborum grassantium naturam: ad quod inclinans Medicus ordinarius, rogavi ut præscriberet, eo quod ægrotantis natura esset illi cognita, ut putabam, ratione purgantium, male tamen: à medicamento enim venter nihil dejecit, nisi ab enemate circa vesperam injecto: unde commota putredini, & vermibus, facta ad partes superiores anathymiasi, omnia exacerbata sunt septimo die, febris, & ejus symptomata, iis superveniente delirio. Horum omnium culpa in medicamentum purgans rejiciebatur, ideo in me, qui suaseram ut propinaretur, potius quam in eum qui convenientem dosim non præscripserat, obmurmurante atrociter ægrotantis matre: Quod moleste ferens, recessi non amplius invisurus ægrotantem. Tribus diebus elapsis, cum omnia essent in eodem statu, rogatus sum iterum ægrotantem invisere, quod licet iniquo ferrem animo, pietati tamen Christianæ non ausus sum denegare, habitaque disceptatione cum Medico ordinario de natura affectus, & agendis, affirmavi purgationem omnino esse necessariam, dosi magis convenienti, quam in prima: hoc præcipue tempore, quo in omnibus fere ægrotis, vermes grassabantur, adversus quos nullum potentius agere mercurio dulci, viribus additis ad purgandum scammonio præparato cum sulphure, neque quod facilius sumeretur esse magis appositum, delirante præsertim ægrotante, ad quæ nihil respondit, ne palma, ut opinor, curationis, hoc remedio, suis præriperetur; aut medicamenti naturam pertimescens, rebus chemicis parum assuetus, non item venæ sectionibus quibus nunquam satiabatur; summa tamen gratia, & autoritate valente apud ægrotos, propter venustam locutionem, qua sibi multum arrogabat in ceteros, coactus sum permittere venæ sectiones, quibus nihil proficientibus, conquerebantur apud me ægrotantis cognatæ, de longitudine morbi, & sævitia symptomatum; quibus ref-

respondi, nullam sanitatis recuperandæ securiorem esse viam, exhibitione remedii à me popositi, hoc tamen fieri non posse, altero Medico refragante. Cum autem prostridie, visa ægrotante summo mane, dixisset se in agros discedere ægrotanti invivendo, nec rediturum usque ad vespèram : arrepta occasione discessus, rogaverunt parentes, spe existente in angusto, ut darem de pulvere meo ægrotanti, ita enim vocabatur mercurius dulcis, ut jam diximus. Pomeridianis igitur horis propter temporis angustias, tum absente Medico ordinario, tum propter instantem decimum quartum morbi diem, propinanda curavi 12. gr. mercurii dulcis, & 4. scammonii præparati, nec aliter res cecidit atque opinatus eram ; sexies enim venter deiecit liquida, & foetida valde, sex vermibus immixtis, non spernendæ longitudinis, Medico ordinario reduce stupente, nec forsàn æquo animo ferente, quod omnes parvi pendebant ; tunc enim spes aliqua recuperandæ valetudinis affulgebat, febris tamen perseverabat ; & delirium antea fatuis verbis plenum, taciturnum erat, manibus ab stomacho, & visceribus, contendente ægrota aliquid sibi avellere ; quod nobis suspitioni locum dabat, vermes adhuc superesse ; cujus rei ut non amplius dubium esset, proposui dandum mercurium vivum, omni asseveratione affirmans Medico ordinario, nullam ab eo noxam esse pertimescendam, etiam si nulli subesse vermes crederentur, attulique inter cetera, exemplum superioris enarrationis, de juvene hujus remedii beneficio, à proxima morte redempto : ad quod facile annuit Medicus ordinarius, alterius remedii felici eventu recenter exhibiti edoctus ; propinatusque est mercurius vivus, nisi magnitudine cum jusculo, quod inter cetera non respuebat ægrotans. Quamvis autem in perpetuo esset delirio, sensit aliquid insuetum in ore, sciscitans ab ea quæ ei ministrabat, quid hoc rei esset : sed sapore jusculi percepto ipsa illi respondit, jusculum. A sumpto hydrargyro nullis vermibus prodeuntibus, nec ulla facta dejectione, enema circa vespèram injectum est : sed neque ab enemate, neque per totum morbi decursum, vermis ullus apparuit. Rebus in eodem statu permanentibus, delirio saltem, licet febris remissior, cepimus animo volvere, quænam esset delirii causa ; nunc qui-

dem matrici referenda videbatur; nunc vero vaporibus à putredine elatis ad cerebrum, non autem è venis, febris enim remiserat, post quam exanthemata eruperant à prima purgatione, die scilicet decimo quarto, quorum parva habita est ratio; factæ enim sunt venæ sectiones è malleolis, propter delirium, & alia quæ conferre videbantur. Tandem post 20. diem desit febris sine crisi, prius quam delirium; deinde pedetentim delirium, & perfectæ sanitati est restituta, quam semper acceptam retulit mercurio dulci, qui in posterum à 20. annis celebratur. Cur autem delirium soluta febre remansisset, hæc mihi ratio erat; quod post irritam primam purgationem, cum secundæ ex mercurio dulci, moram attulisset Medici ordinarii contentio, à 7. ad 14. quo tempore, permanente cum vermibus in intestinis putredine, perpetua ad caput fiebat anathymiasis, delirium fovens; sublato autem foco purgatione mercurii, nulla que ad caput ex illa putredine facta in posterum exhalatione; imbutum tamen remansit cerebrum crassiori parte, aut saltem alteratum, hinc depravata mansit ejus actio ratiocinandi, etiam post febrem, quæ non fuerat causa delirii, quousque omnia in pristinum statum reducerentur in cerebro.

OBSERVATIO III.

Juvenis maniacus, exhibita dosi mercurii dulcis, & ejectis triginta sex lumbricis, sanitati restitutus.

Tyro Pharmacopœus hujus urbis, ætate 17. annorum, obambulans, & arti suæ incumbens, derepente mania quadam corripitur, obmurmurans, nec seipsum, nec alios agnoscens; ad interrogata nihil respondens, nisi aliquid extra rem, & abrupte, manumque dextram sinistro hypochondrio frequenter admovens, tanquam aliquid avulsurus: vocati duo Medici, quorum unus eram, maxime laborabant in dignoscenda horum symptomatum causa. Primus propter motus inordinatos corporis, & maxime brachiorum, epilepsiam esse credebat; ego vero minime, sed è duobus unum affirmavi, aut juvenem esse fascinaturn, aut vermibus horum omnium causam esse referendam: Nos quidem contra fascinationes non valere, contra autem vermes aliquid posse: Ideo potenti ad hoc utendum esse remedio; quod etiam uno haustu, & inopinanter deglutiri posset, propter ægrotantis incontinentiam, ad quod nullum

ma-

magis esse idoneum, mercurio dulci, cum scammonio, dosi satis valida, ut cito agere posset, in tam periculoso rei ægrotantis discrimine: Socio igitur tyronis male habentis imperavi, ut 14. gra. mercurii dulcis fumeret, cum sex gr. scammonii, vapore sulphuris castigati, in cuspide cochlearis argentei imposita, cum aqua portulacæ, dum ægrotus jacens os ad clamandum aperiret, in fundum gutturis ejus, cum impetu immitteret, quod optime præstitit; reique postea eventum expectaturi discessimus. Horis duabus elapsis, redii solus, de his quæ accidissent sollicitus, invenique ægrotantem ad ignem sedentem, erat enim vestibus indutus mane, cum hoc affectu correptus fuerat; mentis compos, actorumque omnium immemor: Interrogatus autem à me, an à medicamento quod sumpserat, venter subductus esset, respondit minime, expectandum, dixi, non enim otiosum erit medicamentum, ut contigit; de nocte quippe sexies, aut circiter venter subductus est, cum triginta sex vermibus, omninoque sanus ab eo tempore permanfit. Mirabar ego antidoti vires, nulla facta dejectione, nullisque vermibus ejectis, omnia symptomata quievisse, hoc autem in mercurii dulcis laudem.

OBSERVATIO IV.

Mulierem quamdam febris continua invasit acuta, factis quibusdam venæ sectionibus, cum mihi esset suspicio de vermibus, propter morborum grassantium naturam; non potui tamen propter mulieris calidam constitutionem, ante sextum, medicamentum purgans propinare, ex 12. gra. scilicet mercurii dulcis, & 4. scammonii præparati: A purgatione die 7. 8. & 9. febris perseverabat, acri admodum calore, nec ulli vermes apparuerunt: Decimo ut securior essem de vermibus, sex gr. de eodem mercurio dulci propinanda curavi, & post sex horas enema, secundum consuetudinem, cum mercurius datur in parva quantitate, aut ventrem non movet, dosi non sufficienti ut venter subducatur, & vermes si qui sint ad inferiora deturbati ejiciantur, ut supra docuimus. Rejecto enemate unus aut alter vermis animadversus est. Undecimo febris eadem, contra quam sua præsidia nec fuerant, nec erant sperata. Duo-
de-

Febris continua, ejectis lumbricis aliquot facta.

Lib. 2.
progn. cap.
x. de puru-
len.

decimo genarum rubor major quam antea, & sudor milii instar circa frontem; à quibus magis timuissim die critico, qui facit ad firmitatem signi, sive boni, sive mali, secundum doctrinam Hippocratis, & Galeni. Causam hujus sudoris inquirenti, & hujus ruboris insoliti, venit in mentem aliquid, quod per sudorem exire non poterat, naturæ faceffere negotium, conanti illud expellere, per viam tamen non conferentem: Cum enim in febribus aliquid naturæ valde infensum, ei vim valet ab eo se extricare, tentat quoscumque exitus, etiam non conferentes, unde desistit ab inceptis, ut accidit in tussi ab inflammatione jecoris; sic etiam in morbis à maligna vermium putredine: Propterea in crastinum diem qui erat 13. jussi Pharmacopœo ut in pruno cocto sex gr. mercurii dulcis, & quatuor margaritarum præparatarum conderet, & insciæ agrotanti, quæ nullis amplius volebat uti remediis, præberet; quod optime cessit, vomuit enim vermem valde crassum, & solitis brevior; per inferiora autem, injecto enemate, frustula semiputridorum dejecit. Existimandum horum vermium scaturiginem extitisse in cæco, propter rationes jam dictas. Decimoquarto die præterito, paulatim convaluit sine crisi.

OBSERVATIO V.

Idem effectus
ab eadem
causa.

Idem mihi prorsus contigit in alia muliere, periculose admodum ægrotanti, quæ toto fere morbi decursu, licet purgata, vermes dejecit. Ego quidem existimo ambas perituras fuisse, si unam tantum omisissim, præbere antidotum contra vermes, licet purgans, reliquum vero curationis tempus, in profliganda febris, posuissim in venæ sectionibus, & refrigerantibus; ut quamplurimi faciunt. Credendum est in omnibus febribus istis, causam præcipuam vermium fuisse putredinem, qua sablata cessavit febris sine crisi.

OBSERVATIO VI.

Febris duplex tertiana
ejectis novem lumbri-
cis sanata.

Rogatus invisere mulierem, duplici, ut ferebatur, tertiana laborantem, Medico illius absente, à quo propinatum ei fuerat medicamentum purgans, cujus ope unum, aut alterum vermem dejecerat; febris tamen ut dicebatur in continuam mutata, cum virium omnium prostratione, ita ut à parentibus, &

ma-

marito, sicut & mihi venienti, videretur in maximo versari periculo: Tangens pulsum valde debilem inveni, vidique attonitam, & corpore maxime dejecto, sine tamen delirio. Ex his quæ prægressa erant, suspicatus sum hæc omnia à vermibus existere; Ideo jussi statim, quia provectus jam erat dies, ut darentur novem gr. mercurii dulcis, cum quatuor gr. margarit. præparat. ex cochleari, modo quo diximus: Quo facto, circa horam vespertinam, sine alicujus enematis adjumento, novem ejecit vermes inter se complicatos; ab eoque tempore vitalis facultas, & animalis statim recreata sunt, & sanitati est restituta.

OBSERVATIO VII.

Vocatus ab uxore Causidici hujus urbis, ut ancillam ægrotantem inviserem, diem 5. morbi agentem, relatum mihi est, percontanti de natura morbi, Pharmacopœum pleuritidem vocasse, ideoque administrandas curasse tres, aut quatuor venæ sectiones, & alia ad hunc morbum necessaria. Cum autem die quinto exasperata essent omnia, non ausum esse sine Medici consilio, venam iterum aperire. Veniens igitur, agnovi ex pulsu, & aliis signis, non esse veram pleuritidem, licet dolores punctorii essent exasperati cum febre. Credebam fluxionem aliquam factam fuisse in pulmones, cujus renovatione, in quinto, omnia exacerbatæ essent; ideo probavi ut iterum fieret venæ sectio, qua celebrata, quietior fuit ægrotans per duas horas; postea exasperata sunt omnia, cum frequenti singultu: Ex quo longe aliter rem se habere, atque opinatus eram existimavi, malignam scilicet cacochymiam, subesse circum viscera, aut vermium scaturiginem, è qua vapor acris, & malignus, ad pectus ascendens, ut monent aliqui, pleura puncta, species quædam pleuritidis repræsentatur, fallens imperitos, ne dicam in arte seniores factos, ut mihi contigisset, nisi ex singultu suspicio de vermibus venisset in mentem: Quare circa vespæram quinti, præscripsi 12. gr. mercurii dulcis sine scammonio. Mane principio sexti, cum singultus multum urgeret, fumendum curavi quod sequitur.

Pleuritis notha, per vomitum aliquot reje&is lumbricis, sanata.

℞. Merc. dulc. gr. viii. opii in tegula exsicc. & pulv. gr. i. confecti. de hyacinto 3℥. capiat statim.

Rr

Hu-

Hujus antidoti beneficio mitigatus est singultus: Cum tamen non desineret, essetque mihi semper suspicio de subeunte maligna cacochymia, aut vermibus, antequam adesset septimus, qui cadebat hora octava vespertina, statui dosim ʒiſs . vini emetici ægrotanti propinandum, nullam vacuandæ malignæ cacochymix viam meliorem existimans, antequam deterior evaderet: Paulo post à sumpto vino emetico vomens, tres vermes ejecit, ter vomitu factò, nocte ter facta dejectione sine vermibus, in magna quantitate, nec ullus in posterum fuit dolor punctorius, cessavitque pedetentim omnino singultus febris perseverante. Octavo die cum dolore capitis, circa vesperam, conquerebatur ægrotans de ventris cruciatu. Mane die 9. cum dolor multum urgeret, essetque pulsus præter rationem parvus, nulla diei critici habita ratione, quoniam agebatur de vermibus, præscripsi 14. gr. mercurii dulcis, cum 4. scammonii præparati, quæ ventrem bis, aut ter subduxerunt, vomitu duobus vermibus ejectis, à quorum excretionem rediit pulsus in pristinum statum, in quo fuerat septimo. Die undecimo elapso, cum febris perseveraret, & aliquis capitis dolor, vena brachii aperta est. Decimo quarto perseverante febris, sine ullo tamen capitis dolore, quia post septimum menses eruperant, suo tempore fluxuri, venam malleoli aperiendam jubebam, nulla tamen vena apparente, è brachio hausit sanguinem Chirurgus: Cum tamen febris, licet valde imminuta, adhuc perseveraret, etiam post 17. Die 19. medicamentum purgans iterum propinavimus, ex infusione folior. fennæ, & semine contra, cum rhabbarbo, dissoluto catholicone, & syrupo de flore persicorum brevique sanata est.

OBSERVATIO VIII.

Dolor stomachi, ex
hibito succo
menthæ, &
ejectis Lum-
bricis, sedatus.

Rogatus sum à Pharmacopœo Àdurenſi, casu veniens in urbem, ut inviſerem mulierem sartoris uxorem, quæ jam diu laborabat dolore stomachi, & vomitu per intervalla, cum quadam febre continua: A Pharmacopœo multa facta fuerant remedia: Ego inter cetera, quia vomitus omnium videbatur esse molestior, exhibitis jam purgationibus, præscripsi remedium à Paracelsò expertum, contra vomitum, ex succo menthæ & fer-

fermento, de quo cap. de dysenteria; à quo, ut mihi retulit postea Pharmacopœus, sex vermes ejecit villosos ab stomacho, & sanitati est restituta; habet enim mentha qualitatem vermibus infensam.

OBSERVATIO IX.

Febris continua cum frigiditate extremorum, ejectis lumbricis, sanata.

Cum essem Massiliæ, vocatus sum mulieris invisendæ gratia, à quibusdam diebus febre continua laborantis. Ingrediens cubiculum inveni Chirurgum ad venæ sectionem paratum; Cum vero morbus videretur per omnia sine periculo, præter quod esset pedum frigiditas; Incertus an frigiditas illa extremorum, esset à vermibus; an à noxiis humoribus circum viscera, ut monet Fernelius, hærentibus; an ab utraque causa; an vero ab aliqua causa maligna intus delitescente: Ad vermes magis inclinans, quos putredo semper comitatur, loco venæ sectionis, affirmavi mulierem medicamento purgante potius indigere, quo sumpto, & quibusdam vermibus dejectis, cessavit pedum frigus, brevique sanata est.

Narratione quamplurimorum, à vermibus supersedebo ægrotantium; cum hæc sufficiant ad confirmanda, quas valeant ipsi vermes in corporibus nostris excitare tragoedias; quomodo morbi mores mutant supergeniti, & quod nulla sit magis idonea antidotus contra vermes in morbis, ipso mercurio dulci. Ego quidem ingenue fateor, me ægrotantibus multoties adfuisse ad extremum redactis, in quibus dubitans vermes subesse, non audebam tamen propinare medicamentum purgans, ne propria forte ægroto moriente, culpa sinistri eventus in me rejiceretur: Cum autem mihi, & ægrotanti consulere vellem, illi, & astantibus imponebam mercurio dulci, fingens cordi roborando dari margaritas, ut sæpe cum eo miscebam: Quod si res bene cessisset, vermibus ejectis, aut saltem putri admodum exeunte materia, fatebar eo animo dedisse.

De Nephritide, seu Renum cruciatu à calculo.

CAPUT IX.

Dolores Colici & nephritici valde inter se similes.

Lib. 2. de loc. affect. cap. 2.

Similitudo colici doloris, & nephritici, morem invexit, ut Svulgus nephritidem, colicam renalem vocitet: Tanta est enim horum affectuum, in symptomatibus dolorificis affinitas, principio morbi, ut pertissimis in arte plerumque imponat. Cum autem tunc temporis ex Galeno, utriusque affectus præsidia mista sint, falli tolerabile est; procedente vero cruciatu, non est Medicinam factitantis: Neque enim in parvum vertitur deducus, multum, & diu colluctatum cum colico dolore, tandem lapide exeunte, omnibus innotescere, extitisse nephriticum. Idcirco omni cura incumbendum, ut saltem procedente affectu, doloris naturam agnoscamus: Non solum colici, & nephritici doloris; sed & omnium qui dolorem nephriticum repræsentant, sive communiter, sive specialiter sumptum. Quamvis enim dolor nephriticus proprie accipiat, pro dolore acerbissimo à lapide, ureteres ingredi tentante, vel in eis subeuntes communiter tamen nephritis, omnis est affectus, quo renes laborant, qui cum sint in regione lumborum, mos invaluit, ut si quis in aliqua parte ibi posita doleat, à renibus se dolere conqueratur: Quapropter cum nulla sit corporis regio, in qua tam multæ, & tam variæ sint partes; Si quis uniuscujusque naturam, & situm tenere neglexerit, nunquam diversos eorum affectus internoscet, nec his recte medebitur. In regione lumborum, quæ quinque vertebri completitur in longitudine, post tegumenta communia, sunt musculi externi, deinde vertebræ cum sua medulla, & nervi qui ab ea exoriuntur; Est etiam pars mesenterii, quod originem ducit, à nervis, & ligamenti vertebrarum; Sunt quoque musculi interni, uterque scilicet psoas; Est vena cava, & ejus socia arteria; Sunt intestina, qua parte lumbos attingunt; Sunt denique vasa spermatica, renes, ureteres, & etiam in feminis uterus: Quorum omnium cujusque proprios dolores certis quibusdam signis internoscere oportet, ut cui parti medendum sit, quomodo-

modo, & quibus auxiliis agnoscamus. Cutis, & alia tegumenta, sicut & muscoli externi subjacentes, dolent à pluribus causis; externi quidem, casu, ictu, labore diuturno, corpore præcipue incurvato manente, magni oneris levatione & fluxione; Interni vero, humorum decubitu, tumore, abscessu, inflammatione, & aliis dolorem inferentibus; De quibus omnibus, non est hic sermo futurus; sed tantum de doloribus lumborum, qui causam habent absconditam, & cujus sedes ignoratur, aut difficile agnoscitur, ut sunt quædam fluxiones à capite, quæ ægrotto ut plurimum non percipiente, sensim in lumbos delabuntur, à quibus dolor excitatur, quandoque per intervalla, quandoque continuus, prout est fluxionis perennitas, aut difficilis humorum discussio. Hæc doloris species, maxime venit, usu consideranda; nulla enim magis frequens inter eas, quæ dolores nephriticos, præcipue iis qui tali affectu laboraverunt, repræsentant; & quæ Medicis magis imponant, si humor à lumbis, per musculos obliquos abdominis excurrat: Cum enim ureteres subeuntes, per hæc loca ferantur in vesicam; non satis periti, nec satis partium dolentium naturam perpendentes, dolorem hunc nephriticum putant: Licet enim dolor tunc temporis, sit è regione ureteris, non ita tamen est acutus, quia partes carnosæ, nervosis obtusioris sunt sensus. Præterea dolor partium supra lumbos fortasse præcessit, descensus humoris signum; aut propulsa pars materiæ, interdum tota, ad partes inferiores, coxas, tibias, & pedes, dolorem in eis inferet, permanentem; vel per modum transeuntis, ac si gladius infingeretur; Quod certissimum signum est, dolorem lumborum fuisse, aut esse à fluxione, qui per causæ propagationem aliis partibus communicatus est. Accedit, si alias, nullo in lumbis existente dolore diu incurvatus manens, pronus in terram, surgeret cum magna difficultate, quasi lumbis per medium sectis; Hoc enim ostendit humoris alicujus esse descensum, per hos musculos in parva quantitate sparsi, qui dolorem non valet excitare, nisi in assidui motus contentione. Cum autem fluentis humoris est perennitas, sæpe dolor accidit, etiam in aliis partibus, cum humor præterfluit, licet non moveantur. His sæpissime fretus, pluries constanter negavi, doloris causam, in

Signa fluxionis à capite in lumbos delabentis, & quæ ibi dolorem nephriticum mentitur.

Variorum
dolorum
causa in
partibus
lumborum.

renibus esse quærendam, sed in musculis lumborum; quod rerum exitus confirmabat. Post musculos externos sequuntur vertebrae; quæ nullo quidem, ut ossa, sunt sensu præditæ, nisi mediante qua succinguntur membrana: A propria tamen sede tantillum recedentes, iëtu, casu, magni oneris levatione, gravissima invehunt symptomata, medullæ spinalis, aut nervi alicujus compressione; Quæ tria, à fluxionibus pati minime dubitandum. Mesenterii ortus à nervis, & ligamentis harum vertebrarum, acutis tentari posse doloribus, nemo negabit, cum sit nervosus: Si quis tamen hunc dolorem à nephritico distinguere vellet, à doloris perseverantia sine intermissione, aliis non spretis indicantibus desumendum esset, quæ non solet esse in nephritico, ut infra docebimus; postea vero à signorum aliorum absentia, quæ dolorem nephriticum comitari solent; utriusque musculi psoæ dolor, carnosus partibus similis est, & easdem habet causas; ab eis tamen quæ extrinsecus adveniunt teguntur vertebri: Sed affecto psoa musculo, necesse est motum coxæ ad anteriora lædi, cui inservit, cum aliis duobus musculis; vena cava, & arteria ejus socia, dolebunt à sanguinis plenitudine, magis tamen in febribus, præcipue si earum fomes in eis sedem habeat. Intestina juxta lumbos posita, & circa ureteres patiuntur tormina, colicos, & iliacos dolores; Patitur etiam suos dolores mesenterium cui alligantur. Vasa spermatica, nimia plenitudine, ab usu veneris præcipue intermisso, dolebunt, ut iis qui à tribus, aut quatuor mensibus, uxore orbi facti sunt. Renes de quibus hic præcipua quæstio est dolore afficiuntur à fluxionibus, ab ulcere, ab inflammatione, à lapide, & abscessu; horum tamen dolor acutus non est; ut ureterum, difficileque admodum distinguitur à dolore musculorum, & quarundam partium vicinarum, si nulla in urinis causæ doloris signa appareant, aut ureteres non trahant in consortium; quia tunc dolor variat, & alterius naturæ existit, parte nervosa affecta, aut coaffecteda: In quibusdam tamen, dolori nephritico assuetis, ex ureterum dilatatione, & perferendi consuetudine, à renibus ad vesicam lapides etiam magni, ut vidimus, pertranseunt, cum levissimo, & quasi nullo, ut ajunt, doloris sensu: Dolor autem levis lumborum, qui

Signa doloris nephritici.

qui pertinet ad musculos externos; corporis quodam temporis spatio incurvatione facta, exasperatur, dum quis surgere nititur; quod non fit dolente rene à lapidibus, & arenulis. Præterea lumbis dolentibus, & aliis partibus vicinis, tactu interdum dolor deprehenditur, secundum villos musculorum sæpe excurrens, multo renibus inferior. Si dolor sit à lapide existente renis cavitate, in qua genitus assuevit: Dum parvus est: nec parti molestus, nullum dolorem infert; si grandiusculus, & parti molestus, dolor gravans sentitur: Si autem ad excretionem sui naturam impellat, statim atque ureterem attingit, gravissimos excitat dolores, nondum præcipue talibus assuetis, quos à colicis doloribus internoscere principio difficillimum est: procedente vero affectu, Medicum studiosum, & rerum usu peritum assequi posse non dubitandum, quibusdam signis longa à me experientia confirmatis; Quorum primum desumitur ex Galeno. lib. vj. de loc. affec. cap. 2. ubi docet, quod accidentia graviora sunt, & magis urgent dolente colo, quam renibus: De cujus rei veritate dubius ab initio; mirabar videns quamplurimos dolores nephriticos gravissimos esse, quomodo colici graviores essent, & magis urgerent. Rerum tamen usus hoc mihi aperuit; Dolores enim colici, ut semel invadunt, assidue urgent, nec remittunt, quousque causa ablata, aut mitigata quiescant; Nephritici autem, quia causa lapis est, qui diu interdum remanet in corpore, semel commotus, iis præcipue qui nondum talia passi sunt, renovantur postquam remiserint dolores, quotiescumque lapis movetur ad excretionem: sive hoc fiat eodem die, sive per longiora intervalla. Lapis enim in renibus genitus, cum amplius perferri nequit, accingit se natura ad ejus expulsionem per ureteres, quos cum vel minimum attigerit, atrocem, & colico similem excitat dolorem, iis præcipue qui nihil tale passi sunt, ut jam diximus. Si autem propter loci angustiam non petransiens, in cavitatem renis iterum retrocedat, dolor remittit, quousque iterum impellatur in ureterem, quem petransiens acutiores, & minus vagos parit dolores; verum tamen est dolores colicos esse graviores; Id est ex gravissimis doloribus utriusque generis, colici sunt semper graviores, & magis assidui; licet interdum maxime urgeat dolor

Signa differentiarum inter dolorem nephriticum & colicum.

lor nephriticus, sed remittit, eodem impetu sæpe reversurus, etiam si pluribus diebus quieverit; hujus tamen quieti non fi-
dendum, nisi lapis excernatur. Quæ quidem quies triplicis est
generis. Prima, & non optanda; cum lapis ex introitu ure-
teris, recedit in cavitatem renis unde movebatur; aut cum la-
pis plus justo major, hæret mediis ureteribus, quod rarum est;
natura ab impulsu continuo, defessa feriante, ut videbitur E-
narratione 3. sequenti. Secunda quies, cum lapis in vesicam
ingressus est; tunc autem, non amplius revertitur dolor ne-
phriticus, quamvis alius restet perferendus. Tertia omnium
est optatissima, cum lapis ductum mentulæ ingrediens, à lotio
foras propellitur: Quod semper procurandum iis qui nephriti-
dem passi sunt, ne lapis moram faciens in vesica, grandior fa-
ctus, exitu deinde prohibeatur. Nihilominus fatendum est,
ex doloribus nephriticis quosdam esse graviores, quibusdam co-
licis doloribus, iis scilicet qui prima vice tentantur hujusmodi
doloribus; & quosdam fere similes: Qualiscumque tamen fue-
rit dolor colicus, non solet habere, nisi rarissime, frequentes
hujusmodi reditus: Quod si habeat, signum partis alicujus
male affectæ in propria substantia, ex qua excrementorum pe-
rennitas, aut in ea maximam esse intemperiem, aut alicujus
fluxionis in ventrem esse renovitationem. Secundum signum
quo nephriticus dolor distinguitur à colico, petitur à vomitu,
qui etiam si utrique affectui sit communis, magis tamen est
nephritico dolori familiaris & continuus, propter consensum
stomachi, & renum, à membrana communi qua succingun-
tur, peritoneo scilicet: Ideo vacuo stomacho, & in princi-
pio, & procedente affectu nephritico, urget vomitus, quo-
ties dolor repetit, quamvis loco vomitus singultus aliquando
accidat: In colico autem dolore, non nisi pleno stomacho, &
in principio morbi, alias rarissime, aut nunquam. Tertium
signum quo procedente affectu distinguuntur dolores nephritici,
à colicis; virium est consideratio, quæ longe magis proster-
nuntur, ceteris paribus, in colico dolore, quo si quis corri-
piatur, decumbere cogitur, nec valet surgere ad deambulandum:
Loquor hic de vero colico dolore, in quantum distin-
guitur à torminibus: In nephritico autem dolore, surgunt æ-
gro-

Vomitus
magis infe-
stat labo-
rantes dolo-
re nephriti-
co, quam
colico.

Dolor coli-
cus magis
prosternt vi-
res, quam
nephriticus.

grotantes, & deambulant: Imo vidi qui incipiente dolore equum conscendebant, quam celerrime equitantes, donec lapis in vesicam descendisset: Quod in colico dolore nefas esset cogitare: His adde si tempore cruciatus, rei cuiusdam subito pungentis fiat insultus in latere, quod fit à lapidis asperitate ureterem pertranscuntis. Sunt & alia signa apud Authores, quibus etiam dolor nephriticus percipitur, ut est coxæ stupor ejusdem lateris, dolor fixus in parte, urinæ difficilis excretio, dolor ad testiculum excurrentis: Quibus omnibus parum fidentum, nisi cuidam ex supradictis jungantur: Stupor enim coxæ, quem fieri à nervis lumborum, aut musculo psoa, quidam affirmant, & recte, potius quam à vena cava, abest sæpissime, dolor tamen erit nephriticus, cui nec etiam difficilis urinæ excretio jungetur. Nam sæpe vidimus in colico dolore, urinam difficulter emitti, non quidem in instrumentis, excretioni urinæ dicatis causa existente, sed defectu compressionis musculorum abdominis, qui ad hoc opus interserviunt, ut & alvi fœcibus dejectendis, quæ quidem compressio, dolorem colicum auget: Testiculi dolor, aut contractio, è regione rennis affecti, quandoque adest in nephritide, sæpe non adest; & in colico dolore, potest accidere, per consensum scroti cum intestinis dolentibus, positis præcipue circa os pubis. Quæ ab urinarum inspectione desumuntur, incerta quoque sunt, si-
 ve urina sit tenuis, si-
 ve crassa, si-
 ve rubra, si-
 ve sint arenulæ,
 si-
 ve non sint: Tantum fides aliqua adhiberi posset, si sanguis à dolore excerneretur cum urinis, ex attritu lapidis in rene, tunc vero sanguis omnino mistus est cum urina, frustulumque lintei in ea immersum rubescit: depositaque, subsidet sanguis subniger. In principio igitur, cum quis scilicet nunquam passus est dolorem nephriticum, causa doloris in ambiguo posita est, an sit vere dolor colicus, vel nephriticus: Quo magis aliquis doloribus nephriticis est assuetus: eo minus colicum repræsentant, sed quosdam potius dolores, à serosi humoris descensu à capite, per lumbos, & ilia oberrantis: Tunc autem non ita laborant Medici, quia de generatione lapidis frequenti, aut alias facta non dubitatur: At in prima vice, cum nunquam lapis excretus est, valde & admodum difficile est, propter dolorum

Signa, quæ
ex inspectione
urinae desumuntur,
sunt incerta.

Lib. 2. de loc.
affec. cap. 2.

Enema anti
nephriti-
cum.

Ufus semicu-
pii in dolore
colico & ne-
phritico.

vehementiam, internoscere quænam afficiatur : In hoc autem principio, ex doctrina Galeni, ut supra diximus cum præsidia utrisque affectus, colici, & nephritici doloris mista sint, non multum laborandum, sed statim incipiendum est ab enemate quod intestinorum fœces educat, ne renum, aut ureterum compressione dolor augeatur, quo rejecto sequens injiciatur.

℞. Folio. mal. alth. fœn. petros. absyn. rutæ, puleg. origa. ana mj. flor. chæm. & mel. ana mß. bacc. lau. ʒß. sem. ani. cumi. ana ʒj. fiat ex his decoct. Acc. thj. tantum dissolve in ea diaph. ʒß. terebinth. ʒij. olei rutacei, & mellis antho. ana ʒij. fiat enema, quo rejecto fiat fots supra partes dolentes, ex residuo decoctionis, & inunctio post fotum ex oleo de baccis lauri calido.

Ab his si dolore non levetur æger, nec adhuc constat de natura doloris, ex signis supra allatis; probata est mihi purgatio ante usum semicupii, si liceat per dolorem, nec morandum in exhibitione, quacumque hora, dummodo vacuus sit stomachus; ea enim sæpe causa doloris abscinditur, si sit in intestinis: Quamvis autem dolor non omnino abscederet, felicius respondet votis semicupium; Dolor enim colicus semper mitefcit in eo, & fere semper nephriticus, nisi tunc temporis moveatur lapis per ureteres, quod mihi signum lapidis sæpe fuit; Sicut si à semicupio, & multo magis, postquam quieverit dolor, eodem impetu postero die, aut eodem, aut tradius revertatur, ut jam supra attigimus. Quod cum acciderit, repetito præcipue etiam vomitu, non amplius dubitandum, quin dolor qui infestat, sit nephriticus; Ideoque ad ea sola quæ hunc affectum respiciunt confugiendum, ut sunt quæ sequuntur.

℞. Cort. rad. raph. ʒij. totius alth. mij. folior. mal. pariet. betulæ, sisymb. aquat. fœni. petros. apii, ana mj. flor. chæmæ. & melil. ana. pij: sem. apij, & petros. ana ʒj. sem. lini ʒß. fiat ex his enemat. decoc: Acc. thj. dissol. terebinth. ʒß. olei scorp. ʒij. mellis viol. ʒiij. fiat enema, repetendum quoties videbitur.

Ex decoctionis materia hujus enematis, aucta simplicium dosi, fiant infusiones, aut semicupia, quibus utatur dolore sæ-

ſæviante, à cujus egreſſu, ungatur calida regio tota ureteris dolentis, oleo ſcorpionum, aut folia ſiſymbrii parumper tantum friſta, cum pauco dicti olei, calida imponuntur. Et ut omnia bene cedant, capiat ægrotus in ingreſſu ſemicupii potio- nem aliquam lapidi expellendo, aut comminuendo idoneam. Si tamen ante harum uſum, expediendæ viæ, qua itur ad par- tem affectam, occaſio arripi poſſit, exhibito ad id purgante, melius erit; ut

℞. Caſſi. recenter extractæ ꝓvj. terebinth. ꝓij. criſt. tart. ꝓj. fiat bolus cum ſaccharo: Si autem ſolidum medicamentum deprecetur æger, diſſolve terebinthinam cum vitello ovi, & miſce cum caſſia, & criſtallo tartari, in aqua graminis, aut decocto urinas movente diſſolutis.

vel

℞. Merc. dulcis gr. xij. & amplius, ſi opus fuerit, capiat cum ſyrupo de radicibus: Si autem aliquo vehiculo ſit opus, in his qui non facile cedunt purgantibus, adde ſcammonii va- pore ſulphuris caſtigati gr. iij. aut iiij. pro natura ægrotantis. Poſt hæc

℞. Rad. rapha. parum cont. ꝓij. infun. per aliquot horas in vini albi oligopho. ꝓvj. colat. capiat in ingreſſu ſemicupii, cum ſyru. alth. ꝓj.

vel

℞. Succ. rad. petroſ. congrua tempeſtate collect. ꝓij. vini albi ꝓiij. olei amygd. dulcium, aut ſyrupi de althea ꝓj. capiat ut ſupra.

vel

℞. Olei amygd. dulc. ꝓij. ſucc. limo. ꝓij. aut iij. prout re- cens fuerit, capiat ut dictum eſt.

vel

℞. Folior. alth. recen. mj. rad. petroſ. ꝓß. aut folior. pro tempeſtate. mß. fiat decoct. cum rene vervecino, in quatuor partes diviſo. Acc. ꝓvj. ſalis trunco. faba. ſcrup. ß. capiat cali- de in ingreſſu ſemicupii: Hoc juſculo utendum etiam pluribus diebus, mane tribus horis ante paſtum.

vel

℞. Aquæ ſtillat. fruct. roſar. ſylveſtr. ꝓiiij. ſpirit. ſalis nitri, ſeu

seu petrae gutt. iiij. capiat, præcipue in ingressu balnei. Hoc remedium valde est efficax in pellendo, & comminuendo lapide.

Multa sunt in eundem usum scripta, in ordine remediorum alphabetico, ex quibus quisque eligere poterit, quæ illi magis accepta videbuntur, secundum variam locorum conditionem, & ægrotantium naturam.

Externa medicamenta antinephritica.

Interea jam à principio, & post purgationem, certi de natura affectus utendum pro potu ordinario, quidam jubent, vino albo valde deluto aqua, in cujus mensura una pj. seminis lini frigide infuderis per noctem, viæ lenientur, & facilius lapis excludetur. Quantum ad externa, usu recepto fiunt inunctiones ex oleo scorpionum; Ego autem accipio folia sisymbrii aquatici cum inveniuntur, aut eorum loco folia parietariæ, vel petroselinæ; quæ oleo scorpionum, aut communi, pro pauperibus, irrorata, friguntur in sartagine, ut tantum calefiant, nimia enim frizione virtus amittitur, aut valde debilitatur. Imponuntur etiam cucurbitulæ sine scarrificatione paulo infra locum dolentem, cum lapis hæret in uretere, ut in vesicam citius devolvatur, in quam ingresso, fit quidem liber ægrotus à doloribus nephriticis, sed non ab omnibus neque interdum à periculo, nisi omnino foras propellatur lapis extra corpus: Quod si moram faciat in vesica, ut sæpe contingit senibus propter excretriciis imbecillitatem, multum juvat ad expellendum, aquarum mineralium potus; quæ si non sint in promptu, fiat decoctum ex multo eryngio parum contuso, quo vinum album tenuè diluatur, ex eoque multum bibatur. Foras expulso lapide, ad prophylaxim omnino incumbendum, ne lapidis iterum fiat concretio: Quod primo perficitur, optima vivendi ratione, vitando nimiam satietatem, vinum meracius, lac, caseum, & omnia glutinosa, & crassa, vitam quoque otiosam; maximum enim sanitatis studium ex Hippocrate, non satiari cibis, & esse impigrum ad labores: Ego quidem fateor, me nunquam vidisse rusticum, quotidianis laboribus assuetum qui Nephritide laborasset: Vitæ tamen acurato regimine pauci astringuntur, nisi se periculose ægrotare putent; præcipue tamen capita observare non est spernendum. Ad vitæ modum,

Quæ necessaria ad inpediendum lapidis accretionem.

accedere oportet purgantium usum per intervalla, quater ad minimum in anno, veris, autumnii principio, & in fine, & ante quadragesimam ex his quæ antea proposuimus, vel ex fortioribus, crassum phlegma educantibus, etiam in forma pilularum. Inter autem prophylactica, uti suo tempore potu aquarum mineralium, præcipue acidularum, nihil præstantius. Hoc genus auxilii, non tantum prodest abluendo, sed etiam calorem renum temperando, ne valeant phlegma cum arenulis in lapidem obdurare. Utrum autem ad prophylaxim venæ sectione sit utendum, non sunt consulendi hæmatophobi; ratione tamen plethoræ, corruptionis, & ut viscerum calor, si adsit, temperetur, administranda, præcipue vere: In curatione vero, ratione revulsione, concedenda est vena cubiti, ne confluant humores ad partem dolentem; non autem ratione lapidis, multoque minus est saphena: Quid enim faciat venæ sectio malleoli, ad deturbandum lapidem, non video; Quasi vero sit fluidus, ut instar humorum feratur deorsum. Ego certe valde inutilem existimo huiusmodi venæ sectionem, quibuscumque rationibus allatis ut probetur.

Aquæ minerales condu-
cunt nephri-
tici.

P R O G N O S T I C A.

Renum vitia in valde senibus difficulter sanantur Hippo. apho. vi. sect. 6.

Renum dolor repente obortus, cum urina suppressa; lapillos, aut crassam urinam meiando reddendam ostendit. Hippo. in coac. 45. lib. 4. seu tracta. 4.

In renibus dolor acutus fit motu lapidis; gravis cum manet immotus, soletque esse transitus ab uno dolore ad alium.

Ren quibus socius languidus effectus, & marcidus; Iis in sæva nephritide urina suppressitur. Duret. supra coac. 45. cap. 3. tract. 4.

A lapidibus via ureteris utrinque oclusa, fit interdum incurabilis urinæ suppressio.

Si lapis in renibus genitus non expellatur, grandescit, & procedente tempore ren tumet, & disrumpitur.

In nephritide, sensus subito rei pungentis, ut aculei, in regione ureteris, signum calculi hac parte impulsus, certissimum.

Sf 3

Se-

Sedato dolore nephritico, si lapis saltem in vesicam non descenderit, solet reverti.

Cum quis prima vice doloribus nephriticis afficitur, sævissimis cruciatur doloribus, licet parvus sit lapis, multoque magis si asper.

Aliis autem vicibus non item, nisi lapis sit grandior solito, & ad hoc asper.

Ex sævissimis cruciatibus nephriticis, non pereunt ægroti, ut ex colico dolore, nisi mors aliunde accadat.

Accidentia graviora sunt, & magis urgent dolente colo, quam renibus. Gale. lib. 6. de loc. affec. cap. 2.

Enarrationes de quibusdam Ægrotis.

OBSERVATIO PRIMA.

Duo lapides
post mortem
in renibus
inventi.

Mulier quædam Parisiis, per 14. annos renum dolore vexata, tandem moritur: Pluribus Medicis, Chirurgis, & me, præsentibus, dissecto cadavere, renes ambo inventi sunt pugni magnitudine, aut circiter. In uno lapis magnæ nucis juglandis magnitudinis, sed oblongior; in renis alveolo existens; In alio lapis erat in carne renis, eadem fere magnitudine, qui pedetentim crescens, renem variis in locis diruperat, totusque erat purulentus, quod in altero, in renis alveolo genito, non contigerat.

OBSERVATIO II.

Mors a punctura perinei,
& Ischuria
notha.

Sacerdos quidam doloribus nephriticis obnoxius, à quibus Spluries lapillos ejecerat, incidit tandem in ischuriam, quam quinque diebus passus, delatus est in urbem, ut Chirurgi, Medicus ordinarius, & ego aliquid pro salute ægrotantis decerneremus: Omnibus rite perpensis, orta est contentio inter Medicum ordinarium, & me: Illo affirmante suppressionis causam esse in vesica, præ corporis autem pinguedine non posse agnoscere; Ego vero negabam, eo quod in regione vesicæ nullus esset tumor, nec compressa doleret: Quæ duo in vera ischuria sex, aut 7. dierum semper adsunt: Ideo urinam in vesicam non descendere viis præclusis. Cum autem Medicus ille ordinarius vir esset magni nominis, eloquentia potius quam doctrina clarus,

rus, voluit sibi fidem adhiberi, omnibusque Chirurgis in ejus sententiam abeuntibus, quidam ignorantia, alii vero voluntatis alienæ obsequio, me disrumpente, jussit perforari collum vesicæ usque ad ipsam vesicam, eoque modo lethale vulnus infligere, etiam si ischuria per se non fuisset lethalis: Sed à rei eventu poenas experiente, vindicatus sum; neque enim à vulnere quidquam exivit urinæ; neque post tres dies mortuo sacerdote, & cadavere ejus dissecto, urina inventa est in vesica, ischuriæ causa existente in renibus; quorum dexter non amplius renis speciem referebat, sed corporis cartilaginosi, & fistulosi multis anfractibus distincti, urinæ plenis, nec via ab eo erat ad vesicam. Alter vero, sanus quidem; sed in ejus alveolo lapilli, & unus in introitu ureteris, urinæ viam omnino præcludens, unde ischuria, & mors.

OBSERVATIO III.

Vir quidam nobilis 45. annorum multoties nephritide tentatus, & pluries lapidibus ejectis; Tandem dolore nephritico simili vexatus, nullum ejecit lapidem; Dolor post quindecim dies reversus est, nullo exeunte lapide, quod per sex menses duravit; in ultimis tamen mensibus, non quindecimo quoque die torquebatur, sed octavo quoque die. Pluribus Medicis, Chirurgis, & desperatorum morborum curatoribus vocatis, causa doloris mansit incognita, eo quod nullus, à tot doloribus, quos æger passus erat, lapis ejectus esset. Cum autem vocatus essem in oppidum, ejus matris curandæ gratia, eodem dolore correptus est; transiens ego per cubiculum, ultro perconatus sum ab ipso, quid rei esset, & quonam affectu torqueretur; colico, respondit, me affici dolore omnes fere affirmant: Abstrusæ affectionis agnoscendæ avidus, videns in ipso cruciatu, omnia, quæ supra de signis lapidis docuimus, magnos præcipue, & frequentes vomendi conatus, nihil existente in stomacho, & ipso jejuno ægrotante, sciens quoque illum doloribus nephriticis obnoxium, multosque lapillos à similibus doloribus ejecisse, cepi omnia perpendere: Primo locum doloris incipientis, qui lumbis altior videbatur; tamen cum alias dolore nephritico torqueretur, se ea parte dolere affirmasset, nihil mihi

Lapis in uretere, primo decimo- quinto die, deinde octavo doloris ciens.

mihi ex situ doloris persuadere ausus sum. Perpendi secundo, inter cetera, quod infestante dolore, si lotium emitteret, ipso levaretur, ex quo affirmavi doloris causam, esse in via per quam feruntur urinæ; Sed quomodo hoc fieret, nondum mihi constabat: Dubitabam quidem lapidem hære in uretere; sed quomodo posset lapis, hic tam longo tempore detineri, ut primis mensibus, per 15. dies liber esset à doloribus, postea vero per octo dies tantum, solita munia tunc temporis obire valens, quousque eodem impetu dolor reverteretur. Tandem ex illo recurso doloris per longa intervalla; Ex magnis vomendi conatibus vacuo stomacho, quoties eum dolor adoriretur; Ex doloris cessatione emissa urina; Et quod dolor similis esset nephritico, quo alias torquebatur, statui doloris causam esse à lapide, quem in uretere detineri, si quis esset, affirmabam: unum tantum erat dubium; an lapide medio in uretere detento, posset quis per octo dies, & quindecim, liber esse à doloribus, solitaque munia obire: Hoc certe vix mihi persuadere poteram; rei tamen eventus hoc confirmavit, ut mox dicetur. Interea per diem unum aut alterum, quibus ibi immoratus sum, aliqua dolori nephritico leniendo idonea præscripsimus, quæ causa doloris intus semper permanente, nihil profuerunt; sicut nec multa alia quæ in posterum sunt adhibita. Tandem post duos menses, aut circiter, vi naturæ protrusus est lapis in vesicam, deinde in mentulam, cujus in extremo restitit, præ magnitudine non valens pertransire, quousque facta incisione, Chirurgi manu extraheretur. Tunc didici lapidem in ureteribus posse detineri per plures menses, & octo dierum, & quindecim spatio, nullum excitare dolorem, natura feriente ab impulsione, & assuescente lapidi. Tunc agnovi quomodo emissa urina dolor quiesceret; motu scilicet corporis, & variis contorsionibus in dolore, mutato situ lapidis, viam antea urinæ præcludentis, unde distentio fiebat in uretere à lapide usque ad renem. Tunc non miratus sum, cur dolor, similis esset aliis doloribus nephriticis, licet altior videretur. De nulla denique causa variorum symptomatum dubitavimus.

OBSERVATIO IV.

Vir quidam nobilis, qui à doloribus nephriticis sæpe lapillos eiecerat; cum ab insigni cruciatu nephritico nullum eiecisset, nihilque sibi timeret: Ego vero simulato discrimine, in quo versabatur, ne scilicet lapis aliquis grandior fieret, exituque prohiberetur; consului ut quocumque modo potu aquarum mineralium, quæ erant in promptu, uteretur; quorum beneficio, duodecim diebus, à dolore prægresso, magnum lapidem eiecit, cum pluribus parvis: quibus in vesica remanentibus, ut fere fit in senibus, maioribusque factis, non liberatus esset ægrotus senex, sine lithotomiæ periculo. Ex qua colligendum est, ut si quis dolorem nephriticum patiat, à quo postea lapidem non ejiciat, quacumque arte procurandum, ut lapis in vesica moram faciens, omnino foras propellatur: alioqui, post ingentes cruciatus, sequetur mors progressu temporis, nisi quis subire velit periculum lithotomiæ.

Magnus lapis, cum aliquot parvis eiectus, post potum aquarum mineralium.

OBSERVATIO V.

Vir quidam nobilis Baro, ætate 40. annorum, incidit in colicum dolorem, quem per annum pluribus vicibus perpessus, tandem eiecit lapillum. Nescio utrum in principio colicus vere esset iste dolor, an nephriticus: creditu enim difficile est, lapidem per annum in renibus sine accretione permanuisse, & semper eadem magnitudine existente, post annum tandem foras expulsum. Quocumque autem modo res se habuerit, vixit in posterum doloribus nephriticis obnoxius, per intervalla lapillos ejiciens, quousque seni facto 58. annorum immutaretur affectus; correptus est enim quibusdam doloribus nephriticis similibus cum singultu, & quadam febris, lecto ut plurimum decumbens: Apud ipsum duobus, aut tribus diebus immoratus, adhibitis quibusdam auxiliis, & præscriptis adhibendis, petii veniam discedendi, rogans ut si lapidem aliquem eiecisset, mihi renuntiaret, quod ipse præstitit, monens per nuntium, se tandem lapillum eiecisse, & sanatum fuisse; Quod observatione dignum hic apponere volui, ut sciamus fieri interdum singultum in nephritico dolore, loco vomitus.

Singultus a dolore nephritico.

OBSERVATIO VI.

Abſceſſus in
rene fini-
ſtro, varia
producens
ſymptoma-
ta.

Quidam civis ex præcipuis hujus urbis, doloribus nephriticis à pluribus annis obnoxius, tandem ſenior factus incidit in maximum cibi faſtidium cum quotidiano vomitu, horis præcipue matutinis, virium imbecillitate, faciei pallore, interdum cum feбри, obambulans, modo in lecto decumbens. Cum nullus eſſet dolor, ut ipſe affirmabat in regione renum, ſuſpicabar cibi faſtidium, & vomitum, eſſe ab aliquo humore, per noctem à capite in ſtomachum deſcendente; Ideo conſului ut ſyrupo meo magiſtrali uteretur, quo accepto parum levatus eſt vomitu, & cibi faſtidio: Sed poſtea redeuntibus in eundem ſtatum, aliud quærebat auxilium; cui ut placerem, juſſi ut ſumeret. ꝑilularum de hiera: Conceſſi etiam ut ptifana ex foliis ſennæ uteretur; quibus modo meliuscule, modo male ſe habens per aliquot menſes, ejecit tandem lapidem è renibus, leviffimo cum labore, melius habuit, vires recuperans, cibos appetens, & faciei colore, ut per ſanitatem ſimili ſui. Mirabar ego, quomodo lapis ille, nullum dolorem efficiens, cauſa vomitus, & aliorum ſymptomatum extitiſſet; alia tamen cum non eſſet evidentior, viſo lapide, coactus ſum in hanc ſententiam abire. Traducto autumnò, & hyeme, ſatis bene valens, incidit in eundem affectum, verum deterioſorem, magis urgente vomitu, cum ingenti cibi faſtidio, paulatimque ſpatio duorum menſium deficientibus viribus, ſine ullo renum dolore, extinctus eſt. Propter frequentem vomitum nullis cedentem remediis, affirmabam filio ægro- tantis, aliquid in renibus ſubefſe, illique conſulebam, ut mortuo patre, ejus cadaver diſſecaretur, nos certiſſime in renibus, omnium ſymptomatum cauſam inventuros aſſerens, quod ita contigit; diſſecto enim cadavere, ren ſiniſter duplo major inventus eſt, duabus membranis ſuccinctus; prima quidam valde craſſa, cultri à tergo æquante ſpiſſitudinem; altera minus, quibus ægre ſeparatis, ren apparuit tumefactus, & mollis abſceſſus præ ſe ferens ſpeciem, inciſus enim ſcalpro Chirurgico, reddidit purulentam materiam ſimilem amurcæ; quod omnium ſymptomatum, & mortis cauſam extitiſſe nemo dubitavit, licet in alio rene lapis inventus eſſet, qui quidem ren, ſanus in

aliis

aliis omnibus erat : Miratus autem quomodo per totum morbi decursum , non esset conquestus de dolore renum , saltem in principio , & quod in urinis nulla signa apparuissent abscessus.

De Lapide vesicæ.

C A P U T . X.

De lapide vesicæ sermonem faciam hoc capite, non ut curationem doceam, per causæ ablationem, cum omnium antiquorum sententia, & omnium fere Neotericorum, nullis frangi possit remediis; sed ut ostendam, quibus præsertim signis, in ea existens, agnoscatur; ne quis alium ratus affectum, frustra laboret in curando, postea vero incitæ insimuletur. Num ideo negandum est, aliquid in rerum natura existere, quod lapidem in vesica frangere possit? Minime; cuilibet enim affectui, ut alias diximus, non denegavit Deus omnipotens suam antidotum; licet interdum maneat diu incognita, quæ vel casu, vel studio, & labore inventa, prodit in lucem. Memini alias me legisse apud Evonimum, frangendo lapidi in vesica arcanum, à quodam Germano esse inventum, quod per catheterem immissum in vesicam, id præstabat; sed nuper, ut ipse ait, morte illius amissum, quod nemini communicare voluisset. Sennertus cap. de calculo vesicæ, narrat de quodam Medico, qui pluribus tentatis remediis, se tandem à calculo vesicæ liberavit; quod etiam describit Riverius, in sua praxi, sicut & alias duas historias, ex Horatio Augenio, de lapide vesicæ dissoluto, pulvere millepedum, cum aqua vitæ exhibitto. Vide ad hoc commentaria Hartmanni, supra Basilicam chymicam Crollii. tit. Nephriticum, quo in loco describit præparationem oniscorum, seu millepedum, & quomodo his utendum, & quid in eorum usu observandum. Quamdā etiam describit Riverius loco citato, oniscorum præparationem, quæ in aliquibus accedit ad illam Hartmanni, ex quibus omnibus facilior eligi poterit, dummodo sit viribus æqualis. Anno quoque 1658. civis quidam hujus urbis rediens Parisiis, quo discesserat curandus ab ulcere gutturis, à quo uvulam amiserat,

Lapis vesicæ
an ullis re-
mediis frau-
gi potest?

Millepedes
adhibentur
ad lapidis
dissolutio-
nem in ve-
fica.

Securior via
est frangen-
di lapidem
medicamen-
tis injectis in
vesicam per
uretram,
quam re-
mediis ore
assumptis.

Si detur me-
dicina pol-
hens vi-
frangendi la-
pidem, po-
tius inter
Chymica,
quam Gale-
nica quæ-
renda.

retulit mihi, hoc tempore hominem venisse Parisios, arcano frangendi lapidem in vesica instructum, qui per invidiam, à quodam Medico vocatus ad cœnam, glande catapultaria ictus in fronte, è fenestra domus è regione ædificatæ, perierat cum suo arcano, sequentibus seculis deplorando. Vellem tamen in omnibus, in quibus lapis in vesica existere creditur, ut bolide Chirurgica intromissa, sonus lapidis exaudiretur ante remediorum exhibitionem, ne à deceptoribus improbis, ut multis accidit, imponeretur mihi. Si tamen lapis in vesica frangi potest, securior quidem via esset, per mentulam injectis in vesicam; liquorem tamen oporteret invenire, qui frangendo lapidem, parceret vesicæ, quemadmodum hydrargyrum, quod metalla corrodit, pixides tamen ligneas, & avium calamos quibus includitur intacta relinquit. Alia via eorum, quæ ad frangendum lapidem per os sumuntur, non est ita longa ut creditur antiquitas, & multi recentiores Anatomici: Quidquid bibitur non subit intestina, & jecur, alia est via brevior ad renes, & vesicam, ut cap. de Hydrope diximus ex Bartholino. Duretus tamen in coacis, scribit temerariam esse omnem medicinam, pestiferam, & sæpe mortiferam, quæ frangendo vesicæ calculo adhibetur: cui profuit, vidisse neminem, multos autem quibus exitio fuit. Non oportet tamen in sententia animi obfirmare, nec rem aliquam pertinacius tueri: Multa enim præteritis seculis incognita fuere, quæ nostro innotuerunt: Sumus, ut ait Guido, sicut infantes in collo gignantis, videmus quidquid gigas videt, & paulo amplius; unde homines ad cogitandum fiunt acutiores: Vidi chymica explodi; nunc ab omnibus recipiuntur: Quippe si medicina est, uti esse credendum, quæ lapidem frangere possit in vesica, inter chymica potius, quam inter galenica reperietur. At quomodocumque res se habuerit, investigandum quibus signis, certo deprehendere valeamus, lapidem subesse in vesica. Hippocrates 4. de morb. ait quinque signa hunc morbum habere, ad sui cognitionem. Primo dolorem affligere cum quis mœrire cupit: Secundo urinam paulatim fluere, ut in stranguria: Tertio urinam esse subcruentam, si à lapide exulceretur collum vesicæ. Quarto summam præputii partem hoc confirmare: Quinto arenosa quandoque meii.

Quæ

Quæ omnia à Celfo sic illustrantur. Difficulter urina redditur, maximeque circa finem mictionis; paulatimque interdum sine voluntate destillat; eadem arenosa est; nonnunquam sanguis, aut cruentum, aut purulentum aliquid cum ea excernitur, eamque quidam promptius recti, quidam resupinati, maximeque hi qui grandes habent calculos; quidam etiam inclinati reddunt, colemque extendendo dolorem leniunt; gravitatis quoque cuiusdam in ea parte sensus est, atque ea cursu, omnique motu augetur: Quidam etiam cum torquentur, pedes inter se, subinde mutatis vicibus implicant; Feminae vero oras naturalium suorum manibus scalpere crebro coguntur. Duretus supra coacas de morbis vesicæ, hæc signa syllogistica observasse scribit: Crebra meiendi cupiditas, cum difficultate maxima in mictione extrema; cum urina lactea, crebro etiam diversis coloribus variegata. Horum omnium signorum consideratio, dum peritus ad hoc non est Chirurgus, ut introducta bolide sua, lapis inveniatur, plurimum valet ad cognoscendum, utrum lapis sit in vesica; non sunt tamen omnia syllogistica, seu concludentia, nec fidendum nisi plurima concurrant, quamvis subita, & diu perseverans stranguria, cum dolore acuto, in fine præsertim mictionis, unum sit ex signis præcipuis; multis enim, nullo se ante signo manifestante lapide, huiusmodi dysuria stranguriosa detexit, potest tamen esse sine lapide, ut videbitur in Enarrationibus. At quia novum multis fortasse videbitur, me dysuriam quamdam vocare stranguriosam; sicut & stranguriam quamdam dysuriosam: Dicam Neotericorum sententias, de horum vocabulorum explanatione, nec inter se, nec cum Antiquorum sententiis convenientes, me ad hoc impulisse, ut clarioris doctrinæ gratia, stranguriæ dysuriosæ, & dysuriæ stranguriosæ uterer nominibus, prout vel stillicidium urinæ, quæ stranguria est, vel dolor & labor in meiendo prævalet qui dysuria est: Neque novum hoc commentum est, ut patet ex scholia cap. de diffic. meiendi Hollerii, in qua Jacotius, & Burgenfis negant adversus quosdam esse recurrendum ad harum duarum affectionum mictionem, nisi Hippocratis, & Galeni scriptis, ut ajunt, multo majorem confusionem inducere velimus; Sed in hoc falluntur apertissime: Nam si ex Galeno,

Coac. 5.
cap. 22.
lib. 2.

Dysuria
stranguriosa
sæpe detexit
lapidem vesicæ.

pluribus in locis; præcipue autem apho. 48. sect. 7. ubi prolixior de stranguria, & dysuria sermonem facit, stranguria fit, ut nomen ostendit, cum urina guttatim redditur; dysuria vero, tum quæ cum dolore fit mixtio, tum quæ cum difficultate aliqua, ita ut ægre agat vesica, munusque suum obeat: Quis negabit cum aliquis meit cum dolore, aut aliqua difficultate, affectum esse dysuriam; cum autem quis guttatim urinam reddit, affectum esse stranguriam: Ideoque si guttatim urina reddatur cum dolore, aut labore, quod ut plurimum fit, affectum esse mixtum. His certe definitionibus, aperte ostendit Galenus dysuriam esse cum quis meit cum dolore, aut cum quadam difficultate; stranguriam vero, cum quis guttatim meit tantum: Unde subit mirari cur Jacotius, & ejus socius, quosdam arguant, qui suo tempore commentaria supra aphorismos ediderant, in Galenum inveciti tamquam tenebras offundentem, dicentes in dysuria semper dolorem fieri, ut in dysenteria, nunquam in stranguria, sicque hac sola differentia, dysuriam differre à stranguria; sive guttatim emittatur, sive contra: Quod nos idipsum probare contendimus; sine animo infectionis contra Galenum, tamquam tenebras offundentem: Nullibi enim, quod sciam, affirmat Galenus, multo minus Hippocrates, simplicem stranguriam esse cum dolore. Quod si in commentario aphorismi supradiçti, inter causas stranguriæ, enumeret Galenus mordacitatem urinæ, quæ dolorem excitat, si naturæ modum excedat: Dicimus mordacitatem utriusque affectus causam esse; primario tamen dysuriæ, deinde stranguriæ. Si autem quæ postea à Galeno scribuntur de causis dysuriæ legantur, multæ invenientur, quæ stranguriæ etiam causæ sunt ut phlegmone, abscessus, & ulceratio; affectus itaque misceri, sicut & causas. Quod ex Paulo Ægineta etiam comprobatur, qui lib. 3. cap. 45. dysuriam, & stranguriam, uno titulo comprehendit, ambabus easdem causas, & eandem curationem statuens: Quamvis autem Ætius terrab. 3. sermo. 3. cap. 19. scribat, stranguriam esse, cum urina paulatim, & guttatim stillat, & assiduam ad meïendum facit irritationem; irritatio hæc, est sine dolore, si simplex sit stranguria, & pro cupiditate sumitur, ut planum fit ex Hollerio, qui cap. de diffic. meïendi,

Differentia
dysuriæ a
stranguria.

ait dysuriam esse meiendi libidinem, sed ægre, & vi quadam, aliquando etiam cum dolore urinam excerni; stranguriam vero assiduam meiendi cupiditatem, sed urinam guttatim effluere. Ex quo colligitur, sicut ex Galeno, & aliis antiquis, utrumque affectum meiendi esse cupiditatem; sed in dysuria cum dolore, aut conatu laborioso urinam emitti; In stranguria vero, urinam guttatim effluere sine dolore; aut conatu laborioso; ita ut si stranguriæ dolor, aut labor accesserit, affectum esse mixtum: Ex his etiam quæ dicta sunt, præcipue ex paulo Ægine-ta, existimaverim ab antiquis, stranguriam poni sæpissime pro dysuria, etiam ab ipso Hippocrate 1. Epide. Ut colligitur ex Galeno in 2. commen. qui stranguriam quam Thasis accidisse inquit Hippocrates, urinarum vocat difficultates Interpres. Quia ut Paulo post scribit Galenus, in ipso urinarum transitu, laboriose habebant Thasii: cum autem urinæ difficultas laborio-sa, ex ipso Galeno sit dysuria, ut ipse docet in commento aphor-ismi supradicti, sequitur stranguriam Thasiorum fuisse potius dysuriam, nec urinam guttatim, aut parum, & brevibus inter-vallis effluxisse, ut sit in vera stranguria, sed qualibet vice uri-næ quantitatem notatu dignam excretam fuisse, cum multos, ut ait Hippocrates, in maximis periculis positos, liberasset stranguria illa sic vocata, quod optimæ crisis est effectus, ni-hil autem paucum criticum. Quod autem à quibusdam Neoteri-
 cis negatur; ab aliis vero affirmatur, dysuriam ab stranguria dif-ferre; quod in dysuria, expectet vesica tempus excernendi uri-nam, & aliquando plus quam par sit: Non est omnino ad li-teram accipiendum. Verum quidem est in stranguria; urinam brevibus intervallis, & guttatim emitti; in dysuria vero, non ita brevibus intervallis, nec guttatim, interdum longioribus, secundum causarum varietatem. At in dysuria, vesicam expe-ctare tempus excernendi solitum, falsum est in causis dysuriæ dolorificis, iis enim irritata natura, non expectat tempus ex-cernendi: Non quidem ut fiat stranguria, nisi causæ irritantes admodum angeantur; Sed ut certam quamdam urinæ quanti-
 tatem toleret natura, minorem tamen quam antea: Quo autem acrior evadet urina; eo brevius erit excernendi tempus, ita ut fiat interdum dysuria stranguriosa. In aliis vero causis quæ do-
 lo-

Fieri inter-
 dum dysu-
 riam stran-
 guriosam.

lorem non inferunt, ut in sensu obtuso vesicæ potest illa solum mictionis tempus expectare, & amplius. Eodem modo differendum de causis dysuriæ, quas Duretus, & Sennertus, ajunt differere secundum magis, & minus, à causis ischuriæ, quod falsum est, si de omnibus causis intelligatur: Habet quidem dysuria quasdam causas communes cum ischuria, quasdam vero cum stranguria, quæ auctæ, vel illum, vel hunc invehunt affectum. v. g. sensus obtusus vesicæ, & caruncula penis, quæ dysuriam faciunt, si augeantur fiet transitus in ischuriam; Acrimonia vero urinæ, quæ una est ex causis dysuriæ, si augeatur; stranguriam invehet, nunquam ischuriam. Multi multa scribunt Neoterici, de horum vocabulorum propria acceptione, qui si in uno conveniunt, in alio discrepant, præcipue autem ab antiquorum sententia, præter Hollerium, ut supra ostendimus: Quorum omnium, si quis diffidentes opiniones scire velit, legat N. Pisonem lib. de cognosc. morb. & curan. cap. de strang. & cap. de dysu. Legat scholium cap. de diffic. mendi Hollerii. Legat Duretum in adversariis supra Hollerium, & coac. 7. cap. xxij. Legat Sennertum lib. 2. instit. par. 3. sect. 1. cap. 4. de symptom. facul. natu. & de caus. symptom. fac. natu. sect. 2. cap. 1. ejusdem lib. & partis. Riverium lib. 8. cap. 8. prax. med. in quibus varias, & diffidentes sententias animadvertet, quas recensere non est hic locus; nimium enim, & plus quam par est, digressa est in hac re oratio nostra: Redeat igitur ad persequenda signa, quibus lapis in vesica existens detegitur, inter quæ subita, & diu perseverans dysuria cum dolore acuto, sive simplex, sive stranguriosa in fine præcipue mictionis; dicebatur unum esse ex signis præcipuis; Si enim stranguriæ *dus* jungatur quod apud Græcos, infelicitè, male, & ægre significat in compositione; cum in dysuria ægre reddatur urina, stranguria in qua ægre reddetur, non potest esse sine dysuria. Sed licet stillatim, aut parum, & brevibus intervallis, licet alio modo emittatur urina, si gravi hoc fiat cum dolore, valde suspicandum lapidem subesse in vesica, quod confirmabitur, si talis mendi difficultas diu perseveret. v. gr. per menses aliquot; quo enim magis perseveraverit, eo signum certius erit: Ulcus tamen in collo vesicæ potest

no-

Lib. 2.

Signa lapidis
vesicæ.

nobis imponere : Sed dolor non ita sævit cum lapis non adest, nisi esset maxima urinæ acrimonia, quæ remediis adhibitis potest demulceri, lapidis vero cruciatus, nullis, quia gignuntur ex irritò naturæ conatu, quam lapis urget perpetuo, ad sui expulsionem, præcipue cum urina redditur, & in fine mictionis, postquam maxima sit contentio, remanente semper lapide. Maxima urinæ acrimonia si diu perseveret, cum atroci dysuria, ancipites faciet Medici cogitationes. Si tamen cum ejusmodi dysuria, resideat in fundo matulæ, quantitas pituitæ glutinosæ non spernenda; postquam urina per diem quieverit, certissimum est lapidis argumentum. Ad hæc si frequenter mentulam petrahet ægrotus, & cum meiere incipit, sit etiam desidendi cupiditas: Si ischuria sæpe accidat cum maximo dolore, quando scilicet lapis collum vesicæ occludit, jam grandior ad exitum ineptus: In quo signo falluntur multi existimantes lapidem in vesica existere non posse, quin fiat interdum ischuria, quam in pluribus nunquam factam esse, comprobavit experientia, etiam per multos annos laborantibus: Quare æstimandæ sunt signorum vires: Quædam enim semper ad sunt, ut dysuria stranguriosa, cum atroci dolore petrinax, & quandoque ischuriosa: Quædam lapidem semper adesse significant: Sed non semper adsunt cum lapide, ut magna quantitas pituitæ, quam viscidam vocant, juncta tamen cum urinæ difficultate dolorosa, & interdum ischuriosa. Non est etiam affirmandum, lapidem subesse in vesica ex desidendi cupiditate, cum quis meit, præcipue in senibus, nisi alia signa jungantur: Sed hæc omnia magis patebunt in Enarrationibus.

P R O G N O S T I C A.

Vesicæ vitia in valde senibus, difficulter sanantur: ex Hippocrate aph. 6. sect. 6.

Calculus vesicæ sæpe detegit, inopinata urinæ difficultas.

Calculi vesicæ dolores, licet intolerabiles, diu tamen trahunt, per multos scilicet annos: fractis demum viribus, & vesica magnitudine lapidis attrita, mors sequitur ni urinæ facta suppressione maturius tollantur ægrotantes.

Calculi vesicæ tormentum, postquam quievit, repetit.

Calculi vesicæ dolores internarum hæmorrhoidum dolores repræsentant, multo tamen sunt atrociores, & frequentiores.

In quibusdam ægrotis, nunquam in calculo vesicæ fit urinæ suppressio, quæ ischuria dicitur.

Infantes calculo vesicæ frequentius tentantur quam adulti, propter ingluviem, & facilius sanantur: senes vero quo magis decrepiti, eo difficilius.

Feminæ rarius quam masculi, vesicæ calculo laborant, propter viæ brevitatem, vesica se expurgante, & menstruorum beneficio.

Lapis vesicæ morbus est hereditarius.

In viris, præcipue autem senioribus, vesicæ calculus, à renibus sæpissime principium habet, moram faciens in vesica, post nephritidem.

Ex calculo vesicæ semper impendet periculum, quocumque modo res se habuerit.

Enarrationes de quibusdam Ægrotis.

OBSERVATIO PRIMA.

Lapis vesicæ multos acerbissimos causans dolores, per annos quatuordecim, absque ulla urinæ suppressione.

Vir quidam Massiliæ, per quatuordecim annos calculo vesicæ laborans, nunquam sævissimis doloribus sedandis, remedium invenit, eo quod in solam urinæ acrimoniam, doloris causa referebatur; neque unquam venit in mentem curantium, & consultantium, toto morbi decursu, lapidem subesse in vesica, in tam diro, & pertinaci cruciatu; eo quod nunquam fieret urinæ suppressio. Tandem brevioribus intervallis repetentibus cruciatibus, & ægri rebus in pejus ruentibus, conclusum est in ultima consultatione, lapidem subesse in vesica, sed tardius; intra enim triduum mortuus est. Dissecto cadavere, inventus est calculus in vesica, lunæ cornutæ figura; superiori cornu adhærens vesicæ, paulo supra collum ipsius; Inferiori vero prope attingens, ideo ut putatum est, nunquam facta fuerat pet tot annos ischuria. Huic ægroto mucosa in urinis subsidebant, quæ effusa urina, hærebant matulæ inversæ, duorum palmorum longitudine suspensa. Cum etiam per urbem

bem incederet, vidi ambulantiem divaricatis cruribus, quod magni lapidis signum est, ut confirmabitur sequenti Enarratione.

OBSERVATIO II.

Medicus quidam hujus urbis, petens quoddam oppidum, Minvisendi ægroti causa, coactus est rediens, sæpius equo defilire, ab urinæ difficultate insolenti: Ab eo tempore eadem per intervalla torquebatur, & majori cum dolore, quo vetustior evaderet affectus. A perito Chirurgo, non autem hac in re, intromisso in vesicam instrumento, nullus est lapis inventus, licet grandior; unde in posterum, nunquam potuit adduei Medicus, se calculo laborare, sed potius ab hæmorrhoidibus, quas violenti conatus in meiando aperuerant: Cum autem ejus facies esset boni coloris, negabam hæmorrhoides causam esse eorum quæ patiebatur; oportuisset enim, ut affirmabam, quoddam ex visceribus valde esse intemperatum, ne dicam corruptum, tam brevibus intervallis, per hæmorrhoidas excernenti excrementa, diris ejusmodi cruciatibus gignendis qualitate prædita, quod cum facie boni coloris stare non poterat. Ad hoc accedebat, cruciatus fieri præcipue in mictione, & magis in fine, quod in solis hæmorrhoidibus non extitisset; accedebat etiam, quod incederet divaricatis cruribus, ut ægrotus superioris Enarrationis. Ille tamen animum obfirmabat, nullum in vesica lapidem inesse, credens Chirurgo qui non invenerat. Tandem frequentibus cruciatibus fractus obiit. Dissecto cadavere, inventus est lapis in vesica, ovi anseris quasi magnitudine; totoque morbi decursu, qui fuit sex annorum, nunquam facta est urinæ suppressio.

Lapis in vesica medici repertus post mortem, qui credebat se laborare hæmorrhoidibus.

OBSERVATIO III.

Procurator Regius hujus urbis, conquerebatur apud me, quod urinam emitteret cum dolore, ejus acrimoniam lenientibus & vitæ ratione levare conanti, affectus tamen perseverabat. Post aliquot menses, rogavit per nuntium, ut ejus domum venirem: Intravi cubiculum, accepta matula, & effusa urina, mucosæ pituitæ quantitas sequuta est non spernenda, quod cum dysuria pertinaci, & quod frequenter pudendum

Renes ambo quasi gangrena infecti, & triginta tres lapides in vesica reperti.

dum manibus pertractaret, confirmavit me in sententia, lapidem subesse in vesica; quam tamen non aperiens illi, consului ut Burdegalam se conferret, & à quodam peritissimo Chirurgo, intromissa bolide, exploraret quid subesset in vesica: Sed ob hoc unum, nisi data occasione, nolens se viæ committere, parum constans animo, exegit annum cum ejusmodi meiendi difficultate, antequam se conferret Burdegalam; in quam cum venisset, perito Lithotomo accersito, facile intromissa bolide, dysuriæ causa innotuit, dictoque die committendi se lithotomiæ, incidit in febrem continuam trium dierum, qua extinctus est. Dissecto cadavere, ambo renes velut gangrena affecti inventi sunt, nunquam tamen à renibus doluerat, nec obnoxius nephritidi fuerat. Sciens illum, honoris gratia, Senatus proceres invisisse, affirmavi in quadam Senatoris domo peste inquinata, mortiferam inspiratione auram hausisse, qua humores quidam affecti, à natura ad renes potrusi, viam excernendis excrementis paratam, ipsos corruperant, quamvis antea sanos & integros: In vesica vero triginta tres lapides inventi sunt, quorum major, nucis ponticæ magnitudinem non æquabat, erantque omnes lævissimi, & nullo modo sabulosi, in medio parum depressi lupinis similes. Iste ægrotus divaricatis cruribus non incedebat; nec à tot lapidibus unquam facta est urinæ suppressio.

OBSERVATIO IV.

Nephriticus
dolor in sexagenario,
pulvere vi-
tri curatus.

Vir quidam nobilis 60. annorum & amplius, conquerebatur apud me, se à quibusdam diebus, cum magno dolore emittere urinam; cum autem servato regimine acrimoniam demulcente, & vias urinarum expurgante, difficultas meiendi cum dolore non quiesceret; propter lapidis suspicionem, consului ut à perito Chirurgo bolide intromissa, de lapide certior fieret; erat enim egerendi cupiditas in mictione. Verum cum Chirurgus ad hoc peritus, non esset in promptu, facta est procrastinatio, donec quidam ejus domum veniens, habitu quidem monachus, nescio an re ipsa, cui affectu ab ægrotante communicato, consuluit illi, ut scyphum communem vitreum, in tenuissimum pulverem redigeret, & ʒj. pondere, cum ʒiiij. aquæ

aquæ rosarum mane jejunus hauriret, quo remedio omnino sanatus est, excretis, ut mihi ipse referebat, sordibus multis semen referentibus.

OBSERVATIO V.

Paucis post annis, cum mihi relatum esset à muliere, futuro rem esse extra urbem, nobis notum, qui ut mulier parturiens clamabat, quoties meieret: Jussi ut sibi compararet ꝑij. aquæ rosarum, cum qua hauriret ꝑj. pulveris supradicti, quem illi dono dedi; quo peracto sanatum iri affirmavi, nisi in vesica lapis subesset doloris causa; Ille tamen sutor jam senior, perfecte sanatus est, nec in posterum in meiando dolore affectus est.

Idem effectus ab eodem pulvere.

OBSERVATIO VI.

Sacerdos quidam jam senior, febre continua detentus, non tamen acuta, conquerebatur multis diebus, de ardore urinæ valde illi molesta: Misi ad illum duas doses ex vitri pulveris, cum aqua rosarum sumendus mane, tribus diebus interpositis, à prima dosi usque ad secundam, quibus multum levatus est.

Tertio cum successu idem pulvis exhibitus.

Juvenis quidam nobilis, veneri indulgens, qui & gonorrhœam passus fuerat, nec fortasse perfecte sanatus, incidit in maximum urinæ ardorem: ita ut cum maximo labore, & cruciatu, ante, & post mictionem emitteret urinam: Dolores non absimiles iis, qui calculo in vesica laborant, per intervalla recurrentes, nec balneis, nec aliis per os sumptis cedebant. Vocatus in consilium cum Medico ordinario, ejusdem eram sententiæ, propter doloris pertinaciam, & per brevissima intervalla repetentem, lapidem subesse in vesica; qui quidem dolor, extra mictionem etiam infestabat; in mictione desidenti cupiditas nulla, nec in urinis sedimenta glutinosa, de quibus supra; quod à sententia non parum avertebat amborum animum. Arcanum vitri pulverati, sorbendum cum aqua rosarum præbuimus, quod nihil profuit: unde maxima subiit animi suspicio, lapidem in vesica detineri, maximoque ita esse, certassem pignore. Tandem post aliquot dies, non ita frequentes dolorum repetitiones erant, paulatimque intra mensem

ab omni dolore liber factus est, à mense Aprili usque ad Julium, quo cepit iterum ejusmodi dolore tentari, verum non tam atroci, brevique fluxio facta est in scrotum, & testiculos cum inflammatione, quæ adhibitis remediis, nonnisi post multos dies, ad suppurationem perducta est. Tunc credidi antea similem materiam, ab eodem fonte ferri per urinas, quæ acrimonia naturam valide stimulans, lapidis symptomata repræsentabat.

De Hæmorrhoidibus.

C A P. XI.

Hæmorrhoidum fluxus multis morbis utilis.

Com. in apho. xi. sect. 6.

Hæmorrhoidum solita evacuatio suppressa, multa producit mala.

Apho. 12. sect. vi.

Certis quibusdam intervallis, & statuta, naturæ legibus, sanguinis per hæmorrhoidas excretio, pluribus in morbis præcavendis, & abigendis optanda: Ab iis insaniam solutio; Melancholicis, & renum affectibus supervenientes bonum: Non vacationis ratione solum, ut inquit Galenus; sed ipsa etiam humoris vacuandi qualitate, hujusmodi affectus hæmorrhoides sanant. Per eas cacochymia lienis, totiusque mesenterii, & cavi hepatis partium expurgatur, ex qua plurimorum morborum soboles scaturiret: Per eas è venis, & arteriis plethora omnis, è lumbis præcipue, non minus deponitur; sed tunc paucorum dierum, & cum levamine solet esse excretio: Quartana, lepra, ulcera maligna, cancer, & omnes morbi cutanei prohibentur. Pectoris mala fere omnia depelluntur, capitifque, & totius denique corporis. Sed rarum est cui recte fluant; vel enim supprimuntur, vel nimium fluunt; vel non recte, & hoc ut plurimum cum dolore, quod ceteris magis molestum est. Si solita hæmorrhoidum vacuatio, supprimatur præter naturam, graviora inferuntur mala, quam quæ antea arceri solebant; nec minus propterea, solita excretio est procuranda, quamvis hoc fiat cum dolore: viis enim, per quas solebat natura onus deponere, non expeditis, timor est ne in aliquam partem nobilem, fiat humorum excernendorum anadrome: unde monet Hippocrates, in hæmorrhoidum antiquarum curatione, unam apertam relinquendam esse, ne hydrops, aut tabes subsequatur, vel alius, vel plures ex his affectibus, quos aver-

avertere solent hæmorrhoides. Externis hæmorrhoidibus suppressis, quæ sunt, ut ajunt, plethoræ deplettrices, venæ sectionis brachii dextri, aut lateris ex quo fluere, aut tumere solebant, optime quæ à plethora impendent pericula avertet; nihil enim vetat quacumque parte solvatur, modo natura levetur onere. Postea vero si malleoli vena tundatur, ut cava per lumbos excurrans, etiam exoneretur, non erit absonum, præcipue si hac parte dolor aliquis, aut pondus sentiat, vel præcesserit. Quod si etiam turgeant hæmorrhoides, natura viam demonstrante, per quam onus deponere nititur, aperiendæ frictione ex linteo aspero, aut ex folio ficus, vel medicamento Hollerii, ex pulpa colocynthidis in oleo convenienti incocta, puta oleo amygdalarum amararum, ano alligata, quam spatio quinque horarum, hæmorrhoidas aperire scribit: Si his tamen uti non liceat propter dolorem, commodius aperiuntur sanguisugarum admotione. Interea si ex venæ cubiti apertione, sanguis corruptus effluerit, cacochymia, sicut & plethoræ habenda est ratio; purgantibus scilicet, prout extracti sanguinis color indicabit. Licet enim hæmorrhoides externæ, dicantur à Laurentio plethoræ deplettrices, quia à duabus iliatis, & ramulo venæ sacræ emanant: Internæ vero cacochymia evacuatrices, quod originem ducant à vena insigni quæ à ramo splenico, ad musculos usque ani, & intestinum rectum interius se porrigit; Non est hoc ad verbum accipiendum; Solet enim natura, utrumque vitium per quascumque vias expellere. Sua est venæ cavæ cum propaginibus cacochymia; sua est venæ portæ: Sæpius tamen plethoræ ab externis hæmorrhoidibus; cacochymia ab internis succurritur: Ideo magis timendum ab internarum suppressione, ex qua præcipue tot morbi, quos supra enumeravimus scaturire solent: Ipsæ quippe sæpe fluunt; externæ vero raro, aut nunquam, nisi aperiuntur. Magis igitur habenda est ratio internarum, cum præter naturam supprimuntur, & quocumque modo procuranda earum apertio, ut ad eas solito noxiorum humorum facto decubitu, ad alias partes, nobiles præcipue, non confluant: Hoc autem primo venæ sectione malleoli, in mediocri quantitate; deinde aliquo unguento aperiante, turundis eo illitis intromisso, ut

Lib. de mor-
bis inter.
cap. 51.

Rarius
fluunt hæ-
morrhoides
externæ.

℞. Olei

℞. Olei nucleo. persi. & lini ana ꝑ℞. succ. cæpæ, & ciclam. ana ꝑij. pulv. sterc. columb. ꝑij. butyri rec ꝑij℞. ceræ parum, fiat unguentum.

Purgatio ex
aloë pura
aperit hæ-
morrhoides.

Purgationes instituendæ ex aloe pura, in forma pilularum, à ꝑ℞. ad ꝑj.

Medicamen-
ta sistenta
nimium hæ-
morrhidum
fluxum.

Aliud extremum est, cum præter modum fluunt hæmorrhoides; unde virium dejectio, cachexia, & sæpe hydrops. Ad hoc faciendâ primum revulsio est, apertione venæ cubiti, partitis vicibus, digito per intervalla vulnere imposito; quater scilicet, in trium vel quatuor unciarum sanguinis extractione. Interea danda est dosis laudani, post triduum iterando, si opus fuerit: Postea sumendum de croco martis astringente, per aliquot dies mane, à scrup. β. ad scrup. j. cum conserva rosarum misto. Quidam utuntur syrupo corallorum, ex tinctura eorum cum succo limonum. extracta confecto; Ego vero probarem potius sal eorum, seu magisterium, cap. de flux. hepat. descriptum ab Hartmanno, in præct. chymia, quod facilis est præparationis. Si ora venarum oculis se prodant parvi pluma-ceoli pulvere suberis combusti, & mumie cooperti imponantur; tela etiam araneorum imposita sanguinem sistent: Ad hoc etiam juvabunt ligaturæ partium superiorum, cucurbitulæ hypochondriis admotæ sine scarificatione. Vitæ ratio, quæ hæmoptoicis præscribi solet. Purgationibus quotiescumque opus fuerit, præscribendæ, ut capite de dysenteria. Quidam utuntur pilulis de bedellio sæpius repetitis, de quibus quotidie sumenda ꝑ℞. aut alternis diebus, hora ante pastum; oportet enim alvum esse fluidam, ne conatu egerendi, fluxus sanguinis augeatur. Quod si per os nolit ægrotus sumere medicamenta, enematibus utendum in parva quantitate, ex decocto emolliente, quibusdam mixtis consolidantibus, ut polygonum, bursa pastoris, sanicula, &c. dissolvendo in ꝑ℞. decocti, mellis ros. ꝑij. & ꝑij℞. olei hypericonis; vel ex jure carniū pingui, in quo consolidantia decocta fuerint, vel ꝑijj. olei ros. iniciantur ex parvo syphone, ante ventris exonerationem: Quod fit etiam dolentibus hæmorrhoidibus, ne duritie excrementorum exeuntium ano dilatata augeatur, qui ex se satis urget dolor, ad quem demulcendum multa sunt in ordine remediorum alphabetico descripta; Ideo hic superfedebimus.

PRÆ-

P R O G N O S T I C A.

Melancholicis, & nephriticis, hæmorrhoides supervenientes bonum. Hipp. apho. 11. sect. 6.

Hæmorrhoides antiquas sananti, si una non servetur; periculum est, aut hydropem, aut tabem supervenire. Hippo. apho. 12. sect. 6.

Infantibus varices, aut hæmorrhoides si superveniant; infantiæ fit solutio. Hipp. apho. 21. sect. 6.

Hæmorrhoides à quadragesimo, ad sexagesimum annum, nunquam in pueris, raro juvenibus accidunt.

Ex hæmorrhoidibus ægre fluentibus, abortæ vertigines; apoplecticum quidpiam ominantur, Hipp. coac. 21. cap. 13. lib. 2.

Hæmorrhoidum commoda multa, quando nigra per eas effluunt. Duret. in coac. ex aphor. Hipp. 25. sect. 4.

Hæmorrhoides & ad plethoram deserviunt, & ad cacochymiam.

Hæmorrhoides per epigenesim abortæ, malæ; bonæ vero per metaptosim.

Hæmorrhoides apoplecticis salutares. Hipp. coac. 3. cap. 23. lib. 2.

Maniacis prope jam alienato cerebro, inutiles. Duret. in coacis.

Enarrationes de quibusdam Ægrotis.

O B S E R V A T I O P R I M A.

Vir Quidam nobilis, à longo tempore laborans hæmorrhoidibus, cum didicisset à me paratum fuisse unguentum, sedandis hæmorrhoidum doloribus præstantissimum: quod est unguentum de linaria, à Wolphio inventum, & pluribus Medicis Germaniæ communicatum, rogavit me per Chirurgum, ut parum ad ipsum mitterem, cujus petitioni libenter concessi, maximumque ab unguento levamen accepit; aliquid tamen remanebat, ad perfectam curationem adipiscendam, quod à Chirurgo ordinario ignorabatur: summo enim ex podice parte in-

Hæmorrhoidum dolor, & ani fistula sanati.

teriori, aliquid foetens semper exudabat. Altero Chirurgo in consilium adhibito, animadversum est parvulum foramen, capitis aciculæ tantum patiens, in quod introducta acicula, paulo superius apparuit: ex quo parvam fistulam esse conclusum est, quam fæces intrantes, cum ventris fieret egestio, fovebant: Itaque cum unum foramen ab alio non multum distaret, statutum est filo traducto, spacium illud, ejus sensim facta constrictione abscindere, sine læsionis spincteris timore, quo peracto sanata est fistula & ægrotus quoque.

OBSERVATIO II.

Dolor Hæ-
morrhoidum
sedatus un-
guento de
linaria.

Quidam Medicus Massiliensis, fratrem conjugis curans ab hæmorrhoidibus, non inveniens anodynum, audita vi prædicti unguenti in doloribus hæmorrhoidum demulcendis, rogavit unum ex consanguineis, ut tantillum à me peteret; cujus applicatione maxime levatus est, sicut & omnes qui in posterum usi sunt. Hoc unguentum semper apud me servatur, sine ovi vitello; de quo, recenti ex ovo extracto, tantum impono applicationis tempore, quantum unguenti quantitas requirit. Nunquam rerum usu simile inveni anodynum, in externarum hæmorrhoidum dolore sedando, licet variis usus fuerim, quæ habentur descripta, sicut & hoc unguentum de linaria, in ordine remediorum alphabetico.

OBSERVATIO III.

Idem effe-
ctus ab un-
guento quo-
dam pomatæ.

Quidam Episcopus, atroci hæmorrhoidum dolore afflictus, non inveniens anodynum; speciem quamdam pomatæ à Chirurgo accepit, ex cujus applicatione tantum levamen percepit, ut in gratiam beneficii accepti, decem nummos aureos illi dederit; ut retulit mihi vir quidam religiosus, mihi familiaris, dato anodyno talis descriptionis, quam in gratiam laborantium communicare volui.

℞. Butyr. rec. in vino albo cocti q. s. sevi ex semicandela aquæ rosa. ℥ij. pomi raspati, omnibus invicem. coctis in aqua rosarum fiat pomata colata. v. ordinem alphabe.

De Mensibus retentis.

CAPUT XII.

Præter bonum propagationis individui, commoda quæ diximus evenire, ex hæmorrhoidibus, recte fluentibus, eadem prorsus à mensibus, naturæ lege quolibet mense erumpentibus, accidere fatendum est: Hoc sciunt Medici, & mulieres quotidie experiuntur; sicut & contrarium, ab eorum suppressione præter naturam, quæ quo magis corpus plethoricum, & cacochymum extiterit, eo graviora inferet symptomata. Cum autem menstruæ purgationis duæ sint causæ; una corporibus indita mulierum à natura: quæ est præcipue, movens sanguinem quolibet mense, sive multum, sive paucum, ad ejusmodi excretionem, propter bonum universi, generationem scilicet, quæ non fieret defectu conceptionis, ad quam menses, aut sanguinis ad matricem, omnino necessarius est: Altera est ex occasione, nempe sanguinis abundantia in mulieribus, propter earum constitutionem viris frigidiorē; unde minor in illis dissipatio, & succorum alibilium major redundantia, & occasio mensium, multum, aut minus fluentim, pro sanguinis tenuitate, aut crassitudine, & plenitudinis varietate, quibus si comes fuerit cacochymia, cum labore, ut plurimum, fit menstrua purgatio: Unde symptomatum varietas à suppressis mensibus, deducitur à varietate plenitudinis, & cacochymia; multo autem plura à cacochymia, quæ tum vulgaris est, tum malignæ alicujus qualitatis particeps. Quare etiam si nulla ratio conceptionis esset habenda, ut in viduis, & virginibus, quæ hac purgatione indigent; Propter tamen impendentia plenitudinis, & cacochymia, cum adsunt, mala, procuranda mensium eruptio, iis quarum natura hoc requirit: in aliis vero minime, quæ scilicet à suppressis mensibus non male habent, ut quædam mulieres, quæ etiam si viro junctæ, toto tamen vitæ decursu optima, ut aliæ mulieres, fruuntur valetudine, sine mensium beneficio, quia à natura ad talem purgationem omnino sunt ineptæ, sicut & ad conceptionem, licet quædam mulieres, ut

Commoda, quæ feminis eveniunt, mensibus, statò tempore fluentibus.

Nonnullis feminis nunquam fluunt menses, absque earum incommodo,

quidam referunt, multoties conceperint sine ulla unquam mensium apparitione: In quibusdam etiam virginibus, non est laborandum in mensium provocatione, cum bene valent, licet jam viro maturis, quia nondum tempus præfinitum mensium eruptioni advenit: Neque in mulieribus à longo morbo ægre convalescentibus, quæ per aliquot menses non purgantur, nullo in partibus huic excretioni dicatis, existente impedimento, donec corpus vires omnino receperit, & ad partium nutrimentum, & ad mensium purgationem, satis fiat sanguinis. His omnibus ad menses provocandas, non sunt adhibenda remedia, nisi nuptis ratione conceptionis hoc fiat. Quibus vero præter naturam menses supprimuntur, hæ semper male habent; horroribus corripiuntur, & febribus, faciei color non bonus, cibum non appetunt, urinæ crassescunt, cor palpitat, lac quandoque habent in mammis, ex Hippocrate, gravitas toto corpore molestat, lumborum, & tibiæ dolorum, & interdum aliarum partium: Ex quibus omnibus vel præsentibus, vel absentibus, debet etiam constare Medico, de suppressione mensium ab uteri gestatione, quæ omnium maximi est momenti, ne curatio vertatur postea in medentis dedecus, & in perniciem fœtus, deplorandam, cum mortuus in lucem editur, quod Deus avertat. Vidimus tamen Medicos non parvi nominis, diu, & multum colluctatos, in provocandis menstruis, donec motus infantis in utero remedium finem faceret. Quapropter solers debet esse Medicus, & prudens, in suppressionis mensium causis investigandis; in iis præcipue, quæ utero gerunt innuptæ, quia de industria imponunt Medicis, ut abortus subsequatur. Ad hoc multa scripsit Hippocrates. Aphor. 61. sect. 5. ait quod si purgationes non prodeant, mulier vero neque horrore, neque febre corripiatur, & cibi fastidia adsint, eam uterum gestare existimandum. Apho. 41. ejusdem sect. consulit scire volenti, an mulier conceperit, mulierem dormituræ propinandam, quod si tormina patiatur circa ventrem, concepisse; sin minus, minime. Sed si huic aphorismo fides adhiberetur: non solum apud Medicos, constaret de gestatione uteri: sed etiam apud mulierculas, hac de re valde sollicitas. Magis fidendum signis ab oculorum inspectione

Symptoma-
ra, quibus
affici solent
feminæ,
quorum
menstrua
purgatio
non rite pro-
cedit.
Aphor. 39.
sect. 5.

ne sumptis, de quibus Hippocrates lib. de superfoetat. Prægnantem, inquit, mulierem, si aliter non cognoscas, oculi tracti, & caviore sunt, & candidum oculorum albedinis naturam non habet, sed lividius existit. Hoc ultimo signo, consanguinea uxoris meæ agnovit primam ejus graviditatem; eminentes tamen oculi, & cavi non sunt nisi procedente uteri gestatione: Quod si hæc accidunt cum facie macilenta, & boni coloris, cum oculis fixis, ut aiunt, certissimum est graviditatis signum. Quod si Medicus hæc scire non possit, consulat parentes; & vicinas, quæ prægnantis putatæ mulieris consuetudine utuntur. Quomodo autem agnoverim, prægnantes mulieres ægotantes ex uteri gestatione, dicetur in Enarrationibus. Interea quibusdam causis suppressionis mensium allatis, ad alias veniendum; quarum prima quæ occurrit, quæque in mulieribus venit consideranda, quibus nunquam menses prodierunt, anno ætatis vigesimo transacto; vitium est conformationis partium, ad uterum pertinentium, de quo non cogitandum, nisi multis auxiliis frustra tentatis: Adde quod non nisi à perito Chirurgo, eorum aliquod agnosci potest, durumque sit mulieribus, has partes visui exponere: Cum hæc etiam rara sint, ad ea de quibus ut plurimum nobis constat, ut est intemperies præcipue frigida, quæ sanguinem crassiorem reddit, partes constringit, obstructions parit, & partium facultates debilitat. Gignitur potissimum hæc intemperies, à mora in locis frigidis, sessione supra herbam virentem, mansione in aqua frigida; hæc autem præcipue cum fluunt menses: Ad hæc longa mœstitia, & peccata in victu, à quibus fit sanguis crassus, aut foedi virginum colores oriuntur; de quibus omnibus fusissime apud Authores. Eorum igitur omnium habitatione, victuque aperiante præscripto, incipienda cura ab aliquo purgante, quod minorativum vocant, nisi urgeret plethora, quæ ab injecto enemate, venæ sectionem postularet, ante medicamenti exhibitionem: Quibus adimpletis, ad usum apozematum aperiendum, & menses moventium veniendum, ut.

℞. Rad. valer. eryng. & erythrod. ana ꝑ℥. folior. arthem. puleg. cusc. borrag. ana m℥. flor. borrag. & calend. ana ꝑj. sem. petros. & dauci, ana ʒj. fiat ex his decoctio. Acc. ꝑ℥iij. fyr.

X x 3

Vitium conformationis partium, interdum est causa mensium suppressionis.

Varia formulae medicamentorum ad suppressionem menses.

de arthem. ꝑij. succi limon. vitriolo chalybis imprægnati, ut infra dicetur ꝑij. aut iij. fiat apozema, capiat mane, & quatuor consecutis diebus.

Vel ex prædicta decoctione apozematis cum syrupo de arthemisia loco sacchari fiat syrupus perfecte coctus, ut ille ex quo fit saccharum rosaceum, qui postea succo prædicto in debitam consistentiam reducatur; quod Gallice est *decuire*. Ex hoc syrupo capiat ex coleari mane iujuna ꝑij. per aliquot dies.

Vel ex hoc Syrupo, chalybis vitriolo imprægnato, cum trochiscis & myrrha fiat opiata, de qua capiat mane per aliquot dies ad parvæ castaneæ magnitudinem, superbibendo parum vini albi oligophori.

Modus imprægnationi succi limonum à chalybis vitriolo, talis est.

℞. Chalybis præp. cum duplo sulph. calcinando in crucibulo, ut artis est, pone in vase vitreo, superinijce succum limonum recentem si haberi possit, ita ut digito supermineat, stent in sole, aut loco calido, per 24. horas, movendo per intervalla, & coletur ad usum dictum.

Intera purgandum corpus per intervalla, quodam pharmaco specifico, ut est vinum hystericum purgans Hartmanni, cap. de hyste. passione descriptum. Aliquando, prout deprecantur ægrotantes purgantis speciem; utor pulvere cornachini, vel in forma pilularum, vel in juscule carniū dissoluto, in quo arthemisia coxerit, vel in forma morsuli, cum syrupo de arthemisia formati. Horum omnium loco, utor fere semper curatione, per pulverem cachecticum facta, cujus utendi modus docetur cap. de cachectia. Exacto utendi tempore, jubeo balnea parari in hunc modum.

℞. Ligni junip. minutim incisi ꝑꝑ. rad. valer. erythrod. petrosel. ana ꝑij. folior. malv. alth. mercur. arthem. puleg. matricar. nepet. orig. rutæ ana mij. flor. chamæm. mj. flor. genist. borra. ana mß. summit. sabinae mß. sem. dauci ꝑij. bacc. lau. & junip. ana ꝑꝑ. fiat ex his balneum, in quod mane ingreditur calidum tribus diebus continuis, venam malleoli dextri tundendo ad ꝑvj. tantum, post primum balneum; reiterando ex pede sinistro, si menstrua non fluant, in eadem quantitate; non est

est enim multum sanguinis detrahendum, in hac curandi methodo, ut fere fit, quia ejus quantitas in aqua, non facile apprehenditur. Quod si multum sanguinis detraxeris, & extra vires, reliquum in corpore retinebitur ad corporis nutritionem, parumque aut fluent menses, aut nullo modo. Quod etiam accidet, si in horum omnium admistratione, idoneum tempus non observetur, saltem in aliquibus. Tempestas quidem maxime propria, veris est principium, tunc enim sanguis movetur ad exteriora; verum si necessitas urgeat, non procrastinandum. Tempus quod est omnino in provocandis mensibus observandum, illud est in quo natura se accingit ad talem excretionem, ante quam nostris remediis omnino paratam, eam invenire oportet, venæ sectionibus brachii faciendis, cum purgationibus aperientibus jam dictis: Cum vero tempus eruptionis mensium appropinquat, balneis utendum, venæ sectionibus saphenæ, & quæ maxime valent ad ciendos menses, quorum multa sunt descripta in ordine remediorum alphabetico. Quod si non constet de tempore, quo sunt fluxuri menses, quia vel nunquam fluxerunt, vel inordinata prodierunt; spreto versiculo, cui raro fides adhibenda.

Luna vetus veteres; Juvenes nova luna repurgat.

Sciscitandum ab ægrotantibus, aut parentibus, utrum statutis quibusdam mensis diebus, pejus habere soleat, lumborum, ventris, pectinis dolorem sentiens; gravitatem circa renes, aut ardorem percipiens; crurum quoque & tibiæ gravitatem; difficultatem anhelitus; hypochondriorum tensionem; gravitatem etiam, & capitis dolorem: Quæ omnia, aut quædam saltem solet, natura edere, circa tempus eruptionis mensium, præcipue cum ægre fluunt, aut supprimuntur; cujus motus studiosè intueri oportet, in morbis curandis, ut simul cum ea agentibus, res nobis optime cedant. Cum igitur in muliere curanda à mensuum suppressione, statuto quodam mensis tempore, supradicta quædam fiunt; oportet ante illud tempus, remedia omnia adhibita esse, nisi forte balneum, & quædam malleoli venæ sectio, in mediocri quantitate, quia sit tantum ratione motus sanguinis, ad partes inferiores; non autem ratione vacuationis.

Idoneum
tempus venæ
sectionis ob-
servandum
ad provocan-
da menstrua.

P R O G N O S T I C A.

Si mulieri purgationes non prodeant, neque horrore, neque febre superveniente, cibi fastidia accendant, prægnantem esse putato. Hippocr. apho. 61. sect. v.

Si mulier nec prægnans, nec puerpera, lac habet, ei menstrua defecerunt. Hippocr. apho. 39. sect. v.

Muliebribus cohibitis veniunt epilepsiæ, ventris profluvia longa, nonnullis hæmorrhoides. Hipp. coac. 10. lib. 3. tract. 9. de morb. mulie.

Suppressionem mensium gravius ferunt steriles, quam illæ quæ jam pepererunt; quia, vide Hippocr. lib. 1. de morb. mulie.

Mulier quæ non peperit, gravius, & citius ægrotat à mensibus. Ibid.

Sex mensium suppressio incurabilis est Hippocrati. Ibid.

Mensibus deficientibus, sanguis è naribus fluens bonum. Hipp. apho. 33. sect. 5.

Suppressis mensibus accidunt ab utero morbi. Hipp. apho. 57. sect. 5.

A suppressis mensibus, insania, melancholia, hydrops, pthysis, vomitus sanguinis.

A suppressis mensibus eadem accidere solent, quæ à suppressis hæmorrhoidibus.

Enarrationes de quibusdam Ægrotis.

O B S E R V A T I O P R I M A.

Mulier menstruis suppressis laborans, curata pulvere cæcethico.

Mulier quædam discedens in partiam mariti, circa finem Septembris, toto autumno, & hyeme bene habuit; vere autem, æstate, non assueta regioni calidæ, fere semper febribus correpta ægrotavit; ita ut in natale solum se recipere cogeretur: In quo tamen ex reliquiis præteritorum morborum, & moerore ab absentibus, marito, & liberis, iterum ægrotans, venter maxime intumuit hydropicorum more, cum omnimoda mensium suppressione, ingenti spiritus angustia, faciei pallore, inappetentia, & quadam febris specie. Ab amicis

cis vocatus ut illi opem ferrem, inveni meliuscule habentem; sumptis enim quibusdam purgationibus à Medico loci præscriptis, moles ventris multum recesserat: ceteris de quibus supra remanentibus; præcipue spirandi difficultate, qua etsi lento gradu incederet, cogeatur per intervalla supina jacere, in locis potissimum acclivibus. Totum curationis scopum, in provocandis mensibus positum existimavimus, nullamque de hydrope suspicionem habendam; licet remedium quo uti volebam, utrumque affectum respiceret. Præscripsi itaque usum pulveris cachectici per viginti dies, ter purgato corpore, ante, in medio, & fine, ut docetur cap. de cachex. Quo pulveris usu, ante præfinitium tempus erumpentibus menstruis, aliis non fuit opus auxiliis, quæ in subsidium venire solent, ut sunt balneum, venæ sectiones molleoli, & alia quædam, paulatimque, & brevi perfectæ sanitati est restituta. Qua methodo multas alias mulieres sanavimus.

OBSERVATIO II.

Maffiliæ quædam sancti Benedicti ordinis sodalis, virgo 25. annorum, brevibus intervallis repente spirandi difficultate laborans, tanquam causa existente in pulmonibus, à Medico Cœnobii ordinario curabatur: Cum autem eo absente, vocatus essem in Cœnobium pro alio ægrotante, rogaverunt sorores ut eam inviserem; omnibusque rite perpensis, nullam scilicet esse tussim, nullum sputum, spirandique difficultatem esse per breviora intervalla, & parvæ interdum durationis, affirmavi dyspnœam illam, speciem esse suffocationis matricis, cujus curam in provocandis mensibus suppressis positam esse: usuque decocti splenis bovis, in pharmacopœa restituta Quercetani, cap. 6. decoct. descripti, erumpentibus menstruis, sanata est à spirandi difficultate. Vide Enarrationes cap. de cachectia.

Spirandi difficultas, a mensibus retentis,

De nimio ab utero sanguinis profluvio.

CAPUT XIII.

Nimium
sanguinis
profluvium
multorum
malorum
origo.

Quidquid naturæ modum excedit, licet in principio bonum extiterit, perseverantia fit vitiosum : ut sunt multæ naturæ excretiones, quæ ipsa duce incipientes, nimia tamen diuturnitate, res ægrotantis in discrimen adducunt : Ex hoc genere est sanguinis profluvium ab utero, de quo nunc agimus; sive ex mensibus inordinatis, sive à partu, sive ex abortu accedat, in quibus moderatus sanguinis fluxus, à gravibus morbis mulieres vindicat : sicut inordinatus fons est, & origo quorundam, nisi prius vitam cum sanguine fundant : Longe enim major est numerus morborum, & symptomatum, quæ à mensium suppressione efficiuntur, quam quæ ab eorum profusione generantur, ex qua qui fiunt morbi, non sunt ab utero, ut illi qui fiunt à suppressione, ut docent Hippocrates apho. 57. sect. 5. & Galenus in commentario : Cujus doctrinæ semper rationem habui, in morbis mulierum curandis, nunquam utero causam eorum referens, nisi aut suppressis mensibus, aut ut par est non fluentibus : Ex nimium vero abundantibus, morbi simpliciter eveniunt, ut ex larga narium, aut alterius partis hæmorrhagia solet accidere, caloris scilicet naturalis refrigeratio, virium imbecillitas, cachexia, & hydrops : Quæ ut avertantur, causa profluvii prius cognita, cuique sua cura adhibenda. Galenus ubi supra, quasdam enumerat nimii profluvii causas ab utero. Prima est venarum ad uterum pertinentium, ora nimium patentia. Deinde sanguis tenuior, aut calidior. Postero cachexia in sanguine, corpus gravans, ex qua natura per venas uteri, se exonerare nititur. Aliæ causæ describuntur ab Authoribus ; In cap. de sput. sangui. nempe quæ vasa aperiunt, exedunt, aut disrumpunt, inter quæ est magna plethora, mulieribus præcipue, quibus à longo tempore menses non fluxerunt : Causæ etiam externæ, casus, ictus, violenti animi motus; quibus particulares adduntur, ut partus laboriosus, abortus, coitus frequentior, & ulcera : Quarum quo

Varie causæ
hæmorrhagiæ uteri.

quo major erit concursus, eo fluxus sanguinis immoderior, atque pertinacior. Si tantum itaque à plenitudine fluxus existat, in principio fit cum levamine, licet nimio postea fluxu vires afficiantur. Si à partu laborioso, aut abortu, nimium sanguinis effundatur, ora venarum nimium patent, aut earum quædam facta est insanabilis dilaceratio, quæ interdum præcipitem affert mortem. Aliæ causæ, ex ardore, aut dolore, & colore sanguinis in linteis patebunt, sicut & cacochymia, aut alia sanguinis qualitas, ex venæ sectione. His rite perpensis ad curationem veniendum; Primum debita vitæ ratione præscripta, imperando quietem; habitationem in locis frigidiusculis, si sit ætas; abstinentiam ab acribus, calidis, & falsis, & ab omnibus animi motibus violentis. Somnus sit consueto longior, nulla venus, frugaliter vivat, rebusque astringentibus, & sanguinem temperantibus, & incrassantibus: Aliis deinde Medicinæ universalibus auxiliis, immodici profluvii causa est oppugnanda. Quæ si sit plethora, quandiu vires ferunt, victus rationi, & naturæ, totum negotium est committendum; Si autem modus excedatur, naturæ motus compescendus, venæ sectione brachiorum pro viribus, cucurbitarum applicatione juxta mammas, sine scarificatione, ligaturis dolorificis extremitatum superiorum, pharmacisque dicendis in Enarrationibus. Si ora venarum nimium pateant, præmissis revulsivis, astringentibus, & consolidantibus, utendum per os sumptis, & in vulvam immisiss, pectinique, & lumbis admotis, de quibus in enarrationibus. Si sit aliqua cacochymia in sanguine, quam natura per venas uteri nititur expurgare, non statim confugiendum ad ea, quæ sanguinis fluxum cohibent, nisi esset virium jactura: Sed cacochymia corrigenda partim venæ sectione, partim purgatione, ex apozematibus sanguinem purificantibus. Si sanguinis fervor adsit, venæ sectione temperandus, & victu idoneo; jusculis præcipue ex herbis hepaticis, & refrigerantibus cum sale prunellæ. Si acrimonia sanguinis, fluxus causa existat, quæ ex ardore, & dolore partium per quas fertur agnoscitur; victu magis quam venæ sectione corrigenda, usu præcipue feri lactis cum saccharo rosaceo, quod calidum sumere jubeo, iis quæ imbecillæ sunt

Curatio hæ-
morrhagiæ
uteri,

Quibus me-
diis pera-
genda, si
adsit Cacho-
chymia.

stomacho, sicut & aliis; venæ tamen sectione, revulsione gratia non interdendum. Si tenuitas sanguinis juncta calori, incrassantibus utendum, & refrigerantibus, venæ etiam sectione, parvo foramine facto. Si sanguinis tenuitati jungatur frigiditas, unde sanguis fit aquosus, coctio viscerum roboranda, incrassantibus etiam utendum, & venæ sectione in parva quantitate, ad revellendum; & in omnibus causis, sanguinem fistentibus, de quibus multa in Enarrationibus, & ordine remedium alphabetico. Si tandem ulcus sit causa profluvii, quod ex dolore perpetuo, & ex sanie mixta sanguini, aut pura, agnoscitur potest, venæ sectio fieri potest revulsione gratia; omnibus tamen præcipue palmam præripiunt vulnerariæ potiones, & injectiones, de quibus cap. de dysente. miscendo cum potionibus aliquid ducens ad partem affectam, ut est arthemisia: Si autem dolor ab ulcere valde urget, utendum injectione descripta in ordine remedium alphabetico, titu. Ad matricis ulcera.

P R O G N O S T I C A.

Mensibus abundantibus morbi eveniunt: & subsidentibus accidunt ab utero morbi. Hippo. apho. 57. sect. 5.

Mulier mensis si velis sistere, cucurbitulam quam maximam ad mammas appone. Hippo. apho. 50. sect. 5.

Si mulieri prægnanti purgationes prodeant, impossibile est foetum bene valere. Hippo. apho. 60. sect. 5.

In fluxu muliebri convulsio, & animi deliquium, malum. Hippo. apho. 56. sect. 5.

Multo sanguine fluente, singultus, aut convulsio superveniens, malum. Hippo. apho. 3. sect. 5.

Menstruiis nimium fluentibus, retrahendis, sanguinis vomitus prodest.

Profluvia sanguinis immodica, periculosa ex abortu, quam à partu.

Profluvium mensium immodicum, animi deliquium minatur, syncopen & mortem.

Ex nimio sanguinis profluvio ab utero, cachexia, & hydrops.

Sanguinis profluvia ab utero diururna; licet parum sanguinis effundatur, non vacant periculo.

Immodica sanguis profluvia ab uteri ulcere, non curantur, aut difficulter.

A mensibus nimium fluentibus, eadem pericula quæ ab aliis hæmorrhagiis immodicis.

Enarrationes de quibusdam Ægrotis.

OBSERVATIO PRIMA.

Mulier quædam Massiliæ, cum illi caput derepente, à causa interna concussum esset: Secundum doctrinam Hippocratis in coac. & prorrh. incidit subito in maximum ab utero sanguinis profluvium. Cum autem alicujus consilio, lumbis, & pectini, essent admotæ araneorum telæ, in sartagine cum aceto acerrimo frictæ, in modum cataplasmatidis calidæ; statim qui affatim sanguis erumpebat, pedetentim fluente, ut mihi ipsa retulit mulier, à præsentis periculo est liberata. Quod adhuc juveni, mihi alta mente repositum est.

Hæmorrhagia uteri, admotis araneorum telis pectini & lumbis sanata.

OBSERVATIO II.

Mulier quædam Massiliæ, celebris Causidici uxor, cum tempus, & ætas, appropinquaret cessationis mensium, frequenter, & inordinate, abundanti sanguinis fluxu ab utero corripiebatur: Quod multis aliis mulieribus, circa idem tempus accidisse vidimus: sitque in ore muliercularum, cum tunc temporis sit mensium inordinatio, eorum cessationem adesse. Unde autem hoc accideret, quod ante cessationem mensium omnimodam, fieret in senescentibus mulieribus fluxus inordinatus, & quandoque periculosus, prorsus ignorabam: Nunc vero hoc scribens attentiorique animo perpendens, existimo hoc tempore, fieri mensium inordinationem, ex usu remisso, qui non ita urget, ut antea solebat, causis senescentibus, quæ quod una vice factum esset, pluribus efficiunt. Cum sæpius autem, & plus quam par est hoc tempore fluunt menses; hoc non accidit, quod terminus cessationis instet: fieret enim omnibus mulieribus; sed quod tunc temporis, subest in venis ca-

Hæmorrhagia uteri, instante ob ætatem, cessatione fluxus mensium.

cochymia quædam, quam natura expurgare conatur per venas uteri: sicut & humorem acrem sanguini permixtum: Dicitur enim fluxum sanguinis ab irritatione expultricis, quantitate minus peccare, quam à debilitate retentricis; magis tamen esse inordinatum, propter irritantem acrimoniam, quæ semper ad excretionem stimulat. Quod si irritatio expultricis, & debilitas retentricis simul concurrant, necesse est profluvium esse inordinatum, & modum excedere, ut fortasse in hac muliere, cui erumpente ex improvise sanguine, præter modum, & non statuto tempore, venam cubiti dextri, statim secandam jussi, secundum vires extracto sanguine, cucurbitulis postea juxta mammas impositis, sequentem deinde potionem hauriendam dedimus.

℞. Aquæ plant. ℥iiij. philon. persi. ʒj. salis prun. ʒß. syru. cydo. ʒj. fiat potio.

Telis etiam aranearum, modo supradicto usi sumus, quibus restrictus est sanguis: Quoties autem iterum erumperet, ad eadem confugiebam remedia, nisi cum fieret venæ sectio ex brachio, cujus quantitas erat tantum ℥iiij. digito qualibet uncia extracta, foramini imposito, tanto tempore, quantum insumitur in recitanda salutatione Angelica; sic enim magna fit revulsio, nulla aut parva virium jactura: gestanti deinde emplastrum contra rupturam supra lumbos, omnino sanguis restitit: Propter tamen calorem, æstivo tempore melius est partem sæpius inungere unguento comitissæ.

OBSERVATIO III.

Hæmorrhagia uteri dosi Laudani fanata.

Nobilis quædam virgo jam ætate provecta, 35. annorum scilicet, nescio quibus de causis, incidit in immodicum ab utero sanguinis profluvium; Quamobrem rogavit per nuncium, ut in oppidum in quo habitabat venirem, quod libenter præstiti, gestans ut mandatum erat, aliquid sanguini restringendo idoneum, quod erat laudanum hoc modo paratum.

℞. Masti. carab. ana gr. vj. arthem. croc. ana gr. iiij. opii præp. ut sæpius dictum, gr. j. cum syrupo cydonio. fiat morsulus, devorandus hora somni: Quod si sanguis non restringatur, alius morsulus postero die devoretur, nisi ex primo multum fo-

sopiat, quo ita se habente, dies integer interiiciatur: Quibus observatis, & revellentibus quæ præcesserant, sanata est.

OBSERVATIO IV.

Mulier quædam nobilis prægnans, nimio conatu egerendi laborum passa, ex nimio sanguinis profluvio, versabatur in maximo periculo, non habens adiutorem; quippe rure habitans, & de nocte. Sciens maritus in propinquum me venisse castellum, misit servum, nulla temporis nocturni habita ratione, quippe res urgebat, ut quamprimum lecta epistola, è lecto surgerem domum suam venturus, quam ingressus, & de rei eventu certior factus, hærebam dubius, remotus à Chirurgis, & Pharmacopœis de nocte, & valde urgente necessitate. Inter hæc venit statim in mentem, auxilium de telis araneorum, magnæ earum quantitate collecta, & in sartagine, cum aceto frixa, pectini, & lumbis imponendas, calide imperavi, cujus applicatione pedetentim restitit sanguis, totaque nocte reliqua dormivit ægrotans, nullo alio indigens remedio expergefacta, mirantibus omnibus, quomodo in hujusmodi rerum concursu, nocte intempesta, & carens pharmacis, ex re futili invenissem remedium.

Hæmorrhagia ex abortu sanata telis araneorum.

OBSERVATIO V.

Felici hujus rei eventu, data est mihi ansa utendi eodem auxilio, in quodam juvene, quem hæmorrhagia critica, in maximum vitæ discrimen adduxerat, jacebat quippe mortuo similis, sine pulsu, cum frigidis extremitatibus: Quod autem mihi magis metum augebat, unum erat; Pharmacopœum scilicet, hoc ipso die, medicamentum purgans propinasse, numerantem morbi principium, ab hora decubitus, quæ fuerat vespertinis horis; quod quidem potius numerandum erat, ab hora qua febris invaserat cum horrore, quæ matutinis horis fuerat: Credebat itaque Pharmacopœus, se satis habere temporis à summo mane, usque ad vespem, ut purgantis actio perficeretur, & omnes essent absolutæ dejectiones, propinavit pharmacum summo mane, quod naturæ motum non potuit avertere; hora enim qua morbus inceperat cum horrore, eodem quinto die facta est crisis per hæmorrhagiam, fluente alvo, & naso: Perturbatus

Hæmorrhagia critica narium iisdem telis sanata. Vid. coac. 1. cap. 13. lib. 2.

Phar-

Pharmacopœus, quidquid valebat excogitare exhibebat; hæmorrhagiæ tamen perseverantia, & signis supradictis exterritus, accersendum me jussit circa horam tertiam vespertinam. Intrans in cubiculum, visa sanguinis excreti stupenda quantitate, & reliquis signis, de quibus supra, jussi statim remedium ex telis araneorum parari, supra nares, & frontem applicandum, quod expectationem meam non fefellit; sanguis enim paulo post omnino restitit, & ab inferis quasi revocatus adolescens, evasis periculum.

OBSERVATIO VI.

Inordinatus
mensium
fluxus tribus
Laudani
dosibus sa-
pius.

Uxor cujusdam civis ex præcipuis hujus urbis, à sexto partu incidit in immodicum, & inordinatum menstruæ purgationis profluvium, in pejus ruens, quoties menses revertebantur; ita ut procedente tempore, fieret pluris quotidie sanguinis eruptio, per multos dies, cum semel incepisset; Interdum unius diei, aut plurium fiebat intermissio, deinde revertebatur profluvium. Cum vero spes erat remedia aliquid profuisse, solito menstruæ purgationis tempore adveniente, in peiori statu res esse videbantur, & de salute conclamatum. Sic per quatuor menses, & amplius, conflictatum est, stante semper natura, & morbo. Desperatis rebus adhibitus sum in consilium, in quo præter communia auxilia quæ allata sunt, tria proposui; remedium ex telis araneorum; crocum martis astringentem; & laudanum suprascriptum, cum usu jusculorum sanguinem sistentium, & hujus fervorem temperantium, levi præmissa purgatione, & in rem præsentem idonea. Cumque Medicus ordinarius ultro ab invisenda ægrotante desisset, illam quasi depositam, curandam me suscipere oportuit. Tunc accuratius res omnes perpendens, visa mihi est fluxio à capite fieri, sanguinis movens profluvium, quoties ad lumbos perveniret, natura per venas uteri humorem gravantem expurgare conanti: Hanc avertere fluxionem tentavimus, parvis venæ sectionibus, & ad sanguinis minuendam putredinem, quæ maxima erat; tentavimus etiam avertere levibus purgationibus: Imponendum quoque jussi scapulis vesicatorium, quod propter intolerabilem urinæ ardorem, mutavimus in pyroticum supra futuram coronalem, qua parte sagittalem attingit, eo quod frigus in tota hac regio-

regione sentiret, de quo in posterum fluente fonticulo, non conquerebatur: Præter cetera in vitæ regimine præscripta, prævalebat caro bubula in jusculis, quæ sanguinem multum incrassat: vinum rubellum virium ratione concedebatur, parum astringens, & valde dilutum aqua, in qua nodulus mastiches incoquebatur; aqua enim ferrata, ora venarum aperit, imo ventrem movet ex Germani cujusdam sententia, cui Riverius assentit cap. de diarrhœa, & dysent. Purgationes, quia ægrotans genera quædam purgantium deprecabatur nisi in forma pilularum concinnata, fuere omnes ex mercurio dulci feliciter exhibitæ, ex gr. x: tantum cum duobus scammonii sulphurati, roboratis, & in formam pilularum, cum guttula syrupi concinnatis; facile enim cedebat purgantibus ægrotans, ideo alia timebam, quibus oportet uti, cum in forma pilularum utendum est. Sanguinis profluvio urgente, usus sum telis araneorum modo jam dicto, quæ non ita feliciter ut alias sunt usurpatæ; præscripsi quoque crocum martis astringentem, tribus consecutis diebus mane sumendum, quantitate scrup. j. qualibet vice, cum conserva rosarum in formam pilularum concinnatum. Præterea jussi, ut pluribus diebus mane uteretur jusculis hepaticis & refrigerantibus, immixtis quibusdam sanguinem sistentibus hunc in modum.

℞. Folior lactu. portul. endiv. cichor. hepat. scabio. oxalidis, ana mj. centin. bur. pastor. plantag. millefol. ana mß. decoquantur in jusculo carniū bubularum semiconfecto, in colat. ℥vj. dissol. salis prunellæ ʒß.

Post hæc, fluente iterum sanguine, præscripsi dosim laudani supra scripti, hora somni sumendam, quæ sanguinem compefcuit, dormiente tota nocte ægrotante: Interea multa, & infinita proponebantur remedia; quisque enim ægram invisebat, Medici, ut mos est, sibi partes assumens, quorum quibusdam uti permittebam. Tandem erumpente iterum sanguine, præscripsi tres doses laudani prædicti, hora somni sumendas; duas quidem duabus consecutis noctibus; tertiam vero, duabus interjectis, aut una tantum, prout expediret; quibus profluvium omnino cohibitum est, mansitque ægra per mensem integrum, reparandis viribus indulgens. Mense exacto quasi menstrua

purgatione redeunte, iterum fluxit sanguis, satis tamen moderate, non autem sine timore ægrotantis, à qua sæpissime rogabar, quid sentirem, illi ingenue respondi nulla me velle adhibere remedia, ne motum fortasse naturæ, ad pristina officia redeuntis impedirem; & quidem recte, sanguis enim per aliquot dies moderate fluens, sponte restitit, perfectæ sanitatis signum, quod postea confirmatum est, non amplius fluente sanguine nisi statuto mensium tempore.

De Uteri præfocatione, seu hysterica passione.

C A P. XIV.

Plurima quæ de hysterica passione scribuntur, non arident auctori.

Passio hysterica, secundum auctorem, non est simplex affectus, sed varius a vapore maligno exhalante in variis partibus exitus.

Dum à me considerantur prima exordia, & processus affectionis, quæ uteri præfocatio dicitur; & à quibusdam, præcipuo quodam jure, hysterica passio: Non possum convenire in multis quæ scribuntur de illa. Primum quidem, quod sit intemperies frigida; Quod fiat motu uteri ad superiora; Quod tantum gignatur à semine corrupto, aut mensibus retentis: ut autem ingenue fatear quid sentiam; dico hystericam passionem, non esse unum simplicem affectum, sed plures, à vapore maligno exhalante, cujusvis materiæ corruptæ, vel præter naturam effervescentis, ut in melancholia hypochondriaca, circa uterum, & interdum in ipso stagnantis; pro naturæ quantitatis malignæ, & secundum naturam partium quas impetit, varia symptomata efficientis. Si cor, palitationes animi deliquia, anxietates, asphyxias; Si instrumenta respirationis, jactationes suspiriosas, præfocationes, quas vocant uteri, Si ad caput ascenderit vapor ille malignus, prout vel cerebri substantiam, vel meninges, vel utrumque attinget, diversa, aut mista excitabit symptomata; affectum soporosum, garrulitatem, tremores, convulsiones, typhomaniam, capitis dolores. Si tantum medullam spinalem, aut nervos; convulsiones, tremores, stupores. Si in visceribus hæreat vapor; rugitus intestinorum, partium hac parte positarum varias commotiones. Si ad stomachum feratur vapor; ructus frequentes, cardialgiam, nauseam, & quandoque vomitum. Si autem plures partes va-

por-

por invadat, mixta erunt symptomata, & naturæ aliquando tam variæ, ut à veneficis indita putentur: Neque hoc sine ratione; multa enim ejusmodi, corporibus nostris arte venefica immituntur, quæ non nisi ex effectibus diversis, ab iis quæ à natura fieri solent internoscuntur. Cum igitur sub hysterica passione plures affectus comprehendantur, unicam omnium causam esse vaporem malignum asserimus, varia symptomata, & morbos inducentem; secundum partium varietatem, quæ ab illo afficiuntur: Quare muliercularum errori implicantur, qui utero sursum ascendente, hystericam passionem fieri existimant: Neque enim concedi potest uterum suis ligamentis firmatum, sursum ita ascendere posse, ut motum diaphragmatis impediens, officiat respirationi usque ad præfocationem, cum tempore gestationis novem mensium, in quo valde turget, id non efficiat, licet tunc angustia sit quædam spiritus, præcipue à pastu. Quod si tempore graviditatis, quod rarum est, interdum fiat hysterica passio, hoc non fit compressione diaphragmatis ab utero, fieret enim omnibus prægnantibus, sed potius occurso alicujus vaporis maligni, à materia quadam corrupta circa venas uteri, ex mensium prohibitione, naturæ legibus facta. Verum cum daretur, ex ascensu uteri, fieri hystericam passionem; cum hæc suffocatio, esset tantum una species hystericae passionis, valde mancum esset, per hanc solum definire, cum sint plures: Non negaverim tamen in hysterica passione, uterum plerumque moveri, sed motus ille non est causa hystericae passionis, imo potius è contra: Causa enim hystericae passionis, vapor scilicet malignus, utero gravis, & insensus sicut & aliis partibus, cogit eum se variis motibus contorquere; ut ab eo quod illi molestum est se expediat. Cum autem huic vapori sit proprium, actiones partium quas invadit lædere, diaphragmatis, & aliorum instrumentorum respirationi inservientium, ejus occurso impediuntur, unde suffocatio illa, quæ dicitur hysterica. Affectum quoque non permanentem, affirmare esse intemperiem frigidam, quæ ex Galeno nec cito fit, nec cito desinit, minus stare potest, quam per refrigerationem; & si in aliqua specie sit corporis refrigeratio: cum scilicet vapor ille malignus, ad cor, & cerebrum ascendit; tanta enim fit tunc ple-

Uteri ascen-
sus non est
causa passio-
nis hysteri-
cæ.

rumque spirituum cohibitio, & horum principiorum alteratio, ut mulier gravi somno sopita jaceat, sine pulsu, aut parvo, cum totius corporis refrigeratione, nulla interdum in gravissima passione hysterica, apparente ad sensum respiratione. Adde in hoc affectu, non semper esse refrigerationem, sed sæpe calorem, ut vidimus in quibusdam mulieribus, temperamento calidioribus, vino meraciore, & calidis gaudentibus condimentis. Præterea leves sunt quædam hystericae passiones, simplicem tantum, & parvam efficientes spirandi difficultatem, sine alio symptomate; Quædam frequentes tantum ructus moventes: Quare hujus affectus expositio, neque per refrigerationem, multoque minus per intemperiem frigidam, neque per ascensum uteri describi potest: Melius autem per affectionem ab utero, ex vaporis maligni ascensu, exhalante à materia corrupta, vel effervescente circa uterum, diversa symptomata efficiente, pro varietate partium, ejus occursum affectarum. Ex hoc patet quid sit affectus hic, & qua ratione curandus; vacuando scilicet humorem corruptum, aut effervescentem; aperiendo vias, & vaporum ascensum impediendo. Si sint obstructions, ut fere sunt, expediendæ menses provocantibus, qui vel non fluunt, vel parce fluunt, vel propter quandam obstructionem, non omnimoda sit vacuandorum expurgatio; quæ sunt omnium sententia, post Galenum, semen corruptum, aut materia menstruorum retentione corrupta, à qua, ut ait, fiunt leviores hystericae passiones, quam à semine, multis de causis à Mercuriali enumeratis, lib. 4. de morb. mulier. cap. ultimo. Sed quærerem libenter ab eis, quam in parte semen illud corrumpatur: Non quidem in propriis receptaculis ad ejus conservationem factis, nisi in gonorrhœa virulenta, qua multæ mulieres laborantes, hysterica passionibus non tentantur: Si igitur semen corrumpitur, non potest illud fieri, nisi in cavum uteri emissum in coitu, aut per nocturnas pollutiones, aut alia titillatione; quæ & viduis, & virginibus viro maturis, sine coitu accidere possunt, sicut & nuptis, quæ raro hoc affectu tentantur: Porro autem, si hysterica quædam passio est à semine, quod non nisi in matricis cavo corrumpitur; cur non excidit obambulantibus, sicut aliæ impuritates, aut sicut semen à coitu cum non retinetur; cur in-

Passio hysterica fit ascensu vaporis maligni ab utero.

Lib. 6. de loc. affec. cap. 5.

Semen retentum non est causa passionis hystericae.

injectionibus detergentibus non posset deturbari, & sic facilis esset, hujus speciei hystericae passionis curatio, nec tam atroces, ut putatur, inveheret paroxysmos: Nullus tamen hac curandi ratione utitur, manetque sæpe affectus per longa temporum intervalla, per vices repetens, iis tantum quæ non purgantur, vel male purgantur. Nam cum menstrua purgatio recte se habet, non fiunt hystericae passionēs: alioquin non staret doctrina Hippocratis, & Galeni, apho. 57. sect. 5. abundantibus menstruis morbos ab utero non evenire. Cujus doctrinae fundamento, existimandum est nullam esse mulierem, qualiscumque sit generis, sive vidua, sive virgo, sive nupta, cui menstrua non defecerint, aut diminute fluant, si hysterica passione tentetur. Licet autem Galenus, lib. 6. de loc. affec. cap. 5. asserat viduas hoc symptomate frequentius aliis tentari; non affirmat causam esse à semine corrupto simpliciter; sed ideo ait, probabile esse fieri à semine retento. Ego vero existimo hujusmodi viduis, quæ scilicet, ut inquit Apostolus, non sunt in deliciis, propter vitam quam degunt solitariam, & tristem, melancholicos succos coacervari circa venas matricis, à quibus vel corruptis, vel effervescentibus, ut in melancholia hypochondriaca, facta vaporum elavatione, fit hysterica passio, aut aliud symptoma pro natura, & qualitate humoris retenti, quæ aliquando ita maligna est, ut non sit recurrendum ad semen corruptum. Quæ omnia non parvum mihi dubium injiciunt, an à semine corrupto & retento possit fieri hysterica passio: Quod quidem permanebit, donec viderim hysterica passione laborantem viduam, aut cœtus alicujus religiosi verginem, cui menstrua recte processerint. Sed à quacumque causa proficiscatur hic affectus, diximus supra tribus curationem absolvi: Quorum ultimum, vaporis scilicet ascensus prohibitio, respicit maxime paroxysmum; alia vero duo ut caveatur, horum primum est vias aperire, per quas materia vacuanda, ne retineatur, & corrumpatur, quod menses provocantibus perficietur, ut docetur cap. 12. superiori: Alterum versatur in materiæ corruptæ, & malignæ vacuatione, sicut & effervescentis temperatione: Quæ si semen corruptum est, cum nullibi inveniam posse corrumpi nisi intra matricem; nullam viam ma-

Vidua sæpius
afficiuntur
passione hy-
sterica, pro-
pter tristitiam
& vitam so-
litariam, non
vero a semi-
ne corrupto.

gis idoneam putaverim, quam ipsum deturbare injectionibus uterinis, ex decocto caulium rubrorum, mercurialis, arthemisiæ, radice aristolochiæ rotundæ, & melle. Interea utendum semen minuentibus, & ejus motum compescantibus: Quare mulier si nupta, congressu viri frequentius utatur; si virgo, nisi castitatem promiserit; alioqui frugali vita utatur, & refrigerante; fugiat virorum consortia, nec quidquam audiat, vel respiciat, quod venerem redolere possit, utatur balneis, demersione corporis in flumine, si tempestas sit congrua, sicut & potu aquarum mineralium, ut sunt quæ virtute vitrioli sunt imbutæ; contra enim hunc affectum plurimum valent præcipue mulieribus temperamento calidioribus, à quacumque causa proficiscatur, affectus. Ut etiam semen minuatur & temperetur medicamentum sequens sæpius usurpandum præscribatur.

℞. Senn. agni casti. ʒß. camph. gr. ij. terebenth. ʒij. fiat bolus cum saccharo, capiat mane.

Si autem causa sit sanguis menstruus, mora propter obstructionem, corruptione, & malignitate contracta, ut fere fit, mensibus viæ, ut dictum est, quocumque modo sunt aperiendæ: Quia vero stagnans materia peccans, succus est ut plurimum melancholicus, pilulæ de lapide lazuli, quæ describentur postea cap. de febre quartana, cum opus erit purgante medicamento, imperentur: Vel ejus loco, dosis pulveris cornachini, in qua antimonium prævaleat, quod nihil aut parum facit ad ventris dejectionem; multum autem in delectu humoris purgandi, ut alias diximus, exemplo gayaci, cum miscetur purgantibus pro lue venerea: Horum etiam loco multum conferet vinum hystericum purgans, de quo in Enarrationibus, & de vaporum ascensu prohibendo, quod paroxysmum avertit.

P R O G N O S T I C A.

Mulieris hystericæ sternutamentum superveniens; bonum. Hippo. aphor. 35. sect. 5.

Hystericæ passio à semine corrupto, gravior quam à mensium retentione. Galen. lib. 6. de loc. affec. cap. 5.

Hysterica passio, in qua pulsus, & respiratio abolentur, omnium periculosissima.

Hysterica passio, in qua respiratio multum offenditur, quandoque interficit.

Sæpe chronicus est hic affectus, repetens per intervalla.

Hyeme, & autumnus, fiunt potissimum hystericæ passiones.

Pessimum est signum, si in præfocatione uteri, extrema madeant sudore frigido.

Nuptis etiam fiunt hystericæ passiones, gravidis raro, viduis frequenter; junioribus, minus quam ætate provectis.

Enarrationes de quibusdam Mulieribus hystericis.

OBSERVATIO PRIMA.

Mulier quædam nobilis, ætate circiter 35. annorum, firma satis utens valetudine, fœcunda, & viri non carens amplexu; incidit in uteri præfocationem magnam, & pertinacem, interdum quolibet die repetentem; alias alternis diebus, aut rarius, & inordinato invasionis tempore. Quotiescumque summo mane, moverentur per se sternutamenta, signum erat paroxysmi, eodem die post aliquot horas futuri; quo præsentem, totum refugium erat fumus plumarum perdicum, aut soleæ ex corio crematorum, naribus exceptus, quo semper levabatur à spirandi difficultate, quæ maxima erat, perseverante nihilominus paroxysmo, per semihoram, per horam, & interdum amplius. Juvabatur etiam odore assæ foetidæ, cum castoreo, in nodulo inclusæ: Quod non fit, ut quidam scribunt, ex eo quod uterus malos aversetur odores; bonis vero delectetur: Experientia enim comprobatur, quædam valde odorata prodesse, ut sunt pilulæ Plateri, ex gra. vj. moschi, benioin. 3ß. & saccha. 3j. confectæ cum aqua cinamomi, dando scrup. ß. Cui quidem soli fidem non adhibuissim, nisi remedium cujusdam vetulæ à Solenandro descriptum, propter felicem eventum, illud etiam comprobasset, quod Riverius mirabilia præstare scribit, & simili casu exhibitum à se semper profuisse: Com-

Mulier hystericæ medicamento, cui ingreditur moschus curata.

Remedium anti hystericum ex Solenandro.

nis scilicet xiiij. & totidem sanguinis draconis vulgaris in ℥iij. aquæ florum malorum aureorum exhibitum. Sed remedia hæc sunt magni sumptus, & tantum pro ditioribus: Dabimus unum in ultima Enarratione, tria tantum simplicia recipiens, non minoris virtutis. Quasdam etiam esse mulieres, quibus hysterica passio exacerbatur foetidis adhibitis; moscho autem, & ambra, exhibitis demulceri, narrat G. Horstius lib. 5. de morb. muli. observat. 26. Ex quibus fatendum est commentum esse, uterum bonis odoribus delectari; malos vero refugere: Cum inveniuntur mulieres, quas ego quoque vidi quibus placebat odor moschi, licet de affectibus hystericis conquererentur; alias vero quibus non placebat, quamvis non essent hystericæ: Quod in viris etiam accidit. Nam ego qui homo sum, plus quam sexagenarius, nunquam odorem moschi ferre potui, nisi per modum prætereuntis: Quod si aliquid ejus solo odore imbutum, longiori tempore naribus meis oblatum esset, videbar mihi esse vacuus ab enteris, & stomacho; omnibus quæ in ventre sunt eversis, cum parvo capitis dolore, & cibi fastidio: Unde hoc? Nunquid quod homines patiantur, ut & mulieres similem affectum, cum sit à semine, ut scribit Albertinus Bottonus lib. de morb. mulierum cap. 39. quod ridiculum est. Licet enim vir, & mulier, semen habeant, non sequitur in utroque sexu, à semine eadem fieri symptomata, quia in viris foras emittitur, nec intra corpus potest corrupti, ad talia producenda symptomata; cum in gonorrhœa virulenta, nequidem hystericæ fiant mulieres. Quamvis autem homines quædam patiantur incommoda à semine retento, quæ ipse Bottonus refert ex Galeno lib. 6. de loc. affec. cap. 5. ut sunt capitis gravitas, vertigo, inappetentia, cruditas, febris, torpor, pigritia, & melancholica accidentia: Hæc omnia incommoda possunt quidem viris accidere, & mulieribus, à semine retento, tanquam à quadam plenitudine, effectus tamen, etiam in ipsis mulieribus, hystericæ passionis, non erunt, cum ab aliis causis extra uterum efficiantur: Nec à semine sola quantitate peccante fit hystericæ passio. Quamobrem cum boni odores male habent viros, dicendum, ut & alii de mulieribus scripserunt, hoc fieri à cerebro, quadam naturæ suæ repugnantia, cum tali odore af-

affectō, quod lege consortii afficit stomachum. Sic in quibusdam mulieribus, cerebrum ita à natura alienum est ab ejusmodi odoribus, ut ipso affectō, non solum stomachus, sed & uterus coafficiatur, cujus perturbatione, si in eo sit aliqua dispositio, excitatur quædam hysterica passio, quæ sæpissime tantum stomachica est. Ratio autem quæ redditur à quibusdam, cur hystericis in paroxismo, valde noceant boni odores; juvent autem mali, stare non potest in multis mulieribus, quod scilicet bonis odoribus partes superiores dilatentur, fiatque hac ratione vaporibus hystericis ascensus facilior, unde major oppressio; contra vero, natura malos odores adversante, partes superiores contrahuntur, ut quod noxium est aditu prohibeatur, eademque contractione vaporum ascensus prohiberi: Sed hoc in mulieribus quæ pharmacis moschum recipientibus juvantur, concedi non potest, nec juvare animadverti, nisi in specie hysterica passionis quæ suffocationem invehit; imo vidi multas mulieres, respuentes ejusmodi suffumigia, aliis vero nihil proficere. Huic tamen valde juvabant, quia magna erat in paroxismo suffocatio. Hoc tempore admovebatur etiam pectini magna cucurbitula, licet à pluribus, duæ parvæ inguinibus adhibitæ magis probentur. Fiebant quoque ligaturæ dolorificæ digitorum pedis, & multa alia, quæ à variis locis mittebantur. Pro purgante, ad interscindendam causam, usi sumus vino hysterico purgante Hartmanni; quia autem mechoacam bonum non invenitur in hac regione sicut Massiliæ, neque chamædris semper est in promptu, hoc modo præscripsimus.

℞. Folior. fenn. mund. ℥j. turbith. ziiij. rad. brion. zij. folior. arthe. matric. cusc. ana mss. flor. cordi. pj. salis gem. scrup. j. super hæc omnia incisa, & mista, injice vini prius fervefacti ℔ij. stent in loco frigido per diem; detur de colatura ℥vj. mane jujuno ventriculo, & vesperi circa horam tertiam, quandiu duraverit.

Præscripti etiam emplastrum hystericum supra umbilicum gestandum quod multum profuit; hujus hæc fuit descriptio.

℞. Galba. in vino albo dissol. ℥ss. assæ foeti. zij. fæcu. brion. zss. olei gagat. zj. olei rutæ zij. ceræ. q. s. fiat emplastrum latitudine unius palmi dimidiati, rotundæ figuræ.

Ab his remediis non ita urgebat paroxysmus; affectus tamen perseverabat: Per id tempus discedens Massiliam, à parentibus vocatus: Cum relatum esset marito ægrotantis, esse quamdam vetulam Bayonæ, quæ hystericas passiones sanabat, curavit statim ut veniret, quæ visa ægrotante, petiit ejus nomen, in fonte baptismatis impositum, levibusque factis quibusdam remediis sanavit. Post tres annos rediëns Massilia, invenit eam à quibusdam mensibus eodem affectu laborantem; quam præmissa purgatione, usû vitrioli martis sanavimus, & pro præsentis, & pro futuro, sprete vetulæ diabolica superstitione: Hoc vitriolum Massiliæ paraveram; motus Hartmanni scriptis, à quo utendi modum didiceram; præparationem verò ex basilica Crollii, clarius tamen ex additionibus Baude-roni. Hoc remedium optatis feliciter respondet, cum hujus affectus symptoma, suffocatione urget, potius quam alio modo, ut experientia sum expertus; mirandum tamen ejus agendi modus: Cum enim peterem ab ægrotante, quid ex usu hujus medicamenti perciperet; sentio, inquit, suffocatione incipere volenti, aliquid in ventre quasi manus deorsum comprimentes, & ita impediri paroxysmum. Rogatus etiam jam à principio ventrem ægrotantis inspicere, miratus sum hydropem mole repræsentare, ita vero mollem, & tractabilem, ut nihil in eo subesse dixisses, tanta erat, quod in eo continebatur, levitas & subtilitas, nullam faciens tensionem, nec sonum: Quod omne discussum est, usu vitrioli martis, perfectaque sanitas adeptæ.

OBSERVATIO II.

Mulier hy-
sterica bolo
ex assa foeti-
da, Casto-
reo, opio
&c. curata.

Cum discessissem in oppidum quoddam, visurus ægrotan-tem: Medicus in eo ordinarius, expeditis quæ circa illud facienda erant necessaria, narravit mihi de quadam muliere, quæ post aliquot à partu diebus, frequenter, & subito, stupendo symptomate corripiebatur, immota manens, sine sensu, & oculis clausis, brevi tamen temporis spatio, in lecto decumbens, alioquin in terram concidisset. Quia autem ægrota obstetricem quamdam vetulam, quæ ipsi adesse solebat parturienti, hac vice non adhibuisset, credebant omnes

arte

arte venefica, hoc symptoma fieri; quod & nobis etiam in mentem venerat, propter sermonem habitum ab obstetrice, iniquo ferens animo, aliam ejus loco fuisse adhibitam; non visa tamen ægrotante, quod non essem vocatus, disceffi. Post annum, & amplius, perseverante affectu, accepi literas à Medico supradicto, qui rogabat me, ut accepta epistola, hanc ipsam ægrotantem inviserem, optimo specifiço, si quod haberem, contra hystericas passiones instructus, veniens inveni ægrotantem in lecto decumbentem propter symptomatis frequentiam; prandente enim me in cubiculo ægrotantis, septies tempore prandii, ejusmodi symptomate correpta est supra descripto. Surgens à prandio, dedi Pharmacopæo oppidi specifiicum, quod mecum attuleram, descriptum à Riverio, cujus hæc fuit descriptio.

℞. Asæ foetid. & casto. ana ʒß. salis arthem. & croci ana gr. ij. opii præp. gr. j. cum serap. de arthem. fiat bolus.

A sumpto hoc specifiço, non amplius incidit in ejusmodi affectum, quem arte venefica inflictum putabam; ad cujus præcautionem purgationes hystericæ præscriptæ sunt, de quibus supra, & usus aquarum mineralium, quibus nihil præstantius ad prophylaxim.

OBSERVATIO III.


Mulier quædam nobilis in civitate, cepit conqueri post primum somnum de oppressione in visceribus, capitis, & cordis dolore, animi deliquium minante, cum multis jactationibus & querelis morituram semper se affirmans. Existimabam in principio hæc omnia esse à fluxione, cui erat obnoxia: Tamen cum viderem symptomata non sibi constare, sed reditu inordinato moveri, modo cum signis prima specie formidandis, modo nihil mali præ se ferentibus; hæc omnia hystERICA esse affirmavi, statimque dare de laudano meo paratu facili, & parvi sumptus, statui quod secundum partes dolentes, & morbos soleo parum immutare; pro somno enim conciliando, recipit tantum opium præparatum, & crocum pro correctivo, qui etiam somnum conciliat. Pro colico dolore, opium, & castoreum pro correctivo. In dysenteria adduntur astringen-

Mulier hysterica sanata.

tia, & sic de ceteris, quæ in variis capitulis videri possunt: Sic in laudano hysterico, additur cum opio castoreum, quod respicit morbum, & opii correctionem, additur etiam assa foetida, quæ multum valet contra hystericas passiones: In hac ægrotante igitur, tale composuimus specificum, quod supra promissimus.

℞. Casto. & assæ foetidæ ana ʒß. Opii præpar. ut sæpissime docuimus ex Quercetano gr. j. cum syrupo de arthem. fiat morsulus, capiat statim; A sumpto morsulo omnia symptomata conquirevere, nocte dormivit, & sanata est.





OBSERVATIONUM
NICOLAI CHESNEAU
MASSILIENSIS.
DOCTORIS MEDICI.
LIBER QUARTUS.

De Arthritide, seu morbo articulari.

CAPUT PRIMUM.

A Rthritis nomen à Græco *to arthron*; Latinis per antonomasiam, à sævitia doloris, morbus articularis dictus; quam in parte dolor, & ejus causa continens existere debeant, ostendit; ut jure hoc symptoma tali nomine vocetur: Quidquid tamen in juncturis existit cum dolore, morbi, aut symptomatis naturam assumens, arthritis non dicitur, nisi dolor ex affluxu humoris ferrosi, & acris, qui periodice pluries repetit, ex quo imbecillitas articuli recipientis etiam arguitur. Qui enim semel, aut per longa annorum intervalla, juncturarum doloribus corripiuntur, affectus non arthritis, sed recepto jam nomine, rheumatismus appellatur; sicut & ceteræ fluxiones, in varias corporis partes irruentes, sive externas sive internas, sive tantum semel hoc fiat, sive per vices. Sennertus tamen, tract. de arthri. cap. i. de

Arthritis latinis dictus morbus articularis, a sævitia doloris.

Rheumatismus quomodo differat ab Arthritide.

Causa do-
loris arthri-
tici.

natu. arthrit. non probat in ejus definitione addi, quod per intervalla recurrit, quia in primo paroxismo, si apta nata sit recurrere, non minus arthritidis est, quam in aliis; sicut febris tertiana, vel quartana, non minus tertiana est, vel quartana, in primo paroxismo, quam in aliis: Licet autem hoc verum sit; quia tamen, per intervalla recurrere, est de essentia arthritidis; recte, & necessario, quod est de essentia rei, ponitur in ejus definitione; & ex eo melius innotescit natura arthritidis, ab aliis juncturarum doloribus. Causa hujus doloris arthritici, humor quidem est in juncturis, extra cavitatem ubi ossa connectuntur, caret enim sensu; sed in tendonibus, & membranis, articulos investientibus: utrum autem humor ille in ipsis juncturis gignatur, an aliunde affluat, ex quibus locis & per quas vias, non consentiunt Authores. Hippocrates lib. de affection. loquitur tantum de materia, ex qua fit arthritidis. Hic morbus, inquit, à bile fit, & pituita, si commota in articulos incubuerit. Libro autem de locis in homine, & epistola ad Demetrium, scribit originem ducere à capite. Galenus lib. 10. de compo. medicame. secun. loca. differens de arthritide, ait, Arthritidis est in omnibus articulis, podagra in pede, & ischias in coxendice. Communem, ait etiam, habent hi tres affectus redundantiam humoris; ceterum aliquando irruens humor sanguineus est; ut plurimum autem pituitosus, vel ex pituitoso, & bilioso mixtus; quibus etiam miscetur sanguis: A capite autem humorem defluere ostendit, ex eo quod postea scribit in curatione ischiadis. Auxiliantur, inquit, etiam vomitus ipsis ischiadicis, magis utique quam evacuatione per ventrem, ut qui revellant humorem repentem deorsum. Hoc etiam colligitur ex lib. 2. de different. febr. cap. x. ex Lacuna; dum ait, cerebrum, vel universum caput, excrementum in se collectum ad partes imbeciliores expellit. & lib. 6. de sanit. tuen. cap. 9.

Paracelsus
curavit po-
dagram.

Paracelsus qui podagram curabat, ut ex ejus epitaphio colligitur; licet conceptis verbis raro loquatur, barbaris, & obscuris nominibus caliginem mentibus offundens; aliquid tamen doctrinæ nobis afferet, ad hujus affectus cognitionem, multoque magis ad curationem, cum optimis in omnibus sit semper instructus remediis. Tractatu ille de podagra, ait, morbus per

per se est liquor, cujus causa secus non habet, ac falsum minérale, aut succus acetosus; hujusmodi si in microcosmo producatur, & in synoviam, quæ talia aversatur impingat; tunc prout salis natura acuta, pontica, acetosa, vel alkalica existit, ita synovia afficitur, & dolorem, morbumque concipit. Est autem synovia, ex doctrina illius, substantia illa quæ proxime abit in alimentum partis, ex cujus colore, variat synoviæ color: Ideo lib. 1. de tart. cap. 2. tract. 4. ait synoviam in podagra esse gluten album, quo nutriuntur ligamenta: Et in annotationibus cap. 3. lib. 1. de tart. tract. 2. vocat synoviam, aquam articulorum. Ex his Petrus Fuhemannus, in consil. de podagri. fluxionib. inveterat. quod habetur lib. 8. obser. Grego. Horstii, observ. 2. Hæc colligit. Proxima morbi causa, inquit, partim efficiens est; illa, juxta Paracelsi dogma, sal est volatilis, & subtilis, qui cum fluxionibus, & catarrhis capitis, in ligamenta, & tendines articulorum se se insinuat, & vehementi acrimonia, dolores intolerabiles excitat. Paracelsus tamen cap. 2. de utroque elleboro duplicem esse podagram statuit; unam ex sanguine, alteram ex fluxionibus capitis ortam. In sanguinea, inquit, podagra, sanguis ipse sævit instar rabientis canis; per astronomicam enim probatur, sanguineam podagram ex canicularibus concitari, per ipsorum influentiam; contra hanc podagram, elleborus non prodest: Sed contra alteram, quæ oritur ex fluxionibus, sive falsis, sive acidis, sive acribus, sive corrosivis; illæ enim fluxionum conditiones, non calor, non frigus, non humiditas, non siccitas, podagræ causa sunt: Quod si calor quidem, aut frigus, &c. sentiatur; id tamen ab accidente provenit tantum, ob laborem, & conflictum, quem novit sanum, & morbidum. Hæc doctrina, licet à multis rejiciatur, non parum prodest in cognoscenda podagricarum fluxionum natura; Podagræ vero, quam à sanguine furente instar rabientis canis, ortum ducere scribit Paracelsus; quia non fit tantum in canicularibus, sed & alio tempore, vere præcipue, sanguinis rabientis causam alteram statuerem, sales scilicet volatiles, & subtiles, qui cum fluxionibus à capite præcipitantibus immisti, venas subeunt, quorum contrarietate, cum his qui jam dissoluti in sanguine existunt,

Causa podagræ secundum Paracelsum.

Paracelsus duplicem statuit podagram.

fit

Fernelius
statuit om-
nem podag-
ræ causam
esse frigi-
dam.

fit ut videmus in sale tartari, cum spiritu vitrioli, sanguinis ebullitio, qua exardescit, & furit, febrisque accenditur, ex quibus varius fit humoris æstus ad partes ignobiles, arthritim, aut rheumatismum generalem efficiens, pro natura humoris, de qua cap. de rheumatismo Fernelius lib. 6. de partium morbis & symptom. cap. 18. docte, breviter, & dilucide, differens de arthritide, totus singularis in quibusdam existit; præcipue dum scribit, cujus naturæ sit humor arthritidis parens, unde in articulos influat, & per quas vias. Neque humor hic, continens arthritidis causam, inquit, tam varius atque traditur existit; neque enim sanguineus, neque biliosus, neque melancholicus unquam est; sed omnino vel pituitosus, vel serosus, perperamque arthritidis differentiæ ex humoris specie statui solent, ut illa calida, alia frigida sit, sed omnis frigida est, ex frigido humore genita; Quod si rubor, aut calor, interdum, maximeque in chiragra, & podagra cernitur; is non ex morbi essentia, sed ex vehementia fit doloris, qui ruborem caloremque, nonnunquam & febrem accersit; Quæ potissimum iis eveniunt, qui constitutionem corporis habent impense calidam, atque plethoricam, & qui levi occasione febris corripuntur. Quod idem est, ac affirmare cum Paracelso, hoc fieri ex accidenti, & ex conflictu. Unde autem influat humor, & per quas vias, paulo inferius exponit. Alia igitur quam ex intimis, inquit, est arthritidis origo; hoc autem caput est, non quidem cerebrum, aut interiores ejus ventriculi, in quibus excrementum pituitosum cumulari, coacervarique solet; hoc vel foras per nares, vel per palatum in asperam arteriam, atque pulmones, aut in ventriculum, interioresque sedes illabitur; sed partes capitis externæ, & extra calvam positæ origo sunt arthritidis, ex quibus supervacaneus humor, per summa corporis, sub cute deorsum decurrit, venæ enim multæ ab externis jugularibus deductæ eo excrementa sua tenuia deponunt.

Sennertus
affirmat cau-
sam arthriti-
dis esse afflu-
xum humo-
ris per venas
& arterias.

Sennertus trac. de arthritide, cap. 2. contrariam omnino tuetur sententiam, affluxum scilicet, humoris arthritici causam, fieri per venas, & arterias, humoremque in eis contineri affirmans: Sed omnes ejus fere rationes æque fluxioni à capite astipulantur; quas pro Fernelii, & Medicinæ luminarium, a-

lio-

rumque quamplurimorum doctorum defensione, singulatim excutiam.

Prima ratio. Instante paroxismo in arthriticis, solent vasa quæ ad manus & pedes tendunt, & extremis articulis inferuntur, intumescere; ergo, &c.

Respondemus primo vasa sæpissime non intumescere; secundo si intumescant, id fieri, vel ex humore defluente à capite, qui non solum venas subit, sed alias etiam partes vicinas; vel, secundum Fernelium, vasa replentur sanguine, occasione doloris ad partem confluyente, vel alios humores concitari, simul cum fluxione à capite, quod ipse Sennertus non negat, loco citato.

Secunda ratio. Morbus hic subito invadit, & affluxus subito fit; quod nonnisi per venas, & arterias fieri potest.

Respondemus fluxiones à capite, sive arthriticas, sive alterius generis, interdum fieri subito, interdum pedetentim; non ita tamen fiunt subito, quin primus sentiat humoris affluxus. Respondemus secundo, argumentum nihil concludere, cum fluxio à capite subeat venas, & per eas sæpe feratur ad articulos; interdum sub cute, ut vult Fernelius; Et interdum per musculos, per media præcipue illorum spacia.

Tertia ratio. Dolor ab uno loco in alium migrat, præcipue si parti affectæ repellentia, & refrigerantia applicentur; & qui dolor nunc pedem affligebat, pede liberato, nunc alterum pedem, vel manum affligere incipit.

Respondemus non esse opus adhibere refrigerantia, & repellentia, cum sine his, hoc quotidie fiat: Non quidem per venas, & arterias eo modo quo putat Sennertus; sed una parte relicta, in aliam à capite novo descendente humore: At qui jam in pede fixus erat, sursum remeare, & alterum pedem, aut manum affligere, errant qui talia imaginantur. Pedis potius subtiliori, & acriori cruciante materia discussa, altera irrui à capite recens, in aliam partem; neque enim omnino dolor sedatur in parte primum affecta, nisi rarissime; dolet equidem si moveatur, & sæpe tumet in longum tempus. Hanc quidem sursum materiæ translationem fieri non negarem, si per modum anathymiasis fieret, ut in arthritide vaga, de qua Wier-

Naturæ opus
est per cri-
sum, a vitæ
fontemali-
gnos humo-
res expelle-
re.

rius lib. 2. obser. cap. de varenis. At humorem serosum, naturæ gravem, & molestum, atque in remotissimas partes excussum, sursum ascendere, & iterum venas, & arterias subire, hujus commutationis rationem non invenio; esset enim, ut inquit Helmontius, scribens de catarrhis, via crudelis, quæ trans fontem vitæ, malum humorem duceret. A vitæ fontibus quoque versum malos humores expellere, naturæ quidem opus, ut in crisis accidit, & etiam sine crisi; sed pedis humorem arthritidem facientem, per venas, & arterias ad manum ascendere, commentum est, & sententiæ Galeni. lib. 2. de differ. febr. cap. ultimo, omnino contrarium. Neque Hippocratis aphorif. 28. sect. 4. hoc probat. Quibus excrementa sunt biliosa, &c. Bilis enim tunc non est extra venas; multoque minus, quod biliosum apparet in excrementis, eas subit, ut ad caput feratur; sed quod intra venas est, vel per anathymiasim, vel cum sanguine ad caput ascendit. Nec idipsum etiam probat Calvi historia 3. Epide. sect. 3. cui derepente dextrum femur doluit, cum febre acuta; tertia vero die quiescente dolore, mente motus est: Delirium enim istud non humore, sed vapore ad caput ascendente factum est; Aut quod sæpe fit, parte principe, capite. v. g. à maligno aliquo humore in se concepto, vel aliunde translato oppressa, contendit natura, à parte principe ad ignobiles, hujusmodi humorem protrudere: sed copia, aut malignitate obruta, ab eo quod remanet opprimitur, non autem à portiuncula ad coxam, ut in Calvo, amandata, sursum remeante: Quemadmodum accidit in febribus malignis, in quibus exanthematum fit quidem eruptio, moriente interdum ægrotante; non retrocedentibus quæ jam in cute existunt, sed ab iis quæ intus remanent, aut ab exhalatione maligna, à quibus fiunt, partibus interioribus, præ debilitate, hærente; Sudor enim dum tendit ad cutem, vapor est, sicut exanthemata exhalatio quædam: unde facilis est eorum retrocessio. Sed dolor ab una parte in aliam migret, quantumcumque voluerit Sennertus, dummodo primus descensus humoris esset à capite, satis esset.

Quarta ratio. Febres tum continuæ, tum intermittentes, in arthritidem terminantur, quod fieri non posset, nisi materia esset in venis.

Re-

Respondemus primo, non omnium febrium continuarum materiam esse in venis, & intermittentium, omnem fere extra venas. Sed ad rem melius sibi respondebit Sennertus, quasdam febres terminari quidem in dolores juncturarum, sed hos dolores non esse vere arthriticos: sicut & illi de quibus 7. collig. cap. 3. scribit de seipso Averroës, ut infra videbitur, in responsione ad 6. argumentum Zacuti. Secundo dicimus, cessare febrem quæ à fluxione capitis in viscera, originem ducebat, humore relictis visceribus, ad articulos divertente. Tertio dicimus, dolores juncturarum non vere arthriticos, quibus febres terminantur, postquam quieverint, partes interdum debiles relictas, posse fluxiones podagricas à capite, in posterum excipere, ceteris consentientibus. Vide obser. 4. cap. de colico dolore.

Omnia
febrium con-
tinuarum
materia non
est in venis.

Quinta ratio, & omnium maxime infirma, qua nescio quomodo vir doctus uti voluerit, hæc est. Tandem solet febris accidere, & pulsus mutatio fieri, quæ humorem in venis, & arteriis contineri indicant. Dij immortales! quot sunt morbi, quibus tandem febris supervenit, quorum materia non est in venis; ut vulnera, pleuritis catarrhalis, pthisis, multæ viscerum affectiones, pororum constipatio, & plures alii, quibus satis probatur, non esse statuendum à febre superveniente, causam esse in venis. Imo ipsæ fluxiones à capite sæpissime generant febrim, ut videmus in pluribus rheumatismis. Et hæc sunt rationes quibus nititur Sennertus sententiam suam stabilire: Videamus nunc quibus argumentis, quæ ab antiquis, & multis Neotericis, præcipue Fernelio, hac de re statuuntur, conetur evertere.

Primum argumentum. Cum humor arthritidis causa, in venis, & arteriis contineatur, ratio nulla reddi potest, qua necessitate, vel naturæ, vel morbi, humores isti, necessario prius in caput debeant ascendere, ante quam in pedes ferantur; præsertim cum patens, & recta via sit, qua per venas, & arterias, moveri, & in eos ferri possint.

Respondemus neminem negare, materiam humoris ex quo gignitur arthritidis in venis contineri; non autem puram, quemadmodum cum decidit à capite, omninoque sanguini esse

Tribus modis materia arthritidis sanguini permixta ad caput ascendere potest.

permixtam, à quo non separatur, nisi in tertia coctione, quæ fit in capite, cum per urinas præsertim, & sudores non excernitur, ut sit materia sufficiens gignendæ arthritidis, cum aliæ causæ concurrunt: Cujus autem naturæ sit ille humor; unde præcipua ejus materia; & quomodo in venis, & arteriis continetur, passim hoc capite demonstratur. Tribus vero modis ad caput ascendere probari potest: Primo cum sanguini sit permixtus, necessario cum eo, per totum corpus circumfertur, in partium alimentum: Cum autem caput multo alimento, præ ceteris partibus indigeat, majorem ex ea materia, generat humoris illius arthritici poventum; hoc autem multo magis, si caput fuerit imbecillum, tunc enim materia illa arthritidis, quæ falsa est, & acuta, ab imbecillo calore nec devicta, nec excreta, sedem sibi facit in sero, quod eam in gremio suo facile recipit, propter consentientes utriusque naturæ proprietates, aquosa enim facile sales dissolvunt, & cum ipsis miscentur: Hoc sero salibus varii generis imbuto, venæ, & arteriæ capitis turgentes, præ copia, aut frigore externo comprimente, illud in partes vicinas deponunt, unde variæ in varias partes fluxiones fiunt, ut dictum est cap. de fluxio. rejiciente qualibet parte, quod nutritioni ineptum est, & multo magis si qualitate molestum; Unde in varias corporis partes, ab una, in alteram aguntur hujusmodi humores acuti, donec in debiliorem rejiciantur, à qua, ut inquit Galenus, impossibile est relabi ad fortiores. Secundo modo, materia illa arthritidis causa, ad caput ascendit, per sanguinis circulationem, quam nunc omnes Anatomici fatentur, licet non eodem modo fieri scribant: Ego quidem, hac posita, miratus sum, quomodo sanguis ab uno brachio extractus, corruptus esset; post triduum vero ab altero extractus, purus existeret: Sicut & in nobili muliere, fluxione in pulmones laborante, cum febre acuta, cui in principio morbi, sanguis ab utroque brachio detractus, valde corruptus apparuit; post quatrimum vero, ex aperta saphena, purissimus effluxit, cum de industria, per modum fontis salientem sanguinem, in vasculo excipiendum curassem: Mirabar, inquam, quomodo per circulationem, sanguis purus cum corrupto, per triduum non fuisset immixtus. Ex his nescio quid mihi

Lib. 2. de febrib. cap. ultimo.

mihî statuendum de circulatione: Sed hac de re penes anatomistas; nobis tantum sit curæ de iis quæ ad artis opera conducunt. Quemadmodum, quod animadverterim in pluribus venæ sectionibus, ratione fluxionum à capite, sanguinem extractum è latere, in quod fluxio impingebatur, valde corruptum extitisse; ex altero vero, nullo modo: Unde existimandum est, fluxiones à capite delabentes in latus dextrum, vel sinistrum, hujus lateris venas subire, & sanguinem corrumpere, alio manente intacto; quod etiam contradicit circulationi. Possem etiam tertium modum addere, quomodo à venis & arteriis, humor ille ascendat ad caput, qui ab epistola Hippocratis ad Demetrium desumitur; caput scilicet in modum cucurbitulæ attrahere; sed quia caput non attrahit, nisi sanguinem alimentarium, sufficient quæ dicta sunt: Vi quidem, & coactum, invadunt vapores caput, & ab humoribus excrementitiis ad eum confluentibus patitur, præcipue cum imbecillum est; noxia vero attrahere, nulli parti inditum, imo potius expellere.

Secundo argumento, de venis tumentibus instante paroxismo; & tertio, de mutatione subita doloris ab una parte in aliam. Sat superque responsum est supra, in primæ, & tertiæ rationis ipsius Sennerti responsionibus.

Quartum argumentum. Si humor sub cute, per spatia deflueret, in partibus per quas transfret dolorem excitaret.

Respondemus hoc interdum fieri; alias vero minime, secundum naturam, & modum humoris descendantis. Cum enim humor pedetentim fluit à capite, nullibi hærens in via, potest circa sensum ad pedes usque pervenire, nullum faciens dolorem, nisi in parte in qua sedem figit, præcipue si non multus, & qualitate acri parum præditus. Hoc in plerisque comprobavimus, qui cum doloribus partium inferiorum tentari inciperent, nullus intermediis fiebat, nec cuiquam venisset in mentem, effluxisse humorem à capite: Temporis vero progressu, aucta capitis intemperie, & ex inde humore excrementitio, facile percipiebat ipse ægrotans, unde, & per quas vias humor irrueret, varias sibi sedes in descensu faciente humore: Quod nunc in me ipso etiam experior. Vide hac de re cap. 2.

de fluxion. lib. 1. & Enarrationem 3. cap. 1. de doloribus stomachi, lib. 3. Ipse etiam Sennertus fatetur, humorem à capite sub cute defluere; sed solito suo effugio, dolorem quem excitat in juncturis, negat verum esse arthriticum. At sufficit ad solutionem argumenti, ut hoc fiat, cum sæpissime, citra sensum partium intermediarum, accidat.

Sæpe accide-
re, ut quis
subito ex ira
vel furore in
arthritidem
incidat.

Quintum argumentum. Sæpe accidit ut ex ira, & furore, subito quis in arthritidem conjiciatur: quod certe accidit, humoribus in venis, & arteriis subito commotis: Si vero sub cute capitis, illi sensim cumularentur, id accidere non posset.

Respondemus hoc argumentum parvi esse momenti: Quis enim ignorat, humores in capite fluxioni paratos, subito non posse concitari in aliquam partem, ex violento animi motu; imo ex subita capitis refrigeratione. Licet enim in capite sensim gignantur, sicut alibi, qui jam sunt geniti, fluxioni parati sunt, subitoque in aliquam partem concitari possunt: non tamen ita subito, quin plures interdum horæ intercedant.

Sextum argumentum. Si origo humoris semper esset in externa capitis parte, cur ad eam sedem, curatio præcipue non dirigitur, & vesicatoria, cauteria, & setacea, cervici non applicantur. Quasi vero hoc non fiat, sed humoris abundantia circumfluens, eludit hæc auxilia: Neque humor ad articulos irruens, illac tantum fertur, sed per tempora, pone aures, & per totam capitis superficiem: Aliquando tamen profunt cauteria, & alia ejusmodi, præcipue cum humor non abundat, ut patet ex Enarratione 2. hujus cap. & ex multis aliis experi-
tiis.

Septimum argumentum & ultimum. Si origo humoris semper esset in externa capitis parte; etiam signa ejus ibi cumulati, & descendents adeste deberent, quæ tamen in plurimis non animadvertuntur, quos capite plane salvo arthritidis invadit.

Respondemus ad hoc probandum, non esse opus ut adsint omnia signa, quæ à Fernelio recensentur, tam cumulati, quam descendents humoris; sufficiunt quædam magis propria; Ideo cumulati humoris, satis est frigus capitis insolitum, aut dolor, cui evanescenti, succedunt postea inferiorum partium dolores:

Frigus insolitum capitis, est indicium humoris in eo cumulati.

Satis

Satis est etiam, ad cumulantis se humoris indicium, ut fiant in capite parvi tumores, sive duri, sive molles, sponte post aliquot dies evanescentes; sicut & mollis crassitudo cutis capitis insolita, si tactu præcipue doleat: Ego quidem scio, me his signis, pluries prædixisse partium inferiorum dolores futuros. Satis quoque est, si ægrotus fateatur se esse capite imbecillo, vel minimos, caloris, aut frigoris sentiens appulsus. Adde si antea doloribus capitis esset obnoxius æger, parvulisque fluxionibus supra dentes, guttur, aut corizam sæpe facientibus: Quia progressu temporis, invalescente causa fluxionum, augeatur humor excrementitius, ultraque progreditur. Descendentis vero humoris, signum maxime proprium est, frigus insolitum, aut calor, aut dolor, alicujus partis superioris, v. g. colli, scapularum, & dorsi, quæ parte inferiore dolente, ut plurimum evanescent, nisi fiat epigenesis; tunc enim propter humoris abundantiam, partibus inferioribus affectis; supernæ non liberantur. Quod si cuiquam hæc non sufficiant, quæ in pluribus, & in me ipso partim expertus sum, & experior; precor ut propria experientia edocti, id ipsum fateri cogantur; fiatque illis, quemadmodum Galenus, loquens de dolorum generibus, scripserit de Archigene, qui ita omnium affectuum, inquit, proprietates describit, ac si omnes ille fuisset perpeffus. Quod autem capite plane salvo, fiat quispiam arthriticus, omnino falsum est: Videntur quidem bene valere à capite; quia cum hoc morbo tentari incipiunt, humor paucus est, quam ob rem, suæ generationis non dat indicium, præcipue si statim atque genitus est dilabatur à capite: Nec illius descensus ullum sæpe signum ostendit, nisi in aliqua parte descendens moram faciat, ut multoties comprobavimus. Sed progressu temporis, postquam capitis refrigeratio, & imbecillitas auctæ sunt, altasque egerunt radices, semper quædam ex supradictis signis deprehenduntur, plus, minus, pro gradu intemperiei, & imbecillitatis, ut videbitur in Enarrationibus. Sed video Senertum solito suo effugio, dicentem, hoc raro apparere in arthritide: Contra autem hoc effugium, postea, & magis ad rem suo loco, & in prima Enarratione hujus capitis.

A. Laurentius, in opusculo de arthride, sententiam Fernellii de causa arthritidis.

Laurentius
inpugnat
sententiam
Fernellii de
causa arthri-
tidis.

lii, tum, ratione materiæ, tum ratione originis, tum etiam ratione viarum, per quas fluit humor excrementitius ad articulos omnino absurdum esse ait; volens tamen materiam arthritidis, à partibus extra calvam positis interdum defluere; sed magis ab ipso cerebro, & partibus internis aliquando etiam à venis, jecore, stomacho, renibus, intestinis, & matrice. Ne in partium enumeratione errans deficeret, nescio, quomodo splenem non adjecit, fontem quatuor ultimis quos enumerat magis præcipuum; Hoc autem multo magis, cum ab omnibus humoribus velit arthritidem fieri, contra Fernelii sententiam, quam magis veracem in hoc existimo, cum tantum humorem unum arthritidis causam statuit, quam cum de origine humoris, & viis per quas fertur ad articulos disserit; licet in his acutissimus etiam existat, non meo tantum, ut supra scripsi, sed Framboisierii, & Riverii judicio, ut videbitur infra. Rationibus autem quibus utitur Laurentius contra Fernelium, satis superque responsum est supra, in argumentis Sennerti, & adhuc respondebitur infra, in argumentis Zacuti, qui iisdem fere utitur. Aliquid tamen dicendum est ad ea, quæ Laurentius respondet Fernelio, asserenti à venis jugularibus externis, excrementa deponi in partibus supra calvam positis, ex quibus exurgit materia fluxionum. Non est, inquit Laurentius, magis necessarium, ut jugulares externæ, in partes capitis externas excrementa deponant, quam quod aliæ venæ quamplurimæ possint ad juncturas sua excutere excrementa. At non est par ratio; longe enim plures venæ ad caput desinunt, quam ad juncturas. Præterea non advertit Laurentius, quæ sit potissima ratio, cur excrementa deponantur, & gignantur in capite, ejus scilicet refrigeratio, & imbecillitas, ex alimento enim partis non probe confecto, multa supersunt excrementa, quæ præ debilitate partis coacervantur; sicut & humiditates à vaporibus elatis, unde fit postea materia fluxionum: cum caput autem, ceteris partibus injuriis externis sit magis obnoxium, facile patitur; præcipue si jam fuerit imbecillum; majori namque alimento opus habenti, major ex eo fit excrementorum proventus; quæ omnia juncturis non accidunt: Absurdus est igitur negare cum Laurentio, excrementa posse cumulari in cal-

calvaria, quam id cum Fernelio affirmare; multoque absurdius esse puto, dato quod cumulentur, ut dandum est, afferre pro ratione, quod si cumularentur, præ tenuitate, per insensibilem transpirationem, aut frictionibus discussum iri. O egregiam avertendæ fluxionis viam, quod potiora Medicinæ remedia efficere non valent: Ostendit Laurentius parum hæc perpendisse: Nam quoties videmus ægrotantes fluxionibus obnoxios, quosdam de cujusdam frigoris sensu insolito, in aliqua parte capitis conquarentes; alios de quibusdam tumoribus in capite enascentibus; alios de crassitudine insolita partis alicujus capitis; alios passim infestari doloribus in capite, qui digito pressa cute exasperantur. Quæ omnia cumulati humoris certissima signa existunt, ut jam supra diximus: Nihilominus, multis adhibitis auxiliis, ex potioribus Medicinæ, perfecte sanare non possumus: Sed de hoc etiam inferius. Quod autem mihi magis, ratione Fernelii, movet stomachum: Non tam est Laurentium pluribus in locis, eum absurditatis insimulare: quam falsa illi imponere dicentem, quod si arthritidis ab externa capitis parte fieret, oportere phlegma crassum, & glutinosum ad caput transferri, & deinde defluere sub cute ad juncturas, quod, inquit, absurdum est omnino. Ego vero, plus quam absurdum existimo, hoc comminisci, neque enim hoc unquam somniavit Fernelius, phlegma crassum esse causam antecedentem arthritidis: ut infra dicitur, in responsione ad argumentum Zacuti, qui exemplo Laurentii, hoc ipsum affert pro ratione contra Fernelium. Nescio quomodo viri docti aliquando obdormiant.

Dolores capitis, qui digiti pressura exasperantur, sunt signa humoris in eo cumulati.

Framboisierius lib. 6. legum. suarum de cura arthri. quorundam Authorum sententiis allatis, qui omnes Fernelio adversantur, concludit tandem lege 9. se duos fontes arthritidis agnoscere, cerebrum, & jecur: seque admittere viam, per quam fit fluxio ad articulos, quam Fernelius non minus subtiliter, quam veraciter assignavit; etiam speciem humoris quam describit: Sed asserimus, inquit, secundum Galeni decretum, & antiquorum, varios humores fluere à jecore, per venas, in ipsas juncturas, & non solum in partes circumvolventes eas. Non est hoc contra Fernelium, virum doctum, absurditatis

Framboisierius duos arthritidis fontes agnoscit, cerebrum & jecur;

nomine ut Laurentius: nec ridiculi inventi ut Zacutus, uti: Sed rationi consentanea ab aliquo inventa, amico animo comprobare, vel urbane impugnare. Quod autem arthritidis causa proxima & antecedens, à jecore, & aliis visceribus non habeat originem: nec ab aliis fiat humoribus, præter à seroso & tenui, demonstrabitur inferius. De loco vero articuli in quem impingitur humor dolorem efficiens: jam dictum est non esse cavitatem, nec ossium ligamenta, quia obtuso, & nullo fere sunt sensu: sed tendones, nervos & membranas, proxime juncturam investientes, licet humor penetret in cavitatem quantumque quis voluerit.

Zacutus bilem & pituitam.

Zacutus sequens in hac disceptatione, miscellaneam, ut ita loquar, sententiam, statuit cum Hippocrate, arthritidis materiam, saltem frequentiore, bilem esse & pituitam: Cum Fernelio, post Hippocratem, caput arthritidis unum ex fontibus esse fatetur: Cum A. Laurentio colligi materiam arthritidis, in capite, jecore, intimis visceribus, & ventriculo: Cum Sennerto convenit in eo quod materia per venas fluat ad articulos, ut videre est in suo decreto, quod infra describetur. Sed à ventriculo, pituitam in eo genitam, immediate per venas defluere in articulos, non concederet Sennertus, & merito, qui hanc materiam vult tantum generari in jecore, & splene, non autem in capite, à quibus facilior via, per venas, & arterias ad articulos: addè quod pituita quæ generatur in stomacho, ut plurimum glutiniosa, & ad fluendum ad articulos inepta, quod tantum pituitæ sero persimili convenit, ut recte monet Fernelius. Ex tot tamen fontibus, quos Zacutus assignat, quis in verum non incurret, à quo arthritis originem ducat: Magis tamen miror, eum qui unum ex fontibus materiæ arthritidis, caput agnoscit, Sennerti argumentis, & aliorum qui hoc impugnant, uti voluisse, ut Fernelii sententiam, Priscorum decreta, & limpidißimos, ut ait synceræ Medicinæ fontes, exilibus rationibus, ne dicat nugis, perturbaret, misere labi in hoc, & corruiere ridiculum ejus inventum ostendat. Quomodo Author sanæ mentis, virum quem passim in suis scriptis, vocat doctissimum, & Medicinæ coryphæum, talibus ausus est convitiis insectari, tanquam gladius anceps. Cre-

do non fuisse memorem eorum, quæ lib. 1. quæst. 48. histo. 82. scripserat contra Galeni obtrectatores, quos ait alieni nominis ruina, gradum sibi parare ad gloriam: cum in eodem vitio involvatur, lib. 3. Quæst. 43. contra Fernelium: Sed probum in os ejus rejicitur à Sennerto qui de hac Fernelii sententia loquens: Hausisse autem videtur, ait, hanc opinionem Fernelius, è Galeno 10. de compo. medic. sec. loca, cap. 2. Deinde paulo inferius, subdit: Galenum, & Fernelium sequuntur quamplurimi alii Medici, quos omnes ait errare. Ergo in causa arthritidis statuenda, Galenum sequitur Fernelius, multosque habet Medicos sequaces, qui cum ipso, exilibus rationibus, & nugis Medicinam perturbant, misere labuntur, & corruiit eorum ridiculum inventum, si vera sunt quæ dicit Zacutus. Sed spero pro Fernelii, & pro illius quem sequitur, & sequacium defensione, palam facere, hoc potius de Zacuto dicendum esse. Si quis enim attente perlegat, quæ in paraphrasi supra citatæ quæstioni præmittit; Quibus argumentis utatur contra Fernelium; Et quid statuatur in sententiæ suæ decreto: Plurima inter se pugnantia, falsa, & se mutuo destruentia animadvertet. Primo quidem in paraphrasi, ex variis locis Hippocratis, & Galeni, ostendit caput esse pituitæ promptuarium, ex quo fiunt humorum effluxus in articulos, & in alias partes; Ideo sententiam Fernelii, tantum reprobam esse generaliter sumptam fatetur. Si igitur Fernelii sententia vera est in quibusdam, & consona doctrinæ Hippocratis, & Galeni, ut patet ex locis, quos ipse Zacutus affert, in jam citata paraphrasi, & ex eo quod in principio hujus capituli, & proxime ex Sennerto attulimus: Quomodo Priscorum decreta perturbat Fernelius; quomodo misere labitur; & quomodo corruiit ejus ridiculum inventum: Præcipue cum ipse Zacutus in sententiæ suæ decreto, statuatur efficientem arthritidis causam, aliquando colligi in intima, sæpe in extrema parte capitis, quod sententiæ Fernelii omnino consonat; licet Zacutus etiam colligi scribat, & in venis, & in jecore, & in ventriculo, interdum & in intimis visceribus. Nescio quomodo vir, qui pro docto habetur, arthritidis causam indagando, proximam, cum remotis confuderit, exemplo fortasse A. Lau-

causa arthri.
Quæst. 6.

rentii ut supra vidimus. Congruentius fuisset, causam arthritidis proximam, & antecedentem, in capite statuere cum Fernelio; vel cum Sennerto, à venis deducere, quam tot partibus illam ascribere; cum vel in solo capite, vel in venoso genere sit tantum perscrutanda. Visus est Zacutus, in tam variis, hac de re, Authorum sententiis, ignorasse, quid sibi animo, stabiliret non miror si hac quaestione, in dictorum repugnantiam inciderit, ut patet ex sententiæ suæ decreto, quod tali præscriptione est. Amplectendum ergo Galeni, priscorumque Medicorum decretum, qui humorem noxium, per venas naturalesque ductus internos, in imbecillos articulos defluere asseverant. Falsum est Galenū alicubi, quod sciam, hoc scripsisse, multoque minus Hippocratem; Imo potius contrarium deduci potest ex ipsius Zacuti paraphrasi, & ex locis Hippocratis, & Galeni citatis in principio hujus capituli. Quare, pergit, efficiens arthritidis causa, aliquando colligitur in intima, sæpe extima parte capitis; interdum in intimis visceribus: Sed plerumque in jecore, & ventriculo: Cum enim frequentior causa sit pituita, & bilis, hæc in jecore, illa fere in ventriculo, & capite colligitur. Egregium sane decretum, in quo falsa refert, ubi caput primas tenet, inter partes, in quibus causa efficiens arthritidis colligitur, quod ante tanquam ridiculum inventum reprobaverat, & argumentis impugnaverat, omnibus fere à Sennerto depromptis, qui contrariam tuebatur sententiam, acutiorque minerva defendit: Ideo solutis ejus argumentis, quibus utens Zacutus, magnam partem decreti sui jugulat, non decreveram in quibusdam aliis rationibus, quas ipse affert immorari: sed in gratiam Fernelii, placet singulatim excutere, ut quisque judicet, quis amborum sit magis ridiculus, & miserius labatur.

Primum Zacuti argumentum, quo nihil contra Fernelium concludit, hoc est. Peritus Medicus, ex calore, rubore, aut febre, calidum arguet esse dolorem; hæc enim exuberantis caloris symptomata, calidæ arthritidis perpetua sunt, propria, & magis intensa, frigidæ vero longe remissiora, temporaria, & accidentaria.

Respondemus Zacutum, non debuisse afferre hoc argumentum,

rum, cum sciret hæc omnia symptomata calidæ putatæ arthritidis, non constituere ex Fernelio morbi essentiam; aut ex Sennerto, primam motus causam, commotis occasione doloris aliis humoribus; vel ex Paracelfo, ubi supra, hæc fieri ex accidenti, & ex conflictu.

Alterum argumentum, quod ex Mercuriali deprompsit, cuius vim agnoscens Sennertus, inter sua noluit recensere, licet quæst. 6. de eo aliquid dicat. Si dolor arthriticus à pituitoso humore semper emanaret, non essent dolores intensi, quia illi non fiunt à frigida causa; nam humor pituitosus, suapte natura iners est, neque duram substantiam articulorum penetrare potest.

Respondemus Zacutum joculari, utentem hoc argumento, cum minime ignoret, Fernelium dilucide locutum, non de qualicumque pituita, sed de tenui, instar feri & ei persimili, quam frigido cœlo è naribus effluere comperimus; quæ intra medullam spinalem interdum penetrans, quasi vero tendones, & articulorum membranas penetrare non valebit: Dolores vero intensos non fieri à causa frigida; quis non videt, contrarium, in colico dolore à pituita vitrea. Quamvis multi dolores intensi, secundum Paracelsum, cuius sententiæ astipulatur Sennertus, nec à calore, nec à frigore pendeant; sed à varia salium natura, qui humoribus permiscetur. His tantum duobus argumentis futilibus, conatur Zacutus probare, Fernelii sententiam de materia causæ arthritidis efficientis, esse nugis permunitam, sed quis magis sit nugis permunitus, ex argumentis, & solutionibus, & ex his quæ supra diximus patebit. Cetera ad Mercatum, Laurentium, & Framboisierium remittit; quibus plus quam satis, erunt responsiones supra allatæ. Videamus nunc præclara ejus argumenta, contra aliam Fernelii sententiam, asserentis humorem arthritidis causam, per summa corporis, & sub cute, defluere à capite in articulos.

Primum argumentum. Si tam manifesta in hoc affectu, pars influens foret; loquitur de capite, cur ejus medela alioqui difficilis, non facile absolveretur, cute nimirum præcisa?

Nescio de qua præcisione intelligat Zacutus: An in uno tan-

Ccc 3 tum

Multi dolores intensi fiunt neque à calore neque à frigore, sed à varia salium figura.

tum loco facta; an in pluribus, quæ ipsa arthritide essent crudeliores. Quocumque modo intelligat: Responsum est huic argumento superius, ad sextum Sennerti, qui magis dilucide argumentatur, proponens cauteria, vesicatoria, setacea; quorum omnium est eadem ratio, ut habetur in responsione.

Secundum argumentum. Si à capitis partibus externis, crassissimus succus, per summa corporis, suo pte impetu deorsum decurreret in artus; curæque per eandem viam tenuis, & ferofus in hydrocephalo, in artus non irruit, cum sit tenuior; aut cur arthritidis non contingit in tumore œdematoso, qui musculos capitis infestat?

Respondeo non esse viri docti, & ingenui, falsa, & ab adversario non allata, supponere in suis argumentis. Quis enim unquam somniavit nisi A Laurentius, ut supra vidimus, à quo hausit hoc Zacutus, crassissimum succum à capite defluere, & arthritidis causam esse; nunquid tenuem esse pituitam instar feri, ex Fernelio supra diximus: Nescio quomodo viri docti ita obdormiant: Dicimus tamen, rationem cur in hydrocephalo, humor non defluat in artus, esse causæ perennitatis defectum, & partis mittentis, recipientisque dispositionem, ad arthritidem minime idoneam: Quod etiam de tumore œdematoso dicendum; licet fluxiones interdum præcedant, ut supra diximus. Adde quod tumores œdematosi, multoque magis hydrocephalos, infantibus potissimum accidunt, propter hac ætate cerebri humiditatem, quæ tempore corrigitur. At in arthritide, causæ est perennitas, humor ad concitandum dolores idoneus, capitis, & artuum imbecillitas adest incorrigibilis, sine quibus nulla arthritidis.

Tertium argumentum. Articuli cum externis capitis partibus nullam habent sympathiam.

Nescio qualis ingenii sit Zacutus hac quæstione; existimo desiderio arguendi Fernelium obcæcatum, hunc ridiculum tenuisse argumentum: Meminisse debemus locorum Hippocratis, & Galeni, quos ipse affert in paraphrasi quæstionis jam dictæ, & eorum quæ mox post sua argumenta, statuit in suo sententiæ decreto; Quibus in locis contradictionem suam invenis, & pro Fernelio responsionem; prætermissa experientia, quæ illum coarguit.

Quar-

Tenue serum
non crassum
a capite in
articulos
fluit.

Quartum argumentum. Si tanta copia lenti succi, ab externa capitis parte deorsum ruit; cur in arthritide, aut ante eam, dolor capitis externus non adest, aut tumor oedematosus partes illas capitis non invadit.

Jam tertio falsa supponit, & imponit Zacutus; Primo vulgarem pituitam; Deinde crassissimum succum: nunc lentum succum, esse causam arthritidis: Quare videat supra hoc responsionem ad secundum suum argumentum, & quæ diximus ad septimum Sennerti.

Quintum argumentum non est in meo codice, culpa, ut opinor, typographi: Si quid tamen Sennerti dignum habeat, à quo fere omnia mutuatus est: credo satis illi responsum esse, dum egimus de ejus argumentis.

Sextum argumentum. Ex Hippocrate 6. epide. uteri dolores in coxam finiuntur: Colicus dolor in coxam finitur, &c.

Non oportebat ad hoc confirmandum, afferre suffragia Actuarii, Laurentii, & Vallesii: Neque etiam experimentum Averrois, qui ex febre acuta incidit in arthritidem: Prius tamen, quod Zacutus ipse, & Sennertus de industria tacent, terminata erat febris per abscessum in scroto. Sufficiebat Hippocratis autoritas, qua, nec aliorum, quidquam concludit Zacutus contra Fernelium: Quare autem, vide responsionem ad quartam rationem Sennerti septimum argumentum. Si ipsius opinio esset vera, Fernelii scilicet, semper ante invasionem doloris, præire deberent capitis symptomata.

Responsum est huic argumento, ad 7. Sennerti, vide supra.

Ultimum argumentum. Sequeretur arthritidem non posse curari, nisi per auxilia capiti adhibita; quod quam falsum sit, probat experientia.

Respondemus negando consequentiam, quia aliæ sunt causæ, quibus sublatis, curaretur arthritis, nulla habita ratione capitis: Quarum præcipua, materiæ est tartareæ, in potibus, & cibis permixtæ generatio, in coctionibus non evictæ, quam solo lactis usu impeditam, multos ab arthritide præservasse, nemo ignorat. Cui adde articulorum imbecillitatem, qua sublata non fieret arthritis.

Solus lactis
usus, multos
ab arthritide
præservavit.

Et hæc sunt argumenta Zacuti contra Fernelium, è quorum
nu-

numero si tollas quæ à Sennerto mutuatus est, etiam si sint à Laurentio, Mercato, & aliis, nullius sunt momenti; Nec in his ejus mentem me assequi, ingenue fateor: Cum videam his suis argumentis destruere, ut supra diximus, quæ attulit in paraphrasi hujus suæ quæstionis; Et quæ postea statuit pro sententiæ suæ decreto, quod est ultro gladio se alieno jugulare, & se magis Fernelio ridiculum præbere, miseriusque labi, ut verbis Zacuti utamur: Cujus argumenta, nullo eorum merito, singulatim excutere volui; non tanquam censor, sed tanquam Fernelii defensor, propter Zacuti inurbanitatem. Credo eum Casp. Hofmanni, acerrimi Fernelii obtrectatoris, & Æmylii Parisani vestigia insequi voluisse; Sed clarissimorum Medicorum de Fernelio præconia, quibus injuriam faciunt, eorum petulantiam ostendunt. Remitto utrumque ad Riolanum, ut suam videat quisque inscitiam, in iis, in quibus se aliis præstare arroganter crediderunt: Ego quidem fateor, me lectione Fernelii semper magnopere delectatum: nec authorem invenisse, qui de Medicina dilucidius scripserit, cum brevitate, & verborum elegantiâ: nec quempiam, qui in methodo medendi, quæ ad praxim spectant, melius docuerit: Non ita tamen sum ei addictus, nequidem in hac quæstione, quin in aliquibus ab eo discedam: ut videbimus infra, postquam rationes quædam allatæ fuerint, ut notum fiat Riverio, arthritidem ab alio loco oriri non posse, nisi à capite. Licet enim, inquit, loquens de Fernelio, satis perspicue ostendere videatur, humorem extra calvæ collectum, per summa corporis, & sub cute defluere in articulos: Ab aliis tamen locis non deferri, ullo modo probat, neque ullus post ipsum probare poterit. Ego vero sequentibus existimo probari posse rationibus.

Ratio cur
humor ar-
thriticus non
ducat origi-
nem ab inti-
mis visceri-
bus.

Prima ratio. Si ab intimis visceribus, venis & arteriis, humor arthritidis parens originem duceret, ut multi contendunt, oporteret viscera, jecur, aut lienem, insigni aliquo affectu, aut intemperie laborare, alioqui tantus non enasceretur excrementorum proventus, ut videmus in veteri jam facta arthritide, in qua tam brevia in multis, sunt intermissionis intervalla, ut semel ea correpti, per quatuor menses integros, & amplius, diuellantur doloribus, quotidie fere sub noctem, velut æstuante hu-

humore, & novo semper affluxu cruciatus innovante, à quibus tandem liberatis, & bene habentibus facies erat boni coloris, qui sanorum viscerum semper est comes. Ergo non à sanis visceribus, tam frequenter repetentium dolorum, & tam longo tempore durantium, petenda est origo; sed potius ab ignobilibus quibusdam partibus, ut sunt extra calyam positæ: Neque alibi perennis alicujus fluxionis causa quaerenda est; quia non est pars toto corpore ad hoc, ipso capite magis idonea, etiam Hippocratis, & Galeni testimonio, locis supra citatis: Nec quæ minori cum periculo id efficiat, licet interdum cerebrum successu temporis coafficiatur.

Secunda ratio. Si humoris arthritici affluxus generatio, esset in venis, & arteriis, ab iisque in articulos deflueret, non autem à capite; arthritidis, cum prima vice incipit, collum & humeros potius invaderet, quam pedis articulos: quia major requiritur virtus, ut humor sursum propellatur à venis, & arteriis, quam ut deorsum feratur: Atqui cum arthritide quis prima vice tentari incipit, vigente corpore, pedum articuli, pollicis præcipue, infestantur: Senescente vero ægroto, & arthritide, viribusque prostratis, collum & humeri, potius adoriuntur: Ergo non à venis, & arteriis, excidit humor sed potius à capite. Ratio deduci potest ex Hippocrate, & Galeno affirmantibus abscessus ad inferas sedes, & longe à parte affecta meliores; ad superas autem sedes, & non longe à parte affecta, non ita laudabiles, quia facultatis robur tantum non ostendunt, quemadmodum cum fiunt longe à parte affecta. Sic incipiente prima vice arthritide, interdum pluribus; quadragesimo v. g. ætatis anno, & quibusdam quandoque subsequen-
 tib; firma existente partium robore, in magno, ut plurimum, pedis pollice, fiunt arthritidis principia, propulsis longe à fonte noxiis humoribus. At annorum serie, & morbi longitudine fractis viribus, hærent pluribus in limine humores excrementitii, in collo scilicet, & humeris, ultra, & longius à fonte, capite nimirum, non valente facultate, humores præ debilitate ad partes remotissimas, ut faciebat, expellere: Quod non accideret, si in venis, & arteriis, esset eorum fons, & origo; Inclinate vero ætate, cum debiles sunt vires, corri-

Articuli pol-
 licis pedum
 in arthritide
 incipiente ut
 plurimum
 infestantur.

peret potius arthritidis magnum pedis digitum, quam collum, & humeros, quia facilior est descensus, ut patet in hydrope, quam humorem ascensus: In hoc magnum robur requiritur; in illo sufficit humorum gravitas.

Sæpe sunt vi-
situdines
cordialgiæ
& arthriti-
dis.

Tertia ratio, Cardialgiæ, & ventris doloris, fiunt cum arthritide vicissitudines: Atqui tunc causa unius est causa alterius; Ergo si cardialgia, & ventris doloris causa, est humor à capite præcipitans, arthritidis erit à capite; Facilis est enim descensus humoris à capite in stomachum, & ventrem, patensque via, quam natura interdum mutante ad articulos, fit arthritidis; ut supra diximus in responsionibus argumentorum, & observatione 4. capitis de colico dolore, & sequenti prima observatione.

Quarta ratio. Humor à capite delabentis signum certissimum, est sensus frigoris in partibus externis capitis, quem cito sequitur fluxio, & dolor in articulis: Sed in omnibus inveteratis hoc accidit; Ergo, &c. hoc maxime probabitur obser. 1. hujus capitis.

Fluxiones
arthritica
originem
ducunt à
capite.

Ex his omnibus, de quibus pro Fernelii defensione disseruimus, fatendum est ejus sententiam, rationi magis consentaneam esse, fluxiones, tum arthriticas, tum alterius generis, à capite originem ducere: Externas quidem à partibus, ut plurimum externis, cranio superiacentibus; Internas vero ab ipso cerebro, & ejus ventriculis. Verum hoc non impedit, quin internæ fluxiones fiant à partibus externis, propulsis externo præcipue frigore, introrsum humoribus sub cute perreptantibus: Et externas fluxiones, ab ipso cerebro; natura supervacanea amandante, à partibus nobilibus ad ignobiles, quantum fieri potest: Firmissimum enim robur, ut alias diximus, indidit illa partibus nobilibus, & visceribus, ad individui conservationem, ut humores noxios in se conceptos, longe valeant propellere, quod in pluribus crisis confirmatur, & in fluxionibus ad intestina, & matricem, quæ ex Hippocrate, in coxam finiuntur, tanquam in partem ignobilem. De via autem per quam fluit humor à capite in articulos: non solum existimandum est, eum tantum ferri sub cute, & per summa corporis; Sed & per musculorum intermedia, imo eorum corpora penetrare, venas illic

Epide 5.

per-

perreptantes subire, sanguinem corrumpere, & pro natura humoris, & ægrotantis temperamento febrem sæpius accendere, veteri præsertim existente arthritide: Tunc enim causis invalescentibus, augentur fluxiones, subeuntque sæpissime venas, & arterias; non solum minores, sed & majores, furitque sanguis instar rabientis canis, ut inquit Paracellus; quod est, magna febris accenditur, fiuntque à venis æstus frequentes in articulos, ex materia quæ à capite, continuo subit venas: cujus natura nostra impatiens est: Hoc autem quousque cesset materiæ generatio, & capitis disposito corrigatur: quod maxime accidere vidimus iis qui facie erant rubicunda. Sed quamvis hæc materia sit prius in sanguine, ex potulentis, & esculentis orta, sero sanguinis præcipue diluta, unumque corpus sanguinis, cum aliis succis conficiens: alterius tamen naturæ est, cum à partibus, præcipue capitis, deposita tanquam inutilis ad nutritionem, cum suo sero, iterum venas subit fluxionibus immixta: tunc enim magis abundat, quotidie cumulata, habetque de vaporibus condensatis, ab stomacho ascendentibus quidpiam acutum, & acre, ex vino, allio, sinapi, & similibus sibi immixtum, magisque syncera est, quam cum sanguine, velut genita, dilueretur. Quod cum aliis partibus stare non potest; cum nulla pars corporis, ut sæpius diximus, sit capite gignendis superfluitatibus magis obnoxia: nec ulla, in qua magis cumulentur, cum imbecillum est, & refrigeratum: Ideo necesse est ut in subjectas partes defluant. Quod si hujusmodi fluxiones falsæ, & acutæ, venas subeant, furit sanguis, propter id quod dictum est in principio hujus capitis, Paracelsi sententiam exponendo de arthritide. Res tamen digna admiratione, quomodo humor arthritidis causa, purus sæpissime excidat in articulos: Fernelio tamen hoc mirum non debet videri, cum sub cute, & per summa corporis, feratur humor à capite per sanguinem, purusque ad pedes usque, ut plurimum perveniat; Sub cute enim, cum sit sanguis, ut patet si pungas eam, & in partibus omnibus carnosiss, per quas defluit humor, impossibile est quin sese sanguini in via permisceat, venasque illic perreptantes interdum subeat: permeat tamen, & purus excidit, ut plurimum, in articulos, quasi transcolatus, sicut urina permeat

carunculas renis, ut decidat in pelvim transcolata à sanguine. Licet autem urina subtilior sit illuvie illa serosa, quæ materia est fluxionum: hæc tamen longe subtilior est ipso sanguine, ut possit per eum transcolari: Adde quod vicissim à partibus, tanquam gravis, & molesta deponatur; Alii tamen humores, ad partem affectam cum ea interdum simul confluent; qui quidem non sunt morbi essentia, ut ait Fernelius, vel prima arthritidis causa ex Sennerto, quod perinde est: Hoc autem maxime contingit plethoricis, facie rubicunda, & pravis succis abundantibus. Existimare autem in ejusmodi fluxionibus, requiri in corpore vivente, ut quidam imaginantur, ductus patentes, tanquam vias publicas, per quas feratur humor à capite in articulos, deliramentum esset; cum in ipsam spinalem medullam valeat penetrare, gignendæ paralytis, aut convulsionis materia. Si enim humor serosus hydropicorum, aut cachecticorum, in pedes delabatur per poros, non autem per venas, ut fatetur Sennertus. Quæst. 2. tract. de arthri. Quare humor serosus non poterit à capite per easdem vias ad pedes usque pervenire? Quod Sennertus ipse non negat Quæst. 7. præsertim autem cap. de ischia. Verum non vult humorem hunc, dolorem proprie arthriticum efficere. Effugium sane infirmum, & à viro erudito alienum. Licet enim dolor qui ischiadicus vocatur, non sit semper vere arthriticus, nisi tendones, aut membranæ, conxendicis articulationem involventes afficiantur: Idem tamen serosus humor, qui à capite sub cute defluit, ut ipse ait, ischiadem notam efficiens: si in articulationem sese insinuet, quis negabit hunc dolorem esse vere arthriticum, licet ab eodem humore fiat? Apertissime hoc fieri docet Grego. Horstius lib. 8. de morbis exter. part. observ. 11. rescribens ad quemdam Consiliarium, arthritidi obnoxium, his verbis. Quamquam vero pro tempore morbus hic nondum adsit, necessarium tamen erit, ut præservatio non negligatur; cum vagæ fluxiones dolorificæ, de quibus querela est, eundem prælagire soleant, quatenus pedetentim postea, magis ipsos articulos sese insinuant. Quod, ut alios taceam, bis mihi in ischia de contigit. Non parum autem subit mirari, negantem vide-

re Sennertum, à capitis fluxionibus dolores vere arthriticos fieri; Cum enim, ut inquit Riverius, ad alias omnes partes confluant, tum internas, tum externas, quomodo ab eis articuli poterunt esse immunes? Qualis autem sit humor ille, qui causa arthritidis dicitur; existimaverim Authores, de nomine potius quam de re ipsa disceptare; Nec merito arguit ideo Sennertus eos, qui pituitam, aut humorem aquosum esse statuunt: Hippocrates enim, Galenus, & alii, non ita stupidi erant, ut de quacumque pituita, aut de simplici intellexerint, agrestis hæc fuisset cogitatio: Quapropter in ejusmodi nominum acceptio-
ne, doctorum menti, potius quam verbis attendere oportet: Quilibet igitur sanæ mentis, fatebitur eos intellexisse de pituita tenui, & seroso, quæ quia facile diffuit, aquæ assimilatur; quemadmodum serum quod sanguini innatat post venæ sectionem, aqua plerumque vocatur: Quare immerito ait Sennertus Fernelium errare; cum pituitam à sero non distinguit à pituita illa tenui, & aquosa, quæ fluxionum causa existit: Differt tamen à sero quod sanguini innatat; quod quidem pars est sanguinis pinguior, esculentorum, & potulentorum materiæ aquosæ, ex qua fit postea lotium immixta: Aliud vero, excrementum est tertiæ præcipue coctionis totius, in primis autem capitis, deinde venarum, illuc excrementa deponentium; quibus additur, quod ex vaporibus ascendentibus ad caput, condensatur in humorem. Quæ omnia plus, minusve abundant, secundum capitis robor, aut debilitatem: Ideo serum istud, non est pingue ut alterum, quod sanguini innatat; ex quo ratio reddi potest, cur humor arthritidem faciens, non vertatur in suppurationem; quia serum arthritidis causa, valde subtile est, nihil, aut parum habens de pinguedine illa, quæ est in sero sanguinis; quam in venæ sectione corruptam vidi, reliqua sanguinis substantia illæsa permanente: Unde accidit fluxionum materiam, interdum in suppurationem abire in partibus crassis, ut sit aliquando in coxendico dolore, remanente scilicet cum sero, non paucò de substantia illa pingui: Cujus quæ major quantitas in sero, eo facilius in suppurationem conversio, & feri difficilius penetratio in partibus durioribus, ut tendonibus, & membranis: Ideoque carnosus potius hærente,

Non qualibet pituita, sed tenuis & serosa est causa arthritidis.

Ratio secundum auctorem, cur humor arthriticus non suppuratur.

propter nonnullum lentorem quem habet, in iis magis quam in articulis fit suppuratio. Adde quod partes carnosæ, nervosæ, ut articuli, sunt calidiores, quod ad suppurationem requiritur. Quod autem serum sanguini innatans sit pars pinguior illius, patebit ex frictura sanguinis hœdi, aut agni, postquam sepositus multum feri dimiserit; Videbis enim aquam illam, ut more vulgi loquar, in adipem album coagulari, sero in fenum abeunte, qui quidem adeps manducatus, palatum ita fastidit sua leni pinguedine, ut nauseam pariat; corpus vero sanguinis ficcum est, & nullius fere gustus, non autem si antequam serum emiserit coquatur, quod in suo latice ignoravit Helmontius, qui mutato nomine, magnum quid se invenisse gloriatur, quasi ejus latex, humor neglectus, ut ait, sit aliud à sero sanguinis, quod pars illius est à simplici sero, à pituita aquosa, & ab illuvie serosa distinctum; quæ tertiæ coctionis sunt excrementa, & præcipue, ut jam diximus, capitis quod eorum metropilis est, ex Hippocrate. Prætermissa igitur nominum disceptatione, dummodo res intelligantur, concludendum ex his omnibus, quæ diximus, humorem arthritidis causam, naturæ esse tenuis, & acutæ, salsæ & acris, pro salum, à cibus, & potibus, adventitiorum natura, quibus serum sanguinis imbuatur, facileque recipit: Ad quod corporis temperamentum plurimum addit, & vaporum qualitas, ab stomacho ad caput ascendendum: Cum autem hi sales sint acrimonia varii, à temperamento corporis, quibusdam exaltatis, aliis vero mitigatis: Ideo nunc mitiores excitantur dolores, non solum in articulis, sed & in aliis plerumque locis: Neque existimandum est serum illud acutum doloris causam in articulis, quidpiam habere, quod malignitatis alicujus sit particeps, ut vult Pareus; Neque aliquod peculiare habere consortium cum articulis, ut vult Sennertus. Si enim inter articulos, & humorem illum dolorificum, esset aliquis mutuus consensus, quo ad articulos quadam sympathia ductus ferretur, in alias plerumque partes non irrueret, ut patebit in Enarrationibus; Aliis igitur de causis fertur humor ille serosus ad articulos. Primo quod sollicita sit natura de partibus nobilibus, noxios humores, quantum in se est, ad ignobiles, & remotissimos protrudere; Ideo fertur communi

Materia arthritidis est humor tenuis, acutus, salus & acris.

adagio, arthriticos diu vivere. Secundo propter articulorum debilitatem, ipsis innatam, vel ab ortu, vel à venere, vel à laboribus insolitis; vulnere, dislocatione, refrigeratione, & contusione. Tertio fluunt humores ad articulos, propter eorum laxitatem ab iisdem fere causis, ob quas facile excipiunt humores in se irruentes. Quarto quia humor fluens sub cute, & per musculos facile ad eorum caudam pervenit, quæ tendo est. Quinto quia in articulis remotioribus, sunt tantum partes nervosæ, sola cute contactæ, ideo in illis hæret, alium non habens locum, si paucus fuerit; multus enim, parte capaci ad totum excipiendum non existente, expandit se in vicinas; unde tumor ingens, fit aliquando in vera arthritide, partibus carnosus humore communicato; quod fieri non negat Senner-tus in vera ischiade, argumento arthritidis humorem, non habere ex sympathia, motum peculiarem ad articulos. Horum omnium quæ diximus consideratione, tota medendi ratio est desumenda, neglectis quæ ad solam logicam spectant, cum nihil ad artis opera conducant: Quæ quidem medendi ratio; in causæ antecedentis ablatione; conjunctæ mitigatione, & resolutione; partisque mandantis, ut loquuntur, & recipientis corroboracione consistit. Ut præscindatur causa antecedens, tria occurrunt præstanda: Primo ejus generatio est impedienda, aut saltem minuenda: Secundo genitus humor, & fluxioni paratus, à suo fonte educendus: Tertio jam fluens, per loca convenientiora evocandus. Generatio humoris arthritidem facientis, impeditur subtractione materiæ, quam Chimici tartaream vocant; quod tribus modis perficitur: Victus regimine convenienti: Ejus evacuatione: Et partis mittentis, quæ caput est, corroboracione. Quantum ad vivendi rationem, sat superque de ea disseruimus cap. de fluxionibus, cujus lectio maxime confert ad hujus capitis doctrinam de arthritide, cum ipsa fluxio sit, à capite præcipuum ducens originem; licet interdum venas subeat majores, sanguinem corrumpat, & furere cogat, febri accensa, ab eisque feratur in articulos, & alias partes, ut in rheumatismo, sicut jam diximus: Tria tamen præcipue circa vitæ rationem arthriticis veniunt consideranda; Quorum primum, & secundum, iis maxime noxia sunt, vini

Cur in arthritide vera interdum ingens fiat tumor.

Tribus modis præcave-tur generatio humoris arthritici.

scilicet

scilicet meracioris potus, & veneris usus immodicus: Tertium valde conducibile, nimirum lactis potus. De vini abstinentia, multæ passim apud Authores inveniuntur historiæ, eorum qui vita abstemia, ab arthritide prorsus fuerunt immunes: Crediderim eos, vitæ potius intemperantia, quam aliis de causis in eam incidisse; vidi enim vino dilutissimo utentes, & ab acribus & falsis abstinentes, hoc animo, ut levaretur affectus, quibus nihilominus incrementum accepit; Adeo irreparabilis est partium affectio, cum altas, processu temporis, egit radices.

Abstemii ratio tentantur podagra.

Licet enim abstemii raro tententur podagra; eos tamen quandoque adoritur: Non ex eo quidem, ut scribit Sennertus, quod aqua quam bibunt falsum quidpiam, aut calcem redolens, in se contineat; sed quod eorum cerebrum refrigeratum est, aut aliqua de causa imbecillum, accedente articulorum imbecillitate, & esculentorum natura, quæ varia salium continent genera: Aqua enim in quotidiano potu abhibita, nisi paucis in locis, præcipue mari propinquis, aut montibus saxosis, omnis qualitatis expers ubique invenitur; nullaque invenitur, quæ calcem redolere possit, cum calx è terræ visceribus non eruat, sed omnis sit factitia, lapidum huic rei idoneorum in fornacibus calcinatione: Imo quemadmodum vi ignis, isti lapides in calcem abeunt, & acrimoniam acquirunt, quam antea non habebant; Sic ex partium intemperie, succi alibiles, licet omnis qualitatis acutæ expertes in acres degenerant, ut videre est in ferinis pulmonum fluxionibus, quibus tandem ipse exulceratur, quamvis tota victus ratio sit ex benignioribus alimentis, & acrimoniam temperantibus. Itaque si abstemius aliquis arthritide laboret, propter alias causas, ab aquæ potu accidere putandum est, graviolemque evasisse affectum, si vinum bibisset; præcipue merum liberalius sumptum, quod omnibus arthriticis est insensissimum. Vinum enim, inquit Paracelsus. lib. 2. de Podagricis, tom. 1. est podagræ quæsitior, & latentem profert, iis quibus jacet ejus minera. Quomodo autem fiat, vide loco citato ratiocinationis ejus inventum. Ceterum constat semen podagræ, in multorum corporibus sepultum, vini potu excitatum fuisse, quod solo aquæ potu semper obdormivisset, quia unus ex præcipuis tartari podagrici fontibus, aut

Vinum meracum podagricis notum.

salis,

salis, jacet in vino, qui varius est, prout solum, vel petrosolum, vel marga refertum, vel sabulosum, vel alterius generis existit; ut pluribus in locis docet Paracelsus, & post eum accuratissime Sennertus, tract. de arthri. Ex quibus varia arthritidis generatur materia, in qua ejus opifex etiam delitescit, ut explicat Paracelsus. Diximus secundo, veneris usum, præcipue immoderatum, podagricis esse infensissimum, multoque magis, si quis in pedes eam exerceat, venus enim immoderata, præ ceteris partibus cerebrum impense debilitat, juncturasque laxando, humoribus excipiendis, magis obnoxias facit. Tertium vero è contrario, arthriticis utilissimum, lactis est potus, qui ab aliquot annis, revocatus est in usu à Medicis Parisiensibus, exemplo Hippocratis, qui lib. de affect. jubet podagricis lac asininum præbere; non solum autem lac, sed ferum lactis coctum: Cum enim, ut supra diximus ex Medicochymicis, causa arthritidis efficiens, falsum quid, aut acidi, & acris naturam redoleat, nihil est quod sales illos magis temperet ipso lacte, & ejus sero, quod Hippocrates coctum jubet potandum, ne frigiditate, ut opinor, stomachum ledat; quo autem modo sit utendum, in qua etiam quantitate sumendum, non docet: Hodie tamen, more recepto ex Medicis Parisiensibus, arthritici solo lacte nutriuntur, ut febricitantes jusculis, ipsoque vaccino, quia in magna copia haberi potest apud illos: Quod si lac non sufficiat ad nutriendum, mica panis albi infunditur in lacte tempore prandii, & manducatur: Hoc modo, nullus datur locus materiæ tartareæ generationi; & si qua sit in corpore demulcetur. Ego vero, non ita me lacti vaccino adigerem, quin pro ægrotantis temperamento aliis uterer; præsertim cum non datur copia lactis vaccini, cujus loco ovillum acciperem, quod proxime accedit ad vaccinum, & hujus inopia, caprillum, quod in istis regionibus, & nostris ubique invenitur: Quia autem non nutrit ut vaccinum, bis in die pultem ex eo factam cum mica panis præberem. Hac victus ratione, multi ab arthritide fuerunt immunes, impedita materiæ acutæ falsæ, & corrodentis generatione, licet aliæ causæ permaneant. Secundus modus causæ antecedentis auferendæ, aut saltem minuendæ, potius est in

Venus immoderata podagricis infensissima.

Lac coctum podagricis utilissimum.

Particularia,
& universa-
lia, quæ cau-
sam antece-
dentem po-
dagræ auge-
sunt.

vacuantibus, quæ humorem genitum, fluxioni paratum, simul & fluentem educunt, quorum duplex genus est; universalium & particularium: Universalia sunt venæ sectio, & purgatio; quibus addi potest universalis sudor provocatio: Particularia sunt fonticuli; setacea, vesicatoria, scarrificationes, sanguifugæ, & particularis alicujus membri sudoris provocatio. Quia autem prima arthritidis materia est in sanguine, ab alimentis, ut sæpe jam diximus, quorum tartarum, nec in prima coctione, nec in secunda evictum est, nec vacuatum, præsertim per urinas; à venæ sectione semper est incipiendum, primo ad prophylaxim, deinde ad demulcendum dolores: Inneunte igitur vere, & autumnò, præcipue si sanguis abundet, aut putredine scatere soleat, injecto prius enemate, aperiatur mediana lateris dextri quæ utramque regionem respicit, aut ejus loco, vena magis apparens, secundum vires sanguinem extrahendo; deinde post biduum, ex altero brachio: Paracelsus tamen in consiliis medicis, jubet ad podagricum fluxum, venam poplitis, aut malleoli, quotannis bis secandam, semel æstate, & semel hyeme, nec unquam hoc esse negligendum: Quod experientiæ deferendum est; cum rationem ipse non reddat, cur à poplite, vel malleolo, sanguis potius sit extrahendus, quam ex venis cubiti, dum agitur de præservatione ab arthritide. Longe alio modo se gerendum infestantibus doloribus; qualiscumque enim fuerit sanguis, repetuntur venæ sectiones primo ad revellendum, interdum ad derivandum; sæpe autem ad temperandum ardorem, in materia calida, aut cum febris adest, & quibus venæ sectio solet proficere: Sunt enim quibus doloribus demulcendis, nihil prodest venæ sectio; Aliis vero multum, quod in praxi maxime venit considerandum: Memini enim me vidisse Massiliæ Monachum, in Cœnobio sancti Victoris, cui tanquam cirratus canis dominum, sequebatur dolor arthriticus venæ sectionem. Secundum vacuans humorem fluxioni paratum, aut jam fluentem ad articulos, in purgatione statuitur, quæ vel ad prophylaxim, vel infestantibus doloribus adhibetur: Si ad prophylaxim, quater in anno, & amplius est instituenda, prout major, aut minor sit excrementorum proventus; ea tamen vi pollere medicamentum

opor-

Multis podag-
ricis nihil
prodest venæ
sectio de-
mulcendis
doloribus.

oportet, ut sufficiat, & intestinis exonerandis, & evocandis à capite humoribus; quod non assequetur, nisi venter septies, aut octies, & amplius, abunde dejecerit: Si propinetur medicamentum infestantibus doloribus; ne tunc temporis à debili medicamento humores exagitentur, ipsique non purgati, in partem jam fluxionem excipientem, majori cum impetu ruant, & dolor geminetur, unde multi, ut inquit Fernelius, à purgationibus deterrentur: Ut bene cedat purgatio, Medicum tenere oportet, quomodo ægrotus se gerat cum purgantibus; alioqui utendum ptisana purgante, cujus si una dosis non sufficiat, altera propinetur eodem die, circa horam tertiam pomeridianam, & duobus aliis consecutis diebus, quousque avertendæ fluxioni, satis alvus dejecerit, ut mihi in usu frequentissimum, in pluribus morbis. Hujus in arthritide talis debet esse descriptio.

Ptisana purgans in arthritide.

℞. Rad. cario-ph. ꝑ℞. folior. chamæp. mß. sem. hyperi ꝑj. folio. senn. mund. ꝑj. turb. & jalap. ana ꝑj. omnibus minutim incisus superinijce vini albi lib. j. & fiat infusio pro duabus dosibus mane, & sero, prima si dosis alvum sufficienter non moveat; alioquin propinetur secunda, mane diei sequentis, iterando si fuerit opus.

Cum febris adest consideratione digna, vinum temperari potest aqua ulmariae, aut in ipsa sola fieri infusio: Si autem capitis tantum habenda est ratio, ut in prophylaxi, loco rad. caryophyllatae & aliorum, sumenda est rad. cyperi, aut acori, cum foliis betonicae & floribus salviae, semineque pœoniae. Aliæ purgationes eliguntur secundum ægrotantium propensionem; Quibusdam forma pilularum arridet; aliis liquida placeant; boli à plerisque expetuntur; Sunt qui amant in ovo sorbili, in jusculo carniū, aut in vino dissolutos pulveres; Quibus omnibus satisfaciendum, modo incommodum ægrotanti non afferatur, & peccans humor educatur; ad quod maxime idonea sunt quæ sequuntur. In genere pilularum, arthriticae, de hermodactilis majores dictæ, quæ aliis sunt fortiores, nec tantum humores subtiliores educunt, sed & crassiores: recipiunt enim aloë, epithimum, colocynthium, turbith, scammonium, esulam, hermodactylos, & euphorbium. Pilulis

Varia purgantium formula.

devorandis non assueti, utantur electuario diacarthami, quod Fernelio frequens est in usu; aut ejus pulvere, à ʒj. pro fortioribus dissoluto in aqua, aut decocto ivæ arthriticæ, vel ulmariaæ, vel in jusculo carniū iisdem herbis alterato, cum dolores infestant; tunc enim ex juncturis educendi sunt humores: Si autem ad præcautionem, sumitur aqua betonica, aut decoctum ex cephalicis, vel jusculum iisdem alteratur. Hujus generis purgans, est pulvis Cornachini dictus, multis gratus, propter gustum, minus insuavem pulvere diacarthami, & quod longe minori quantitate sumatur, & quocumque modo voluerint ægrotantes, sive in forma pilularum, sive in forma morsuli, sive in ovo forbili immixtum, sive in liquoribus, qualiscumque generis dissolutus, etiam in vino.

Ego quidem à multis annis, usus sum pulvere Cornachini, sumens de eo quater in anno, in jusculo carniū dissoluto, interdum in forma pilulæ, aut morsuli: Hoc autem rerum usu expertus sum, pulverem hunc in jusculo carniū dissolutum, magis ventrem subducere, quam alio modo sumptum: multosque errare, in propinandis purgantium pulveribus cum jusculo, dissolutionis mora tepescente jusculo; unde fastidio nauseat stomachus, & purgantis sapor magis deprehenditur: Cui incommodo ut occurratur, imponendus primum pulvis in lance, seu scutella, deinde magno cochleari, ex unda ollæ bullientis hauriendum est jusculum, de eo imponendo, quantum pulveri dissolvendo necessarium videbitur, cochleari argenteo semper movendo, quousque forbendi tempus advenerit, quod cognoscetur, manu lanci supposita: eoque minus ingratum erit gustui jusculum, quo calidius sumetur. Hic pulvis multum variat in purgando, quosdam perbelle purgans, alios minime:

Vis purgans
pulveris
Cornachini
dependet a
scammonio,
non ab anti-
monio deto-
nato.

Quare antequam cogitet Medicus de pulvere exhibendo, teneat quomodo æger se habeat cum purgantibus, ut recte dosis præscribatur, si hoc liceat uti; ejus enim dosis est tantum consideranda in scammonio, quam si augeas, augebitur numerus dejectionum: non autem antimonii detonati, licet gr. xv. immiseris: Habet ramen vim quamdam, attrahendi quosdam humores, quos solum scammonium non purgaret, nisi antimonio junctum; Quod apertissime elucet in gayaco, cui licet nul-

la inſit virtus cathartica, efficit tamen cum purgantibus miſtum, ut humores lue venerea corrupti educantur, quod alioqui non fieret. Advertendum eſt etiam cujus ætatis ſit ſcammonium: Licet enim Meſues ſcripſerit viginti annos ſervari: addit tamen poſtea. Sed quo antiquius, eo imbecilius. Quod probatione non indiget. Vide plura de hoc pulvere in libello, qui junctus eſt ad finem Prædictæ chimiæ Hartman. Ejusdem eſt ordinis Cariocoſtinum, quod valde laudatur à Bayrio, non tamen ab omnibus ita feliciter accipitur, ut ipſe de ſe prædicat: Ejus doſis, à zij. ad ziiij. & ad ſummum ad ꝛß. Quia autem in pluribus officinis non habetur, ſi quis eo uti deſideret, talis erit doſis una, in re præſenti, pro ꝛß. electuarii, quæ maxima eſt.

℞. Coſt. cym. caryophyl. zinzib. ana gr. ix. diagrid. & hermodact. ana gr. xviii. fiat pulvis, ex quo cum triplo mellis fiat bolus, aut pulvis ſumatur cum juſculo: Multis tamen hujus doſis tertia pars adimenda, ut ſint tantum cujuſlibet purgantis gra. xij. & aliorum gr. vj.

His annumerandus pulvis arthriticus Paracelſi, qui habetur tract. 2. de morb. ex tartaro, cap. 2. tom. 1. Hujus hæc eſt deſcriptio.

℞. Offium hominis, ſcammo. hermodact. turb. ſenn. zacha. ana fiat pulvis, de quo mane, & ſero, præbenda ꝛß. pro vice una.

Pulvis Arthriticus Paracelſi.

Pulvis hic, inquit, ab ægro fluxus omnes, & tartareos morbos eximit, eo modo ut res reſolvat, ut in tract. 1. diximus; operationis autem vis, ex eo procedit, quod oſſa ex proprietate ſua, miracula edant; cetera autem, ex vi ſpecifica materiam reſolvant, &c. Interea dum hoc pulvere materia fluens ad articulos, & quæ jam influxit eximitur, locum dolentem inungit bis in die mumia partibuli, quæ eſt oleum deſtillatum ex carne ſuſpenſorum, ſole denigrata. Hanc autem inunctionem, ait, continuabis ad ſanationis finem uſque; per hanc enim unaquælibet podagra, chiragra, & ſimilis affectio, curari poteſt, quia hæc ceteris omnibus præſtantior eſt; modus iſte curandi vocatur ab eo, cura integra, quia cutis non aperitur causticis, ut in cura aperta, de qua paulo poſt. Hartman-

nus in pract. chimiatr. describens pulverem hunc, petit ossa hominis juvenis, violenta morte perempti, calcinata: Si chira-gra, manuum; Si podagra, pedum; & saccharum candum, loco alterius, imponit; sumendo pulverem cum aqua ivæ ar-thriticæ, vel fragariæ ex Crollio, vel ulmaria: Ego vero si ossa humonis haberi nequeant, animalium ossa usu reciperem: Si enim utimur bovis splene, & aliorum animalium, sicut & pulmone vulpis, & quamplurimis aliis partibus; quidni eorum-dem ossibus? Si tamen ossa hominis sint in promptu, sive ma-nus, sive pedis, cum Paracelsus pro omni affectione arthriticis pulverem componat, iis consulo potius utendum. Idem Para-celsus lib. 2. de vita longa, cap. 1. tomo 2. & in fragmen. ejus-dem lib. paulo post scripto, loquens de cura podagræ, ait, Arcanum corallinum, fluxus podagricos usque adeo expurgat, ut locus illi morbo amplius non detur; purgatio ea sexies, aut septies iteranda, prout podagra vel inveterata, vel gravis, vel contumax est. Quod si tamen à purgatione, morbi aliquid residuum fieret, aut æger propter imbecillitatem, purgationi sustinendæ non sufficeret, cutis ei aperienda est, ubi sedes præ-cipua, vel centrum podagræ est, per alkali ex spiritibus; ut dicetur infra in cura aperta. De arcano autem corallino, quod præparatio quædam mercurii est rubea, vide Crollium in Basi-lica chymica, & commentaria Hartmanni titu. de cathart. mi-neralibus. Est etiam aliud purgans apud Paracelsum, in herba-rio, ad podagræ præcautionem; radix scilicet ellebori nigri, quam miris laudibus prædicat; non solum in hoc affectu, sed & contra epilepsiam, hydropem, & paralysem. Colligit illam luna decresciente, in signo libræ, & flantibus borealibus ven-tis, quod tempus collectionis optimum est, illam postea ficcet in umbra; ejusque pulveris dat juvenibus zj. in lacte, senibus vero in vino, tribus consecutis diebus, mane, antequam dolo-res percipiantur. Quo facto, inquit, fluxus podagricus au-fertur à toto corpore; sic ut hora paroxysmi, parum, aut ni-hil dolorum sentiat. Pauperes uti poterunt semine ebuli be-ne purgati, & ponderosi, ita ut aquæ non supernatet; mirifi-ce enim, vi dejectoria, inquit Matthiolus demulcet dolores podagricos, ischiadicos, & à lue venera ortos, sumptum zj.

Arcanum co-
rallinum flu-
xus podagri-
cos expurgat.

Usus radices
hellebori ni-
gri contra
podagram.

Semen ebuli
demulcet do-
lores poda-
gicos.

pon-

pondere: Advertendam tamen cujus ætatis sit semen; maxime enim recens valde, subducit ventrem, movetque vomitum, sua oleosa recenti substantia, quod non efficit, si sit plurimum mensium: Sumpta enim de hoc semine ʒj. contusa, & vino dissoluta, quod octo mensium, erat, octies mihi ventrem subduxit; eadem vero dosi, anno sequenti ex semine recenti, septem & decies venter exoneratus est cum vomitu, & stomachi magno fastidio, quod oleo recentis feminis tribuere non dubitavi; tamen vires non fuerunt dejectæ, nec sitis me infestavit, ut ex aliis medicamentis contingere solet, quæ nimis ventrem subducunt; quare eligatur semen mediæ ætatis, & quo magis inveteraverit, augeatur dosi, quousque novum, quibusdam mensibus repositum steterit. Placebit etiam divitibus, sicut & pauperibus, hac uti purgatione, eos enim magis adoritur arthritidis, propter lautam victus rationem, & insuetam laboribus. Multi in doloribus arthriticis laudant vomitum, quod commode cietur mane jejuno ventriculo, facile vomentibus, ante dolorum invasiones; veris scilicet, & autumnii initio: Qui enim his temporibus utuntur aqua benedicta, rarissime, aut nunquam, modo reliqua correfpondeant, insultibus podagricis corripuntur, inquit Hartmannus: Quod si æger difficile vomat, sumendum instante quolibet vomitu, parum jusculi, ne vanus sit conatus. Ex his omnibus purgantibus, quædam frigidæ, quædam vero calidæ arthritidi conveniunt: Quibus prævalet scammonium, ut caryocostino, & sæpiissime pulveri Cornachino, ea biliosis, & calidis humoribus vacuandis idonea sunt; scammonium enim, ut refert Oribasius ex Rufo. 7. collect. cap. 26. pituitam, & bilem impermixtam vehementer evacuat, cujus naturæ, ex Hippocrate, est humor arthritidem efficiens: Ideo pilulæ de agarico, humoribus calidis educendis non conveniunt, quia scammonium non recipiunt: Alia purgantia quæ jam enumeravimus, utramque materiam educunt; Quædam vero magis calidam, ut pulvis Paracelsi; Quædam magis frigidam, ut diacarthami, & pilulæ foetidæ, quæ licet scammonium recipiant, multam tamen ex partiaria materia, ducunt pituitam, ut turbith, colocynthis, esula, & hermodactyli: Pilulæ vero de hermodactylis majores, pituitæ vacuandæ solum in-

Sudoris pro-
vocatio uni-
versalis, ar-
thriticis uri-
dis.

interviunt, quia scammonium non est de eorum partiaria mate-
ria. Semen ebuli aquas tantum & serum educit; quod, ut su-
pra demonstravimus, vera & proxima causa est arthritidis. In-
ter purgantia, seu vacuantia universalia, diximus supra anume-
rari posse generalem sudoris provocationem; quod ex toto cor-
pore evacuet, & per loca conferentia, in hoc affectu: Nul-
lumque invenias, cujuscumque sententiæ fuerit; sive ex venis,
sive ex capite; sive ab utroque fonte, originem ducat arthri-
tis, qui hoc genus auxilii non probet; Modus tamen recte per-
ficiendi, paucis est in promptu, præcipue cum adest febris:
tunc enim communia sudorifica, ex salsaparilla, radice chinæ,
sassafras, & multo minus ex gayaco conveniunt, neque eorum
decoctum facile movet sudores sine laconico, melius hoc per-
ficitur eorum pulveribus, vel ex uno, vel ex duobus, vel ex
tribus, pondere ziss. aut zij. per noctem in vino infusarum; aut
in aqua aliqua sudorifica supra cineres caldos, si quid obftet,
sumpto liquore simul & pulvere, corpore plus solito cooperto.
Vel ad chymica sudorifica confugiendum, ut est antimonium
diaphoreticum, & multa alia quorum præparationes extant apud
artis peritos. Beguinum in tyrocinio. Hartmannum. in pract.
chymiatr. principio. Hamerum Poppium, in basili. antimo-
nii. Præ ceteris autem in operibus Glauberi, prima part. &
præcipue, 2. par. furnor. tom. 3. Sudoris provocationem
supplere potest diureticum probatæ virtutis, ut est radice bar-
danæ majoris decoctum; quod ex Foresto, cum cerevisia fa-
ctum, & calide bibitum, sanavit virum à doloribus arthriticis,
in lecto decumbentem, quo epoto, plurima minxit instar la-
ctis alba, & sanatus est. Vacuantibus his universalibus, ve-
niunt in subsidium particularia, fonticuli, vesicatoria, seta-
cea, hirudines, scarrificationes, & particularis alicujus mem-
bri sudoris provocatio; de quibus fusissime cap. 2. de flux. lib.
1. De hoc autem ultimo paulo post. Tertium præsidii ge-
nus, quo humoris arthritidem facientis generatio impeditur,
aut saltem copia minuitur, versatur in capitis roboratione, sicut
& stomachi, & jecoris, ut quidam volunt, quibus non refragor:
Salsum enim illud minerale, aut succus acetosus, seu tar-
tarum, à cibo, & potu præcipuam originem habens, nisi ab

Decoctum
radicum Bar-
danæ majoris
sanat Po-
dagram.

Archæo stomachi evincatur, transit in jecur, magis liberum quam antea, terrestrioris quippe substantiæ vinculo solutum: in quo si coctionem eludat, purius in totum corpus cum sanguine circumfertur: Cum autem partibus alendis sit ineptum, superfluis humiditatibus immixtum remanet, quamplurimorum morborum causa, cum foras non expellitur. Verum cum nulla sit pars, ut sæpius diximus, quæ majorem sanguinis quantitatem, in sui nutritionem absumat, ipso capite: nulla etiam quæ ex debili coctione, majorem excrementorum proventum cumulet, multoque magis si sanguis peccaverit, vel à causis externis, vel ex primæ, vel ex secundæ coctionis defectu, à quibus multi vapores ascendunt ad caput, præcipue ab ea quæ sit in stomacho, quibus in laticem densatis, augentur partis superflua: ex quibus, si per ductus naturales non expurgentur omnes morbi à fluxione, quos lib. 2. cap. 2. enumeravimus, exurgunt, de quorum numero est arthritis. Quapropter in curatione, harum partium habenda est ratio, ut recte quælibet suo munere fungatur: Stomachus probe chylum conficiat, ut si quid tartaræ substantiæ in eo insit, separetur, facilius per fæces excernendum: Jecoris intemperies, si qua sit, corrigatur, ipsique robur concilietur, ut recte fiat hæmatosis, tartarumque à sanguine, hoc pacto, facilius secernatur per vias, expellendis hujusque coctionis excrementis dicatas deturbandum, præcipue per urinas. His peractis, nihil tamen, aut parum proficies, si fons mali proximior, caput scilicet negligatur: Quapropter Paracelsus consilio 1. pro quodam celeberrimo scriba, ad confortandum cerebrum, & stomachum, pro devitandis fluxionibus, & aliis morbis, hæc illi præscribit.

℞. Rad. caryoph. rad. aco. ana ℥ss. folior. euphra. mij. flor. samb. & majora ana ℥iſs. ponantur omnia in doliolum, cum 30. mensuris vini: ubi autem octiduum infuderint, bibatur mane, & sero sub noctem, haustus qualibet vice, per mensem integrum. Per hanc potionem, inquit, cerebrum sibi restituetur, & ad temperaturam convenientem reducetur.

Vinum stomachicum
Paracelsi.

℞. Grano. junip. ℥j. coquantur in aqua horis duabus, coentur postea, & exprimantur, ut pelliculæ, & granula secedant: pulpæ transmissæ, adde tandumdem sacchari, subigendo

Fff cum

cum zinziberis ʒj. calami aromatici, & macis, tandumdem, cubearum ʒj. Excipiantur vitro, quod optime clausum, stet in sole per mensem integrum: Dosis quantum media nux juglans æquat, mane, & sero, ab ingesto cibo, nihil amplius comedatur, aut bibatur. Erit ejus usus per spatium duorum mensium: Hoc regimen, inquit, sex annis integris tibi satis erit; quibus elapsis, de statu morborum, amplius consilia, & auxilia petenda erunt. Quod ita accidit, referente ipso ægro-tante, qui affirmavit se antea semper debilem, & fluxionibus obnoxium vixisse. Ab usu autem horum remediorum, com-moda deinceps semper sanitate usum fuisse, & pacatum senium ultra 70. annos produxisse.

Est & aliud præservativum magnarum virium, apud G. Horstium lib. 8. observ. de morbis externarum part. obser. 3. quo quidam Medicus Uratislaviensis ejus amicus, nomine Dorin-gius, utens, ab insultibus podagricis præservabatur: Cujus exemplo, ipse Horstius felici cum successu, expertus est in quodam mercatore. Hujus hæc est descriptio.

Pilulæ anti
podagricæ.

℞. Pulv. chæmæp. chamæd. ana ʒij. centau. mino aristo. rot. rhapo. genti. sem. hyper. cran. huma. præp. ana ʒiʒ. rad. cicho. santa. rub. ana ʒj. cum succ. ivæ arthrit. & parum terebenth. fiat massa pilul. de quibus quolibet trimestri, in solstitiis ʒʒ. su-menda per mensem integrum.

Hartmannus in pract. chymiatr. tit. arthrit. valde commen-dat magisterium perlarum, D. de la Rivire Medici Regis Gal-liæ, quod ipse describit magnumque ait esse in arthritide con-fortativum ad eam præcavendam, præmissis, ut ipse ait, mun-dificantibus; hoc est purgantibus: Sed istud pro divitibus. Horstius lib. 2. observati. de morb. capitis, observat. 12. epistola 3. duo se ait probare ad capitis robur, & suspensionem catarrhi: Primum est usus pilul. assajaret, & arabicarum, sumptarum quolibet vespere, in ingressu lecti, ad scrup. j. aut ʒʒ. Alte-rum est pulvis Mercati, quarto quoque die capiti raso asperius; qui

℞. Pulv. ros. santa. citri. coral. præp. sandar. Arabum: spic. celticæ ana fiat pulvis.

Præter hæc roborantia, est unum maximi momenti; capitis
sci-

scilicet custodia à causis externis, de quibus multa. lib. i. cap. 2. de fluxionibus.

Expeditis ad causæ antecedentis ablationem pertinentibus, ad conjunctæ resolutionem, & mitigationem veniendum, si roborantibus articulos fluxio arceri nequeat; in quibus Medicus insistere debet, cum recens est affectus; ne progressu temporis, assidua fluxionum arthriticarum receptione, irreparabilis invenitur articularum imbecillitas: Ad quod duo sequentia plurimum valent; Primum est, in vinaceis ex racemis rubris, & bene maturis, partes affectas cum incaluerint detinere, cavendo à vapore, qui caput maxime gravat. Vicem supplere poterit vinaceorum, cum non erunt in promptu, sequens fons.

R. Folior. salviæ, majora. myrthi, orig. ana mj. folior. ro-
rism. flor. ros. & balauft. ana mß. nucum cupre. viridium, & conquassatarum num. 12. bacc. lau. & junip ana ʒß. alum. ʒij. cin. vitis ʒß. fiat ex his. decoct. in vino, & aqua fabror. ad fomentum, vel immersionem calide administrandam, si liceat ex partis positione; Deinde parte bene tersa applicetur emplastrum de meliloto, aut emplastrum cap. de pleuritide descriptum, quod dolores sedat arthriticos. Si tamen partes ita sint imbecillæ, ut irruenti fluxioni cedere cogantur; mitigantia primum, ratione doloris; deinde resolventia in subsidium venire oportet. Primi generis multa est farrago apud Authores, ex triplici classe desumpta: Quarum prima est paregoricorum, id est consolantium, seu lenientium, quæ doloris causam demulcent anodynaque proprie dicuntur: Secunda est eorum quæ causam doloris auferunt, eique hoc modo contraria sunt; licet similitudine substantiæ plerumque hoc fiat; Quemadmodum in vulnere ab aculeo scorpionis inflicto, cujus venenum, quod partim causa doloris est, attrahitur ab ipso scorpione obtrito, & supra vulnus imposito; Venenum enim quod in scorpione est, inveniens in parte vulnerata aliquid sibi simile, & ab ipso decisum, attrahit illud, ut sibi jungat, quod facile cedit trahenti, relicta parte vulnerata, quæ propria ejus sedes non erat. Simili plane modo, accidit in doloris arthritici sedatione, quæ fit ab specificis, quæ adhibentur, in quibus si similitudo substantiæ, cum causa doloris occurrat, sedatur dolor; sin minus, nequa-

Fomentum
ad arthriti-
dem.

Uſus narco-
ticorum in
doloribus
arthriticis.

quam. Et hæc ratio eſt, cur ſpiritus ſalis, tollat interdum in
iſtanti dolorem arthriticum, quia cauſa doloris arthritici con-
tinens, de natura ſalium eſt, illi quandoque familiaris, quod
ſibi jungit, cujus gaudens amplexu, quod in parte eſt non am-
plius agit in eam, quo fit ut dolor ſedetur. Quapropter in ta-
libus ſpecificis, multa ſunt experientia comprobanda, ut ſub-
ſtantia ille conſenſus tandem inveniatur: Ideo multa deſcripſi-
mus in hoc capite, & in ordine remediorum alphabetico. Ter-
tia claſſis dolorem ſedantium eſt narcoticorum, ideſt torporem
inducentium, à *narki*, quod eſt torpedo; quæ vel partibus
ſuperponuntur; vel intro ſumuntur: Eorum vis eſt, cum intro
ſumuntur, ut proprietate quadam, ſpirtitus animales quaſi ſuſti-
nere cogant, ne cum impetu, ut illis mos eſt, ferantur ad or-
gana ſenſus, ita ut pigre, & exiliter, munere ſuo fungantur,
unde ſenſus torpeſcit, & ſomnus conciliatur, inter morboſum,
& naturalem medius: Simili modo, cum ſupra partem aliquam
externam imponuntur; ejus ſpiritus, tum inſitos, tum influen-
tes; torpidos reddunt, & quodammodo cohibent, præcipue
influentes; unde parte exiliter ſentiente, non percipitur, ut
antea cauſa doloris, niſi valde diminute. Hujus generis non
ſunt, quæ actuali, ut dicunt, frigiditate, torporem inducunt,
aditum ſpiritibus, pororum præcluſione prohibentia, & nimis
excellente ſenſibili, ſenſum quaſi corrumpentia, quod qualita-
tis elementaris eſt effectus, quæ ad præſtandum, quod vere
narcotica intra corpus efficiunt, non aſſumuntur; potius enim
irreparabili frigiditate ſtomachum afficerent, aut calore naturali
fractò, aut debilitato, hydropem, aut mortem afferrent, quam
externæ alicujus partis dolorem, intro ſumpta, demulcerent:
Narcotica vero proprie dicta, & foris adhibita, & ſumpta in-
trinſecus, ſomnum conciliando, dolores, tum internos, tum
externos leniunt, & interdum omnino auferunt, ſine ullo fri-
goris ſenſu; imo calide adhibita: Hoc autem virtute quadam
ſpecifica, non autem elementari, ut credidit antiquitas & qui-
dam neoterici. Harum omnium claſſium, quædam arthritidi
calidæ propriæ ſunt, cui ſcilicet calor, & rubor junguntur;
quædam vero frigidæ, & aliæ utrique conveniunt: Quæ cali-
dæ adhibentur, hæc ſunt.

℞. Micæ pan. recenter è furno extracti. q. v. infundè calidam in lacte caprillo in mortario ligneo, aut marmoreo, cum tot ovorum vitellis quot cataplasmatibus consistentia ferre poterit; quo enim plures, eo felicius dolor demulcetur: In qualibet ℥j. cataplasmatibus dissolve olei ros. ℥ij. croc. gr viij. opii, si opus fuerit tandumdem. fiat catapl. calide applicandum, & tertia quaque hora renovandum. Quidam oleum non probant; si tamen recens fuerit, non debet rejici, est enim paregoricum, & citam cataplasmatibus exsiccationem prohibet.

vel

℞. Mucil. sem. psyll. & cydon. vel sem. alth. & cydo. ana ℥ss. in aquæ solan. & plantag. ana ℥iiij. factæ; calide pars dolens illinatur, & linteam, vel stupæ superponantur, nec arefcere permittatur, sed novam semper impone mucilaginem tepide æstate, & calide hyeme, donec calor, rubor, dolorque omnis sublatu fuerit, summe strenuum remedium in sedanda podagra, & chiragra, ait Fernelius. Quod si inflammatio major esse videatur, adde aceti ℥j. in cubito, & genu, & coxendice, atroci existente dolore, quo altius vis penetret, adjicies campho. gr. vij. Aut interdum partem fovebis aqua ros. stillatitia in cuius ℥ss. campho. gr. vj. dissolvantur.

vel

℞. Carnem cucurbitæ. q. s. contunde in mortario in formam pultis, & applica frigide æstate, & tepide hyeme. Efficax remedium; sed cavendum est à partis nimia refrigeratione.

vel

℞. Aquæ fon. calidæ ℥ss. spir. salis ℥ss. in aquam calidam injecto spiritu, immerge statim linteam, & applica; illico sæpius sistitur dolor.

vel

℞. Aquæ salis; calefiat, & lintea in ea madefacta, parti dolenti imponantur; pro pauperibus, & cum spiritus salis desideratur.

vel

℞. Sperm. ranar. & stercor. bovis, mense Martio collecti in novilunio. p. æqu. ex his aqua distilletur, quæ cum guttulis aliquot spir. vitrioli calide applicata, confestim sedat dolorem,

ex Hartmanno; apud quem est etiam spir. salis armon. cum pari portione spir. vini mistus, in quibus aliquid camphoræ solutum fuerit; his plumaceolo locus bis, terve illitus, statim dolor extinguitur: Hujus mirabilem usum, inquit, apprehendi.

vel

℞. Spir. vini ℥iiij. injice in eas croc. scrup. β. ita ut flavescat; coletur addendo camph. scrup. j. opii ℥j. tutum, & efficacissimum esse ait Sennertus, remedium ex Platero; sicut & Riverius.

vel

℞. Aquæ stillat. ex tota ulmaria, cum flore, & radice est nobile experimentum apud Moranos in usu, ad sedandos illico dolores arthriticos, ex Adriano Spigelio.

vel

℞. Lentic. palust. & flor. chamæm. ana q. f. decoque in lacte. adde parum fari. hord. ut fiat cataplasma.

Oleum saponis utile ad sedandum dolores podagricos.

Est & oleum saponis in utraque arthritide conveniens, Nicco. Metri Itali; de quo Zacharias Brendelius; scribens Greg. Horstio, sic ait: Utor eo feliciter in doloribus arthriticis celeriter mitigandis. Et paulo inferius inquit, accidit aliquando, ut post usum hujus, cuticula a cute separata, pustulæ excitarentur, quibus apertis ichor quidam flavus, salus, & acris, profluxit, ad septimanas aliquot; unde diu æger, ab invasionibus podagricis immunis fuit: Descriptionem tamen hujus olei non docet; Ego autem existimo esse liquorem saponis, de quo Hartmannus in commen. basil. chym. Crollii, titu. arthritis. cujus hæc est descriptio.

℞. Sapon. venetum, id est purum, & minime adulteratum. q. v. minutim inciso superinfunde bonum vini spiritum, & semel atque iterum distilla: affunde denuo eundem, relinque in loco calido, & postea per chartam filtra; eo illine podagram, & senties magnum levamen, inquit. Quidam exemplo Crollii, ossa tibiæ alicujus animalis calcinata, loco ossium humanorum, in oleum injiciunt, ut sit oleum de lateribus quod à chymicis, & dogmaticis laudatur, si eo pars dolens calide liniatur, in arthritide frigida; in calida vero, addatur cuilibet uncia hujus olei, campho. & opii ana gr. iiij.

Alii utuntur emplastro quod describitur cap. de pleuritide, cujus experimentum vidi multoties, etiam in arthritide calida, in qua vellem cum aliquo oleo anodyno, dissolvi in formam cerati. Arthritidi frigidae convenit sequens.

℞. Olei petrolei ℥ij. helleb. albi ℥j. minutim incisam coque parum, & locum dolentem illine, & statim dolor sistetur, inquit Hartmannus. Sedato magna ex parte dolore, & humorum fluxu quiescente, si dolor aliquis remaneat, aut tumor, cum quadam manus imponentia, ut sæpe fit, ad resolutentia, veniendum, & emollientia, ne reliquæ humoris indurescant: Ex quibus quod magis est in promptu, fit mistione emplastri de meliloto, & de mucilagibus: Vel utendum emplastro Fernelii, descripto. metho. cap. 27. & in fine Enarrationum hujus capituli, quod potentius est: Balnea tamen sulphurea, & bituminosa, omnibus præstant, cum anni tempestas est idonea, daturque facultas abeundi, eorum tamen loco potest fieri balneum arte factum, quod

Balnea bituminosa & sulphurea podagricis utilia.

℞. Rad. alth. ℥ij. folior. malv. origa. salv. sampsu. rorism. ebul. ana mij. flor. chamæm. & melil. ana mß. flor. genist. pij sem. fænugr. bac. lau. & junip. ana ℥ß. salis com. lib. ß. fiat decoct. ad fotum, pluribus vicibus repetendum. Quod si partes affectæ commode possint immergi, fiat balneum cum sæce boni vini, hoc decocto calefacta ut sit tanquam lutum alicujus balnei, ejus calore servato, supposito, ignitabulo vasi fæcem continenti, ut membrum diu detineatur in luto, seu sæce.

His nihil proficientibus, ad curam apertam Paracelsi veniendum, quam aliquando oleum saponis facit, de qua aliquid supra attigimus: Hanc ipse. lib. 6. de morb. ex tartaro, tract. 2. describit hoc modo.

℞. Merc. sublim. aquæ fort. & arsen. ana fiat pulmentum, impone de eo ubi dolor diffunditur: Si vero universum membrum is occupavit, in loco ad id maxime idoneo, foramen fac, deinde impone ad escharram liberandam: Postea attractivum quod sequitur: Ita fiet ut omnis fluxus, & sal tartareum extrahatur, liquetur, & in aquam resolvatur. Sordibus universis evacuatis, insperge in foramen pulverem de croco martis,

tis, & consolidata. Hac arte, & vi, extrahere potes, inquit, quamcumque podagram, quæ aliis nullis remediis cedit: Contra medicinam autem hanc, nihil quidquam reniti potest. Attractivum autem hoc modo parabis.

Emplastrum
attractivum
Paracelsi.

℞. Minii, lythar lap. calamin. carabe magnet. ana ℥ss. omnia in pulv. subtiliter redacta, bulliant in olei lini ℥vj. addendo terræ ℥iij. terebenth. ℥ij. verni ℥j. coquantur donec emplastrum sit punicei coloris; in quo postea injiciantur dissoluta, & colata, opopan. bdell. galba. ammon. sagap. ana ℥ss. ubi ebullierint aliquantulum, immitte sequentia, carab. masti. thuris, myrrhæ, magnet. aloës, ana quart j. fiat emplastrum.

Existimo Paracelsum maximo in usu habuisse hoc emplastrum, magna est enim partiariæ materiæ quantitas, nec in sola podagra usum esse: Ideo ad libitum minui poterit. Si cui hæc cura aperta hoc modo peracta, operosa nimis videatur, dabimus in Enarrationibus faciliorem, & parvi sumptus.

P R O G N O S T I C A.

Quicumque podagrici morbi fiunt, sedata inflammatione, intra dies quadraginta, conquiescunt. Hippo. apho. 48. sect. 6. & lib. de judicationibus.

Dolores podagrici, vere, & autumno, potissimum moventur. Hippo. apho. 55. sect. 6.

Puer podagra non laborat, ante veneris usum. Hippo. apho. 30. sect. 6.

Eunuchi podagra non laborant. Hippo. apho. 28. sect. 6.

Mulier podagra non laborat, nisi menstrua defecerint. Hippo. aphor. 29. sect. 6.

Quartana infringit podagram.

Podagra longus est morbus, & molestus, sed non lethalis. Hippo. lib. de affectionibus.

Podagram varices solvunt. Avicenna.

Qui podagram congenitam habent: ægre ab ipsa liberantur. Hippo. lib. 2. prædict.

Senes non sanantur. ex Hippo. 2. prorrhēt. Et qui ærumnose vivunt, & alyum siccam habent.

Dysenteria sanat podagram : & aliæ eliquationes valde profunt, quæ ad inferas sedes repunt. Hippo. ibidem.

Juvenes nondum callos habentes, curari possunt, si accurate vivant, laborisque sint amantes, & alvum bonam habeant. Hippo. ibidem.

Qui podagrici futuri sunt; iis à magno pedis pollice fere incipit.

Arthritis hæreditaria insanabilis est.

Doloribus arthritidis obnoxii; si absque causa manifesta liberentur, grave malum sæpe minatur, alio translata materia.

Arthritis degenerat aliquibus in hydropem.

Arthritis vertitur interdum in colicam; & colica in arthritidem, fluxu humorum viam mutante.

Arthritis quæ sæpius repetit, confirmata, non curatur.

Solvere nodosam nescit Medicina podagram.

Enarrationes de quibusdam Ægrotis.

OBSERVATIO PRIMA.

Præbit ceteras nobilis istius viri enarratio; quoniam in ejus curatione, plusquam in ceteris omnibus, mihi magis arthritidis natura, de qua dubius eram, innotuit; frequens enim eam apud illum, & quidquid toto tempore ægrotationis accidit, quæ fuit 20. annorum, licet cum quibusdam intervallis, manifestum nobis apparuit: vir erat proceritatis eximiæ, jecore præcalido, rubebant enim parum genæ, & nasi extremum, cum levibus interdum pustulis, etsi vino diluto uteretur, gaudens tamen piperatis, salsis, & acribus. Pro genio, cui multum indulserat, transacta juventute; cum annum quadragesimum ageret; cepit conqueri de quodam stomachi dolore, qui licet remediis cederet, frequenter tamen redibat, levi fluxu ventris cum accideret, conquiescens; quod suspicionem mihi attulit, hujus doloris causam esse à capitis fluxione, per intervalla in stomachum delabente: Duobusque annis aut circiter elapsis, apparuere in magno pedis pollice, quædam arthritidis principia: dolor scilicet, cum quodam tumore, & rubore, qui cum aliquoties recurrisset, in alios articulos se postea expan-

Podagra Vigi-
giti anno-
rum in viro
nobili, pi-
peratis &
acribus cibis
gaudens.

dit : Révertentibus tamen suo tempore doloribus, primus infultus semper fiebat in pedis pollice. Cum autem dolor arthriticus caperet, illo scæviente liber erat à cardialgia; & illa infestante, à doloribus arthriticis erat immunis: Quod quibusdam annis perseveravit; magis tamen, ac magis, invalescente causa utriusque affectus, fluxione scilicet à capite, & cardialgia, & arthritide afficiebatur. Tandem prævaluit arthritis, in qua nullum unquam levamen percepit, ex venæ sectione, nec sanguis corruptus apparuit, primis quibusdam annis, nulla apparente febre, quia eo tempore, non ita scæviebat arthritis, nec fluxio, tunc parva, subibat venas ut postea, sanguinem corrumpens. Sed postquam arthritis, sociam habuit febrem, & inseparabilem, sanguis maxime corruptus apparuit. Per totum tempus, quo arthritide per intervalla laboravit, bis febre continua correptus est: Prima levior quidem extitit, 20. dierum, cum perpetuo capitis dolore, nullis cedens remediis; ab eo tamen, & feбри liberatus est, sumpta purgatione, quæ habetur descripta lib. 1. cap. 1. de doloribus capitis; altera brevior, sed magis violenta, & periculosa, cum totius capitis atroci dolore, & continuo, à quibus evasit decimo quarto, auribus factis purulentis; caput autem imbecillum evasit, à prægressis, & frequentibus equitationibus sub dio, cum imbris, ventis, sole, & frigore, toto juventutis tempore. Ex hoc morbo emerfus, non minus propterea arthritidi fuit obnoxius, quæ vires acquirebat eundo, præcipue hyeme; quo tempore, pluribus annis antequam moreretur, à mense Decembri, usque ad Maium, lecto quolibet anno detinebatur, cum doloribus; modo levibus, & sine febre, modo gravioribus, & febre continua, circa noctem exacerbationem magnam habente; cum velut æstuante humore, novi fluxus concitarentur: Quam exacerbationem, novi fluxus, præcedebat frigus capitis. Cum autem petiisset à me, quid sibi vellet sensus ille frigoris, in capite bene contexto: Respondi signum esse serosi cujusdam humoris, è propria sede excussi, qui fluxioni parabatur, supra pericranium, & carne superjacente cumulatus: Unde postea noctes, quæ illi graves futuræ erant, prædicebat; nec fallabatur, à me, & experientia edoctus. Libenter nunc peterem

à Sennerto, vel à quodam ex suis sequacibus, quemadmodum ille in suo primo argumento, circa principium hujus cap. allato, petit à Fernelii sequacibus: Qua necessitate, vel naturæ, vel morbi, ante graves dolorum invasiones, fieret illud frigus in capite: si humor arthritidis causa, excidit tantum è venis; & satis erit mihi? Procedente arthritide, quacumque temperate, etiam æstivo tempore, fiebant insultus arthritici, licet magis hyeme, ut diximus: præter in ea, in qua usus est diæta sudorifica quæ incipientem jam arthritidem, mense Decembri, in magno pedis pollice, ut solitum erat, non solum avertit, sed & omnes alios dolores: ita ut à mense Decembri, usque ad principium Maii, immunis esset ab omni dolore arthritico. Redeuntibus postea doloribus volebam ut quolibet anno, talis præcavendi, & sedandi dolores, modus renovaretur: Sed propter calidum jecoris temperamentum, à quibusdam Medicis non est probatus; quod quidem parvi faciebam: Quæ enim in viro jam 55. annorum, poterat esse calida jecoris intemperies, cui calor externus unius horæ nocere posset? Senibus, inquit Hippocrates, febres non admodum fiunt acutæ, frigidum enim est eorum corpus. Præterea, quis calor extraneus imprimitur calido jecori, cum calidus aer non inspiretur? Si ex perspiratione incalescit, illiusque habenda sit ratio, omnes diebus canicularibus, sub sole præcipue iter facientes, incident in calidam jecoris intemperiem, & in febribus acutis, in quibus viscera pluribus diebus inardescunt; in laconico vero, tantum per horam, ad summum, incalescit corpus extrinsecus. Quod si ejus calor alicui sit formidabilis, propinetur à sudoribus jusculum ex herbis refrigerantibus: Vel si ægroto facile sudores moveantur, potenti hydrotico, ex his quæ hoc cap. & alibi meminimus, moveantur sudores sine laconico: Nam laboranti febre quartana, in qua multi sudores effluunt, insultus podagrici omnes fere avertebantur; ita ut si arthritidis reditum minaretur, accedente quartanæ paroxysmo infringetur. Hoc etiam consideratione dignum, accidit in isto ægrotante, quod ex multis anodynis, quibus usus est, nullum unquam bis profuit; neque ex his quæ mittebantur; neque ex his quæ ipse præscripsi: spiritu enim salis utens, cum in utro-

Diæta sudorifica incipientem arthritidem avertit.

Aphor. xliij. sect. i.

que genu arthritide correptus esset; applicato spiritu salis, cum aqua fontana calida, ut supra dictum est, statim dolor conquievit; primum in uno; deinde in altero. Tandem cum esset senex 63. annorum, animo autem juvenis, induto levi thorace, post festum Pascæ, qua tempestate ver, in regione ista, non sibi constat, propter montium Pyrenæorum propinquitatem oborto iterum frigore, humores excrementitii, qui sub cute, & per corporis superficiem fluebant ad articulos, ad interiora propulsi, in pectus scilicet; nunquam amplius, nisi levissime, ad articulos diverterunt, vixitque annum & dimidium, lecto semper decumbens, cum tussi, & sputis puriformibus, tanquam pthysi laborans ab ulcere pulmonis, quousque ab sputis, præ debilitate intercepto spiritu extingueretur.

Ex hac Enarratione, dilucide apparet in hoc viro nobili, licet temperamento esset biliosus, ad sanguineum declinante, & jecore præcalido, causam arthritidis antecedentem in capite extitisse, remotam vero in jecore, eo modo quo diximus; imbecillum enim caput reddiderat, ut diximus, frequentibus equitationibus sub dio, tempore pluvioso, & boreali, mora que nudo capite in aulis magnatum, nec non & vigiliis.

OBSERVATIO II.

Chiragra
inuisto fonticulo
sanata.

Vid. cap. 2.
lib. 2. Enarrat. 3.

Alius vir nobilliss, atroci utriusque manus chiragra laborans; cum ad levationem omnia tentasset, inuisto tandem in utroque brachio fonticulo, invenit remedium, quod toto vitæ decursu, liber à chiragra, gestavit: Postea vero, quotiescumque ira excandesceret, in pluritudinem quam vulgus in hac regione occultam vocat, incidebat; commotis ex ira, majori impetu humoribus, qui antea à capite pedetentim defluebant. A qua tandem pleuritide, septima vice extinctus est.

OBSERVATIO III.

Podagra applicatione
ranunculi
sanata;

Sacerdos quidam, cum ex reliquiis podagræ, per tres annos integros in lecto detineretur; non valens incedere, loco magis dolenti imposuit ranunculum, eo modo quo lib. 1. Cap. 1. de doloribus capitis diximus, & sanatus est; Quod est species quædam curæ, quam ex Paracelso, apertam vocavimus, qua

qua crassus humor, cutem penetrare non valens, hoc modo educitur.

OBSERVATIO IV.

Vir quidem nobilis, podagra à longo tempore laborans, simili modo sanatus est; non quidem ranunculo, sed volubilis cujusdam specie quæ Elatine, aut Clematis altera, dicitur; ejus foliis contusis in caliculo glandis impositis, & supra partem magis dolentem superpositis. Quod fieri posset remedio, quod in me expertus sum contra dentium dolorem, quo cutis sine ullo penitus dolore aperitur; componitur autem hoc remedium ex calce viva, & sapone liquido, in formam pastæ redactis, modo pyroticorum nudæ carni applicatæ: Possit dum late diffunditur dolor, nullaque est rubedo, pluribus in partibus applicari. Et hæc est cura aperta, faciliior quam à Paracelso tradita, quibus unicuique uti liberum erit.

Idem effectus
a Clematite.

OBSERVATIO V.

Vir quidam nobilis, arthritide jamdudum hæreditaria laborans, maximum levamen percipiebat, applicatione emplastri, de quo supra facta est mentio in anodynis. Tandem diarrhœa correptus, quæ videbatur esse sine periculo, solumque rhabarbari potionem requirere, brevi tamen mortuus est, me nesciente, quid causæ esset. Dissecto cadavere, mihi renuntiaturum est, pulmone, & jecori, corruptionis substantiæ principia quædam inesse; unde non amplius miratus sum, ægrotantem levi de causa putata cito interiisse: Humor enim falsus, & acris, qualis est in arthritide, via mutata, in hæc viscera delapsus, eorum substantiam corrumpere inceperat.

Podagricus
diarrhœa
correptus cito
interiit.

OBSERVATIO VI.

Vir quidam cui nodosa fiebat chiragra; antequam materia nodos procreans obduresceret, imponebat cataplasma ex caseo antiquo, & acri, cum jusculo tibiæ porcinae rancidæ, ad putrilaginem coctæ, quod habetur in ordine remediorum alphabetico, ex Bayrio. titu. juncturarum, nodos. desumptum ex Galeno. lib. 10. de simpl. medic. facul. quo in loco sic ait, loquens de caseo. Ceterum impense acris, inveteratus-

Chiragra nodosa
cataplasmate ex
caseo antiquo acri,
& porcina rancida
parata, curata.

que jam redditus, maceratusque decocto suillæ carnis, tophos arthriticas discutit: At Fernelius, doloris impactam materiam, antequam in tophos abeat, digerit hoc emplastro, in consil. & lib. 5. meden. cap. 27. descripto.

℞. Gum. pini, & picis nigræ, ana ʒij. ceræ, & axung. vet. ana ʒj. ammo. in aceto dissol. ʒj. hermodac thur. irid. floren. & sulph. vivi, ana ʒß. olei irini q. s. fiat emplastrum.

Quod si materia discuti non possit, melius est uti cura aperta cum ranunculo, quo utor feliciter, ut dictum est.

Si vero jam materia in tophos abiit, dummodo non sint inveterati, hac utitur cura Hartmannus.

℞. Vitrio. rom. & alum. roch. ana ʒß. salis ʒiiij. omnia in pulverem radacta, conjunctim calcinentur in vase terreo, movendo donec evaporando spiritus exhalare inceperint, quibus odore perceptis subsiste à calcinatione, & refrigescant omnia: Hujus pulver. & fari. hord. ana q. v. misce cum fæce vini ad instar pultis, de qua applica supra partem affectam, & tophos, in modum cataplasmi. exsiccata dissol. denuo cum fæce vini, & iterum applica, sic pergendo, donec primo omnis dolor sit discussus, deinde etiam ex ipsis articulis contortis, omnes tophi absumpti fuerint. Fit sæpe interim, ut simul cutis, ubi verrucæ, & scrophulæ apparuerint, hoc modo aperiatur, quod formidandum non est, sponte nimirum ulcera coeunt; vel cera saltem emplastri loco superposita, ipsis articulis denuo mobilibus redditis. Quod si nimis inveterati sunt nodi, dolor quidem hac cura mitigatur, sed tamen ipsi nodi vix cedunt, nisi Chirurgia accedat potentior, quam ille describit; quæ nihil aliud est quam cura aperta Paracelsi. Vide multa doloribus sedandis accommodata, in ordine remediorum alphabetico descripta, & quædam alia.

De Ischiade.

C A P. II.

Dolor ischiaticus est species quædam arthritidis.

Cum Ischias sit quædam arthritidis species, multumque disputaverimus superiori cap. de ejusmodi dolorum natura, quid-

quidpiam de ischiadico attingentes, parum in ea immorabitur oratio nostra; adde quod multa remedia contra arthritidem, in eo descripta, huc transferri possint: Verum tamen est, Ischiadem aliis arthritidis speciebus, fortiora postulare remedia, & calida ut plurimum, potius quam frigida, propter partis crassitudinem, & humoris naturam à capite defluentis, ut cogitur fateri Sennertus, quamvis neget humorem illum efficere Ischiadem, quæ vera arthritidis est: Contra quod effugium disputavimus præcedenti cap. monstrantes à pituita illa tenui, licet postea crassior evadat, utramque fieri ischiadem; quarum cum eadem sint præsidia, non multum laborandum, an dolor sit in tendonibus, an in nervis, aut membranis circa juncturam positus, an in partibus vicinis, an utrobique. Pro enim humoris abundantia, ultra coxendicem se dolor plerumque exporrigit, modo in tendonibus natum; modo in musculos coxæ, modo in genua, & pedes usque, graviter aliquando excrucians. Mirandum tamen, quod dolor iste quædam habeat peculiaris, ab aliis doloribus arthriticis: Primo quidem, quod multi arthritide, vicissim in pluribus articulis laborantes, non infestentur ischiade. Secundo quod multi semel tantum aut bis, toto vitæ decursu laborent ischiade, nullis aliis doloribus arthriticis obnoxii: Tertio quod arthritidis nunquam vertatur in abscessum: Ischias vero, quandoque in abscessum degenerat, licet notha arthritidis tunc dici possit: Denique quod in ischiade; sicut in plerisque juncturarum doloribus, tumor, & rubor, non appareant: Quod intelligendum de tumore oculis perspicuo; in profundo enim semper est aliquis tumor in parte quæ humorem excipit, qui visu non deprehenditur, propter ejus crassitudinem: Adde quod in partem carnosam, latam, & profundam, humor influens, longe, lateque diffunditur, ita ut non efficiat tumorem perspicuum; quia etiam decidit sæpe in parva quantitate, in caput, vel caudam musculi alicujus, unde interdum acerrimus dolor, præcipue in motu hujus musculi; nervi, & membranæ, quæ motum non efficiunt, non ita dolent in motu, sicut tendones, qui in illo, vel trahunt, vel cedunt trahenti, quamdam solutionis continui speciem patientes, ex qua aliquando dolor intolerabilis, mentem interdum percellens, ut
ego

Dolor ischiaticus criticus interdum degenerat in abscessum.

ego ipse expertus sum, in quodam dolore ischiadico, corpus in lecto convertere conatus. Rubor vero in ischiade nullus apparet; non quidem iisdem de causis; sed quod non fiat, propter delabentis humoris naturam, qui frigidus est, potius quam calidus; licet aliquando in abscessum convertatur, præcipue cum sit per viam crisis; aut admittance alterius humoris cum sero; de qua re superiori cap. Quem quidem abscessum, multi existimant fieri per congestionem, quod falsum est; fit enim à defluxione, quæ quia affatim non irruit, sed pedetentim, & repetitis vicibus, longoque tempore, propter humoris frigiditatem, in abscessum convertitur, fieri creditur per congestionem; qua via nunquam fiunt magni abscessus, nisi casus, aut ictus acciderit. In tenui vero parte, ut pede, manu, genu, digitis, longe aliter se res habet; humor enim statim atque in ejusmodi partes influit, locum diffusioni ineptum, & parvæ capacitatis inveniens, tumorem efficit conspicuum, cum rube dine, si calidus est, nunquam ad suppurationem perveniens, tum propter naturam humoris; tum propter debilem ossæ, nervosæque partis calorem. In quibusdam tamen, veteri existenti arthritide, & in tophos abeunte, præcipue in manibus, fiunt passim abscessus parvi in digitis, ex materia glutinosa, quæ tandem indurefcit. At cum hæc omnia non recenseantur, nisi ratione curationis, sitque Ischias species arthritidis, aut saltem circa juncturam coxendicis dolor; curanda ut ejusmodi dolores curari solent: Parum vero interest, an sit vera arthritidis, an alia doloris species, cum sit utriusque eadem curatio, si urgeant; quæ à venæ sectione est incipienda, prius injecto enemate, vel post, si dolor urgeret, è basilica lateris dolentis, habita ratione virium in quantitate, & ex modo exsipientis sanguinis, videntur enim aliquando vires languidæ in quibusdam ægrotantibus, quod ex modo exeuntis sanguinis coarguitur, optime profilientis, & cum impetu; res sane in praxi non spernenda. Quod si non sufficiat prima venæ sectio ad revellendum, aut si novæ materiæ fiat affluxus; iteretur venæ sectio ex eodem brachio, aut ex parte qua fluit humor: Vidi enim dolente humero sinistro affici partes inferiores lateris dextri, humore in descensu rectitudinem non servante, propter robur quarundam par-

par-

partium; aut propter causæ alicujus externæ interventum. Quantum ad venæ sectionem malleoli præcipue ejusdem lateris dolentis, non est de ea cogitandum, nisi cessante fluxione, cujus rei signa alias tradidimus, & præmissis purgationibus, de quibus multa superiori cap. Ex quibus, præ ceteris, laudo pulverem Cornachini, juxta dosi exhibitum, ut videbitur in i. Enarratione. Rondeletius multum laudat vomitum ex decocto radicis azari, aut seminis, ad ℥iij. post cibos pingues, & liquidos, eosque diversos. Universalibus præmissis, quibus universalis sudorum provocatio ascribi potest, tanquam unum ex præcipuis curationis instrumentum; ad topica veniendum, quæ & fortiora, & potius calida, quam frigida esse diximus; ideo valentiora, quæ cap. superiori describuntur, eligenda sunt, in quorum numero, emplastrum cap. de pleurit. descriptum, plurimum valet sedando dolori; deinde ut reliquiæ humoris absumentur utendum emplastro Fernelii in fine superioris cap. descripto. Alexander Trallianus, sinapi cum ficubus, liberavit hominem à magnis doloribus à causa frigida. Quidam utuntur in ischiade cum felici successu, oleo salviæ modo chymicorum parato. Vide innumera in ordine remediorum alphabetico descripta titu. Ischias. quib. si nihil profeceris, utere cura aperta Paracelsi, quam magis dilucide describit Hartmannus. titu. arthritis: Aut utere nostra, ex ranunculo, vel elatine, aut ex sapone liquido cum calce viva. Ex dolore enim pertinaci, & chronico, poteris avertere abscessum, & dolorem solvere. Quod si abscessus factus est, agnosces ex longitudine morbi, quem febris interdum comitatur, ægrotantem in lecto semper decumbere cogentis; ex calore partis, manu è regione puris superposita, & quandoque tumore; ex corrugatione epidermidis, si è regione luminis partem aspicias, manu contra lumen posita, ne caligent oculi, inter te & lumen positum.

Rondeletius
laudat vomitum
ex decocto
radicum
azari,
in dolore
ischiatrico.

PROGNOSTICA.

Quibus longo coxendicis dolore vexatis, coxa excidit, & rursum excidit; iis mucrescunt. Hipp. apho. 59. sect. 6.

Quibus à diuturno coxendicis malo vexatis, crus excidit, iis crus contabescit, & claudicant. Hipp. apho. 60. sect. 6.

Hhh

Ischias

Ischias graviolem præ ceteris dolorem infert, si pars moveatur.

Ischias gravissima, cum corporis impedit conversionem.

Ischias accidit interdum post longum morbum, propulsa illuc materia.

Ischias longus affectus, si torpor adsit, & frigus sentiat in parte affecta, & in vicinis.

In ischiade, doloris mutatio ad partes inferiores bonum.

Ex ischiade interdum hydrops.

Ex ischiade fit aliquando abscessus.

Enarrationes de quibusdam Ægrotis.

OBSERVATIO PRIMA.

Dolor ischiaticus diætâ sudorifica sanatus.

Sacerdos quidam hujus urbis Ischiade laborans; pluribus adhibitis remediis perseverante malo, decrevit thermas adire, in quibus erat lutum celebre, ad plures morbos sanandos; in quod pluries se immerfit; rediens non sanatus, propter humoris alicujus; ut opinor, perseverantem defluxum; præscripta à collega meo diætâ sudorifica, sanatus est: Multis vero post annis humeri dolore, per multos menses affectus, qui interdum ad inferiora excurrerat, non probante Medico suo tunc temporis ordinario, diætâ sudorificam, quam proponebam, eo quod esset hæresi Helmontii involutus; humore ad viscera post aliquot menses viam mutante, passus est abscessum, ex quo contabescens mortuus est; pure post mortem per anum ejecto.

OBSERVATIO II.

Ischias pulvere Cornachini bis sanatus.

Vir quidam atroci ischiade laborans, jacens in lecto quasi faxum, ita ut se plumbum evasisse diceret, propter motus difficultatem, & corporis gravitatem: Præscripta illi dosi pulveris Cornachini, quem in libello de eo conscripto, videram ischiadicis profuisse; eadem die potuit surgere è lecto, brevique per urbem obambulans, nulla ei facta venæ sectione, eo quod venæ sectionem pertimescebat, essetque sine feбри. Post aliquot annos, iterum incidente in ischiadem ipsamque graviolem, cogitavimus de eodem præsidio, quod bene cessit, sumpto enim pulvere, ventreque probe exonerato circa noctem potuit

tuit è lecto surgere, brachiis in sedilibus sustinens corpus, brevique domo egressus est.

OBSERVATIO III.

Vir quidam in hac urbe ischiade laborans, cum pluribus frustra tentatis nihil proficeret, diuque lecto addictus esset, alium Medicum accersivit, qui videns alterum suis remediis nihil profuisse, suspicatus est abscessum subesse, nec falsus est; eo enim aperto materia valde putris effluxit, & sanatus est. Quod quidem sæpe accidit, medicis nihil minus cogitantibus; pus enim, inquit Hippocrates, propter sui, aut loci crassitudinem, non se prodit.

Ischias aperto abscessu sanatus.

Aphor. 41. sect. 6.

OBSERVATIO IV.

Vir quidam rusticus conquerebatur de dolore ischiadico, decumbens in lecto, accersito Chirurgo, animadversus est ab eo, quidam tumor in clune; existimans pus subesse, aperuit tumorem, ex qua apertione, tantum aura male olens cum strepitu prorupit: Obturato vulnere, sequenti die ægrotantem invisens, ut inspiceret quid rei esset, facta sectione, animadvertit totum ulceris cavum esse nigri coloris, gangrænæ instar, brevique mortuus est æger.

Gangrena a dolore ischiadico.

De Rheumatismo.

CAPUT III.

Rheumatismus species quædam fluxionis est, ut verbum sonat; diciturque à quibusdam, fluxio ab intimis visceribus, venis scilicet, & arteriis, in totum corpus, aut in plura membra irruens, quam febris, ut plurimum, continua comitatur. Nunc tamen latius patet nomen rheumatismi, tribuiturque cuicumque fluxioni notatu dignæ, quæ unum, aut alterum, aut plura membra occupat: Videtur autem rheumatismus, ex vi nominis, hoc importare, ut fluxionum repetitiones significet. *Reumatizo*. enim Græce, Latine est fluxionibus infestor. Ita ut rheumatismus in singulari plures fluxiones denotet; sive si-

Quid proprie est Rheumatismus.

mul & semel; sive sigillatim, & brevibus intervallis fiant. Hac ratione, si in partes interiores feratur fluxio, rheumatismus etiam dicitur; licet hoc minus esset solitum, cum pars aliqua externa non afficiebatur; omnes enim fere Medicos audio, externas fluxiones rheumatismum potius appellare; imo & ipsam arthritidem incipientem: In primo enim insultu, difficile est in quibusdam doloribus, internoscere utrum rheumatismus, an arthritis dici debeat; quare laborantium gratia, vocamus potius rheumatismum, licet articulos tantum adoriatur fluxio; rheumatismus enim, qui tantum articulos adoritur, maximam habet affinitatem cum arthritide, nec nisi temporis progressu agnoscitur; cum pluries irrunt in articulos fluxiones dolorificæ; quod non fit in rheumatismo; qui toto vitæ quandoque decursu, semel tantum infestat, præcipue generalis dictus; qui quidem aliis magis proprie nomen hoc sibi vindicat: Hunc febrem continuam, varias exacerbationes habentem, semper concitare animadvertimus: Qui autem non ita universalis est, vidimus interdum feбри vacare; prout humor calidus, vel frigidus existit; particularem vero, fere semper sine feбри, nisi magnam partem membri occuparet, cum tumore, calore, & rubore. Quod signum est, humorem sanguineum, aut biliosum sero à capite descendentem immistum esse, ut semper fit in magnis fluxionibus, præcipue autem in corpore cacochymo. Diximus enim cap. de arthritide, serosum humorem, quem ipse Sennertus, & alii, non negant à capite defluere, & quorundam dolorum causam esse, sanguini immisceri in descensu, eumque, & alios humores interdum secum rapere: Quod Sennertum arguit, dicentem hydropicorum aquas, & cachecticorum, defluere in tibias, & pedes, per poros; quasi vero in coxis, & tibiis sint pori sub cute, & musculis sine sanguine; ergo humor à capite, decidens in partes subjectas, miscetur sanguini, intrat in venas, alios interdum humores secum rapiens; interdum vero purus ab eis decidit in articulos, ut diximus cap. supradicto: Quod partim contra Sennertum est; partim etiam Fernelio contrarium. Dixi descendentem à capite humorem, venas subire, & ab eis in varias partes effluere; in rheumatismo scilicet generali; interdum in eo qui pro-

Rheumatismus universalis concitat febrem, non vero particularem.

xime illi accedit; raro autem particulari, nisi accadat quod supra dictum est. Hæc autem fiunt, quemadmodum diximus in arthritide: Neque enim existimo rheumatismum, aliam habere originem ab arthritide diversam, nec per alias vias humorem defluere, nec diverso modo, de utroque affectu esse differendum; humor enim veram efficiens arthritidem divertit plerumque in partes interiores, sicut & rheumatismus, ut videre est in prima, & quinta Enarratione cap. de arthritide, fereque semper tunc occidit: Differunt tamen in multis rheumatismus, & arthritidis: Primo quidem quod in rheumatismo generali, & huic proximo, partis mittentis, & recipientis dispositio, se habent tantum per modum transeuntis; unde semel plerumque solummodo infestant: In arthritide vero, per modum permanentis; transivit enim in habitum utriusque partis dispositio: Secundo, causa externa movet fere semper rheumatismum, ut insolatio, sudores refrigerati, præcipue in capite, peregrinationes sub dio, per nives, & frigora, iracundia, commestationes, vigiliæ, immoderatus veneris usus; arthritidi vero excitandæ sufficit causa interna. Præterea rheumatismus, est plurium partium affectus; at vero arthritidis tantum articulorum; licet Paracelsus velit, quod ubicumque ossium est compages, ibi possit esse arthritidis, ut in vertebis; vir enim de quo fit mentio in prima Enarratione, cap. de arthrit. cum aliquando humor divertisset in os, quod dicitur coxa, similique modo cruciaretur ut in arthritide sciscitatus est à me, quid hoc genus doloris esset; respondi, esse quidem eundem humorem arthriticum, qui illuc diverterat, sed hunc dolorem non esse arthriticum, eo quod non esset in articulis. Denique rheumatismus, maxime proprie dictus, licet quandoque remittat, & invalescat; in plerisque tamen, postquam omnino desit, raro aut nunquam revertitur; arthritidis vero, si semel corripiat, suos semper habet paroxysmos, alias per longa, alias per brevissima intervalla redeunt, licet omnino demiserit. Ex omnibus, de quibus mox disseruimus, cognita rheumatismi natura; ejus cum illa, quæ generaliter arthritidi ascribitur: Discrepat tamen in tribus. Primo quod rheumatismus, frequentiores possulet venæ sectiones: Nam cum in rheumatismo, præcipue gene-

Causa Rheumatismi non differt a causa arthritidis.

In quo discrepat cura arthritidis a cura Rheumatismi.

generali, & interdum in eo qui illi proxime accedit, humor abundet, & caliditas exuperet, præcipitetque cum impetu à capite in partes subjectas, sub cute, per musculos, & exiles venas, ex quibus majores subit, sanguinemque ubique corrumpens, aut addens corruptioni jam factæ: æstum ex conflictu in eo concitat, ut jam diximus cap. de arthritide, exemplo spiritus vitrioli, cum sale tartari commistione, unde febris accenditur, quæ quidem varias habet exacerbationes præcipue circa vesperam, cum novo semper humoris affluxu, in partes jam affectas, dolorem remittentem innovantis, aut proxime afficiendas: Quod venæ sectionis reiterationes postulat; non solum ut fiat revulsio, & sanguinis æstuantis motus impediatur, sed ut pars fluentis materiæ, quæ horum causa, novo affluxu existit, auferatur, quam natura, cum valida est, ad partes ignobiles excutit, sanguini purificando intenta. Secundo variat curatio rheumatismi à generali, quæ arthritidi adhibetur, quod rheumatismus, de quo præcipue sermo habetur, respuat omnia purgantia calida, quia in hoc rheumatismo, febris adest cum magnis exacerbationibus: Ideo pro purgante, mihi familiaris est ptisana, eo modo parata ut cap. de arthritide describitur; utor aliquando pulvere Cornachini in his qui alia genera purgantium deprecantur: Verum si febris sit consideratione digna, jubeo dissolvi in carniū jusculo, herbis hepaticis refrigerantibus, cum paucō betonicæ alterato: Sin minus, in forma pilularum, aut morsuli, vel cum simplici jusculo, quia gravioris est saporis, sicut & pulvis electuarii diacarthami. Semen ebuli, cum pituita prævalet, maxime convenit; aut eligat unusquisque purgationem, quæ magis idonea videbitur, in qua, quæ diximus cap. de arthritide veniunt considerata. Repetitis venæ sectionibus necessariis, & adhibita purgatione convenienti, tota reliquæ curationis spes, posita est in hydroticis; & urinam cientibus, ut est decoctum radicis lappæ majoris, cujus experimentum habetur cap. de arthritide, post enumerationem hydroticorum: Sic & humoris per musculos, & sub cute defluentis, & illius qui in venas irrepsit, habebitur ratio. Interea ut sanguinis æstuantis motus reprimatur, non spernendus apozematum refrigerantium, & aperientium usum,

Rheumatismus non admittit purgantia calida.

Rheumatismus curatur potissime hydroticis & diureticis.

ad-

addita in qualibet ꝑ℞. salis prunellæ, aut fiant juscula ex iisdem simplicibus. Si neque his cedat rheumatismus; quotiescumque æstuantibus humoribus, novæ materiæ affluxus animadvertetur, ex febris exacerbatione, & dolorum ingravescentium vi majore, toties ad venæ sectionem recurrendum, habita virium ratione, sudorumque, & urinarum provocationi vicissim insistendum, manente semper alvo libera, vel naturæ vel enematum ope. Tertio differt rheumatismi istius generalis curatio, in topicis; ab ea quæ arthritidi, saltem frigidæ adhibetur: Cum enim in ejusmodi rheumatismo, & in eo qui ei proxime accedit, calidi humores prævaleant, saltem in principio, latiusque se humor diffundat, in parte in quam influit, quam in arthritide, cum tumore, dolore, comitante rubedine, plus minusve; actu refrigeratibus rejectis tanquam noxiis; resolventibus pro tumore; refrigerantibus pro calore, & rubedine, & mitigantibus pro dolore, simul mixtis utendum, calide hyeme, & tepide æstate, ad quod magis urget respiciendo: Idcirco valde mihi placet remedium ex lenticula palustri, cum floribus chamæmeli, in lacte decoctis, & cum farina hordei ad modum cataplasmati, admotis: Vide cetera cap. de arthritide, & pro symptomatum varietate, elige magis idonea. Sunt etiam quædam in Enarrationibus: Et multa in ordine remedium alphabetico descripta.

P R O G N O S T I C A.

Rheumatismus, affectus plerumque chronicus.

Rheumatismus in partes nobiles irruens, periculosus.

Rheumatismus in viscera irruens, quandoque ulcera, aut abscessum facit, si longo tempore perseveret.

Rheumatismus aliis plerumque morbis succedit, translata ad partes ignobiles materia, sæpissime autem rheumatismus improprie nominatur.

Sudores rheumatismis supervenientes, saluberrimi.

Urina multa, & crassa in rheumatismo, morbum solvit.

Enarrationes de quibusdam Ægrotis.

OBSERVATIO PRIMA.

Rheumatif-
mus brachii
anodynis
sanatus.

Vir quidam nobilis temperamento biliosus, acri ingenio, & ad iram valde pronus: Cum sexagesimum annum attigisset, & amplius, cepit in cubitis magnis fluxionibus tentari, cum levi rubore, magno vero existente tumore, & dolore tolerabili, nisi brachia moverentur, quod tam acutum excitabat dolorem, ut subito clamore omnes terreret astantes. Pluribus vicibus hac fluxione tentato, arthritidem esse subspicabar, quia tamen ingens erat tumor, lateque supra, & infra cibitum diffusus, modo utrumque modo unum tantum occupans, nunquam ad suppurationem perveniens, alias præcipue articulationes non invadens, rheumatismus mihi potius visa est fluxio, quam oppugnare tentabamus, primo venæ sectionibus, interdum purgatione, cui raro consentiebat: Pro anodynis, utebatur cataplasmate ex lacte, interdum stercore bubulo recenti, & calido: quibus sedata inflammatione, & magna ex parte recedente tumore, multo tempore in hoc statu pars permanebat, quousque cura aperta cum foliis ranunculi institueretur, qua motus sine dolore fiebat in posterum, pluribusque vicibus hac methodo, sibi motum difficilem restituit.

OBSERVATIO II.

Rheumatif-
mus, & ejus
recidiva post
lautum
prandium,
sanatus.

Civis quidam hujus urbis, cum ejus villicus deseruisset vil-
lam, quam ab eo colendam susceperat, coactus per ali-
quot menses, ire pedes in illam, rei villaticæ gerendæ provi-
surus: A sole, ab aëre nocturno, à sudoribus refrigeratis, mul-
ta passus, incidit in rheumatismum generalem, ita ut quando-
que videretur omnibus membris captus: Hunc minabantur an-
tea dolores quidam vagi, & leves, in humeris, & coxendice:
Sed cum in omnibus peccaret, pluribus causis in unum coeun-
tibus, torrentem fluxionum non potuit effugere. Vocatus, à
venæ sectione, injecto enemate, curationem statim inepi-
mus, sequenti die repetita: Deinde prisanam purgantem, cap-
de arthritide descriptam præscripsimus propinandam bis in die,
per

per totum triduum: Quibus cum morbus non cederet, iterum ad venæ sectiones confugimus, secundum partium laborantium situm, in principio brachiorum, progressu temporis ex utroque malleolo: Cum autem semper febris urgeret continua, varias exacerbationes habens præcipue circa vesperam, & de nocte, quas ut plurimum novæ fluxiones, & dolores subsequabantur, apozemata refrigerantia & hepatica, cum sale prunellæ, in plures dies præscripsimus, ut sanguinis fervor, & æstus compesceretur, nec non & putredo, qua multum scatebat, corrigetur. Post 14. omnia remittere ceperunt, videbaturque mane esse quandoque sine febre, vigesimaque die omnino liber fuit ab ipsa, & ab omni molesto dolore, ita ut perfecte sanus ab omnibus crederetur. Cum autem plus quam liberalius pransus esset, rediit affectus magis sæviens quam antea, conclamantibus de salute astantibus: Nos & ægrotum, & ipsos ad spem erigentes, ad supradicta auxilia confugimus; stabat tamen morbus contra naturam, novo quolibet fere die humoris affluxu, variis in locis dolores renovante, licet quoquoersum fierent venæ sectiones, prout capta membra permittebant: vulgaria etiam anodyna, partibus dolentibus adhibebantur levi cum fructu: oportuisset enim anodyna non admovere, sed totum ægrotantem in anodynum immergere, quod postea balneo aquæ dulcis, quibusdam paregoricis incoctis, præstiti, commotis ab egressu in lecto sudoribus, febre & doloribus, parum remittentibus. Tandem venæ sectionum ope, & quibusdam purgationibus per intervalla adhibitis, sanus factus est perfectissime, intra tamen duos menses & dimidium, à secunda invasione. Miratus sum in hoc ægrotante, à tot venæ sectionibus repetitis, vires nunquam fuisse dejectas: cujus rei confirmationem memini me legisse in praxi Riverii, cum agitur de rheumatismo hujus generis.

OBSERVATIO III.

Vir quidam nobilis & juvenis, præservida animi constitutio-
ne, sicut & fere omnes, qui hoc morbi genere tentantur; post quasdam peregrinationes, domi otiosus, incidit in rheumatismum; non quidem generalem, sed tantum duorum brachiorum,

Juvenis
Rheumatismo
brachiorum
laborans, sanatus.

chiorum, in quibus ab humeris ad manum, magnus erat tumor, cum robore quodam, & febre continua, quotidianas, inclinante die, præcipue vero de nocte, ut illi in hoc affectu mos est, exacerbationes habente, in quibus dolorum ingravescantium major vis fiebat. Vocatus post decem dies in consilium, eo quod affectus multis adhibitis auxiliis non remitteret; sententiæ hujus fui, ut quoties novi fluxus fierent, venæ sectione symptomatum remissio tentaretur, ut purgatio iteraretur, deinde sudores provocarentur; pro autem dolore demulcendo, magnum linteam in aqua salsa calida madefactum brachiis imponeretur; quod mirabiliter dolores demulxisse, mihi postera die retulit Medicus ordinarius, ceteraque bene, cessisse, & brevi sanatum.

OBSERVATIO IV.

Rheumatismus, balneo ex decocto herbarum parato sanatus.

Vir quidam ad iram, & ad præfervidos quoscunque animi motus valde propensus, sexagesimum annum attingens, ceteris satis feliciter exactis, incidit in rheumatismum generalem, non autem valde gravem, nec cum magna febre: iniquo tamen animo omnia ferens, nec remediis ore sumendis obtemperans, magnum mihi, & Medico ordinario negotium facebat, Fiebant quidem venæ sectiones; cum autem dolores locum mutarent, viderenturque eludere hoc modo anodyna particularia, decrevimus uti balneo, ex decocto malvæ, althææ anethi, chamæmeli, & meliloti, in quod calidum, mento tenus jubebamus ægrotantem immergi; non solum leniendis doloribus, sed & sudoribus ab egressu in lecto provocandis, neque enim febris obstabat. Ex his melius habens, pedetentim subsistentibus fluxionibus sanus factus est.

De Febre Quartana.

CAPUT IV.

Quartana febris, licet medicorum opprobrium dicatur, multum tamen in ea curanda præstare possunt.

Ex duobus affectibus, qui nominatim opprobrium Medicorum vocantur, de uno plane disseruimus, arthritide scilicet; superest nunc, ut de altero, nempe quartana, verba facia-

eiamus, in cuius curatione, licet vulgus Medicos cæcutire existimet, propter suam ignorantiam, multa tamen præstare valent; non solum ad lenienda symptomata, & febrem abbreviandam; sed & cocta materia, omnino profligandam, ut sæpissime experientia confirmatur. Quis enim statim à principio, quemlibet morbum potest abigere? quisque sua percurrit tempora; unus quidem citius, alter vero tardius, pro materiæ febrilis & ægrotantis conditione: Vulgus autem qui horum rationem non habet, existimat febres quartanas primis statim cedere pharmacis; quod tertiana omnium brevissima sæpe non facit: Quia cum concocta medicari oporteat, non autem cruda, sitque coctio solius naturæ opus; artis autem, partem roborare, ut facilius coquat; humorem crassum extenuare, ut citius coquatur; quod abit in fermenti febrilis materiam avertere, debito vivendi regimine, & quibusdam, ut vocant, minorativis, per intervalla exhibitis; & vias per quas humor peccans educendus, fluidas reddere; hæc autem tempus requirunt, ut perficiantur in quartana, & aliis plerumque morbis; ideo in principio, eradicative, ut ita loquar, curare volenti, non cedit; imo potius exasperatur: Qui enim in principio quartanas solvere putant; ut loquar de ea, quemadmodum Hippocrates de inflammationibus lib. de Helleboro. fortibus medicamentis, nihil adimunt; neque enim cedit adhuc cruda passio, sed quæ morbo resistunt, & sana sunt colliquescere faciunt. Præterea commoto humore, nullaque ipsius vacuatione facta, febris exasperatur, & ex simplici quartana, duplex quandoque, & triplex efficitur; unde vulgus à medicamentis deterretur culpam in Medicum rejiciens. Qui vero specificis quartanam sanare nituntur, raro, aut nunquam optata consequuntur, morbo existente in principio; Si autem res bene cedat, plus noxæ, quam commodi affertur ægrotantibus; ab ejusmodi enim specificis materia febrilis non expellitur, sed tantum ejus effervescentia, qua febris in quolibet paroxismo accenditur, impeditur, remanente quod in quolibet accessione absumeretur, aut saltem quod coctioni suscipiendæ disponderetur; unde, si febris non revertatur ut fere semper revertitur, iterum accensa materia; cogitur natura

Rarius in
principio
Quartana
specificis cu-
ratur.

aliam viam quærere, ut ab illo febrili fermento, non valde amico, se expediat. Cum autem humor ille melancholicus, crassior tunc temporis existat, & corruptione mali moris, non facile naturæ conatibus obtemperat, ut foras expellatur, sed intus remanens, febrem lethalem continuam, eodem anno interdum excitat, aut progressu temporis, in tibias procumbens, tumores mali moris, vel ulcera difficilis curationis excitat: aut in partibus superioribus cancrum; in hypochondriis morbum flatulentum; in cerebro, epilepsiam, melancholiam, & alios magnos morbos, à quibus æger fuisset immunis, juxta illud Hippocratis. A quartana correpti à magno morbo liberantur: Ideo experientia edoctus, nemini unquam consului, ut ejusmodi specificis quartanam abigere tentaret, nisi multum progressa esset, & jam cocta materia: licet tamen, cum duplex, aut triplex est quartana, prius bene purgato corpore, ad simplicem reducere, quemadmodum nos fecimus, ut melancholicus humor ab ea quæ relinquitur, absumatur: vel cum simplex quartana, tam vehementes habet paroxysmos, ut qui febricitat, non sit oneri ferendo, quem admodum senes; licet tunc aliquo specifico, in parva dosi exhibito, semel, & bis, impetum effervescentis materiæ in paroxysmis, retundere: Quocumque autem modo febris auferatur, securius est semper, si materiam febrilem vacuantium ope, id fiat; Quibus si febris non cedat, animum ad id consequendum, non oportet obfirmare, quousque jam cocta existat materia, ne accidat quod supra diximus; sed febrem tanquam arcem situ inexpugnabilem, & valido firmatam præsidio, cogere, ut ita loquar, ad deditionem, impedito commeatu, debito vivendi regimine, & purgationibus per intervalla sumptis, ut in me præstiti, & quibusdam aliis: Materia enim febris quartanæ, domicilium habet tanquam in arce, præcipue circa hypochondria, ubi putruit humor melancholicus, aut alius ad ejus naturam accedens; biennium infantium enim, & triennium quartanæ, non fiunt ab humore melancholico, sed potius à pituita, quæ crassitudine naturam ejus æmulatur, ut N. Píso annotavit probatque Sennertus: Qualiscumque autem fuerit naturæ, humor ille putris, se habet tanquam fermentum, contactu quæ sibi vici-

Epid. 6.
sect. 6.

Tutius cura-
tur Quartana
evacuanti-
bus
materiam fe-
brilem,
quam speci-
ficis.

na sunt corrumpens, & in sui naturam convertens, certisque diebus, à proprietate putredinis, motum habens effervescentiæ, ut primus docuit Fernelius. lib. 4. patholo. cap. ix. de circuit. febr. intermitt. causa: Cujus sententiam, veritati omnibus aliis magis consonam esse, semper arbitratus sum: Licet autem Sennertus omnium Doctorum sententias enumerans, videatur sibi aliquid supra Fernelium addidisse, nihil tamen supra proprietatem putredinis, nisi sermones inveni. De hoc vero peculiari motu putredinis, quo febris intermittens recurrit, non est mirandum, nec quærendum, quemadmodum vulgus, quo febris se recipiat, & unde iterum revertatur: Multa enim in hoc mundo suos habent motus: Coeli motus habent proprios: Elementa quoque: Terra certo quodam tempore movetur, ad stirpium generationem: Sic in microcosmo varii sunt motus, se, tum humorum non solum, qui secundum naturam tum partium habent, sed & putrescentium, quorum motus variant, pro natura fermenti putredinis: Ideo alius est motus fermenti pituitæ putrescentis, alius est bilis, & alius est melancholiæ, longo, aut brevi tempore, statutos servantis paroxysmos, pro viribus fermenti, materiæ copia, & qualitate: Quo enim crassior materia, & copiosior, eo febris diuturnior, & è contra, & quo egressus facilior, aut difficilior: Est autem copiosior materia, vel à principio cumulata, quam pedetentim fermentum corrumpit, semel introductum, vel quia quotidie suppeditatur, inordinata victus ratione. Fermentum enim, quidquid in suo ambitu occurrit, in sui naturam convertit: Quod si magis corrumpat, quam in qualibet accessione absumitur, ut in principio febris, potenti existente fermento, & vires acquirente eundo, augetur febris; accessionis tamen dies non mutatur: quia hoc non pendet à quantitate materiæ, sed ex qualitate fermenti putredinis, quod sive multa, sive pauca sit materia, eundem servat motum, ut recte explicat Fernelius, exemplo motus sanguinis in mulieribus, quibus quolibet mense sanguis ad exitum movetur, sive multus, sive paucus. Si autem in qualibet accessione plus materiæ putrescentis absumatur, quam ejus quod transit in alimentum fermenti, viribus ipsius imminutis, febris minuitur, eundem

Prout multa in hoc mundo suas habent periodos, ita & humores in nostro corpore suas habent.

Longitudo
vel brevitas
februm
Quartana-
narum, ma-
gis dependet
a qualitate
putredinis
humorum,
quam a
quantitate.

semper motum servans paroxysmorum. Ex his facile intelligitur, cur fere omnes febres quartanæ sint longæ, quædam vero breves, etiam ex autumnalibus; & causam circuituum earum, sicut & aliarum intermittentium, referri potius ad qualitatem putredinis, quam ad humoris quantitatem; quod etiam de continuarum putridarum exacerbationibus existimandum est, quæ certis quibusdam horis fiunt, imo & diebus, ut tertianæ continuæ, & quartanæ. Non est tamen negandum in aliis affectibus, multos humorum motus, posse referri ad partis mittentis, & recipientis conditionem, quæ etiam aliquid potest efficere, ad circuituum anticipationem, aut cunctationem, pro varia partium, in quâ putredo consistit, sensibilitate, robore, & calore; quemadmodum accidit ex ira, victu calidiore, balneis, æstu, & exercitatione, quæ inter causas anticipationis circuituum enumerantur; sicut his contraria, cunctationis: Nunquam tamen circuituum causa existunt; licet Galenus lib. 2. de febris, cap. 11. eam constituat in partis mittentis robore, cum multitudine superfluitatum gravatur, aut qualitate pungitur; & ad recipientis imbecillitatem, sicut de fluxionum, ita de febrium circuitibus philosophatus, inter quæ est maxima differentia; longe enim alio modo, putrescens humor causa febrium movetur, quam humor fluxiones efficiens, qui à parte mittente expellitur, quoties ejus quantitate gravatur, aut ejus qualitate pungitur: sine quibus, aut uno solo, aut ambobus non fierent fluxiones: At in febribus non requiritur certa quædam quantitas, nec qualitas; sufficit enim putredo humoris, quæ pro varia putrescente materia, varios habet motus, sive multa, sive pauca; nec requiritur partis robur, ut humor expellatur: effervesceit enim sæpissime in proprio foco, nulla facta materiæ febrilis expulsionem, toto paroxysmi tempore cruda nimis existente materia: Fiunt quidem, & paulo ante paroxysmum, & in ipso in varias partes exhalationes, unde præcedunt oscitationes, & pandiculationes: deinde accedente febre, artuum, præcipue tiliarum, lumborum, capitis, & stomachi dolores, insomnia, laboriosæ somnulationes, somni lethargici, ardor viscerum, jactationes, vomitus in biliosis, ventris dejectiones, deliria, & hæc, plura, vel pauciora, mitiora, vel graviora, pro

Symptoma-
ta, quæ vel
antecedunt,
vel in ipsa
Quartana
fiunt.

pro humoris febrem efficientis conditione; quo tandem evicto, sudores ut plurimum erumpunt in fine paroxyfmi. Quod si nondum cocta materia, quidpiam de ea dum effervescit, extra focum effundatur, vel propter multitudinem à principio, vel ex inordinata in posterum victus ratione cumulatum, aut à causis externis commotum, exercitatione, ira, aut à sumptis medicamentis purgantibus: Cum indomitum maneat nondum coctione recepta, fermentique naturam retineat; aliam febrem generat, in nova sede receptum, in qua novum postea, & peculiarem focum habet, unde duplex tertiana; & duplex, & triplex interdum quartana. Ex his constat, in curatione quartanæ, & aliarum febrium intermittentium, nullam habendam esse rationem partis mittentis, sed tantum materiæ putrescentis, circa viscera, aut alibi; quæ vel expellenda, vel minuenda, vel mortificanda, cum nimium sævit. Expellere materiam quartanæ in principio, dum cruda est, & multa, & potenti existente fermento putredinis, impossibile est: Si quis autem hoc tentaverit, damnum potius inferet, quam levamentum, ut jam diximus. Fermenti materiam imminuere, commeatu impedito, debita vivendi ratione, & minorativis quibusdam per intervalla exhibitis: hoc certe expedit; quidquid dicat vulgus, qui quartanam nulla credit expetere remedia, sed totum negotium naturæ committendum, quæ in pluribus non erit oneri ferendo: unde quidam urgente quartana moriuntur, in febrem continuam mutata: aut hydrops, paralyfis, & alia quæ supra enumeravimus subsequuntur. Fermentum putredinis vellemus in principio omnino mortificare: idest, ejus effervescentiæ motum, seu ebullitionem impedire, nemini consulo: Licet tamen nimiam ejus effervescentiam, & ebullitionem compescere, cum ab ea impendat periculum, ex maligna ejus anathymia, si cerebrum occupante, ut sæpe accidit in senibus. Itaque adhibitus in curatione quartanæ incipientis, respiciat statim an corpus sit plethoricum, injectoque enemate aperiatur basilica dextra, sanguineque extracto, si nulla animadvertatur putredo, subsistet per aliquod tempus à venæ sectionibus, nisi peculiare aliquod symptoma hanc expetat: Sicut enim ex Hippo-

Unde duplex
vel triplex
tertiana.

Lib. 2. epist.
sect. 3.

sic

Licet incli-
nante febre
interdum,
nunquam
tamen in
principio
prodest venæ
sectio.

sic aliæ venæ sectiones curabunt, licet interdum inclinante morbo, sectio salvatellæ bene cedat, in puncto renovationis lunæ administrata: Nunquam autem profuisse memini, in morbi principio: Loco ejus probarem potius, in morbi processu, venæ sectionem malleoli, ex latere in quo focus existere putatur, ex partium ad ventrem attinentium caliditate majori, gravitate; dolore in paroxysmo, vel extra paroxysmum; hoc enim sæpe focum indicat. Ex ejusmodi venæ sectione malleoli, sæpissime animadverti, alias intermittentes, vel auferri, vel imminui, procedente febre, & aliis auxiliis prægressis facta. Cum enim omnes istæ febres, causam fere semper habeant circa viscera, vel extra vasa, vel in exilibus venis à porta deductis, recta fertur venæ sectionis malleoli effectus, ad locum fomitis, & mineræ febris. Quacumque autem ratione administrandam esse per intervalla venæ sectionem, in principio ex partibus superioribus, deinde ex malleolis, præter sententiam quæ imbutus eram me docuit experientia, animadvertentem in quartanis, magnam sanguini inesse putredinem; non solum toto tempore, quo quis ea detinetur: sed pluribus annis ab ea vindicatus, ita ut viderim à quartana, sanguinem in quibusdam in pristinum statum non rediisse, ante sex annos, & in aliis ante decem: Quo persuasus sum, putredinis semina, altas in quartana agere radices in sanguine, qui etiam si non sit propria febris minera, fermento tamen ex parte, materiam suppeditat, ad subsistendum: Unde à sententia digrediens, de sanguine non extrahendo in quartana, coactus sum fateri, venæ sectiones conducere, ratione putredinis in sanguine existentis, ad motum, & totius massæ ventilationem: quæ enim moventur, & diffantur, non facile corrumpuntur, aut jam corruptis, ulterior impeditur corruptio, & quæ jam præexistit, facilius corrigitur. Eodem modo differendum de aliis intermittentibus, in quarum curatione, non possum quin reprobem quorundam methodum, qui hujus generis febres, repetitis venæ sectionibus profligare conantur, quæ si aliqua de causâ necessariæ videantur, nec plures in principio, nec ratione causæ febris administrare oportet, cum sit extra vasa, vel in exilibus venis, è quibus ad majores advocari non debet, venæ sectionibus; sed potius ad intestina propelli pur-

In febribus
intermittentibus
potius conducunt
vomitoria,
purgantia &
fudorifera,
quam venæ
sectiones.

purgantibus pharmacis, aut emeticis per stomachum, aut diaphoreticis per superficiem corporis, præcipue si causa febris sit in habitu: ducem naturam sequentibus, morborum medicatricem, quæ ejusmodi febres solet curare vomitibus, & dejectionibus, sicut & sudoribus, sed longiori tempore: Quibus enim fiunt vomitus, aut dejectiones, & multo magis utrumque, his nunquam longæ sunt febres, & rarissime, ne dicam ullo modo, in quartanas degenerant. Hac igitur via curandæ sunt febres intermittentes, non autem venæ sectionibus: cum natura per hæmorrhagias, harum curationem rarissime moliatur: quæ interdum si accidunt, hoc fit præcipue juvenibus, subtili, & multo sanguine, tempore paroxysmi incalescente, præcipue in capite, in quo dolor plerumque demulcetur, ex hujusmodi sanguinis profusione, manente febris: ideo venæ sectio non est administranda in principio, nisi ratione accidentium: ad nimium scilicet calorem temperandum, ad tollendam plenitudinem, ad capitis, & artuum dolorem demulcendum, ad sanguinis putredinem, cum adest, minuendam, introductoque aëre corrigendam, cum ipsa, febris principium dedit: quod agnoscitur ex prima venæ sectione. Ego quidem, adhibitus ad febris intermittens curationem, statim inquirō, an febris causa aliqua externa principium dederit, ut æstus, sudores refrigerati, labores, & animi motus: Tunc enim audacter, ab injecto enemate, si liceat, à venæ sectione curationem incipio, in parva tamen quantitate, cum non adest plethora; ut si sanguis purus extiterit, parum saltem sit detractum. Quod si statim à prima venæ sectione, corruptio apparuerit, non dubito ex altero brachio sanguinem detrahendum curare; deinde post tertiam accessionem de purgatione decernere, præcipuo febris profligando instrumento, nisi aliquid potioris momenti, celerius præbendæ purgationis indicium proferat: v. g. vermes, cum subesse creduntur, & in infantibus, qui fere semper ex ingluvie febricitant. In febribus in quibus coctio desideratur, ut quartanis, tertianis nothis, & duplicibus tertianis, quæ fere semper, ex nothis fiunt, purgatio ex minorativis esse debet, quandiu cruda est materia; in tertianis vero exquisitis, purgatio sufficiens esse debet, etiam in principio, humori deturban-

Kkk

In tertianis
febris ex-
quisitis
etiam in
principio
utendum
purgantibus.

do;

do; quia humor biliosus, febris hujus causa, non indiget coctione, ut alii humores, fereque semper est extra vasa, unde vel ad stomachum, vel ad intestina confluit, minera cito exhausta: ideo ad summum septem circuitibus, ex Hippocrate, absolvitur, apho. 59. sect. 4. & lib. 6. Epide. sect. 2. In coacis tamen, ait tertianas exquisitas judicari quinto, septimo, ad summum nono circuitu: Et nos sæpe vidimus tertio: Quare non gloriantur, *Ces grands seigneurs*, si post aliquam ex venæ sectionibus factam, abscedat febris: non enim gratias agat illis natura de subsidio, quantum ad febris curationem: sed potius illa gloriabitur, quod invitis extra rem factis venæ sectionibus, ipsa sola, & per vomitus, aut dejectiones, aut ambabus viis, aut saltem per sudores, interdum per insensibilem transpirationem, febrem curaverit, & aliquando, sed raro, ut diximus, per hæmorrhagiam è naribus, cum causa est in habitu corporis, vel causæ externæ febris principium dederunt; & hoc in juvenibus tantum. Quod si sanguis in prima venæ sectione corruptus non appareat, statim de purgatione cogitandum; causam enim febris extra venas consistere fatendum est, circa viscera scilicet: Quod si in exilibus venis à porta deductis, aut altius contineretur, non minus de purgatione esset discernendum, cum ab eis ad stomachum, & intestina, facilis sit oneris depositio: Quo tamen altius in venis à porta deductis, inest febris minera; eo magis continuæ vicinior, contiguitatem saltem habens, ut in subinquantibus, à quarum plurimis inspecta urina, nunquam remittere animadverti, quamdiu cruda permanebat urina. Verum statim atque perturbari inciperet, etsi nullum adhuc deponeret sedimentum, febris quædam remissio contingebat, & omnimoda solutio apparente sedimento, nulla facta crisi: Quod signum erat, febris causam altius in ramis venæ portæ extitisse; alioquin signa integri discessus, non apparuissent in urinis, cum illæ tantum ostendant quomodo se habeat sanguis, qui in venis, & arteriis continetur, tanquam ejus excrementum: Ex Galeno enim excrementum cujusque partis illius propriam dispositionem ostendit. Hujus generis tamen subinquantium materiam, frequenter esse omnino extra venas deprehendi, in quibus talis coctio urinæ non fiebat: Si enim

enim continuarum quædam materia extra venas continetur, ut videmus in febre continua à vermibus, quæ sola purgatione sanatur: Quis negabit, quarundam, & quamplurimarum subintrantium fomitem subesse in intestinis, aut in quodam recessu circa viscera; imo talium febrium materiam propria cysti interdum extra venas contineri: Quare perperam in hoc arguit Fernelium Primerosius lib. 3. tract. de febr. cap. 2. affirmans fieri non posse, febrem intermittentem à bile, in propria cysti putrescente, sed potius fore continuam: Hoc tamen verissimum esse confirmat exemplo Fernelius, cujus testis locuples existimandus est, cum propriis oculis rem inspexerit, notatu dignissimam, quæ lib. 4. pathol. cap. 10. de sede febr. interm. refertur. Quod etiam in intestinis contigisse, alio possum confirmare exemplo, non minore fide digno, cum id nobis ipsis contigerit, Anno enim 1634. & ætatis meæ 35. nulla adhuc febre intermittente, correptus, ex nimio, & intempestivo ficuum esu, incidi in febrem duplicem tertianam subintrantem, cum atroci in paroxysmis, capitis, & lumborum dolore, somnolentia, & somniis laboriosis. Post venæ sectiones, & purgationem, cum usu lixivii truncorum fabarum clarificati, & in modum jusculi sumpti, ad lumborum dolorem, quod mihi multum profuit; visa est febris à die octavo desuisse; solutio non boni ominis, voluisssem enim die impari febrem judicatam fuisse: Vires parum recipiens & obambulando per cubiculum, animadverti à prandio, pulsus quotidie invalescere, sine ullo frigoris sentu, usque in sequentem diem mane, tunc enim quies erat: Cum magis, ac magis, vires non recuperarem; ex aphorismo. Si quis à morbo cibum sumens, &c. existimavi purgationem iterum esse mihi necessariam, eaque sumpta, in tertia, aut quarta dejectione, sensi aliquid, inter dejiciendum, valde lene effluxisse, cujus rei inspicendæ studiose sollicitus, animadverti decidisse in latrinas, quæ forte aëri lucido erant perviæ, quidpiam luteum, & rotundum, magni ovi anseris, nondum albumine circumvestiti, non absimile: Statim venit in mentem, cystim esse bile vitellina plenam, febris meæ duplicis tertianæ causa, qua à propria sede deturbata, non amplius effervescens febris desiderat, nunc

Fomes quarundam febrium est in intestinis.

à medicamento purgante foras deturbata. In quonam autem recessu, condita esset cystis illa, non nisi in cæco intestino, poterat venire in mentem; in aliis enim hærens, materiæ prolapsus aliquatenus impediisset, & in prima purgatione, aut saltem in principio secundæ, fuisset deturbata, via non satis patente, & quasi præclusa, confertim tunc temporis, præcipitantibus humoribus excrementitiis ad egressum: Ab alia quoque sede ad intestina devolutam, nullæ sunt viæ, huic corpori excipiendo, satis patentes. His duobus exemplis, taceant qui solitaria meditatione, rerum causas ita pro genio suo se habere existimant, autopsia edoctos arguentes. Præter hæc duo loca, in quibus materia febrium intermittentium existit, non possum quin tertium concedam, habitum scilicet corporis: Licet autem in hanc sententiam, per multos annos non discessem; quod postea rerum usu compertum habui, persuasit mihi febres intermittentes, præcipue tertianas, interdum & quartanas, sedem habere in habitu corporis: cum enim adverterem quamplurimos ex tertianis, ex laboribus, & sudoribus refrigeratis evenire: Deinde naturam, cum valida est, putrescentem in magnis vasis humorem ad minora expellere, qui alioqui febrem continuam accendisset: Denique quod sanguis, ut in sudoribus refrigeratis, prohibita transpiratione, sicut & à fluxione, in habitu corporis sæpe corrumpatur, illæso qui majoribus venis existit, non potui quin tertium locum putrescentis materiæ intermittentium concederem: Totus enim habitus corporis venis, & sanguine plenus est, à cuius corruptione, quarundam febrium intermittentium semina enasci, nemo negaverit: Quod autem sanguis in habitu corporis corrumpatur, illæso in partibus interioribus existente, vel corrumpi in uno latere, in altero vero minime: Id in quibusdam fluxionibus sæpiissime animadverti, in quibus sanguis multa scatebat putredine, facta venæ sectione, è latere in quod fluxio impingebat; ex altero vero, sanguine extracto, puro existente. In pluribus etiam intermittentibus febribus, curationem incipiens à venæ sectione, pluries animadvertimus, sanguinem in primo vasculo esse corruptum; in altero vero, nullo modo: Unde sequebatur, prius jacta esse putredinis fundamenta, in habitu

Materia fe-
brium inter-
mittentium
interdum est
in corporis
habitu.

corporis, quæ febris intermittenti principium dederat; licet procedente affectu, se postea putredo propagaret in omnes venas, manente febris semine in exilibus venis, & corporis habitu. Cum igitur ex his constet, tres febrium intermittentium sedes esse: Primam in venis à Porta, alendis visceribus dicatis, à quibus, ut plurimum, excidit materia, circum viscera, & extra venas putrescens, & quandoque intestinis, secundam faciens sedem: Quæ quidem duæ sedes, cumulandæ febrium intermittentium materiæ, sunt valde obnoxie: Quia circa culinas; maxime publicas, multæ sordes coacervantur: In habitu vero corporis qui tertia sedes est, non item. His ita se habentibus, ut recte febris intermittens curatio instituat, quam in sede putrescens humor consistat, certis quibusdam signis assequendum, præcipue an in ventre, vel in corporis habitu; vitii enim sedes, & naturæ motus, qua via sint humores ducendi, indicant. Itaque si æstus major in præcordiis, aut dolor paroxysmi præsertim tempore sentiat, juxta illud aphorismi. Quâ parte corporis inest calor, aut frigus, ibi morbus; si oris sit amaritudo, nausea, vomitus, diarrhœæ quid simile; si sanguis in prima venæ sectione, saltem, purus effluerit, febris causam extra venas existere sunt argumenta; multoque magis, si victus intemperans præcesserit, indicio purgantibus medicamentis, febrem potius esse profligandam, quam, ut multi faciunt, venæ sectionibus. Huic methodo fere insistentum, cum in venis circum viscera perreptantibus materia subesse creditur, facilius enim hinc ad stomachum, vel intestina devolvitur, quæ in majores venas, sanguinis missione repetita, attraheretur: Quare venæ sectio tunc temporis non imperanda, nisi ratione accidentium nisi quis ex inspectione sanguinis, scire velit, utrum ejus corruptio, aut causa procathartica, febris principium dederit, ut mihi mos est: Procedente vero affectu, ratione solius febris, cum causa est circa viscera, multoque magis in venis, quam extra venas, convenit venæ sectio malleoli propter rationes quas supra attulimus. Si autem in prima venæ sectione, sanguis in primo vasculo corruptus; in aliis vero purus animadvertatur, ceteraque signa corrupti humoris, circa viscera stabulanti abfuerint; in habitu corporis

Si Materia febrilis est in habitu corporis, post levem venæ sectionem, & purgationem, ea sudoriferis exterminanda.

primum extitisse corruptionem, ibique febris causam consistere, existimandum est, præcipue si causæ externæ superius allatæ tantum præcesserint: Ideo post leves, ex utroque brachio venæ sectiones, ne putredo ad interiora attrahatur, levi purgatione facta pugnandum sudorificis quæ per loca conferentia vitiosos humores educent, nulla habita ratione, de urinarum cruditate; cum enim pluribus intermittentibus, coctionis signa non appareant, toto morbi decursu, quarum scilicet causa est extra venas, multasque viderim duplices tertianas, desinentes sine urinarum coctione, nihil certi ab earum inspectione, sperandum puto, nisi in quibusdam subintrantibus, quarum materia, altius in vena porta, aut ejus ramis sedem habet, de quibus supra disseruimus. Eodem prorsus modo de febre quartana statuendum puto, cum quandoque, deserat sectione salvatellæ, licet autem ut plurimum sedem habeat circa viscera, in mesenterio, pancreate, & eorum venis, quomodo venæ sectione salvatellæ curaretur, si ejus materia non esset aliquando in venis, per habitum corporis perreptantibus à quibus hac venæ sectione, facile jam cocta dissipatur; hanc autem venæ sectionem, prima non respondente, ex altera manu, in alia lunæ renovatione iterandam curarem, incertus de latere, in quo præcipua est morbi sedes; imo ex pedum salvatella, qua secta se multum profuisse narrat Zacutus. lib. 4. prax. histor. cap. 26. observ. 2. Idem Zacutus. lib. 3. praxis miran. observ. 32. scribit multoties cum felici successu, se in quartana, aliis non cedente auxiliis, basilicam sinistram secuisse in plenilunio, aut salvatellam, in iis quorum vires non erant ita robustæ. Quod experientia comprobatum, licet usu recepto, tantum salvatella sinistra aperiatur, & in puncto quo luna ad initia recurrit non est tamen spernendum, neque ita lateri sinistro addictus sis propter lienis situm, quem vulgus Medicorum, melancholiæ credit receptaculum, ut ad dextrum nunquam deflectas: Quartana enim non fit tantum ab humore melancholico, sed & à pituitoso, & bilioso, cum crassitie, & corruptione, ejus naturam æmulantur; ubicumque igitur sedes tertianæ est, & quotidianæ, ibi & quartanæ esse potest, quod probatur ex conversione febris tertianæ, & quotidianæ, in quartanam.

tanam. Sed de febris quartanæ curatione, fufius in Enarrationibus.

P R O G N O S T I C A.

Aestivæ quartanæ plerumque breves, autumnales vero longæ præcipue quæ hyemem attingunt. Hipp. aphor. 25. fec. 2.

A quartana correpti, non valde convulsionibus corripuntur; si autem prius corripiantur, superveniente quartana liberantur. Hippoc. aphor. 70. fec. 5.

Quartanas febres, sanguinis eruptiones è naribus, ægrè judicant. Hipp. lib. 6. epide. fec. 2.

A quartana correpti à magno morbo non corripuntur; si vero prius corripiantur, & superveniat quartana, vindicantur. Hipp. epid. 6. fec. 6.

Quartanæ conditio, ex eorum ordine est, quorum difficile est à principio judicare, quo tempore finietur. Hippoc. 3. progn.

Autumno maxime homines à quartanis corripuntur. Hipp. lib. de natu. humana; & apho. 2. fec. 3.

A vigesimo quinto anno, usque ad quadragesimum quintum, maxime à quartana homines corripuntur; quicumque autem extra hoc tempus corripuntur, scire oportet non fore diuturnas, nisi aliquid gravius infestaverit. Hipp. lib. de natu. hum.

Hibernæ febres quartanæ, nunquam in acutas transeunt. Hippo. in coac.

Quartana longissima, minimeque ex se periculosa, Galen. lib. 1. de arte curat. ad Glauconem cap. 8.

Quartanæ raro ab initio incipiunt, sed præcedentibus morbis magna ex parte superveniunt inordinate. Galen. lib. de typis.

Quartana exquisita, rara est.

Quartana ex humore melancholico, minus molesta, quam quæ ex atra bile, licet longior.

Quartana, ex lienis, aut alterius alicujus visceris affectu facile convertitur in hydropem.

Quar-

Quartana si vere non solvatur, aut post septem menses, annua fit, & quandoque longior.

Quartana interdum brevissima, etiam autumnalis.

Enarrationes de quibusdam Aegrotis.

OBSERVATIO PRIMA.

Febris quartana, quibus remediis sanata.

Mulier quædam nutrix quondam domi meæ, atrociter habita toto autumno à quartana; statim atque è lecto surgere potuit, Adura in hanc urbem discessit, rogans, ut si quid arte Medica valerem, ipsi præstare non recusarem: Jussi esse bono animò, quidquid arte didicissem adhibiturum promittens; cum autem per aliquot dies quievisset, essentque universalia Aduræ administrata, præcipue venæ sectiones; de solis antidotis, contra febrem quartanam cogitandum putavi, præmissa purgatione ex lapide lazuli, loco lapidis armeni, qui ab Alexandro Tralliano maxime laudatur in affectibus melancholicis, difficile tamen invenitur; ideo ejus loco tale composui pharmacum.

℞. Decoc. splenit. q. s. infun. folior. sen. mund. ℥ss. in colat. dissol. lapid. cyanei loti scrup. j. scammo. vapore sulphur. castigati gr. vj. fiat potio, die ante accessionem mane sumenda; qua sumpta, decies venter dejecit.

Postero die quatuor horis ante accessionem, jussi propinandam antidotum, quam non satis laudare potest Hartmannus in quartana.

℞. Aquæ febris. aut ejus loco; decocti ℥iiij. alumi crud. scrup. j. misce, capiat quatuor horis ante accessionem, & probe cooperta expectet sudorem, aut saltem febrem.

Sumpta hac antidoto, febris quidem multum cunctata est; sed tandem invadens, multis aliis præcedentibus violentior extitit, vale dicens. Cum autem viderem nutricem à febre quidem liberam; sed eadem ut antea, corporis gravitate affectam, eandem ventris inflationem perseverare, cibos non magis appetere, omniaque ut ante febris discessum, permanere in eodem statu, poenituit me eam abegisse: quoniam verisimile erat,

repetitis accessionibus, proprii fomitis materiam, calore febrili absumptam iri: Jussi tamen bene sperare, promittens me exacta Quadragesima, ad profligandas has febris reliquias, pharmaca post-festum Paschæ daturum. Post Dominicam in albis, cum me accingerem, ad id quod promiseram præstandum, rediit febris quartana, quater in paroxysmis suum ordinem servans; à quibus tantum accepit levamenti, ut nihil amplius considerari posset; ventris enim moles recessit, corporis gravitas multum levata est, ciborum appetitio revertere incepit, omnia denique sanitatis munia brevi potuit obire. Quis hac Enarratione edoctus, consulat ante tempus quartanam abigendam esse, præcipue specificis, quæ febris materiam non expellunt, sed tantum ebullitionem impediunt, qua in quolibet paroxysmo, ex parte imminuta, tandem absumeretur; ut autem quæ dico confirmentur.

OBSERVATIO II.

PRætor quidam rerum criminalium in Montemarfana, quartana laborans, multis frustra tentatis auxiliis, accepit à quodam, se liberatum iri, si rigore febris incipiente, cyathum propriæ urinæ calentis hauriret, quo peracto non amplius rediit febris: Æstate vero sequenti, (licet à quartana liberati, longo tempore sani permaneant,) correptus est febre acuta, in qua ex maligna anathymiafi, in delirium ecstaticum incidit, & circa undecimum mortuus: quod non evenisse affirmabam astantibus, si quartana ante tempus, non fuisset abacta, propter jam dictas rationes.

Febris quartana haustu cyathi propriæ urinæ sanata.

OBSERVATIO III.

Quidam rure habitans diu quartana vexatus, licet veris tempore multum remisisset, paroxysmi tamen tempore, atroci capitis dolore divellebatur. Imperata venæ sectione, & lapide lazuli loto corpore purgato; dedi postea antidotum ex alumine; ut supra docui, & sanatus est: Quam quidem antidotum, non damno in totius morbi declinatione, vel in principio datam in parva dosi. v. g. scrup. β. cum symptomata periculum minantur, propter febris violentiam, ut ejus impetus parum retundatur.

Febris quartana alumine sanata.

OBSERVATIO IV.

Febris quartana auctoris, quara-
tione curata.

Tandem corripuit me quartana, annum agens 45. post quam febris duplex tertiana discessisset, pedetentim se in apertum proferens. Cum autem tunc temporis in ea essem sententia, sanguinis missionem non convenire febribus intermittentibus, nisi ratione accidentium, nullaque essent quæ illam suaderent, præcipue jam facta bis, aut ter, in febre duplici tertiana quæ præcesserat; decrevi à purgante communi melanagogo, curationem ordiri, à quo quibuidam diebus elapsis, volui experiri, ptisana purgante, ex elleboro nigro facta, utrum febris difficilis esset eradicationis, an tempori committenda, sumptis per intervalla purgationibus, quolibet scilicet mense. Licet autem Mesue lib. 2. de simpli. purgan. cap. 30. de utraque specie ellebori, dicat album terribilia symptomata minari, nigrum vero corpus incolume, & velut juvenile tueri: Ex illius tamen ptisanæ haustu, quidquid mali elleboro albo tribuitur, præter convulsionem, omnia acciderunt mihi, ex sola nigri infusione, spiritus scilicet angustia, molestæ jactationes, cerebri perturbatio, ita ut viderer mihi per vitrum aspicere, vomitus laboriosus, sæpe irritus, dejectiones paucæ: Nescio qualis esset illa elleborus, nihilominus statui, nunquam tali modo exhibiturum, extracto enim feliciter usus fueram, sine ullo ex enumeratis symptomatibus: Febris tamen decem horarum spacio cunctata est, ita ut crederem me ab ea esse immunem: Sed præcoce gaudio irritata fortuna, rediit febris, brevior tamen: Cum enim antea tres essent horæ frigoris, sex autem caloris, una erat tantum frigoris, & tres caloris, assumpta ellebori infusione. Quoniam autem decreveram, post reditum febris à gravi illa ex ellebori purgatione, curationem tempori, & naturæ committere, sumpto quolibet mense, purgante melanagogo satis potenti: Permanfit febris mea in eodem statu, unius horæ frigoris, & trium caloris, usque ad principium Decembris, quo tempore conscendenti equum per duos dies, rediit febris ut in principio, ad tres horas frigoris, & sex caloris: Sed cum purgandi tempus statutum advenisset, sumpto purgante medicamento, rediit febris ad horam unam frigoris, & tres caloris: Cum equum conscenderem ægrotis per oppida invensendis,

sendis, augebatur febris ut antea, donec sumpto medicamento, in pristinum statum reduceretur: Quod quidem probe vacans corpus, non solum hoc præstabat, sed errata in victu commissa corripbat: constabat enim mihi fames, & de febris fermento aliquid auferebat, aut saltem de comæatu. Hoc modo vitium ab assumptis cibis corripiebatur, & corporis gravitas à pastu, & pedum inflatio levabantur. Certe si quolibet mense, non usus essem purgante pharmaco, credo me nunquam à quartana incolumem evalisse, sine reliquis. Hac methodo, cum febre caloris trium horarum, & unius frigoris, nisi equum conscenderem, perveni ad tempus Quadragesimæ, in qua febris dimisit per 12. dies, postea reversa est: Cum autem mensis Maius advenisset, semperque prædicassẽ, nec mihi, nec aliis, quos curandos suscepissẽ de febre quartana, illam me n sem Maium non prætergressuram, tunc res mea agebatur: Ne igitur mihi esset dedecori, si febris mensem Maium superasset, decrevi omnino abigere, meoque more sumpto medicamento purgante, statim atque rigor incipiebat urbe egrediens, quadrantis itinere, passu minime lento pergredebam, quousque totum corpus incaluisse; tum vero subsistens, digito in guttur immisso, facile, & sine labore, bilem flavam, & porraceam vomebam: deinde domum rediens, lectum ingredebam, expectando sudorem: Quo quinquies, aut sexies iterato, sequenti paroxismo hausi incipiente rigore, quatuordecim grana piperis nigri integra, ex minus corrugatis, in cyatho vini albi generosi, expectando calorem in lecto; quod secunda vice febrem abegit, nec amplius est reversa, nihil post se relinquens, nisi longam ab omnium febrium genere immunitatem qua nunc adhuc fruor, hæc transcribens, ætate 68. annorum. Nullo ante mensem Maium volui uti specifico, ad febrem profligandam, propter ea quæ contingerant nutrici, de qua in prima Enarratione agitur; & propter id quod accidit Prætori Montismarfani, qui solus non fuit: Duo enim, qui etiam à quartana, præmatura ejus profligatione curati erant, eodem anno perierunt. Elegi etiam potius ex pipere specificum cum vino haustum, quia grati erat saporis.

OBSERVATIO V.

Quartana
febris qua-
tuordecim
granis pipe-
ris sanata.

Domina quædam hujus urbis, rogavit me, ut si quid haberem febris quartanæ profligandæ docerem, pro villicæ filia, quæ ante quindecim menses ea laborabat: Nescio quæ remedia per id tempus adhibuisset, jussi tamen ut purgato corpore, fumeret 14. grana piperis in primo febrilis frigoris sensu, quæ illa contudit, cum vino albo sumens, hocque peracto non amplius rediit febris. Scio etiam plurimos, hoc sumpto specifico, à febre quartana fuisse immunes, præcipue cum febris multum processit: Utrum autem melius sit piper contundere, an vero integrum sumere; dicendum est melius esse integrum sumere, cum humoris incallescencia timetur, ut nondum bene cocta materia & in juvenibus; contusum vero cum febris multum, processerit, & in senibus: Possumus tamen non infimæ plebis hominibus, piper nebulis involvere, & deinde vini cyathum propinare.

OBSERVATIO VI.

Febris quartana dosi pulveris Cornachini, & aluminis sanata.

Domina quædam habitans in oppido, quod fluvius Aduren-
sis alluit, Granade dicto, sex milliariis ab hac urbe distan-
te, misit ad me servum, ut illam inviserem: Ingrediens cubi-
culum inveni eam ex quartana lecto decumbentem, licet juve-
nis, ex ea quocumque modo liberari cupiebat, à vulgi opi-
nione recedens, qui Medicos in quartana cæcutire existimat:
Libenter propterea, curandam suscepi, incipiens à vino eme-
tico, quia incipiente paroxismo, semper erat vomendi deside-
rium, quo in posterum liberata est, non autem febris. Ut om-
nia recte fierent, secundum Hippocratis aphorismum, mate-
riam febrilem esse ad exitum præparandam, viasque aperiendas
operæ pretium duxi: Qua de causa, præscripsi apozemata ma-
ne sumenda, per sex dies continuos, quibus elapsis, misi ad
illam vulgarem dosim pulveris Cornachini, rigore incipiente
sumendam, qua venter nihil dejecit; cujus rei eventum non
miratus sum; quamplurimis enim rigoris tempore, natura in
angustum redacta, & arcendo frigori occupata, medicamen-
tum non reducit, ut loquuntur, in actum; ideo ab eo tem-
pore, soleo, ut res securius, & melius cedat, exhibere pur-
gan-

gantia in tali casu, quatuor horis ante febris invasionem: Quapropter misi iterum eandem dosim pulveris Cornachini, ex gra. xij. scammonii, viij. stybii detonati, & 4. cristalli tartari, horis quatuor ante febris invasionem sumendam, qua venter sex decies exoneratus est. Post hanc evacuationem satis largam, consului ut specifico aluminis uteretur, de quo supra, quibus non omnino cedens febris, monui ut iterum pulvere Cornachini uteretur, cui ut antea dejectionibus probe respondentibus, febris omnino abscessit, perfecteque sanata est circa festum Nativitas Christi, à dimidio mensis Octobris, sine ullis ab ejusmodi febris reliquis, à multis annis benevalens.

OBSERVATIO VII.

Vir quidam nobilis, à febre quartana, quæ in duplicem abierat diu conflictatus, rogavit ut eum inviserem: Veniens domum suam in ditione sua ædificatam, promisi me unam ablaturum, aliam vero relinquendam esse, ut fermentum humoris melancholi absumeretur, ne contingeret illi, quemadmodum iis de quibus supra meminimus. Cum autem alias, eum duplici tertiana laborantem, pulvere Cornachini sanitati restituissem, in quartana, non minoris virtutis medicamentum mutare nolui, adde quod facile sumatur, pridie igitur febris sumpto purgante, rigore incipiente, primæ, & secundæ febris, jussi parandum sacculum supra stomachum imponendum.

Idem effectus ab eodem pulvere Cornachini,

℞. Rad. urticæ, & lapathi acut. ana ʒj. salis com. mj. contundantur probe in mortario, & sacculus quadratæ figuræ, & utrinque semipedali impleatur; ita tamen ut deprimi possit, & calide incipiente rigore, supra stomachum toto paroxysmi tempore contineatur.

Quo remedio ab una ex quartanis liberatus est, ut promiseram, altera remanente, propter causam jam dictam.

OBSERVATIO VIII.

Mulier quædam nobilis, Aduræ à paucis diebus quartana laborans, accersendum me curavit, ut arcendæ febrī aliquid præscriberem: Quia jam senex erat, pedetentim febrem minuere volens, ex Alexandro Tralliano, hanc pilularum massam conficiendam curavi, de qua sumpta ʒj. non amplius febris reversa est.

Quartana, pilulis ex lapide lasuli paratis, sanata.

℞. Lap. arme, aut ejus loco, lapid. lazuli loti ℥ij. diagri scrup. j. epithy. & hieræ picræ, ana scrup. β. agar. & cario-phyl. ana gr. viij. cum melle despumato, fiat massa pilul. dosis à scrup. ij. ad ℥j. & ℥iβ. v. Ordinem remediorum alphabet. tit. Quartana.

OBSERVATIO IX.

Quartana,
aranea nuce
inclusa, fa-
nata.

Sacerdos quidam, in quartana profliganda, multis remediis tentatis, edoctus à quodam, ut araneam in nuce includeret, & tempore paroxysmi supra splenem imposeret, tertia vice iteraro specifico sanatus est. Vide remediorum ordinem alphabeticum.

De Morbillis, & Variolis.

CAPUT V.

Variolæ &
morbilli sæ-
pe magni,
momenti
sunt, & in-
terdum pestis
instar infan-
tes invaden-
tes.

Inter morbos, de quibus hoc observationum opere egimus, morbillos, & variolas non recensere; inculcata non esset prætermisio: Affectus quippe magni momenti, per certa quædam annorum intervalla recurrentes, interdum tanquam pestis speciatim infantum, præcipue variolæ, quæ morbillis multo sunt periculosiores, & magis molestæ. Licet autem amborum affectuum similia sint quædam principia, febris scilicet synochi invasio, deinde pustularum eruptio, tertio, quarto, & ad summum, in variolis, quinto die; graviora ceteris paribus, sunt variolarum symptomata: Febris quidem in utrisque valida, si materia multa, si pauca & boni moris, contrarium. Qui enim non videntur febricitare, præsertim in variolis, quamvis febricitent, si malum aliquod signum non appareat, ut frequens vomitus, delirium, carus, extremitates frigidæ, tormina, multa jactatio; paucam, & benignam esse materiam significat; si vero aliquod signum ex his, multoque magis si plura; quo graviora, eo majorem malignitatem subesse ostendunt, fereque semper, aut nigræ variolæ, aut papulæ lividæ, nigræ, rubræ, simul erumpunt cum variolis, quarum eruptio, citius, aut tardius fit, pro naturæ viribus, & mate-

riæ

riæ conditione : Quædam erumpere incipiunt in fine secundi, sed rarius; quædam tertio, quod frequenter accidit; quædam vero quarto, interdum quinto, sed rarissime. In ipso eruptionis principio, difficile est interdum agnoscere, utrum à variolis, an à morbillis sit quispiam laboraturus: Variolæ tamen in ipso exitu acutæ micant, si sint boni moris; morbilli vero non item, magis tamen cum intenso rubore erumpunt; licet etiam rubor in multis, cum variolæ grandescunt, appareat, quæ inter bonas non recensentur, si fastigiatae non evadant; quasdam morbillos diceres in principio, donec fastigientur, tunc enim quæ primæ egressæ sunt, grandioribus factis, certam sui exhibent notitiam; morbilli vero parvi manent velut cutis asperitates, oculos, & guttur, proprietate quadam infestantes, non autem variolæ, nisi multæ oriantur in palpebris, & ad cutem non omnibus expulsis, natura non existente valida, & materia tractabili quædam in gutture exoriantur, raucedinem accretione invehentes, spirandi interdum, aut deglutendi difficultatem, ad quæ sæpe mors; in ipso autem oculo, sufficit una in pupilla erumpens, ut visus fiat nulla arte inevitabilis deperditio. Præterea in variolis, est tumor ingens partium, si multus est eorum numerus, quia fiunt ex crassiori materia, ideo in suppurationem transeunt; diutius durant quam morbilli, & in crustas abeunt, quæ si nigrescant, aut tumor cito evanescat, res est in maximo discrimine: Morbilli propter subtiliorem materiam resolvuntur, sicut rubedo erysipelatis, quam sociam habent; unde Rubiola, Rougeole. Vulgus tamen Massiliæ, distinguit rubiolam, à morbillis, hos vocantes Senepion, & illam Rougeole, in qua non sunt pustulæ, sed magnæ tantum aræ, in modum erysipelatis rubentes; memini enim adhuc juvenis, me vidisse infantem rubiola, ut dicebant, laborantem, idest, *de la pure & simple Rougeole*, cujus facies variis in locis rubebat, sine pustulis; quia ejus materia subtilior est illa, à qua fiunt morbilli, in quorum eruptione, subtilior rubiolam facit, crassior vero morbillos; rarius tamen accidit ut fiat rubiola sine pustulis, nisi in regionibus calidis: Ideo in hac regione, & urbe, quæ caput Vasconix cognominatur, nequidem mentio fit, de pura rubiola sine pustulis, nec ego

Tempus eruptionis variolarum.

Morbilli oculos & guttur præcipue infestant.

Variolæ & morbilli fuerunt antiquis ignoti, & de his primum scripserunt Arabes.

memini me vidisse, sed tantum morbillos, quos vocant Sar-rampin. Hi affectus Antiquis ignoti fuere; nullus enim invenitur, qui de eorum natura, & curatione, disseruerit, præter Arabes, quorum tempore apparuisse credendum est: De morbo enim tam communi, & epidemico sæpius grassante, non tacuisset antiquitas, Arabibus describendum relinquens: Tot enim sunt morbilli, & adhuc magis variolis particularia, ut talibus viris impossibile fuisset, in suorum exanthematum descriptione, ea silentio prætermittere. Primo quidem morbilli, cum intensa rubedine, unde nomen Rubiolæ eis inditum est, non solum in facie, & per totum corpus erumpunt, sed & intra corpus, oculos, & guttur, proprietate quadam, ut diximus, præcipue infestant, cum tussicula. Secundo morbilli, & variolæ, in facie potissimum sedes habent, & infantes præcipue adoriuntur, raro proVectos ætate, rarissime senes. Præterea variolæ ex vulgi opinione, novem dies habent accretionis, quia non omnes una erumpunt; longo tempore durant, pestis infantium dicuntur; ad suppurationem deveniunt, tanquam apostemata, cum facie, & reliquarum partium tumore non mediocri, quorum materia ita crassescit, ut in crustas abeant variolæ, ipseque viderim in pedibus instar lentis exsiccatas, sub cute evelli. Denique in variolis, faciei color naturalis, ipsis omnino sanatis, per plures menses ad pristinum statum non redit; & interdum ita maculis, tanquam cicatricibus deturpata facies, ut toto vitæ decursu fœdata, remaneat. Pauci etiam variolas effugiunt, multi morbillos, præcipue qui mature multis tentantur variolis. Adde etiam quod morbilli, & variolæ, pro præcipuo affectu habentur, morbike totius nomen sibi vendicant, febrisque causa sunt, quæ inter symptomaticas referri debet, ut ex inflammatione, & apostemate; sunt enim, præcipue variolæ, apostemata, ad suppurationem perveniunt, ideoque morbus; non autem Antiquorum exanthemata & etiam ecçymata, quæ pro symptomatibus considerantur. Videant nunc, qui tantopere se torquent, in afferendis locis Hippocratis, Galeni, & Ætii, si talia simul, exanthematibus, quæ ab illis describuntur acciderint, ea præcipue quæ de variolis attulimus: Nec fingat Zacutus variolas die 8. 11. 12. imo

Variolæ non sunt antiquorum exanthemata.

& 20. erupisse, ut eludat Mercurialis responsum, ad ea quæ de Sileni papulis afferuntur, quas affirmat non fuisse variolas, eo quod octavo die tantum erupissent; variolarum autem exitus fiat in fine secundi, tertio, & quarto, ut plurimum; & interdum quinto. Ego quidem nescio, an Zacutus viderit unquam veras variolas, vigesima die tantum erupisse; unum tamen scio, me nunquam vidisse tardius quinto erupisse, & hoc etiam rarissime, eumque existimo, si viderit quæ scribit, ex eo fuisse deceptum, quod febris aliqua, interdum corripiat in principio, quæ non est ex variolis, quam postea causæ superiores, in morbum populariter grassantem convertunt, ut fit tempore pestis, in quo omnis morbus, ut vulgo dicitur, pestis est, causa superiori, morbum ex vulgata putredine, in pestilentem convertente. Hoc pacto, animadvertimus grassantibus variolis quosdam infantes febre continua à vermibus, aut alia de causa laborantes, imo ex febre intermittente, quibus post tres aut quatuor dies, febre invalescente aut ex intermittente facta continua, variolæ tertio, aut quarto die erumpebant, à febris mutatione. Vel dicendum Zacuto, si ipse viderit, tantum vigesimo die variolas erupisse, tales non fuisse veras, sed pseudo variolas. Sunt enim quædam papulæ, non multum à variolis discrepantes, ut plurimum tamen latiores quas multi in exitu, & accretione, variolas esse putant, quia vero multo citius solvuntur quam variolæ; quod non sint periculosæ, nec vestigia relinquant, ab errore vindicantur: Hujus generis fuisse Sileni papulas. 1. epidem. commen. 3. Et Simonis 6. epidem. comen. 2. existimandum est, ut ex ipsis Hippocratis locis, & Galeni commentariis facile dijudicari potest, collatione facta cum his, quæ variolis accidunt. Hæ pseudo variolæ, in causa sunt, cur multi bis variolis tentari credantur: Non tamen negandum bis quempiam laborare posse variolis, cum prima vice, paucæ erumpunt, totius materiæ coinquinatæ, à sanguine materno, vacuandæ, & partibus purificandis impares, propter syderis constitutionem respectu partium dispositionem, non ita validam, unde plus materiæ suppeditari non potest, reliqua in alio syderis recurso remanente. Injuriam itaque Antiquis me facere existimarem, asserere eos variolas,

Mmm

&

Esse aliquos;
qui bis va-
riolis labo-
rant, & qua-
re.

& morbillos agnovisse; totque singularia, præcipue variolis, intacta reliquisse. Quasi vero ipsis Arabibus minus solliciti, & studiosi, in morbis hujusce naturæ describendis: Neque valet quod à quibusdam dicitur, Græciam tanquam regionem temperatam, leviter his morbis obnoxiam fuisse; ubique enim Græcia temperata non est, sciuntque Hippocratis, & Galeni scripta legentes, eos varias regiones peragrasse, non solum temperatas, sed frigidas, & calidas: Quare non est idonea hæc excusatio. Fuere igitur Arabes qui primi de variolis, & morbillis scripserunt, novo affectui, & communi, causam generalem, ut par erat, tribuentes, sanguinem scilicet maternum, quo nutritur infans in utero, quem improprie menstruum vocant, cum prægnantibus non fiat, nisi raro, menstrua purgatio: Cum autem in mulieribus fere omnibus, fiat gestationis tempore, circa venas uteri excrementorum proventus, propter purgationis menstruæ defectum, iis præcipue quæ impuro sunt corpore, quousque in partu, excernantur; licet quæ nutriuntur, facultate innata, succum sibi magis familiarem, & puriorem attrahant, ejus tamen defectu, impurus allicitur; ideo in utero materno, ultimis præcipue mensibus gestationis, in quibus foetus majori indiget alimento, si sanguis sit impurus, major cumulatur futura materia variolarum; si purus, minor, est enim fere impossibile, quin impedita menstrual purgatione, sanguis peccet aliquo modo in venis uteri, paucis tamen, aut nullis tunc variolis tentantur infantes, secundum attracti sanguinis naturam, qui postea causa materialis est variolarum & morbillorum. Nam cum fere omnes, potissimum in infantia, aut pueritia, rarius in adolescentia, & rarissime in alia ætate, variolis tententur; licet non item morbillis, causa materialis aliqua erat constituenda, quæ in omnibus respiriretur, sanguis scilicet maternus, in utero à foetu attractus, qui cum diverso labis sit gradu, pro varia ejus impuritate; quibusdam paucae, aliis multæ, variolæ erumpunt; quibusdam tardius, aliis citius, materia eorum movetur; quidam leviter afficiuntur, alii graviter, ex quibus multi de medio tolluntur, ad quod multum facit cœlestis influxus indole maligna, putredine, in quibusdam constitutionibus, materiam corrumpens; qui quidem

Causa mor-
billorum &
variolarum
secundum
Arabes.

dem influxus, causa prima efficiens est morbillorum, & variorum. Si enim à mundi exordio, hoc morbi genus non extiterit, sed tantum Medicorum Arabum ætate, solius causæ hujus efficientis defectui est tribuendum, ex nova astrorum conjunctione orta, proprietatem habentis talem in partibus solidis materiam, à sanguine materno desumptam commovere; & corrumpere: Quia autem influxus ille, ex novo syderum aspectu genitus, qui nondum fuerat, non semper eadem vi pollet; ideo hujus morbi recursus varii sunt, modo graviores, infantibus præcipue, quia causa materialis, non longe abest à suæ generationis principio, quæ progressu temporis, à partibus solidis attracta, & in earum substantiam conversa, altius insidet, fortiori indigens influxu ut commoveatur, quod ratio est, cur ætate proveci, rarius variolis, & morbillis corripiantur: Neque hoc mirum videri debet, ut quod in partis solidæ substantiam conversum est, possit ab ea, vi syderum influxus scerni, & effervere, ut quædam quasi fiat dispumatio; pars enim solida, accepto incremento in utero ex sanguine materno, licet quod ex solo semine delineatum erat, purum esset, ex eo postea quod assumptum est, subdita facta est ejusmodi despumationi, quæ & in variolis, & in morbillis, ex eadem partis substantia exoritur: Afferendi enim ut Riolanus, materiam variolarum excerni tanquam humorem à partibus solidis, morbillorum autem ab humido radicali illis insito, per modum exhalationis, rationem non video; licet enim morbillorum materia subtilioris sit naturæ, variolarum autem crassioris, non minus propterea ab eodem fonte exurgere putandum, quod enim expurgatur in parte solida, ejus est humidum radicale, meliusque expurgatur à variolis quam à morbillis; qui enim magna variolarum abundantia, ante morbillos expurgantur, rarissime, aut nunquam, morbillis tentantur. Neque mirandum est corporis coelestis influxum, in peculiarem partis alicujus substantiam, licet per totum diffusam, proprietate quadam agere, reliquis intactis; hoc enim igni concessum est, ut patet in destillatione, in qua mixti substantia aquosa, per totum diffusa, oleo, & sale relictis ascendit, nisi perseverante igne urgeantur. Hoc pacto syderis influxus, cui data est proprietas,

substantiam à materno sanguine impuro desumptam, & jam in partem substantiam mutatam, commovere, & corrumpere, agit in eam aliis intactis; ut autem commota est, naturæ gravis, insurgit illa ad excretionem spiritibusque iratis, febris accenditur, fitque ejus quædam materiæ despumatio, febre perseverante, quousque partibus interioribus rite expurgatis quiescat, quod optimum signum est, eoque magis, quo citius desinit: Si autem ut erumpunt papulæ, febris pedetentim non remittat, saltem die septimo ab eruptione ultimarum; quo variolæ erunt peiores, eo magis erit periculi, præcipue in regionibus calidis: Hoc enim ostendit partes internas, ab ejusmodi illuvie, non bene esse expurgatas, quam postea natura in ventrem deponit, quod raro bonum est; melius hujus reliquias propelli ad articulos, licet ossa de sede dimoveat, laxato ligamento, & interdum mutilet.

Si febris non remittit post pustularum eruptionem, malum.

P R O G N O S T I C A.

Morbilli, & variolæ, morbi sunt epidemici, gravius, aut levius grassantes, pro cœlestis influxus conditione, causam moventis.

Morbilli, & variolæ, morbi sunt acuti.

Signa præcedentia variolas, & morbillos, æquivoca sunt, & incerta valde, nisi cum populariter grassantur.

Quo citius erumpunt variolæ, cum acumine splendente, eo melius.

Variolæ post elevationem subsidentes pessimæ; magis autem si partium tumor etiam evanescat, mortem enim significat.

Variolæ fastigiatae, rotundæ albicantes, molles, disjunctæ, bonæ; depressæ vero, foveam in medio habentes, malæ; peiores autem, si in fovea aliquid nigri appareat.

Omnino nigræ lethales, deinde lividæ, virides.

Febris quæ tendentibus ad statum variolis, pedetentim non minuitur, mala; pejor autem quo ulterius processerit.

Fluxus ventris in principio, si erumpentibus variolis cesset, bonum; si autem perseveravit, malum: Pejor autem qui in statu, aut declinatione supervenit.

Delirium, lethargus, carus, extremitates frigidæ, frequens vomitus, malignum quid significant.

Ver-

Vermes sæpissime subesse cum variolis animadvertuntur, ex quibus interdum mors, quæ à variolis accidisse putatur.

Quæ vomitorio modo procedunt, febre non apparente, malignas variolas portendunt.

Enarrationes de quibusdam Ægrotis.

OBSERVATIO PRIMA.

Puer quidam Massiliæ decem annorum, quo tempore immaturniter grassabantur variolæ, febre continua correptus quia frater ejus major natus, laborabat variolis, statim & ab adstantibus, & à Medico eis laborare, reputatus est: Nescio quænam illi remedia adhibebantur, nondum enim eram Medicus; Memini tamen me vidisse ægrotum, huc, illuc, in lecto membra, & corpus projicientem, cum vociferationibus, & querelis, à torminibus, dieque septimo, expirasse. Tunc temporis vetitum erat, communi Medicorum hujus regionis decreto, ne in variolis sanguis extraheretur, quod venæ sectio in venenis non conveniret, cujus naturæ variolæ putabantur. Sed dato quod variolæ, in quibusdam constitutionibus pro re pestifera habeantur; alia est ratio veneni in corpore generati, & alia extrinsecus advenientis, ut à morfu venenato, & in venenis propinatis, in quibus nullo modo fieri debet venæ sectio: At in his qui in corpore gignuntur, potest quibusdam de causis, phlebotomia administrari, quia ad interiora major non potest fieri venæ sectione retractio: Unde & in carbunculis, & in exanthematibus, quæ Purpura dicuntur, & nunc in variolis, & morbillis, administratur ab omnibus venæ sectio, qua naturæ motus juvatur, febris violentia, & alia accidentia mitigantur, & plenitudo gravans, si qua sit, aufertur. Imo quidam, præcipue Parisiis, trimestribus infantibus, non verentur, in suspitione variolarum, sanguinem extrahere, quod multi in hac ætate non probant, stante tamen Arabum sententia, magis videtur venæ sectio iis convenire, qui minus distant à nativitate: Quia quo magis infans proximus est suæ nativitati, eo magis superest de sanguine materno in ejus venis, ideoque magis necessaria venæ sectio, quam adultis: Unde non mi-

An venæ sectio in variolis administranda, necne?

ror quod refertur à Riolo. lib. 6. antropol. cap. 5. de vas. umbilicalibus, his verbis Experientia observatum est, cum nato infanti secatur umbilicus, & è venis finitur sanguis copiosus effluere, prout vires suadent, & tolerant, illum puellum postea variolis paucis, rarisque, & salubribus tentari. Quod non solum Arabum sententiam confirmat, sed recenter natis, venæ sectionem magis convenire, quam adultis: Et quo quis provectior est ætate, eo minus; ideoque quamplurimis, inutilem esse ratione morbi. Nam si secundum Arabum sententiam, & plurimos recentiores, sanguis maternus qui ad fœtus nutritionem, quandiu in utero detinetur, absimitur, causa est morbillorum, & variolarum, cum omnis in partium nutritionem faceffivit, inutilis erit venæ sectio, nisi ratione quorundam accidentium, eoque magis quo quis provectior erit ætate: Oportet tamen nos, ut fertur communi adagio, exemplo anserum in aquam demergere; idest venam secare, alii faciunt, dum suspicio est de exortu variolarum, & morbillorum; alioquin si æger moriatur, culpa rejicietur in venæ sectionis defectum, incitiaeque, aut negligentiae accusabitur Medicus. Ego quidem ingenue fateor, me in quantum potui, venæ sectione abstinuiffe, nisi in valde plethoricis infantibus, causam aliquam quærens ne fieret; nec quidquam novi auxilii in ea invenisse: Quin potius, majorem longe numerum aliquando vidisse defunctorum, quibus venæ sectio administrata fuerat, quam quibus non fuerat: Variolæ enim non fiunt à sanguinis ebullitione, nisi in recenter natis, in adultis autem si sanguis effervescat, hoc est per accidens, ratione scilicet febris, quæ est à natura, ad excretionem se accingente, vel à materiæ variolarum ebullitione, à proprio sydere commotæ, quod ut magis eluceat.

OBSERVATIO II.

Purulenta
scabies, variolis erumpentibus facta, his vero desinentibus, reverfa.

Filiola mea ætate trium annorum, scabie purulenta, & crustosa laborans, & tempore quo variolæ grassabantur, febre continua corripitur, sine molesto aliquo symptomate. Tertia die variolis erumpentibus, scabies quasi majori cedens, eis locum dedit, nec toto tempore variolarum ullibi apparuit: Omnibus secundum votum se habentibus, totum negotium naturæ commisi, nulla facta venæ sectione, nec alio utens remedio; bene

bene enim processerunt variolæ, albæ, fastigiatae, rotundæ, molles. Perfecte sanata sine vestigiis, cum a scabie immunis crederetur, rediit scabies ut antea; cujus rei processum miratus, quomodo bene erumpentibus variolis, bene procedentibus, & ad votum sanatis, sanguis à putredine scabiosa non esset vindicatus: Arbitratus sum variolarum materiam, nullo modo sedem habere in sanguine; vidi quippe in pluribus, sanguinem extractum ratione variolarum, purum existere, ideo sententiam Arabum, aliis veritati magis contentaneam semper arbitratus sum.

OBSERVATIO III.

Puer quidam annorum 5. variolis grassari incipientibus, febre continua, cum fluxu ventris corripitur, existimans subesse vermes, qui sæpissime cum variolis miscentur, statim propinandam curavi potionem contra vermes, ex infusione rhabarbari & semine contra, in aqua portulacæ dissolutis, deinde scrup. j. pulv. rhabarbari; ejecit quidem vermes; sed fluxu ventris perseverante, erumpere ceperunt variolæ, quæ satis erant boni moris, manens tamen diarrhœa, metum mortis in cutiebat, ut fere solet evenire in nostra regione Massiliensi; in hac vero non item. Sedato tandem fluxu ventris sanatus est puer sine reliquiis, quæ tunc erant juncturarum abscessus.

Variolæ,
quibus con-
juncta
Diarrhœa.

OBSERVATIO IV.

A duræ juvenis quidam 14. annorum, incidit in somnum profundum cum extremorum perfrigeratione: subiit statim animum malignum quidpiam inesse, præcipue à vermibus: Cum nullus esset rumor de variolis, insistimus in remediis contra vermes, & cardiacis. Tertio advertimus erumpentes variolas, cum pluribus exanthematibus rubris lividis, & nigris, post quorum eruptionem expergefactus, omnibus superatis sanatus est perfectissime.

Eruptio va-
riolarum
post somnum
profundum.

OBSERVATIO V.

Puer quidam in hac urbe, grassantibus variolis cepit ægrotare, cum febre mediocri, omnia videbantur esse in tuto, nisi quod stomachus nihil ferre poterat, nec juscula, nec potiones subdorificas, quin statim rejiceret, hoc modo eludens auxilia. Tandem animadversæ sunt 3. die variolæ quædam, dein-

Mors a va-
riolis ni-
gris.

deinde multæ quæ repletæ sunt omnes humore nigro, videbantur ampullæ atramento plenæ, quibus visis de salute conclamatum est, licet ad loquelam non videretur ægrotare, dieque undecimo passus convulsionem musculorum capitis mortuus est.

OBSERVATIO VI.

Variolæ depressæ, usu aquæ & salis Card. bened. iterum elevatæ.

Puellæ quædam Massiliæ biennis cum variolæ erupissent, nec essent probe fastigiata, sed depressæ manerent, quod in illa regione pessimum signum est: Vocatus ut occurrerem ejusmodi depressioni, præscripsi ℥ij. aquæ card. benedic. cum gra. iij. salis ejusdem: Mirabile dictu! omnes variolæ, post duas, aut tres horas, elevatæ sunt; sed postero die, cum iterum depressas animadverterem, eadem repetita potione, elevatæ sunt; & iterum postea depressæ, tertio propinata potione septimo die, iterum tertio elevatæ sunt variolæ, vim antidoti mirantibus multis. Sequentibus diebus, curæ reliquum naturæ commisi, quæ tandem prævaluit, licet variolæ non essent probe fastigiata: Cum autem filiola non videretur mihi perfecte sanata; existimans aliquid de materia variolarum, circa viscera remansisse, præscripsi gr. iiij. salis absynthii per aliquot dies, cum lacte sumenda ex cochleari, hora una, aut altera, antequam mamam sugeret; à cujus usu, dejecit materiam pluribus vicibus, similem puri, & perfecte sanata est. Re ipsa, salis, & aquæ cardui benedicti virtute comprobata, sæpius usus sum, semper cum felici successu, immiscens in adultis scrup. j. aut 3ß. confectionis alchermes: At in hac regione, ubi carduus benedictus, non est suæ spontis herba, ita debilis virtus inveni, licet gr. xij. in proprio liquore stillatio soluta præberem, ut coactus sim aliis uti sudorificis, præcipue aqua ulmarie ad ℥iiij. cum salis ejusdem gr. vj. aut viij. & gr. ij. ambaris grisei, aut 3ß. confectionis alchermes. Lapidì bezoardico non fidendum, nisi certa experientia comprobatus fuerit; quia nullius est virtutis, si ut aiunt, quo tempore pascitur animal in planitiibus, ab ejus stomacho eruatur, quia herba quæ virtutem lapidì bezoardico impertitur, tantum alitur in montibus. Quantum ad præparationem decocti lentium, nunquam illi fidem adhibui, nihil ex ejus usu videns magni momenti, malui sudorificis cardiis insistere, & pro potu ordinario uti cornu cervi decocto:

Ne

Ne autem vestigia à variolis relinquantur, unguenda est facies in ipsa eruptione usque ad novem dies, oleo amygdalarum dulcium recenti calido, hyeme præcipue, aut adipe caponis liquefacta, vel oleo in quo multa folia malvæ incoxeris, sicut & pomata aliqua recenti; hæc enim cutis faciem emolliendo, efficiunt ut tumentibus, & crescentibus variolis, facilius cedat, minorque in carne fiat fovea: Postquam vero crustæ deciderunt, optimum est unguere faciem spermate ceti. Remedia quæ oculis adhibentur, non solum inutilia existimo, sed plerumque noxia, si repercutiant; quod si palpebræ ita tumeant, ut aperiri non possint, manibus diductæ, abluantur oculi mane, & sero, decocto aliquo detergente, ut est decoctum hordei ad crepaturam cocti, cum melle rosaceo; inevitabilis enim est visus amissio; si variola aliqua in pupilla oriatur. Nares etiam in infantibus aspiciendæ, ne coalescant, in raucedine vero, quæ denotat variolas circa laryngem erupisse, syrupus granatorum in principio, deinde mororum conveniunt. Quod si deglutiendi difficultas accesserit, utere sequenti looch, quod morituris etiam prodesse vidimus.

℞. Dianuci ℥j. vel loco ejus, aquæ nucum stillat. ℥ij. syrup. confer. nucum ℥vj. sal. gem. gr. vj. vel viij. sale dissol. deglutiat per vices lentissime.

OBSERVATIO VII.

Adolescens quidam octodecim annorum, tempore quo variolæ grassabantur, febre continua, & acuta correptus, de atroci, & horrendo lumborum dolore statim conquestus est, nullis cedente remediis; paulo post incidit in lethargum: Dum auxilii de causâ symptomatum laborabamus, erumpere ceperunt variolæ, cum multis exanthematibus nigris, & alterius coloris; ad se tamen non redibat, nec à longo tempore, mentis compos factus est, etiam sanatis variolis; quibus pedetentim erumpentibus factum est ulcus in medio lumborum, vertebra apparente carne denudata, ac si pyrotico fuisset absumpta, denarii rotunditate: Non mirum, si in illa regione tam atroci dolore torqueretur; ego quidem fateor nunquam toto vitæ decursu vidisse, nec legisse, nec audivisse ægrotantem, qui cum talibus symptomatibus omnino incolumis evaserit, sine reliquiis.

Variolæ cum
ulcere lum-
borum, &
Lethargo,
sanatæ.



OBSERVATIONUM
NICOLAI CHESNEAU
MASSILIENSIS.
DOCTORIS MEDICI.
LIBER QUINTUS.

Qui est de miscellaneis.

OBSERVATIO PRIMA.

De dubia
valde, &
controverſa
Iſchuriz
cauſa.



IR quidam 50. annorum, vicinus hujus urbis; trium dierum itinere, tempore hyemis peregre proficiſcens, cum domum revertetur, correptus eſt iſchuria, quæ illum in proxima urbe morari coëgit, curantem ſibi enemata injici à quodam Pharmacopœo, qui etiam propinavit illi apozemata diuretica, quibus exonerata veſica, diſceſſit in hanc urbem, à cognato excipiendus, apud quem iterum revertente iſchuria, lecto decubuit: vocato Medico hujus ordinario, nihilque per tres dies proficiente, duo alii Medici, quorum ſenior eram, adhibiti ſunt in conſilium, inter quos habita conſultatione, Medicus ordinarius, aſſerebat ægrotantis affectum, facilis eſſe cognitio- nis, iſchuriam ſcilicet, cujus cauſa non in veſica, quoniam in
ejus

ejus regione, neque dolor, neque tumor deprehendebatur; quod signum erat lotium non descendere per ureteres, ex obstructione lapidis in renibus; ideo procurandum ut potionibus, semicupiis, enematis & topicis expelleretur, cui Junior assensus est: Ego vero affirmabam, affectum non esse tam facilis cognitionis, ut putabatur, nec proprie ischuriam esse, causa non existente in vesica. Quia autem ægrotus dolorem quemdam perceperat, in principio morbi, circa renem sinistram, aliasque lapillum ejecerat, putabant alii Medici, factam fuisse à lapide obstructionem in rene; sed cum duo sint renes, à sano facta fuisset urinæ transcolatio: Ad quod Medicus ordinarius respondit ex Hollerio, uno rene affecto, alterum coaffici; quod tamen Hollerius nullibi scripsit: Imo scholia cap. de calculo, habetur uno rene clauso, per alium reddi posse urinam, ut fere semper accidit; licet, Riolanus, monitus à Foresto, dicat non semel observasse, uno rene obstructo, alterum inutilem esse; quod antea Duretus scripserat in coac. mihi pag. 539. Sed morbi progressus, aliud in corpore ægrotantis extitisse ostendit. Cum autem intentum nostrum, esset urinarum provocatio, non sumus in hac disceptatione immorati, præmissoque bolo ex cassia, terebinthina, & cristallo tartari, præscriptum est semicupium; in cuius ingressu hausit ægrotans julep diureticum, à quibus minxit nocte pluribus vicibus, non tamen in magna quantitate, nullo præcedente, nec præsentē dolore in renibus, & vesica. Febris fere semper aderat, præcipue circa vesperam, cum quadam cataphora; ita ut interdum lethargicus videretur. Duobus consecutis diebus, nulla facta urinæ excretionē, iterum semicupio usus est, & potu diureticæ potionis in ingressu, quibus viæ patefactæ sunt urinæ, mediocri tamen quantitate, perseverante comate, quod Medicus ordinarius suppressis urinis referebat sero ad caput ascendente: Ego vero quia in venæ sectione parum feri semper animadverterem, multotiesque minxisset ægrotus, non tantam feri quantitatem, in venis subesse affirmabam, ut ad caput ascenderet, comatis causa sufficiens; me vero potius timere, ne in peregrinatione summa hyeme facta, caput esset refrigeratum, principiumque affectus soporiferi extitisset; ideo aliis

Lib. 2. anatrop. 6.
cap. 20.
pag. 144.
Coac. 45.
lib. de excre.
cap. iij.

partibus non neglectis, capiti esse prospiciendum, admotis cucurbitulis cum scarrificatione, supra humeros, & decocto pulegii in aqua, & aceto facto, verticem rasum fovendum; purgationes enim per intervalla fiebant, & quotidie enemata injiciebantur, ut serum per ventrem educeretur; cetera vero Medico ordinario pervicaciter non probante, neglecta sunt: Interim cum frequenter ægrotus surgere è lecto, modo ventrem exoneraturus, alias ut illi lectus componeretur, nec sibi à frigore, tempestate hyemis, provideret, cum cerebrum multa scateret pituita, ut constabat ex comate, fluxio in latus sinistrum impexit, & pulmones, ex qua dolor punctorius, cum tussi, & febris exacerbatione, metum, parum versatis in pulsu, incutiebat pleuritidis; sed cum is non esset durus, asserui novum istum affectum, veram non esse pleuritidem, sed notham, cum fluxione in pulmones, qui affectus compositus est, de quo lib. 2. cap. 2. ex quo populariter grassante hoc anno, in quibusdam oppidis, multi moriebantur: Statim itaque vena cubiti sinistri secta est ægrotanti, fotibusque parti dolenti admotis, cepit die 4. cocta spuere, fuitque post septimum liber à recenti malo; non autem ab eadem causa, ischuriam per intervalla inducente. Cum autem urina tribus diebus fuisset suppressa, nullo juvante auxilio, expetivit ægrotans, ut Pharmacopœus, à cujus prima vice exhibito apozemate, vocaretur; antequam autem venisset, cum relatum esset ægrotanti, me habere arcanum expellendo calculo, & provocandæ urinæ potentissimum, rogavit ut præscriberem, cujus talis erat descriptio.

℞. Margar. & coral. rub. præpar. ana ʒj. inf. per. 24. horas in succo limon. deinde Acc. rad. petros. mj. fssimbr. aquat mss. bulliant omnia in aquæ flum. & vini albi. ℥iij. lento igne, ad consumptionem tertiæ partis, pro tribus dosibus, sero, media nocte, & aurora.

Ebibitis his potionibus, abunde minxit, nec opus fuit remediis Pharmacopœi, ab eoque die nulla amplius facta est urinæ suppressio; Verum post biduum, multum sanguinis cum urina excretum est, sedimentum nigrum, ut fere sit, postea deponente, nullo antecedente, nec præsentente dolore, quod nobis mirum

mirum videbatur; die autem elapso, non amplius sanguinolentæ, nec crudæ in colore, ut antea, fuerunt urinæ, sed boni coloris, nec à pluribus diebus comatosus erat ægrotus; à febre tamen liber non erat, positusque in securo ab omnibus videbatur: Quatuor autem, aut quinque diebus elapsis in hoc statu, cepit conqueri ægrotus de dolore circa aurem; apposita est lana succida, oleo chamæmelini imbuta, tumorque pedetentim accrescens, parotidem detexit, cum febris incremento; topica attrahentia imposita sunt, quibus nihil proficientibus, pyrotico tumor apertus est, quæ omnia mortem circa septimum, ab exortu parotidis, avertere non potuerunt. Circa hujus affectus symptomata, pertinaciter disputatum est toto morbi decursu, de causa suppressionis urinæ comatis, & parotidis. Medicus ordinarius semper obfirmatus mansit, obstructionem renis à lapide urinæ suppressionis causam primo extitisse, deinde sero ad caput ascendente, coma excitatum fuisse, & ex eadem materia retro aures propulsa, parotidem. Junior fluctuabat in statuenda sententia. Ego vero contra, assereram suppressionem urinæ, nullo modo accidere posse, ab obstructione facta à lapide, qui ut hoc efficiat, oportet ut principium saltem ureteris introeat, eum omnino obstruendo, quod non fit sine dolore: Cum autem urinæ suppressio, fieret in isto ægrotante per vices, sine ullo doloris sensu; quomodo recederet lapis in renem, & iterum in ureterem protruderetur sine dolore, non poteram animo concipere; nec quomodo apozemata diuretica, tam sæpe urinas movissent, quibus potius lapidem expellentibus, quam retrahentibus, aut descendisset lapis in vesicam, cum doloribus nephriticis, aut magis ab eis infixus esset lapis. Adde quod ex altero rene facta fuisset urinæ transcolatio, quidquid dicant Forestus, Duretus, & Riolanus. Fateor quidem in urinæ suppressione inventum fuisse, dissecto cadavere, lapillum renem unum obturantem, altero plane salvo, nec ullam ab eo factam fuisse seri attractionem, sed hoc non accidet ex sola unius obstructione alteri affectu communicato, consortii lege; obstructio enim non communicatur parti, in qua nihil obstruens existit, sed alius debet esse morbus communis utrique reni, ut est facultatis attractricis defectus, quæ in ægrotante isto non

erat abolita, sed tantum debilitata, unde per vices, non descendebat urina ad vesicam, feriente utroque rene, quousque facultas obdormiens excitaretur remediis, præcipue ultimo, à quo non amplius restitit urina. Adde quod natura duos renes fingens, non egit frustra, quod factum fuisset, si uno rene obstructo, alter esset inutilis; contrarium enim ostenditur Observ. seu Enarratio. 2. cap. ix. lib. 3. de quodam sacerdote, & Enarratione ultima observat. 29. hujus lib. de quadam muliere, & in aliis pluribus animadversum est. Dicendum est igitur; naturam duos renes construxisse, ut uno affecto, alter sufficeret: Nam plures visi sunt, à prima in utero conformatione, unum tantum renem habentes, qui diu vixerunt; quod recenti memoria ab anno & dimidio, compertum est in quodam Dynaste, qui uno rene carens à natura, vixit cum altero plus quam sexaginta annos, moriens ex affectu vesicæ inaudito, ut habetur observ. 30. hujus lib. Coma vero hujus ægrotantis, non fiebat ex sero retento ad caput ascendente, cum viderimus quamplurimos, ex suppressione urinæ morientes, sine ullo comate. Deinde quod in venæ sectionibus, sanguis ejus sero non abundaret. Dicendum potius ex refrigeratione in itinere non solum capitis, sed regionis renum, coma esse invecutum, & urinæ suppressionem, ipsis renibus debilitatis, unde nulla fiebat interdum feri attractio, nisi diureticis exhibitis, natura sollicitata ad opus suum rediret. De parotide similiter dicendum, eadem de causa cerebrum humore pituitoso infarctum, illam in emunctorio deponere voluisse, sed majori parte in ipsa remanente, spiritus animales fuisse obrutos, unde mors insperata. Quod autem me magis angebat, causæ erat mictionis sanguinis dignotio, quæ cessante urinæ suppressione, accidit duobus, aut tribus diebus continuis. Ego quidem in hac multum laborans, existimo sanguinis mictionem hanc, factam fuisse à quadam anostomosi, ruptionis enim venæ, nulla causa præcesserat; nec tam facile desuisset, sicut & à vena exesa: Sanguinem per carunculas renis exudasse non est verisimile; neque enim trium dierum fuisset affectus: Omnia tamen, me acutioribus in judicando, æstimanda relinquo.

OBSERVATIO II.

Mercator quidam hujus urbis, vir laboriosus, & quacumque anni tempestate, paratus peregrinationibus, incidit in febrem continuam, validam quidem ex pulsu, & periculofam specie, ratione symptomatum, quibus comitabatur, dolore scilicet capitis, sed lumborum valde molesto, & intolerabili, cum urinis valde rubris, nigritie linguæ, singultu, infomniis & pulsu intermittente, in paucis interdum ictibus alias in multis. Vocatus tanquam Medicus ordinarius; statim ab injecto enemate, & venæ sectione basilicæ dextri lateris, curationem auspicati sumus; postridie vero mane, alterius lateris, quibus nihil proficientibus, præcipue ad dolorem lumborum, tanquam ægrotanti omnium molestissimum, ipsi & cognatis obtemperans, eo quod alias lapillum è renibus ejecisset; præscripsi, licet febris valida esset, semicupium, tanquam dolori nephritico leniendo aptissimum, quo quidem levabatur à dolore, sed ab illo iterum urgebatur: Qua de causa, vocati sunt alii duo urbis Medici, ut iniretur consultatio, in qua primus, & junior, dolorem lumborum nephriticum esse existimabat, cum aliorum affectuum complicatione, salutem ægroti desperans. Alter lumborum dolorem esse à renis inflammatione, ex febris magnitudine, singultu, linguæ nigritie & pulsu intermittente, cum urinarum saturata rubedine, asserbat: Ego vero omnino negabam, dolorem lumborum esse à renis inflammatione; dolor enim pulsatilis non erat, nec ardor magis hac parte quam aliis sentiebatur, multaque signa ab Authoribus de inflammatione renum descripta non aderant. Quod autem me magis ab hac sententia abducebat, virium erat motricis etiam facultatis constantia; surgebat enim ægrotus interdum ex lecto, stans, & obambulans solus per cubiculum; hoc autem non semel tantum vidimus, sed pluries, toto morbi decursu; ex quo persuasus sum, morbum non ita esse periculofum, atque putabatur, & ut præ se ferebant superius enumerata symptomata. Meam itaque sententiam esse, dolorem illum lumborum, vel à calculo renum originem ducere, vel ab humore à capite in lumbos præcipitante; hoc autem magis, licet ægrotus nephritidi alias fuisset obnoxius. Nigredinem

De dolore
lumborum
cum febre
acuta, & aliis
periculosis
symptomati-
bus.

Lib. 2. de
præcog. ex
pulsâ.

linguæ, leves interdum habere causas, nec tantopere pertimescendam. Singultum, si aliquid subesset in renibus, confortii lege posse accidere, loco vomitus; vel ab acribus humoribus, aut stomacho qualitate oculata infensus, & in ejus superiori orificio infarctis; aut à quodam vapore maligno, quod non erat verisimile. Pulsus intermittentem in homine quinquagenario, levi de causa fieri, quia facultates languidæ, ex Galeno, à partibus occasionibus offenduntur. Factis ex utroque cubito venæ sectionibus sumpserat ægrotus quarta morbi die medicamentum purgans propter singultum, quo die circa vesperam facta est consultatio, in qua Medicus, qui dolorem lumborum ab inflammatione renum fieri putabat, venæ sectionem malleoli dextri, factis superiorum partium evacuationibus, maxime profuturam asseribat, etiam à quacumque alia causa, nec obstare purgationem mane sumptam, quoniam parum venter dejecisset: Videns ego astantes, & ægrotantem levaminis spe ad hoc inclinare, venæ sectionem ex malleolo, mane sequenti à me decretam, vespertinis horis, & de nocte, quo tempore fiebat consultatio, faciendam concessi; alias enim cubiti vena mane secta cuidam ægrotanti, circa horam tertiam vespertinam, medicamentum purgans exhibendum, singultus causa, nec infeliciter curaveram. Secta igitur malleoli vena illico, sanguis optime effluxit, vasculo expiendus, non cessit tamen dolor lumborum: Exacta autem septima die singultus remittere cepit, & lingua nigritiem deponere, perseverante adhuc renum dolore, febre valida, & pulsus intermissione, cum dolore capitis, & urinis valde rubris, nullum deponentibus sedimentum; Quibus de causis præscripta sunt cardiaca, cucurbitulæ scapulis admotæ cum scarificatione, & apozematibus usus est hepaticis, & refrigerantibus; vena interim malleoli sinistri aperta est, febreque semper valida perseverante, iterum ad brachia ventum est, non tam ratione doloris capitis, quam humoris à capite in lumbos, ut credebam, irruentis; tunc enim non mihi suspicio erat amplius, de dolore à calculo; quamvis Medicus, de quo supra, pertinaciter suam tueretur opinionem, renes scilicet esse inflammatos, meque brevi purulentas visurum urinas asserens; quod cum negarem, finis, inquit, coro-

coronabit opus, maxime respondi, nec unquam pus videbis in ægrotantis urinis. Elapsis quibusdam diebus, apparuit post 14. in urinis, semper valde rubris, sedimentum filis stuparum minutim incis, & sibi invicem incumbentibus non ab simile, quod videns Medicus ille, parum in dignoscendis urinis versatus, respice, inquit, quasi ovans, pus in urinis; quasi vero respondi, quam multum abest hæc hypostasis à pure; non vides multis in locis esse aëri perviam, multaque corpora sibi incumbentia, filis stuparum minutim incis similia: Nescis, dixi illi, quid sibi velit hæc hypostasis; significat in ægrotante, si sanitati restitui debeat, longam fore invaletudinem, ut videram alias in quadam constitutione epidemica, de qua observ. 3. epide. constitutionis hujus lib. Cum autem ægrotantis quidam amicus, audivisset sententias nostras dissentientes, & de natura morbi, & de prognosi, consuluit illi, ut hunc Medicum, soluta ejus opera dimitteret, quod placuit. Cura itaque hominis tertio morituri, ut ille prædicabat Medicus, mihi soli demandata, nihil minus quam de renis alicujus inflammatione cogitans, operæ pretium duxi, sanguinis corruptionem, iteratis per epicrasim venæ sectionibus, & usu syrupi de cichoreo cum rhabarbaro corrigere; ad dolorem autem renum, qui per intervalla repetebat, quem tunc à fluxione originem habere existimabam, quibusdam purgationibus, & sudorem moventibus usus sum, qui etiam ultro interdum profluebat; quibus tandem è lecto omnino surrexit; cum tamen pulsus quadam præter naturam agitatione, sine ulla autem intermissione, quæ inter formidanda symptomata, ultimum abscessit: Cum autem non esset cibi cupiditas, purgationem iterum esse necessariam arbitratus sum, qua exhibita, & iterum facta venæ sectione, eo quod essent adhuc urinæ valde rubræ, cetera naturæ commisimus; ab eoque tempore cepit per urbem obambulare, tribus mensibus à prima morbi invasione. Cum autem mihi post aliquod tempus occurrisset viribus non bene recuperatis, & facie pallida ad citrinum inclinante, pulsus ejus explorans, tebricitantem inveni, qua de causa sciscitatus sum, num vellet uti quibusdam infusionibus rhabarbari, factis in aqua cichorei, respondit, etiam: Præscripsi itaque in hunc modum.

℞. Rhabar. zij. infun. in aquæ cicho. ℥j. capiat ℥iiij. quolibet mane per sex dies continuos jejuno ventriculo, à ciboque abstineat per tres horas, renovando infusionem cum prima assumpta fuerit.

Ab usu hujus infusionis, pedetentim auriginosa facies & febris remiserunt, perfecteque sanatus est, nullo excreto lapide, nec pure; conquerens tamen interdum de lumborum dolore, quod afluxione in lumbos à capite, mihi magis confirmavit illum existere.

OBSERVATIO III.

De abscessu
post partum
facto in dextro
hypochondrio,
feliciter à
natura sanato.

Mulier quædam, post aliquot dies à partu, cepit dolere, cum febre in dextro hypochondrio, parte superiori. Vocatus in oppidum in quo decumbebat, pulsu explorato, & parte dolente, certiorque factus de his quæ post partum fieri solent: videns nihil impedire, quominus sanguis ex eodem latere detraheretur; injecto enemate venam tundendam curavi, deinde partem fovere decocto ex carminantibus, & discutientibus, immixtis quibusdam emollientibus, facta qualibet vice inunctione ex dialthea. Quia autem non bene mihi constabat, an dolor esset à quadam fluxione à capite, an ex quadam putrefacti humoris congerie, in intestinis facta, consului ut medicamentum purgans propinaretur, ex benignioribus, & nihil ad partem affectam attrahentibus, iisque peractis discessi, præcipiens ut si à purgatione dolor non remitteret, me certiores facerent. Cum Medicus loci ordinarius, & ægrotantis consobrinus, qui absens fuerat, rediisset; & alter Medicus qui in urbe proxima Medicinam facitabat, venisset in oppidum, essetque ægrotantis avunculus, sprevit maritus, me monere de doloris perseverantia, sed vocatis Medicis, uxoris suæ cognatis in consilium, conjunctis sententiis statutum est ab eis, dolorem hunc esse ab utero, perperamque à me venam fuisse sectam, multaque præscribentes in hunc finem, per tres menses, præcipue semicupia, nihil profuerunt: Nec mirum, egregii enim Medici, & in anatome valde periti, dolorem in parte superiori hypochondrii, cum febre, utero tribuebant, eo quod ægrotans antea peperisset. Tandem à
tribus

tribus mensibus, quibus de ægrotante nihil audiveram, occurrit mihi ejus mariti consobrinus, à quo post mutuas salutationes statim sciscitatus sum, quid actum esset de cognata, & quomodo se haberet: Respondit semper ægrotare ab illo dolore hypochondrii, supradictosque Medicos asseruisse hunc esse à matrice, improbantes venæ sectionem à me factam: Quo audito, rogavi ut renunciaret eis, ipsosmet in errore versari, & si quid in hypochondrio existeret, esse potius abscessum: Ille rediens hæc retulit. Paucis post diebus, sedenti ægrotæ in sella foricaria, ex conatu egerendi rupto abscessu, totum pus vomitu rejectum est, & perfecte sanata. Cum autem post aliquod tempus junior ex prædictis Medicis, convenisset mecum in domo nobilis cujusdam viri loquens de hac ægrotante, petivit à me qua ratione ductus, & affirmassem in ejus hypochondrio abscessum factum esse: Respondi ex longitudine ægrotationis, cum febris assiduitate, & doloris locum non mutantis perseverantia; Quæ omnia mihi ab ægrotante confirmata sunt, videnti eam in quodam oppido hujus urbis vicino, quam de felici eventu congratulabar, tanquam per miraculum sanatam: Sed cum miracula rara sint, bis in ægrotante fieri non potuerunt; Anno enim elapso, & paulo amplius, eodem dolore redeunte, & diu perseverante in eadem sede, abscessus iterum factus est ab eadem causa, fluxione scilicet, ut opinor, à capite; qui vel non ruptus, vel materia purulenta exitum non habuit, in extremis redactam mulierem invisere rogatus sum, quam macie confectam inveniens, perseverante adhuc febre, de omnibus quæ præcesserant edoctus à marito, asserui abscessum iterum factum fuisse in eadem parte, à quo natura, ut antea, se extricare non potuerat; nunc vero sanitati recuperandæ locum nullo modo superesse. Oportuisset hanc mulierem à sanato primo abscessu, sumptis per intervalla purgationibus, & aliis auxiliis fluxionem avertisse.

OBSERVATIO IV.

Viri cujusdam nobilis uxor, ætate 25. annorum incidit in febrem quintanam, quæ tres dies præstat integros: Febris typum animadvertenti, subit animum sententia Hippocratis. I.

De Febre
quintana
simplici, &
duplici.
Sentent. 8.

epidem. comm. 3. dicentis. Quintana omnium pessima est; nempe & ante tabem; & jam tabidis superveniens, interficit: more tamen quartanæ curata, non excessit tertium paroxysmum. Tribus post annis, ejus filius primogenitus, septem, aut circiter annorum, incidit, in eandem febrem, quæ etiam fuit brevissima. Hæc eadem mulier, post. 4. aut 5. annos incidit in febrem quæ prima die corripuit cum frigore, desinens eadem die ad infebrecitationem, more intermittentium. Secunda die simili modo invasit, & remisit; ita ut putaretur duplex tertiana. Tertia autem die nulla existente febre, nec quarta, eam omnino dimisisse creditum est: Quinta vero die, revertens febris simili modo ut antea, & etiam sexta; deinde duos dies præstante integros, & nona revertente, mirati sunt vir, & uxor ægrotans, sciscitantes à me quale genus febrium istud esset, quod duobus consecutis diebus invadens cum rigore, & desinens, duos postea dies præstaret integros. Ego quidem, licet tale genus febrium nunquam mihi occurrisset videre; duplicem tamen quintanam esse agnovi: Quod cum maritus & ægrotans, verbis assequi non possent, quibusdam notis signavi in terram, primo simplicem quintanam; hoc modo.

Febris quintana simplex * I I I I I I I I I I.

Deinde jussi ut febrem simplicem duplicaret; hoc modo.

Febris quintana duplex ** I I I I I I I I I I.

Et ita invenit uterque febrem quæ duobus consecutis diebus corripit; deinde duos dies præstat integros, esse duplicem quintanam. Quæ quidem febris, brevissima fuit; & sine periculo; tabes enim neque consequuta est, nec ipsa ægrota à decem annis tabida existit, neque ejus filius; sicut nec uxor mea tabida fuit post quintanam simplicem, quæ duobus, aut tribus paroxysmis expletis, desuit: Quare miror Hippocratem absolute, & sine distinctione, hæc scripsisse; & multo magis Galenum, in hujus sententiæ explanatione, tam obscure mentem suam aperire: Imo lib. 2. de crisi-bus asserere febres quintanas, per tertium accendi; quod apud Medicos proprium est tertianis, quæ tertio quoque die repetunt, & quartanæ quarto quoque die,

die, sic & quintanæ quinto: Qua ratione, nunquam ut ipse ait, duæ quintanæ tertiana putabuntur. Quapropter valde dubito an Galenus duplicem viderit quintanam: Credo autem Hippocratem vidisse quintanas, quæ ante tabem, & jam tabidis supervenientes interficiebant; alioquin hoc non scripsisset, hoc tamen in constitutione quadam epidemica contigisse.

OBSERVATIO V.

Filius cujusdam civis hujus urbis ætate 12. annorum febre continua, & acutissima correptus: illi quæ morbi violentia postulabat, dolor præcipue capitis gravissimus, statim administravimus, quousque septima die invisenti, nulla facta excretionem à febre liber visus est. Cum oporteat ex Galeno, solutoria signa præcedere; ejusmodi febris dimissio, ostendebat aliquid in capite relictum esse, domitum tamen à natura, licet foras non excretum, ideo circiter post biduum apparuit in medio genæ dextræ, nigrigo quædam lentis magnæ rotunditate, quæ sequenti die duplo major fuit, & ita deinceps, quousque magnam genæ partem occuparet, foris, & intus circa dentes, & gingivas, ad os usque, nullis cedens scarrificationibus, nec auxiliis contra gangrænam idoneis; subito tamen restitit, nobis nihil tale cogitantibus. Ex quo, persuasus sum febrem continuam, à maligno quodam humore, & pestifero extitisse, qui septima die, vi naturæ à parte nobili excussus fuerat; omne autem quod in maxilla tali materia imbutum erat, oportuisse in corruptionem abire, reliquis facili negotio servatis. Evafit tandem juvenis, & genæ caro aliquomodo renata est, sed valde tenui remanente, oportuit labia, quæ separata erant, acutransfigere, & filo involuto juncta continere, quousque coalescerent.

De febre continua per gangrænam in genas & gingivas terminata.

Lib. I. de dieb. deor.

OBSERVATIO VI.

Mulier quædam, Celebris caufidici hujus urbis uxor sensit dolorem acutum à capite descendentem in collum, deinde supra mammam, deinde inferius, quousque ad latus umbilici deviens, consisteret: Non amplius progrediente humore, volæ manus instar, quidquid ab eo imbutum erat, in gangrænam abiit, nullum faceffens negotium ad cohibendum, & iis

De humore pestifero à capite descendente. cum dolore, qui tandem in ventre consistens, partem corripit.

quæ ad gangrænâ curandâ adhibendum facile cedens, totâque nigredo cum carnē abscedente, brevī curatâ; non multum enim penetraverat corruptio. In muliere istâ febrem non inveni, ut in juvene superioris enarrationis; fortassè quia statim atque genitus in capite, deorsum excussus vicissim est à partibus, usque ad vicinitatem umbilici, in qua moram faciens partem corrumpit, totâ abscedente carnē, quæ imbuta erat humore illo pestifero. Tanta est interdum in corpore nostro, geniti humoris malignitas, ut certet de pestifera qualitate cum venenis exterioribus.

OBSERVATIO VII.

Defanatione
ulceris, quod
uvulam, &
totum na-
sum depa-
sum fuerat.

Mulier quædam nobilis, Massiliæ habitans, cepit fluxione quadam à capite in guttur, laborare; statim communia adhibita sunt auxilia, venæ sectio, purgatio, gargarismi, & reliqua quæ in hunc affectum præscribi solent; quibus non cedente fluxione, diætâ exsiccans, & sudorifica venit in subsidium, cui affectus quodammodo cessit, sed postea reversus est. Fluxio acris erat, & molesta, qua tandem invitis auxiliis, exulcerata est uvula. Videntibus Medicis & affectus pertinaciam, subiit eorum animos, suspicio quædam de lue venerea: Cum autem mulier esset honesta, & vulgi opinione, nulli nisi marito addicta, hac de re interrogatus, respondit ille se bene valere; alias tamen virulenta gonorrhœa laborasse, confessus est, à qua curatus nihil mali ab eo tempore perceperat, eo tamen tempore uxorem cognovisse: Ex quo omnibus fuit in confesso, aliquid de virulentia uxori communicatum esse. Cum enim venenum luis venereæ ex parte domitum est, morbo semicurato; incipit ut plurimum, quidem virulentia relicta, signa tamen obscura sunt, & aliorum morborum similia, nec nisi pertinacia mali in curando agnoscitur. Credendum enim est virum istum, cum se gonorrhœa laborantem adverteret, quædam adhibuisse remedia; moræ autem exercendæ veneri impatientem, cum uxore coivisse, nondum perfecte sanatum, eoque modo luem ex parte illi communicasse; ideo prima fronte agnitu difficilem: Quod non fit, cum lues ista corpus ingreditur cum omnibus suis adjunctis, tunc enim propriis facile se prodit.

dit signis. Cognita pertinaciæ morbi causa, à Medicis, à Chirurgis Massiliensibus, multa adhibita sunt remedia, ut radicitus morbus evelleretur; à quibus fieri non potuit, quin uvula ulcere tota depasceretur, quod etiam nasum aggressum est. Nullus erat morborum desperatorum curator, in urbem veniens, qui promissa perfecta curatione, pecuniam non acciperet; unus quidem 20. nummos; alter vero triginta, & alii amplius: Nullus tamen potuit impedire, quin naso accideret quod uvulæ. Res deploranda in muliere formosa, & liberali corporis præstantia: Cum autem nullus valeret ulcus ad cicatricem perducere, audita fama ægrotans fratris mei Chirurgi Massiliensis, in curandis variis morbis ab aliis depositis, illum accersendum curavit. Ille inspecto ulcere, & omnibus quæ acta erant rite perpenſis, affectum mihi communicavit, petens an mercurium dulcem, qui tunc mihi valde erat in usu in gonorrhœa curanda, probarem ægrotanti per plures vices exhibendum, deinde aqua mercuriali, quæ fit ex sublimato cum aqua calcis calcinato, ulcus bis aut ter intingeret; ad quæ annuens, ter purgato ægrotante mercurio dulci, inscîa tamen, eo quod à mercurialibus esset maxime averſa; aqua mercuriali perfecte sanatum est ulcus.

OBSERVATIO VIII.

Exemplo hujus observationis, rediens Aduram, vocatus à quadam muliere, cui jam ab ulcere depasta fuerat uvula, dextra naris pinna exedi incipiente, simili modo ulcus in dies accrescens sanavimus. A marito lues venera communicata fuerat, qua male sanata, quasdam in capite remansisse reliquias credendum est: Cerebrum enim cum sit crassum, semel lue illa occupatum difficilius aliis partibus, ab ea se extricare potest, & si quid reliquum in corpore, à curatione remanserit, in capite potius quam alibi existere experientia comprobavimus. Ex duabus his observationibus discant mariti fidem conjugalem uxoris datam servare, saltem earum habita ratione, si nulla religione contineri possint.

De alia sanatione ulceris, jam nasi pinnam corrodentis.

OBSERVATIO IX.

De notho
emphyemate,
feu pectoris
hydrope cu-
jusdam pri-
miparæ.

Vocatus in consilium, pro uxore primipara Consiliarii cu-
jusdam hujus urbis, quam die ante partum jam febricitan-
tem, male procedentibus lochiis, febris ipso die partus, cum
rigore major invaserat. Die quarta febre perseverante, & flu-
xu ventris superveniente, vocatus Medicus, pulsu explorato,
sciscitatus est, an primipara bene purgaretur, cui responsum
est, etiam ei imponendo, ne fieret venæ sectio malleoli, quæ
à quibusdam annis, puerperæ cuidam funesta extiterat, ipsa
movente eadem die, alia ut opinor de causa existente in utero;
ægrotaverat enim gestationis tempore, & foetum mortuum
pepererat. Medicus sola habita ratione fluxus ventris, præ-
scripsit tantum enemata, & amygdalata, ad somnum de nocte
conciliandum; quamvis liceat puerperas fluxu ventris laboran-
tes, purgare quarta die à partu, cum infusione rhabbari, &
pulvere ejusdem dissoluto. Cum autem febris perseveraret sa-
tis valida, cum exacerbatione serotinis horis, focus ægrotan-
tis aperuit Medico, lochia à partu non bene processisse, qui
videns naturam, quinta die per hæmorrhagiam tentasse evacua-
tionem, sed parvam, exortaque esse in brachiis juxta manum
erysipelata oedematosa, cum doloribus in latere sinistro, ver-
sus ischium, & coxam; statim venam malleoli secandam esse
asseruit, cui rei facto renixu à parentibus, rogavit Medicus ca-
lumniam vitandæ gratia, ut hac de re consilium iniretur, me-
que die nona à partu accersendum curavit: Ego veniens, cer-
tiorque factus de his quæ præcesserant, febre existente valida,
huic remedio statim manus dedi, exprobrans parentibus, quod
lochiorum retentionem tacuisset, ne fieret venæ sectio malleo-
li, jam à principio omnino necessaria, cujus defectu humorum
facta anadrome, fluxio sanguinis è naribus tentata erat à natu-
ra, erysipelata brachiorum, & dolores in latere sinistro conti-
gerant; ad quos, omnium consensu, multum fecerat lactis
affluxus, emplastri applicatione impeditus. Facta malleoli dex-
tri venæ sectione, eadem ipsa hora, jussi urinas, quæ nondum
inspectæ fuerant, servari die sequenti, & præcipue undecima,
quæ 14. index est; ut ex eis, aliquid de futuro morbi eventu
judicari posset: Decimo quidem boni coloris erant, sed sine

sedimento; undecima vero turbata apparuerunt, laudabile perdetentim deponentes sedimentum, quod nos ad spem futurae crisis 14. animum erigebat; febris tamen eadem, & erysipelata, & dolores. Duodecima similis in omnibus undecimæ, nisi quod aliis symptomatibus accessit deglutiendi difficultas, ex humoris descensu, vel affluxu, rubedinem quamdam parientis; Sed die decima & tertia urinæ mutatae sunt, non amplius turbatae, nec sedimentum deponentes, boni tamen coloris. Gargarismus praescriptus est ad temperandam gutturis inflammationem: Quia autem brachia tuebant adhuc ab erysipelate, venæ sectio alterius malleoli facta est, crebroque enemata injiciebantur. Die decima quarta nihil novi accidit, febris, & omnibus ut antea permanentibus: Ægrotæ autem bene se habebat ad ea quæ offerebantur, nec videbatur pessime ægrotare; ita ut abscessus timeretur à Medico ordinario. Quia autem decima septima urinæ iterum turbatae erant, laudabilem ut antea deponentes hypostasim, & multam, suspicio de abscessu adempta est, juxta doctrinam Hippocratis. Quibus spes est abscessus, &c. Cum erysipelata recessissent, manente tamen tumore, præcipue in brachio sinistro, qui venæ sectionem ex eo faciendam impediēbat, alterius vena secta est, è qua sanguis non valde putridus effluxit, colore scilicet inter album, & rubrum. Ægrotæ ab urinarum 17. restitutione, salus die vigesima sperabatur; manente præcipue urina eadem decima octava, & decima nona: Vigesima vero nihil molita est natura, omnibus in eodem statu permanentibus; unde recordatus sum sententiæ Hippocratis. Judicatoria non judicantia, partim lethalia sunt, partim difficilis judicationis. Quod scilicet non procedant ex loco, in quo est præcipua morbi causa. Existimabam morbum fore longum, eo quod nullum adesset pessimum signum; tumor enim brachii sinistri recesserat, quod bonum omen putabatur, sed falso, ut videbitur. Die 21. omnia eadem: Die autem vigesima secunda, non item; conquesta est enim ægrotans, de dolore lateris sinistri punctorio, usque ad diaphragma pertinente, quasi sursum delatis humoribus, qui dolorem ischii, & coxæ efficiebant, seu potius novo in latus descendente, & ibi hærente, relictis inferioribus sedibus.

Aphor. 54.
sect. 4.

Lib. 2. de
morb. popular.
lar.

Febri ut antea perseverante, & ex novi istius symptomatis accessione, placuit cognatis tertium urbis Medicum vocare, ut inter nos haberetur consultatio: In qua statutum quidem est, lochiorum retentionem, omnium quæ supervenerant causam extitisse primariam; deinde lactis affluentis repercussionem, humorum circa pectus oberrantium, congeriei dedisse occasionem: Qualis autem esset novi istius affectus epigenesis, non congruebant sententiæ: Nam Medicus ordinarius, affirmabat tunc, esse pleuritidem, quia parum sanguinis in sputis apparebat: Idem assererat alter Medicus. Ego vero non exquisitam pleuritidem; sed fluxionem à capite in pulmones, & circa musculos pectoris externos; qui quidem morbus, ut ostendimus lib. 2. cap. 2. dicitur à vulgo pleuritis occulta, in qua nulla est inflammatio systrophica occulta; licet autem quidpiam sanguinis in sputis animadverteretur; hoc non esse signum pleuritidis, ex pathognomonicis, cum illa esse possit sine talibus sputis, magisque hoc signum proprium sit morbis pulmonum, ut patet ex Hippocrate, lib. 2. progn. cap. 9. sente. 2. & lib. 2. coac. cap. 16. coac. 16. Quibus in locis ait bonum esse, cum in principio morborum pulmonis, sputum flavum apparet, non multo permixtum sanguine: Quod etiam de pleuritide semper intelligendum putavi; sicut & de morbis pulmonum, quod ab eo dicitur de pleuritide, cum in ea dolores mites sunt in principio, deinde quinta, aut sexta exacerbantur. Adde quod pulsus non erat durus, nec respiratio frequens, & exigua, ut in tali inflammatione solet fieri, multaque jam essent sputa in ipso morbi principio, quod non fit in solitaria, & exquisita pleuritide. Accedit etiam quod ægrota, talibus per sanitatem esset doloribus punctoriis obnoxia. Inter has tamen disceptationes, ad venæ sectionem esse veniendum, omnes uno consensu stetitimus; non autem ex qua vena esset extrahendus sanguis. Junior vocatus nuper Medicus, ex malleolo lateris dolentis contendebat sanguinem esse extrahendum, eo quod lochiorum retentio omnium causa crederetur potissima, dolorque se ad inferiora proferret. Medicus ordinarius dubius esse videbatur, avocatus ab hac sententia, quod lactis affluxu impedito, humores circa pectus oberrantes, illuc propulsi fuerant, dolorem puncturium

etorium inferentes. Ego tertius, & causæ velut diremptor, assererebam præteritorum jam à longo tempore, nullam habendam esse rationem, sed tantum effectuum præsentium, qui his de causis supervenerant, & stabiles erant; ideo venam cubiti lateris dolentis esse secandam, multoque magis stante sententia Sennerti, volentis contra Galenum, sanguinem qui cum sputis in pleuritide rejicitur non transsudare à pleura; sed magis consentaneum esse, effundi è vasis, quæ nutrimentum afferunt: asperæ arteriæ, & partibus illis, quæ superiores pulmonis partes lateri annectunt; ipsis hiantibus, ob copiam sanguinis in pleuram ruentis, ut jam cap. de pleuri. diximus. Sanguis itaque nullo refragante, è vena cubiti extractus est ad zvj . qui sicut & alias, non valde putridus extitit. Interea procedente sputo, bechica præscripta sunt, & fots parti dolenti, cum inunctionibus. Exacta die quarta hujus novæ affectionis propinata sunt die quinta sudorifica, & sequentibus diebus, quibus parum moti sunt sudores, nisi prima die, in qua madefacta est subucula. Cucurbitulas cum scarrificatione scapulis imponendas consulebam, deinde vesicatorium paulo infra 7. colli vertebam, ut humor quem à capite in pulmones defluere credebam, & qui circa pectoris superficiem oberrabat, revulsus educeretur: Sed cum hoc non esset aliorum Medicorum sententia, non sum auditus, quod non ægre tulit ægrotans, propter remediorum molestiam; sputa satis multa, post quartum diem, ad perfectam coctionem tendentia, major tamen quam antea spirandi difficultas, quæ ejecto aliquo sputo levabatur: Post septimum vero, ita interdum augebatur, ut in orthopnoeam deduceret, quæ sæpissime quiescebat post vomitum sponte factum, ex liquidis, & quibusdam glutinosis. Pulsus semper bonus, nisi cum urgeret orthopnoæa, quæ nos ad venæ sectionem cogebat venire; licet Medicus ordinarius speciem quamdam suffocationis matricis putaret: Ideo peregre proficiscens, præscripsit sua sponte, emplastrum de sulphure ad lateris dolorem punctorium, & emplastrum pro matrice cum gr. j. moschi in parte inferiori, imo ventri imponendum, ut vapores ab utero ascendentes prohiberentur. Quod non erat mea sententia, sed potius novam fluxionem in pulmones impingentem, jam infarctos, illius

Lib. 2. præf.
par. 2.
cap. 1.
quæst. 3.

orthopnoææ repetentis causam existere: Quæ quidem orthopnoæa, sæpius animadversa est accidere, cum ægrotans surgens è lecto, vel deijciendi causa, vel lecti componendi, se postea in eum reciperet: Quod nobis multum faceffivit negotium timoris plenum, tam de præsentis suffocatione, quam de futuro morbi eventu. Totum refugium in periculo suffocationis, positum erat in venæ sectione, quæ sæpius est administrata: Cum autem fieret semper quotidie, aliquis hujus orthopnoææ recursus, resque ægrotantis videretur plena aleæ, missus est nuntius ad Medicum ordinarium, cui ægrotata multum confidebat, eratque illi quadam affinitate conjunctus, qui veniens asseruit, propter ingentem illam, ut opinor, spirandi difficultatem per intervalla repetentem, factum esse abscessum in parte carnosa diaphragmatis, & in vicinio: Quasi pleuritis, si magna sit inflammatio, & quam antea crediderat, magnam inducere non posset spirandi difficultatem, sicut & diaphragmatis inflammatio, licet præcipuum credatur respirationis instrumentum: Verum utriusque affectionis symptomata, permanentia magisprehenduntur, nec tam frequenter habent repetitionis vicissitudines, sicut istius ægrotantis orthopnoæa. Adde quod signa inflammati diaphragmatis, quæ ab Authoribus describuntur, non præcesserant, quæ Medicus ille parum tenebat; licet gloriaretur; se digito abscessus locum designaturum: Atque ita astantes, & ægrotantem, sua imbutos opinione reliquit, reversus unde venerat, ne quidem collegis convocatis, imperans ne quidpiam faciendum permetterent, usque ad decimum quartum; quo tempore abscessum ruptum iri affirmabat. Mihi postea venienti, hora solita domum ægrotantis, statim renuntiata est diagnosi de abscessu, quam irrisi, miratus quod Medicus ille tam lynceos haberet oculos. Junior autem Medicus, abscessum quidem factum esse concedebat, non tamen in diaphragmate, & recte, quia hujus inflammationis signa non præcesserant, sed morbum veram fuisse pleuritidem, quæ in abscessum abierat: Quod etiam negabam, non visis à me signis veræ pleuritidis; pulsus enim durus non fuerat, nec spirandi difficultas in principio solito major, quæ in pleuritide cõctu difficili, & in abscessum præcipue convertenda fieri solent; quod

quod de pulsu vibrato, seu duro, Galenus docet lib. 4. de caus. pulsu. Dolor in latere non fuerat stabilis, magisque die octavo in altero latere urgebat, quod vagos humores, potius quam inflammationem facientes demonstrabat. Præterea febris mutationes non habuerat, quæ major dum pus conficitur; minor autem pure confecto. Cum autem fluxus ventris, qui fuerat ab initio paulo post partum, reversus esset in hac affectus epigenesi; spretis quæ Medicus ordinarius prohibuerat, vocato altero Medico, ad decernendam purgatiunculam, eo quod vermibus ejectus esset, essentque excrementa valde flava, & foetida, præscripsimus infusionem scrup. iiij. rhabarbari cum ꝑss. syrupi mei magistralis, nolens alter Medicus pulverem rhabarbari, ne astrictione retinerentur sputa, quod nullius apud me erat momenti: Hac tamen potione venter pro ratione non dejecit; vermibus autem postridie circa vesperam dejectus est. Cum autem me præsentem, orta esset insignis illa spirandi difficultas, quæ ægram in lecto sedere cogebat, ancillæ à tergo innixam; ego qui semper negaveram aliquid ab utero ascendere, in hac morbi nova epigenesi, videns odorem theriacæ levamen afferre ægrotanti, ingravescente spirandi difficultate; inclinans dubius in aliorum sententiam præscripsi loco venæ sectionis alias administratæ, quædam hysteriæ suffocationis compescendæ idonea, mihi rerum usu probata, quibus nihil profecimus, alia scilicet ejus existente causa, ut infra videbimus. Interea, cum orthopnoea illa, sæpius quam antea urgeret, difficiliorque esset solita respiratio, causa, ut credebam, invalescente in pulmonibus novæ fluxionis appulsu; Rescriptum est ad Medicum ordinarium, ut ægrotantis voluntati obsequeretur: Qui veniens, me ab urbe absente, affirmavit abscessum esse ruptum; eo quod tunc sputa probe cocta, puri similia viderentur, præscriptisque syrupis ad ea promovenda, & potionis cardiacæ usum, altero Medico ad id decernendum non vocato, discessit iterum unde venerat, ægrotam, & parentes ad spem erigens futuræ sanitatis. Mihi circa vesperam redeunti, jam in via renuntiatur, ruptum esse abscessum, ægrotantem pus excreare, quo audito, stupui, mihi creditu difficile, propter signa superius allata, abscessum genitum fuisse, omnia tamen autopsiæ remittens,

Hipp. aph.
57. sect. 2.

statim atque equo desilii, veni ægrotantem invisurus, cujus ingredienti cubiculum, illico renuntiatur mihi ab astantibus, abscessum esse ruptum, offerturque orbis stanneus, multis conspurcatus sputis; quæ quidem, prima fronte, pus videbantur. Cum autem scirem ægrotantem multum antea spuisse, quamvis non ita puriformia, petivi stylum ligneum, ut facerem periculum de pituita valde putri, quæ est glutinosa, à vero pure quod nullo modo glutinosum est, nec stylo adhæret per medium ducto: Videns autem sputorum glutinositatem, quæ stylo suspensa hærebant, negavi sputa verum pus esse, sed tantum materiam puriformem ex pituita glutinosa valde putri, qualis sæpe animadvertitur, in rheuma probe coctum spuenticibus à pulmonibus eductum: Ideo asserui nec ullum fuisse abscessum, multoque minus ruptum; quod juniori Medico & Chirurgo persuadere non poteram. Interea cum omnia expenderem, incidit ægrotans in gravem illam orthopnoeam; ita ut suffocata iri crederem, maritoque consulerem accersendum sacerdotem; parum tamen remittente orthopnoea discessi, semper animo volutans, quænam esset illius causa, quousque de nocte hora 8. vocatus, inviserem iterum ægrotantem, difficulter quidem spirantem, sed non sedentem ut in orthopnoea, cum valido, & celeri pulsu; quod astantibus referens mirabar, parumque in cubiculo moratus, cum Pharmacopœo discedens, statim à limine ostii revocati sumus, rogati ut iterum ingrederemur, alvi dejectiones inspecturi, perseverabat enim adhuc, sed parum alvi fluxus: Subducto vase foricario, dictum est nihil dejecisse, petenteque ægrota ut converteretur, statim clamaturnum est à ministra illam vita fungi; quibusdam vinum petentibus; aliis sacerdotem: Ego aperiens lecti siparium, agnovi ex facie, & oculis actum esse de ægrotante, iisque non opus esse dicens abii, brevique mortua est ægrotans, me animo suspensum relinquens, quid de abscessu putato esset statuendum, & quænam tam subitæ mortis, cum tali pulsu causa fuisset, His itaque ignotis manentibus, ut in his quæ docentur in arte essent stabilitus; quibus novum affectum, nec pleuritidem extitisse; multoque minus diaphragmatis inflammationem; nec abscessum factum esse persuasus fueram, ut supra demonstravimus;

Absente Medico ordinario, ego, & alter Medicus, cum Chirurgus, laboravimus, ut defunctæ ægrotantis aperto cadavere res innotesceret, malens autopsia potius argui & rubore suffundi, quam in præceptis Medicinæ multum ad artis opera conducentibus, incertum manere. Dissecto igitur cadavere, inventa est in sinistra pectoris cavitate, in qua abscessus putabatur, magna aquæ quantitas, parte pleuræ corrupta cui pulmo hærebat, & in frustula abeunte, facileque eadem de causa, pericardium corruptum, & perforatum est, salva parte diaphragmatis, in qua abscessus putabatur, sicut & pleuræ. Tunc satis habui hæc vidisse, confirmatus in arte, quare ægrotans non posset cubare in latus affectum; Quare dum pus putatum confici imaginabatur, major non fuisset febris, nec minor confectio pure, ut docet Hippocrates: Quare etiam rupto abscessu fictitio, symptomata non remisissent, sed febris eadem, & dolor lateris, majorque sperandi difficultas. Miror tamen quomodo ægrotans cum in latus sanum cubaret,onus sibi non perciperet inesse, hoc docente Hippocrate; nec sonitum subeuntis aquæ audiret, cum surgebat e lecto, aut in eum se recipiens. De causa autem subitæ mortis ut aliquid dicam; existimo disrupto corruptione, ut pleura, pericardio, aquas intrasse, & diastole impedita, spiritus suffocatos esse, à pulmonibus enim cum tali pulsu, & aliis longiorem vitam promittentibus, mors tam subita non extitisset.

Aphor. 47.
sectio 2.

Prognof. 2.
cap. 10.
sententia ultima.

OBSERVATIO X.

Juvenis quidam in hac urbe, dolore capitis laborans cum febre, factis tandem auribus purulentis, maxime levatus est; nescio tamen, quibus de causis restitisset puris effluxus, ejus autem retentione exasperata sunt omnia, cum capitis, & faciei tumore ingenti; ita ut in maximum vitæ discrimen ægrotans adduceretur: Multis incassum adhibitis remediis, vocatus est urbis Chirurgus Empyricus, qui literas nequidem agnoscebat; desperatis tamen morbis curandis, à pluribus adhibebatur: Ille cepæ coctæ expressum succum, miscuit cum basilicone, & eo calide in auribus indito, apertæ sunt aures, pureque exeunte, mortis periculo defunctus est juvenis, & perfecte sanatus.

Capitis affectus cum febre, auribus factis purulentis levatus; postea vero subsistente pure, magnum vitæ discrimen allatum esse, quomodo autem iterum aperta sunt.

OBSERVATIO XI.

De morbi à
vermibus cu-
ratione stu-
penda.

Puerulus Chirurgi hujus urbis, ætate 7. annorum, aut citius, incidit in febrem continuam acutam: Invisens eum secunda morbi die, inveni jam à patre venam sectam fuisse, quam tertia die, propter febris magnitudinem, iterum aperiri jussi. Cum autem in infantibus, mihi semper suspicio esset de vermibus; etiam si in isto, nulla signa de his animadverterem, nullum enim erat delirium, nullus affectus comatosus, nullus in ventre dolor, nulla diarrhœæ species, nulla nausea, nec vomitus, nulla in somno subita expergefactio, neque ulla pulsus inæqualitas, beneque se haberet ad ea quæ offerebantur: Tamen non fidebam quin vermes subessent; in re itaque dubia, securiorem partem sequutus, tale purgans placuit exhibere medicamentum.

℞. Aquæ port. q. s. pro una dosi, infun. in ea folior. senn. mund. zij. sem. cont. & rhab. ana zj. forti expre. dissol. rhab. pulver. scrup. j. syrupi de flori persic. ℥ss. fiat potio.

Hausto medicamento, nescio cujus culpa, vomitu paulo post rejectum est, semel tantum, parumque dejiciens; qua de causa, enema ex lacte circa vesperam injiciendum curavi, ut si vermes aliquot, in inferioribus intestinis deturbati essent à medicamento, enemate educerentur, nulli tamen dejecti sunt; licet die ante purgationem, semen contra à patre propinatum esset: Quapropter die sexta, iterum facta est venæ sectio, ut si crisis die septima futura esset, omnia parata invenirentur; nullaue eo die facta excretionem, decrevi octavo eandem propinare purgationem, ut semper ratio haberetur contra vermes, cum nihil natura moliretur, urina existente boni coloris, cum quodam sedimento: Hausto medicamento, alvus ter tantum dejecit, sine vermibus: Die vero nona, unum tandem vomitu rejecit, unde ex lacte, cum vitellis ovorum, injiciendum curavi enema, ut qui deorsum propulsi erant, foras educerentur, qui fuere numero duo, quibus inspectis, maxima mihi spes recuperandæ valetudinis affulsit: Timebam tamen de eventu, eo quod febris esset valida, nec ullam moliretur natura coctionem, nec excretionem, nequidem symptomaticam: Quare cum mihi esset suspicio, totum morbum

bum esse à vermium scaturigine in cæco infarcta, præscripsi in decimum diem mercurium dulcem, cum vehiculo, in hunc modum.

℞. Merc. dulc. gr. vij. diagrid. vapo. sulphu. castigati, gr. iij. capiat mane cum syrupo de flore persicorum.

Sumpsit quidem pueroptime pharmacum ex cochleari; venter autem nihil deiecit: Ideo circa vespæram, enema ex lacte, & vitellis ovorum, ut supra, injiciendum curavi, cum quo quatuor vermes deiecit, unum autem vomitu. Ab eo tempore, pulsus ex pleno factus est gracilis; æqualis tamen semper. Die undecima nihil novi actum est, nisi vermium dejectio, quæ in diem usque decimum nonum perseveravit, & ultra, propinato per intervalla mercurio dulci, ad gr. vj. cum scrup. j. confectionis de hyacinto, enemate ut supra, post 12. horas injecto, quo semper vermes deiciebantur; modo tres, modo quatuor; interdum sex. A decimo nono cibi fastidium, quod antea non erat, in dies augebatur, quod magnum parentibus faceſſebat negotium, nescientibus quibus nutriretur; quare jussi lac præbendum cum mentha decoctum, quæ lactis coagulationem impedit, & vermibus adversatur, de quo parum forbebat. A die 20. qualibet nocte multum delirabat in febris exacerbatione, nihil dormiens; de die tamen febre remittente dormiebat. Credens ex hoc delirio adhuc subesse vermes; licet plus sexaginta ejecisset, consului propter fastidium, ut puer uteretur aqua pro potu, in qua argentum vivum decoctum esset, ℥ij. scilicet, in mensura aquæ Parisiensi. Postera die ab hoc potu quindecim vermes deiecit. Die 21. elapsa hoc vident, decrevi iterum purgante medicamento ventrem subducere, paulo autem fortiori quam antea præscripto, ut tota vermium scaturgo deturbaretur, quod in hunc modum composui.

℞. Aquæ portul. q. s. infu. folior. fenn. mund. ℥iij. sem. cont. & rhabar. ana ℥j. in forti express. dissolv. pulv. elect. diacantha. scrup. j. rhab. pulv. scrup. β. syrupi magist. nostri, ℥ij. fiat potio.

Hoc medicamento, quod pro natura pueri videbatur paulo fortius, ter tantum alyus deiecit cum quibusdam vermibus. In-

terea cibi fastidium, & multo magis remediorum, quæ per os sumere oportebat, ingens erat; quod in usu lactis ut antea, perseverare cogebat, sicut & aliquando in potu, decoctionis argenti vivi. Alvus quæ ante 17. semper astricta fuerat, liquida interdum fiebat: Quod autem mihi magis metum incutiebat, tumor erat ventris, de quo nihil mihi antea dictum fuerat, nescienti an puero fuisset ordinarius; & macies corporis stupenda, quæ in febris intermittentibus, quæ vacant periculo, brevi sanitatem futuram significat; in morbis autem, quibus anceps est exitus, vel salutem, vel mortem; magis vero mortem, quia sæpius facultatis imbecillitatem significat: Puerulus itaque magis, ac magis, evadens macilentus, cum delirio nocturno, clamoribus pleno, ciborum maximo fastidio, febris cum pulsus maxima gracilitate, non tamen debilis, semper vermes aliquot dejecit, donec ad vigesimum nonum pervenienti, propter cujusdam diarrhææ speciem, per intervalla repetentem, rhabarb. ʒj. infusionem, in aqua portulacæ factam exhiberem, cum ʒß. pulveris ejusdem in dissolutione, à qua meliuscule habentem, inveni die 35. panem cum butyro manducantem; licet febris aliqua remaneret, qua pedetentim, & aliis symptomatibus cessantibus, præter omnium spem sanatus est. Credendum est in hoc puero, cæcum intestinum vermibus, & putredine, omnino fuisse infarctum, à quo tandem pedetentim quidam eruebantur vi antidotorum; alibi enim tantus vermium numerus esse non potuisset, quin primis purgationibus essent deturbati; horrendus enim fuit eorum numerus, quem centum & sexaginta excessisse, asseruit mihi pater ægrotantis pueruli.

OBSERVATIO XII.

De lue venerea cum fistula in pectore, felici casu sanata.

Adolescens quidam lue venera laborans, congressus singulari certamine, accepit vulnus in pectore, ex quo male curato, remansit fistula, cum ossis carie pus effundens, ex quibus summa erat corporis macies; orta que lis erat gravis in Curia Aquisextanensi, à quo affectu mors subsequeretur. Adversarius acriter causam suam defendebat, asserens, ægrotum à lue venerea, potius quam à vulnere moriturum, Ægrotus vero è con-

contra. Cum autem viderent parentes oppidi. Chirurgorum inscitiam, fistulamque non posse sanari, ut omnium erat sententia, nisi prius lues venerea curaretur, consuluerunt aegrotanti venire Massiliam, domumque matronæ illius se recipere, de qua alibi facta est mentio, cujus fama in lue venerea curanda, jam à longo tempore percrebuerat: Illa arduum quidpiam advertens, fratrem meum Chirurgum peritissimum accersivit, qui Medicum adhibere voluit in consilium: Multum inter eos disputatum est de via, & methodo curandi juvenem. Matrona nonnisi inunctione hydrargiri, & sudorificis vulgaribus utebatur: Medicus vero hanc ægrotum posse sustinere curam negabat, cum tali corporis extenuatione, sed ad curam palliativam, ut vocant primum esse veniendum, viresque interea esse rescindendas. Probabat quidem frater Medici sententiam; sed hac methodo, optatum finem adipisci non posse affirmabat. Quare recedente Medico, decrevit cum Matrona, hydrargyri unctionem experiri, quæ felici casu, tantum movit sudorem ut ægrotus quinque aut sex subuculas madefaceret, perfecteque à lue venerea hoc modo sanaretur. Deinde aperta fistula, & ossis carie abscedente, integræ sanitati est restitutus. Eum macie confectum videram ante sanationem; postea vero carnosum, & obesum aspexi.

OBSERVATIO XIII.

Mulier quædam nobilis hujus urbis, cum in prima gestatione uteri abortum passa esset, correpta est post 17. dies ventris dolore, colico simili. Mulierculæ, ut illis mos est, præcipue propter abortum, dolorem esse ab utero affirmaverunt, sicut & ægrotans ipsa, quod fieri posse non negabam. Cum autem mulier esset bene purgata pro ratione abortus, nec febris adesset, fieretque doloris recursus; asserui me dubitare, an à fluxione quadam dolor potius existeret, quam ab utero. Præsente dolore enemata carminantia, & fotum ventris præscripsi; venæ sectio è brachio lateris magis dolentis, etiam administrata est, quibus dolor omnino levatus est: Denuo autem vocatus revertente dolore, pertinaciter negavi dolorem esse ab utero, sed à fluxione potius humoris acris. Cum autem nox

Dolor ventris à fluxione, propter abortum, ab ab utero putatus, & ejus sanatio,

jam adesset, præscripti dosim ex laudano meo, quod soleo exhibere in doloribus colicis, qua sumpta quievit hac nocte; iterum reversi sunt dolores, qui ad supradicta enemata, & fatus confugere nos coegerunt, quibus dolor sedatus est: Unde ut ejus causa mihi melius innotesceret quæsi ab ægrotante, num per sanitatem esset alicui fluxioni obnoxia? Respondit, illi sapissime emungendas esse nares, & excreandum, nunc vero omnia esse sicca; ex quo agnovi quæ tunc foris lucebant, intus sordere, istiusque doloris recursum fuisse à capitis fluxione: Idco jussi tribus diebus continuis, applicandas serotinis horis cucurbitulas, sine scarrificatione; ne autem etiam humor, qui circa vesperam dolorem renovabat, moraretur in intestinis, quia antea syrupo magistrali non multum fuerat purgata, jussi ut hora ante prandium ʒss. pilularum aggregatar. devoraret, hac enim purgantis forma gaudebat, quibus sufficienter alvo exonerata, non amplius reversus est dolor.

OBSERVATIO XIV.

Dolor ventris pertinax & acutus, qui colica pictonica videbatur.

Nobilis quidam juvenis, incidit in dolorem acerbissimum imi ventris, dextro præcipue latere, curato per viginti dies, fotibus, enematibus, purgationibus, à Medico urbis Aquisensis, in qua tunc degebat, dolor non cessit, neque brachii venæ sectioni. Ipse tanquam depositus, venit domum suam, hujus urbis valde proximam suoque accersito Pharmacopœo, multa injecta sunt enemata carminantia, & ex lacte, quibus nihil proficiens Pharmacopœus, consuluit ut se in urbem gestandum curaret, consultationis ineundæ gratia, & melius omnia suo commodo faciendi: In quam cum venisset, rogatus sum circa vespertinas horas illum invisere, pulsumque exploranti, satis mihi validus apparebat, sine frequentia, ab aliqua tamen febre non videbatur immunis: Verum his omnibus lecto non detinebatur, nisi aliquando cum dolor præter modum urgebat: De omnibus quæ acta erant interrogavi, præcipue an casu, an violento motu equi corpus agitasset, an unquam è renibus lapillos ejecisset, quæ omnia cum negasset, essetque dolor acerrimus, ita ut ventrem novacula sibi aperendum rogaret: Jussi bono animo stare, me sine apertione ventris

tris dolorem mitigaturum, quousque mane consilio inter me, & alios Medicos habito, de potioribus remediis decerneretur: Præscripsi itaque enema, quod in colica ab humore acri, & bilioso, à Quercetano describitur, deinde dosim laudani ita compositi.

Habetur cap.
de colic. dol.

℞. Opii. præpar. modo sæpe jam dicto, gr. iß. casto. scrup. j. confect. de hyacin. scrup. ß. fiat morsulus, capiat hora somni.

Noctem ab his satis quietam habuit; mane autem habita trium Medicorum consultatione, statutum est urgente dolore standum in his quæ acta erant; in præsentī vero consulebat Medicus junior, apertionem venæ malleoli lateris dolentis: Alter vero Medicus præmittendam esse purgationem volebat: Ego autem venæ sectionem malleoli, purgationi longe præstare asserui; propterea quod essent multæ purgationes propinatae sine fructu; venæ autem sectio malleoli nondum administrata: Quam in sententiam coactus abire, qui purgationi insistebat, statim facta est venæ sectio; hisque tribus remediis, non amplius ut antea urgente dolore, brevi perfectæ sanitati est restitutus. Hic affectus colica pictonica mihi videbatur, de qua cap. de colico dolore.

OBSERVATIO XV.

Virgo quædam hujus urbis 25. annorum, incidit in febrem continuam, cum dolore punctorio: Morbus pleuritis putatus à Pharmacopœo, qui accersitus fuerat, statim venæ sectioni occasionem præbuit, Perseverante dolore, & feбри, vocatus sum secunda die, astantibusque, & ægrotante interrogatis, pulsuque explorato, affirmavi morbum non esse veram pleuritidem; erat enim parvus, & celer, sine durtie. Cum autem ægrotantis vires essent ita dejectæ, ac si per mensem ægrotasset, timebam de eventu, gravem, & occultam, ut more vulgi loquar, dubitans esse pleuritidem; iterum tamen, propter lateris dolorem, venæ sectionem imperavi, ex eodem latere faciendam, deinde partem fovendam, imponendo defuper à fotu, lanam succidam, dialthea liquato imbutam, quod multo magis præstat simplici unctione, ferotinis autem horis,

Pleuritis putatus morbus, à vermis exiens.

jussi cucurbitulas cum scarrificatione scapulis affigendas. Per noctem oborta sudatiuncula arripui occasionem, naturæ motum sequens, provocandi sudorem: Injuncto itaque enemate die quinta tale sudorificum, mihi familiare in ista, in qua cardius benedictus, nullius est virtutis, propter ea quæ alibi scripsimus.

℞. Salsæpar. minutissime inci. zij. infunde in aquæ ulmar, ℥vj. per sex horas, unica ebullitione facta, dissol. sal. ejusdem ulmar. gr. vj. confect. alcher. scrup. j. fiat potio.

Hoc sudorifico subucula omnino madefacta est, pulsus tamen ut antea, dolor vero locum mutabat. Videns autem ægrotantem die quinta non spere pro ratione morbi putati, & diei; suborta quadam lipothymia, præscripsi cardiaca, dubitans subesse vermes, qui & insomnii, & aliorum supradictorum symptomatum, periculo non vacantium, causa existerent: Ideoque parentes interrogavi, num vermibus esset ægrotans obnoxia, qui responderunt, nequaquam: Tamen quia omnia illa symptomata, non videbantur morbo respondere, dedi ad majorem præcautionem, mercurii dulcis gr. x. cum paucis syrupo de flore persicorum, expectando post septimum purgans medicamentum experiri; quo die facto pulsu magno, molli & frequenti, bonum expectabam judicium; sudorem quidem attulit pulsus ille, sed omnia remanserunt prædicta symptomata, cum pulsu parvo, & frequenti, interdum lipothymia, cum insomniis. Cum autem ex mercurio dulci venter nihil dejecisset, jussi more meo, enema injiciendum ex lacte, ut si vermis aliquis esset ad inferiora deturbatus, foras, ut sæpe fit, educeretur; quod ita contigit, uno verme cum enemate dejecto, ex quo satis habui, ut quieto, & tranquillo essem animo, in pugnantium signorum varietate; quibusdam minantibus mortem, aliis vero salutem, ab eoque tempore, cepi parentum animos ad spem erigere: Ideo alios asserens subesse vermes, decrevi octavo die purgationem exhibere, quam peregre proficiscens, ad ægrotum invisendum, descriptam reliqui ægrotæ propinandam. Die autem octavo, cum prædicta symptomata ingravescerent; cum aliqua spirandi difficultate, Pharmacopœus Doctoris sibi partes assumens, & me plus sapere cogitans, loco pur-

purgationis, venam aperiendam curavit, quod post biduum veniens, moleste ferebam, propter vermium putredinem, quæ mora, interdum malignitatem acquirit, & de medio tollit; dolor enim lateris omnino abscefferat, parum tussiebat, & raro spuebat. Die sequenti non critico, decimo scilicet, nullius symptomatis contraindicantis habita ratione, propinandam jussi purgationem, qua multi vermes dejecti sunt, integri, & putridi, ab eoque tempore melius habens, sanata est.

OBSERVATIO XVI.

Dominus de quo cap. de rheum. Enarrat. 2. facta est mentio, post quatuor, aut quinque annos, iterum incidit in eundem affectum, minori tamen cum violentia, nisi quod dolor imi ventris, vergens ad latus dextrum valde urgeret; qui quidem in primo non fuerat, ita ut à Pharmacopœo nephriticus putaretur, ægroto ad hoc consentiente. Vocatus, nolui statim in eorum descendere sententiam, recordatus rheumatismi generalis, quo à quibusdam annis laboraverat ægrotus: Ideo sciscitatus sum ab ægroto utrum dolorem aliquem in aliis partibus perciperet; respondit toto osse sacro, & in genu, interdum & in coxa; quo audito, negavi dolorem imi ventris esse à calculo, sed à fluxione humorum, in his partibus confidentium, præcipue in musculis abdominis. Quapropter venam ex eodem latere, jussi statim secandam in brachio, enemata enim injecta fuerant. Secunda die, ex altero brachio sanguis extractus est, ventrique fatus admoti; deinde consului ut sudores moventibus uteretur, postquam ptisana purgans, quæ sequitur, propinata fuisset.

℞. Rad. cichor. ℥ss. rad. aco. ℥ij. hermod. ʒj. folio. senn. mund. ʒj. turb. jalap. ana ʒij. folior. beto mss. infu. omnia in vini albi oligophori ℔bj. mane colat. facta, detur media pars; altero vero circa horam tertiam, si prima, venter non brobe deiciat. Prima dosis ter tantum ventrem movit: Altero plusquam octodecies, & sanatus est perfectissime.

OBSERVATIO XVII.

Proter quidam 13. annorum, Præfectorum in causis capitalibus hujus urbis filius, incidit bene valens, de repente in aphonia,

Rheumatismus dolor nephriticus putatus.

Aphonia, & principum cerebri Functionum læsio à verminibus.

niam, læsis etiam principibus cerebri facultatibus. Vocatus sciscitantibus statim parentibus, quid hoc rei esset; respondi ingens esse malum, cerebro per se affecto, & valde periculosum; levius autem, si per consensum à putredine vermium: Sedebat enim in lecto, oculis apertis, quasi fascinatus. Operæ pretium duxi in curatione, causam facilioris amotionis auferre; quod si non bene mihi cederet, ad aliam veniendum. Propinandum itaque jussi mercurii dulcis gr. xij. cum iij. diagridii vapore sulphuris castigati, à quo facta dejectione quorundam vermium, surrexit postera die.

OBSERVATIO XVIII.

Ileos à tumore circa ilion, tandem lethalis, licet venter interdum adjutus deiceret.

Domina quædam annorum quadraginta, incidit in ileon vulgo, miserere dictum, in quo nihil infra dejicitur; auxiliis tamen à Medico adhibitis, venter interdum deiciebat. Cum autem à multis diebus alvus restitisset, Empyricus quidam vocatus, calida enterā vervecis recenter extracta, ventri imposuit, quorum calore specifico adjutis intestinis, dejectio facta est; postea vero ad huc restitit alvus, ita ut à tribus Medicis habita consultatione, vinum emeticum propinandum esse, conjunctis sententiis statueretur, quo venter subductus est; postea tamen ut antea restitit: tandemque macie confecta obiit. Dissecto cadavere, tumor in latere dextro juxta ilion inventus referente Chirurgo.

OBSERVATIO XIX.

Tumor in una natum, recedente febre auge-scens, & desinente febre recedens, ejusque cura.

Filiolæ Consulis hujus urbis, post quasdam febres, ortus est in una natum, magnitudine aurantii, tumor: Vocato Medico ejus ordinario, multa præscripta sunt; quibus cum nihil proficeret, habita est consultatio cum quatuor hujus urbis Chirurgis, præside Medico ordinario, quorum variæ erant, sententiæ; quidquid tamen præscriptum est, nihil profuit, manfitque puella cum tumore per aliquot menses, matre ægre ferente, & sollicita sanationis procurandæ filiolæ suæ primogeniæ, & formosæ. Vocatum me cujusdam mulieris consilio, rogavit illa, ut cum Chirurgis in prima consultatione adhibitis, placeret sermonem habere, de modo curandi filiolarum; quod mihi pergratum esse affirmavi. Interea de omnibus in-

qui-

quirens, quæ ad tumoris causæ notitiam conferre videbantur, habita est postridie mecum, & Chirurgis consultatio; in qua, ut supra dixi, variæ erant eorum sententiæ. Quidam, tumorem esse affirmabat. Alius esse de genere glandularum, eumque ferro amputandum. Tertius cancrum dicebat. Ultimus secundi sententiæ adhærebat. Ego vero nec scyrrhum esse, multoque minus cancrum, nec ferro amputandum, sed causam foveantem advertendam, & supra tumorem, emolliens cum attenuante medicamentum desuper esse imponendum: Dixerat enim mihi mater, filiolum per intervalla corripere febre, & tunc temporis augeri tumorem: Cum vero febris dimitteret; paulatim minui, nec ita magnum esse. Ex hac relatione, cogitans apud me, quomodo febris tumorem augeret, rationem non inveniebam, sed oportere causam aliquam, & febrem, & tumoris augmentum facere, quod nonnisi à fluxione existere, poterat venire in mentem: Ideo asserui fluxionem à capite, sensim in hanc partem delabi, febremque tunc temporis accendi, & tumorem à materia fluente augeri. Imperavi itaque pyroticum puellæ collo inurendum: deinde ut per intervalla fierent purgationes cum meo syrupo, infantibus maxime proprio, purgat enim in parva quantitate, & ex cochleari sumptus: Supra autem tumorem, præscripsi linimentum, quo alias usus fueram in dissolvenda glandula, in collo mihi enata, ovi magnitudine, ex nimio castanearum usu.

℞. Salis ligni quercus in cineres conversi zij. butyri recentis ℥iij. fiat linimentum, quo mane, & sero, tumor ungatur, superponendo emplastrum de mucilaginibus: Qua curandi ratione, tumor omnino recessit, nec febris, quæ repetere solebat, reversa est.

OBSERVATIO XX.

Sacerdos quidam, & Curio, ægotans febri continua, cum fluxu ventris, accersivit Medicum sibi ordinarium, qui remediis morbo necessariis adhibitis; præcipue rhabarbari potione, propter fluxum ventris, rebus tamen in pejus ruentibus, culpabatur, qua de causa placuit cognatis, duos in consilium Medicos adhibere, quorum unus eram. Veniens in cubiculum

Diarrhœa, quæ videbatur maligna ex pravis symptomatibus, tamen sanata.

Rrr lum

lum ægrotantis, perpendens ante consultationem, ut solet fieri, omnia quæ ad morbi cognitionem spectabant: Primo quidem quo ad pulsum, inveni parvum, & intermittentem, in tribus, & quatuor pulsationibus: Lingua erat nigra; singultus aderat, perseverante adhuc fluxu ventris: Satis autem bene se habebat ad loquelam, ad corporis motus, & ad ea quæ offerebantur. Ego ex mea sententia, asserui parentibus, iterum ad purgationem esse veniendum; licet prima immerito culpata esset. Inter consultandum, senior Medicus, & ordinarius, venæ sectionem proponebat, fots ventris, & stomachi cum usu opiatae roborantis. Junior autem purgationem venæ sectioni præstare affirmabat, ex infusione rhabbari, & pulvere ejusdem; nulla tamen data ratione. Ego ut jam parentibus mentem meam aperueram, asserui purgationem potius esse præmittendam; eo quod fluxus ventris, si cum febre incipiat, aut superveniat sine levamine, ostendit, vel esse causæ febrem efficientis complicationem, cum causâ diarrhœæ, vel fermentum putredinis, à quo pendet fluxus ventris, intus semper remanere; quod quidem si augeatur, febris invalescit, interdum cum pravis symptomatibus, præcipue si materia malignam qualitatem acquirat, ut forte factum in isto ægrotante, in quo pulsus est parvus & intermittens, lingua nigra, & singultus, quæ juncta maximum minantur periculum: Quæ audiens senior Medicus, & ordinarius; libenter, inquit, assentior vestræ sententiæ, non ausus quidpiam de secunda purgatione proponere, quamvis necessaria, propter primæ calumniatores. Conjunctis itaque sententiis statutum est purgandum ægrotantem modo jam dicto; epithemata cordi applicanda, & ut opiata roborando cordi idonea frequenter uteretur: quibus præter omnium spem evasit ex morbo.

OBSERVATIO XXI.

Lethalis deglutiendi difficultas, à chlorosi, & pica neglecta.

Mulier quædam, uxor cujusdam ex præcipuis civibus hujus urbis tribus aut quatuor annis à defuncto marito, cepit esse in deliciis, cupiens iterum nubere: Cum autem ille, à quo à multo tempore se adamari putabat, præter ejus spem duxisset uxorem, ægre ferens animo, licet verbis, & vultu, contem-

temptum simularet, intra tamen aliquod tempus, cultu neglecto, & prava utens vivendi ratione, cepit virginum morbo laborare, cum dolore stomachi, & pica, gaudens cibis crematis, & carbonibus, licet esset 30. annorum, & amplius. Sub eo tempore, occurrente mihi per urbem eunti, facie pravi coloris; quæsi vi ab illa quid rei esset, eram enim Medicus ejus ordinarius. Respondit, se non multum ægrotare, habere tamen opus cura, qua uti solebam in chlorosi; nunc autem non licere, quousque negotia quædam composuisset: Monui ne principium ægrotationis sperneret, sibi que omnibus neglectis consuleret, alioquin idem illi, ut matri contigerat eventurum. Victu pravo semper utenti, nulla que adhibenti remedia, perseverabat pica, & dolor stomachi; nihilominus, rediit satis bonus faciei color, nec perpetuus erat ut antea, stomachi dolor, sæpe tamen cibos assumptos evomebat. Cum autem procrastinaret in dies, tempus adhibendi remedia, licet monita; incidit tandem in deglutiendi difficultatem, ita ut in prima deglutatione, cibos cogeretur evomere, nondum ad stomachum devolutos. Credebam in principio causam, esse œsophagi quamdam in parte inferiori siccitatem, quæ cibo descendenti cadere statim non poterat, ut videram in quodam homine, cui interdum in prima deglutatione, hærebat cibus in medio œsophagi; ita ut cogeretur præ angustia, aquam, aut vinum quam citissime haurire, buccellæ deturbandæ necessitate. Postea videns in hac ægrotante, assiduum laborem in devorando, paralytim verebar, omnibusque hoc affectu interrituram prædicabam: Nunquam cessabat à pauci vini meri, aut aquæ vitæ deglutatione, quibus solis delectabatur: Tandem in quadam cœna, in qua eram de numero discumbentium, vocatæ; credenti se splendido apparatu, genio suo satisfacturam, restitit cibus in prima deglutatione, ita ut cogeretur à cœna surgere, & in secessu cibum evomere; deinde ad mensam iterum redeunti, tertio hoc illi contigit, unde relictis discumbentibus, domum se recepit, accersendum me jubens postera die, eamque in lecto decumbentem inveni, cum febricula, conquerentem solida se deglutire non posse; & ex liquidis, tantum vinum in parva quantitate; Juscula nullo modo, nisi parum de illo quod vocatur re-

staurans: Reliqua omnia vomitu rejiciebat; paulo tamen antea, de syrupo meo hauserat ex cochleari, licet maxima cum difficultate, quo alvus parum subducta fuerat. Semper in pedus ruens; die quarto, de dolore capitis conquerebatur, & nocte sequenti, facta est fluxio in latus sinistrum, dolorem punctorium invehens tanquam ex pleuritide notha, unde venam sibi tundendam rogavit, me non satis probante, videbam quippe ad mortem properare, quæ die 9. contigit à convivio.

OBSERVATIO XXII.

A nephritide, lapidem interdum in vesicam delapsum, ibi per octo dies, & amplius remanere, nullis signis manifestantem.

Primariæ vicis Recuperatorius Prætor hujus urbis, per intervalla à multis annis, dorsi, & lumborum dolores perpeffus, à Medico suo ordinario, nephriticus semper curabatur, quamvis nullum lapidem ejiceret. Differens aliquando cum illo de affectu suo, quem ipse ex Medici sententia, nephriticum etiam putabat: Quæsi vi ab eo, an per spatium decem, aut duodecim annorum, quibus his doloribus erat obnoxius lapillum unquam ejecisset: Respondit, nullum: Quomodo igitur, dixi, dolores isti possunt esse nephritici, seu à calculo? Nam lapis non ejectus increvisset, renemque progressu temporis dilacerasset, ut contigit Parisiensi mulieri, de qua lib. 3. cap. 9. de nephrit. Enarrat. r. habetur. Proculdubio, asserui, dolores isti non sunt à calculo, sed potius ab humoris alicujus delapsu, in has partes, à capite præcipitantes, qui quo magis senescet, eo in majori quantitate defluens, graviores tibi dolores efficiet, ex humoris cumulati majori quantitate, propter capitis majorem debilitatem, quæ inclinante ætate augetur. Medico ejus ordinario paucis post annis defuncto, cessi in ejus locum, similibusque doloribus vexatum, curabam venæ sectionibus, & purgantibus, quousque semel aliquando pertinaciori existente dolore, & in regione renum, & in iliis, alter Medicus vocaretur, qui dolorem statim nephriticum esse affirmavit: Quia autem venæ sectionem non rejiciebat, nec alia auxilia, quæ utrique affectui erant communia, non multum disputatum est; quousque unum tantum aggredi opus esset: Sed cum dolores intra quatrimum omnino remisissent, sine lapidis excretionem,

tionem, nec in posterum, causa doloris omnibus nota fuit: Tandem post duodecim, aut quatuordecim annos, per quos ejusmodi dolores perpeffus fuerat, retulit mihi Pharmacopœus, ægrotantem parvulum lapidem levissimo cum dolore ejecisse, ita ut non fuisset coactus me in subsidium vocare, cui respondi me plurimum lætari, nec implicare contradictionem, fluxionibus obnoxium, nephritide laborare aliquando, esseque in posterum accuratius advertendum, si doloribus iliorum, aut in regione renum torqueretur, è quam causa existerent: Cujus rei data est potestas anno revoluto, ortus est enim dolor acutus in regione ureteris sinistri, quem vocatus statim nephriticum judicavi, adhibens ad id remedia, ut cap. proprio docetur, quia urgente dolore aderat vomitus; adde etiam quod præcedenti anno lapillum ejecisset: Quibus dolore non cedenti; remanente quippe adhuc causa in corpore, alter Medicus vocatus est, cum quo tunc nulla fuit de causa doloris disceptatio, probans quæ acta erant, & purgationem sumendam hoc modo præscriptam.

℞. Cass. recenter extrac. ʒvj. terebenth. ʒij. crist. tart. scrup. j. fiat bolus capi.

Quo sumpto, & semicupiorum usu frequenti, cum enematis, dolores acuti remiserunt, nullo tamen ejecto lapide: vestibus suis indutus æger ambulabat per aulam; variis autem in locis dolores sentiens, modo in medio dorsi, sine tamen vomitu, ut antea: Quod me cogitabundum habebat, me fortasse deceptum in judicando, primos dolores fuisse nephriticos. Alter Medicus nolebat de prima sententia discedere, pertinaciter affirmans hos dolores esse nephriticos: Quod consultatio- ni locum dedit, tertioque Medico accersito, habitus est sermo inter nos, de horum omnium dolorum causa. Ego tanquam Medicus ordinarius primus loquens, assereram primos quidem dolores fuisse nephriticos, quia sæpe ingravescebant cum vomitu; nunc vero me dubio esse animo, videns eos remisisse ab octo diebus, nullo lapide excusso; hos tamen præsentis dolores, nullo modo credere nephriticos. Primo quod in dextro ilio etiam nunc infestet, qui antea tantum in sinistro sæpe acu-

tus urgebat cum vomitu. Secundo quod dolor sinistri lateris, ad coxam, & pedem usque excurreret, nephritidi nullo modo proprium, sed solum stupor interdum in coxa. Tertio quod dolor in scapulis, & dorso perciperetur, humoris in has partes à capite delabentis signum, qui ultra progrediens, reliquorum dolorum causa erat. Quarto quod isti dolores non essent acuti ut antea, & nullus eos comitaretur vomitus; quod fit ut plurimum in doloribus nephriticis. Cogebatur quidem primus Medicus mecum adhibitus fateri dolores illos non esse omnes nephriticos, sed eos existere ex sero retento, & per venas oberrante in has partes effuso; quod nec alteri Medico, nec mihi, nec etiam ipsi ægroto videbatur rationi consentaneum, cum nulla fuisset, nec esset urinæ retentio, multaque, & facilis esset potius mictio. Tertius Medicus consultationi adhibitus, dolores quidem illos non putabat nephriticos, sed à sero è venis in has partes excusso, cujus generationem debili & frigido jecori referebat, quod etiam à ratione alienum erat, nec illi à nobis hoc concessum est, eo quod ægrotus fuisset semper facie boni coloris, & rubicunda, potius quam pallida. Ego vero serum à capite, fluxionum fonte, defluere assereram, primo quidem in scapulas, deinde per dorsum ad ilia pervenire, & partes inferiores, & coxam, & pedes. In hac opinione varietate, cum leves essent omnes hi dolores, convenimus esse procrastinandum ad aliquot dies, procul dubio aliquid per id tempus appariturum, ex quo quid agendum decerneretur. Octo, vel decem diebus exactis à consultatione, meïere cupiens ægrotus, ejecit levi conatu lapillum, manentibus iisdem doloribus, quod non solet fieri in nephriticis doloribus, qui lapide in vesicam delapso omnino abscedunt: Ideo constanter affirmavi ægrotanti, primos dolores fuisse nephriticos, quibus alii immiscebantur: Delapso autem lapide in vesicam, nephriticos dolores quievissse, iis remanentibus qui erant à fluxione, quos nephriticorum violentia obscurabat. Quod autem cessantibus omnino doloribus nephriticis, delapso lapide in vesicam, possit ipse in ea remanere, per plures dies, sine ullo incommodo, & sine ulla urinæ difficultate, notum fecit nobis experientia in nobili quodam

dam viro, cujus Enarratio habetur lib. 3. cap. 9. de nephrit. Enarr. 4. Qui post nephriticum dolorem, remanente lapide magno, in vesica, cum sex aliis parvis, nullum sentiebat dolorem, nec urinæ difficultatem, sanatusque est ejectione lapidibus beneficio potus aquarum Encausianarum. Sic in nostro ægrotante, lapis, ipso nesciente, restitit in vesica per aliquot dies nullis se signis manifestans, nisi quod in testiculis, retractionem quandam se percipere, interrogatus à secundo Medico respondit; nescio an esset vera retractione, signum tamen calculi renum tunc non erat, sed tantum vesicæ.

OBSERVATIO XXIII.

Sacerdos quidam, & Curio hujus urbis vicinus; dolore acuto per intervalla recurrente, correptus in parte inani, ut vocat Hippocrates, ilii sinistri, vocavit Pharmacopœum suum, qui illum statim nephritide laborare, affirmavit. Adhibitis ad id remediis dolor semper recurrebat. A Medico hujus urbis pertransiente, officiose invisus, hoc ipsum ab eo confirmatum est, qui ægrotanti verbo tantum multa consuluit, ea peragenda reliquit, donec eum cum prædicto Medico inviserem, eo quod essem Medicus ejus ordinarius. Venientes consultaturi, in lecto quidem invenimus ægrotantem; verum sedentem. Explorato partis dolentis situ, interrogavimus an nephritidi esset obnoxius; respondit nunquam se ejusmodi dolores perpassum fuisse. Interrogatus etiam, an sæviente dolore vomitu, aut saltem singultu infestaretur; respondit minime, quibus addidit se magnum frigus sentire in parte dolente, & in coxa ejusdem lateris dolorem. His auditis, asserui dolorem non esse nephriticum, quamvis alter Medicus ad hoc valde inclinaret: Nunquam enim videram nephritide laborantem frigus sentire in regione ureteris: neque etiam videram nephriticum, qui saltem prima vice, vomitu non infestaretur, quosdam interdum singultu: Omnibus autem qui coxa ejusdem lateris dolebant: nephriticos putatos dolores, esse à fluxione affirmabam, pertransiente humore ab iliis ad coxam; sed ægrotus iste decepit me ut ipse retulit mihi, stuporem coxæ, dolorem nominans, cum quo nulla nephritis, nisi adsit causarum complicatio. In hac disce-

Dolor nephriticus sine ullo stomachi consensu.

disceptatione convenimus de venæ sectione, purgatione, & semicupio; quibus nihil proficientibus, quædam anodyna dolori præscripsimus, ac si ab acri humore in has partes delabente, causa existeret, nihil scientes nisi quod nobis Chirurgus referebat. Tandem post viginti dies, relatum mihi est à Pharmacopæo, ægotantem lapillum cum urina ejecisse, & ab eo tempore à doloribus omnibus esse immunem. Quod valde miratus sum accidisse, sine ullo unquam vomitu, aut singultu; nec unquam talem frigoris sensum in nephriticis animadverteram: De dolore autem coxæ non bene monuerat æger ut supra attigimus, occurrens enim mihi equitanti, habitoque sermone de calculo quem ejecerat, & de præteritis doloribus, mirarerque cum talibus signis, nephriticum extitisse, præcipue cum dolore coxæ: Respondit se non dolorem, saltem pondus percepisse. Multum, dixi, interest, in nephriticis doloribus ab aliis dijudicandis, pondus, aut dolorem percipere. Iste enim nunquam fit à dolore nephritico; illud vero interdum percipitur, seu stupor. Talem autem nephriticum cum ejusmodi signis videre rarum est, ita ut in hunc tantum incurrerim, anno jam mihi vertente sexagesimo octavo.

OBSERVATIO XXIV.

Carbunculus
extra pestife-
ræ constitu-
tionis tem-
pus, intra
24. horas in-
terficiens,
remedio ne-
glecto.

Cum essem Massiliæ in quadam Chirurgi officina, vidi rusticum, qui præcedenti nocte in moletrina cubaverat, intrantem, ut perito opifici, & artis chirurgicæ operum arbitro, tumentem musculum pectoralem lateris sinistri ostenderet, in cujus medio stigma apparebat instar pyrotici inusti, quod maligni carbunculi facies erat, qua inspecta, remisit hominem Chirurgus domum suam, jubens aliquem ex suis statim ad se mittere, ut eo duce veniret curaturus. Ille reversus, nesciens periculi momentum, neglexit quod illi præceptum erat: Mane tantum venit uxor, nuntians maritum in extremis positum esse, quod veniens Chirurgus propriis oculis aspexit; hominem scilicet, clausis fere palpebris jacentem, quasi toxico infectum, nec multas horas superavit.

OBSERVATIO XXV.

Idem mihi prorsus fere contigit Medicinæ candidato; deambulans enim per medium triremis spacium, agea, vel, ageia dictum, videns damnatum quemdam ad remos canentem, & saltantem super forum, seu ageam, scyphum mero plenum manu dextra tenentem, qui statim atque me venientem aspexit, sciscitatus est, an quod manu tenebat, noceret malo quod in gena habebat? respondi, minime; advertens tamen esse carbunculum ex malignis; jussi veniens in tabernam Chirurgi triremis uni ex servis, seu ministris, ut cauterio instructus iret in triremem, & ferro candenti carbunculum inureret, quo nihil securius, citissime enim mortificat carbunculos. Illo rei jussæ oblito, & carbunculo vires acquirente eundo, die quinta extinctus est æger.

Carbunculus non ita malignus, die quinta interficiens.

OBSERVATIO XXVI.

Puer quidam 10. annorum adductus est ad Chirurgum, tota facie, & collo, horrenda inflatione tumentibus: Ille peritus in arte, ex ingenti harum partium tumore, nihil minus cogitavit, quam à carbunculo aliquo, existere ejusmodi tumorem, facie igitur, partibus retro aures positis, & collo perlustratis, nihil inveniens suspicatus est inter crines inventurum, solliciteque digitis capillos spargens, invenit carbunculum in parte sinistra, è regione suturæ coronalis, paulo altius fronte, inustusque ferro candenti carbunculus, omnino mortificatus est, ut communi idiomate loquar, nec nisi crustæ casus communibus auxiliis venit promovendus.

Carbunculus inter crines delitescens, à perito opifice inventus, & sanatus.

OBSERVATIO XXVII.

Filius cujusdam civis, ex præcipuis hujus urbis, ætate decem annorum, aut circiter; à pluribus mensibus febre laborans cum fluxu ventris: In dies quasi pthysi laborans consumebatur, lecto detinebatur, quasi morti propinquus; cum scilicet diarrhoea magis urgebat. Videns illum in domo aviæ, miserum spiritum trahentem, sciscitatus sum ab ea, quid rei esset, quæ superscripta mihi enarravit: Miratus parentibus hujus affectus non esse curæ, quod scilicet plures haberent liberos, eos objur-

Marasmus à vermibus incognitus.

gans, consului saltem, ut potio rhabarbari illi propinaretur, ex 3j. in aqua plantaginis infusa, & 3ß. in pulvere, qua sumpta venter deiecit cum aliquibus vermibus: Hoc audiens asserui totius morbi causam, positam esse fortasse in vermium scaturigine: Ideo in rhabarbari usu esse perseverandum, quo vermes sæpe ejiciens, ipso solo, perfectæ sanitati est restitutus cum omnium admiratione.

OBSERVATIO XXVIII.

Dolor ex abscessu in regione renis dextri, inter peritonæum & musculos, ulcus renis putatus.

Vir quidam veneri satis indulgens, gonorrhœasque perpeffus, vulgi opinione, lue venerea laborare credebatur; Nescio an ab ea male curatus esset; hominis tamen sani faciem præ se ferebat; Tandem uxorem ducens, cepit post aliquot menses dolore infestari in regione renis dextri, quem Medicus qui illum curandum susceperat, credebat esse ab aliquo reni ulcere, parum edoctus in vero cognoscendo pure, in urinis residente: Sunt enim quædam sedimenta quæ, *gonoeidim*, vocantur ab Hippocrate, genituræ similia, prima fronte ad puris similitudinem accedentia; coctionem tamen ostendunt in febribus, & tale quod judicatorium, ut habetur Epid. 6. com. 2. senten. 37. uti & nos rerum usu experti sumus. At in non febricitantibus, ostendit talis hypostasis aliquid præter naturam existere in sanguine, aut aliunde in venas confluere. Hac Medicus ille falsus, ut opinor, hypostasi, & luis venereæ quasdam delitescere reliquias, ut & vulgus existimans, unde ulcus renis putatum præter multa alia, diætam sudorificam præscripsit, quæ dolori sedando nihil profuerunt, ejus causa semper remanente, qua tandem mortuus est æger: Propter autem luis venereæ suspicionem, vicinus quidam consuluit uxori, ut mariti cadaver disseccandum curaret, propter vulgi opinionem; illum scilicet lue venerea laborantem mortuum esse: Quod si ita esset, illam ab ea non esse immunem, sibique postea consulendum, prout res se haberet. Quibus auditis, permisit cadaveris disseccionem, qua abscessus inventus est è regione doloris, inter peritonæum, & musculos, juxta renem; qua in parte, magnus saccus purulenta materia plenus erat, quem ab extrinseco aperiri potuisse, omnes affirmabant, si cognitus esset affectus.

OBSERVATIO XXIX.

Mulier quædam nobilis, patiebatur dolores in iliis, & regione renum, subsequente sanguinis mictione, dolor sedabatur: Quod illi pluries contigit. Tandem sanata per aliquot annos, dolor nephritico similis, & à calculo putatus à Pharmacopœo, reversus est, sine tamen sanguinis mictione, ut antea; qui post aliquot dies, enematis, semicupiis, & purgatione, sanatus est à Pharmacopœo. Quibusdam mensibus elapsis revertente dolore, & ipso pertinaci, & acuto, interdum cum vomitu, & cum sensu frigoris, ut dicebat Pharmacopœus, in parte dolente, vocatus sum, præteritorum omnium relatione facta, sciscitatus sum, an ægrota lapillum unquam ejecisset, responsum est, nullum: Non sumus certi igitur, asserui, an dolores isti sint proprie nephritici, lapis enim vel auctus, vel excretus esset, ut alias diximus. Qualiscumque autem esset causa doloris, in eo sedando incubui, enematis, fotibus, semicupiis, & purgatione ex cassia, terebenthina, & cristallo tartari, nec non ex laudano; quibus tandem, & multo cum labore, sana facta est, nullo ut alias excreto sanguine, nec lapide. Viribus à morbo recuperatis, discessit ægrota in suam amoenitatis villam, in qua ut plurimum degebat, in eaque irascendi data primum occasione, deinde mœstitiæ, ex adverso litis casu, incidit in febrem continuam, Vocatus secunda die Pharmacopœus, non ausus est sanguinem extrahere, eo quod exanthemata quædam erupissent: Ego quidem ex causæ ægrotationis relatione, statim venæ sectionem imperassem; posttridie tamen venam secandam curavit. Rebus in pejus ruentibus, vocatus sum in principio quarti, invenique ægrotantem cum parva febris, sed tantum specie, conquerentem de variis membrorum doloribus, tanquam à rheumatismo, præcipue vero dorsi; incurvata enim incedebat surgens adiuta, ut illi lectus componeretur: Propterea jussi statim venam secandam alterius brachii. Post prandium ægram invisentes, pulsum valde debilem invenimus; unde timui ægrotanti: Quo agnito Chirurgus consuluit marito, ut consultationem iniret cum altero Medico, qui veniens ægrotanti venam in malleolo tundendam volebat, quod minime concessuram, me authore, affirmavi; eo

Dolor nephritico similis sine lapide.

quod ægrotans incidisset in asphyxiam, cui non erat fidendum, licet ad loquelam non videretur pessime ægrotare: Quod quidem optime cessit, moriente ægrotante post duas horas, cujus quidem mortem maturasset venæ sectio malleoli; fortasse autem in ipsa sanguinis extractione, quod Medicis magno vertitur dedecori. Mortua ægrotante placuit forori, & aliis parentibus, inopinatæ mortis causam rescire, dissectione cadaveris; qua compertum est, totam pulmonis membranam lateris sinistri corruptam esse, ita ut digitis abscederet: Jecur quoque simili modo affectum. In latere vero sinistro, in quo fuerant dolores nephriticis similes, totus ren corruptus erat, nullo existente in eo lapide, ut Pharmacopœo prædixeram. Nunc si rationi consentanea afferenda, in disserendo de affectibus hujus mulieris, & inopinatæ mortis causa: Dicam ingenue, sanguinis mictionem qua jam antea laboraverat, à rene illo nondum tamen corrupto, originem duxisse, cum depravari inciperet, sicut & dolores pseudonephritici, consentiente uretere, renis affectui: Ren tamen iste corruptus, inopinatam mortem non intulit; quamvis processu exigui temporis accidisset: Sed descensus cujusdam humoris pestiferi à capite, qui ab ira commotus, malignam postea qualitatem induerat; unde cerebro gravis, in partes subjectas depulsus fuerat, inter pleuram, & pulmonem, ad jecur usque; parenchymata aliis partibus corruptioni facilius cedia: de nullo tamen dolore punctorio conquerebatur ægrotans pleuræ affectæ signo, neque de ulla spirandi difficultate, licet affectus esset pulmo, nisi morti propinqua; quod recentem affectum, & superficie tenus ostendebat.

Ex hac observatione colligitur, posse quempiam doloribus nephriticis vexari, sine lapide in renibus: Sensum frigoris percipere in parte affecta, rene laborante ab alia causa, quam à lapide; si verum est quod retulit mihi Pharmacopœus, à me nunquam auditum nisi ab illo, & sacerdote, de quo observ. 23. Et renem sanum suo fungi officio altero laborante; ut confirmetur quod diximus Observ. 1. contra Duretum, Forestum, & Riolanum. Hoc etiam considerandum venit, quomodo ægrotans ista, esset semper facie boni coloris, cum rene corrupto: Ego quidem existimo corruptionem à paucis diebus extitisse; ab eo sci-

licet

licet tempore, quo ultimis doloribus pseudonephriticis cruciata fuit, licet affectus renis principium esset à pluribus annis, corruptionis vero, ab uno, aut duobus mensibus.

OBSERVATIO XXX.

Dynastes quidam veneri parum deditus, & quibusdam gonorrhoeis tentatus; incidit senescens in urinæ incontinentiam: Non quidem ut omnino continere eam non posset, & fieret semper stranguria; sed quod magnam, & solitam urinæ quantitatem ferre non posset ejus vesica, cogereturque eam frequenter exonerare Affectu perseverante femoralia interdum permingebant, postea vero, simplex stranguria facta est dysuriosa, mingenti cum dolore: Multa à Medicis præscripta sunt, & interdista, vino tantum utenti rubello, eo quod album, urinas magis ciere soleat. Affectu in pejus ruente; Alii calculo, & prægrandi, credebant eum laborare, alii vero ulcere in collo vesicæ: Ego quidem ex ejus modo incedendi, affirmabam ulcere potius, quam calculo laborare; lecto tamen decumbere coactus, misit ad peritum Chirurgum, ut bolide sua chirurgica, exploraret utrum in vesica subesset lapis, qui nullum invenit; in mucrone tamen, quidpiam nigrum cum pure, educta bolide visum est: Deinde conquerente ægroto de dolore in perinæo, tumor in eo cum rubore animadversus est, & postridie nigrities; gangræna ab interioribus, ad exteriora se propagantes, qua inspecta, de salute conclamatum, intra triduum moriente ægroto. Aperto ejus cadavere, vesica inventa est valde crassa, carni mammæ vaccinæ non absimilis, parvam habens in medio cavitatem; unde parvæ quantitatis urinæ capax erat; ideo frequenter mejendum erat ægrotanti: Inventum est etiam ulcus in collo vesicæ unde dolores in mictione; lapis autem nullus erat: Morbus iste videbatur mihi scyrrhus vesicæ nominandus, cum ulcere; Quod autem gangrænam non invexerit, nisi bolide introducta, prorsus nescio.

Inaudita incontinentiæ urinæ causa.

OBSERVATIO XXXI.

Mulieri cuidam in hac urbe lethargo correptæ, universalibus necessariis in hunc affectum præmissis, perseverabat lethargus: Tandem abrafo capiti vesicatorio imposito, ægra expergescens, & sanata.

Lethargus vesicatorio capiti admo-
to sanatus.

OBSERVATIO XXXII.

Colicus dolor oxycrato frigido sanatus.

Domina quædam Parisiis, magni nominis, colico dolori obnoxia, cum absente Medico suo ordinario, eodem dolore correpta esset, pluribus vocatis Medicis, pluribusque adhibitis incassum remediis, in maximo versabatur periculo; sed per id tempus, rediens in urbem Medicus hujus D. de Mirabeau, & ordinarius D. Dorleans, statim vocatus est; qui videns ab aliis Medicis adhibita auxilia, recte, & secundum artem præscripta, nihil profecisse; rem inauditam, & creditu difficilem: Enema ex oxycrato frigido injiciendum curavit; quo à dolore levata, brevi surrexit è lecto: Quod non credidissem, nisi qui retulit mihi, testis esset valde locuples; D. scilicet Episcopus Adurensis, tunc degens Parisiis. Ego autem existimo ægrotantem istam, temperamenti fuisse valde biliosi, & media æstate laborasse, maximumque ardorem in visceribus percepisse, cum febre fortasse non mediocri: Hoc autem ultimum, in dubium apud me versatur, cum D. ægrotans tam cito sanata fuerit; Nisi dicatur humorem illum acrem, & calidum, febris, si adesset, fuisse causam, qui oxycrato refrigeratus, non amplius incaluit.

OBSERVATIO XXXIII.

Colica pituitonica intra spacium horarum octo interficiens.

Idem D. Episcopus, retulit mihi cognatam Domina de Brienne, doloribus colicos repræsentantibus interdum obnoxiam; qui quidem dolores, levi inunctione alicujus olei abscedebant; Tandem eodem dolore correptam, olei inunctione non levatum esse: Ex quo, quid in seipsa persentiret nescio, credidit tamen, ultimum suæ vitæ adesse momentum, ideoque expetivit à circumstantibus sacerdotem, omnibusque Sacramentis munita, intra horarum octo spatium expiravit. Dissecto cadavere ichores inventi sunt in intermediis musculorum abdominis spatiis, sanis existentibus visceribus. Credendum est, aut ex dolorum vehementia, aut potius ex qualitate maligna in ichoribus concepta, puellam interiisse.

OBSERVATIO XXXIV.

Carus à lœchiis retentis investus, pessario sanatus.

Uxori civis urbis huic proximæ, filium enixæ, dilacerataque secundina, frustulum remansit, adhærens juxta sinum muliebrem, quod frigidum sentiens puerpera, credidit totum sibi

sibi sanguinem effundi, rogavitque Medicum invisentem se, ut ad id quoddam adhereret remedium, quod credens illi, præstitit, propinatis astringentibus, quibus retenta lochia, anadromen fecerunt ad caput; unde factus est somnus profundus, à quo excitari non poterat: Vocatus per litteras, de omnibusque veniens certior factus; statim venam malleoli tundendam curavi, deinde pessarium introducendum in sinum muliebrem, ex succo mercurialis, & pulvere aristolochiæ confectum, quibus circa vesperam administratis, mane expergefata est, & sanata lochiis iterum fluentibus.

OBSERVATIO XXXV.

Rogatus nobilem mulierem invisere rure habitantem eo quod mihi plurimum confideret; à pluribus quippe morbis illa, maritus, & liberi, mea ope emerferant, cum degerem Aduræ: Veniens, proximioris urbis Medicum curationi adhibutum fuisse inveni; cui tamen parum obediens erat, rhabarbari infusionem, propter quamdam diarrhœam, qua cum febris laborabat, licet mediocri, sumere nolens. Die adventus mei, circa vesperam ingrediens cubiculum, eamque videns in cathedra sedentem longe à lecto, & sine ministris; ridebam quod procul hinc, me accersendum curasset, pro morbo levissimo; suasi tamen, ut propter fluxum ventris, infusionem rhabarbari, cum pulvere ejusdem, sumeret proximo mane, quod tandem promisit. Sumpto rhabarbaro nobis præsentibus, nihil ex pulsu, neque ex aliis signis, quidpiam quod periculum minaretur advertentes, felici facta prognosi, ambo discessimus; serotinis tamen horis mortua est ægrotans, me, & altero Medico, ut opinatus sum, stupentibus, quænam tam citæ mortis, & improvise causæ extitisset; diarrhœæ malignæ semper retuli, licet mulier esset sexagenaria. Vide Observationes cap. de diarrh.

Diarrhœa
maligna,
præter spem
cito interficiens.

OBSERVATIO XXXVI.

Degens in urbe Aduræ vicina, rogatus sum invisere sartorem febre continua laborantem, cum stupendo totius faciei tumore, parte quadam subrubro; ita ut oculorum apertio impediretur. Remedia quæ administrata, sunt venæ sectiones episcratice factæ, & cucurbitulæ cum scarrificatione, & cetera quæ

De magna
faciei inflatione lethali
injuvne,
prima hebdomada nupiarum.

quæ Medicus ordinarius præstitit, mortem circa septimum avertere non potuerunt, omnibus stupentibus, eo quod esset juvenis, & in hebdomada, in qua uxorem duxerat ægrotasset, & interiisset. Veniebat in mentem nimium veneri indulgisse, & cerebrum spirituum dissipatione impense debilitasse; multum enim impendit spirituum hæc pars, ad spirituum generationem qui in semine continentur.

OBSERVATIO XXXVII.

Juvenis in
prima nup-
tiarum
hebdomada,
moriens ex
eadem causa.

Degens post aliquot tempus Aduræ: Invisi in quadam villa juvenem rusticum, eodem plane modo, & eadem de causa, ut in superiori observatione dictum est, laborantem; erat magna totius faciei inflatio, cum febre, & à paucis diebus uxorem duxerat: Præterea ægrotus iste hoc habebat, ut multum conquereretur de dolore in regione ossis sacri, nihil extrinsecus apparente, nescio utrum hoc esset à parastatarum quadam phlogosi, propter immoderatum veneris usum, quod ipse ægrotus confitebatur; an ex frequentiori motu lumborum, humor quidam illuc confluxisset. Quidquid rei esset, relatum est mihi brevi vita functum: Quod mihi confirmavit hos duos juvenes, immoderato veneris usu mortem utrumque sibi attulisse, unde discant recenter nupti, proprio vino, ut dicitur non inebriari.

OBSERVATIO XXXVIII.

Vera, & certa gonorrhœæ veneræ curanda methodus non vulgaris.

Perlegendo libros in quibus de morbis venereis agitur, chymica præcipue remedia describentes; A variis Authoribus excerptam, & in unum redactam, excogitavimus gonorrhœæ veneræ curationem, vulgari multo compendiosiore, securiorum, & ex remediis quæ sumuntur, multo facilioribus; quæ in posterum semper mihi bene cessit. Postquam nobilem virum curassem, hac nova methodo mox describenda, prædicavit ille apicis, particularem quo utebar in hoc affectu curandi modum, citius, tutius, & jucundius. Multi à pluribus annis, usque in hodiernum diem, venerunt curandi, aut miserunt; quos omnes sine bolo ex cassia, sine emulsionibus, & sine ulla venæ sectione malleoli, luemque interdum veneream avertentes sic feliciter curavimus.

℞. Mercuri. dulcis gr. xij. diagrid. vapore sulph. castig. gr. iij.
cum

cum syrupo ros. purgat. formetur pilula; capiat mane, & jusculum post duas horas, non expectata ventris dejectione, quæ quo copiosior, eo facilior, & brevior curatio.

℞. Mercur. dulc. gr. xiiij. diagr. vap. sulphu. castig. gr. iiij. aut v. prout venter prima vice dejecerit; cum syrupo rosa. purg. fiat morsulus, capiat ut dictum est, mane sequenti.

℞. Merc. dulcis gr. xvi. diagrid. vapo. sulph. castig. gr. vi. aut standum in secunda dosi, si multum ex ea venter dejecerit. Cum syrupo rosac. ut antea fiat morsulus, capiat cum eodem regimine tertia die.

Si quis pilulas nesciret devorare, capiat pulverem mercurii dulcis & pulverem diagridii, dissolutos cum syrupo rosaceo: Quibus si quis prima dosi, quacumque forma sumpta, multum dejecerit, non est dosis secunda vice augenda, & ita se gerere, prout venter dejecit.

Peractis his tribus purgationibus, quæ quo magis ventrem movent, eo res melius cedunt, ut jam diximus, hac opiata utendum.

℞. Campho scrup. j. cremor. tartari zvj. salis prun. ziiij. terebinth. ziiij. fiat mixtura pro sex dosibus matutinis, pulvere sacchari involutis, & qualibet tribus horis ante pastum manducanda, aut devoranda. Sumptis his remediis sciendum ab ægrotante, an dolor aliquis sentiatur in mentula, deinde inspicienda gonorrhœæ materia, an sit pravi coloris, sublutei scilicet, aut subviridis: Tunc enim nondum cogitandum de sistenda gonorrhœa, sed iterandæ sunt mercurii dulcis purgationes, aucta pedetentim ipsius dosi, usque ad gr. viginti & 24. scamm. vero non ultra gr. vi. Sed si ægrotus non facile cederet purgantibus, bonum esset ea sumere cum cochleari purgatorii syropi rosac. Quod si materia seminalis fluens, pravum deposuerit colorem, & albescat, licet aquosior, multoque magis si omnis ardor in meiando abcesserit tunc sistenda gonorrhœa, quamvis parum de ardore superesset. Ex his quæ huic rei sunt accommodata, crocus martis astringens, omnibus præstat, qui sit calcinatione limaturæ chalybis, cum aqua forti communiter dicta, ut à Beguino docetur. Eo utor frequenter, & cum felici successu hoc modo.

Ttt

℞. Croc.

℞. Croc. mart. astring. ʒj. excipiatur confer. ros. pro tribus dosibus matutinis, tribus horis ante pastum.

Utebar alias tantum dosi, quæ notatur in tyrocinio Beguini, sed nihil ea sæpe proficiente, aucta dosi usque ad 20. gr. & scrup. j. compos rei optatæ factus sum, in eaque steti. Aliquando usus sum conserva baccarum recentium, & bene maturarum hederæ: in his præcipue quibus sumptui parcendum est, & his non sine fructu, sed rerum usu comperi, crocum martis aliis omnibus longe præstare. Ad hoc etiam, quidam utuntur succo plantaginis recenter extracto, ad ʒiij. Et contra ardorem urinæ, succo mali aurei dulcis, ad ʒiiij. quod pro pauperibus bonum est, in regionibus in quibus mala aurea sunt in promptu.

PRO ULCERIBUS VIRGÆ.

Ad ulcera virgæ, oris, gutturis, & aliarum partium, nihil est quod præstet aqua rubea, quæ fit calcinatione sublimati cum aqua calcis vivæ, qua intincta ulcera, quæ vulgo, *chancre*s, dicuntur, semel, aut bis, cito mortificantur; hoc autem levi, & interdum sine dolore, quod non facit aqua secunda communiter dicta, qua nihil intolerabilius: Melius est uti acidulo sulphuris, aut spiritu vitrioli, temperato si velis, cum parum aquæ rosarum, aut plantaginis. Pulvis sublimati rubei, æque bonam, ac malam carnem rodit: licet hoc efficiat sine dolore.

Ad bubones
venereos at-
trahendos.

℞. Cepæ coctæ sub cineribus ʒij. sapon. & diach. cum gummis, an ʒiʒ. ungu. basil. ʒj. fiat mistura in modum pultis, qua utere, parvam cucurbitulam in principio super bubonem interdum imponendo.

OBSERVATIO XXXIX.

De ulcere
linguam
perforante,
aqua rubea
sanato.

Rogatus sum per literas à quodam nobili viro, oppiduli cuiusdam Domino, in finibus Benearnium positi, ut illum curarem ab acri fluxione, quæ linguam perforaverat in medio. Veniens stupui linguam omnino perforatam videns: Non audebam inquirere ab ægrotante, an de lue venerea quidpiam passus esset, cum interrogatus de pluribus, nihil hac de re sermonem faceret. Adde quod viderem ejus uxorem, & liberos bene valentes: Subdubitans nihilominus, ex male curata lue venerea, ali-

aliquid subesse in corpore, quod saltem humores in corpore, non vulgata acrimonia inquinatos reliquisset, purgato corpore, præscripsi chinæ decoctum per multos dies, pro potu ordinario. Interdixi omnibus acribus, & falsis: Consului usum lactis asinini, frequentem postea usum juscolorum hepaticorum, & refrigerantium, & suo quoque tempore potum aquarum mineralium, quæ vitriolo imbutæ creduntur: Pro ulcere autem curando, jussi parandam aquam rubeam supradictam, qua quibusdam vicibus intinctum ulcus cito sanatum est. Nescio in aliis quomodo se gessisset, vidi tamen sanatum redeuntem ex aquis, non quidem *de Capverd*, quas præscriperam, sed ex eis quæ *de S. Louboüé*. vocantur, minus illi convenientes. Tribus, aut quatuor annis elapsis, iterum vocavit me in castellum cujusdam nepotis, eo quod magis meo fieret commodo, ut multa à variis Medicis præscripta ostenderet; præcipue à quodam Chirurgo Benearnensi, qui perlegens omnia quæ illi præscripta fuerant, nullamque videns occultæ malignitatis rationem habuisse, dixerat ei, me propius veram curationem attigisse; ideo me iterum esse consulendum. Veniens in castellum inveni purulenta spuentem, cum voce maxime rauca, qualis accidit quibusdam phtisicis, à ferina fluxione pessime ægrotantibus. Sanato ulcere linguæ, præter potum aquarum mineralium, cetera spreverat, & ex Medici cujusdam præscripto, aqua frigida se multum ingurgitaverat, ex cujus potu non parum, ut ipse dicebat, nocumentum senserat in pectore; quod fortasse ipso refrigerato, & debilitato, fluxioni in pulmones delabenti occasionem dederat; quibus in variis locis ulceratis, curationi locus amplius non dabatur. Res itaque ægrotantis videns in maximo versari periculo, præscriptis quibusdam purgationibus pectoralibus & usu bocheti vulgo dicti, cum china, & pulmonaria confecti, non spretis bechicis vulgaribus, consului ut domum suam se reciperet in qua brevi mortuus est.

OBSERVATIO XL.

Cum essem Massiliæ, Medicus quidam urbis celeberrimus, & mihi in primis notus, laborans ulcere in larynge, nescientibusque Chirurgis, quid amplius esset agendum, eo quod

Ulcus laryngis, aqua rubea subtili adinventione sanatum.

ulcus videri non posset, nec acribus pertingi spiritibus, ad coërendam humoris acritudinem sine periculo: Excogitavit ille Medicus rationem, qua illud præstandum esset, involuendo digitum suum indicem tenui linteo exsimbriato, quo in aqua rubea intincto, & in gulam intromisso, ubi ex dolore ulcus existere percipiebat, id madefaciens seipsum sanavit; ab ulcere quidem, non autem à fluxione humoris illius malefici. Post enim quoddam tempus, cepit dolere toto naso, pedetentimque os à carne separatum est, totumque abscessit sine carnis læsione; remanente quippe tota nasi carne integra: Qui autem naso erat antea aquilino, valde simo permansit; mirantibus omnibus artis proceribus, quomodo integra nasi carne permanente, os ab ea separatum esset. Fere omnes aliquid subesse luis venereæ suspicabantur: Ille autem nunquam cum scortis, se rem habuisse affirmabat, nec unquam aliquo affectu venereo laborasse: Ad quod respondebatur, illum multoties lue venerea laborantes, curandos invisisse, à quibus quidpiam accepisse, alienum non erat à ratione: Quod ille, & multi alii negabant. Quomodo-cumque autem res se habuerit, valde insolens est, ossa à carne abscedere, sine carnis alteratione, & sine causa à vulgaribus aliena.

OBSERVATIO XLI.

Dolor capitis, & nodus in tibia, remanentes post pyalimum 40. dierum.

Eodem tempore, degente me Massiliæ, quidam vir nobilis, lue venerea laborans, quem prædictus Medicus, & frater meus curandum susceperant: Inunctione commoto pyalismo, qui per quadraginta dies perseveraverat: Mirum post tantam excretionem, remansisse dolorem capitis molestum, & nodum in tibia! Medico accersito, iussit inter cetera, arteriam juxta mandibulæ articulationem aperiri; è qua extracto sanguine ut par erat, cessavit dolor capitis octo dierum spatio; postea vero rediit: Iterum secta arteria, dolor abcessit per octo dies, iterumque rediit: Quod tertio factum videns ægrotus, revertente semper dolore, pertæsus hujus vicissitudinis, non amplius vocato Medico; desperatorum quemdam morborum curatorem ad se venire iussit, qui auditis quæ acta erant, curaturum promisit, numerumque partiariæ materiæ cujusdam emendæ, in schedula conscripsit, qua accepta composuit ptisanam purgantem,

tem, de qua dabat ægrotanti cyathum mane, meridie, & vesp̄eri; hoc autem per viginti dies, & perfecte sanatus est vir ille nobilis: Quod cum fratri meo retulisset; ipse quoque curam, & modum mihi narravit, sciscitans à me, an cuilibet ex partiaria materia dosim imponerem; quod me facturum promissi, acceptisque ab ægrotante partiariæ materiæ nominibus, sic illi, & mihi dosim adscripsi.

℞. Gaya. ꝑij. falf. paril. ꝑij. folior. fenn. mund. ꝑij. turb. hermod. & jalap. ana ꝑij. scam. ꝑj. epithy. ꝑiſſ. antimo. crudi ꝑij. Infunde omnia secundum artem parata, in aquæ t̄xii. per noctem super cineres calidos, mane coque lenta ebullitione, ad consumptionem tertiæ partis, addendo in fine mellis despumati ꝑij. deinde fiat colat. in lagena vitrea servanda, de qua capiet ægrotus cyathum unum mane, alterum meridianis horis, & tertium vesp̄eri, si alvus nimium non fluxerit.

Exemplo cujusdam Chirurgi, qui simili ptisana multos curabat, cum alvus non multum flueret, utebar suffitu ex puro hydragyro, partibus inferioribus excepto, sedente ægroto in sella perforata; quo pellente humores ad ventrem, longe plures fiebant dejectiones postera die: Quod sexto quoque die, dum opus est, faciendum, frequentius enim moveretur fortasse ptyalismus. Alias per sex dies sumpta ptisana purgante, tribus postea consequutis diebus movebam sudores, mane tantum in debilibus, & in fortioribus etiam vesp̄eri ante cœnam, quod non male cessit. Interea dum hæc geruntur, potus ordinarius fit decoctum gayaci, chinæ, aut falfæparillæ, prout ægrotus dives est, & deliciarum amator. Dum vocatus sum pro infantibus curandis, quibus ut provectis ætate, remedia adhiberi non possunt, utebar mercurio dulci, sumpto cum syrupo gayaci, eos purgando tribus consecutis diebus, incipiendo à granis sex mercurii, & duobus diagridii vapore sulphuris castigati. Secunda die, dabam mercurii dulcis gr. viij. & duo scammonii: Tertia vero die mercurii gr. x. & duo, aut tria scammonii. Si alvus pro ratione non flueret. His tribus diebus in purgando elapsis, tentabam movere sudorem in cunabulis, propinato cochleari ex syrupo gayaci, plus solito corpore cooperto: Deinde redibam ad purgantia ex mercurio dulci, aucta pedetentim il-

lius dosi, prout venter deiceret; non autem scammonii, cum sudoris postea provocatione. Ego quidem purgavi infantulum hoc modo, novies, duodecim dierum spacio. Quod si nutrix curetur, non est infans ablaetandus, inservit enim cura nutricis multum infantulo, qui post curam supradictam, debet uti longo tempore syrupo gayaci, ut virus omnino retundatur.

OBSERVATIO PRIMA.

Tres constitutionum epidemicarum quarundam descriptiones.

Præter à me observatas constitutiones epidemicas, de quibus in hoc opere fit mentio, ægrotorum historias describendo. Ab eo tempore quo in hanc urbem veni, tres præcipuas morborum populariter grassantium, memini me vidisse constitutiones, quas hic recensere non erit abs re; non parum enim ad artis opera conducibiles existimaverim. In prima, morbi satis boni moris erant: Neque enim temporis constitutio quæ præcesserat, extra rationem erat. Æque in hac ægrotabant senes, sicut & juvenes: At in his fiebant crises quinta die per sudores, cuilibet tamen recidiva certa erat; verum sine periculo. In illis autem, crisis cadebat semper in diem septimum, probeque omnes judicabantur sine ulla recidiva; & ex omnibus ægrotis nullus fere mortuus est, longeque major erat masculorum numerus ægrotantium, quam feminarum. Cum fiebat recidiva, motus in primo morbo erat diebus impafibus, ut & crisis, quemadmodum solet fieri, cum natura duce cedunt humores: In recidiva autem, movebatur humor diebus paribus. Quod mihi in mentem revocavit, juvenis curam Messiliæ ægrotantis, quem invisens prima die, inveni cum magna febre, quæ secunda die longe fuit remissior; tertia similis primæ: Quod animadvertens, factis ex utroque brachio venæ sectionibus, post enematum injectiones, decrevi quarta die de purgante medicamento, quo natura parte oneris levata, accinxit se ad crismum quinta die per sudores, febre omnino abscedente: Sed cum crises factæ quinta die raro sint stabiles, paucis post diebus rediit febris prima die remissior, secunda vero die longe gravior. Advertens in recidiva, humoris motum fieri diebus paribus; nolui quartum diem expectare, ad tollendum quod ex primo morbo reliquum erat: Quæ enim relinquuntur in morbis post crismum,

recidivas facere consueverunt: Ideo tertia die, sumendum præscripsi medicamentum purgans, ne crisis caderet in diem purgationis, quod optime mihi cessit, facta enim crisis quarta die, quæ incidere debet, ut docet Galenus, in idem tempus cum accessione, cum natura duce res fiunt, ei scilicet non repugnante humore. Ex descriptione hujus tempestatitis epidemicæ, duo venerunt mihi consideranda. Primum, quare juvenibus virium robore præditis, fierent recidivæ, senibus vero, debilioribus, nullæ, sed omnes perfecte judicarentur septima die. Alterum, quare morbus prima vice, moveretur diebus imparibus, in recidiva autem diebus paribus. Ad primum existimandum est recidivas juvenibus factas fuisse; tum propter naturæ robur; tum propter humores calidiores, hac ætate gigni solitas, qui frigidis velocius moventur, & naturam magis stimulant ad excretionem, ad quam robusta facile se accingit; unde crisis præcipitatur, omnimoda non expectata coctione, qui fit ut crisi in juvenibus, septimum non expectante, quinta die imperfecta esset excretio, partem materiæ relinquens ad recidivam. At in senibus, quia frigidum est eorum corpus, febres non admodum erant acutæ, nec ideo motus humorum ita velox; unde natura minus stimulata, coctionem expectabat, cadente crisi septima die, die critica regali, & magis auspicata. Ad alterum, quare morbus prima vice moveretur diebus imparibus; in recidiva autem diebus paribus. Dicendum est in prima crisi, calidioribus humoribus vacuatis, quorum est proprium diebus imparibus potius moveri, remansisse frigidiore, qui non ita velociter moventur, magisque diebus paribus. Non tamen in recidiva fit semper motus in diebus paribus à causa morifica; vidimus enim sæpissime eodem motu moveri, quo in primo morbo: Cum scilicet humor totus est ejusdem naturæ: Nam si diversæ existat, motus se tenet ex parte potentioris, prævalentque frigidis calidi, fitque motus diebus imparibus: At post primam crism, calidioribus vacuatis, remanent ad recidivam frigidi; qui tunc cum sint sui juris, nec motu calidiorum rapiantur, fit accessio diebus paribus.

Lib. 3. de
crisib.

Hipp. aph.
14. sect. 1.

In secunda constitutione, cum præcessisset autumnus solito humidior: Circa ver, & æstatem, multi ægrotabant, & quidam moriebantur. Plurimis maculæ rubræ exoriebantur; paucis sine vermibus in primis viis, quos mea nunc curandi methodus detexit. Cum in febribus quæ sunt alicujus momenti, non soleant fere omnes Medici, ante septimum cogitare de purgante medicamento; hoc autem præcipue, ut caveant à vulgi exprobratione, qui morbo ad statum properante, & vires in augmento, ex propria natura, acquirente eundo, damnat purgationes, si exhibitæ quarta die, aut sexta, morbus exasperetur sequenti die: Quod in causa est; propter symptomatum deinde supervenientium vehementiam, ut procrastinetur cathartici exhibitio, ultra decimum quartum, acutorum terminum, magno interdum ægrotantis periculo, ut in vermium constitutione, in qua multi versabantur in magno discrimine, toto morbi decursu lumbricos rejicientes. Quare ego, qui jam à longo tempore pœnitueram, in talibus morbis purgantia in principio non exhibuisse, quo tempore mitiora sunt omnia, ut inquit Hippocrates: Ideo ait: Incipientibus morbis, si quid movendum videtur move; vigentibus autem quiescere, melius est. Hac de causa solebam ante septimum arripere, præcipue quarta die, purgandi occasionem, ne procedente morbo impediret me symptomatum vehementia. In statu enim, inquit Præceptor, omnia sunt vehementiora; in principio, & fine, mitiora. Propinans itaque more meo hac tempestate epidemica, ægris purgantia in principio, morbi, vermibusque à pluribus ejectis: Ratus sum, præcipuam morborum grassantium causam, in hac constitutione, esse in primis viis, corruptisque humoribus, & quamplurimis, vermibus intestina scaturire; ita ut vulgus ipse assereret, purgationes tunc temporis, venæ sectionibus longe præstare. Cum autem exanthemata, cum vermibus complicabantur, semper in consultationibus assereram, majus impendere periculum à vermibus, & eorum scaturigine, quam ab exanthematibus, tantumque habendam esse rationem diei critici, in quo erumpebant; postea vero statim purgandum: Quod cum præstaremus, nul-

Aphor. 25.
sect. 2.

Aphor. 30.
sect. 2.

lus à purgatione pejus habuit, imo fere melius: Quia vermium putredo, ut ingenue fatear, quid senserim in hac re, erat causa exanthematum, qua sublata, aut saltem ex parte levata, melius habebant ægrotantes. Unde enim exoriuntur exanthemata, nisi ab exhalatione materiæ putrescentis, & adustæ, quæ ad superficiem corporis propulsa, exsiccatur supra cutem per poros egressa, referens colore adustionis gradum, & malignitatis, quæ major est, quo magis aduritur materia; Unde nigra multum reformidantur exanthemata, deinde livida, postea vinosa, minus rubra, omnium minime subrubra: Ex quibus his duobus, quædam tactu non deprehenduntur, quæ minus salutaria putantur, quædam asperitate tangentibus innotescunt: Nulla tamen sunt sine periculo, si multa sit eorum materia, & post exitum æger non melius habeat: Qui quo pejus, eo majorem quantitatem circum viscera remansisse signum est, eamque maligniorem. Si igitur hic modus est generationis exanthematum: Quare à materia extra venas putrescente, & calore præter naturam effervescente, non fiet ejusmodi exhalatio, exanthematum, aut echymatum parens, si aduratur, sive vermibus commixta, sive solitaria. Ego quidem in longis dysenteris, in quibus erat maxima putredo, vidi interdum multa, quæ nonnisi ab ichore maligno materiæ illius putrescentis, ex qua fiebat dysenteria, originem habuisse fatendum est. Nihil me autem tam docuit modum generationis exanthematum, quam videre ova recentia, cum ad prunas coquenda admoventur, quæ statim sudore diffluunt, & paulo post, parata sunt ad sorbendum: Quod si diu relinquantur ad ignem, materia illa, quæ sudoris instar profluebat, facta adustior, in maculas convertitur, & in modum exanthematum exsiccatur.

OBSERVATIO III.

In tertia hac constitutione, pluviosa præcedente æstate, tota præcipue Canicula, quod valde insolens est, autumnoque valde pluvioso: Adde quod venisset equitatus ad hiberna contra Ducem, qui urbem Tartas occupaverat, quo fugato, & secedentibus post Pascha equitum turmis: Nescio an ab eorum commoratione, an à constitutione, quæ anno præcedenti exte-

terat, an ab utraque causa: Circa finem Aprilis, morbi ceperunt grassari, totaque æstate, & autumnò hippocratico, febre scilicet purpuratæ, longe periculosiores illis, quas proxima observatione descripsimus. Paucis vermes subesse animadverti, omnibus fere exanthemata, nona interdum die, quamplurimis undecima, perpaucis septima erumpentia: Quos autem in principio febris invadebat in modum tertianæ simplicis, aut duplicis, deinde in tertio, aut saltem quarto paroxismo, in continuam vertebatur, nulli quod sciam servati sunt, 7. aut 9. è vita migrantes. Quibus autem à principio, febris statim continua observabatur, multi periculo defuncti sunt: Omnium febres notatu dignæ, quas delirium sequebatur, à septimo usque ad undecimum, multis diebus perseverans. Urinæ in principio crudæ sanorum similes, & sine sedimento, usque ad undecimum, aut decimum quartum: Quibus autem undecima satis quieta videbatur, & sine formidandis symptomatibus, omnes fervabantur, longa tamen erat invaletudo. Quibus vero in undecima omnia ingravescebant, vigesimum non transcendebant, morientes ut plurimum decimo quarto, aut decimo septimo; ita ut naturæ motum, in hoc critico intuentibus, facilis esset exitus morbi cognitio. Nulli crism factam fuisse memini; nisi quod exanthemata, omnibus fere erumpebant, ut supra dixi. Urinæ, quæ ut jam attigimus, fuerant à principio crudæ, & sine sedimento, undecima, aut paulo tardius hypostasim deponebant filis tenuium stuparum, minutim incis, & sibi invicem incumbentibus non absimilem; Quæ quidem bona non erat, denotans iis quos sanitati restitui spes erat, longam fore invaletudinem: est enim hæc hypostasis, aëri per via, & inæqualis, divulsæque sunt ejus partes, quod bonæ repugnat. Videns hanc hypostasim in multis ægrotis, & iis qui fervabantur longam extitisse invaletudinem; memini sententiæ Hippocratis in aphorismis. Quibus febricitantibus sedimenta sunt farinæ crassioris similia; iis longam fore invaletudinem significant. De qua hypostasi cognoscenda, multis ante annis laboraveram, quænam esset illa, quæ farinæ crassioris similis, longum fore morbum indicaret. Neque enim ex Galeno, neque ex aliis aphorismorum explanatoribus, neque ex Practicis ullis,

ullis, neque etiam proprio rerum usu, mihi concessum fuerat, ut illam hypostasim internoscerem, sæpe enim falsus eram, in sedimentis urinarum perpendendis, quæ ejus naturæ mihi videbantur, cita morbi solutione ostendente mihi, farinæ potius subtilioris, quam crassioris, similia extitisse. Tandem in ista tempestatis epidemicæ constitutione; videns in omnibus ægrotis, hanc hypostasim jam descriptam, ante decimum quartum morbosque protrahi, prout tardius apparuisset; quibusdam post vigesimum, trigesimum; & quadragesimum haud dubie ratus sum, hanc ipsam esse hypostasim, quam crimnodeam appellat Hippocrates, crassioris scilicet farinæ similem, quæ longam invaletudinem significat, iis, ut inquit Galenus, qui sanitati restitui debent: Quod postea mihi confirmatum est in quodam ægrotante, de quo observ. 2. hujus libri, qui post hanc hypostasim longissimam habuit invaletudinem.




LIBELLUS REMEDIORUM ORDINE

*Alphabetico dispositorum ad omnes fere
morbos conscriptus.*

ADMONITIO AD LECTOREM.

Addiscendæ Medicinæ, & postea factitandæ addi-
ctus; In utroque statu perlegendo libros, ad artis
opera conducentes, dum mihi quidpiam occur-
reret, alicui affectui profligando maxime idoneum, mea
fretus memoria, licet parum felici; existimabam eorum
quæ perlegeram, in re nata faciliter recordaturum; sed
interdum, nequidem de his quæ ego ipse præscripseram,
dum se occasio offerebat, poteram reminisci: Quod cum
mihi sæpius contigisset, statui in posterum, quæ mihi
ad aliquem affectum maxime profutura videbantur, sive
perfecta, sive audita; sive à me præscripta, & compro-
bata, in adversariis describere, ut in libello selecta, or-
dine postea alphabetico disposita reponerentur, ut faci-
lius urgente necessitate in ea incurrerem. Quod postea
mihi pergratum fuit, & utile, præcipue in conscriben-
do hoc observationum libro, in quo in hunc libellum
remediorum, ordine alphabetico dispositorum, sæpissi-
me remitto, propter eorum, & selectorum abundan-
tiam; quod in omni capitulo faciendum hortatus sum,
ut quisque, quæ illi magis placere videbuntur eligat: Ne-
que enim parum est commodi, omnia quasi præmansa
adinvenire, sine ullo, aut perexiguo cum labore; & quem-
admodum ego feci, ita & ille edoctus facere assuescat.
Vale.

O R D O R E M E D I O R U M A L P H A B E T I C U S.



AD ABORSUM, quando prægnanti accidit do- Aborsus.
lor renum, & imi ventris. Acc. panem re-
center è furno extractum; scindatur, & ex
parte medullæ; infundatur in vino generoso,
pulvereque caryophyllorum aspersus, calide
supra umbilicum applicetur, & renes ungan-
tur unguento Comitissæ: Statim dolor cessa-

bit, inquit Bayrius.

R. Sex germina ovorum, vino dissoluta exhibe prægnanti Aliud.
mane, sex diebus continuis, ad cavendum aborsum, quando
ex alto decedit, aut alio modo in ventre læsa fuerit; summo-
pere juvabit, inquit Joannes le Bon, in lib. gynæci. tomo 2.
partic. 3.

Ad albugines oculorum. **R.** Superficieï vitratæ vasor. testac. Albugo in oculis.
aut massæ qua vitrantur, spum. maris, stercor. lacerti vi-
ridis, sal. nitri, saccha. rub. ana part. æquales. Omnia in pul-
ver. tenuissimum redacta, infun. in decocto acori, & chelid.
ad mellis crassitud. deinde exsicca, & fiat iterum pulvis tenuis-
simus, hunc excipe iterum cum melle, lacte equino, & succo
folior. rapha. ita ut remaneat liquor crassiusculus, ea consisten-
tia, ut possint guttulæ iiij. infun. in oculum ituri cubitum, per
20. dies, prius abluto oculo aqua calida. Remedium expertum
ait Zacutus. lib. 1. prax. mir.

R. Aquæ ros. ʒiʒ. aquæ fœnic. euphra. ana ʒj. tuthi. præp. Aliud.
sarcoc. nitri, ana ʒʒ. aloës aqua ros. lotæ scrup. j. sacch. cand.
ʒiʒ. campho. gra. vj. misce, colat sine express. facta, fiat col-
lyr. cui interdum additur croci metall. scrup. j. Lotich. in ob-
ser.

- Alopecia.** Ad alopeciam antiquam, & difficile curabilem. \mathcal{R} . Euphor. sem. nastur. ana scrup. ij. sulphu. vivi, & helleb. albi, ana scrup. j. ceræ zij. olei laur. parum; fiat unguentum. Bayrius.
- Aliud.** \mathcal{R} . Succ. nicotia. & utere. Ceteris nihil proficientibus, eo curavit Lusitanum. Zacutus.
- Anasarca.** Ad anasarcam. \mathcal{R} . ranas vivas, quas in olla nova oleo superinfuso coquebat vetula; & calide ventrem ungebat versus inferiora, à stomacho ad inguina ducendo: Die secunda tumor descendit, ut pedes intumescerent. Tertia die penitus liberata est. forestus. lib. 9. obser. 31. in Schol.
- Angina.** Ad anginam. \mathcal{R} . Ciner. cremat. hirund. 3j. hydromel. 3iiij. fiat Julep, plurimum prodest. Valleriora in observa.
- Aliud.** \mathcal{R} . Nidum hirundi. cum toto stramine, numero ij. Decoque in oleo lilio. & chamæm. deinde pistentur, & per setac. transmitt. Adde stercoris canis sola ossa comedentis zij. cespium hum. 3j. fiat catap. quod est præsentaneum remedium. Idem. ANI descensus. v. Intestini. Ani dolorem in dysenteria. v. Podicis dolor.
- Ani verrucæ, &c.** Ad ani verrucas, condylomata, mariscas, & mora, valet pulvis stercoris murum cum vino coctus. Idem efficiunt conchiliæ oblongæ, in littoribus inventæ, calcinatæ, & simili modo paratæ. Sic etiam crocus metallo. cum aqua fœnic. distemperatus; Dolorem primo sedat, & condylomata consumit. Hartman. v. Verrucæ.
- Arenula v. Lapisrenum. Arthritis.** Ad arthritidem. \mathcal{R} . Folia ari, contundantur, & cum stercore vaccino applicentur calide; valde profunt. Matthiolus.
- Aliud.** \mathcal{R} . Folia Hyoscia. decoquantur in bubulo lacte, & fiat catapl. quod mirifice proderit, ut ait Duretus in adversariis, supra Hollerium.
- Aliud.** \mathcal{R} . Succ. rad. ebulli 3ij, olei chamæm. 3j, Coque ad succi consump. adde aceti gutt. aliquot ad penetrationem, aut vini parum, & cum cera fiat unguentum nobile, & tutum, ut ait Zacut. præsertim si præcedat fots ex decocto ebulorum, & folior. sambuci.
- Aliud.** \mathcal{R} . Galb. thur. ana zij. aceti 3vj. cro. 3j. ammoni. 3iij. picis arid. 3v. olei rosa. 3j. ceræ 3vj. fiat unguentum aliis præstantius, inquit Zacutus, qui illud expertus est in tophis emollientis & eradicandis.

\mathcal{R} . Her-

℞. Hermod. veri ʒʒ. turb. & mechoa. ana ʒj. rhab. myrob. ^{Aliud par-}
citri. & chebul. mast. ana ʒj. aristo. rot. scrup. j. sem. hyperi, ^{gans.}
& zinzib. ana ʒʒ. salis gem. scrup. ʒ. diagrid. ʒʒ. Cum succo
ivæ arthriti. fiat massa pilul. dosis ʒj. quolibet mense sumenda.
Interea utendum opiata sequenti.

℞. Salsæpa. ʒiiij. sem. hyper. ʒiʒ. folior. chæmæd. chamæp. ^{Opiata.}
ana mij. aristo. rot. angel. fragran. ana ʒvj. cinamo. ʒij. caryo-
phy. scrup. iiij. cro. scrup. ij. Cum melle fiat opiata, dosis ʒij.
trib. horis ante pastum, ʒʒ. minuendo diebus æstivis. Platea-
rius. Hoc remedium expertus est Dynastes de Belmont.

Acc. catellum ex cane, qui Gallice vocatur *bracque*, qui à ^{Aliud.}
paucis diebus aperuerit oculos, & sit valde pinguis: Pilis abra-
fis, à latere exenteretur, & venter infarciatur urticis contusis,
cum sulph. ʒij. vitellis ovar. n. iiij. & terebenth. ʒiiij. vulnere-
que bene clauso, tostetur igne lento, adipeque defluente col-
lecto, locus doloris calide inungatur. Hoc remedio, non so-
lum sedatur dolor, sed multi etiam sanantur; Inquit Alexis Pe-
demonitanus. libr. suo Arcanor.

℞. Urticas q. v. decoquantur, in olla nova impleta superin- ^{Aliud.}
fu. vini & olei q. f. ad decoquendum, easque quam maxime ca-
lidas applica supra partem dolentem, bis, aut ter. Idem.

℞. Spir. vini per cro. infusio. flavescens. ʒiiij. camph. scrup. ^{Aliud.}
j. parum bulliant; deinde adde opii ʒj. Hoc liquore pars lini-
atur; tutum, & efficacissimum, inquiunt Sennertus & Rive-
rius, remedium, quod est Plateri.

℞. Salis, ciner. urinæ pueri, & aceti q. f. in his commixtis ^{Aliud.}
immerge pannum album laneum, & expressum calide applica
supra partem dolentem; ut faciebat senex quidam, cum tumor,
& dolor magnus, rubensque locus erat; Sic dolor magna ex
parte sedabatur, inquit Solenander.

℞. Olei com. ʒij. rub. ʒij. salv. mj. panis alutarii frustulum, ^{Aliud.}
coque in vase testac. vitra. & bene coopercolato, ad vini con-
sump. Quod ut cognoscatur, perforatur in medio coopercu-
lum, styloque ligneo per foramen intromisso in liquorem, an-
tequam bulliat, agnoscitur omnimoda vini consumptio in fine.
Hoc oleo pars dolens liniatur calide, papyro superposita. Sæ-
pius vidi hoc remedio lenitos dolores.

- Aliud.** ℞. Ranas quinque, vermi. terr. ℥iij. vino lotor. coque in ol. ros. Sennertus. v. Simile magisque compositum, & fortasse magis efficax remedium. titu. Nervor. contractio.
- Aliud.** ℞. Folia nicotia. virid. contunde, & applica. Sedant dolorem & vim obtinent narcoticam. Riverius.
- Asthma.** ℞. Rad. valeri. ℥β. grycyrrh. ℥j. passul. mund. ℥β. ani. pj. fiat decoctio & propinetur. Matthiolus.
- Aliud.** ℞. Pulv. noctuæ in vase combustæ, & in pulv. redactæ, ex eo fiat electuarium, de quo cape ℥β. mane & sero. Est Zacuti experim. lib. 2. prax. histo. cap. 7. observa. 4.
- Aliud.** ℞. Rad. ari, decoquatur, & cum melle despum fiat opia. mirabilis. Inquit Matthiolus.
- Aliud.** ℞. Rad. ari elixæ ℥β. cum eclegmate de pino, & de pulmo. vulpis ana ʒvj. & syrū. de glycyrrh. fiat eclegma ad juvandam expectorationem in asthma. Sylvius. v. Querce. de syrupo nicotianæ.
- Aliud.** ℞. Ammo ʒj. aquæ hyssō ℥iij. vini gener. ℥ij. Experimentum Brunneri, ut ait Sennertus.
- Aliud.** Hyssō. orig. marrub. puleg. beto. scab. card. bened. ana mj. rad. ireos ℥j. agar. ʒβ. zinzib. ʒij. coque in q. s. aceti, & tertia parte aquæ; colatu. adde mellis puri q. s. & coque ad justam oxym. consistentiam, de quo tempore necessitatis, capiat cochlear j. Greg. Horstius, qui vocat remedium istud, oxymel Cratonis.
- Aliud.** ℞. Sem. altheæ ʒj. flor. sulp. ʒβ. Cum sacch. ℥iij. in liquo. conveni. dissol. fiant tabellæ.
- Atrophia.** Ad atrophiam, & pthysim ℞. Aqu. stillat. summit. tener. falicis mense Maio, aut Junio collect. Da cyathum quolibet mane, per mensem.
- Auditus gravis.** Ad gravem auditum. ℞. Fœnug. fabi. brion. falsæpa. fiat ex his decoct. de qua injice supra lapid. pyr. candefact. & fumus aure excipiat. Bened. Silvaticus, in consil.
- Aurium dolor.** Ad dolorem aurium à causâ calida; plurimum valet oleum Hyosciami. Inquit Matthiolus.
- Aurium tinnit.** Ad tinnitum aurium. ℞. Bacca. lau. contū. sem. cumi. major. & minoris, ana ʒij. cum ferment. veteri fiat parvus panis in furno coquendus, qui per medium incisus, & aqua vitæ rectif. irror.

irror. tepide utrique auri imponatur. Lotichius in observat. Valet etiam ad gravem auditum.

Circumforaneorum. *Baume des Charlatans.* R. Folia aut Balsamum.
sum. absynth. rutæ, flor. & folior. rorism. flor. & folio. salv.
acu. bacc. lau. contus. ana mj. Coquantur omnia in ℥ij. olei
nuc. quousque contabescant igne lento, colentur, & exprimantur,
adden. postea terebint. & olei de spica ana ℥ij. Et si in
forma unguen. parandum, dissolve resin. ℥ij. ceræ ℥ss.

Optimum est remedium contra colicam, ungendo renes & vires.
ventrem calide, linteoque calido superposito.

Valet adversus omnes humores frigidos, inungendo partem,
& linteo calido superposito.

Laudatur pro hysterica passione, ungendo stomachum, renes
& umbilicum, linteo calido partibus obligatis.

Opitulatur capitis doloribus frigidis; ungendo tempora.

Efficacissimum est contra vermes infantium; ungendo nares,
tempora, stomachum, & ventrem.

Vulnera etiam sanat, adhibeturque pellendis arenulis, & urinæ,
ungendo renes, aut vesicam.

Multum prodest doloribus stomachi, & dyspepsiæ, simili
modo administratum.

Ad casum pilorum barbæ, & capitis. R. Agrim. cap. vener. Barbæ casus.
ror. marini, salv. ana. mj. caryoph. n. 12. infun. in aquæ
still. syimbrii, q. f. & destilla in BM; hac aqua sæpius barba
abluatur, & capilli, & non decident. Liber arcanorum.

Ad faciendum Bezoar arte confectum. Acc. conchas quæ Bezoard arti-
fici.
moules vocantur, comburantur, & sal extrahatur ut artis
est. dosis gr. vj. & viij. æquivalet bezoardo naturali, teste Me-
dico Belga.

Ad bronchocelen. R. Olei laur. ℥ij. thur. masc. mastich. Broncho-
cele.
gummi arab. & terebinth. ana ℥ij. Destillen. & ℥ss. cine-
rum in oleo injecta iterum destilla. Hoc oleo sæpius inunctum
bronchocele sanatur, ut ait Evonymus. v. Beguin de calcin.
lap. spong. & Hartm. de strumis.

Ad bubonem pestiferum attrahendum. Acc. panem recen- Bubo pesti-
lens.
ter è furno extractum, aperiatur, & foramine facto in mi-
ca, impleatur theriaca, & calide applicetur. Quidam Senex.

- Bubonoccele.** Ad bubonocelen, epiplocelen, & enterocelen; Quidam Pharmacopœus utebatur liquore stillat. ex gallis orientali-
bus, & multos, licet ætate provectos sanabat. Liquor non
est oleum, sed aqua, cum qua sal quoddam volatile ascendit,
cum quibusdam guttu. olei.
- Cachexia.** Ad cachexiam, felicissimum est auxilium pulvis cachecti-
cus, mirabilisque in omnibus obstructionibus hepatis, lie-
nis, mesenterii, & hypochondriacis. v. Descriptionem. cap.
de cachexia.
- Calculus renum.** Ad calculum e renibus abigendum, usus aquæ stillatitiæ ni-
cotianæ viridis, plures tenaciter adhærentes abegit. Zacutus,
lib. 2. prax. miran. observ. 66. v. Lapis.
- Calculi dolor.** Ad dolores à calculo leniendos, Enema. ℞. Rad. alth.
malvar. Eryng. ana ℥iij. folior. alth. malv. viol. pariet. ana
mß. flor. chamæm. & melil. sambu. summit. anethi, ana pij.
sem. ani. & anethi. ana ʒj. sem. lini, & foenug. ana ʒij. lumbrico
terrest. in aqua lotor. & diffectorum ʒß. Coque in lactis
vacc. ℔j. Dissol. in colat. vitel. ovor. N^o. ij. olei chamæm. ane-
thi, lilio. albor. & scorp. ana ʒß. croc. scrup. ij. Fiat enema; & si
alvus sit astricta, adde parum elect. de suc. rosa. Et mell. ro-
sa. si dolor vehemens. Greg. Horstius.
- Calculus renum.** Ad calculum renis abigendum. ℞. Tarta. vitriol. scrup. ij.
facc. candi. ʒj. cape cum aqua petros. cochlea. j. aut ij. aut jusc.
gallinæ macræ. Thonerus, in observat. v. Ischuria.
- Capilli denigr.** Ad canis rabiosi morsum. v. Rabies.
- Ad capillos denigrandos. ℞. Lythar. aur. plum. usti, ana
ʒij. calcis extinetæ ℔ij. cortic. nuc. virid. n. ʒ6. Bullia. nuc.
contu. in aquæ mensu. iij. quousque media pars absumatur;
cum qua colat. & aliis, facies pastam mollem. Remedium
Barbitonforis Parisiis degentis, à me probatum.
- Capillorum proflu.** Ad profluvium capillor. ℞. Nuc. cupr. virid. n. x. con-
quassat. absynth. & lada. ana. ʒiß. Trita ligentur in panno
raro, & infu. in oleo myrth. Deinde parum bulliant. Hoc
oleo radices capillo. liniantur. Est optimum remedium. Bay-
rius.
- Aliad.** ℞. Apes vivas n. 100. muscas n. 80. pilos urfi, sterc. mur.
sem. lini, zinzib. bacc. myrthi, myrr. cort. pineo. castan. avel-
la,

la, & amygd. sterc. capræ. adian. abrot. absynth. sem. api. spu. nitri, folior. heder. rad. canna. lavend. lapat. acuti. pyreth. rorisma. ana p. æquales. Combustis cum pingued. ursi, oleo masti. myrthi, ladano, & melle fiat ungu. quo solo, quidam sanatus est. *Zacutus.*

Ad capitis dolorem. *℞.* Rad. petrosf. contus. & aceto irroratas, & applica. Stercus vaccæ inter folia brassicæ decoctum & applica. Mulier, hæc experimento comprobavit.

Capitis dolor.

℞. Aquæ end. lact. ana \mathfrak{z} ij. aquæ. rosæ. \mathfrak{z} ij. aceti rosac. \mathfrak{z} ij. olei rosæ \mathfrak{z} j. camph. & croc. ana scrup. j. Fiat fronta. tepide applic. & sæpiuscule renovandum; a prima applicatione statim levamen sensit æger. *Lotichius, in observationibus.*

Aliud, & insomnia.

℞. Cancro fluiat. vivor. n. xij. contu. in mortar. adde far. sem. cannab. & cydonio. ana \mathfrak{z} j. passula. minor. \mathfrak{z} β. Coque in q. s. lactis. ad quartæ partis consumpt. colat. sit pro fronta. calide applican. præstans est remedium, inquit *Lotich.* in dolore obtuso, insomniis, & perturbatione. v. *Cephalagiam.*

Aliud.

℞. Aquæ ros. plantag. & melilo. ana \mathfrak{z} ij. nucleo. ceras. semi. pap. albi. ana \mathfrak{z} β. Fiat emuls. adde aceti ros. fiat fronta. tepide fronti & temporibus applicandum. *Thoneri experim. à causa calida.*

Aliud.

℞. Gum. ammo. \mathfrak{z} j. pyreth. \mathfrak{z} ij. cum succo irid. incorpo. ad casus aut lapsus in formam unguenti, turundis intromittitur in nares.

Caput pistrigium.

Casus v.

Lapsus.

Cataracta.

Ad cataractam incipientem. *℞.* Spic. nard. \mathfrak{z} x. cinam. \mathfrak{z} vij. agar. albi \mathfrak{z} ix. mastic. ad pondus omnium. Omnibus in pulve. redac. cum melle despumato fiat opiata, de qua cap. \mathfrak{z} ij. quotidie. Est remedium exper. & veloc. operationis. Inquit *Bayrius.*

℞. Aquæ stillat mellis \mathfrak{z} ij. sacc. can. \mathfrak{z} j. myrrh. scrup. j. Huius liquo. gutta j. aut altera, instilletur in oculum. Est collyrium præstans, inquit *Bruele.*

Cataracta.

Ad catarrhum exsiccandum. *℞.* Sterco columb. par. j. ceræ p. iij. olei, p. xij. fiat ceratum capiti imponendum. *Galenus.*

Catarrhum exsiccans.

℞. Herb. cephalic. calid. include facculis, & coque in lixiv. cine. & calide fronti, temporibus, & futuræ coron. per semihoram applica. Pro singulari remedio usus est *Joan. Heurnius.*

Catarrhus frigid.

Catarhus
ferinus.

℞. Conser. ros. anti. ʒβ. flor. sulph. ʒβ. misce cum syru. papay. rubri: Tum utere etiam pilul. de flyrace. His compe-
scuerunt Medici, catarrhum ferinum in Principe Mauritio de
Nassau, ut refert Ottho Heurnius.

Catarrhum
sistens.

℞. Olib. scrup. β. olei anis. gutt. iij. opii præp. gr. j. cum sy-
de papa. fiat morsulus. Lotichius.

Cephalalgia
calida.

Ad capitis dolorem calidum. ℞. Opii, corticis mandrag.
flor. nenuph. cape de unoquoque q. f. & cum succo nenuph.
fiant troch. in sole exsiccandi: Doloze infestante, unus pul-
veri. & in nares insuffletur. Cito sedant dolorem. Inquit Bay-
rius.

Cephalalgia
frig.

℞. Scamm. scrup. iβ. myrrh. croci, costi, ana gr. viij.
Cum vino fiant troh. qui cum vitello ovi dissol. frons, & tem-
pora liniantur. Idem.

Alud.

℞. Piper q. v. subigatur cum ovi albu. & temporibus appli-
cetur aut nuchæ. In duobus narrat experimentum Zacutus.

Aliud.

℞. Scamm. q. v. misce cum oleo ros. & aceto, & cum vi-
tello ovi, valet ad idem. ex Bayrio.

Aliud ad ce-
phalem.

℞. Cepam albam, per medium incidatur, & in spiritu vini
infusa applicetur supra partem dolentem. Valde prodest ut mi-
hi nobilis mulier communicavit, ad antiquos capitis dolores, &
hemicraniam.

Chlorosis.

℞. Fœnic. cerefol. ana miiij. petros. mij. destillen. & da de
aqua destill. ʒiij. quolibet mane. Efficax remed. etiam si adsit
spirandi difficultas. Liber arcanorum.

Cholera.

Ad choleram; præstantissimum est, & probatissimum, cri-
stallum; teste Langio, ad ʒβ. per se exhibitum, aut electua.
immixtum.

Colicus do-
lor.

Ad colicum dolorem. ℞. Folia hæde. terr. q: v. infund. in
oleo ad solem æstivum; Est singulare remedium, injectum,
& epotum. Matthiolus: Sicut & ʒiij. olei juglandis, epotæ.
Ex eodem.

Aliud.

℞. Casto. scrup. j. aut ʒβ. & ʒj. Cum vino albo assidue po-
tatum malum prorsus demolitur, omnibusque medicamentis
præstat. Nicol. Piso.

Aliud.

℞. Zinzib. ʒj. bibe calide cum vino. Expertum à viro reli-
gio. auxilium.

℞. Olei

℞. Olei satur. quod fit in cella vinaria ex ipso sale, seu faccha. saturni. gut. iij. propina cum vino albo gener. statim dolo-rem sedant, ait Crollius. v. Balsamum.

In colico do-
lori à mate-
ria acri,
enema.
Quereetani.
v. cap. de co-
li. dolo.
Aliud.

℞. Merc. crudi, à scrup. j. ad ʒj. cape cum cochleari olei com. recentis cum sacch. distemp. Ottho. Heurn. qui scire se ait, & ventrem, & dolorem solvere. Utitur etiam cepa alba. cont. cum. oleo, umbilico impofi.

℞. Stercus lupi, potatum, gestatum supra part. dolentem & empl. modo, & in clysteribus, laudatur ab omnibus Autho-ribus, v. Gal. lib. 10. de med. simpl. facult. tit. stercus lupi; & alios quos citat Zacutus. lib. 2. Medico. Princip. histor. histo. 96.

Aliud.

℞. Mannæ ʒij. olei amygd. dulc. ʒiij. capiat cum juscu sta-tim, cessat cruciatus. Inquit Thonerus. Heurni. addit vinum malvat.

Aliud.

Ad combustionem. ℞. duo ovor. album. tuth. alexand. ʒij. calcis vivæ decies lotæ, tantumdem, ceræ no. ʒj. olei rosac. q. s. fiat unguentum. Alexis Pedemont.

Combustio.

℞. Cort. media. samb. quæ viridis est, q. v. decoque in oleo quousque contabescat, colat. facta, adde ceræ parum ita ut unguentum maneat lucidum, quod pluries sum expertus.

Aliud.

Ad juvandam conceptionem. ℞. Salis satyrio. scrup. β. Cum vino malvatico, aut aqua vitæ mulieri sæpius propinetur post menstruo. fluxum. Multas feminas hoc remedio curavit Hartmannus.

Conceptio.

- Ad cornua pedum. ℞. Folia sempervi. major. q. s. ablata priori pelle, contund. & superp. sex diebus continuis.

Constipatio.
v. ventris
durities.
Cornua pe-
dum.
Aliud.
Coxendicus
dolor.

℞. Allium sub ciner. coctum. Pluries calidissime superpo-natur. Est viri religiosi experimentum.

Ad coxendicum dolorem, & arthriticum. ℞. Ciner. trunc. fabarum aliquo unguento misceantur; Est singulare remedium, inquit Matthiolus. v. Ischias.

Ad deglutiendi difficultatem ℞. Dianuc. ʒj. salis gem. gr. vj. & usque ad 12. Sale dissol. per vices lente deglutiatur. hac tol-lit difficultatem à quacumque causa Hartman. ut ego expertus sum.

Deglutiendi
diffic.

Ad dentes concussos, ℞. Thur. mast. & cortic. granat. ana

Dentes con-
cuss.

in pulv. redacta, post oris collut. impone supra dentes, iturus cubitum.

Dentium
dolor.

Ad dentium dolorem. ℞. Gum. ammon. ʒiʒ. sanda, & thur. ana ʒviij. mastic. ʒvj. stora. liquidæ q. s. fiat empl. temporibus applicandum; quod interdum cito dolorem sedat.

Aliud.

℞. Frustulum gossip. immitte in oleum caryoph. aut rorism. deinde accendatur, & statim extinguatur, & in dentis cavitatem imponatur illico.

Aliud.

℞. Gumm. junip. ejus fumus per infundibulum. dentibus excipiat. Est singulare remedium; inquit Matthiolus.

Aliud.

℞. Tabaci probe calcin. in crucibulo, impone in cavum dentis & statim dolor sedatur; ut pluries expertus sum.

Aliud.

℞. Vel Acc. os brachii bufonis; solo contactu statim dolorem tollit; ait Helmontius.

Aliud.

℞. Piper. aquat. indatur de eo in dentis cavum, hoc remedio sanavit mulierem J. Heurnius.

Aliud.

℞. Pilul. de cynog. & cochia. ana scrup. j. olei caryoph. gut. iij. Cum aq. beton. fiant pilul. vj. super pulve. nucis mosch. Ab horum usu dolor pertinax abiit. Inquit Lotichius.

Aliud.

℞. Camph. q. s. ad imponendum in dentis cavitatem; Et si dens non sit cavus. ℞. Camph. ʒʒ. decoque in aceti ʒʒ. calide in ore contine. Est experimentum Thoneri.

Diabetes.

Ad diabete[m] curandum, imperavit Zacutus duobus ægrotis per mensem integrum, lactis asinini chalybeati potum, & per intervalla usum philonii. Ut habetur Obser. 8. lib. 2. prax. Mi.

Diarrhœa.

Ad diarrhœam. mespilla virid. in magna quantitate devorata, multos diarrhœa pertinaci laborantes sanaverunt, aliis remed. nihil proficientibus. Forestus. v. Dysenteria.

Aliud.

℞. Duos vitellos duos ovor. aceto ros. temperatos. Hoc remedio, sanata est diarrhœa pertinax ab Helmontio. v. historiam pagi. 184. n. 22. in qua deridet Medicos curationi adhibitos.

Aliud.

℞. Far. tritic. ʒj. vitel. ovor. n. iij. pulv. cinam. & nuc. mosch. ana ʒj. coq. in vini rub. ʒiij. ad pult. consist. cum sacch. & præbe. Lotichius.

Dolor colic.
cus.

Ad dolorem colicum. ℞. Cretæ rufæ qua utuntur Sartores; derade, & bene pulver. propinetur ʒj. calide cum vini ʒiij. Et
fi

fi dolor non sedatur, reiteretur dosi post 10. horas, & tertio si opus fuerit. Et in presenti, & in posterum sanabitur. Vir quidam Religiosus.

Ad dysenteriam. \mathcal{R} . Malicor. q. v. calcinetur in vase testac. *Dysenteria.*
efficaciter. restringit. Matthiolus.

\mathcal{R} . Sem. plantag. 3j. cum vitello ovi misceatur, & supra la- *Aliud.*
terem exsicceatur. Idem.

\mathcal{R} . Composit. descripta in sputo sanguinis. optime sistit san- *Aliud.*
guinem si fluat.

\mathcal{R} . Croci mart. scrup. j. propinetur cum aliquo liquo. aut *Aliud.*
cum rosa conser. fiat bolus, parum vini rub. superbibendo. O-
ptime sistit dysenteriam. Hartman. v. Quercet. in Pharma. re-
stit. pagi. 249. de syru. corallo.

\mathcal{R} . Ungul. equor. aut equar. non tamen lascivientium; esset *Aliud.*
enim in perniciem. Frigantur cum butyro, & in pulve. redi-
gan. hoc remed. sanabat dysenterias Helmontius.

\mathcal{R} . Allium cum saccha. & succo citror. Est alexiphar. in dy- *Aliud.*
senteria ex esu cibor. corrupt. Joan. Heurni. v. histor. in Pathol.
Fernel. lib. vi. cap. x. pag. 169. in annot. Ottho. Heurnii.

\mathcal{R} . Cerae albæ, & gum. arab. ana 3ß. includ. in pyro, aut *Aliud.*
malo coton. & coquatur. Exhibe mane, & vesperi, Hartman-
no. Horstius affirmat magno cum successu exhibuisse, cum ul-
cus consolidandum.

\mathcal{R} . Malum coton. excavetur parte superiori, & cera alba ra- *Aliud.*
sa cum gra. iij. mastic. impleatur, & iterum claudatur; coque,
& detur hora ante cibum. Hartmannus.

Ad dysuriam. \mathcal{R} . Decoct. malvar. cum syru. viol. hoc reme- *Dysuria.*
dio seipsum curasse testatur Forestus: Sicut quemdam Pharma-
copœum, aqua ros. cum album. ovi concussa, ad 3vj. & 3vij.
Et senem decocto flor. chæmæm. cum lacte bubulo.

Emplastrum Nigrum. \mathcal{R} . Cerae 3v. aut iij. mastic. 3iij. irid.
3ij. & cerus. & thur. tantumdem, aloës 3iij. gum. tragac. 3iij.
alum. usti 3iij. sang. draco, vitrio. albi, 3ij. calc. vivæ in ace-
to infu. ad nucis cum cort. magnitu. per linteum transmi. olei
ßß. Coque oleum cum cerussa, per spac. horæ iß. in vase te-
staceo vitrea. lento igne, agitando semper baculo., quousque
nigrescant. Adde ceram frustulatim incisam; deinde cetera in
pulv.

pulv. redacta; Post misce & projice in discum semper movendo, donec refrigescant. Ad ulcera, additur parum mellis usti, & in cinerem redacti. Ad vulnera si sit opus turundis, dissol. unguen. cum oleo rosac. & si inflamm. adsit parum amyli admisce. Valet etiam hoc emplastrum ad herpes, & frontis asperitates in mulieribus, ut expertus sum.

Emplastrum
caput robo-
rans.

℞. Storac. benjo. lada ana. p. iij. pondere, rad. pæon. irrid. flor. visc. querc. mast. p. j. uniuscuiusque, caryoph. & olei nuc. mosc. ana p. β. styrac. liquid. q. s. fiat emplastrum pro commifura.

Empyema.

Ad empyema, ut rumpatur. Acc. pomum redolens, fac in eo cavitatem, quam replebis granulis tribus, aut 4. thur. frustulo pomi, quod extraxeris super posito; deinde coque sub cineri. & da ægrotanti ad manducandum. Expertum remedium, inquit Alexis Pedem.

Aliud.

℞. Panem alb. recenter è forno extrac. per medium incis. illine veteri theriaca, parque una supra partem dolentem; altera supra oppositam apponatur, & ligetur. Vidit Alexis hoc remedio rumpi empyema intra duas horas.

Enteroccele.

Ad enterocelen magnam, & pertinacem, ut facilis fiat reductionis. ℞. Sem. ani. car. fœni. & corian. decoque, & fiat potio Helmontius.

Epilepsia.

Ad epilepsiam. ℞. Pyret. abrot. zinzib. ana ʒvj. rut staphidis agr. carda. dauc. singulo. ʒiiij. croc. piper. ana ʒj. omnia in pul. redigantur, & per sex dies ʒj. sumatur cum aqua mulsâ.

Aliud.

℞. Staphisa. aristo. rot. ana ʒv. rad. pæon. pyret. ras. cranii humani ana ʒiiij. Omnia in pulv. redacta, cape scrup. ij. mane cum aqua mulsâ, per 10. dies. Hæc duo expertus est Christoph. A vega.

Aliud.

℞. Hirundi juvenes q. v. contund. & cum castor. mixtæ, & parum aceti acerr. destillentur. Aqua est vera medicina epilepticorum, inquit Evonimus. v. Hartman. de hepaticis ranar. quibus curat. est Fridericus iv. Palatinus. titu. Epilepsia.

Aliud.

℞. Succu rutæ ʒj. mellis scyllit. ʒβ. Est præsens remedium epilepticis. Valleriola.

Aliud.

℞. Rad. vincetox. succisæ, enul. pæon. mar. caryoph. ana ʒβ.

3ß. bacc. lauri 3iß. anet. salvi. serpi. ana. gr. xv. speci. pleris
Arth. diamos. dulcis, dianth. ana scrup. ß. Fiat pulv. dos. 3j.
Thonerus, qui expertus est in filio suo.

℞. Pulv. confec. ex casto. opopan. antim. & sang. dracon. Aliud.
ana q. s. superbib. parum aquæ hyss. sine dubio sanat epilepti-
cum; inquit Bayrius.

℞. Theria. veter. 3j. aquæ pœon. 3vj. spirit. vitrio. gutt. iiij. Aliud.
Expertum remed. à sacerdote; quo postea usus sum cum felici
successu, ut habetur cap. de Epilepsia.

Ad caput expurg. ℞. Rad. irid. 3ß. folior. majora. saly. & Erthinum.
beton. ana maj. Contund. in morta. & succ. extrahatur, affun-
den. sensim. vini, & aquæ beton. ad 3ij. Riverius. v. Caput-
pur.

Ad erysipelata. Acc. propriam urinam melle subactam, sum- Erysipelas.
mo mane, tribus diebus continuis. Tutus eris ab erysipelate,
ut experiuntur quotidie Cimbri, teste Thoma. Bartholino
histor. anatomi. cent. vj. historia 72.

℞. Lythar. aur. in pulv. tenuissi. redactum; conclude in Aliud?
linteo & applica. De hoc plurima vidit experim. Barthol. ubi
supra.

Ad juvandam expectorationem. ℞. Aqu. pluvia. coctæ, & Expectora-
tepidæ 3ßii. mell. virgin. despum. 3ß. vitel. ovor. n. iii. Agi- tio.
tentur, misce diligenter ad modum hydrom. & dentur ad po-
culum. Lotichius. v. Pectus expurgans.

Ad faciei ruberula. ℞. Camph. sulphu. an. 3i. myrrhæ thu- Faciei tuber-
ri. ana 3ß. In pulv. redacta, infund. ad solem in aqu. ros. 3ßj. cula.
in vase vitreo. Nihil efficacius ad tubercula. Matthiolus. v.
Remedium Evonymi ad bronchoclen, quod valet ad omnia
nascentia mala in facie.

Ad faciei ruborem pustulosum, nihil proficiens Zacutus, Faciei rubor.
fonticulum dextro cruri imponendum curavit, sanatus est æ-
grotus, in praxi miranda habetur.

Ad faciei ruborem. ℞. nucleo. persico. 3iiij. sem. cucurbit. Aliud.
3ij. Ex his fiat oleum per express. quo facies liniatur; expe-
rimiento probatum, ait Alexis Podemont.

Ad faciei rubo. à sole. ℞. Cerussæ, fiat linim. cum oleo Faciei rubor
ros. & viol. Horstius. G. à sole.

Faciei pust.
rubræ.

Ad faciei pust. rub. ꝛ. Merc. vivi & aceti ana ʒß. camph.
scrup. ß. pulv. ros. ʒj. succi limon. ʒß. aqu. ros. ʒij. Horstius
G.

Aliud.

ꝛ. Saccha. satur. q. f. solvatur cum aqua ros. plantag. aut so-
lani. Crollius.

Aliud.

ꝛ. Aquæ stillat. sterc. vaccæ mense Maio. collec. ʒiiij. bibe
novem dies consecutos, mane jejuno ventriculo, postea deambu-
lando per mediam horam: Et quolibet anno semel tantum bibe
mense Maio, ad præcavendam rubedinem, hæc aqua quo ve-
tustior, eo melior; valetque ad arthritim & ulcera maligna,
calidissime applicando in arthritide.

Febris Epia-
la.

Ad febrem epialam. ꝛ. Flor. chæm. p. iij. comar. absyn.
pont. pij. Coque in ʒiiij., aquæ ad consump. mediæ partis;
adde sacch. ʒiiii. dos. ʒv. aut vj. quolibet mane. Hoc auxilio
feliciter usus est Zacutus.

Febris diu-
turna.

Ad febres ex obstructione diuturnas ꝛ. Drach. ij. rhabar. vel
drach. j. pro infantibus, in taleolas concisæ; Linteo raro in-
cludantur, & in aquæ cicho. ʒbj. infundantur. Dosis ʒiiij. no-
dulo quolibet mane expresso. Has omnes febres se curasse hoc
remedio testatur Montanus. Hoc etiam ego usus sum, in qui-
busdam affectibus longis cum febre, parte affecta non bene co-
gnita, semper mihi bene cessit.

Febris in-
term.

Ad omnes febres; Quidam utebatur ʒj. sulphu. sumpta in
ovo forbili.

Aliud.

ꝛ. Folior. & flor. centau. mino. ʒii. cor. cer. usti præp. ʒiß.
salis absyn. & card. bened. centaureique mino. ana scrup. j. ma-
nus chris. perl. ʒii. Dos. scrup. iiij. in aqua font. frigida, expe-
ctando sudorem. Hoc solo remedio multas curavit tertianas
Lotichius.

Aliud.

ꝛ. Salis absyn. gr. xv. pulv. folior. cent. mino. ʒiß. sacch.
ʒiß. Dosis coclea. ii. cum cerevis. vino, aut aqua car. bene
hora paroxif. Idem.

Aliud.

ꝛ. Telas aran. ʒiii. opii præp. gra. iii. aut iiiij. ungu. popul.
& rosac. ana ʒij. olei anis. aut salv. gut. ii. aut iii. Lotichius.

Aliud.

ꝛ. Cort. sambuci, rutæ, salv. ana mß. bacc. junip. pij.
Cum sale & acetò contusa pulsibus temporum, & manuum in-
cipiente paroxismo applicentur, sicut & telæ arane. Lotichius.

Ad

Ad fistulam lachrimalem, etiam antiquam. ℞. Mell. pu. Fistula lachri.
 & aloës hepat. ana ℥ii. myrr. ℥i. croci. ʒß. aquæ thii: Coqua.
 lento igne ad consump. mediet. In decoct. calido, madesi.
 spongiæ novæ frustulum, quod postea expressum, & linteo
 raro involutum applicetur, & videbis mirabilem effectum, si-
 cut ego sæpe expertus sum; inquit Bayrius.

Ad fluxionem in pectus cum raucedine. ℞. Oxy. scyllit. Fluxio in pe-
tus.
 ʒiii. aquæ vitæ rectific. ℥ii. specier. diaire. drach. β. olei anisi
 gut. v. opii gr. i. saccha. candi. ʒiiß. fiat eclema. Lotichius.

Ad sistendas, & exsiccandas fluxiones, & reprimendas eva-
 porationes ad caput, singulare præsidium. ℞. Majo. flor. anth.
 ana scrup. iß. nuc. mosch. mac. sem. nig. roma. ana scrup. i.
 campho. gr. i. Crassiusc. contu. indantur linteo ad odorandum:
 Inservit etiam ad capitis dolorem. Horstius.

Ad fluxum hepat. ℞. Conf. rad cicho. conf. ros. anti. ana
 ʒß. pulp. passu. corinth. ʒvi. limat. chalyb. ʒi. cora. rub. cornu
 cer. usti præp. ana ʒiß. spirit. vitrio. scrup. i. Cum syrupo de
 endivia fiat electu. Horstius. v. Hartm. de sale corallorum.

Ad fecunditatem potio efficax, inquit Nic. Piso. ℞. Ca-
 sto. scrup. i. aut ʒß. & ʒi. Cum decocto mercur. propine-
 tur, tribus aut quatuor diebus ante mensium tempus. v. Con-
 ceptio.

Ad foedas virginum colores. ℞. Vini thii, erythrod. absyn. Fœdi virg.
colores.
 chelido. ana mi. cinam. ʒii.: Infun. & cape. ʒvj.

Ad foetorem anhelitus. ℞. Flor. & folior. rorisma. q. v. Foetor anhe-
lit.
 cum vino albo decoquantur, parum myrrh. cinamo. & benioi.
 addito, hoc vino os collatur. Alexis.

Ad foetum mortuum educendum: ℞. Fellis tauri ad quanti-
 tatem fabæ, cum vino albo hauriatur, & statim foetum emit-
 tet. inquit Bayrius. v. Partum juvantia.

Ad foetum expellendum. ℞. Confec. alcher. ʒi. borra. troch. Foetum eji-
ciens.
 de myrr. ana drach. β. dictam. cret. drach. i. casto. scrup. j.
 aquæ bugl. ʒiiij. fiat potio.

Ad deturbandum foetum mortuum. ℞. Uvas suspensas pu-
 trid. projice in aquam ferventem, per horæ dimidium, eas su-
 pra ardentes prunas injice, fumumque excipiat mulier quadran-
 tis spacio, septies in die. Mirabile, inquit Zacutus, quod in

tam facili remedio, tanta vis recondita sit, quod ego feliciter sapius sum expertus. v. Praxim. histo. lib. 3. cap. 17. observ. 2.

Aliud.

Acc. orbem quo mensæ sternuntur; impone supra umbilicum, deinde manu fortiter percute. Sic Medicus Hispanus foetum mortuum dejecit; ut refert Thom. Bartholinus histo. anatom. cent. vj. histo. 83.

Fœtum servans.

Ad servandum foetum. R. Masti. lad. ana ℥iiii. colopho. picis naval. ana ℥iii. ceræ rubræ ℥ii. terebinth. ℥ii. bistor. nucum cupr. ana ℥β. nuc. mosch. drach. ii. berber. drach. i. ligni alo. sant. rub. ana drach. i. rasu. ebo. scrup. iiij. cora. rub. drach. j. præpar. anthe: drach. ii. coria. præp. cinam. crassio. cubeb. ana drach. j. fiat empl. cui. additur pro divitibus drach. j. moschi. Zacutus. v. Aborsum.

Aliud & ad fecund.

R. Scob. tenuiss. ebor. cum saccha. fiant tabellæ. pond. ℥j. superbibendo parum vini aut aquæ rosæ. Mirabiliter confert, inquit Zacutus, & ad fecunditatem, & melanch. hypochondria.

Gallici dolores.

Ad dolores musculorum ex morbo gallico. R. Olei irini, & de keiri, & lauri. ana ℥iij. axung. porci. ℥viii. suc. rad. ebur. rutæ agrest. & absyn. ana ℥iij. vini gener. ℥bβ. coquantur omnia lento igne ad consumpt. succ. & vini colatu. adde bdell. dissol. in aceto. ℥j. oliba pulv. ℥ij. euphor. pyreth. ana ℥v. ceræ q. s. fiat. unguentum, cum ℥iβ. mercur. extincti, cum quo calide unge membra dolentia summo mane, & postea fudet, fiatque inunctio per duodecim dies, & amplius si opus fuerit. Poterit fieri unctio per intervalla quatuor horis ante coenam. Expertum remedium à Bayrio. Quod & ego postea feliciter expertus sum.

Gallico morbo pil.

Ad morbum gallicum pilulæ, quæ mercurii dicuntur. R. Diagrid. troch. alahand. rhab. hermod. jalap. semin. rubiæ, hydrarg. ana ℥iij. confect. alcher. & theria. veteris ana ℥β. terebenth. q. s. fiant pilulæ. Dosis scrup. ij. & ℥j. v. obser. 41. lib. 5.

Ganglium.

Ad ganglium, & lupiam. R. Ammo. sagap. ana ℥ij. galba ℥iij. hermodac. ℥j. sulph. ℥ij. terebinth. parum: Gummi dissolutis cum ℥iij. aquæ vitæ, fiat emplastr. ad hæc probatum.

Ad

Ad genuum, & tibiæ inflationes, rubedinem, & humorem in eis. \mathcal{R} . Resi. pini $\mathfrak{t}\mathfrak{b}\mathfrak{i}\mathfrak{i}$. galba. $\mathfrak{z}\mathfrak{v}$. mastich. $\mathfrak{z}\mathfrak{i}$. Resina & galba. Liquefactis, addatur mast. pulver. & extendatur super alutam ad semidigiti spissitudinem; deinde Acc. porcellosi Antonii, & cum adipe porcino fiat in mortario linimentum quo liniatur emplastrum, prius calefactum, & ponatur sub genu, aut sub tibia, parte carnosâ, seu poplite, sinaturque tres aut 4. dies, & si sint ampullæ, remoto emplastro, aperiantur, & laventur vino decoctionis Agrimon. Ros. Plantag. & folior. olivæ, & absterso emplastro, iterum unguento illitum superponatur, & fiat, ut supra dictum est; sicut enim aquosissimum magna quantitas vacuabitur, & sanabuntur inflationes. Alexis.

Genuum inflatio.

\mathcal{R} . Olei amygd. dulc. & chamæm. & mel. antho. ana $\mathfrak{z}\mathfrak{i}\mathfrak{i}\mathfrak{s}$. sacch. rubri $\mathfrak{z}\mathfrak{j}$. vitello ovar. n. ii. jusculi gallinæ $\mathfrak{z}\mathfrak{x}$. fiat. clyster. notandus in gravidis, & puerperis. Inquit. Thonerus.

Gonorrhœa. v. lib. 5. observat. 38. & ritu. Lapis. De cantharidibus. Gravid. & puerp. clyst

Ad hemicraniam. \mathcal{R} . Pulv. thur. & myrr. q. s. Cum albumi. ovi excepta superponantur. Matthiolus.

\mathcal{R} . Folia matric. mj. Calefiat in sartagine, & bis aut ter calidum vertici applicetur. Liber arconorum.

\mathcal{R} . Aquæ stillat. ederae nuci adherentis, & ex ea fiat errhinum: Provocando somnum, sedat dolorem. Monachus quidam.

Hemicrania.

\mathcal{R} . Cucumer. sylvest. rad. viridem minut. incisam, & absynth. ana q. s. decoque in aquæ par. ij. & tribus olei. Hydrelæo mediocriter calente partem fove; radicem vero, & absyn. contusa in modum linimenti superpone. Hoc solo medicamine, mulier quædam mirandum in modum inclaruit sanando hemicranias, sive cum febre, sive sine febre; Cujus exemplo curavit etiam, Paulus Ægineta v. cap. 5. lib. 3.

Aliud,

\mathcal{R} . Nucleo persic. amygd. dulc. excortic. ana $\mathfrak{z}\mathfrak{v}\mathfrak{j}$. sem. canab. & papav. albi ana $\mathfrak{z}\mathfrak{v}$. camph. gr. iij. in aceti ros. $\mathfrak{z}\mathfrak{j}$. solutæ, aqu. verbe. beton. & rosar. ana. $\mathfrak{z}\mathfrak{i}\mathfrak{j}$. Fiat emulsio pro frontali.

Aliud,

Ad hæmorrhagiam desperatam. v. Remedium dysenteria.

\mathcal{R} . Thur. par. ij. aloes p. j. Cum pilis lepor. ex ventre excerptis & minutissime incisis, subigantur cum ovi albumine: Ex jugularibus venis sanguinem sistit sine ligatura. Galenus 5. meth. cap. 5.

Hæmorrhagia. Aliud,

- Aliud.** ꝛ. Sterco. asini in pulv. tenuiss. redacti. q. s. omni juri, potuique ægrotantis, permiscuit Zacutus, tabellas confecit, quas ægroto tantisper à fluxu levato, edendas præbuit cum aqua chalybeata, & desperatam hæmorrhagiam sanavit: ut habetur lib. ultimo, praxis histor. numero 4. Obser. unica.
- Aliud à dent. te.** ꝛ. Gum. arab. in pulver. red. & dentis cavitas impleatur; hoc remedium, aliis nihil proficientibus, expertus est Zacutus.
- Hæmorrhoidum dolor.** Ad dolorem hæmorrhoidum. ꝛ. Herbæ linar. cum flo. q. v. contu. decoquatur cum adipe porc. quousque adeps valde vire-scat fiatque unguen. cui expre. & parum refriger. vitellus ovi misceatur. Ego non soleo vitellum ovi permiscere, nisi applicationis tempore; usuque comperi, unguentum, in hac regione, viriditatem amittere post annum, & cum ea virtutem; quod Massiliæ non contingebat.
- Aliud.** ꝛ. Olei ros. ꝑj. cerv. ꝑß. tragac. scrup. j. liquo. albi ovi, & ceræ ana zij. mirum in modum dolorem, & ardorem temperat, ait Christo. A Vega.
- Aliud.** ꝛ. Olei recent. juglan. coque in eo oniscos. seu milleped. mirabiliter dolorem sedant: Possunt etiam decoqui in oleo com. Quercetanus.
- Aliud.** ꝛ. Sevi ex semicand. buty. in vino albo cocti tantundem, pomi derafi n. j. Coquantur omnia in aquæ ros. q. s. & fiat pomata colat. & expressa. Experimentum Chirurgi in Episcopopo, qui dedit illi decem nummos aureos.
- Aliud.** ꝛ. Liquo. nigri, defluentis ex brachiis æris campani muro affixis. q. s. Ducatur in mortario plumbeo longo tempore; statim dolorem sedat: Experimentum Pharmacopœi.
- Aliud.** ꝛ. Ping. anat. & gallinæ recentium ana ꝑj. olei ros. ꝑij. ceræ q. s. liquefiant, & post infrigidationem adde opii zj., & cum recenti vitello ovi fiat unguentum, quod non habet simile, inquit Bayrius.
- Aliud ad internas.** Ad hæmorrhoidas internas. ꝛ. Buty recentis ꝑij. albi Rhas. zii. alum. comb. zi. olei rosa. ꝑß. aceti tantillum; Cum succo sempervi. fiat ungu. quod in eodem succo demersum debet manere, & cum turundis eo illitis in anum intromitti. Expertum à fratre Augustino remedium. Hoc unguentum post triduum debet renovari.

Ad sistendum sanguinem ex hæmorrhoidibus. \mathfrak{R} . Pulv. mu- Hæmorrhœ-
nimium
fluens.
miæ transmar. & suberis cremat. Dextre applicatum orific. vena-
rum. confestim sistit. Hartmannus.

\mathfrak{R} . Croci mart. scrup. β . & scrup. j. detur cum conserva ro- Aliud.
sa. femel & iterum.

Ad aperiendas hæmorrhoidas; folia ficus recentia sæpius ap- Hæmorrhœ-
aperien.
plicata, & iis locum fricando, si liceat, aperiunt; Item cepa-
rum succus cum aloë, panno aspero fricando. v. cap. de hæ-
morrh.

Ad hepatis imbecill. à causa calida. \mathfrak{R} . Terebinth. vene. in Hæcicis re-
medium. v.
tit. Atro-
phia. Hepa-
tis imbecil-
litas.
aqua end. lotæ $\mathfrak{z}\beta$. rhab. $\mathfrak{z}\text{ii}$. sem. endi. & jeco. lupi, ana $\mathfrak{z}\text{i}$. fiat
mistu. dosis $\mathfrak{z}\text{ii}$. Bruele. v. Flux. Hepaticus. A causa frigida. v.
Iecor. imb.

Ad herniam. \mathfrak{R} . liquor. vesicul. ulmi q. s. in eo panni made- Hernia.
facti superponantur, & ligentur. Matthiolus.

\mathfrak{R} . Rad. consol. major. contund. & superponatur. Experi- Aliud.
mentum Pharmacopœi in seipso factum, recenti existente her-
nia. v. titu. Bubonocèle. v. Sarcocèle.

Ad herpes. \mathfrak{R} . rad. hastu. regiæ, seu asphodeli; decoqua- Herpes.
tur in aceto, & applicetur; Est singulare remedium. Mat-
thiolus.

\mathfrak{R} . Ungu. albi Rhafis $\mathfrak{z}\text{i}$. succ. plant. $\mathfrak{z}\text{ii}$. sulph. $\mathfrak{z}\text{i}$. fiat. ungu. Aliud.
quod ego sæpe expertus sum. v. Impetigo.

\mathfrak{R} . Lanam albam, quam tonsores ex pannis albis tondere so- Herpes ex-
tens.
lent, combure in vase testac. donec nigra evadat; trita & cum
aqua ros. aut plant. mixta atramentum sutorium repræsentat:
Hoc liquore ulcus circum circa illinatur; mirabilem experieris
utilitatem, ait Zacutus.

Ad hydrocephalum. \mathfrak{R} . Pulv. absyn. chamom. & melilo. ana Hydroce-
phalus.
 $\mathfrak{z}\text{ii}$. butyri recens. olei chamæm. ana $\mathfrak{z}\text{iiii}$. ceræ parum, fiat ungu.
quo infantem intra dies tres se curasse scribit Amatus lusit cent.
i. curat. 69.

Ad hydropem. \mathfrak{R} . rad. lilii. cælest. agar. cala. arom. laccæ aza- Hydrops.
ri, ros. rub. spi. nardi, cinam. ligni aloes, ana $\mathfrak{z}\text{i}$. eupato. nucleo.
persic. ana $\mathfrak{z}\text{ii}\beta$. anisi, Mastic. à $\mathfrak{z}\text{ij}$. Cum serap. confec. ex melle
& vino invicem coctis, fiat opiata: Dos is $\mathfrak{z}\beta$. cum decoct. ireos,
& eupat. Est ultimum remedium, ait Bayrius, cui non invenitur
fimi-

simile ad hydropem, & frigiditatem hepatis. Fortiter provocat urinam, & generaliter nulla medicina est ei similis. v. aliam ejusdem virtutis. cap. de Hydropse.

Aliud. ℞. Pulv. canthar. nigrar. grillos vocant; ablatis capitibus & alis in furno cremantur, & datur ʒi. Ita enim movet urinas, ut multi hydropici sanati sint. Guido à Gauliaco.

Aliud. ℞. Urinæ pueri, in viris, puellæ in feminis ʒv. calida & recens bibatur, jejuno ventriculo, per multos dies, & post tres horas hauriatur juscum, in quo nodulus tartari incoxit. Eques depositus à Medicis, bibit pueruli sui urinam, per tres hebdomadas, & omnium admiratione sanatus est, & iterum discessit stipendia meriturus.

Aliud. ℞. Pulv. bufonum: Hoc remedio. Romæ sanatus est hydropicus diu decumbens, cui ejus uxor, sumptuum pertæsa, de eo dederat, veneno tollere cogitans; unde copiosum reddidit lotium iterumque dato pulvere, ut mortem præcipitaret. Sed multo uberius reddita urina, præter spem sanatus est vir ejus, ut habetur in lib. 3. de lamiis Wierii. cap. 36. §. 9. ex Gisber. Horstio.

Hyperacatharsis. Ad hyperacatharsim. ℞. Theria. recent. scrup. iiii. & si antiqua fuerit adde opii gr. ii. vini genero. ʒiii. detur unica vice Bruele.

Icterus. Ad icterum. ℞. Sterco. anserculi vere collecti, cum herbis vescuntur, in sole, aut loco calido siccatum, detur ʒß. aut ʒi. si morbus sit pertinax, vel per se, vel cum vino albo. Quercetanus, vel fac ejus compositionem; ut sequitur, descrip. in Pharma. restit. pag. 147.

Aliud. ℞. Chelid. totius mj, folior. & flor. hyperi ana mß. rasu ebor. pulv. sterco. anserculi, ana ʒiii. croci ʒß. Pulvis sterco. anser. & croci. ponantur in nodulo, & cetera simul coquantur in vini albi, & aquæ scolop. ana colentur, & dulcor. si velis, pro tribus dosibus. Mallem ego uti in for. pulv. dando ʒj. in vino albo, aut aqua cicho. vel in forma boli.

Aliud. ℞. Pediculos vivos numero vi. aut iiii. præbe bis aut ter devorandos in ovo forbili. Hujus præsidii sæpe fecit experimentum Zacutus, indeque sæpe commodum invenit, & multi usus. Ut habetur lib. ult. prax. hist. n. 7.

℞. Mar-

℞. Marrub. ℥ij. rad. helen. & bugl. folior. eupat. ana ℥iſſ. Aliud.
 agallo ℥j. decoqu. in vini albi gener. ℥liij. aut aquæ, ſi febris
 adſit ad conſump. duarum partium: In colat. infu. in nodu. in-
 clu. rhab. ℥j. ſæpe exprimendo. Eſt præſtantiffimum remedium
 ad icteritiam, inquit Matthiolus; ſi ℥ij. quolibet mane ſuman-
 tur decem diebus continuis, ſaccharo dulcor. ſi velis.

Ad jecoris imbecillitatem à cauſa frigida. ℞. Diagal. ℥iſſ. Jecoris im-
 trochi. de abſyn. ℥j. ſem. endiv. drach. β. ſacch. albiff. aqua en- beccill.
 diviæ diſſol. q. ſ. Fiant tabel. doſis. drach. ij. Bruele v. Hepar.

Ad ileon ex ſæcibus induratis. ℞. Decoct. aneth. in oleo, & Ilcos.
 aqu. q. ſ. bibatur, deinde fruſta panis in aqua ferventi madefac.
 præbeantur. Mirum in modum juvantur ægroti; etiam ſi vo-
 matur ſtercus. Inquit Oribafius.

℞. Pelviculam butyro plenam; apponatur umbilico; Quod Aliud.
 penetrare ventrem, ac fœces liquare, & emollire, experimen-
 to novimus. Inquit Chriſt. A Vega.

℞. Olei. q. ſ. ad ſemicup. deinde ℥bj. decocti omenti verve- Aliud.
 cini detur potanda. Hoc remed. ſanavit juvenem Zacutus in lib.
 ult. prax. hiſt. n. ij. obſer. i.

℞. Sterc. vaccæ quam recentiffimi, eo univerſa ventris Aliud.
 regio emplaſtretur inferior. Hoc remedio, aliis nihil proficien-
 tibus viam inteſtinorum aperuit Idem, ubi ſupra obſervatio 2.

Ad impetiginem ſeu herpetem. ℞. Cerae albæ ℥j. olei ℥ij. Impetigo.
 liqueſc. adde ceru. ſtorac. liqu. ana ℥ij. Quibus probe mixtis,
 adde ſublim. in pulv. tenuiff. red. gr. vj. Fiat ungu. mane & ſe-
 ro utendum. Liber arcan. v. Herpes.

Ad inappetentiam. ℞. Terebinth. venetæ ℥ij. maſtich. ℥β. Inappeten-
 aromat. roſ. ſcrup. β. Fiat bolus, duabus horis ante cibum ſu- tia.
 mendus. Nullum ex internis valentius remedium, ut ſtoma-
 chus moderate caleſcat neque exſiccetur. Zechius.

Ad incubum. ℞. Aloë ſcrup. j. formetur pilul. includatur in Incubus.
 paſſula exemptis acinis, & quolibet mane in aurora devoretur,
 duabus horis ante paſtum. Experimentum Zacuti. lib. i. hiſt.
 cap. 8. de Incubo. Valet etiam ad vertiginem.

Ad inflammationes internas. ℞. Olei ſacch. ſatur. per deli- Inflammatio
 quium facti, gut. iij. in aquæ roſ. aut plantag. q. ſ. propinetur. interna.
 Crollius in Baſilica chymica.

Inflatio ventris, extor-
mi.

Ad ventris inflationes, & tormina. ℞. Vitel. ovor. n. vj. fortiter agitentur, & cum pulv. cumi. anis. fœnic. ana ℥j. fiat ad ignem placentula ventri calide applicanda. Experimentum Roder. à Castro.

Infania.

Ad infaniam. Acc. linteum nullo usui acceptum; intinge in sanguine asini, & exsicceetur. Acc. de eo frustulum pollicis longitudine, & duorum digitorum latitudine. Macera in haustu aquæ font. donec color exeat: Da postea bibendum tribus diebus continuis, eliciendo sudorem. Expertum in mania, melancholia, & infania, remedium, in fabro lignario. Hartmannus.

Intestini
egressio.

Ad recti intestini egressionem. ℞. Cineris scarabeo. pilularium q. s. Asperge intestinum, & quo modo poteris repone, nunquam postea egredietur, ait Hartmannus. Scarabei exsiccantur ad solem in vase vitreo, deinde in pulverem rediguntur.

Ischias.

Ad ischiadem. ℞. Ligni junip. minutim incisi q. s. ℔. 12. fiat semicup. decoquendo in aqua suffic. ad consumpt. tertiæ partis; probatum est experimento, ait Matthiolus.

Aliud.

℞. Fœnug. in melicrato cocti usque ad dissolutionem, deinde contundatur, & iterum cum melle coquatur, extensumque super pannum applicetur: Confestim juvat, & ad podagram, & omnem dolorem articulare, inquit Bayrius.

Aliud.

℞. Theria. vet. aut mithrid. & sinapi pulv. q. s. fiat cataplas. cum aqua vitæ rectif. Liber arcano.

Aliud.

℞. Centaur. minor. q. s. decoquatur. Per clyst. infusum, mirificum est auxilium, humorem enim elicit, & dolorem sedat. Fernelius.

Aliud.

℞. Mellis optimi; linatur coxa, & articulus dolens, postea asperge calce viva copiose, tandiuque sinatur, donec ægrotus sentiat dolorem parti ingruentem; quod bis aut ter repetatur. Varandæus. Alii loco calcis vivæ, utuntur nasturtio.

Ischuria.

Ad ischuriam. ℞. Cantharid. scrup. j. In pulver. redac. infu. in vini albi gener. ℥iij. aut iiij. per aliquot dies: Trajice postea per chartam bibulam. Ex hoc colat, accipe cochlear. j. misce cum aliis septem vini. Da prima die unum; secunda die duo: In Ischuria, gonorrhœa virulenta, & calculo. Experimentum.

mentum celebris Medici. ex Thoma Bartholino cent. 5. histo.
82.

℞. Stercor. bovini recen. & calidi, q. f. Applica supra pe- ^{Aliud.}
ctinem usque ad anum: Quod si stercus recens haberi non pos-
sit, utere sicco cum appropriatis oleis, ad ignem mistis.

℞. Olei succini rectif. gut. vj. aquæ petrosf. coclear. ij. aut <sup>Aliud, & ad
dyfur.</sup>
iij. Non modo lotium provocavit, inquit Thonerus; sed &
omnem dolorem sustulit.

Ad juncturarum dolores. ℞. Succi absyn. croc. opii, ana <sup>Juncturarum
dolor.</sup>
3j. ceræ 3iiij. olei irini 3vj. vini dulc. q. f. Dissol. ceram cum
oleo, reliqua autem cum vino, simulque mista applica loco
dolenti à causa calida, statim liberat; inquit Bayrius. v. Ar-
thridis remedia; Præcipue ex Alexi. Et remedium Ischiadis.

Ad juncturarum nodositatem, & phlegma gypseum. ℞. <sup>Juncturarum
nodi.</sup>
Casei antiqui, & mordacis, q. v. coquatur cum jusculo tibie
porci salitæ, rancidæ, ad putrilaginem. Fiat catapl. quod est
mirabilis operationis, Inquit Bayrius, qui hoc expertus est,
sumptum ex Galeno. lib. x. de simpl. medic. facult. de caseo.

Ad juncturarum tumorem, qui remanet cum dolore, mate- <sup>Juncturarum
tumor.</sup>
ria calida, & subtili resoluta. ℞. Sapæ vini, furfur. salis,
ana q. f. coqu. & desuper applica in modum catapl. Dolorem
sedat & tumorem resolvit, ait Bayrius.

Ad sistendas lachrymas, quæ fluunt cum rubore oculi, & ^{Lachrimæ.}
dolore. ℞. Aquæ ros. 3iiij. Frustulum thuris accensum in ea
sæpius extinguatur; deinde accipe de ea q. v. & parem lactis
portionem simul misce, & calide, penna oculorum anguli ma-
desiant. Matthiolus.

Ad lactis abundantiam. ℞. Ceræ novæ & mellis com. ana <sup>Lactis abun-
dantia.</sup>
3iiij. olei ros. & buty. recent. ana 3j. succ. salv. & cerefol. ana
3ß. expertum Pharmacopœi cujusdam remedium.

Ad lapidem. ℞. Cort. rad. ononid. 3j. cum vino sæpe hau- ^{Lapis.}
riatur. Est singulare remedium. Matthiolus. v. Nephriti.

℞. Succi rad. raph. 3iiij. mell. 3ß. Fiat potio, tribus aut ^{Aliud.}
4. matutinis iteranda. Valde probatum remedium. Liber ar-
can.

℞. Rad. albo. alliar. 3ß. quinque rad. aperien. rad. cicho. ^{Aliud.}
sylv. ana 3j. folior. caprifol. mij. sem. ani. & fœnic. ana drach.

ij. ireos pulver. drach. j. Fiat decoct. de qua bibat. mane, & in pastu. Expertum à D. de Laviolette in D. de Rohan. v. urin. suppre.

Aliud. ℞. Succī porri, cepæ, & raph. ana ℥ij. suc. limo. pariet. & auric. mur. ana ℥ss. omnia digest. facta destillentur. Querc.

Aliud. ℞. Rad. rapha. in taleol. incisæ, q. s. mellis. quantum necesse est, ut lento igne parum coquantur: effluet inde aqua, quæ ad ℥iiij. data, mirabilem præstat effectum. Quidam amicus. v. remedium ex coral. & margar. lib. v. observ. v. & Calculum.

Lapidis ardore. Ad ardore lithiasi familiares, utere lapide cancrorum; Helmontius; cui satis est remedia proponere, non autem utendi modum. v. pag. 238. n. 25.

Lapidis præserv. ℞. Decoct. sem. dau. in ceryisia facti: utere. Helmontius; qui vidit Consiliarium, qui per quindenae singulas solebat decumbere, usus prædicto decocto, liber à lithiasi vixit, per annos aliquot.

Lapsus ex alto. Ad lapsum ex alto, quando febris accedit, quæ signum est sanguinem extra venas putrescere. ℞. Aquæ bened. ℥ij. aquæ cerefol. ℥j. Febrem tollit, & inflammationem subito. Hartmannus.

Lateris dolor. Ad lateris dolorem. Acc. taleolam rad. brion. tostetur, & calida lateri applicetur. Liber arcano. Vel. Emp. de melil. & bac. lau. & anethi ole.

Aliud. ℞. Folia brassi. butyro illinatur frustulum, & pulvere cumi. aspersum calide imponatur. Hartmannus. v. Pleurit. empl.

Lateris inflatio. Ad lateris inflationes, & suspensiones. ℞. Thymi ℥ij. cum cochleari oxymel. propinetur jejuno. Ætius.

Lienistumor. Ad lienis tumorem. ℞. Betulæ, & flor. genistæ; Frigantur in sartagine parumper, modico aceti tantum addito, & calide appone regioni lienis induratae, vel obstructæ: movebit ventrem aut vomitum humorum melancholicorum. Lib. arcano.

Aliud. ℞. Salis com. sem. cumi. parum torrefacti. ana mss. flor. melil. mj. sem. rutæ mss. rad. ebuli. ℥ss. contusa & in sartagi. calefacta, includantur duobus sacco. rarioribus & alternat. supra lienem applicentur, acerrimi aceti vapore prius humectatis,

tis, in quo lapidis molaris portio candens extincta fuerit: Emollit, siccat, & resolvit; Inquit Bruel.

℞. Aco. ℥ij. cort. rad. tamar. fraxi. cappar. & rad. scolopen. Aliud.
ana uncias ij, confusa macer. in aceto, per tres dies, in vase cooperto vitreo, postea coquantur ad consump. mediæ partis colentur, & mellis ℥ij. addit. iterum coquantur ad consump. aceti. Dosis cochlear. j. duobus aut tribus horis ante pastum, & sequens apponatur emplastrum. v. Tumor durus.

℞. Vinum in quo lapid. crancrorum bulli. Hoc expertus Aliud.
est in se Helmontius pag. 323. n. 35. in fine. ℞. Cort. radi. cappar. & tamar. rad. scolop. & ciclam. ana unciam β. folior. hederæ mß. ammon. unciam j. serap. unciam β. Contu. in fun. in aceto., tantæ quantitatis, ut madesiant per noctem, mane coquantur ad medietatem; deinde addatur acori pulver. quan. sufficit, ad debitam consist. empl. Est singulare remedium, securum, & expertum, ad tomorem lienis quantumque magnum, & antiquum, inquit Bayrius. Bis ego hoc expertus sum; sed emplastrum fieri non potest hoc modo, nisi cera, & oleum aliquod addatur, aut terebinthina. Pharmacopœus quidam materiam inclusit sacculo, & applicavit.

℞. Verbenæ contu. cum album. ovor. & fari hordei, aut Aliud.
frum. fiat catapl. linteo raro involutum, & applicetur supra tumorem. Attrahit quasi sanguinis tenuis portionem. Quidam addunt beton. cum verbenæ. Populare remedium.

℞. Serpent. minor. præpar. drach. ij. rad. aco. vulgariis pim- Aliud.
pi. ana drach. j. oculo. cancro. cinam. ana drach. iij. salis absyn. & junip. ana drach. j. sacc. ros. q. f. Fiat pulv. Dos. drach. j. Stomachum roborat, contra hemicraneas acutas; vertigini, melanch. hypochon. arenul. & quartanæ opitulatur mirifice. Ex secretis cujusdam Medici, qui 60. ℥. quolibet anno, hujus pulveris conficiebat.

Ad lienis scyrrhum. ℞. Succu cicutæ, aut mandrag. q. f. Lienis scyrrh.
cum ammoni. distemperetur. Fiat empl. quod vocatur mirabile ab Hartmanno.

Ad lienis affectus. ℞. Aquæ stillat. rad. ebuli. Cape circiter Lienis affectus.
unciam iiij. per decem, aut duodecim dies, mane jejuno ventriculo. Experim. D Duval. D. Medici in doloribus inflationibus & obstruct. lienis.

- Lumbrici.** Ad lumbricos. ℞. Fellis tauri, fuligi, alii, ferment. veter. & parum aceti, ut fiat pasta, quæ duobus linteis inclusa, supra umbilicum, & retro è regione stomachi applicetur. Experimentum muliercularum non spernendum.
- Aliud.** ℞. Malum aureum; perforetur, & digitis comprimatur, ut succus extrahatur; deinde oleo laur. & succo absyn. rutæque, paribus portionibus impleatur, pauco theriacæ, & far. lupino. addito, parumque bulliant. Hoc linimento, pulsus, tempora, nares, stomachus, & umbilicus linantur; & videbis mirabilem operationem. Alexis. Hoc remedium semper mihi placuit.
- Aliud.** ℞. Aquæ vitæ q. s. humecta umbilicum, & asperge pulve. myrrhæ, & supinus jaceat puer. videbis vermes mortuos exire. Idem.
- Lupia.** Ad dissolvendam lupiam. ℞. Succus folior. porri, & apii, ℥ij. aquæ salitæ ℥ij. far. volati. q. s. Coque ad spissitudinem, & olei olivar. Unciis ij. additis, iterum coque. Verum, & expertum remedium; Inquit Liber arcano. v. Ganglium.
- Mania.** Ad maniam. ℞. Moschi gr. xij. campho. gr. xxiiij. aquæ rosa. sant. rub. tinctu. impreg. Unciam xx. misce pro epithemate futuris omnibus applicando calide, per 24. horas, & renovando quoties exsiccatum fuerit, Miris laudibus effert Penotus.
- Aliud.** ℞. Folior. melissæ mj. minutim incidantur, & infund. in spir. vini Unciam iiij. adde margar. præp. drach. β. dosis cochlea. ij. Arcanum cujusdam familiæ Monspelienfis. Riverius.
- Matricis suffocatio.** Ad matricis suffocationem. ℞. Olei rutæ, chamæm, & lauri. ana Unciam v. moschi gr. iiij. Fiat clyster statim injiciendus, qui multum profuit Massiliæ cuidam mulieri.
- Aliud.** ℞. Folia rutæ minut. incisæ; cum albo, & luteo ovi. agitentur & coquantur in sartag. in formam aumelette, & calide supra umbilicum applicentur. Experimentum cujusdam, qui etiam ovorum testas imponebat.
- Aliud.** ℞. Cort. ficus q. v. exsicceetur, & super carbones injecto, ore fumus excipiat. Liber arcan.
- Aliud.** ℞. Pulv. hieræ picræ scrup. j. assæ foet. & cast. ana scrup. β. fecu. brion. & salis arthem. ana gr. vj. cum theriaca fiant pilu.

lu. aut mors. addendo opii gr. j. aut ij. Capiat.

℞. Casto. drach. j. Aliquando cum mulla, aliquando cum arthemisiæ decocto propinetur. Assidue potatum, ab hoc morbo penitus liberat; Ait Nicol. Piso. Aliud.

℞. Terebith. & diaphæn. ana drach. ij. pulv. hier. purg. drach. β. Fiat pro hoc affectu pessar. ad expurgandam matricem. Aliud.

Ad matricis ulcera, & uretræ. ℞. Succī sempervi. majo. Unciam iiij. Lythar. Unciam j. vitell. ovar. n. ij. Dio agitati in morta. plumbeo, utere. Remedium Chirurghi Parisiensis. Matricis ulcera.

Ad omnes morbos melancholicos, utere pilulis purgan. descriptis cap. de febre quartana. v. ultimum F. remed. & utere, in hypochond. probatum. Melancholi

Ad memoriæ jacturam. ℞. Menthæ sic. puleg. eufra. verbe. gallitri. corian. præp. ana drach. j. flor. rorism. drach. iß. cala. arom. & cinam. ana drach. ij. caryophy. drach. iß. moschi, & gal. moscha. ana gr. vj. mellis anacar. & styr. calamit. ana drach. β. Cum aqua fœnic. fiant pastili in modum pessuli. Hoc remedio utentibus, purgato prius corpore, diæta exsiccans usurpetur, parum coenando, cum passulis & amygdalīs, & paucō pane. Prandium erit caro assa gallinæ, turtur. perdicis. Potus erit vinum album unius anni, modice dilutum; & hoc per quadraginta dies. Singulis noctibus pessulum indat nari sinistræ, circa horam somni, & cotone narem obturabit, & sic fervabit tanto tempore; quantum insumeret, in recitandis tribus P. N. & tribus A. M. His diebus elapsis, novo recens factō pessulo, eum indit in nares, & cotone obturabit, ut dictum est, deinde leget attente quæ voluerit addiscere, per horam, aut etiam duas; Et postea secluso pessulo dormiet, singulaque mane memoria tenebit. Christopho. A Vega. Memoriæ jactura.

℞. Orig. puleg. calaminthæ, ana ziiij. macis, cinam. ana. zij. pip. galan. Zinzib. caryoph. carpesio. ana zß. casto. scrup. ij. Fiat pulv. dos. zj. cum vini albi zj. aut aquæ mul. zij. Sannis dosis scrup. ij. cum conf. stœc. superbib. aquæ fœnic. ziß. pergendo in usu per octo dies. Idem. Aliud.

℞. Confect. anacard. scrup. ij. cape tribus, & alternis diebus, cum aqua fœnic. maxime prodest, ut centies expertus est idem A Vega. Aliud.

Ad

Menses albi. Ad menses albos. ℞. Salv. fals. paril. & balaust. ana Cape ʒj. mane cum jusculo per aliquot dies. Est remedium aulicarum.

Aliud. ℞. Rad. sygilli salom. saccha conditar. Est experimento probatum remedium sæpius utentibus. Matthiolus.

Aliud. ℞. Pulv. torment. ʒj. coral. rub. ʒß. eboris. scrup. j. Cum aqua stillat. ejusdem herbæ propinetur. Efficax est remedium. Inquit Idem.

Aliud. ℞. millef. cum flor. ʒij. coral. rub. & carabe, ana ʒß. Fiat pulv. qui valde prodest. Idem.

Aliud. ℞. Decoc. folior. querc. ʒv. coag. lepor. ʒj. Octo dierum spacio sæpius utentibus curavit veteres fluxus Mercurialis.

Aliud. ℞. Pulv. herbæ potentil, cap. vener. ana ʒij. sem. planta. malva. coral. albi, ana ʒß. nuc. mosch. carioph. ana scrup. ij. essen. citri scrup. j. sac. rosac. tabellati. manus chri. perl. ana ʒß. Utatur aliquot diebus ex aqua plantag. & vino. Excipiendo interea suffumigium mane, & sero, ex foliis salviæ carbonibus injectis, hoc modo curavit mulierem Lotichius.

Menstrua provocans. Ad provocanda menstrua. ℞. Trochisco. de myrr. ʒj. aqu. puleg. ʒiiij. syru. arthem. ʒj.

Aliud. ℞. Spec. dialatyr. ʒj. cro. scrup. iiij. sacch. ʒj. succ. sabin. q. s. ad tabell. conficiendas. Expertum à Paracelso, in consiliis.

Aliud. ℞. Rad. valer. alth. rubeæ, enu. camp. cucum. agre. ana ʒbj. fol. malvæ, mercuria. puleg. matric. arthem. melissæ ana miiij. flor. chamæm. mij. sem. fœnugr. contu. ʒij. sem. ani, & dauci, ana ʒj. fiat balneum.

Aliud. ℞. Pulv. sabin. eo utere. Est fortior. omni alia re; inquit Bayrius.

Aliud. ℞. Scori. seu recremen. reguli. antim. q. s. Aquæ com. ebulliendo fiat lixivium: De eo supra candentes filices, injecto, excipe fumum in sella perforata. Pertinacissimas mensium obstructions aperit. Inquit Hartmanus.

Menses nimium fluentes. Ad menses nimium fluentes retinendos. ℞. Cutic. pedis asser. exsicceatur. Data ad ʒß. & scrup. ij. subito fistit, & omnibus præstat; Inquit Idem. Valet etiam in aliis fluxibus.

Mictio sanguinis. Ad mictionem sanguinis, utere trochiscis, Ad sputum sanguinis, in S. descriptis.

℞. Pulv.

℞. Pulv. folior. vitis, quæ post vindemias rubescunt. ℥i. cap. Aliud cum vino albo. Liber arcanorum.

℞. Succ. plantag. & millefo. ana ℥j. philo. ℥i. Fiat potio: Aliud. Est singulare remedium, inquit Matthiolus.

Ad molam excutiendam. ℞. Malv. alth. hyssō. calamen. & arthem. cum floribus ana q. s. decoquantur in oleo suffi. & pars ad imum ventrem attinens foveatur cum vesicis: Probatum à Valleriola. Molam excutens.

℞. Aquæ stillat sperm. ranar. cum sæce destillationis, succ. cicu. & pulv. bufo. exsicc. fiat ex his catapl. ventri applicandum quo sequente die applicationis, ejecta est mola 15. mensium. Præscriptum à D. Grangé Medico Regio. Aliud.

℞. Euphor. ℥i. redige cum syrupo de arthem. in pilulas, & tertio quoque die sumat mulier, spacio duodecim dierum, tribus horis post cœnam. Harum ope excrevit mulier octo molas, ut ait Zacutus in praxi admiranda lib. 2. obser. 154. Aliud.

℞. Borac. ℥i. carabe, azari, cinamo nigel. roma. & vulgar. fabin. ana tantundem, galb. assæ foet. opopan. bdel. ana scrup. j. myrr. ℥ss. troch. alhandal scrup. j. pulp. colocynth. scrup. ss. Cum balsam. & aceto scyllit fiat massa, de qua si septem pilul. assumpserit mulier quinquies, tribus horis post cœnam; præcedente victus ratione optima, & præp. corpore, proculdubio molam excernet, inquit Zacutus; ut ille expertus est. Aliud.

Ad affectus nephriticos. ℞. Ligni querc. derafi ℥i. aquæ font. ℔vi. succi limon. ℥iii. Infun. omnia per 24. horas supra ciner. calid. postea coque ad tertiæ partis consump. coletur dosis ℥vi. valde prodest calidæ jecoris intemperiei, ulceribus renum, ardori urinæ; sed præcipue pituitam salsam, & viscidam, è renibus, & vesica vacuat, dysur. & strangu. causam. Potest ex hoc decocto vinum dilui. Mihi communicatum à P. Religioso. Nephriticæ affectus.

℞. Cort. acerri. raph. ℥i. ossium mespillo. ℥ii. Blande conquass. infun. horis octo, in vini albi ℥iiii. & modice calens propinetur. Est secretum quod vocatur raphaninum, ex Corbei Pharmacia, Authore Anthonio Mizaldo, multis probatum experim. Aliud.

Ad nodos, ganglium & lupiam. v. Ganglium.

Aaaa

Nodus.

Ad

Nodus à morbo. Gal.

Ad nodos à morbo gallico. ꝛ. Ungu. aurei officina ꝓiii. merc. sublim. ꝓi. Locus cum vino lavetur, & unguen. applicetur, cum panno lin. In valde tamen antiquis, locus ungatur quotidie bis, aut ter, & post consump. tophor. locus foveatur linteo illito butyro non falso, & vino loto. Hoc etiam modo curantur tumores, & dolores inveterati. Hartmanus.

Nervi debiles.

Ad nervos debiles, & arthritidem. ꝛ. Limaces rub. q. v. Oleo illiti ponantur in sacco lineo acuminato, & ad caminum ubi quotidie ignis accenditur suspendatur, & liquor decidens excipiat, quo ad ignem partes affectæ illinantur. Ex Judæo Medico experto.

Nervorum contractio & arthrit.

Ad nervorum contractionem, arthritidem, & lassitudinem pedum. ꝛ. Ranas, vermes terr. & limac. rub. ana q. v. coque cum olei pauco, cola & exprime ita ut nihil remaneat: Quo minor quantitas olei, eo melius ut pinguius & spissius evadat.

Ad vehementes oculorum dolores.

Ad dolores oculorum vehementes. ꝛ. Rosa. violar. alba. melilo. cap. papav. ana drach. ii. croci opii. myrr. ana drach. i. Cum vitello ovi ad prunas cocto, & passo, fiat catapl. Galenus ex Heraclide Tarentino.

Aliud.

ꝛ. Crustam panis secundarii; tostetur, & statim quam maxime calens aquæ immergatur, & statim extracta oculis imponatur per noctem relinquendo. Excellens remedium, inquit liber arcanorum. Heur. accepit panem album & non calefacit.

Aliud.

ꝛ. Sem. psyl. (alias lini) foenug. ana ꝓiiss. flor. euphra. melil. cham. ana ꝓiiss. sarco nutri, tuthiæ præp. ana scrup. iij. cro. camph. ana gr. vij. vitel ovor. n. ij. Contusis contud. decoque in lacte vaccino, deinde vitell. dissol. pro fotu oculi, multoties probato à Lotichio in dolore, & rubore.

Aliud.

ꝛ. Phlegma alumin. quod debet extrahi per B. M. miraculi instar. sanat oculos rubentes, & dolentes; ait Joan. Heurn.

Oculi fluentes à variolis.

Ad fluxiones oculor. à variolis. ꝛ. Aquæ plantag. eufra. rosa. ana ꝓiiss. croci. gr. v. tuthiæ præp. ꝓiiss. sacch. candi. & albi ovi in aqua loti parum. Probatur à Joanne Heurnio.

Oculorum rubedo & lippitud.

Ad rubedinem, & lippitudinem oculorum. Acc. frustulum oliba.

oliba. trigefies accensum, extingatur in aquæ ros. ꝑi.iii. & aqua per linteum transmissa, intinge angulos oculorum. Matthiolus.

Ad oculorum affectus. ꝙ. Vitrio. rom. ꝑij. alum. ꝑiii. boli. ar. ꝑß. lithar. ꝑj. Dissol. in q. f. oxycr. & exsicca ad solem, aut igne rotæ, sine ebullitione. Utendi tempore, Acc. pulv. ꝑi. aquæ font. ꝑiii. Probatum remedium mihi communicatum.

Oculorum affectus.

Ad maculas, & nubes oculorum. ꝙ. Semi. seseleos ꝑi. sem. fœni. ꝑß. sacch. candi. ꝑii. ossis sepiaꝝ ꝑß. aloes foco. troch. albi Rhafis, tuthiaꝝ præp. ana ꝑß. falis. armo. gr. 20. & amplius; secundum corporis naturam: Fiat pulv. subtilissimus in oculum insufflandus.

Oculorum macula.

Ad amissum odoratum. ꝙ. Nigel. rom. q. f. redige in pulv. & cum oleo veteri subigatur in mortario: Ex hoc liquore; capite supino, & ore aqua pleno, immitte in nares attrahendo spiritum. Galenus.

Odoratus amissus.

Ad dolorem acerbissimum ophthalmiaꝝ. ꝙ. Pomi dulc. sub ciner. cocti pulvam, ad ꝑiiii. camph. scrup. j. cro. scrup. ß. aqua ros. & lactis mulieris, ana q. f. fiat cataplasma. Bruele.

Ophthalmia.

ꝙ. Emulsio. factæ ex sem. papav. cum lacte, aqua lactu. & decoc. fœnug. Est efficax in ophthalmiaꝝ dolo. Sennertus.

Aliud.

ꝙ. Mucilag. sem. psyll. & cydonio. in aqua ros. & plant. factæ ana ꝑj. album. ovi bene conquass. tantundem, camph. gr. v. mista in oculos instillantur, à causa calida affectos. Idem.

Aliud.

Ad foetorem oris. ꝙ. Caryoph. nuc. mosc. cinam. galliaꝝ mosch. cyp. spicaꝝ, cort. citri, ligni aloës, ana scrup. iiii. moschi gr. ii. Fiant pilulae cum vino odorif. de quibus teneat unam in ore sensim deglutiendo. Bayrius.

Oris foetor.

Ad orthopnoeam. ꝙ. Decoct. bothrid. confecti cum glycyrrhisa & melle viol. aut saccharo sumatur per aliquot dies: Est singulare remedium; etiam apostematibus pectoris, inquit. Matthiolus.

Orthopnoea.

ꝙ. Ol. amygd. dulc. recens. ꝑii. sac. candi ꝑii. fiat eclem. Thoner.

Aliud.

Ad ossa putrida, & fistulas profundas. ꝙ. Sulph. citrini ꝑbj. Liquefi. paulatim; misce postea pulver. tarta. calcin. & ciner.

Ossa putrida.

ciner. clavellat. ana ꝑß. semper agitando, quousque refriguerint. deinde supra porphyrium projiciantur, ut in liquorem dissolvantur, quo ossa putrida, etiam à lue venerea, intinges. Mirabiliter enim ea abstergit, prius vino abluta, applicando postea chelidonium contusum.

Panaritium. Ad panaritium. Acc. sempervi. majus, & allium, q. f. Pistentur cum paucis sale, & superponantur. Liber arcan. Quidam allium coctum tantum accipiunt, quod valde prædicant.

Aliud. R. Sanguis. talpæ, & pellis ejusdem recens. q. f. digito involuta ad miraculum prodest. Helmontius.

Papillæ dolor. Ad papillæ dolorem. R. Vitel. ovor. ii. olei amygd. dulc. ʒß. tuthi. præp. drach. ii. ceræ drach. j. Fiat ungu. Alexis. Valet etiam hoc ungu. ad combusta descriptum in C.

Paralysis. Ad paralytim. R. Folia taba. virid. Infu. in vino salvatico; hoc vino fricentur resolutæ partes, post sudores. Præstat omnibus externis remediis. Hartmannus v. Balsamum.

Partum juvenans. Ad juvandum partum Acc. bac. lauri, & junip. ana n. vii. cina. drach. i. tostentur in ventre turturis, adipe gallinæ irrorati, & alternis diebus manducetur. Matthiolus.

Aliud. R. Myrr. casto. styrac. i. scrup. i. sabi, & cinamo. ana scrup. ß. Cum melle despum. devorentur. Est ultimum remedium, Inquit Bayrius.

Aliud. R. Olei Karabes, viii. aut ix. gutt. iis unge umbil. Et eo tempore bibat mulier de eodem oleo gut. v. aut vi. in vino, & eadem hora statim liberabitur. Beguinus. Aliud. 7. bac. lauri ante somnum devo.

Aliud. R. Borra. ʒi. scrup. i. aut scrup. ß. pro viribus. Cape cum ʒiii. aquæ arthem. aut sabi. aut vini gen. decoct. aperie. Auxilium generosum & præstantissimum vocat Zacutus.

Aliud. R. Jecor. exsicc. cum felle anguillæ, ad nucis avell. magnitud. Intra semihoram, ad minimum, foetum excludit. Helmontius.

Aliud. R. Rutæ, bac. junip. ana ʒß. caryoph. nuc. mosch. ana scrup. j. bacca. lauri scrup. ß. mell. antho. ʒiß. olei de spicca, gut. vj. misce & pone supra umbilicum. In partu laborioso exper. est. G. Horstius.

Post partum dolores. Ad dolores post partum. R. Olei lilio ʒiii. olei sem. lini ʒii. la-

lana succida iis imbuta, calide ventri superponatur. Est singulare remedium, ait Matthiolus.

℞. Cepas. q. v. coctas cum vino, cum oleo postea frixæ in fartagine, prius contu. applicentur calide supra ventrem, statim dolorem sedant; ait Bayrius:

Ad pectoris apostema. v. Otthopnceam.

Ad expurgandum pectus. ℞. Symph. major. ℥ii. folio. pulmon. & bothridis ana mss. decoquantur in aqua addendo in fine mellis quantum sufficit ad gratam dulcedinem.

℞. Adipis. anser. capo. & buty. recentis ana coquantur cum floribus chæmem. & pectus calide ungatur. Liber. arcan.

℞. Hydrom. simpl. ℥iiss. decoquantur in ea passul. purg. ℥i. caricæ ping. n. 10. rad. irid. floren. drach. j. Bulliant modicum; colaturæ adde sacch. candi, & penidio. ana ℥iii. Valleriola.

Ad pedum inflationes. ℞. Folior. samb. q. v. Coque in oleo cum sale, & fove. Vel applica cepas contu. vel succ. ceparum misce cum adipe gallinæ. Liber arca.

℞. Sterc. vacc. q. s. decoque in vino ad formam catapl. & applica. Alexis Pedem.

Ad penis carunculam. ℞. Fæcis mell. destillati, vel combusti q. v. ponatur in forn. ad calcin. tres, aut 4. dies. Accipe hujus pulv. calc. ℥ii. sterco. can. ℥ii. tart. drach. β. alum. combusti tuthiæ, sacch. ana ℥i. Omnia in pulv. tenuiss. redacta, cum succo folior. olivæ vino asperso. inter contund. & suc. planta. misceantur ad ignem, semper movendo, pauca ceræ virid. & mellis ros. addito, fiat unguentum cum candelis usurpandum; prius abluta carnositate, vino decoctionis ros. sicc. & folio. plantag. videbis mirabilem effectum; inquit Alexis.

Ad penis inflationem. ℞. Cerus. ℥β. olei ros. ℥i. suc. portul. ℥iiss. fiat linim. quo pars inflata illinatur. Liber arcan.

Ad pestem; Curativum. ℞. Elect. diascord. scrup. iiii. pulver. rub. panonici scrup. j. syr. acetosif. citri ℥β. aquæ acetosæ, & cardu. bened. ana ℥iiss. Capiat bis in die, expectando sudorem. Potus autem sit decoctum cornu cervi usti præpa. cum syrupo citri. Thonerus.

558 ORDO REMEDIORUM ALPHABETICUS.

Aliud. Præservativum. ℞. Aloës hepat. cinam. myrr. ana drach. iii. ligni aloës, masti. boli. arm. ana drach. β. Omnia in pulv. tenuissim. redacta, usui servantur vase vitreo bene obtur. Dos. drach. j. cum vino albo oligoph. Expertum in Anglia. Alexis.

Aliud. Curativum. ℞. Gran. hederæ quæ vergunt ad septentrio. bene maturo. in pulv. redigantur in umbra ficcata. dosi drach. j. cum vino albo provocando sudorem. Expertum sæpe ab eodem remedium. Quidam utuntur gra. junip. bene matur. in aqua coctis & per cetaceum transmissis fumendo ad pisi magnit. pro præservat; Et pro curat. addatur aliquid sudorificum.

Aliud. Diagnosticum. Agnoscuntur peste correpti, magna capitis gravitate, & somnolentia, cum stupefactione, cardialgia, vomitu, aut nausea, inappetentia, cordis palpit. Cutis totius fornicatione, febre comitante, quandoque non.

Aliud. Præservativum. ℞. Rad. enu. camp. bene à fibris mund. q. v. decoque in aqua quousque mollescat, & per cetaceum transmitti possit; de qua accipe part. j. mellis despu. par. ii. & coque lento igne ad humiditatis consumptio. dosi drach. j.

Aliud. Præservativum. ℞. Cinab. & thur. par. ij. benioi. par. j. aqu. vitæ rectific. & aceti acerri. q. f. ad massam conficiendam. Acc. de hac compositi. ad nuc. avellanæ magnitudinem, & mane ante egressum & sero ingressus, recipe fumum sub. subucula, à planta pedis ad vertricem. Curio de Briqueville.

Aliud. ℞. Rutæ. absyn. chelid. ana mj. alii. cap. ij. semicontusa, carioph. unciam. β. aceti acerri qis. idest mensuram, & dimidiam. Omnia infunde in mensura aceti prædicti, addendo falis pj. & coque ad consumpt. tertiæ p. Deinde adde reliquum aceti: Et una, aut altera ebullitione facta; aufer ab igne, & refrigerata cola, & exprime fortiter: Express. adde olei de spica, & aquæ ros. ana unci. ii. aquæ fortis uncis. iiiii. Ex hac aqua, seu liquore, pone in vola manus, & digito madefac cerebri emunctoria retro aures, tempora, supercilia, sub oculis, narium pinnas, labia, arterias manuum, & ipsas manus. Idem.

Aliud. Præservativum. Acc. flores calend. manduca; vel cum oleo & aceto fac acetarium. Idem Curio.

Curati-

Curativum. ℞. Galan. zedoa. piper. lon. ana drach. i. an-^{Aliud.}
gel. & hermod. ana drach. ii. Fiat pul. tenuissimus, de quo
cum vino, cape drach. i. bis aut ter in die, secundum mali sæ-
vitiam. Prægnantibus detur tantum angel. & zedoar. Idem
Curio.

Curativum, Succus flor. calendulæ potatus jejune, & forti-^{Aliud.}
ter sudando, curat pestem. Idem.

Attractivum. empl. ℞. Gum. elemi. & galb. ana unciam^{Aliud.}
iß. dissol. in aceto ut artis est, & cum pulv. cantharid. & arse-
ni. ana drach. iß. Fiat empla. massa, de qua fac. emplastrum
rotundum volæ manus latit. & applica supra bubonem. Quod
si bubo non appareat, ponatur empl. in coxæ sinist. parte
carnosiore interna, & bubo intra sex horas apparebit. Idem
Curio.

Præservativum. ℞. Rutæ absyn. menthæ, minutim inciso.^{Aliud.}
ana mj. caryoph. & cinamo. ana drach. ii. Infun. in aceti, aut
aquæ vitæ tßß. Colat. servetur usui: Ex ea enim spongia in-
tra malum aureum concinnata perfunditur, & per urbem ge-
statur, sæpissime ad nares admovendo, potest etiam aliquid
deglutiri, Liber arcan.

Præservativum. ℞. Menthæ, absyn. chelido. ana pi. rutæ^{Aliud.}
tantundem: incisa cum rad. gentia. angeli. enulæ, totius tor-
ment. floresc. leviter contus. infunde in duobus mensuris vini
albi, una aquæ vitæ, & rosar. per 24. horas; deinde destilla in
alembico vitreo. Acc. ex hac aqua quolibet mane in vola ma-
nus, & ante egressum exhauri; guttulisque quibusdam faciem
fricand. illine, & spongia, ut dictum est de aceto, imbut. quo
melior. est. Idem.

Curativum. Acc. prædictæ aquæ Unciam iiij. hauriat, &^{Aliud.}
optime sudet, peste sine somno, correptus. Idem.

Præservativum. ℞. Folio. absyn. abrot. fœni. rutæ, ulma^{Aliud.}
ana mj. rorism. orig. salv. ana mij. rad. angel. enulæ, petasit.
ana ʒij, gran. junip. ʒj. caryoph. ʒß. Contus. contunden. & in-
cisis inciden. Infun. in vase vitreo, cum aceti mens. ʒ. aut. 6. per
15. dies ad solem, vase bene obtur. Hoc aceto, tempora, ce-
rebri emunctoria, & nares illinantur, Curio, versus Montem-
peffulanum.

Aliud.

Curativum. ꝛ. Folior. petasit. tussila. beto. ana miiij. ulmaria, scabio. pimp. rorism. mors. diaboli ana mii. rutæ miß. abrot. foeni. card. bened. ana mii. rad. angel. enulæ camp. osmun. rega. torment. ana ꝑvi. gentia. rad. mor. diabo. ana ꝑiii. semcoria. & gran. junip. ana ꝑbj. cinam. ꝑß. caryoph. ꝑiii. Cum mensuris sex aquæ vitæ infund. per 4. dies ; postea destillentur in B. M. Dosis à ꝑii. ad ꝑi, & sudor provocetur. Sumitur ꝑj. ad præcautionem: Idem Curio, qui his usus est feliciter.

Aliud.

Quidam peritissimus in cura peste correptorum, præservatus est excipiens ante & post pastum sulphuris vaporem, cum infundibulo è papyro.

Aliud.

Alius in lagenam vini diurni imponebat radicem Ellebori nec auferebat.

Aliud.

Quidam in magno periculo constitutus, servatus est duobus fonticulis factis, in inguine bubonem habens. Applicavit scilicet folia ranunculi contusa, in parte interna & carnosâ coxæ, vesicasque, & ulcera excitavit, quæ tantum materiæ venenatæ quantitatem emiserunt, ut servatus fuerit.

Aliud.

Alius in axilla bubonem habens, applicavit in medio musculi bicipitis, brachii ejusdem lateris, folia ranunculi contusa, ad nucis magnitudinem, circum inungendo nutrito, & more vesicatorii, ulcera aperta servando. Qui hæc exempla retulit, testis fuit ocularis.

Aliud.

Bubonis attractivum. ꝛ. Rad. lilio. albo. aut cepam ; coque in aquæ pauco, & porcino adipe non falso, contunde cum theri. ꝑj. & applica sero, & mane.

Aliud.

Sedans bubonis dolorem. ꝛ. Fuligi. ꝑiiij. salis subtiliter pulver. ꝑii. vit. ovor. n. iij. misce, & calidum appone.

Pleuritic.
dolor.

Addolorem pleuriticorum. ꝛ. Empl. de melil. ꝑij. styra. rub. ꝑj. spicæ nar. scrup. j. olei chamæm. ꝑß. olei terebinth. ꝑiij: Addit. interdum ꝑj. sulph. vivi, & fit empl. Quod plurimum prodest. Inquit Valleriola. Hoc ego expertus sum ; præcipue in dolore latèris, post longum tempus perseverans, à sanata pleuritide, quem sustulit, aliis frustra tentatis. v. Lateris dolorem.

Aliud.

ꝛ. Ex albedine porri minut. inci. q. s. Frige parum in sartagine,

gine, & applica supra partem dolentem. Multos juvisse testis sum.

Ad rumpendum apostema pleuriticorum. v. Empyema.

Pleuritic;
apostema;
Podagra.

Ad podagram ꝛ. Micæ pan. in lacte vacc. coctæ. ℥j. sem. papa. nigri, fari. sem. lini, ana ℥j. sem. psyll. ℥ss. olei rosæ, & chamæ ana ℥i℥, croci scrup. j. fiat cataplasma, probatum à Lotichio.

Ad podicis dolorem in dysenteria. ꝛ. Myrr. cro. styracis calam. ana ℥j. opii scrup. ij. bdel. aloës, ana ℥ss. ceræ q. s. Fiant balani, qui statim dolorem sedant, inquit Valleriola.

Podicis dolor in dysenteria.

Ad polypum. ꝛ. Succ. porri non sati, q. s. cum paucio tartari & ceræ viridis fiat unguentum, de quo sæpius in nasum intromittatur. Alexis Pedemon.

Polypus.

Ad potum gratissimum conficiendum in febribus. ꝛ. Coria. præpar. ℥ii. liquirit. ras. ℥iiii. ani. scrup. β. cinam. ℥ii. decoque quibusdam ebullitionibus, in aquæ mensu. i℥ss. Thonerus.

Potus gratissimus.

Ad pthysim. v. Remedium bothrydis in titu. Orthopnoæa. & T.

Pthysis.

Ad conficiendum ptisanam purgantem, quam regalem vocant. ꝛ. Passul. purgat. hord. integ. liquir. rasæ, capil. omnium ana m℥ss. decoquantur in aquæ font. ℥iiii.; deinde inf. folio. fennæ mund. ℥ss. coria. præp. ℥j. pulpæ cassiæ recent. extr. & tamar. ana Uncias ii. Colentur postquam refrixe. & cum serap. ros. & ovi albumine clarificentur, pro 4: dos. mane & sero.

Ptisanaregalis.

Ad pulmonis ulcera expurganda, & consolidanda. ꝛ. Sacch. albi Uncias iii. sacch. candi, & penidii. ana Uncias ii. decoquantur in aqua decoctionis hyss. fœni, & passul. ad convenienti. glutinosi, adde postea nucleo. pini mund. pistac. recent. mundato. cauda. cancro. fluiat. aqua hordei coctar ana Uncias ii. iridis floren. ℥i. Misce, fiat pasta regalis, qua est sæpius utendum. Mirifice prodest, inquit Valleriola: interea utatur pro potu ordina. decocto descripto in titulo. Pectus expurgans; in quo bothris ingreditur.

Pulmonis ulcera.

Ad quartanam. ꝛ. Myrr. ℥i. Cum vino genero. hauriatur hora ante accessionem; provocando postea sudorem. Hoc remedio seipsum curasse testatur Matthiolus.

Quartana.

Aliud.

Ad quartanam. ℞. Sacch. aquæ ros. & aceti destil. ana Unciam j. misce, & bibendum dato incipiente parox. probatum remedium. Vidi quidem hominem quartanam fugasse, sumpto aceto solo destillato cum mica panis, sed tanta tormina passus est per tres dies ut è vita discessurus crederetur; sed prior modus cum saccharo & aqua ros. securior.

Aliud & quotid.

℞. Cort. rad. sambu. Unciam i. azari ziii. cinam. ziß. coque in lacte, & propinetur paroxismo incipiente: Movet simul & semel, vomitum, & secessum. Quercetanus.

Aliud.

℞. Sagap. præp. zvi. ammo. similiter præpar. ut docet. Quercet. in Phar. reffit. cap. 14. ziii. extr. troch. alhan. zi. scam. præp. drach. ß. salis gem. scrup. ß. Cum syrupo viol. form. pilulæ cicer. magnitud. Detur una in princip. parox. continuando per aliquot dies, ungendo spinam dorsi, ante deglut. pilu. vel paulo post, oleo laurino, vel ther. in aqua vitæ dissol. Si autem humores præpar. prius fuerint, melius eradicabitur febris. Quercetanus ex Camillo Medico Italo: Ad cujus exemplum, multas postea hoc remedio curavit quartanas.

Quotidiana febris.

Ad quotidianam; pulvis cito solvens materias phlegmaticas & ventositates. ℞. Mastich. ani. Zingib. ana zi. turbiht ziii. dof. zi. cum vino. Bayrius.

Aliud, & quartana.

℞. Olei sem. absyn. scrup. j. vel zß. sumatur cum liquo. convenienti; Et si oleum non sit in promptu, cape succi absyn. cochlear. j. cum vino; Hoc autem instante paroxismo, ad sudandum ægroto bene cooperto. Ernestus.

Aliud, ad quar. & alias febres.

℞. Suc. rad. fœnic. ziiiij. Cum sacch. dulcor, & jejune propinetur in aurora, decem diebus continuis, Zacutus, qui plurimis in lecto bene coopertis ait sudores plurimum moveri; Aliis lentæ pituitæ screatum; Aliis ructus foetidos, & crepitus. Facile, sed utile vocat auxilium.

Aliud.

Acc. cor leporis recenter excisum, vino lavetur, & in furno exsiccetur; Fiat pulv. pro tribus insequentibus paroxifmis, cum aqua card. bened. exhibendus. Experim. Lotichii, ex G. Horstio.

Rabidi canis morsus.

Ad rabiem, contra morsum canis rabidi. ℞. Ciner. cancr. fluvia. verorum, diebus canicul. luna existente debili cremat. 3x. genti. 3v. thur. 3j. Fiat pulvis: Dof. 3j. vel cochlear j. & ij.

ij. in progressu morbi, aqua solut. Continuando per 40. dies, & sequens emplast. applicando. \mathfrak{R} . Aceti acerr. $\mathfrak{t}\mathfrak{b}\mathfrak{i}\mathfrak{s}$. picis $\mathfrak{t}\mathfrak{b}\mathfrak{j}$. opopan. $\mathfrak{z}\mathfrak{i}\mathfrak{i}\mathfrak{i}$. Fiat empl. nulli, prædicto pulv. utentes, & empl. perierunt, teste Galeno.

Acc. halecem crudam, & salsam, applica, & triduo reno- Aliud.
va. Remedium certum Batavorum, inquit Helmontius.

Ad raucedinem. \mathfrak{R} . Deco. puleg. dulcor. $\mathfrak{z}\mathfrak{v}\mathfrak{j}$. iturus cubi- Rancedo;
tūm, & sanaberis, bis aut ter faciendo; inquit Liber arcan.

\mathfrak{R} . Syrup. erysimi Matthei Lobelii. utere. Hunc vocat lau- Aliud,
datissimum arteriarum, quo antiquas raucedines se curasse affir-
mat. vide ejus descriptionem, lib. 2. præc. part. 3. cap. 4. Sen-
nerti.

Ad renum affectus. \mathfrak{R} . Rad. alth. $\mathfrak{z}\mathfrak{b}$. cicer. rub. m \mathfrak{s} . Fiat Renum affe-
jusculum cum butyro, aut melle. ctus.

\mathfrak{R} . Ciner. trunco faba. fiat ex eis lixivium, coletur per ma- Aliud.
nic. Hippocr. dulcor. sacch. & aromat. cinam, de quo $\mathfrak{z}\mathfrak{v}\mathfrak{j}$. pro-
pi. Ab atroci dolore renum, in febre dupl. tertiana subintran.
fum libratus hoc auxilio. ex Guido. à Gauliaco, quod provo-
cat urinas; vias mundificando, pus & arenulas expellendo, &
menstrua provocando; Inquit.

Ad lapidem renum, & vesicæ. \mathfrak{R} . Aquæ stillat. sterco. bo- Renum lapis
vis mense Maio collecti, nec humidi nimium, nec sicci $\mathfrak{z}\mathfrak{i}\mathfrak{i}\mathfrak{j}$.
vini gener. albi, in quo rad. rapha. minut. incisi infuderit ad
solem per 24. horas, $\mathfrak{z}\mathfrak{i}\mathfrak{j}$. aquæ fraga. $\mathfrak{z}\mathfrak{j}$. succi. limon. $\mathfrak{z}\mathfrak{j}$. pulv.
virgæ aureæ tantumdem, sacch. frustulum; Fiat potio, cujus
mirabilem effectum, expertus est Alexis in quodam nobili vi-
ro, qui multa lapidum frustula ejecit. v. titulum. Lapis.

Ad renum ulcera. \mathfrak{R} . Caudæ equi. plantag. ros. rubr. se- Renum ul-
minis alkekengi, altheæ, glycyrh. rasæ, ana $\mathfrak{z}\mathfrak{j}$. jujub. sebest. cus.
ana $\mathfrak{z}\mathfrak{v}\mathfrak{j}$. sem. frigid. ana $\mathfrak{z}\mathfrak{i}\mathfrak{i}\mathfrak{j}$. sem. papav. albi $\mathfrak{z}\mathfrak{v}\mathfrak{j}$. sem. cydonio.
 $\mathfrak{z}\mathfrak{b}$. Infun. per biduum in feri capr. $\mathfrak{t}\mathfrak{b}\mathfrak{v}\mathfrak{j}$. addita boli arm. $\mathfrak{z}\mathfrak{b}$.
deinde destil. Propinabis jejuno $\mathfrak{z}\mathfrak{i}\mathfrak{i}\mathfrak{j}$. quandiu morbus duraverit.
Expertum à Guidone remedium.

\mathfrak{R} . Troch. Gordonii $\mathfrak{z}\mathfrak{i}\mathfrak{j}$. propinentur cum hordei decocto, Aliud.
vel fero capri, si mundificandum; vel lacte ovillo, si glutinan.
Et si pus crassum, cum mulsa.

Rigor febrium.

Ad febrium rigorem chronica. \mathfrak{R} . Succı plantag. q. s. bibatur cum aqua mellis. Est mirabilis, inquit Bayrius.

Aliud.

\mathfrak{R} . Assæ foet. rut. cast. satüreiæ ana scrup. ij. ani. foen. ana. scrup. j. Confice cum melle, & detur drach. j. cum mero, ante paroxis. Idem.

Sanguinis fluxus mulieb.

Ad sanguinis fluxum muliebrem. \mathfrak{R} . Album. ovi, cum fuligi. antiqua per cetaceum transm. & parum aceti, incorporantur ad formam linim. quo spongia imbuta in vulvam indatur. Liber arcanorum.

Aliud.

\mathfrak{R} . Atramenti optimi, q. s. eodem modo utere, per tres aut quatuor vices. Idem.

Aliud è naribus & utero.

Applica bufonem magnum, Junio mense baculo transfixum acuto, & in umbra exsiccatum supra hæpar ex Joan. Hurnii & experientia Joh. Friderici Ducis Saxoniae, in hæmorrhagia desperata è naribus, aut utero v. Hæmorrhag. in tit. H.

Aliud ex naribus.

\mathfrak{R} . Aceti fortiss. & croci mart. ana drach. ij. colcoth. drach. j. misce, & stupa aceto madef. pulv. conspersa indatur naribus. Ottho. Heurnius.

Aliud, & vulner.

\mathfrak{R} . Campho. drach. j. rad. torment. boli arm. veri, ana drach. ij. Fiat pulvis tenuiss. quo stupa aceto madef. imbuetur & radici narium, aut vulneri indatur. Ex secretis Ottho. Heurnii.

Aliud ex naribus.

\mathfrak{R} . Succı sterco. asini, & syru. myrti. ana $\mathfrak{z}\beta$. aquæ plantag. $\mathfrak{z}\text{ij}$. & nescienti exhibeatur. Væsius Lusit. ut refert Roderic. à Castro, qui hæmorrhagiæ obnoxius, pulverem stercoreis asini, modice exsiccati, ferebat in pixide; nec ullum aliud simile expertum esse ait, præsertim si recens; vel siccum cum succo urticæ permixtum, naribus admooveretur. Sennertus.

Aliud.

\mathfrak{R} . Farinæ fecal. & fuligi. q. s. cum aceto, & albu. ovi fiat frontale. Vel fiat ex succo urti; & de ipso etiam cum gossyp. indatur narib. v. frontale de telis aranea. lib. 3. cap. 13. Enar. 4.

Aliud.

\mathfrak{R} . Atrament. q. s. intige linteum, & testiculos obvolve. Expertum remedium. Aq. plant. $\mathfrak{z}\text{ij}$. olei vitrio. scrup. β . sang. sput. sistit. subito Hartman.

Aliud.

\mathfrak{R} . Lacrimar. mastich. cristallinæ, drach. j. in pulv. redac. cum vino albo propinetur ad sistendum sanguinem, è quacunque parte fluat. Liber arcan.

Ad sanguinis mictionem. \mathcal{R} . Pulv. millef. \mathfrak{z} j. boli arme, Sanguinis
mictio.
drach. j. cape cum lacte vaccino tribus diebus continuis, plurimum prodest; Inquit Matthiolus. v. Mictionem sanguinis.

Ad sanguinis sputum \mathcal{R} . Philon. persi drach. j. lapid. hæmati. & boli arme. ana scrup. ij. pulver. diaire. simpl. drach. β . Sanguinis
sputum.
succu plantagi. depur. \mathfrak{z} j. decoc. hord. & plantag. q. f. ad diluenda omnia.

Syr. cap. vener. \mathfrak{z} j. capiat sub noctis initium. Valleriola. Aliud.
 \mathcal{R} . Irid. flor. masti. electri, croci, ana \mathfrak{z} iiij. & drach. vj. opii Aliud.
præp. drach. v. cum mucilag. sem: psyll. fiant pastilli: dosis \mathfrak{z} ss. Galenus. Hoc remedio infinitos curavit Christoph. A Vega. valens ad choleram.

\mathcal{R} . Succu urticæ \mathfrak{z} iiij. Quinque, aut sex diebus continuis, Aliud.
mane bibatur jejuno ventric. & ipsa urtica iusculis incoquatur. \mathfrak{A} gri depositi à Medicis, hoc remedio convaluerunt. Amatus Lusit. v. remedium tormentil. ad menses albos, quod valet etiam ad hoc.

\mathcal{R} . Pulver. millefo. \mathfrak{z} j. Propinetur cum succo. plantagi. Aliud.
Multum juvat, & multo magis succus; Inquit Matth.

Ad sarcocelen. \mathcal{R} . Opopa. serap. ammo. galba ana \mathfrak{z} j. olei Sarcoccele.
philosoph. q. f. dissol. gum. in aceto ros. & cum oleo philosoph. fiat empl. prius iterum coctis gum. cum aceto, in quo sunt dissoluta. Hoc emplastrum toti herniæ appone, trib. aut quatuor hebdomadis; cujus in loco idoneo, tandem apostema colligetur, quod per se rumpetur, & sub empl. hoc, resolvetur. Aperto apostemati emplastrum attractivum ex gum. & coloph. imponendum. Hujus multæ fomulæ in meis scriptis inveniuntur. Inquit Paracelsus.

Ad scabiem fiat ungu. ex sulph. bacc. lauri, & Ellebo. ex Scabies.
Helmontio. pag. 115. n. 55. ubi plura de scabie.

\mathcal{R} . Corii veteris calceorum; comburantur, & oleo rosac. Aliud.
pulvis subigatur. Experimentum vidit Tho. Bartholinus. hist. anat. centu. 6. histo. 73.

\mathcal{R} . Calc. vivæ recentis; projice in aquam bullientem: A- Aliud.
quam supernatantem post resedentiam filtra. Acc. \mathfrak{h} j. in quam bullientem dissol. drach. j. merc. dulcis. Hartmannus.

Ad scrophulas. \mathcal{R} . Folia cupre. nec duriora nec teneriora: Scrophula.

Tortivo vino consperge, & contundantur donec in corpus coëant, & applica supra scrophulas. Hollerius Usus aliquando remedio isto, in quodam pedis tumore, qui de natura lupiarum videbatur, & sanatu difficilis; ad suppurationem perduxit.

Aliud ad
apertas.

℞. Sublimati præp. ʒj. fari. volat. ʒiβ. cinab. drach. iii. sangu. draco. drach. j. Cum aqua ros. fiant troch. qui in foraminibus scrophularum ponentur: Est admirabile remedium, inquit Liber arcanorum qui docet etiam sublimati præparationem; hoc modo. ℞. Sublimati q. v. pone in alembico vitreo; superinfunde succi sempervivi q. s. ut duobus digitis excedat; deinde evaporetur ad siccitatem.

Aliud ad
utrasque.

℞. Rad. brion. quæ sit magna & bene nutrita, ℥β. In taleol. minutissimas sectam frige in sartagine quousque contabescant. Cola; adde terebinth. abietis ℥β. ceræ ʒv. Fiat. ungu. quod est valde viscidum, supra strumas cum panno lineo appones, mane, & vesperi; vel enim strumas resolvit; vel ad suppurationem deducit, tandemque sanat ulcera; Nunquam fallit, ait Zacutus cum juramento. v. curationis processum. lib. i. prax. admi. Obser. 101.

Aliud pur-
gans.

℞. Agar. euforb. præp. turb. zinzib. ana. Cum succo irid. nostræ formentur pilul. Capiat j. quolibet die mane, ita ut venter bis dejiciat ad minimum. Quod faciendum dum externæ scrofulæ curantur.

Secundina.

Ad secundinæ ejectionem. ℞. Aquæ mel. card. bened. & buglo. ana unciam j. borrac. scrup. j. trochisc. de myrr. drach. β. fiat pot. Liber arca.

Aliud,

℞. Succus ster. equi cum vino expressi. haustum: subito & foetum & secundinam expellit. Hartmannus: Experimentum vidi pro secundina in muliere, cujus vires erant omnino dejectæ, quæ paulo post eam ejecit.

Aliud.

℞. Pilorum jubæ equi minutim incisorum. q. s. super carbon. accensos injiciantur, & fumus excipiat. Liber arcan.

Aliud.

℞. Carab. scrup. j. dictam. puleg. cinam. ana scrup. j. borra. scrup. β. castor. spicæ nar. myrrh. rub. ana gr. viij. croci gr. ij. Fiat pulvis, quem præstantissimum vocat Zacutus. lib. 3. prax. histo. in obser. cap. 19. seque multas mulieres, in agone posi-

tas,

tas, ait liberaſſe. Doſis drach. iſſ. in vino, cum ſaccho.

Ad ſecundinæ ejectionem. R. Myrr. unciam β. cinamo galb. caſ. ana drach. β. opopan. ſcrup. iiij. hellebo. nigri ſcrup. ii. cum melle ſiant paſtil. ad ſuffumigium. Mercurialis. Secundi na.

Ad ſeminis fluxum. R. Roſa. ſylveſt. exſiccata, drach. j. Seminis fluxus.
cum vino rub. hauriatur. Eſt ſingulare remedium, inquit Mat-
thiolus.

Ad ſennæ præparationem purgantem ſine igne. R. Folio. Sennæ præ-
par.
ſennæ mund. q. v. Ponatur in lagena vitrea ſatis capaci, &
ſuper infunde aquam vitæ cinamo. tinctura imprægnatæ, ita
ut quatuor aut 5. digitis excedat: Deinde vaſe bene clauſo, ſi-
natur per biduum, & poſtea utere. Doſis, cochlearia duo
cum juſculo.

Ad morſum ſerpentum. R. Suc. herbæ cornu cervi q. ſ. Serpent.
morſus,
cum vino generoſo propinetur. Expertum remedium; ait Mat-
thiolus.

Ad ſingultum contumacem à cauſa frigida. R. Diagal. drach. Singultus à
cauſa frig.
j. ellebo. nig. ſcrup. iiij. nuc. moſc. cinamo. ana ſcrup. β. Fiat
infuſ. per 12. horas in vini malvat. 3v. & hauſtus. Bruele.

R. Buty. recen. parum ſaliti 3ij. ſem. atriſ. hord. & amygd. Aliud. à cau-
ſa calid.
dulcium, ana 3j. oxymel. ſimpl. 3ij. Fiat hauſtus, qui mul-
timum juvat. Idem in materia acri, & mordente. v. ſtoma. do-
lorem.

R. Olei ex ſem. anthi, gutt. iiij. olei amygd. dulc. 3β. fiat Aliud.
hauſtus. Ad ſingultum nullis remediis cedentem, hoc unum
habuit Ottho Heurnius. v. Zacutum de potu nivis, quo ſolo
ſanatus eſt ſingultus. lib. 2. de medico. Princip. hiſt. obſer. 13.
hiſt. 75.

R. Laud. opiat. gr. iiij. theri. veteris drach. β. conf. roſ. Aliud.
drach. j. Pertinacem hoc remedio ſanavit ſingultum Greg. Hor-
ſtius.

Ad ſomnum concilian. R. Amygd. dulc. & nucleo. perſic. Somnum
concilians.
ana n. 16. ſem. papav. albi, & cannab. ana 3j. aceti roſa. un-
ciam β. pulv. cariop. ſcrup. j. camph. gr. v. Fiat emulſ. pro
frontal. Lotichius. v. telas arane. in F.

R. Allii cap. ij. opii, unciam j. Simul contu. deſtil. in B. Aliud.
M. Guttula j. aut altera mirabiliter ſomnum conciliat. Langius
in

in Epistolis. v. remedia doloris cap. à causa calida. lib. 1. cap. 1.

Soporosi affectus.

Ad soporosos affectus. \mathcal{R} . Aquæ vitæ, q. s. grano. juniperi mij. macera per triduum: Colat. facta, impone salv. puleg. nastur. & croci ʒj., detur patienti, & statim loquetur, ait Hartmann.

Soporosi affectus.

Ad soporosos affectus. \mathcal{R} . Angel. zedoar imperato. ana ʒj. folior. beto. salv. rorism. ana mj. satireiæ, ruta, major flor. lavend. ana mß. bacc. lau. & junipe. ana ʒiß. Coquantur in acet. q. s. & cum spong. aut stupis, capiti raso. fiat fots. mirum quantum auxilii afferat soporosis affectibus, inquit Rive-

Spirandi difficultas.

Ad spirandi difficultatem ex asthma. \mathcal{R} . ficus n. 12. hyssop. serpil. ana mß. Incisa bulliant in aquæ ʒbj. ad duarum partium consump. Colat. adde aquæ ros. ʒß. & tantumdem faccha. & bulliant parum. Dosis, cochlearia duo mane jejuno ventriculo, post prandium, & ituro cubitum. Liber arcanorum.

Splenitici.

Ad spleniticos mirabilis propriæ urinæ potus, ex Avicenna lib. 2. trac. 2. cap. 175. de urina. v. Lien. & cap. de spleniti. lib. 3.

Sanguinis. v. Sanguinis sputum. Sterilitas. v. Fœcunditas. Stomachi dolor, &c. Aliud.

Ad dolorem stomachi, singultum, & vomitum. \mathcal{R} . Panis mediocriter tosti, q. s. maceretur in vino malvat. succo. menthæ. & suc. absynt. q. s. pulv. nuc. mosch. drach. ij. Fiat catapl. Sedat hæc tria, inquit Bruele.

\mathcal{R} . Vitellum ovi recens, cum pulv. 4. aut 5. caryoph. calide devoretur, ad stomachum dolentem, & vomentem. Liber arcan.

Stomachi ulcer.

Ad stomachi ulcerationem factam à medicamento acri, factus est quidam, gummi tragac. usu, cum aqua flor. rorism. mixto; ut testatur Thomas Bartholinus. histo. anatomic. centu. vj. histo. 21.

Stranguria antiqua.

Ad stranguriam. \mathcal{R} . Mulsæ in qua magna quantitas glycyrr. coquatur, adde lithontri. folia malvæ, viol. gum. tragac. & arab. Primo statim potu juvat, inquit Lambergius, qui ait hoc remedio se curasse intolerabiles cruciatus.

Aliud, &c. ischurix.

\mathcal{R} . Olei succi. rectific. gutt. vj. capiat cum aquæ petros. cochlea. ij. aut iij. vel cum jusculo gallinæ: Magnum est præsid. Thonerus.

Ad

Ad strumas. ℞. Spong. mar. in carbonem combu. ℥iij. offis sepiaē usti, pip. longi, zinzib. pyreth. gallar. sal. gemmæ, calcis testa. ovorum, ana ℥ss. misce cum aqua stillat. ex præfatis spongiis, & exsiccentur paulatim. Acc. hujus pulv. ℥ss. sacch. ℥ss. decresciente luna, ut paulatim liquatus deglutatur; vel fiat illitus, & boccinum disparebit; ut ipse Helmontius vidit experientia unico mense sanatum. v. Tumor durus.

Struma seu
boccium,

℞. Excrecentiam pilosam, sylvestribus rosetis innascentem, exteriori cortici castaneæ persimilem, hirsutam, hispidam, qua in pulverem redacta, eodem modo feliciter multi usi sunt; ait idem Helmontius, qui usus est etiam ad boccium, & schyr-rhos remedio Evonimi descripto titulo B. ad bronchocelen; sed alia dosi, quæ mihi magis placet, ut ℞. Olei laur. veri ℥viii. thur. mastich. gum. arabi. terebinth. abietis ana ℥iij. destilla & ℥ss. ciner. clavellat. addita, iterum destilla.

Aliud.

Ad sudorem provocandum. ℞. Rad. aza. q. v. cum oleo leniter decoquatur, vel ad solem infundatur: Eo spina dorsi, & plantæ pedum calide ungantur. Matthiolus.

Sudorem
provoc.

℞. Decoct. milii. cum passulis, & ficub. Nobile sudorificum, & diureticum vocat Ottho Heurnius. Est syru. sancti Ambrosii.

Aliud, &
diureti.

℞. Cornu. cer. usti, & præp. pulv. rad. torment. ℥i. aquæ cardui bened. ℥iij. Fiat haustus: Quo mane sumpto, com-mode sudavit ægrotans, inquit Lotichius.

Aliud.

℞. Confect. alker. ℥ss. troch. de viper. gr. iij. lap. bezoar gr. vii. theria. vet. scrup. ii. aq. cinamo. ℥ii. aquæ card. bened. fuma. ana ℥i. fiat hydroticum, in suspitione malignitatis Idem.

Aliud, in
malignit.

℞. Surculo. ficus, in frustula inciduntur ad ℥j. decoque in vini ℥i. & aquæ ℥ss. Dosis ℥iij. mane, in hydropo: Egre-gie sudo. movet, ut asseruit mihi vir quidam Religiosus.

Aliud, in
hydropo.

℞. Decocti milii ad crepatu. cocti ℥iij. vini albi ℥ii. exhibe calide ægrotanti. vocatur syrup. sancti Ambrosii. Potest fieri cum aq. sudorifica.

Aliud.

℞. Sulph. par. ii. nuc mosch. piij. misce fiat pulv. detur ℥i. Expertum à Riverio remedium. v. Matricis suffocatio.

Suffocatio
uteri.

℞. Campho. frustulum, accensum in aquam injice, & sine

Aliud.

comburī: de hac aqua, da cochlear unum. Præstans ait esse remedium Riverius: Ego tamen non inveni: Propter fortasse causarum, & partium ab eis affectarum varietatem. v. cap. de Hystē. passio. lib. 3.

Suffusio. Ad suffusionem, & maculas tunicæ adnatæ. ℞. Pingued. coturnicis, q. v. misce cum succo quinquēf. florem album gerentis, & inde in oculum, applicando desuper stupam, aqua ros. cum ovi alb. & bolo, imbutam, usu compertum remedium ab Ottho. Heurnio. v. Cataractam.

Surditas. Ad surditatem. ℞. Aquæ vitæ ℥ii. adip. serpen. unciam. j. misce in lagenula, per tres dies dimittendo, deinde guttulam per intervalla in aurem immitte, cotone obturando. valet antiquis surditatibus. Liber arcan.

Aliud. ℞. Rad. rapha. ℥iij. rad. ellebo. albi gr. ij. casto. pyreth. ana scrup. β. Bulliant modice in vino gener. & guttu. i. aut ii. in aurem injiciantur cum stylo ligneo Bruele. Hoc remedium expertus sum in nobili muliere, quæ in febre continua surda facta, auditum non recuperaverat, nihil omnino audiens, quæ eodem die quo usa est hoc remedio, æris campani sonum subaudivit, & deinde auditum pedetentim recuperavit.

Suspensio. Ad suspensos, aut suffocatos, etiam si spumam emittant. Da bibendum acetum mulsum cum pipere, aut acetum cum pulvere puleg. vel pipere. Tres servatos vidit Christoph. A Vega.

Syncope. Ad syncopen ex superpurgatione. v. Hypercatharsis titu.

Tabes. Ad tabem, pulvis Haly tantopere decantatus, à Foresto emendatus. ℞. Papav. albi ℥iβ. gum. tragac. tantundem, sem. alth. port. melon. cucum. citru. bomba. far. orob. ana ℥iββ. pulv. cancro fluviat. coral. albi usti, liquir. ana ℥iβ. sacch. penid. ad pondus omnium.

Tenesmus. Ad tenesmum. Fiat suffumig. ex thure, & sanaberis; inquit Matthiolus. v. Podicis dolor. i. titulum. v. cap. 7. lib. 3. de dysent.

Aliud. ℞. Jus. vervec. cum gutt. aliquot olei ceræ, ad drach. j. injiciatur, mirabilis est, inquit Hartmannus.

Tertianæ. Ad febrem tertianam. ℞. Olei pip. gutt. iiij. myrr. elec. scrup. j. Nebulis invol. capiatur, duab. horis ante parox. Si non

non prima, secunda vice febrem feliciter curat.: ut expertus est Ernestus.

℞. Allii, fuligi. aceti. salis, axung. croci, uniuscuiusque parum: Fiat mistu. quæ in parte carnosa. i. articul. digiti Medici applicetur; sæpe tollit.

Aliud.

Ad testiculorum duritiem antiquam. ℞. Bdel. ammo. serapini in aceto dissoluto. ana ziii. mucilag. sem. alth. fœnug. lini, ana zi. flor. chamæ. & melil. alth. fœnug. lini, ana zi. flor. chamæ. & melil. ana mß. cumini unciam. ß. Tribus ultimis pulver. cum decoc. ficu. multum coctis. fiat catapl. addendo fari faba: unciam ß. Quod est optimum & expertum, compositumque à Bayrio.

Testiculo.
tumor durus

Ad tineam. ℞. Pulv. torm. bellici. & sulph. vivi, cum oleo antiquo fiat pasta: Qua ex tribus infantibus juniorem curavi, sine ulla repullulatione.

Tinea.

℞. Zingib. uncias iii. decoqu: in aceti acerr. ℥ß. & buty. tantundem, quousque acetum sit consump. Deinde contund. & cum butyro fiat unguentum, quo mane & sero tinea unguatur; & intra quatuor, aut quinque dies sanabitur; inquit Liber arcan.

Aliud.

Ad tinnitus. ℞. Teneras lauri summit. in vino decoquantur cum nardo indica, & vapor cum infundibulo excipiat. Multum juvat; Inquit Matthiolus.

Tinnitus.

Ad tormina post partum. ℞. Olei chamæ. anethi. & amygdal. dulc. ana ℥ii. sacch. rub. mel. antho. ana unciam i. vitel. ovor. ii. jusc. gallinæ ℥. sem. fiat clyster. Thonerus.

Tormina
post partum.

℞. Olei amygdal. dulc. exhibe cum jusculo gallinæ. Experimentum Thoneri.

Tormina
infantium;
& aliorum.
Tremor.

Ad tremorem. ℞. Casto. pyreth. cinamo. ana zi. pulp. colocy. & serapi. ana scrup. iiij. hieræ pic. zii. Cum liquo. conveni. fiat massa; Dosis zi. vel scrup. iiij. & sunt mirabiles; ait Bayrius. Interea utendum. ℞. Myrob. nigr. zviij. sem. fabinæ zii. oliba ziv. cyperi, costi, cala. aromat. ana scrup. iiii. Omnia in pulv. redacta, cum passulis fiant formulæ magnitudine nuc. mosch. singulisque matutinis unam sumat; Et est expertum remedium.

Ad tumores duos. ℞. Gum. ammo. parum contusi. q. v. Tumores duos.
Cccc 2 pro.

projice in vas vitreum, superinjiciendo succ. cicutæ, & aceti scylliti. ana q. s. stent infus. 6. aut 8. diebus. Acc. iterum cicu. succosæ minutim incisæ mij. olei amygd. dulc. uncias iij. Coque lento igne ad consump. fere humiditatis: Colentur, & fortiter exprimantur; adde ceræ no. ℥ii. His peractis coque ammoni. infun. donec dissolutum fuerit, coletur, & coquatur lento igne ad spissitudinem. Tandem oleum prædictum cum cera admisce, & semper agita, donec frigescant, serveturque emplastrum in vase vitreo. Experimentum Frabricii Hil-dani.

Aliud, pro-hepate.

℞. Conf. flor. marrub. cum melle paratæ, q. s. Capiat mane ægrotus ℥j. per 40. dies, superbibendo parum aquæ stillat. ejusdem marrubii cum radice. Vir nobilis, cui nulla profue-rant auxilia, hoc remedio sanatus est, ex duro tumore hepa-tis; teste Zacuto. lib. 2. prax. admir. observ. 48. v. Lien, & Struma.

Tussis.

Ad tussim à materia crassa, & frigore. Uteré decocto rad. angeli. præparat humores ad spuendum. Matthiolus.

Aliud.

℞. Ziziph. macerentur in spir. vini donec valde turgeant. Acc. i. aut ii. mane & sero mirabilis vis eis inest præservandi à tussi Hartman.

Aliud.

℞. Oxymel scyllit. olei amygd. dulc. ℥β. utriusque specie. diar. simpl. ℥j. sacch. can. ℥iij. olei ani. gutt. v. aquæ hyss. & veron. ana ℥iβ. Lotichius.

Tympanites.

Ad tympanitem. ℞. Empl. de bacc. lau. sterco. capra. ana ℥iij. sem. cumi. & carui. ana ℥iij. olei nard. & rutæ. ana q. s. ad malaxandum. Idem. v. Hartman. de flor. tapsi barba.

Ventriculi dolor.

Ad ventriculi dolorem. ℞. Nuc. mosch. cinamo. caryoph. mac. galan. ana ℥iβ. masti. ℥vj. cum pestillo calido fiat Empl. quod est optimum, ad dolentem, debilem, & refrigeratum stomachum. Liber arcanorum.

Aliud.

℞. Nuc. mosch. decoque in mellis ros. ℥vj. & aquæ ℥ij. ad aquæ consumpt. dosis cochlear. iij. jejuno ventriculo: Prodest mirifice. Matthiolus.

Aliud.

℞. Tria gr. masti. devorentur ante ingressum lecti: Profunt mirifice, ex eodem Matth.

Aliud.

℞. Olei amygd. dulc. recen. ℥iij. syru. papav. ℥iij. philo. ℥β. vini

vini malv. ʒij. Fiat potio; qua æger multum levatus est à dolore stomachi, unaque capitis, cum diarrhœa, & siti; inquit Lotichius. v. Stomachi dolor.

Ad ventum utero inclusum. Acc. nucem mosch. non vitios. Ventus uteri.
divide in quatuor partes; projice unam super carbones accensos, & fumum excipiat mulier per infundibulum terque repetite. Hoc remedio, Bernæ mulierem juvenem curavit Hartmannus.

Ad vermes fugandos, & enecandos: decoque in aqua argentum vivum, & bibat ægrotus de hac aqua. Vermes.
Innoxio potu eos enecat; ait Helmontius. Quod expertus sum. Quidam argentum vivum in cochleari ferreo ad prunas calefaciunt, & candens in aquam projiciunt. Quidam plumbum liquant, & liquatum in aquam projiciunt, quæ est pro potu ordin.

Ad verrucas. Acc. talpam viventem, per medium incidatur, & cum sanguine manus fricentur, & superponatur. Verrucæ.
Exper. ab homine mihi notissimo remedium.

℞. Cineres cort. salic, cum aceto mixti superponantur, & Aliud.
sanabuntur, Inquit Matthiolus.

℞. Chelid. maj. folia; contunde, & applica. Hoc multo- Aliud.
ties expertus est Zacutus.

Accipe speculum ardentem: congrega radios lunæ; & eas Aliud.
similesque excrescentias irradia, donec frigus sentiatur: Sponte evanescunt; Inquit Helmontius. v. remed. de pomis, pagi. 125. n. 27. notatu dignum, apud eundem.

Ad vertiginem. v. remedium Incubi in litera J. Et remedium Vertigo.
in lienis tumore ultimo descriptum.

Ad vesicæ dolorem qui non est à lapide. v. remedium trun- Vesicæ dolor.
corum fabarum, in litera R.

Ad lapidem vesicæ. ℞. Pulv. Oniscor. seu porcellorum ʒß. Vesicæ lapis.
usque ad scrup. iiij. aquæ vitæ ʒj. usque ad ʒiiij. juris cic. rubro. ʒj. Misc. hanc. mixtur. exhibe totam singulis diebus mane, quinque horis ante pastum; Injiciendo ante sumptionem, enema emolliens, & lene, nisi alvus sit libera. v. reliquum curæ apud Hartmannum. titulo. Calculus vesicæ, in pract. chymi. Et in comm. basili. chymi. Crolii. in nephriticis.

Vires instaurans.

Ad vires instaurandas. ℞. Jusculi q. s. vitel. ovo. n. ii. vini alb. parum cinam. & sacch. q. s. misce. Valleriola. Utitur etiam aqua cordiali.

Vifus debilitas.

Ad vifus debilitatem. ℞. Suc. foeni verb. chelido. ana uncias. iii. capi. hirundi. n. ii. mellis Opti. uncias. iiii. urinæ pue. impub. q. s. aqu. foenic. fraga. beton. ana uncias. ii. folior. rutæ mß. Fiat aqua per destillat. De qua injice aliquot gutt. in oculum ituri cubitum.

Aliud.

℞. Tuth. præp. aloës socoto. ana ziii. sacc. can. uncias ii. aq. rosa. uncias. ii. vini albi genero. uncias. vi. Omnia inf. in vase vitreo bene obtu. per mensem ad solem, movendo semel, aut bis in die. Gutta i. aut ii. mane, & sero, oculis immitte. Ex consultatione pro Imperatore, qui visum fere amissum recuperavit.

Aliud.

℞. Ligni sancti rasp. ℥i. falsæ par. ℥ii. cort. ejusdem lign. ℥iii. aquæ fon. & vini ana ℔v. mellis opti. ℔ii. rutæ, eufra, chelid. ana mß. cina. & sant. citri ziii. folior. fennæ ℥ii. Fiat syru. secundum artem ex colat. Dosis cochlear. ii. aut iii. quolibet mane vacuo stomacho. Cardanus. Hoc remedium commendat Greg. Horstius lib. 2. de sanit. tuenda. Ex residuo decocti, fit potus ordinarius in eadem quantitate aquæ, & vini.

Ulcus.

Ad ulcera antiqua, emplastrum mirabile, & in tibiis, mammis & aliis in locis. Secretum cujusdam familiæ, mihi communicatum.

℞. Beto. agrim. verb. niceti, pimpin. fabæ cras. mors. galli. flor. purpu. gerentis; ana mß. Parum contu. bulliant in vino lento igne, ad mediæ par. consumpt. vase satis capaci, & obturato; deinde per diem relinquantur, parumque postea igne lento excalfacta exprimantur, & per cetaceum transmittantur deinde bulliant in cacabo igne lento, injiciendo ceræ frustulatum incisæ ℔. sem. semper agitando, donec liquefiat: dein immitte resinæ pini albæ in pulv. redactæ ℔i. semper agitando. Et postquam parum bullierint, adde mastich. pulv. ℥i. movendo per semiquadrantem, & ab igne remota terebinth. ℥. iii. qua liquefacta, fiet emplastrum.

Ad ulcera colli vesicæ. matric. mentulæ. v. titulum Matricis ulcera.

Ad

Ad vocis amissionem. *R.* Suc. menthæ, dissolve cum aliquot caryophyllis, & da bibendum. Vir religiosus. Vocis amissio.

Ad vomicam pulmonum. *R.* Rad. aperie. $\zeta\beta$. cicer. rub. $\zeta\beta$. semi frigid. majo. ana zi. semi. apii. & petros. ana $\zeta\beta$. scabio. ceterac. bothrid. cap. vener. ana mi. Fiat apoz. Horstius senior. Vomica pulmonis.

Ad vomitum. *R.* salis absyn. card. bened. pelliculæ interi. stoma. gallinæ ana gr. iii. lap. bezoar. gr. v. marg. præp. tantumdem. cape cum aqua menthæ crispæ. Interea applicetur crusta panis tosta aceto irrorata, & pulv. mast. & nuc. mosch. probe aspersa. Lotichius. v. Enarra. i. lib. 3. cap. 7. de dysent. Vomitus.

R. Rhab. elec. zii. rhapont. zi. aloës hep. per. noctem suc. rosa imbibitæ $\zeta\beta$. ros. scrup. i. masti. scrup. ii. crist. præp. scrup. β . myrob. citrin. scrup. ii. cinam. & gum. arab. torref. ana scrup. i. cum syr. myrt. fiat massa pilul. de qua ii. capiat quolibet mane. Expertum à Zacuto remedium, aliis multis frustra tentatis. Aliud.

R. Picis part. iiiii. olei cydon. pi. Fiat dropax, quod eximie sistit vomitum; Inquit Bruele: v. stomachi dolorem. Aliud.

R. Aquæ menthæ ζ ii. semel, atque iterum sume. Enormes sistit vomitus, ait Hartmannus; Et quod succ. cydonior. crudi cochlear. i. miraculose eum sistit; Et lauda. opiatum, ubi alia nihil profuerunt. Ego suc. cydo. expertus sum. Aliud.

R. Aquæ still. urti. major ζ vi. spir. vitrio. q. s. ad largam aciditatem. Mirifice restringit; teste Hartmanno. Aliud ad sangu. vo.

R. Pulv. rad. azari, à $\zeta\beta$. ad scrup. iiiii. Capiat cum hydromel. aut oxymelite. Vomitum.

R. Decoc. rad. azari, aut seminis, ζ iiii. Propinetur post cibos pingues, & liquidos, eosque diversos. Rondeletius, in Ischiade. Aliud.

R. Olei amyg. dulc. ζ iiii.: Cape cum jusculo. Ter exhibuit Thonerus in febre maligna, semper cum levamine. Aliud, & Ien.

Ad ardorem urinæ. v. Dysuriam. Stranguriam. Et observat. 4. lib. 5. cap. x. Urinæ ardor.

Ad urinæ difficultatem, seu dysuriam. Utitur Helmontius spir. salis hispalensis, quolibet mane, cum vino pridie ex vase deprompto. Quo non solum mortales senum sustulisse strangurias Urinæ suppre.

guriās affirmat, sed & lapides in vesicam delapsos, qui morā grandiores facti exitu prohibebantur, extenuasse, & ad exitum præparasse. v. pagi. 702. n. 28. v. cap. de lapi. vesicæ.

Urinæ sup-
prec.

Ad Provocandum urinam. ℞. Sem. lithosp. ℥i. folior. Lamii mi. Infun. in aquæ bism. q. s. Forti expre. facta, dissol. syru. altheæ ℥ii. Fiat julep; capiat hora somni. Mane autem facto ℞. Succ. fol. pariet. ℥iii. clarifi. & cum syru. de althea ℥ii, fiat julep., & capiat. Interea ℞. Olei amygd. dulc. pro litu perinæi. Hoc remedio, urina 8. dieb. suppressa, prosiliit.

Aliud.

℞. Salis ex truncis fabar. confecti gr. viii. Cape cum aliquo liquo. convenienti. Quod si sal non sit in promptu; fiat lixivium clarifi. ex cineribus, & ℥vi. cum syr. de alth. ℥i. capiantur.

Aliud.

℞. Syfimb. aquat, cort. rad. raph. & petrosf. ana mß. contundantur, & cum butyro recenti ℥ii, & pauco vini fiat catapl. pectini calide applicandum. Matthiolus.

Aliud.

℞. Gum. cerafor. utere cum vino albo. a proprietate, expellit quod est in meatu urinario: Inquit Bayrius.

Aliud, ex
grumo san.

℞. Coag. lepor. ℥i. coag. hoedi ℥ß. aquæ rad. aperienti. ℥v. syru. cap. vener. ℥i.: Fiat potio. Interea foveantur pubes & inguina; præcipue autem interfemineum, aceto acerri. calido; vel ex eo fiat infessio. Experim. Zacuti, cap. de epilep. Quam grumus sanguinis urinas intercipient. efficiebat.

Uteri hy-
drops.

Ad uteri hydropem, cujus causa est vitium alicujus visceris; pulvis cachecticus post purgat. antimoniales, omnem paginam absolvit: Si vero causa hydropis est à sero è vena cava defluente, specificum est martis vitriolum. Dosis gr. i. cum ii. sacch. ex vino, aqua arthem. aut matric. sumptum per 20. & 40. dies vesperi ante cibum, donec cesset affectus, valet etiam ad uteri suffocationem. Hartmannus.

Aliud.

℞. Cort. rad. rusci; Infu. copiose in aqua, & mane, & sero, poterit per se, & cum vino, ex eaque fiant juscula, aliique cibi, & panis paretur. Unius mensis spacio curatæ sunt duæ mulieres referente Bauhino, ex Monspelienfi Chirurgo Cabrol. qui ad hydropem tantum propinabat. v. cap. de rusco Bauhini in hist. plant. to. i. pag. 182. i. part.

Uteri suffo-
catio.

Ad uteri suffocationem. ℞. Aquæ de melissâ compositæ,

2. aut 3. cochlearia: vel spirit. matricalis campho. gut. 6. aut vij. cum aqua melissæ: Experim. Toneri, qui has compositiones in calce sui libri de observ. describit.

℞. Empl. facti ex galb. & tacama. q. s. applicetur infra umbilicum. Idem. Aliud.

℞ Agar. electi ℥iij. elate., & esulæ præp. ana scrup. β. spicæ nar. masti. ros. rub. cinamo. ana ʒβ. aloës ʒiβ. irid. floren. scrup. j. casto. ammo. galb. sagap. ana scrup. β. myrr. cro. ana ʒj. styb. præp. scrup. j. cum suc. matric. merc. & aqua vitæ; fiat massa pilul. De qua unam, aut alteram capiat per mensem, trib. horis à coena. Inter tot præsidia, hoc unum habebat Zacutus familiare, & probatum ad præservationem. Aliud.

Ad uteri procidentiam; utere emplastro Zacuti, descripto lib. 3. prax. histo. in observ. cap. 13. Quod pectini, & lumbis imposi. mirifice uterum roborat, confirmat, humiditates exsiccat, & retinet in suo loco. Multa est, ut illi mos est, hujus emplastri partiaria materia, ideo remisi ad suum Authorem, qui de eo ait se firmum habere experimentum. Uteri procidentia.

Ad relaxationem uvulæ. ℞. Aquæ plantag. & equiseti ana ℥ββ. rosæ. cor. granat. ana pi. sem. cydon. ʒi. Fiat decoct. dissol. diamo. & dianu. ana ʒiβ. syru. de pap. & mel. rosæ. ana ʒβ. suc. granat ʒi. Fiat gargar. sæpe probatus à Lotichio. Qui de eo tepide jubet aliquando bibere; Et pulv. nidi hirundinum, cum fari. sem. lini cocto in formam cataplasmatidis, collo circumposito, multos curavit. Uvulæ relaxatio.

F I N I S.

EPI T O M E D E N A T U R A

ET VIRIBUS AQUARUM ET THERMARUM BAR-
BOTANENSIIUM IN COMITATU AUSCITA-
NENSI, SEU D'ARMAIGNAC.

*Olim idiomate gallico, à NICOLAO CHESNEAU Massiliensi, Docto-
re Medico, conscripta; nunc vero, propter doctrinæ conformitatem, ab
eo latinitate donata.*

A D L E C T O R E M.



LAM pridem adhuc Medicinæ candidatus, degens per biennium juxta Thermas de Barbotan; frequens eram in castello, sæpissimeque differens cum Domino loci, de earum natura, & viribus, suadebat ut de illis aliquid scriberem; Cujus voluntati satisfacere volens, propter ejus singularem in me benevolentiam, studiose in posterum sollicitus fui, in indagandis omnibus, quæ ad harum Thermarum, & ejus aquæ notitiam, pertinere videbantur; sive destillando; sive sabuli, ubi fontes passim scaturiebant, accurata inspectione; sive cum iis, qui ad eas ab aliquo affectu liberandi veniebant, confabulatione. Quibus absolutis, cœpi libellum conscribere de natura, & proprietatibus harum Thermarum, gallico idiomate exaratum. Nunc absoluto meo opere de observationibus Medicis, in quo passim aquæ thermæ præscribuntur, & balneo, & potu; operæ pretium duxi, ad ejus calcem, hoc Compendiolum latinitate donatum apponere; in quo omnia quæ ad potum aquarum mineralium requiruntur, & quæ ad usum Thermarum, dum pro balneo adhibentur, necessaria sunt, accurate descripta inveniuntur. Vale.

EPI-

E P I T O M E

DE NATURA ET VIRIBUS AQUARUM ET
THERMARUM BARBOTANENSIIUM.

CAPUT PRIMUM.



OPERA Domini sine delectu consideranti, licet mirabilia, ut ait Propheta, appareant omnia; Inter se tamen collatis, & uno quoque singulatim accepto, videbitur in quibusdam magis, quam in aliis se admirabilem præbuisse; Ita ut nemo sit, qui non agnoscat intelligentia donatum, ceteris ea carentibus

De Elementorum excellentia.

longe præstare; sicut & viventia non viventibus; hoc tamen ordine ex Galliæ Apostolo, ut infimum supremi, attingat supremum infimi: Unde unum & idem opus, respectu quorundam, vile, & abjectum videbitur; cum aliis tamen collato, præcipua quædam ab Authore suo accepta, inveniuntur in eo. Quemadmodum si quis vellet considerare elementa, habita ratione intelligentiarum, quanto inferiora adverteret; è contra autem, quanto sublunaribus superiora inveniret; etiam, ausim dicere ipsis viventibus; licet ex Philosophorum doctrina, minimum ex viventibus, perfectius sit ceteris non viventibus. Si enim consideretur natura elementorum, quæ ex se est incorruptibilis; quis vicissitudini, & omni subditæ corruptioni non anteponet? Illa firma est, & stabilis; hæc mutationi semper obnoxia, & perpetuo caduca. Præterea si entia quo simpliciora, tanquam perfectioni magis proxima, nobilitate antecellunt iis, quæ sunt magis composita: Quis inter sublunaria, primum locum non dabit elementis; cum per antonomasiam, quatuor corpora simplicia vocentur. Deinde quid super terram, quid in aëre, quid in terra pulchrum, & ostentatione dignum est, quod elementis acceptum non referatur? Unde tot qualitatum varietas, in coloribus, odoribus, saporibus, & aliis, nisi ex

D. Diony.
lib. de cœli
hierat.

miftione fubftantiæ, & qualitatum elementorum? Ita ut nihil in fublunaribus admiratione dignum fit, quod à quatuor his principiis non fit derivatum; Imo ipfi cœli, flos elementorum vocantur ab Aristotele. Corpus etiam nostrum, quid non habet ex elementis, præcipue ex eorum fententia qui afferunt elementa eſſe in miſtis ſecundum ſuas ſubſtantias; numquid ex ipſis componetur? ſicut & præcipuum animæ inſtrumentum, quo ipſa indiget ad ipſum informandum; materia ex qua componitur, dilucide id oſtendit, præter communem conſenſum eorum, qui de ſpirituum generatione, ſcripſerunt: Quod perpendens, non miror Galenum dixiſſe: Mortalem ſpeciem animæ, non ſolum ſequi temperamentum, ſed etiam ipſum eſſe temperamentum. Temperamentum, quod non vult conſiſtere in ſolis qualitaribus, ut quidam imaginantur, ſed, ut ait paulo inferius, ex commoderata aëreæ, igneæque ſubſtantiæ miſtione conſiſtens. Ex illius itaque ſententia, ſublunaria omnia, licet viventia, præter hominem, qui inter ea non recenſetur, nihil habebunt, quod aliquid ſupra elementa illis tribuat, niſi ea quæ ab ipſis elementis mutuata ſunt.

C A P U T II.

Aquam ceteris elementis longe præſtare.

Si quis elementi alicujus excellentiam, ex ejus ſitu ducere vellet; primus gradus ſine dubio, igni eſſet tribuendus, tanquam in ſuperiori loco poſito ut creditur: Sed hunc elementorum ordinem, aliis de cauſis factum eſſe, exiſtimantibus, alibi quærendum eſt, unde habeat aqua, quo ceteris elementis præſtare dicatur. Nam ſi ignis contiguus fuiſſet terræ, quomodo aduſta dediſſet fructus? quomodo etiam animalia gradum firmaveſſent ſuper eam? Præter hæc, ut ait Sapiens. Ita Deus res ordinavit, ut unum ſit contra unum, & duo contra duo; Ideo rerum ordo, & conſervatio poſtulabat, ut frigidum, opponeretur calido, & ſicco, & quod intenſe humidum erat, ſicco incumberet: ut unumquodque melius ſe tueretur, & qualitati- bus ſibi contrariis reſiſteret; eo quod

Frigida cum calidis concertant, humida ſiccis.

Propterea ignis calidus in ſummo, & ſiccus in remiſſo, poſitus eſt

est secundum lunæ spheram, quam adurere non potest; inferne habuit juxta se aërem, qualitatibus illi contrariis donatum, est enim aër, secundum opinionem veritati magis consonam, etiam ex nostro Galeno, frigidus in summo, & humidus in remisso, ut igni posset resistere, & duo essent contra duo. Cum igitur expositione elementorum; non arguatur eorum prærogativa; oportet, ignorantes, ut ait Aristoteles, ultimas rerum differentias, ex aliis inquirere fontibus; ex proprietatibus scilicet, & vario uniuscujusque usu: Quæ quidem proprietates, & usus, facile nobis demonstrabunt, aquam inter elementa, præcipuam æstimationem sibi vindicare. Primo quidem, omnium elementorum maxime est aqua necessaria, ad vitam animalium; nullum est enim quod ea carere possit: Multa sine terræ adminiculo vivunt; multa non indigent respiratione; In igne vero nihil sine destructione manere potest. Possem hic quædam Plutarchi rationes afferre, super quæstione: Utrum aqua sit igne magis necessaria? Quia autem utrinque allatis rationibus, dubium lectori solvendum relinquit, harum narrationi supersedebo, sequentes tantum addens, ut concludam in gratiam elementi nostri humidi. Prima est, aquam omnium viventium esse procreatricem; secundum illud Genes. 1. Producant aquæ reptile, & volatile super terram. Et Genes. 2. Nondum germinaverat terra virgultum, quia nondum pluerat Dominus super terram. Quod quidam antiqui Philosophi agnoscetes, arbitrati sunt aquam omnium rerum esse principium, secundum antiquitatis oraculum.

Ὁ θεός ὁ δὲ θεῶν γένεσιν καὶ μήτερά θείη.

Secunda ratio quæ aquam præ ceteris elementis commendabilem facit, hæc est, quod electa fuerit ut inserviret baptismatis Sacramento, sine quo nulla salus; ex quo usu dilucide ostenditur, aquam aliquid peculiare habuisse, ut ipsa ad hoc opus sola adhiberetur. Prætermitto aquam lustralem Ecclesiarum; Sicut & quod Antiqui capillos suos fluminibus consecrabant, hoc uno solo contentus; Non esse mirandum aquam tot habere prærogativas, cum Genes. 1. habeatur, quod Spiritus Domini ferebatur super aquas.

CAPUT III.

De mirabili-
bus quæ de
aquis prædi-
cantur.

Lib. 4. de
reb. gest.
Alexan.
mag.

Lib. 7. cap.
34.

Natura ita se in operibus suis commendabilem præstitit, ut acutissimi Philosophi eorum causas indagantes, defecerint in cogitationibus suis; ita ut quidam præcipites se dederint in mirabilia quæ scrutabantur; ut ab his exciperentur quæ concipere non potuerant. Nam sive in considerandis quæ sursum conspiciuntur versetur animus; sive super terram divertatur; sive his quæ in aquis accidunt distineatur, tot occurrent illi admiratione digna, præcipue in hoc ultimo, ut omne quod scriptum est de aquis stupendum, volumen non caperet. Q. Curtius narrat de quodam fonte, qui oriente sole tepidus est, frigidus evadens circa meridiem; deinde paulatim calorem accipiens effervesceat in media nocte. Theophrastus ait de flumine Crathis, quod boves, & verveces potantes dealbat; quod etiam accidit hominibus. Scribit Seneca de fluvio Lincesse quod si quis nimis sitiens de eo bibat; tanquam vino sepultus inebriatur. Legitur etiam stagnum esse in Media, supra quod liquor quipam innatat, ex quo si quis ungatur, flammam concipit, si ad ignem accedat: Hic liquor ille est, de quo loquitur Seneca in tragœdia Medæ, quem illa adhibuit, ut Jasonis amasiam flammis conceptis de medio tolleretur, consulens ei astute, ut diis in templum victimas oblatura discedens, floream corollam gestaret, hoc liquore inunctam. Libro ultimo de bello Judaico Josephi, scriptum reperitur de fluvio Sabatico, qui abunde sex diebus hebdomadæ suas aquas tradit; die vero sabathi, eas omnino retinet, ita ut ejus alveus appareat siccus. Prætermissam hîc quod dicitur de quadam Arcadiæ aqua, quæ esset ebriosus valde idonea, in quam si quis immergatur, nequidem vini odorem ferre poterit. Tacebo quoque vim mortiferam aquæ, in regione Leontinorum, de qua si quis biberit, statim moritur; sicut & de quodam stagno versus Sauromatas, quod aves nequidem transvolare possunt. Nunquam demum finem facerem, si quæ de aquis prodigiosa narrantur scribendo persequi vellem; Plura tamen scire volentibus, ad Senecam, & Plinium remittens, aliquid dicam de aqua probatoria Judæorum, qua

ute-

utebantur etiam quidam Christiani, ipsis ex decreto Stephani v. interdicta: Habebant enim Judæi librum, seu schedulam zolotypiæ, in qua Pontifex execrationes quasdam scribebat, easque postmodum in aquam quamdam amaram radebat, & abluebatur, mulierique de cujus fide maritali servata vir dubitabat, potandam exhibebat; quæ quidem si esset innocens foecunda reddebatur, nihil nocumenti ex ea accipiens: Si vero adultera, statim post exhaustam aquam, ipsius oculi contorquebantur, & toto corpore ad genua complicabatur, ac tandem post diros viscerum cruciatus, media disrumpebatur, toti populo præbens exemplum; ut habetur in sacris literis.

Numc.
cap. 5.

C A P. IV.

Aqua apud Jurisconsultos, cum Ulpiano in Digest. Alia est viva, alia stagnans: viva, alia est perennis; & hæc dividitur in fontes, puteos, & flumina: Alia est temporaria, quæ non omni, sed certo quodam anni tempore fluit, ut aquæ pluvix, & torrentes. Aquarum stagnantium quinque sunt genera; scilicet, lacus, qui pro maxima quantitate sumitur aquæ stagnantis: Secundo stagnum, quod minorem quam lacus habet aquæ quantitatem. Tertio fossa, quæ in longum quiescentem aquam continet. Quarto est piscina, quæ piscibus servandis est instructa. Et quinto cisterna, quæ aquam stagnantem à pluviis acceptam continet. Ex his omnibus aquis, sanitati magis conducibilis, est quæ à fonte perenni effluit. Ad hanc maxime accedit aqua fluminum, præcipue cum purificata bibitur; quemadmodum in Egypto fit, & in pluribus urbibus, quas fluvius Rhodanus alluit; propterea vocantur Rhodani potores: juxta illud Poëtæ.

De aquarum
differentiis.
Lib. 43. à titu-
tu. xi. ad xi.

— *me peritus*

Horatius.

Discet Iber, Rhodanique potor.

Aqua cisternæ, quæ à pluribus præfertur fluminum aquis ordine, tertia est; Oribasius enim, ait pluviales aquas leves esse, subtiles, & puras, gustuique dulces, citoque calorem, aut frigus concipere, res etiam quæ in eis coquuntur, brevi tempore elixari; quæ omnia bonitatem aquæ, qualiscumque sit;

Excollet.
ex Rufi.
commen. de
aquis.

fit;

fit, ostendunt: Galenus tamen lib 4. de tuen. valet. eas nullo modo approbat; Quia autem Hippocrates lib. de aëre, loc. & aqu. optimas vocat, dicendum est Galenum loqui de iis quæ idoneo tempore non colliguntur, & cum delectu, rejicientem eam, quæ à ventis excitata tempestate decidit, quæ nihil valet ad potandum, ut ab eo scriptum habetur Commen. in. lib. 6. Epide. præcipue quæ ex glacie, & nive liquatis fiunt, quæ loco citat. perniciosæ vocantur ab Hippocrate; non laudante, ut opinor, nisi quæ decidit quieto cœlo, præcipue autem æstate, & cum tonitru sine procella: Quod confirmatur ab Oribasio, dum ait: Ex pluviis autem aquis, æstiva, quam horream vocat Hippocrates, quæque ex tonitru fit, præstantior est, quam quæ nimbis est demissa: Quare non est tantopere laudanda cisternarum aqua, nisi studiose colligatur, ex dictis minus præstat, tanquam gravis, & imbecillum stomachum lædens, sua frigiditate difficilis alterationis. Quantum ad aquas lacuum, & quiscumque generis stagnantium, piscibus alendis, & aliis usibus potius sunt relinquendæ, quam ad potum adhibendæ. Nunc autem, cum de aquis quæ magis potui conveniunt disseruerimus, fontisque aquam aliis præstare dixerimus; restat demonstrandum, quibus notis melior aqua fontis dignoscatur: Quarum prima deducitur ex Hippocrate, dum ait, quod Aqua quæ cito calefit, & cito refrigeratur, levissima. Præcipua enim nota potabilis aquæ, levitas est; quod ad literam non est accipiendum, ut vulgus hominum, & quidam Medici faciunt, qui aquæ bonitatem alicujus fontis agnoscere volentes, libra, aut statera, experiuntur. Nam quemadmodum cibus aliquis, dicitur esse gravis stomacho, cum ab ipso molestatur, licet pondere sit levissimus, ut fungi: sic cum ab aqua epota, nihil molestiæ percipit stomachus, intestina cito pertranseunte, sine torminibus, & flatuum generatione, hæc aqua dicitur levissima, quia ejus frigiditas cedit statim calori stomachi, unde dicitur ab Hippocrate cito calefieri. Secunda nota quam debet habere aqua fontis, ut inter optimas recenseatur, hæc est, ut omnis qualitatis sit expers: Non solum quæ gustu percipiuntur, sed & odoratu, puraque sit, & limpida. Tertia est ut sit frigida æstate, & calida heyme. Ultimum vero,

ut

ut fontis scaturigo sit versus orientem, qua parte diebus æstivis sol oritur, & colle terreo potius fluens, quam ex saxoso, quia saxa crudum quidpiam aquis impertiunt, & lapidis in quamdam naturam, in corpore nostro convertibile. Quare quæ supradictis dotibus invenientur dotatae, his utendum, tanquam in supremo gradu existentibus: Nam quæ fluunt ad septentrionem crudiores sunt, multoque magis quæ vergunt ad occidentem, eo quod sol oriens, fontem ejus non respiciat, nisi cum jam multum provecta est dies, unde locus, non ita cito à vaporibus nocturno frigore depressis liberatur, non adeo salubris existit locus nec fertilis, ut ille qui respicit orientem, aut in planitiebus positus: Aquæ vero quæ ad meridiem fluunt propter solis moram nitrosæ evadunt, & quod subtilius est evanescit: Quod ratio est cur Orisibaſus dicat: Aquas quæ ad meridiem fluunt, non laudo. Sequens in hoc Hippocratis auctoritatem, qui eas ultimo loco collocat, & pessimas vocat.

Lib. de aer.
loc. & aqu.

CAPUT V.

Multi nimia curiositate ducti, in indaganda ignis subterranei causa, imprudenter ad loca, in quibus illa latere credebatur, accedere volentes, spreti periculi poenas, morte luere coacti fuere. Sic Empedocles, cum paulo propius ad montem Ætnam accessisset, & Plinius secundus ad montem Vesuvium, posteritati monumenta fuerunt, vitam cum morte commutantes, id deplorandum audaciæ, & temeritatis pignus; licet tamen præ oculis hæc habeamus exempla, nequidem ab indagatione causæ desistendum, cujus interventu Aquæ Barbotanenses, & aliæ ejusmodi incalescunt, etiam si esset ab igne accenso, ut quidam putant, cum antidotum propius simus habituri; adde quod nobis res erit cum aquis alterius generis, quam cum illis de quibus egimus cap. 3. Quarum quædam, solis vaporibus mortem inferunt: Aliæ quibus inuncti flammæ concipimus: Aliæ vero quæ potæ, inscios toxico inficiunt: Tantum abest ut hoc efficiant, quin potius in pluribus morbis profligandis usu recipiantur. Quod autem nos magis in admirationem rapit, calor est perpetuus istarum aquarum, unde is oriatur, &

De causa pe-
rennis calo-
ris aquarum
mineralium.

Eccc

quæ-

quænam sit proxima ejus causa. Qua de re, tam variæ sunt sententiæ, ut admodum sit difficile, certum quidpiam de hoc pronunciare. Quidam crediderunt ventos in locis subterraneis inclusos, causam esse ejusmodi caloris: Quod de simplici calore stare non potest, licet cum ignis est accensus, tanquam flabellum eum ventilando excitent, eoque modo causa esse possint, non autem de calore sine igne accenso. Alii asseruerunt ejusmodi calorem accidere ex collisione aquarum inter saxa. Quibusdam visum est radios solares illud præstare: Aliorum fuit opinio lapidibus calcariis aquas incalescere. Quidam denique paulo melius philosophantes, continui caloris aquarum ejusmodi mineralium, causam esse ignem subterraneum accensum statuerunt: Quæ quidem omnes opiniones, præter hanc de ignibus accensis, licet falsam, multis in locis, ita sunt à veritate alienæ, ut rudes, & imperiti de hoc judicium ferre possunt: Qua propter in iis refellendis non morabor, sed tantum in ea quæ ignes sub terra accensos, aquarum mineralium calorem perpetuo fovere contendit. Quod mihi semper impossibile visum est in aquis mediterraneis, licet quidam Neoterici post Empedoclem, & alios, hanc tueantur sententiam: Quoniam hoc repugnat hujus elementi naturæ, quæ est libertatis amatrix, ita ut si coerceatur, prorumpat cum horrendo strepitu, qualis in tonitru auditur, cujus fragor tantum hominibus incutit timorem, ut crediderunt Antiqui, hoc fieri non posse, nisi à potenti Jovis manu, unde Poëtæ semper tonantis epithetum illi tribuerunt.

Vitruvi. 1. s.
Apul. de
mundo.

Agrico.
Pontan.

Norat.

Seneca.
Tragi.

Cælo tonantem credidimus Jovem.

Et alius.

Soror tonantis, hoc enim solum mihi nomen relictum est.

Ab igne etiam, si sub terra subito accendatur, urbes integræ evertuntur, ut quondam Tantalus, urbs speciosa, & divitiis affluens, Syphilo Magnesiæ urbs in Regno Neopolitano, cujus abyssus odorem sulphuris exhalabat, ut mihi anno 1628. narratum est à quibusdam Italis peregrinantibus, hunc libellum tunc conscribenti. Credendum itaque materiam alendæ flammæ idoneam, ea concepta, alere non posse, quin vel extinguatur, si coerceri possit, aut impetu facto terram concutiat,

mon-

montesque interdum, & urbes evertat; ita ut ignis sub terra accensus, nullam subsistendi rationem habeat, sine spiraculo. Quemadmodum apparet in locis, de quibus Plinius scribit lib. 2. cap. 106. In quibus ignis semel accensus spiraculum habere debuit, ut se oculis manifestaret, adeo aeris fruendi desiderio tenetur: Quod cum non accidat in omnibus fere locis, in quibus aquæ thermæ conspiciuntur; coactus sum fateri, ejusmodi aquas incalescere, materiæ alicujus sulphuræ beneficio, potius quam ignibus sub terra accensis. Ut colligitur ex Aristotele, Seneca, Plinio, Claudiano, & Albert. Magno. Quamvis enim concederem subterraneos accensos ignes, uti sunt in aliquibus locis: Vellem scire quodnam eorum sit pabulum, an aliud sit à materia sulphurea. Quidam Neoterici, ne inviti cogerentur abire in sententiam eorum, qui sulphuris fodinas, & aquarum mineralium calorem fovere, & ignibus accensis subterraneis, ubi sunt, pabulum suppeditare affirmant, alium subsistendi modum ignibus comminisci voluerunt; sed in vanis perquisitionibus lassati, dixerunt ignes subterraneos modo inefabili conservari, Deo in hoc ostendere volente, quam mirabilia sint opera ejus. Egregii sane Philosophi, in hoc stantes, ut opera arcana naturæ, ejus Authori referant: Nescire, ut ait Fracastorius universalissimas causas ignavi & rustici ingenii est, medias vero inquirere, & ad proprias niti quantum homini datum, Philosophi certe est. Nihil igitur in visceribus terræ inveniri potest, alendo igni subterraneo idoneum, nisi materia sit quædam sulphurea, ut deducitur ex Plinio, & aliis qui hac de re scripserunt: Neque alia inveniri potest materia, quæ non sit pinguis & oleosa: Nam sulphur, ut ait quidam ex nostris, terræ adipem, seu oleum appellant, quicunque metallorum naturas percrutantur: Quapropter Chimici affirmant sulphur semen esse masculinum, & primum agens, in metallorum generatione. Si igitur sulphur, seu materia pinguis & oleosa, ut naphtha, & bitumen, sunt solum idonea, ad ignis subterranei pabulum, nullæ erunt aquæ thermæ sine ejus materiæ beneficio. Præterea si ex igne accenso aquæ incalescunt, oportebit hæc loca spiracula habere, ut ignis accensus beneficio aëris fruatur, sine quo conservari non potest. Qua-

Lib. de propri. elemen.
Lib. 3. natu. quæst. c. 54.
Lib. 35. natu. hid. cap. de sulphu.
Justin. lib. 4.

Cap. de sulph. Virgil. in Æthna.
Ovid. 15. Metam.
Claudi. de rap. Proser.
Matthioli. cap. de sulph.
Senec. cap. de pumi.

re in omnibus locis, in quibus thermæ aquæ scaturiunt, ubi ignis accensus non apparet, dicendum est ejusmodi aquas, sulphuris fodinæ beneficio incallescere, quod sine ignibus accensis, id potest efficere; tam vehemens enim calor, ut ait Matthiolus, cap. de sulph. in ipsius fodinis percipitur, ut oporteat eas esse in luce, & in aperto; alioquin odor foetidus, & calor vehemens, metallicos fossores præfocaret, licet accensi ignes, nulli conspiciantur. Si igitur in terræ visceribus nihil est, quod sine accensis ignibus, calorem aquis mineralibus calefaciendis sufficientem contineat, nisi sulphuris fodina; quis negabit in locis, in quibus nulli sunt ignes accensi, aquas thermæ ab ea calefieri? Ego quidem existimo omnes, qui de causâ caloris mineralium aquarum scripserunt, in hanc sententiam discessisse, si sulphuris fodinas invisissent, aut testibus hac de re ocularibus, fidem adhibere voluissent; nec futilibus argumentis irretiti, eam evertere conati essent. Si ex eo quod aquæ fluunt per fodinas, inquiunt; sulphureas, ipsæ incallescere, oporteret necessario, ut omnis aqua sulphurea, esset calida: Atqui multi sunt fontes sulphurei actu frigidi. Conradus Gesnerus describit unum, loquens de balneis Helvetiorum. Fontes Cellenses in Germania, sunt similiter frigidi, sunt & fontes de la Trollière, & de Bardon, in regione Boiorum: Concludendum itaque, sulphur nullo modo causam esse caloris aquarum mineralium. Miror hos scriptores, cæcutire in re tam clara, & perspicua: Quis enim ignorat ferrum candens ab igne remotum refrigerari? Quis etiam non videt fontes illos, sulphuris fodinas, aut loca proxima præterfluentes, in via refrigerari, procul à fodinis scaturientes, & à principio intrinseco? aqua enim sua natura frigida est. Afferunt etiam adversarii, Plinii, & Vitruvii auctoritatem, ut probent aquas minerales non habere calorem à sulphure: Illum quidem afferentem, aquas reperiri, quæ licet calidæ, non sunt medicinales. Hunc vero quasdam esse aquas gustu suaves, licet calidas: Unde nituntur inferre adversarii, aquas minerales mediante sulphure non calefieri; quia essent medicinales, & gustu insuaves, propter sulphuris odorem. Tripliciter ad illas auctoritates responderi potest. Primo aquas calidas multis in locis reperiri non medicinales. Secundo, quod in loco ex quo fluunt aquæ, ut

Lib. 31. c. 6.
nat. hist.
Lib. 8.

in insula Lipari, uno ex locis de quibus loquitur Plinius in quo sunt aquæ calidæ non medicinales; ignis accensus magis succosum, & aquis communicabile absumat in pabulum: Hæc enim insula, ut refert ipse Plinius, non ardet nisi mediante sulphure. Tertio, & melius, dicimus aquas sæpe fluere non per fodinas sulphuris, sed juxta eas; ita ut calor tantum ipsius communicetur sine aliis qualitatibus, quia calor longius se producit aliis qualitatibus. Quod ut probetur, & hostem proprio suo gladio jugulemus: Audiamus Vitruvium, cujus auctoritatem ipse attulit. Cum in imo, inquit, per alumen, aut bitumen, sive sulphur, ignis excitatur, ardore præcandefacit terram, quæ est circa se, supra se autem fervidum emittit vaporem; & ita si qui in his locis, quæ sunt supra, fontes dulcis aquæ nascentur, offensi eo vapore effervescent inter venas; & ita profuunt incorrupto sapore. Quid magis ad rem & clarius scribi potest, sive de gustu, sive de solo calore aquis tantum communicato! Dabimus tamen ignes accensos, ubi reperiuntur, aquas posse calefacere; verum non erunt medicinales, ut in prædicta insula, propter rationem jam dictam, aut quod per loca igne incallescunt, transeant aquæ, in quibus nulla sunt mineralia, ut eorum substantia, aut virtute communicata, medicinales evadant. Tertia ratio quæ affertur, ut probetur mediante sulphure, calorem aquis mineralibus non communicari, hæc est, & valde infirma. Nullum remedium, inquiunt, quantumcumque calidum, calorem non communicabit, nisi reducatur de potentia in actum. Atqui licet infundas aquam supra sulphur, & adhuc novum sulphur immittas, simul miscendo, & agitando quantumcumque volueris, nequidem tepida fiet aqua, quod conceditur: Quia autem isti viri, considerant sulphur jam factum, amisso extra fodinas actuali calore, nullum dabimus responsum, nisi ut adeant ipsas fodinas, in quibus videbunt, quomodo sit redactum de potentia in actum, & qualis in eis calor foveatur.

Cap. de
sulph.

C A P. VI.

De Balneo,
& ejus parti-
bus.

Aquæ Barbotanenses, balnei fama præcipue celebres, possulant ut aliquid de balneo dicamus; de quo Medici differunt agentes de rebus, quas Non naturales vocant, inter quas evacuatio quintum occupat locum; non minus utilis quam ceteræ, ad sanitatis conservationem. Cum enim tres sint coctiones alendo corpori necessariae, impossibile erat, quin in qualibet gignerentur excrementa, quæ tanquam nutritioni inepta, segregari oporteret; ideo excrementa primæ coctionis, vacuantur per intestina. Secundæ habent sua receptacula; unum quidem cystim fellis; alterum vero secundum communem opinionem, splenem; & tertium, postquam deferendo sanguini, per partes universas corporis deservit, attractum à renibus, & per ureteras descendens in vesicam, foras emittitur. Tertiæ coctionis excrementum, quæ sit in omnibus partibus corporis, ipsis bene habentibus; vel ad cutem transmittitur per poros vacuandum; modo per sudores, modo per insensibilem transpirationem; vel per cæcos meatus rejicitur, per alios ductus vacuandum, prout materia excrementitia, loca per quæ, & calor agens disposita sunt. Sed quia natura vacuandis excrementis intenta, interdum est invalida, respectu vel ipsius excrementi, vel viarum per quas expelli debet; ab arte inventi sunt modi, ut ipsa juvari posset, sive venæ sectionibus, sive purgationibus, sive aliis evacuationibus, quas lubens prætereo, solum acturus de balneis aquæ calidæ; frigida enim non vacuat, vias potius excrementis præcludit, balneum vero aquæ calidæ vacuatio est, quæ sit per totum corpus, ab excrementis, non solum sub cute existentibus, ut vult Georgius Agricola, sed etiam ab eis, quæ in intimis sedes habent: Fuliginosos humores, ait Fernelius, loquens de balneo, non modo dissipat è summis; verum etiam ex intimis corporis regionibus, tenuisque, & fluxos foras evocat; quod sit beneficio caloris balneorum, sive naturalium, sive arte factorum. Quæ arte comparata sunt, antiquitus quinque locis distinguebantur: Primus vocabatur Tepidarium: Qui locus erat, in quo qui balneo uti vole-

volebant, vestes deponebant, hunc Græci *apodutérion* vocabant, à verbo *apoduein*, quod exuere significat. Secundus locus dicebatur à Latinis Calidarium, aut ex Seneca sudatorium, & à Græcis *puriatérion* & *hupókauſton*, à nomine *pûr*, idest ignis, & *caterion*, sudatio: Et alterum à verbo *hupokaio*, quod est succendo. Quo quia frequenter Lacedæmonii utebantur, Laconicum dictum est: Unde Martialis in Epigrammatis.

Ritus si placeant tibi Laconum,

Contentus potes arido vapore,

Cruda virgine, martiaque mergi.

Locus erat concameratus, ubi sudor, igne exalſaſto aëre provocabatur, ut fit in pluribus regionibus, & in Gallia *aux Eſtuves*. Tertius locus erat folium calidum dictus: Et quartus folium frigidum, in quibus lavabantur homines in labris aqua calida plenis, in primo folio: in alia vero aqua frigida. Quintus & ultimus balnei locus, erat in quo sudores detergebantur, qui nunc cum primo idem est, nec immergunt se homines in labris, præſertum aqua frigida plenis, propter adverſos caſus; mutationes enim repentinæ pariunt morbos. Ex balneis naturalibus quæ ita dicuntur, quod ſponte calida, terra naſcantur, pluris generis ſtatuuntur, quæ licet aluminofa vel nitroſa vel alterius generis eſſe poſſint, fere ſemper ſulphurea, & bituminofa exiſtunt: de quibus nunc ſermo à nobis eſt habendus, vires Barbotanenſium inquirendo.

Hippo. aph.
ſi. ſect. 2.

C A P U T VII.

TAnta eſt, inquit Oribafius, aquarum miralium differentia, ut difficilium fit, perfectam de his habere cognitionem: Ideo ſi hac de re aliquid ſcire velimus, oportet nos ad quorundam ſenſuum experientiam confugere, qui intra fodinas quaſi nos ducant, ut quænam ſint cauſæ, quibus mediantibus, aquæ minerales tot viribus, & tam variis dotantur, nobis innotſcat. Nam ut ait Lucretius.

Invenies primis abs ſenſibus eſſe creatam

Notitiam veri, neque ſenſus poſſe refelli;

Qui niſi ſint veri, ratio quoque falſa ſit omnis.

Sed quod primam hanc à ſenſibus notitiam, certam, & ſtabilem

De proprietate, & viribus Aquarum Barbotanenſium, & ex quibus mineralibus ſint imbutæ. Ex lib. Herodo. de præſi.

bilem reddit, unum est; cum scilicet quæ ab aquis efficiuntur, huic primæ cognitioni respondent: v. g. si aquæ gustum, & odorem sulphuris habentes, edant postea effectus ejusmodi aquis peculiares, certius judicium de eis ferimus; quemadmodum & de aliis aquis mineralibus: quælibet enim vires, & proprietates sibi vindicat particulares. Nam aquæ falsæ, vim habent exsiccandi hydropicorum aquas, sedant nervorum dolores à phlegmate, pruritus tollunt, livores delent à contusione factas, corpus potæ extenuant, sanguinem coagulatum dissolvunt in stomacho, & phlegma purgant: quod ultimum, non est sententiæ Hippocratis consonum, si de vera purgatione intelligatur. At enim, ait, mentiuntur homines de falsis aquis, propter imperitiam, in eo quod per alvum secedere, eamque solvere putantur; maxime enim contrariæ sunt ad alvi egestionem, & secessum, sunt enim crudæ, & coqui non possunt, quare venter magis ab ipsis adstringitur, quam eliquatur. Aquæ nitrosæ cum salis in multis conveniunt, majore tamen virtute pollent in agendo, nec ab eis venter astringitur; eum potius solvunt, purgando per intestina, aperiuntque obstructions, & frigidam, humidamque intemperiem corrigunt, œdematibus, & scyrrhis, à concretione phlegmatis conveniunt. Aluminosæ maxime adstringunt; ideo stomacho cibos non retinenti magnopere prosunt, sicut & mulieribus, fluore aliquo immoderato laborantibus, nec non iis quæ facile abortum patiuntur: Sunt etiam maxime idoneæ varicibus, & hæmorrhoidibus nimium fluentibus, quemadmodum & iis qui immodico sudore defluunt. Bituminosæ non parvum caloris gradum possident, partesque, præcipue matricem, colon, & vesicam, ut quidam scribunt, emolliunt; verum caput gravant, & sensuum instrumenta lædunt. Quæ sulphuris virtute imbuuntur, maxime nervis emolliendis, & calefaciendis præstant, dolores juncturarum, & aliarum partium demulcent & tollunt sæpissime; præcipue frigida existente causa. Tumores œdematosos, & flatulentos discutiunt, cutisque vitia curant; non placent tamen stomacho, quia emolliunt. Aquæ vitriolatæ, si tota substantia vitrioli, in eis sit dissoluta, stomachum evertunt, enormes excitando vomitus; quod qui voluerit ex-

Lib. de aëre
loc. & aquis.

perietur, si bibat aquam in qua vitriolum sit dissolutum: Sed aquæ minerales, quæ vitriolatæ dicuntur, siue sint alterius generis, non habent vires à perfectis mineralibus, uti videntur extra fodinas, sed ex quamplurimis simplicioribus, ex quarum mixtione magis composita emergunt, vitriolum enim habet mineralia ex quibus componitur: Habet primo sal petrae, seu nitrum, quod prima omnium & præcipua est materia, non solum mineralium, sed & vegetabilium, & sensibilibium; habet præterea vitriolum suum phlegma, ex materia terrestri, & valde astringente, licet emetica, proveniens; habet suum spiritum, qui pellucidus est, & albus: Habet suum oleum, seu liquorem, vicem olei gerens, qui rubicundus est, & ultimus prodit in distillatione: Habet denique vitriolum suum caput mortuum, seu partem terrestrem liquoribus valde dilutam; dissolvitur enim omnino in aqua, quæ si per aliquot dies reponatur, subsidet in fundo quid viride: quod maxime emeticum est; aqua vero quæ supernatat nullo modo: quidam enim, qui aquam vitriolatam arte conficere volunt, accipiunt vitrio. ℥ij. & aquæ ℥ij. simul mixta, subsidere sinunt substantiam illam viridem; quod autem supernatat purum, exhauriunt ad potum, non tamen in tanta quantitate, ut sit de aquis naturalibus. Ex quibus intelligitur, vitriolum aliud esse in facto esse, ut loquuntur, & aliud in fieri, ex quo præcipue aquæ vitriolatæ suas vires accipiunt, quarum multæ ad ignem evaporatæ, nequidem de vitriolo quidquam relinquunt, licet vitriolum facile aqua dissolvatur. Ideo haud dubie crediderim aquas, quæ vitriolatæ creduntur non omnes, imo perpaucas, vero vitriolo imbutas esse; sed à quadam materia, quæ virtutis similitudine vitriolata dicitur, cujus substantia, quæ saltem oculis percipiatur, non dissolvitur in aquas, ut vitriolum. Ita de quibusdam aliis mineralibus philosophandum. Hæ igitur aquæ quæ vitriolatæ dicuntur, meatus aperiant, urinas movent & quamplurimæ ventrem; jecoris, & hypochondriorum calorem temperant, & si quis stomacho insensus humor in eum influat, ut sæpe fit à capite, mitigando abripiunt mirandum in modum. Quæ ferratæ vocantur, simili fere virtute dotantur; habet enim ferrum suum vitriolum, quo aperit obstructions; magis tamen roborant, & minus ardores

temperant. Quæ viribus cupri sunt participes, oris ulceribus, oculorum fluxionibus & gutturis, ulceribusque malignis conveniunt; ad potum tamen non adhibentur, licet suum in se habeant vitriolum, sicut ferrum, colore tamen dissimile; propter, ut credo, suam æruginem, quæ partibus internis noceret, quod non facit rubigo ferri: Ideo aquæ ferratæ minerales, multo sunt præstantiores, propter vim beneficam sui vitrioli; ut videre est in variis sui præparationibus, ex chalybe factis, & ex rubigine anchorarum, unde profunt splenicis, & mensibus albis, seminisque fluxi involuntario; & sicut vitriolum Martis stomachicum est, ita & aquæ ferratæ. Quæ per fodinas plumbi ducuntur; contra ulcera maligna, & difficilis curationis; cancos, fistulas, & lepram recentem, maxime sunt idoneæ. Quæ de argenti fodina suas vires habent, refrigeratoriæ, & exsiccantes æstimantur, caput roborant, & quidpiam habent cordi roborando idoneum: Non tamen ut illæ quæ per auri fodinas fluunt, quas etiam miserere, & arthritidi prodesse quidam scribunt.

Sic rapit unda fluens, quod fossile condit abyssis.

Attente nunc perpendens, Barbotanensium Aquarum proprietates, & uniuscujusque fossilis, quas supra enumeravimus; nullus erit, si tantillum juxta aquas adfuerit, hujus rei sollicitus, qui non dicat illas, sulphure maxime esse imbutas, deinde bitumine, cum quadam qualitate nitrosa. Odor testis est locuples sulphuris, sicut & bituminis: Nam si quis, cœlo præcipue frigido, & nubiloso, descendens ad aquas, statim labra, seu cupas adeat, & in his inclinato capite, naribus spiritum attrahat, illico sulphuris odor se offeret, ac si supra carbones accensos sulphur esset injectum. Si quis autem, antequam probet, cujus odoris sint aquæ, præter labra, aut lutum deambulet, non ita facile sulphuris odorem, aut bituminis percipiet; quia, ut inquit Aristoteles: Omne sensorium debet esse denudatum ab omni qualitate sensibili. Sapor aquarum sulphurearum, exigui est ponderis, si comitem ejus odorem non habeat; Neque enim illi datum est à natura, ut gustu quemadmodum odore, ceteris prævaleret: quod si bibendo aliquid de sulphure percipitur, hoc magis est ex odoratu, ad quem bi-
bendo

bendo penetrat odor, quam ex gustu. Cum igitur de substantia sulphuris nihil aquis invehatur, eo quod ut vitriolum, alumen, aut nitrum in eis non dissolvatur; sufficit ut odore, quo maxime ceteris prævalet agnoscatur. Præter hæc habemus ea quæ ab ejusmodi aquis efficiuntur; nam quæ sulphureis tribuuntur, ita eis conveniunt, ut parum hac in re periti, de his sententiam ferre possint. Bitumen, licet longe minore quantitate, sulphuris comes est, simul enim ut plurimum inveniuntur, tanquam ejusdem naturæ; unde naphtha, modo sulphur liquidum, modo bitumen liquidum, à quibusdam vocatur. Ejus odor maxime percipitur in cupa, quæ inter tres media est: Multoties enim caput inclinans in eam, nihil sentiebam nisi odorem molestum, & bituminosum; nam hæc cupa non habebat superficiem albam, quæ aqua non attingitur sicut aliæ duæ, præcipue infima, quæ tota circumalbescit, ita ut diceret, primo aspectu, alicujus mineralis esse substantiam, qualis nitri, aluminis, aut salis alicujus mineralis: Sed quadam ejus portione avulsa, gustanti nullius erat saporis, nec carbonibus injecta crepitabat ut sal, nec ignem concipiebat ut nitrum, nec ebulliebat ut alumen, nec aliquid edebat quod minerale redoleret; unde vitiosi ligni mucorem esse arbitratus sum. Nitrum, seu potius qualitatem quamdam nitrosam, aquis Barbotanensibus inesse, fatendum est; dico qualitatem non autem ipsum nitrum: quia cum aquas vocamus nitrosas; non est ideo credendum, verum in eis esse nitrum, quod hodie non amplius invenitur. Nam aquæ Encautianæ, quæ communi consensu, valde nitrosæ putantur, viribus tantum nitri sunt præditæ, nec quidquam de eo in ipsis invenitur, etiam ex scriptoris relatione. Quarundam plantarum succus, nitrosus appellatur, imponiturque de eo aliquando in enematis, ut ejus nitrositate, ajunt, natura excitetur ad excretionem; nitrum nihilominus verum non habet. Quare sufficit aquis, ut nitrosæ dicantur, nitri quasdam vires habere, à quocumque hoc minerali accidat: Eodemque modo philosophandum de aquis nitrosis, ut supra diximus de vitriolatis. Quapropter licet nitrum in Aquis Barbotanensibus non inveniatur, non minus propterea nitrosæ censendæ sunt, cum ventrem ducant; quadam enim nitrositate

purgant aquæ, & quo magis ventrem movent, eo magis nitrosæ dicuntur; sicut quæ urinas potenter movent, multum vitriolatæ æstimantur. Quod si ab effectibus, de aquis judicandum est, cum nulla alicujus mineralis signa se produnt, sive odore, sive gustu, sive substantiæ portione; cum Aquæ Barbotanenses urinas ducant, jure merito dici possunt, vim aliquam vitriolatis similem habere, licet multis aliis infirmiorum; quidam per secessum non purgantur, multum tamen per urinas, ut affirmabant; aliis vero venter subducebatur, ex eorum relatione, ac si potassent de aquis Encautianis. Ex his constat Aquas Barbotanenses, esse præcipue sulphureas, deinde bituminosas, & virtutem quandam nitrosam, cum quadam vitriolata, ipsis inesse, quæ neque ex nitro, neque ex vitriolo pendunt, ut supra diximus, sed ex varia salium natura, quibus sinus terræ feracissimus est. Ego quidem fide mea possum asserere, spacio trium, & quatuor dierum, occupatum in aqua destillanda, neque vitriolum, neque nitrum, nec quidquam aliud quod minerale redoleret; nec aqua ex magna quantitate, in parvam redacta, ullum saporem habuisse neque odorem etiam sulphuris, sed similem extitisse aquæ fontis simili modo consumptæ: Verum quidem est ex fundo cupæ inferioris, avulsa arena è loco, ubi erant aquarum scaturigines, me invenisse per medium, lapillos quosdam vitrioli cyprii colore non absimiles; qui quidem color pedetentim evanuit, albis remanentibus lapillis tanquam creta: In qua re considerata parum immoratus sum, gustando, & super carbones imponendo, sicut & alios lapillos rubros, & subrufo; sed cum essent insipidi, nec fumum, nec crepitum in igne emitterent, nec liquarentur, nullius apud me fuere momenti, aliud non habent fundamentum, nisi colorem illum fugacem. Nam cum quis persuadere nititur, mineralem quamdam aquam esse, vel nitrosam, vel vitriolatam, vel sulphuream, vel alterius alicujus mineralis qualitate imbutam, ut probabile judicium afferat audientibus se, oportet locupletes habere testes, saltem unum qui tanquam primum mobile, alios approbari faciat: Tanta est enim rerum sympathia, non solum in coloribus, sed & in aliis qualitatibus; ut si quis uni infirmo signo credat, periculum est,

est, ne arrogantis, aut imprudentis ignorantiae infimuletur. Ideo prætermittam, quod inconsiderate à quibusdam asseritur, has aquas vitrioli adstrictione famem excitare, cum nullus sapor astringens percipiatur in aquis; deinde quod virtus astringens vitrioli sit in ejus phlegmate, quod maxime vomitorium est; adde quod multi affirmaverint mihi, se in egressu luti, stomachum languidum persensisse, & debilem; propter, ut opinor, sulphuris, & bituminis vim emollientem. Idem dicendum de his, qui aliquid de auro aquis inesse credunt, eo quod argenti signati monetæ, in luto demersæ flavescant, & quod multis in locis juxta ripam, aquæ quasi deauratæ conspiciantur. Si ex his, hoc verum esset, quantum auri liquati efflueret ex fontibus, non esset in Indiam proficiscendum; cum nullus sit cavus licet parvus, nec ripa juxta fontes, & lutum, nec per rivulos, in quibus color ille pseudoaureus non appareat: color quidem sed re ipsa nihil. Dii immortales! quam rudes & imperiti, talia sibi imponentes: Nesciunt ex sulphure monetam argenteam infici, & aquam pluviam è fimo effluentem, tali colore sæpissime esse tinctam, propter oleum materiæ putrescentis. Sic aquæ minerales, propter sulphuris, & bituminis materiam quamdam pinguem, & oleosam colorem aureum in ripis, & alibi repræsentant. Ego quidem risi sæpissime, multos audiens, etiam Medicos, de aquis mineralibus differentes, qui temere, & pro arbitrio, sibi fingeant, aliisque imponebant, aquas per varia mineralia defluere, eorumque quamplurimis viribus esse imbutas; quasi in aperto viderent omnia. Itane vero de rebus abstrusis judicandum. Cunctæ res difficiles, inquit Sapiens, non potest eas homo explicare sermone. Quod spectat ad aquas minerales, certius judicium debet sumi, ut jam supra diximus, ex his quæ ab ipsis efficiuntur, nisi in sulphureis, quæ satis odore innorescunt: Tanta est enim in visceribus terræ, mineralibus & metallis conficiendis, præparata, & præparanda materia, quæ aquis vires impertit, ut impossibile sit eam dijudicare, nisi eo modo quo supra diximus; virtutis præcipue in corporibus nostris productæ consideratione, cum alia deficiunt, aut ex simul junctis cognitione ducta. Si quis autem temere aliquid proferat, res-

Ecclesiast.
cap. I.

pondendum secundum commune juris effatum, quod, de iis quæ non apparent, & quæ non sunt, idem.

CAPUT VIII.

De morbis,
quibus cu-
randis, A-
quæ Barbo-
tanenses
sunt idoneæ

POËtæ, sub fabularum specie, veritatem includentes, afferunt curiositatem imprudentis, & incautæ illius Pandoræ, omnium malorum, quibus hominum genus est obnoxium, causam extitisse; ita ut omnium animalium in fortunatissimum fuisset, si divinæ artis suæ inventione, huic calamitati levamentum non attulisset Apollo; unde apud Poëtam de se ipso loquens, ait.

Ovid. lib. 1.
Metam.

*Inventum Medicina meum est, opiferque per orbem
Dicor, & herbarum subjecta potentia nobis.*

Sed ut ad veram mythologiam veniamus, Deus ille maximus, & optimus, non solum voluit ut terra, mediante solis influxu plantas, & alia infinita produceret, sed ut in aquis, etiam recuperandæ valetudinis necessaria invenirentur, ut patet in agro Barbotanensi, & in aliis quamplurimis locis, in quibus elementum aquæ, vim fossilium sibi vindicans, præcipue in luto Barbotanensi, mirabilia operatur: quem locum sine infimulatione vitii, cui Sicilianos obnoxios esse scribit Q. Curtius, aliis præstare, jure merito affirmaverim, propter singularia quædam; sive ratione luti, in quo totum corpus immergi potest, cum opus fuerit, quod in quamplurimis balneis negatur, sive propter labra idonea, ad lavandum corpus è luto emergens, sine aquæ translatione, ad eam calefaciendam, ut fit in quibusdam locis, sive ratione caloris luti, balnei, qui satis est moderatus, quod in balneis optandum. Nam ut ait Galenus: Balnea iusto calidiora, horrere corpus, contrahique exiles eorum matus cogunt; ita ut neque madescere, ab extrinsecus accedente humore possint, neque excrementi, quod intus latet, quidquam emittere: quia balnea admodum calida, simul, & cum impetu humores crudos agitant, aut qui acrimonia quadam præditi sunt, quod causa horroris est, & pororum constrictionis, ut ipse alio loco scribit. Quapropter balnea Barbotanensia, & ipsum lutum, calore satis moderato prædita,

Lib. 3. de
tuen. vale.
cap. 1.

dita, pedetentim meatus aperiunt, sensimque humores liquando, per poros evacuant, præter vim peculiarem quam habet lutum; unde quamplurimis morbis idonea sunt hæc balnea, ut arthritidi, & aliis juncturarum affectibus, causam præcipue habentibus frigidam, quibus ita prodesse vidimus, ut lutum translatum, licet de viribus amittat, magno doloribus arthriticis fuerit levamento super impositum. Non minorem vim habet lutum, pro iis quibus juncturae, vel annorum serie, vel alia de causa induratae, difficulter movebantur. Quoad primum, vidimus hominem septuagenarium gradus difficile ascendentem, & descendentem, qui tibiæ articulationes, velut in juventute restitutas, mihi asseribat. Pro secundo vero, exempla ita sunt numerosa eorum, qui ex longinquo venerunt equos conscendere non valentes, aut quampiam corporis partem movere, ex vulneribus acceptis; vel ex aliis casibus adversis, qui mirabilem vim luti senserunt, adeo est efficax in tendonibus, & partibus nervosis emolliendis, roborandis. Quod si quis propter vetus malum aut affectus magnitudinem, non omnino sanus evaserit; levatur tamen affectio, & flexibiliora fiunt membra: Non minores sunt ejus vires in spasmo curando: Potest etiam adhiberi membrorum tremori, verum & paralyfi, licet in hac à quibusdam non probetur, eo quod lutum hujus balnei emolliat: Sed inscitiae accusandi sunt: Paralysis enim, ut diximus, non est membri mollities, nisi per accidens, defectu scilicet spirituum, quibus partes firmantur: Ideo lutum prodest paralyticis, humorem siccando, & vias aperiendo, per quas fertur animalis spiritus ad partem paralyticam. Hac ipsa exsiccatione, prodest lutum mulieribus, quæ facile abortum patiuntur, propter causam ab Hippocrate allatam, apho. 45. sect. 7. Idoneum est etiam lutum mulieribus viro junctis, quæ non concipiunt, propter rationem aphori. Quæ frigidos, & densos locos habent, utero non concipiunt: Et quæ præhumidos habent gravidari nequeunt: Hæc enim balnea, sed præcipue lutum, partes calefaciunt, & humiditates superfluas, impediens conceptionem absumunt. Qui calculo in renibus laborant, his Aquis omnibus modis uti possunt, & potu, & balneo, & luto, multi enim ad hoc probant balnea sulphurea, imperant-
 que

Lib. I. cap.
 5. de para.

que pannos in aquam immisos superponere, sed in balneis luto utendum est. Qui vero ulceribus laborant in renibus, potus aquarum tantum convenit, balneum enim noceret, humores agitando, & partem affectam calefaciendo, quæ incallescens humores superfluos attraheret. Quosdam temperamento melancholicos, ab obstructionibus splenicis putatis curatos esse nobis compertum fuit: quales autem sint isti splenitici in quibus durities etiam aliqua, in regione visceris percipiebatur; vide lib. 3. cap. 2. de splenit. Febribus intermittentibus laborantes, non parum emolumenti percipient à balneo, in declinatione febris administrato: Hoc autem Galeni autoritate. Porro autem, inquit, balneum in remissione febris administratum corpore jam mediocriter transpirante, non exiguum commodum affert, omnia ex eo, tum fuliginosa excrementa, tum humida educens. Non solum autem his omnibus conveniunt balnea, sed etiam quamplurimis aliis morbis frigidis, ut hydropi, qui ex intemperie calida alicujus visceris non processit: colicis doloribus à flatu; & à pituita vitrea, & ab omni intestinorum refrigeratione. Difficultati spirandi sine febre, à phlegmate pulmones gravante. Doloribus in quavis parte existentibus, etiam cum febre, luto in modum cataplasmatidis calide superposito. Tumoribus aquosis, flatulentis, oedematosis, & ex morbi Neapolitani reliquiis. Non omittendum aquam balnei multum profuturam, doloribus capitis inveteratis, fatuitati, & memoriæ labenti, si eo modo quis utatur, ut docet Matthiolus, loquens de balneis patriæ suæ, supponendo scilicet caput fonti, vel vasi, dum locus non est idoneus, aqua fontis accepta, calido, capitis partem dolentem, aut totum caput, dum opus est, irrorando ex bipedali altitudine, per semihoræ spatium, mane, & sero, ante pastum, quinque aut sex diebus continuis: quod si quis, ex hoc remedii genere, male habuisse circa montes Pyreneos mihi relatum fuerit, existimandum est, jam antea in capite mortem conceptam habuisse. Adde quod Medicina interdicit topicis, nisi prius adhibita sint universalia. Hoc remedii genus ita administratum, Neoterici vocant, *Douche*. Possem hic quamplurimos alios describere affectus, quibus curandis hæ thermæ sunt idoneæ: Sed

ex his quæ supra enumerata sunt, facilis erit cognitio reliquorum.

C A P. IX.

Licet in morborum curatione, primum, & præcipuum sit, idoneum invenire remedium, postquam præcessit eorum cognitio: nihilominus parum hoc conferret, si modus utendi nesciatur. Nam, ut inquiunt Medici, tria sunt quibus ars tota medendi constituitur, remedii genus, quantitas, & utendi modus. Non sufficit ideo scire, quibus morbis balnea sint idonea; sed & quomodo his utendum, ne quemadmodum accidit quamplurimis, id etiam nobis eveniat, qui sine ulla corporis præparatione balneis utentes, magis incommodi ab eis percipiunt, quam emolumenti; quia, ut ait Fernelius: Balneum crassiores humores quos non discussit, colliquat, & tanta vi concitat, ut in alias plerumque partes jactati confluant: Qui fit ut balnea calida, periculosa sint corporibus plethoricis, & pravis succis abundantibus, nec non gravi aliquo morbo laborantibus, præcipue si viscus aliquod sit vitiatum, aut valde debile factum, eo quod, ut ait idem Fernelius, liquatus humor in partem languidam decumbens, in phlegmonis discrimen adducit. Quapropter antequam quis adeat balnea, consulat prius Medicum suum, ut omnibus recte præmissis, speratam à balneis accipiat utilitatem: Nam licet ejusmodi affectibus supradictis quispiam non laboret; permulta quæ veniunt consideranda, ante balnei usum si ab ægrotis ignorantur, portionem quamdam humoris crudi, in primis viis hæerere sæpe contingit, quæ calore balnei, cujus proprium est; à centro ad superficiem attrahere, per totum corpus raperetur; unde graves interdum morbi oriuntur. Quare semper ante balnei usum præparanda sunt corpora venæ sectione, si opus fuerit, & purgantibus, quorum vis ad secundam saltem regionem pervenire possit: Postea vero: morbi tempore, ætate, & anni tempestate permittentibus, intrepide lutum ingredi fas est, vel aquas perpotare; quod semper usum balnei præcedere debet, cum utroque præsidio utendum est, de quibus

De modo
utendi luto,
& Aquis Bar-
botanensi-
bus.

bus nunc mihi est sermo futurus, præcipue de luto, quo Balnea Barbotanenſia præcipue commendantur. Qui igitur venit, propter aliquam infirmitatem lutum ingreſſurus, prout ex itinere ſit fatigatus, & ex longinquo venerit, unius diei ſpatio quieſcat, aut ſaltem reliquo die: Poſtmodum eligens diem idoneum, ſine tempeſtate, & pluviis, ſurgat prima luce parum deambulando, ut calor partium interiorum excitetur, qui vim luti efficaciorem reddet, & ut natura ſe accingat ad veſicæ, & ventris præcipue exonerationem, qua deſiciente, enemata ſunt injicienda, antequam quis ſe in lutum demergat, quod debet fieri oriente ſole, aut tardius, ſecundum anni & diei conſtitutionem, jejunoque ventriculo. Nam accidit interdum, ſi quis citius quam par eſt, ſe mane in lutum demittat, ut ſuperior ejus pars, antelucano frigore refrigerata pectori non parum noceat, cogatque ex luto exire, hoc autem præcipue menſe Octobri, quod maxime cavendum eſt, ne bonum vertatur in peſſimum. Quanto autem tempore ſit immorandum in luto, cum quis in illud ſe demerſit: Pro his qui non coguntur totum corpus immittere; tempus, eorum voluntati præſinendum relinquo, monentes eos ut caveant à ſole, & quod vapor aquarum mineralium, inter res ſanas non habetur: Pro his vero, quos oportet totum corpus in lutum demittere, propter affectus quibus partes ſuperiores detinentur; ſi Oribafio credere velint, debent numerum dierum præſinire, ex vicibus quot in lutum ſunt ingreſſuri, morantes prima vice in luto, v. g. per ſemihoram, ſecunda per horam, paulatim procedendo uſque ad duas horas, & finiendo ut inceptum eſt. In aquis enim, ait, à principio diu immorari, non eſt utile, neque etiam frugiferum, ad finem uſque permanere, eodem temporis ſpatio, propterea quod confert, & incipere ab hoc præſidio, & deſinere convenienter rationi; quo etiam modo exercitationibus utimur & abſtinemus. Ego quidem conſulerem aliquo modo hæc obſervanda; ut ſcilicet, cum quis per ſex dies continuos, ſe in lutum demergere cupit, immoretur prima vice, per horæ circiter ſpatium; ſecunda, per horam & dimidiam; tertia, per duas horas, eodem poſtea modo deſinens ut incepit. At hæc non obſervantur, imo quidam prima die immorantur in luto

In collect. ex
Herodo. de
aqu. ſpon.
naſcenti.

luto per tres horas, & amplius, ut cuidam saltatori solitum erat, qui horas quinque, & sex insumebat, manens in luto, ut agiliori tripudiationi flexibilia haberet membra: quod nullo modo probandum, non solum propter aquæ exhalationem, quæ prodesse non potest: sed multo magis, quod longior mora in balneis calidis, in syncopes discrimen adducit, perspiratione aëris frigidi, quæ arteriarum diastole attrahitur impedita. In balneis, inquit Galenus, diutius versantes exolvimur, ac tandem morimur; idque non ob evacuatum ex toto corpore spiritum, sed quod perspiratio, tam quæ per universum corpus, quam quæ per os fit offendatur, calidum spiritum attrahens. Unde accidit, quod in locis, in quibus thermæ plus justo sunt calidiores, non possumus in eis diutius immorari sine periculo; quapropter statim atque sudor in fronte percipitur, aut angor enascitur, egrediendum, alioquin syncope accideret, & periculum vitæ. Quod etiam si in thermis Barbotanensibus, hoc parum timeatur, propter moderatum earum calorem, nisi forte in corpore valde debili, posset tamen longa mora, illud efficere in robustis: ideo qui in lutum ingrediuntur, eo modo se gerant ut ex Oribasio supra scripsimus: sic enim paulatim assuescentes, vires suas quisque agnoscat, & postera die, quantum temporis in luto sit immorandum, eum docere non oportebit; neque fortasse, his observatis, conqueretur de stomachi languore, in exitu ex luto, quod fere accidit ex longa mora in ipso, iis præcipue qui à natura imbecilles sunt stomacho, ut sunt, teste Celso, magna pars urbanorum, & omnes fere literarum studiosi. Sed ut hoc præcaveatur, unguendus est stomachus oleo de nuce moschata, in ingressu, & exitu è luto, à quo non tantum propter urbanitatem, sed multo magis ne corpus refrigeretur, præcipue cum à ventis perflatur locus, à luto ad cupas; tunc enim corpore sindone involuto, eundem ad lavandum, & à luto detergendum in cupis, deinde in lectum se recipere, ut sudor effluat, eoque die bonum est continere se intra cubiculum, inclementi præcipue existente cælo. Nam toto die quo in lutum ingressi sumus, & sudor provocatus est, cutis meatus aperti sunt; ita ut vel minimum frigus incautos occupet, unde tussés, fluxiones, lateris dolores, &

interdum febris ex constipatione pororum. Absterfis sudoribus, forbendum iusculum, manendum in quiete, expectando prandium quod sumi debet hora elapsa, aut paulo tardius, prout inclinata est dies, in quo scilicet prandio, nihil adhibendum nisi quæ facilis sunt digestionis, ut vitetur cruditas, quæ balneis utentibus valde noxia est: ideo fugiendi sunt fructus crudi, iisque præcipue quos horarios vocant, quia non multo tempore servantur, facilisque sunt corruptionis. Caseus interdicatur, præsertim vetus, & qui pinguis vocatur ex Arvernia allatus, eo quod humores gignant glutinosos. Caro boum, anserum, leporum, difficilis est coctionis, etiam anserculorum, sicut & avium in aquis degentium; modicum tamen de his gustare non interdicimus: Omnium tamen, qualiscumque generis obsoniorum, satietas vitanda, præcipue in cœna. Post prandium, lætis confabulationibus, per horam tempus terendum, à qua si quis parum dormire velit super cathedram, vel scamnum, permittitur, præcipue assuetis, aut foliis lusoriis tædium levet, non multum tamen pecuniæ perdendæ exponat, quod est carnicina. Si quis circa horam quartam post meridiem, ut quidam faciunt, aut quintam, cum inclinatio diei in vespertum longa est, ut mense Junio, iterum velit in lutum ingredi, si vires ferant, non peccabit, dummodo frugaliter prandeat, nihilque postea comedat: Debiles vero hoc interdicatur: Melius enim est domo egredienti, per portam exire, quam per fenestram se demittere, licet via sit brevior. Nunc satis superque loquutus, de his quæ ante balnei ingressum, & post egressum sunt observanda, tempus est ut in gratiam eorum, qui interdum de aquis bibere cupiunt, aliquid dicamus de potu earum: qui quidem potus, cum utroque præsidio utendum est, debet usum balnei anteire, quia corporis præparationi, ad suscipiendum balneum, inservit. Quibus igitur erit in animo bibere, tria observari oportet quæ supra diximus de balneo, seu luto differentes; quiescere scilicet in adventu; parum deambulare ante primam aquæ potionem, ut eadem utilitas, quæ dicta est de balneo, percipiatur: Super autem omnia, viæ aquis sunt expediendæ medicamento purgante, ut facilior sit earum transitus: quod si hoc requiritur in aquis, quæ validiores sunt aquis Barbotanibus,

sibus; quanto magis necessaria erit purgatio, ante earum potionem, cum in multis purgandi virtus debilis existat, licet idem non sit de diuretica; qui enim in luto demersi sunt, vim ejus etiam percipiunt, in frequenti mictione. De quantitate autem aquæ quolibet mane sumenda, & quo modo, eadem omnibus ratio præscribi non potest, cum hoc ex viribus aquarum, & natura bibentium, sit desumendum: quædam enim aquæ in quibusdam cito per transeunt, & ventrem ducunt, aut urinas, pro ratione aquæ potatæ, aliis difficile, fereque omnes retinentur: quidam magnam aquæ quantitatem exhauriunt sine incommodo, alii vero nequaquam, easque evomunt. Non est igitur se gerendum in potu aquarum, quemadmodum illi quos arguit Plinius, qui gloriantur de magna quantitate aquarum ebibita: Vidi, inquit, ita tumefactos à retentis aquis, ut annulorum digiti à carne tegerentur: quapropter non est certandum poculis, cum tantum agitur de aqua potanda, sed pedetentim vires suas quisque experiri debet, ut omnia recte fiant. Antiqua, & ab omnibus hujus regionis recepta potandi ratio, hæc est; ut per totum diei matutinum tribus vicibus aquæ bibantur, incipiendo summo mane prima vice, tantumque aquæ bibendo, quantum stomachus ferre potest sine incommodo. Audivi tamen quosdam alibi, consulentes ut duobus aquæ cyathis epotis, bis, aut ter, aulæ spatium deambulatione conficiatur, deinde tantumdem bibatur, & ita deinceps, quousque succedat expectata excretio, per ventrem aut per urinas: quod nunquam probare, potuit mihi venire in mentem. Si quis enim trabem, cum duobus tantum hominibus è loco dimovere contenderet, etiam si per plures dies eos adhiberet, nihil proficeret: Sed si tantum semel sufficientem numerum, onerique movendo pares adhiberet, eorum labor incassum non foret. Sic in potandis aquis mineralibus, tantum aquæ hauriendum una vice, quantum sufficit ut venter, aut urinae pro ratione moveantur, & stomachus ferre possit sine incommodo. Ego quidem, iis qui nunquam aquis usi sunt, soleo imperare, ut quatuor plenos cyathos ebibant prima vice, & postea deambulando, naturam excitent ut adsit aquis: Cum enim helleborum citare voles, inquit Hippocrates, move corpus: Ideo aquis mineralibus, qualibet vice epotis, imperantur deam-

Aphor. 4.
sect. 15.

bulationes, quæ quidem alacres, & expeditæ esse debent, dummodo sudor non moveatur. Post semihoræ spatium à primo aquarum haustu, si stomachus sine labore, aquam epotam pertulerit, ex quatuor aquæ cyathis, prima vice sumptis, ad sex usque dosim augere oportet in secunda potatione, deinde iterum ad deambulationes se conferre per horæ spatium, qua elapsa, ad tertiam aquarum potationem veniendum, quæ octo cyathis, decem, & amplius constare debet, prout stomachus se gessit in primis potationibus, eaque dosi standum aliis diebus, in qua venter perbelle dejicit, aut vesica, tantum aquæ dejiciens, aut meiens, quantum de ea epotum est, aut circiter. Qui vero aquis potandis quolibet anno sunt assueti, tanta cautione non indigent: sed eo modo se gerant, ut præcedentibus annis eos experientia edocuit, in omnibus bene processisse. Tertiæ potationis aquarum actione perfecta, quæ hora decima compleri debet, propter solis ardores, cum mense Maio, vel Junio aquæ potantur, jusculum sorbendum, ut mos est, & post horam aut circiter prandendum. Quod si à prandio venter non sit inflatus, percipiatque ægrotus viscera, ac si aquas non bibisset, res ejus non male se habent, etiam si dejectiones, aut urinarum excretio, votis non omnino responderint, posteraque die pergendum in potu ut antea. Si autem tertia die potatis aquis, major earum quantitas intra corpus subsisteret, abstinendum est omnino à potu, sumendo postera die hydragogum validum, ut aquæ passim stagnantes penitus educantur. Si quis autem peteret à me, ex quo labri fonte, ex tribus, aqua potanda sit; licet quidam ex uno fonte, alii ex altero bibant; sitque aqua in omnibus ejusdem virtutis: Eligerem tamen fontem labri, seu cupæ inferioris; quia ex tribus quas ego vidi, melius erat concinnata: Præterea quod in ea, singularia quædam invenerim, ut habetur cap. 7. Adde quod ejus aqua non sit tepida, ut illa quæ fluit ex superiori cupâ; ideo stomacho magis amica, tepida enim ipsum debilitant, & cient vomitum. Quapropter, cum è longinquo aquas pro ægrotis advehendas curamus, calefaciendas jubemus ante potum, in lagenis in cacabum aqua calida plenum demersis, licet aquæ in proprio fonte non sint calidæ, calide tamen potæ, & stomacho magis placere, & melius ventrem subducere experientia

novimus, ad quod etiam juvat tantillum salis in scyphis injicere, dum aqua bibitur; licet aquæ falsæ ventrem potius astringant ex Hippocratis, & Galeni testimonio, quibus astipulatur experientia: Quod quidem verum est, sicut & de sale, per se sumptis; non autem de modico salis cum purgantibus admixto: Quare autem hoc, & cur Mesue, inter purgantia quasdam salis species recensuerit, vide Pharmaciam nostram theoricam. Quod si bibendo vomitus accidat, non est cohibendus omnino, sed statim à vomitu, tantum aquæ iterum bibendum est, quantum vomitu rejectum: Dictum enim fuit mihi, hominem quemdam, potata aqua cupæ inferioris, tria frustula vomuisse, foricibus non absimilia. Oportet jam, ne quidpiam in hoc capitulo desideretur, ut in tribus satisfaciam eis, qui balneo, seu luto utuntur. Primum an liceat ante ingressum in lutum, cibum capere; quibus respondemus, non licere, si totum corpus in illud sit demittendum: Nemo enim Medicorum ignorat, cibum semicoctum, calore luti ad intestina raptum iri, citiusque quam par est, ejus simul distributione facta, cruditates gigni, & obstructions; liceret tamen debilibus forbere jusculum. Qui vero partibus inferioribus tantum ægrotant, ut pede, tibia, genu, qui totum corpus in lutum immergere, si velint, non coguntur, si dies esset provecta, parum jentare non interdicerem. Secundum est, an somnus noceat ipso die, quo quis est lutum ingressus; sive statim à cupæ egressu, sive post prandium. Quoad primum, tantum abest ut noceat, quin profuturum existimandum est. Nihil enim, inquit Galenus, æque concoquit, aut malos succos discutit, ut somnus à balneo. Pro secundo dicendum est, quod si post horam à prandio somnus urgeat, præcipue dormire solitos; non esse contra præcepta sanitatis, per semihoram, aut horam integram, somnum capere: Non quidem in lecto, quia somnus sit nimis profundus, & plus quam par est producit; sed supra scamnum, aut cubito innixus supra cathedram sedens, etiam si hora esset meridiana, dummodo somnus capiatur longe à pastu: Neque enim ad litteram accipiendum est, somnum fuge meridianum. Ad tertium & ultimum, utrum melius sit sudare ante ingressum in lutum, an post egressum, & luto absterfo in cupa lavatoria. Respon-

Lib. 5.
cap. 39. de
sal.

Lib. 4. de
sanit. tuen.

de-

demus hoc petentibus, tempus sudandi magis idoneum, esse in egressu cupæ, post luti absterfionem; quia corpus tunc temporis est ad hoc omnino paratum, calore luti, & aquæ, apertis cutis meatibus: Si autem sudor ante balneum moveretur, subtilibus humoribus sudando vacuatis, non tam facile calore luti crassiores dissolverentur.

CAPUT X.

Quæ sit anni
tempestas
magis idonea
thermis
adeundis.

ANtiqua in quibusdam rebus agendis consuetudo, tantum potest, etiam apud homines eruditos, ut & ipsi vulgi opinione ducantur, quamvis infirmis nitatur rationibus: Unde existimo quosdam Medicos hujus regionis, sequentes sine delectu communem assensum, affirmasse tempus magis idoneum thermis, & aquis mineralibus utendis, esse mense Septembri, potius quam verno tempore, eosque qui hoc tempore utebantur, non tantum percipere emolumentum, quemadmodum autumnii principio; post scilicet festum Nativitatis Beatæ Mariæ, à quo post sex, aut octo dies dat Arcturi exortus, autumnii principium. Hoc autem asserunt, quia vere aquæ pluviae, in hac regione, & nivis liquatæ, juxta montes Pyreneos, aquis mineralibus immistæ, eorum vim infrangebant. Sed falluntur apertissime; nam si hoc esset, hi fontes, hoc tempore, abundantius fluere: nihilominus sive hiberno tempore, sive verno, sive æstivo, eodem semper modo fluere animadverti. Quod dilucide ostendit, fontes istos ducere aquas ex profundo, quæ liquatæ nives, & pluviae non perveniunt; cum etiam ex ipso Seneca, terra non madeat altius ab ejusmodi aquis, bipedali mensura. Pervulgata quoque apud fere omnes sententia, licet Aristoteli contraria, affirmat fontes aquæ vivæ, & perennes, ex mari aquas accipere: Hoc asserunt Sancti Patres, & fere omnes Philosophi, naturæque arcana indagantes; hoc autem ex Sapiente, dum ait: Omnia flumina intrant in mare, & mare non redundat; ad locum unde exeunt flumina revertuntur, ut iterum fluant. Quod optime Plinius agnovit, dum lib. 2. hist. natur. cap. 56. loquitur de aquæ rotunditate, & quomodo possit ad excelsiorum montium cacumen pervenire. Seneca fuisse

Lib. 3. quæst.
nat.

Ecclesiast.
cap. 1.

se ante illum, hac de re scripserat, aitque neminem magnopere laboraturum, in perscrutando unde tot flumina, & fontes perenniter fluentes suas aquas accipiant, si consideremus, aquarum esse unum ex quatuor elementis; & ideo quartam partem rerum sublunarium, cujus comparatione, omnes aquæ quæ in terra sunt, aut superfluunt, nihil sunt. Non tamen propterea dicendum est, nullos esse fontes ab aquis pluviarum; sed non semper eodem modo fluunt, & si valde sicca sit tempestas, arescunt; quod non accidit fontibus aquarum mineralium. Licet etiam aquæ pluriæ his se aquis interdum immisceant, hoc est tantum in superficie, & cito foras profilit, continua ejusmodi fontium, scaturiginis aquam suppeditantis diuturnitate. Quod si hoc locum habeat in fontibus aquarum mineralium, locorum qui in radice montium Pyreneorum sunt positi, ubi pluriæ sunt valde frequentes, & nivis diuturnitas, quanto minus Aquæ Barbotanenses, his missionibus erunt obnoxie, cum illic pluriæ non sint ita frequentes, ut in horum montium confiniis, nec interdum, in quibusdam annis, terræ facies nive cooperiatur? Verum quidem est lutum, continuo aquæ resilientes effluxu, ex scaturiginibus quæ in ipsius fundo existunt, non tam facile ut alii fontes, posse in pristinum statum reduci, propter luti impedimentum, & quod sit aperto, excipiendis pluriis paratum: Verum si tectum esset, & fossis munitum ad derivandas pluviarum aquas; postera die à pluriis, non abstinere ab ingressu in lutum, cessante pluvia; licet autem pluriæ, cum diurnæ sunt, sint considerandæ, quocumque tempore decidant, sintque semper aquæ minerales, potentioris virtutis sicca tempestate quam pluviosa; propterea tamen non existimandum est, ver esse autumno minus idoneum, pro usu aquarum mineralium; nam & ratione sui, & ratione nostri, longe præstat autumno. Primo quidem aquæ, veris tempore, sunt potentioris virtutis, quod præter rationes afferendas, confirmatur ab Oribasio qui scribens de tempore, quo aquis mineralibus utendum est, ait: Atque illud quidem tempus, loquens de hyeme, aquarum vires firmat. Quod si hyems, propter frigus, terræ superficiem condensando, calidos vapores retinet in ejus visceribus, quibus vires aquarum firmanur: Nunquid

Hhhh

di-

Lib. 10. col.
lect. cap. 5.

dicendum æstate debilitari, evanescentibus calidis vaporibus æstivo calore attractis, & terræ superficie rarefacta; unde viscera terræ incalescunt hyeme; & frigent æstate: Ideo dicendum est, autumnum aquas non excipere tam potentibus viribus imbutas, quemadmodum ver excipit; quod etiam respectu nostri, magis est idoneum aquarum usui, quam autumnus. Nam veris tempore jam fractis frigoribus humores excrementitii per hyemen, & alio tempore geniti, tanquam in latebris, sævitia temporis intus delitescentes, moveri incipiunt; unde hoc tempore fiunt præcipue venæ sectiones, adhibenturque purgantia ad morbos præcavendos, quod non ita consuetum est mense Septembri; quia hoc tempore corpus nostrum ficcius evasit, exhausta caloribus æstivis humiditate, minusque ideo aptum ad calida balnea sustinenda: His de causis, in regionibus calidis, & quibus tempestates, præcipue ver, & æstas, non sunt inconstantes, ut in regione ista, pluviis hoc tempore valde obnoxia, & tonitruis cum grandine; veris tempus eligitur, præcipue mensis Maii; tum bibendis aquis mineralibus; tum balneis administrandis, magis accommodatum. Dicendum igitur vere, & autumnno suam tempestivitatem servantibus, autumnno ver longe præstare, in his auxiliorum generibus administrandis: Necesse tamen urgente, non est ver expectandum, si autumnni tempore morbus hoc postulet, nec veris occasionem prætermittere. Cum autem in hac regione ver ut plurimum sit pluviosum; ita ut raro eligi possit tempus idoneum utendis aquis, & balneis calidis, nisi mense Junio, qui in hac regione pro vere habendus est, ante festum Sancti Joannis: Ideo quamplurimi eligunt potius autumnum; qui sicut & ver non sunt consideranda secundum mensium nomina, sed secundum tempestatis constitutionem; ut scilicet ver sit, cum frigus desinit, & pluviae non fiunt; autumnus vero, cum non amplius urget calor æstivus, quousque pluviae decidant large mense Octobri: Non potest enim certum tempus ad hoc præfiniri; sed secundum anni constitutum, & regionis se gerendum, in quibus ver citius aut tardius accidit.

Laus Deo omnipotenti, Virginiq̃ immaculatæ.

IN-

INDEX RERUM

In hoc opere contentarum.

A.

A bscessus recti intestini miranda curatio. pagina	297
Abscessus post partum factus in hypochondrio à natura feliciter sanatus.	474
Ejus cognitio.	475
Acida bilem temperant.	7
Affectus soporiferi cura.	70
Ano relaxato remedium.	294
Aphonia, & Ecstasis à vermibus, & eorum cura.	496
Apoplexia.	62
Quæ pars in ea afficiatur.	76
Ejus cura.	70
Causa illius.	63
Utrum in ejus cura incisio venarum jugularium tentanda.	72
Arcanum corallini vis, in avertenda podagra.	406
Ardori urinæ mirabile arcanum.	340
Arteriometia valde efficax, in pertinacibus capitis doloribus.	17
Arthritis quid sit.	373
Ejus causa antecedens & conjuncta.	374
Varia de his Authorum sententia.	375
Asthma quid sit.	127
Quotupliciter sumatur.	128
Ejus cura.	135

B.

B ubonis pestiferi attractivum.	529,
Veneriei attractivum.	514

C.

C achexia.	239
Quid sit.	240
Proxima causa.	240
Curatio.	241
Calculus è renibus in vesicam delapsus, posse in ea detineri per plures dies, nullis se signis manifestantem.	500
Caput, pituitæ metropolis.	20
Capite robustis, perennes non fieri fluxiones.	20
Sensus frigoris in capite, fluxionum futurarum signum.	20
Caput, roborans eximium.	32. 410
Capitis dolor, post ptialismum 40. dierum remanens, & nodus in tibia, eorumque curatio.	516
Carbonum vapor interficit.	78
Carbunculi lethales.	504
Curandi modus eos certissimus.	505
Carus quid sit.	63
Quomodo curandus.	74
À lochiis retentis,	510
Catalepsis quid sit.	69
Non est affectus somniferus.	69
Ejus causa.	69
Cataphora, seu coma, quid sit.	62
Cephalæa, & hemisphæria, causam semper aliquam habent in capite.	6
Quotuplex sit. 6. Curatio.	7
Colicus dolor.	245
Ejus differentia ab ileo.	245
Quid sit ileon.	245
Unde dictus.	245
Quare colon facilius aliis intestinis patitur.	246

Differentia inter colicum dolorem & iliacum.	246
Differentia colici doloris, & nephritici.	247
Causæ colici doloris.	248
Signa causerum.	248
Colica notha, seu pîctonica.	247
Cito interficiens.	510
Colici doloris inaudita curatio, ex oxy-crati frigidi enemate.	510
Crisis futuræ dignotio ex capitis dolore	12
Mors	13
Qua finietur excretionē.	13

D.

D Eglutiendi difficultas.	455
Ex pica, & chlorosi neglecta, lethalis.	498
Diætam sudorificam, rheumatismo, & arthritidi convenire.	27. 35. & 408
Diapedesis quid sit, & quas causas habeat.	178
Signa.	181
Diarrhœa quid sit.	271
Unde fiat.	271
Quid in ea considerandum.	271
Diarrhœæ malignæ.	277. 497. 511
Diaurosis quid sit, & quas causas habeat.	179
Signa.	179
Dolor capitis.	1
Quare mulieres huic magis obnoxia.	1
Quibus modis sedetur.	2
Modus procedendi in curatione.	1. & 2
Dolor stomachi.	187
Doloris causa proxima, continui solutio.	189
Quibus modis curetur.	193
Dysenteria quid sit.	282
Signa quibus noscitur quæ intestina afficiantur.	283
Cura.	284
Cura in dysenteria epidemica.	297
Dysuria proprie quid sit.	333

Dysuria stranguriosa.	333
E.	

E Mpyema nothum, seu hydrops pectoris, à lochiis retentis, & lactis repercussione.	480
Epilepsia quid sit.	84
Causa.	85
Species.	85
Unde somnus profundus in ea.	85
Curatio.	91
Spiritus antiepilepticus.	91
Distinctio epilepsiæ à veneficis insidiæ, ab ea quæ fit à causis naturalibus.	89
Exanthematum generationis modus.	521

F.

F Aciei inflatio cum febre acuta, lethalis in duobus juvenibus, prima hebdomada nuptiarum.	512
Febris quartana.	434
Febris intermittentis sedes.	440
Febres continuæ ex intermittentibus factæ, longe aliis periculosiores.	436
Febris quintanæ simplicis, & duplicis observatio.	475
Febris continuæ crisis per gangranam in facie.	477
Fluxio in pulmones cum febre acuta.	143
Distinctio à peripneumonia.	145
Fluxio in genere.	17
Ejus origo.	19
Quorum morborum causa universalis.	19
Possè fieri clanculum, & sine sensu, à capite ad pedes usque.	20
Causas fluxionum tres potissimum esse.	20
Modus generationis fluxionum.	23
Septem requiri in genere, ad fluxionum curationem.	24
Fluxiones à capite venas subire, & in eis sanguinem corrumpere.	376
Gan-	

R E R U M.

G.

G Angrenæ ex crisi.	477
Ex fluxione à capite, facta in ventrem, juxta umbilicum.	477
Gonorrhœæ virulentæ, nova, facilior, & securior methodus curandæ.	512
Gravidarum signa.	348

H.

H Æmorrhoides.	342
Quos morbos avertant recte fluentes.	342
Quos invehant suppressæ.	342
Cura non fluentium.	343
Cura nimium fluentium.	344
Remedium præstantissimum in sedando earum dolore.	345
Hemicrania in febribus, unde.	1. 15
Hiera totum ventrem ab excrementis liberat.	7
Helmontii error circa fluxiones.	18
Hydrops.	220
An fiat solo jecoris vitio.	220
Unde fiat tympanites, & ascites.	222
Unde anasarca.	222
Unde fluxus ventris in eo, sine levamine.	224
Unde ventris siccitas.	225
Curatio.	225
Hydrops pectoris.	480
Hysterica passio.	362

I.

J Ecur præcalidum non esse fluxionum causam; sed potius frigidum.	22
Quid faciat jecur præcalidum, respectu fluxionum.	22
Ileon vide Colicus dolor.	
Ilei à tumore juxta ileon intestinum historia.	496
Proprietas in eo enterorum vervécis,	

in subducenda alvo.	496
Ischias.	422
Quibus differat ab aliis doloribus arthriticis.	423
Curatio.	425
Ischuria quit sit. Observatio de ea memorabilis.	327

L.

L Actis usus in dysenteria.	287
In arthritide.	391
Lapis vesicæ.	331
Ejus signa.	332
Lapidem frangi posse remediis in vesica.	331
Lapis renum. v. Nephritis.	
Lapis in uretere, per plures menses hærentis historia.	328
Laudanum paratu facile, & parvi sumptus.	290
Lethargus quid.	66
Unde dictus.	66
Curatio.	75
Utrum in principio conveniat purgatio.	76
Lethargus vesicatorio capiti admoto sanatus.	509
Lues venerea.	490
Lumborum doloris, à nephritico dignotio.	319
Lumborum dolor cum febre continua, & pessimis aliis symptomatibus, & ejus cura.	471
Lumbis dolentibus, quot sint partes in ea regione consideranda.	316
Lumbrici.	298
Quot genera.	299
Quæ mala invehere soleant.	299
Signa subeuntium.	303
Lumbricorum in febribus epigenesis dignotio.	300. & 301
Curatio.	302
Lumbricis fugandis, & enecandis, plurimum valere mercurium crudum exhibitum.	303

I N D E X

Mercurii dulcis laus contra eos. 301

asthmate, & dyspnœa, nisi secundum magis, & minus. 128

M.

M Agisterium cranii humani.	95
Marasinus cum diarrhœa, non cognitus, à vermibus.	505
Medicus non debet semper fidere relationi ægrotantium, & quare :	3
Menses retenti.	347
Quibus de causis retineantur.	349
Quare fiant mulieribus menstruæ purgationes.	348
Curatio.	349
Menses nimium fluentes.	354
Causæ.	354
Curatio.	355
Mercurii dulcis laus.	301
Quomodo utendum.	302
Morbilli.	454

N.

N ephritici doloris, ab eo qui fit in lumbis dignotio.	319
Nephritici doloris, à colico dignotio.	319
Nephritis quid sit.	316
Quomodo agnoscenda ab aliis doloribus.	317
Quomodo colici dolores magis urgeant, ex Galeno, quam Nephriticis.	319
Cura doloris nephritici.	322
Prophylaxis.	324
Nephritis sine ullo stomachi consensu.	503
Nephritici dolores sine calculo	501.
Nervorum exortus cognitio, necessaria in cura paralysis, & convulsionis.	104

O.

O pisthotoni curatio.	10
Orthopnœa quid. Non distinguui ab	

P.

P aralysis.	102
An sit membri mollities in ea per se.	102
Causæ.	102
Species.	103
Cognitio ex nervorum exortu.	104
Curatio.	108
Paregoricum medicamentum, quid sit.	137
Peripneumonix veræ à notha distinctio.	145
Pituitæ putrefactæ, & puriformi, à vero pure dignotio.	486
Pleuritis.	158
Signa patognomonica.	159
Non esse semper inflammationem.	160
Pleuritis occulta, quid sit.	146
Pleuritis putatus morbus, à vermibus.	493
Podagræ cura aperta.	415
Podicis dolor in dysenteria, & ejus sedatio.	297
Pthisis.	171
Unde nomen.	171
Ejus species.	171
Quomodo fiat.	172
Curatio.	173
Pulvis arthriticus Paracelsi.	105
Pulvis cachecticus.	243

Q.

Q uartana Medicorum opprobrium.	434
Non esse tentandam in principio ejus eradicationem.	435
Quomodo tractanda.	436
Ejus sedes, & aliarum intermittentium.	437
Signa earum focum indicantia.	439
Unde	

R E R U M.

Unde cunctatio, & anticipatio paroxysmorum.	438
Unde reditus.	437
Curatio quartanæ methodica.	447
Sectio salvatellæ pedis in ea.	446
Specifica remedia curandæ quartanæ.	443

R.

R Anunculi vis admirabilis in auferendis capitis doloribus, & aliarum partium.	12. 15
In arthriticis.	420. 425
Rene altero obstructo, alium non esse inutilem, ab exemplis.	469
Respiratio quibus modis lædatur.	127
Dupliciter lædi respirationis organa.	127
Primum respirationis organum esse pulmonem.	128
Rheumatismus quid sit.	427
Unde nomen.	427
Ruere in omnes corporis partes.	228
In quibus ab arthritide differat.	429
Ejus curatio, & quibus differat ab arthritide.	429
Rheumatismus, dolor nephriticus putatus.	495
Robur partibus nobilibus inditum.	20

S.

S anguini sistendo probatum Galeni medicamentum.	71. 72
Sanguinis sputum.	178
A quibus fiat partibus.	178
Quibus modis rejiciatur.	178
Signa ejusque.	179
Remedium probatum ad sanguinis sputum.	182
Cujusque modi curatio.	182
Sanguis quot modis deiciatur.	289
Schneideri error circa fluxiones seu catarhos.	19

Duabus historiis arguitur.	50
Somnus quid.	69
Quotuplex.	69
Soporiferæ affectiones, differre tantum secundum magis & minus.	63
Cerebri substantiam in eis primario affici.	66
Spirandi difficultas quid sit.	127
Quot species.	128
Splenetici qui dicantur.	203
Quomodo tales evadant.	204
Eorum curatio.	208
Stomachi dolor.	187
An ipse, aut vicinæ partes doleant indagatio.	188
Causarum dolorem efficientium signa.	192
Curatio.	195
Sputum sanguinis v. sanguinis sputum.	195
Sputum fervet interdum in gutture non plenum.	171
Stranguria quid sit.	333
Stranguria dysuriosa.	334
Sudorifica.	27. 29
Varia ad sudandum instrumenta.	30. 31
Syrupus magistralis Authoris, de quo passim in hoc opere fit mentio.	218

T.

T Abaci nimia pulveris per nares attractione, mors.	50
Tenesmi remedia.	290
Tumoris pervicacis, febre accedente augescens, & recedentis, causæ cognitio, & curatio.	496

V.

V Ariolæ.	454
Similia quædam habent principia cum morbillis; graviores tamen ceteris paribus.	455
Pessima signa in principio.	455

Tempus eruptionis.	455	Ventris dolor à fluxione, qui propter	492
Dignotio variolarum in exitu à mor-		aborsum, ab utero putabatur, ejus di-	
billis.	456	gnotio, & cura.	491
In processu.	459	Vermes. v. Lumbrici.	
Differentia inter morbillos & rubio-		Morbìa vermibus stupendi curatio.	488
lam.	455	Vescicatorii perpetui utendi modus.	27
Variolas præcipue, & morbillos, An-		Historia de eo ad evitandas fluxiones.	
tiquis fuisse incognita.	455		41
Horum causæ.	457	Ulceribus mentulæ sanandis, egregium	
Ut infans paucas habeat variolas, &		medicamentum.	514
salutares.	462	Ulceris linguam perforantis sanatio.	514
Curatio.	461	Ulceris nasi pinnam, à depasta uvula cor-	
Utrum venæ sectio illis conveniat ante		rodentis curatio.	479
eruptionem.	461	Ulceris post uvulam naso absumpto cu-	478
Ne maculæ appareant in facie.	462	ratio.	
Veneris usus immoderatus, caput im-		Ulceris laryngis cura desperata, modus	
pense debilitat.	21	curandi, ingeniose excogitatus.	515
Historiæ.	511. & 512	Vomica, seu abscessus juxta renem in pe-	
Ventris dolor, certa quadam noctis hora		ritonæo factus. Ulcus renis putatus,	
recurrens; causâ cognita, curata.	42	& falso; unde mors est subsequuta.	506
Ventris dolor pertinax & acutus, qui co-		Uteri præfocatio, seu hysterica passio.	362
lica pîctionica videbatur, & ejus cura.			

